

此土著述(齒)

第 134 冊

一五·一五五七 大方廣佛華嚴經疏鈔會本八〇卷(一六之五至三四之五)

唐于闐國三藏沙門 實叉難陀譯

唐清涼山大華嚴寺沙門 澄觀撰述

(號一—號十、踐一—踐十、土一—土十、會一—會十、盟一—盟十、何一—何五)

卷一六之五(號一)	一	卷一六之六(號二)	一七
卷一七之一(號三)	三四	卷一七之二(號四)	四五
卷一七之三(號五)	五六	卷一七之四(號六)	六八
卷一七之五(號七)	八一	卷一八之一(號八)	一〇四
卷一八之二(號九)	一一七	卷一八之三(號十)	一二八
卷一九之一(踐一)	一四二	卷一九之二(踐二)	一五七
卷一九之三(踐三)	一七一	卷一九之四(踐四)	一八五
卷一九之五(踐五)	一九九	卷一九之六(踐六)	二一七
卷二〇之一(踐七)	二三七	卷二〇之二(踐八)	二五五
卷二〇之三(踐九)	二六八	卷二一之一(踐十)	二八〇
卷二一之一(土一)	二九四	卷二一之三(土二)	三〇七
卷二一之四(土三)	三二二	卷二一之五(土四)	三三六
卷二二之一(土五)	三四八	卷二二之二(土六)	三六六
卷二二之三(土七)	三八一	卷二三之一(土八)	三九八
卷二三之二(土九)	四二二	卷二三之三(土十)	四四三
卷二四之一(會一)	四六〇	卷二四之二(會二)	四八一

卷二五之一(會三)	四九九	卷二五之二(會四)	五一
卷二五之三(會五)	五二五	卷二六之一(會六)	五四五
卷二六之二(會七)	五五九	卷二七之一(會八)	五七六
卷二七之二(會九)	五九九	卷二八之一(會十)	六一五
卷二八之二(盟一)	六三四	卷二九之一(盟二)	六五三
卷二九之二(盟三)	六六八	卷三〇之一(盟四)	六七九
卷三〇之二(盟五)	六九六	卷三一之一(盟六)	七〇九
卷三一之一(盟七)	七二四	卷三二之一(盟八)	七四一
卷三二之二(盟九)	七五四	卷三三(盟十)	七六五
卷三四之一(何一)	七八二	卷三四之二(何二)	七九七
卷三四之三(何三)	八一三	卷三四之四(何四)	八二八
卷三四之五(何五)	八四六		



清刻龍藏佛說法變相圖

大方廣佛華嚴經疏鈔會本第十六之五 疏一

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何爲菩薩修行住

第三修行住

發一

此菩薩以十種行觀一切法何等爲十所謂
觀一切法無常一切法苦一切法空一切法
無我一切法無作一切法無味一切法不如
名一切法無處所一切法離分別一切法無
堅實是爲十

釋中先明自分是護煩惱行後明勝進是
護小乘行前中然此十無常大同三地彼
論具釋引中邊釋已見問明旣文義包含
畧舉一兩論云命行不住總名無常此總
句也然復有二一者念念無常二者一期

無常於何無常依五盛陰逼迫相故苦也
瑜伽三十四云由無常行作意爲先趣入
苦行由苦無所得行趣入空行空故不自
在由不自在趣入無我此四即苦下四行
相也五無作者但緣有故由念念無常故
無造作由皆苦故無有樂味但於下苦中
橫生樂想即一切世間不可樂想以彼空
故萬法無體物無當名之實以無我故無
有處所非在色中乃至識中無分別者觀
能取也無堅實者觀所取也論云下令行
即無常體不
住即無常義經無作下四句從上四句次
第而生由無常成無作由苦成無味由空
成無體由無我成無處後二句雙結離二
取也即一切下即智論第二十六十想之
一也言十想者一無常二苦三無我四食
不淨五一切世間不可樂六死七不淨八
斷九難十盡想問涅槃比丘作無常想佛呵倒惑
云何入住作無常觀答彼但得名不得其

義以無常等該涅槃故故佛呵之今但說
生死故無有失問涅槃下第二依涅槃常
無常對解於中有二先問
答生起哀歎品中三修比丘讚無常等想
中文也比丘白佛言世尊快說無常苦空
無我世尊一切衆跡中象跡爲上是無常
想亦復如是於諸想中最爲第一若有精
勤修習之者能除一切欲界欲愛等又如
秋耕爲勝等又說無我佛便讚其善修無
我比丘答言我等不但修無我想亦更修
習其餘諸想謂苦想無常想無我想略不
說空故云三修又引醉人喻下取意引譬
如醉人見日月轉衆生亦爾無常計常佛
言向引醉人但知其文未知其義謂醉人
見日月轉日月實不曾轉涅槃真常而謂
無常等涅槃等實不無常等謂依如來法
門次第初因外道橫計邪常故說無常諸
觀中最二乘不曉漫該佛地雙林極唱則常等區分又無常者未會
法身故苦者未得涅槃故空者無善有故
無我者未得八自在故則前四句自說生
死次無作等四自說涅槃常故無作樂故
無味我故不如名淨故無處所然二理不
偏照與之符猶懸鏡高堂萬像斯鑑又無
常下

二依經正解前問答故致又言上以無
常該於涅槃今以未會涅槃則不該矣由
生中有無常等則顯法身是常涅槃是
樂善有不空自在有我入自在者一能
作小二能作大三能作四能作五
能作主六能遠到七者動地八隨意所欲
盡能作主六能遠到七者動地八隨意所欲
性出自古體無變與偏語其常涅槃寂滅
故為真樂然空亦不淨是有為故涅槃
云淨者諸佛菩薩正法名為善有如來者
即是義然別說則爾若如實言涅槃即
具四德故二十七經云所言空者不見空
與不空智者見空及與不空者與無常苦
之與樂我與無我空者一切生死不空者
謂大涅槃釋曰其乃至字中所謂生死者
大涅槃釋曰其乃至字中所謂生死者
云無常者所謂生死常者謂大涅槃若具說
所謂生死樂者謂大涅槃若具說
涅槃必具四德則前四句下分判經文上
第一釋十句皆無常今第二釋三具常無常
常故無作者造作是無常因以有所作為
故名有為者造作是無常因以有所作為
故名有為者造作是無常因以有所作為
下苦中橫生樂想故無味為寂滅樂也如
於名中則不自在謂小如小名不即成大
安名自在若有處所則非清淨無淨相
方真淨故然二理下結歎前八謂常無常
等總為二理皆不偏也明常無常我無我
等皆不相離此為所證照與之符即是我

證然其此上本即生公常住義中彼云夫
泥洹本有不可為無三界本無今有已
還無故不可為有泥洹以不生滅為實諦
三界以生滅為真諦二理不偏名中道義
彼有問云常與無常二理相反云何而為
中道不偏之理耶答二理雖殊理自相資
何者因乖常故有三界無常因解無常之
實性故成常智所以經引二鳥義旨在此
二理不偏照與之符猶懸鏡高堂萬像斯
鑑矣釋曰懸鏡高堂即無心虛照萬像斯
鑑則不揀妍媸故以絕常無常之淨心照
常無常之圓理若依此釋則一切法言前
四自屬有為故涅槃云一切法者名為生
死非一切法者謂佛法僧及正解脫又云
我觀諸行悉皆無常云何知耶以因緣故
若一切法從緣生者則知無常是諸外道
無有一法不從緣生是故無常如來虛空
佛性不從因緣是故為常今後四句亦云
為故既有區分則翻八倒成八行矣又初
四句則因緣生滅是無常義等次四則不
生不滅是無常義故云無作五受陰洞達
空無所起是苦義因起有苦起即無起故
無味也諸法畢竟無所有是空義人法二
空空亦空故故不如名於我無我而不二

是無我義諸佛或說我或說於無我諸法

實相中無我無非我故無處所又初四句

傍淨名經約生滅無生滅釋唯就無常明

義於中有二先正解初四句因緣生滅等

者等取逼迫為苦義不淨為空義不自在

為無我義次四句者此之一句言含總別

總則該後四句別則初句無作是無常義

既無造作則無生滅此即淨名迦旃延章

迦旃延白佛言憶念昔者世尊為諸比丘

鳴說法要我即於後敷演其義謂無常義

苦義空義無我義寂滅義時維摩詰來謂

我言唯迦旃延無以生滅心行說實相法

迦旃延諸法畢竟無所起是苦義諸法畢竟

受陰洞達空無所起是苦義諸法畢竟無

所有是空義於我無我而不二是無我義

法本不生今則無滅是寂滅義釋曰今疏

文中全已用之但觀所引自分主客生公

釋諸法畢竟不生不滅是無常義云無常

者以事滅驗之終苟有滅始無然乎始若

果然則生非定矣生不定生滅孰定哉生

滅既其不定其體復何在哉推無在之為

理是諸法實義實以不生不滅為義豈非

無常之所存乎故云不生不滅是無常義

此則正就生滅推之即無生滅耳又無常

者乃明常之為無則所以無無常也故不

生滅是無常義五受陰者受者取也謂煩

惱業因能招此陰故名受陰因起有苦下

釋疏就經謂從緣起故起則無起故生公

云夫苦之為事會所成也會所成者豈得
有哉是以言五受陰空是苦義五受陰苦
之宗也無常推生及滅事不在一又通在
有漏無漏故言諸法苦即體是無義起於
內又得無漏者不以失受致苦故唯受陰
而已也洞達者無常以據終驗之云畢竟
耳苦以空為其體故洞達也無所起者無
常明無本之變理在於生苦言假會之法
所以配起也今經云一切諸法畢竟者經也人
又含餘義故云一切諸法畢竟者經也人
法二空空亦復空故不如名者隨會就經
也生公云或者皆以諸法為我之有也理
既為苦則事不從已已苟不從則非我所
保保之非我彼必非有也苟不從則非我
非有無則無也豈可有哉此為無有無而
究竟都盡乃所以為空義也中論云諸佛
說空法為離諸有見若復見有空諸佛所
不化故畢竟空耳於我無我忘生公云既
理不從我為空豈有我能制之哉則無我
矣無我本無生死中我非不有佛性我也

解曰此即無我法中有其我故不二也諸
佛下引中論則二雙非也實相之中二義
俱寂非有無我與我二故替提遮經說不
也實相之中豈有虛所故替提遮經說不
生不滅是無常義生滅却是常義等提遮
經下則主滅不生滅交絡而釋故彼經中
文殊師利言若知諸法畢竟生滅變易無
定如幻相而能隨其所宜有所說者是為
常義以諸法生不自得生滅而不自得滅

故云何無常世一謂若知諸法畢竟不生不滅
隨如是相而能隨其所宜而有所說是無
常義以諸法自在變易無定明不自得隨
如是知者說為無常義也釋曰此意正顯
性相交徹二義相成生滅相盡無常即常
故不生不滅是常義也又性即相故不生不
常即生滅是常義也又性即相故不生不
滅是無常義相即性故生滅是常義互奪
則雙非互成則雙立雙樹中間入涅槃瑜
禁者即斯意矣雙非之義次下當釋瑜
四十六云云何菩薩觀一切行皆是無常
謂觀一切行言說自性於一切時常無所
有如是諸行常不可得若得斯意則入中
道喻伽四十六下引大論證前不生不滅
是無常義正順前經亦即不生不滅矣即
為無乃所以無無常故即不生不滅矣即
諸行而不可得故入中道非常非無常也
若依中邊論約三性說則初後二性不生
不滅是無常義依他起性則生滅是無常
義等若依辨中邊論下則雙證前生滅不
公釋淨名多用中邊論意取圓成實性
釋不生滅是無常義故云實相理窮名為
畢竟體寂無為名不生不滅此不生不滅
是彼無常真實性故名無常義餘例此知

則初後者遍計無可生又無作者非常非
滅故圓成體常湛然故
無常故無味者非苦非樂故不如名者非
空非不空言不及故無處所者非我非無
我不在生死及涅槃故無分別者念想無
故無堅實者實與不實相待有故又無作
取涅槃雙非釋也亦有二意一者實相之
中二邊斯寂如向所引中論云諸法實相
中無我無非我亦應云諸法實相中無常
無無常諸法實相中無常故說於無常非
無空不空以破常故說於無常非淨不淨
常破無常故說於無常非有於常也二者非
常者性微相故非無常者相微性故等思
之無分別下上來四重但解前八此下二
句通達能所歷上四重皆用此二如第一
重不分別無常無常無堅實也第二重不
分別常無常常與無常俱無堅實常無堅
者離常相故第三重不分別無生無常生
減常義無實例知第四重亦不作雙非分
別未免戲論故既離四句雙非亦無堅實
亦同淨名法本不生今則無滅是寂滅義
上對四句且引前四今具五矣上來所說
無常之義並已具足特由此義常所聞故
更引古來一兩師釋肇公云畢竟者決定
之辭小乘觀法以生滅為無常義大乘之
士以不生滅為無常義無常名同而幽致
世一

殊絕其道虛微故非常情之所能測妙得其旨其能淨名乎遠常故言無常非謂有無常義釋曰斯則美麗理但一重前已含有大乘法師云小乘以生滅為無常謂不生滅為常故今折彼汝見有不生滅為常者此常還是無常故云不生不滅是無常義釋曰此則破其見常之心而有二失一者彼但說無常言不說常何得以無常折彼常耶二者彼未知常何得言不生不滅是常義耶故非經意下四句大例同此然疏上四重解釋理無所遺尚通實教若華嚴宗一切法趣無常攝法無遺義理無盡方真無常總收諸義以為一致皆是此宗一義所收無常既爾餘句例然

佛于此菩薩應勸學十法何者為十所謂觀察衆生界法界世界觀察地界水界火界風界觀察欲界色界無色界

後勝進中是護小乘行小乘不求種智不欲廣知故十中初三是作佛事處衆生是所度法界是能度世界是度處勝進者此立下常廣釋大意云觀無常等煩惱不生名護煩惱行不同凡夫觀察諸界破邪顯

正不墮小乘次四界是起見處外道計大名護小乘行次四界是起見處外道計大為諸法本小乘計大為諸色因又成身之體次四界者總標也外道計大為諸法本於風水能淨故或事於火火能熟故或事於風風成壞故或事於別說小乘計者地水火風即是能造色香味觸以為所造色香非一已名為諸況若形若顯五境五根諸造若楞伽第二大慧說四大種云何造色謂津潤妄想大種生內外水界堪能妄想大種生內外火界飄動妄想大種生內外風界斷截色妄想大種生內外地界色及虛空俱計著邪謬五陰集四大造色生彼疏解云謂見有津潤妄想大種生內外從此種子而生內外水界餘三例然但加經見有字耳然火能成熟故曰堪能地有形段及體堅住而可斷截故云斷截疏言又成身之體者淨名云四大合故後三界假名為身四大無主身亦無我等後三界是繫縛處云何觀耶一觀其相委細而知二觀其性甚深平等何以故欲令菩薩智慧明了有所聞法即自開解不由他教故

三微意云但總觀無常何用廣知釋意云
觀空不礙廣有知見性相兼了法智增明
故

佛子云何爲菩薩生貴住此菩薩從聖教中
生成就十法

第四生貴住自分中有五謂釋名標微列
結也從聖教生者謂多聞熏習等流無漏
教法生其智故又下偈云佛子於法如是
觀從佛親生名佛子此約能說人也又偈
云了達諸有無所有超過彼法生法界此
約理也上三義皆能生後一義兼顯所生
之處又能說所說能詮所詮成此三異從
此三生並可尊貴從聖教生者此牒經即釋名也謂從多聞下疏引論釋即攝論第六云多聞熏習者謂於大乘而起多聞聞法義已熏心心法相續所依其少聞者無容得入此現觀故等流無漏者即是能熏此是如來所流從勝流

真如流此教法故名無漏教似智故名爲
等流生其智故者智是所生即第四住菩
薩之智由生此智故名生貴住唯識等論
大意皆同次引下文復出二能生從上三
義下結其通局能生爲局熏所生處即名
爲通依能生智還住此故又能說下辨三
名所以三事成於兩重能所佛爲能說教
及法界皆是所說教爲能詮法界所詮要
具此三生義方足故前後互出
從此三生下結成生貴之名

何者爲十所謂永不退轉於諸佛所深生淨
信善觀察法了知衆生國土世界業行果報
生死涅槃是爲十

列中十事同四地十種法智但有開合耳
既從聖教生成就四智教化衆生一自住
處智不退轉故亦所生也二同敬智於佛
淨信故亦能生也三真如智善觀察法故
亦所生處也法即法界四分別所說智即
餘七句謂了衆生空有佛土權實世界染
淨行業善惡果報苦樂二種生死四種涅

槃具如常釋

列中十事者然三賢如次似

以入初賢如地修初住似地二住似地三住似地四住似地五住似地六住似地七住似地八住似地九住似地十住似地
二地乃至十住初二不開彼經初句云深釋
住但有開合者初二不開彼經初句云深釋
心不退故此句自云不壞故即是勝進上三
實中生淨信畢竟不壞故即是勝進上三
約德行差別今云亦能生者以上云從佛
親生故下之二智約智解差別三真如智
即是證智四即教智其真如智彼經兩句
一云觀諸行生滅故二觀諸行自性無生
故上一句生空真如下句法空真如故此合
爲一句善觀察法具上二觀故名爲善亦
所生處者以上二義釋名中法界爲所生
處即真如故第四智中彼但有六此有七
句開也句雖有七義乃略彼彼六句中有
云觀世界成壞即今世界二觀因業有生
即今業行果報二句三觀世界二觀因業有生
六七二句四觀衆生國土業故即此初一
亦此合也五觀前際後際故六觀無所有
盡故此之二句今又略無攝在果報生死
之中故全同也今疏中觀衆生業經空有
即觀相佛土即經言權實者即是觀相
下五例知二種生死四種涅槃下當廣說

佛子此菩薩應勸學十法何者爲十所謂了

知過去未來現在一切佛法修習過去未來
現在一切佛法圓滿過去未來現在一切佛

法了知一切諸佛平等

後十勝進初三解了通於教理行果次三

修集行法次三誓當滿果後一別了理法

何以故欲令增進於三世中心得平等有所

聞法即自開解不由他教故

後徵釋意欲進後位真俗平等故偏觀三

世不殊方知平等故

佛子云何爲菩薩具足方便住此菩薩所修

善根皆爲救護一切衆生饒益一切衆生安

樂一切衆生哀愍一切衆生度脫一切衆生

令一切衆生離諸災難令一切衆生出生死

苦令一切衆生發生淨信令一切衆生悉得

調伏令一切衆生咸證涅槃

第五具足方便住者自分十心亦是方便

也勝進十心亦具足也今自分中即第二

無自性

住發起此心今以所修善根正向所爲例
前解釋文並可見今別爲一勢謂初是總
句救苦護善故云何護善一授與樂因如
經饒益故二令得樂果謂安樂故三哀愍
妄樂不令著故四云何救苦度一切苦得

解脫故何者是苦苦有二種一三災八難
二二種生死云何能離一教生淨信二由
淨信故授以三學令諸根煩惱皆得調伏
云何得樂謂咸證涅槃究竟滅苦是真常
樂初句九字流至於此初句九字等者謂
句句皆有此菩薩

所修善根
皆爲字

佛子此菩薩應勸學十法何者爲十所謂知
衆生無邊知衆生無量知衆生無數知衆生
不思議知衆生無量色知衆生不可量知衆
生空知衆生無所作知衆生無所有知衆生

後勝進中前六義含深廣後四唯顯甚深
云何廣耶一無涯畔二無分限三離算數
四言思莫儔五色類非一六非稱量盡所
言深者無邊謂非有非無非斷非常故無

世一

十

量者常一刹那無長短故無數者非一非
異不墮數故不思議者即妄即真言語道
斷心行處滅故無量色者頓現身器故不
可量者出二量故後四中七爲總句人法
空故此云何空八約能成非是自他共所
作故九約所成内外推尋無所有故十無
自性釋成上義無性故空無性故誰能作
無性故無所有非斷無也又七八九是三
脫門頓現身器者前約廣釋直釋色類之
多故云非一今約深釋藏識頓變根
身器世間故爲甚深出二量者現量比量
不能量故又過量無量故非是自他者中

論苦品云自作及他作共作無因作如是
說諸苦於果則不然自他等義下當廣說
何以故欲令其心轉復增勝無所染著有所
聞法即自開解不由他教故

三徵釋意云雙明深廣性相交徹則轉復
增勝形奪兩亡皆無染著成般若故

佛子云何為菩薩正心住此菩薩聞十種法
心定不動何者為十所謂聞讚佛毀佛於佛
法中心定不動聞讚法毀法於佛法中心定
不動聞讚菩薩毀菩薩於佛法中心定不動
聞讚菩薩毀菩薩所行法於佛法中心定不
動聞說衆生有量無量於佛法中心定不動
聞說衆生有垢無垢於佛法中心定不動聞
說衆生易度難度於佛法中心定不動聞說
法界有量無量於佛法中心定不動聞說法
界有成有壞於佛法中心定不動聞說法界

若有若無於佛法中心定不動是為十

第六正心住初自分內由成就般若了法
性相故皆不動名為正心初四約所敬三
寶由了法平等聲如谷響故於讚毀不生
欣戚又在執應毀就理應讚故故商主天

子經云無有不毀語言而能至其解脫中

故又在執應毀者上約不取聲相而毀為
故非今明合毀毀却順理商主天子經者
彼經云又復問文殊師利言若復有人毀
汝所說彼將何去答言當向涅槃又問何
緣作如是說答言一切無有不毀語言而
能得至聖解脫中者所以者何其聖道中
無有名字章句語言可說可示若不信者
彼等當不解脫又問何緣作如是說答言
不可已得解脫復得解脫也故言在執應
毀因言通理言語性空即是解脫故云就
理應次三約所愍衆生有量無量是斷常
邊菩薩不墮有垢無垢是增減邊菩薩遠
離易度難度是苦樂邊菩薩不住又有垢
者難無垢者易又亦反此以不發心不知

垢故名之為無有量無量者有量無量略
盡不有衆生故名無斷若常爲衆生即墮
於常二者橫論衆生無邊即墮於常定有
著常故若傍有邊涯即墮於斷傍更無故
定無則斷有垢則衆生界增無垢則衆生
界減難度則苦度得安樂也以不發心者
難度常受苦度則顯已發心者則知有
是不知垢者難度則顯已發心者則知有
垢故易度也如暗室中塵若有隙光則知

有塵無光之後三約所知法界有量無量
處不見於塵

亦是斷常餘二增減已得正心故皆不動
法界有量者有量故斷無量故常有成
即增有壞即減若有即增若無即減又
約衆生大悲大願無限量故了法界性超

量非量故知法界相緣成世界說有成壞

非成壞故體有相無體無相有皆自在故

況並音聲性離何足動哉又約衆生者上

是過但以衆若正知不動今明有量無量
等各有所以故皆不動悲願無限成其無
量耳了法界性變成上二故下經云法界
非有量亦復非無量非心不動知法界相
無量既能超越故心不動知法界相下釋
有成壞緣成故有成緣離故有壞緣成故

無成緣壞故無壞體有相無下釋若有若
無體有是圓成之體有相無是緣成之體
無相有則緣成之體無自性故緣成之相
不壞相有則緣成之體無自性故緣成之相
無若約真俗二義別說體有相無是真如
上二義體無相有是緣成上二義又體有
體無皆真如上義相有相無皆緣起上二
義思之可知上皆所以故不動況並下
約觀心
故不動

佛子此菩薩應勸學十法何者爲十所謂一

切法無相一切法無體一切法不可修一切

法無所有一切法無真實一切法空一切法

無性一切法如幻一切法如夢一切法無分

別

後十勝進中然勸學者通聞思修偈云聽

聞乃一義爾偈云聽聞者恐人引下文爲

無體性空無實如幻如夢離分別常樂聽

聞如是義故云聽聞是一義耳理實應須

思修無相無列中一自性之相不可得故

二緣起想成故三圓成性淨故四能成非

有五所成無實六自性本空七空性亦離
 八喻上緣現九喻上想生十總離取捨出
 沒想故此與六地取染淨法分別慢對治
 文多相似此與六地者彼經初二句全同
 無相故平等無體故平等想成即體三即
 無生故平等謂諸入苦果虛妄分別為本
 故無有生如知妄本真即圓成性今經云
 不可修也四即無成故平等然成則非有
 五即本來清淨故平等所成果法無有真
 實即是實性故清淨也上二句即無染
 分四五二句即遺淨分六即寂靜故平等
 等無戲論故即空七即寂靜故平等故今
 云無性無性故寂靜八九二喻即當彼我
 非有相彼有八喻今但有二而成二義然
 前六以無違有此二以有遺無云我非有
 但無法我不壞於事如幻事等非無幻化
 幻化非真耳總離等者即今經無有分別
 彼經云有無不二故平等即雙遣有無故
 無分別而上疏云總離取捨出沒想故者
 取捨即論經別句第六無取捨故平等云
 出沒即論經別句第六無取捨故平等云
 沒取捨皆分別故今既遣之故無分別然
 彼句當寂靜之後前未用留此說之即
 與論經前後不同唯一句耳亦由此故
 云多同言染淨者由彼五地觀苦集
 是染滅道是淨今深般若故能治之

何以故欲令其心轉復增進得不退轉無生
 法忍有所聞法即自開解不由他教故

三徵釋云此如順忍欲進後位不退忍故

此如順忍者十地配五忍四五六地配於
 順忍七八九地配無生忍無生忍者即不
 退忍故次疏云然
 此位中已入無生

佛子云何為菩薩不退住此菩薩聞十種法
 堅固不退何者為十所謂聞有佛無佛於佛
 法中心不退轉聞有法無法於佛法中心不
 退轉聞有菩薩無菩薩於佛法中心不退轉
 聞有菩薩行無菩薩行於佛法中心不退轉
 聞有菩薩修行出離修行不出離於佛法中
 心不退轉聞過去有佛過去無佛於佛法中
 心不退轉聞未來有佛未來無佛於佛法中
 心不退轉聞現在有佛現在無佛於佛法中
 心不退轉聞佛智有盡佛智無盡於佛法中

心不退轉聞三世一相三世非一相於佛法中心不退轉是爲十

第七不退住自分十中初三三寶次二別顯前法次三別明初佛後二約佛境智通佛法也而十皆言不退轉者大同前位然此位中已入無生知所聞法畢竟空故又前位會事入理令心不動今此事理雙現而心不退後位從理向事唯隨事行轉純熟故是故前位於三寶等但聞讚毀忍之尚易今聞有無利害轉深成忍則難故過

第一

主

前位又前言不動但能正心今云不退有進趣義又權實方便皆悉通達有無等言皆有在故佛則色相虛無應機爲有法則離相離性不壞相性菩薩同佛今云不退者不退有二一已得不退即前心定不動二不退不退即今此位念念進入則是不退又權實

下此中通有四義對前正心以釋不退上三義對前了法平等聲如谷響故此下一義對前在執應毀就理應讚故云有無等言皆有在故佛則色相下出有在之相次二中約事行爲有入理行爲無出離有二一約自行義同前文有垢無垢亦約事理二就化他悲故不出由智故出出離有二者即前正心住中衆生有垢無垢上有二義有垢則難度等亦約事理者事則有出理則無次下三句亦論有無何異初句初句邪見爲無正信言有此三亦非正見雖許有佛不徧三世或言過去入滅是故非有未來未成安得爲有現在生界未盡佛願未滿今有佛者皆應現耳俱有可知今知其謬說爲無正說爲有雖許有佛者疏中先併出三世無後俱有可知者即併舉三世有既言不遍三世則諸計不同或言過現有未來無或言過現在無未來有等故云不遍現在生界下辨現在無佛義此師計云一切如來因地發願度盡衆生生界不盡不取正覺現見衆生沉淪九有故知諸佛未合有成成則違誓

也今有佛者下通妨難云若爾今十方
世界諸佛出現何得言無答云皆是菩薩
應成佛耳此師之計最為孟浪謗無諸佛
理實難容若爾云何通於違誓之義古有
多釋一云本擬度生未期成佛積行淳著
行能自成一云本擬度生未期成佛積行
纖草既多任運燒盡故三論師諱為不自
在佛不欲成佛而自成故有云成佛若不
化生可達本誓成竟亦化豈違本誓難云
化生之義雖許得存盡竟方成其義何在
豈得不違如實義者諸佛皆有悲智二門
以大悲故窮未來際無成佛時故菩薩闍
提不成佛也以大智故念念速成又欲化
盡諸衆生界自須速成方能廣化不憚違
誓盡竟成言又了衆生之本如故化而無
化是則常成亦常不成亦常化生而常無
化悲智自在何局執耶此乃傍來亦是人
情好難問故今許三世皆悉有佛故下結
云謬說為無
正說為有
後二句中初智後境佛智有

盡等者一豎約智體以盡智故名爲有盡
窮未來故名爲無盡又若入永滅則名爲
盡不永滅度是爲無盡約從修生則名爲
盡即同無爲故名無盡二橫就所知謂法
無盡故智亦無盡以無盡智稱無盡法則

名爲盡故法華云唯佛與佛乃能究盡諸
法實相智度論云如函大蓋亦大還將無
盡之智知無盡法是故如來名一切智今
菩薩窮究知依豎義半了半不了知依橫
義二俱是了

第一

十六

義初約體相說言盡智者諸惑都亡諸相
皆寂故名盡智智體湛然盡未來際體不
可亡故名無盡二約權實說三約修生本
有說合兩宗義修生名盡約利那盡即法
相宗若無盡者即無利那屬法性宗並如
玄中二橫就所知者一稱理無盡二無法
不窮故名爲盡下引法華第一智論第三
論釋佛是一切智人彼先難云所知處無
量故無一切智人答云智亦無量如函大
蓋亦大是一切智人函喻所知蓋喻能知

今菩薩下結成邪正言知依豎義下總相
而言盡皆不了無盡皆了若別說者三釋
之中初一皆了二中言永盡滅是邪是權
言不永滅是正是實三中依權宗實則盡
爲不了不盡爲了若約當又相待說有盡
宗隨宜之說二俱是了
無盡就理而言並非二相後一就境約性
一相約相非一知其隨說皆非偏知

七

佛子此菩薩應勸學十種廣大法何者為十
所謂說一即多說多即一文隨於義義隨於
文非有即有有即非有無相即相相即無相
無性即性性即無性

後勝進中十事五對此大同地中樂無作
行對治發起十種殊勝行由此知其事理
無礙至地則得權實雙行此大同地者即
是七地由六地
般若常樂無作今起十行以為能治法之
有本不得不知全引彼文恐成繁長要自
尋初一多對總含三義一約權實於一佛
乘說無量故雖有衆多皆佛因故二約事
理理能成事說一即多事能顯理說多即
一三約事事無礙有同體異體義如上說
於一佛乘說無量故此對即法華第一中
意故經云諸佛以方便力於一佛乘分別
說三又云吾從成佛已來種種因緣種種
譬喻無量方便引導衆生即從本流末雖
有衆多者即攝末歸本故從經中三世諸
佛皆云以無量無數方便演說諸法是法
皆為一佛乘故第三云汝等所行是菩薩

皆為一佛乘故第三云汝等所行是菩薩
道又云究竟至於一切種智故皆佛因是
知依實開權說一即多二文義對文隨於
義轉變密意故即如初句一言隨於多義
義隨於文顯了直說故即下三對但顯事
理一無礙義若望下偈云如是一切展轉

成則文義亦通事事無礙轉發密意者即
文同義異也如
一名四實九義置聲如
即以其生滅為義大衆即以不生不滅而為
其義在通計性則無可常在依他性即說
生滅在圓成性則以轉變染淨為義故云
轉變言密意者則如前引攝論之中以異
言詞說異法等言即如初句下即指初句
為文隨於義一多言同而有三義故義隨
於文下釋後句也顯了對上密意直說對
上轉變即下三對者明下三對唯是義隨
於文但得釋為事理無礙不得通於事
無礙及約權實如初句故若望下偈云下
重會前義明文中隨於義相望無礙由文成
事無礙未明文望於義由義成文則義有
義則文有力全攝於義由義成文則義有
力全攝於文等故成文事無礙也以下偈
云知一切展轉成此不退三偏計理無情有
人應為說即其文也

無二四依他幻相性空無二五圓成性空

與不空二如不異三遍計者疏有兩重第一

若法相宗遍計依他所謂二義唯約於事
圓成二義方是於理非有即有是理徹於
依他無性即是於理徹於理等其圓成二義
事有即非有即事徹於理等其圓成二義
即就理上自論無礙第三無性對於圓成
亦然揀非事事無礙及權實等故上三對

但顯事
理無礙又上三中皆以三性三無性相即

準思又上三下第二重釋則初二對以遍
計依他爲事二無性爲理事理交徹

非有即有者相無自性性即遍計所執有
即非有者遍計所執即相無性次對例知
三如
前釋

大方廣佛華嚴經疏鈔會本第十六之五

卷一 十八

音釋

逼迫逼必歷切驅也
迫博陌切窘也涯畔涯宜皆切畔薄
半切邊際也

撥北末切般入聲
振開又轉之也

大方廣佛華嚴經疏鈔會本第十六之六 號二

唐于闐國三藏沙門實叉難陀 譯

唐清涼山大華嚴寺沙門澄觀撰述

何以故欲令增進於一切法善能出離有所聞法即自開解不由他教故

數二

二徵釋中善能出離者不沉沒於事理成

後位自在也

佛子云何爲菩薩真住此菩薩住十種業何者爲十所謂身行無失語行無失意行無失隨意受生知衆生種種欲知衆生種種解知衆生種種界知衆生種種業知世界成壞神足自在所行無礙是爲十

第八童真住自分中初三三業無失永離習氣唯佛得之任運無功在於八地此中多同八地能行無漏故得無失無十不善

失亦無錯謬失此三自行亦爲化體餘皆

利他初一能化身頓悟菩薩隨願受生貴

在利人不揀淨穢漸悟地前許受變易意

生身故次四以能化智知所化境即十力

智之四智也次一化處後一化法正化

永離

習氣者即十八不共中之三也如淨行品無十不善失者此是過失之失下錯謬者誤失之失頓悟菩薩者此法性宗若法相宗頓悟八地方受變易漸悟初地許受變易意生身者如迴向說即十力者解與樂欲本是一故開即爲二

佛子此菩薩應勸學十種法何者爲十所謂知一切佛剎動一切佛剎持一切佛剎觀一

切佛剎詣一切佛剎遊行無數世界領受無

數佛法現變化自在身出廣大徧滿音一剎

那中承事供養無數諸佛

後明勝進是不動行初六於剎自在後四

三業自在此同八地若色若土皆自在故

初一總知分齊次二作用持兼願力四十

眼智觀五有佛便詣六游以化生後四中

一意二身三語四通三業此同八地者八地得色自在一

身多身等十自在有淨土分

何以故欲令增進於一切法能得善巧有所

聞法即自開解不由他教故

下微釋意爲得善巧入於後位辯才自在

故

佛子云何爲菩薩法王子住此菩薩善知十

種法何者爲十所謂善知諸衆生受生善知

諸煩惱現起善知習氣相續善知所行方便

善知無量法善解諸威儀善知世界差別善

知前際後際事善知演說世諦善知演說第

一義諦是爲十

第九王子住初自分十中一知六趣四生

受報差別又知九種命終心受生差別故

又知九種者即俱舍第三三三命終各起三界心故如欲界命終三者一還起欲界

心二起色界心三起無色界二知現行煩

惱三知種等相續非如現行有間斷故習

氣有四如九地說習氣有四者一因習氣二果習氣三道習氣四

餘殘四知諸乘作業所入法門及善巧故

上四多同九地十種稠林彼據入地尤多

細密故名稠林此但云知上四多同者初

生字即第一衆生心稠林二受生字即第

九受生字即第一衆生心稠林二受生字即第

種子即當第八隨眠稠林二即第十習氣

二攝第四根三攝第五解四攝第六性五

攝第七樂欲六攝第十一三衆差別以三

衆林依根解性樂欲說故釋中略已含具

謂諸乘即根解性樂欲說故釋中略已含具

六林皆是涉五知法藥是智成就義知法

事爲方便故五知法藥是智成就義知法

即彼經云佛子菩薩摩訶薩住此善慧地

如實知善不善無記法行有漏無漏法行

世間出世間法行思議不思議法行定不定法行聲聞獨覺法行菩薩法行如來地法行有為無為法行六知法師軌儀知法者即口業成就中具說之德故經云為大法師具法師行論說二十法師是知化處即法師自在成就中就成就經云處於法座為演說法於大千界滿中衆生隨其心樂差別為七知所化處八知化時隨根生熟說是也

不差失故

知化時者亦即說成就亦最初經云住此地已了知衆生諸行

差別教化調伏後二依二諦說皆說成就

今得解脫等是後二依二諦說皆說成就也後二依二諦者即口業得四十無礙辯才不出二諦故彼文云詞無礙智以世智差別說樂說無礙智以第一義智善巧說等中論云諸佛依二諦為衆生說法

佛子此菩薩應勤學十種法何者為十所謂

法王處善巧法王處軌度法王處官殿法王處趣入法王處觀察法王灌頂法王力持法王無畏法王寔寢法王讚歎

後勝進十法皆言法王者既言王子做佛之儀合于法度而言處者即是位也如世

王子之於父王今對辯之一善巧者言辭安立及諸伎藝悅可王心今此菩薩學佛法王說法言辭安立權實善巧方便以悅佛心二軌度軌謂坐立動中規矩容止可觀度謂升降出入往來進退可度此明無

虧戒行住佛威儀也三宮殿者父王在宮即行子禮父王處殿即行臣禮若處涅槃正殿即令萬行歸宗若處慈悲宮室則子愛含識四趣入者趣者就也謂澤及萬人入者收也謂度來萬國菩薩則無機不就無德不收五觀察者入則觀父王察其聲色出則觀羣臣知其賢愚菩薩入則觀佛教理出則審機可否菩薩入下佛合上父教合前聲色合前理顯然可見故可化曰賢不可化如愚六灌頂者一地有文出現法喻雙辨

七力持者聚人則以財爲力慎危則以戒爲力降怨則以忍爲力廣業則以勤爲力定亂則以靜爲力謀安則以智爲力固衆則以仁爲力制敵則以衆爲力菩薩六度四等萬行總持皆力義也持財以儉持衆

號二

以信持安以不憍持力以不奢餘可類取皆能持也菩薩六度者次第合上施合聚人以財尸羅合慎危以戒乃至般若合智四等合仁慈傷不殺以爲仁故萬行總持合上制敵以衆持財以儉者上求釋力以下釋持略舉其四儉則財不散故不可貪也無信於物人皆遠之故信及施魚況於人乎大車無輓小車無輓其何以行之哉故可去食去兵不可去信持安

以不憍者在上不憍高而不危則長守富貴斯則安矣故百姓者水聖人者舟水能載舟亦能覆舟是故不可不慎也八無畏者爲上無亢則無憂悔之畏節儉財色則無病畏居上不憍則無亡畏爲下不亂則無刑畏在醜不爭則無兵畏三不備者永無死

畏菩薩修行離老病死五種怖畏得十無

號二

五

爲上勿亢者易乾卦云上九亢龍有悔亢極則憂悔至焉桀紂是也在醜而諱則兵醜者背也類也九宴寢者晝無故不內宴夜無

故不外寢宴於側室寢於正處菩薩入定同佛不過明以耽其味不昏沉以滯於境

無幽不得其味正定不易其心菩薩入定無故不內宴晝宴則耽其味明合上晝過明者慧增定少也言不昏沉以滯於境者合上夜無故不外寢昏沉合夜滯境合外寢無幽不得其味合宴於側室正定不易其心合寢十讚歎者樂則歌讚苦則哀歎

讚音宜和樂歎音宜哀思其情切其辭文讚音宜和樂歎音宜哀思其情切其辭文

菩薩應仰讚佛德哀歎衆生情詣於理使

令欣欣情詣於理下合讚音宜和樂歎音宜哀思合哀即哀合樂即樂是詣理也使其欣欣有二義一成一成上歡其哀欣其樂歎生死苦欣涅槃樂二者合上其情切其辭文故

何以故欲令增進心無障礙有所聞法即自

開解不由他教故

二徵釋云欲令增進得於後位無礙智故
佛子云何爲菩薩灌頂住此菩薩得成就十
種智何者爲十所謂震動無數世界照曜無
數世界住持無數世界往詣無數世界嚴淨
無數世界開示無數衆生觀察無數衆生知
無數衆生根令無數衆生趣入令無數衆生
調伏是爲十

第十灌頂住文亦分二先徵後釋釋中亦
二先自分後勝進前中二初有十句所成
德用後有十句讚勝難測以位終故加此
一段前中前五了世界無礙智後五成就
衆生無礙智以智度滿故多同大盡分智
成就說

多同大盡分者大盡分則第十地
八分之中第四分此分有五種大
一智大二解脫大三三昧大四陀羅尼大
五神通大今經前五卽神通兼解脫大卽

作用解脫故後五攝餘三
大多同智入故智成就說

六

佛子此菩薩身及身業神通變現過去智未
來智現在智成就佛土心境界智境界皆不
可知乃至法王子菩薩亦不能知

後十讚勝及後勝進皆是神通有上無上

分中義

皆是神通者卽第六分其勝進十
法卽彼經云佛子此菩薩摩訶薩
已能安住如是智慧諸佛世尊復更爲說
三世法界差別智遍一切世界智照一切
世界智慧念一切衆生智舉要
言之乃至爲說得一切智智今讚勝中

前四卽業自在不可知一身二身用三十

通四通用後六心智自在不可知初三卽

三達圓明智四知器世間自在智五定心

所現之境六大智所知之境並深廣故下

位不知

佛子此菩薩應勸學諸佛十種智

後勝進中三初標卽學佛一切智一切種

智以當位滿灌頂成佛以攝諸位皆此中具故如法界品海幢處說玄中廣明

何者爲十所謂三世智佛法智法界無礙智法界無邊智充滿一切世界智普照一切世界智住持一切世界智知一切衆生智知一

切法智知無邊諸佛智

七

二徵列中一學佛三達智此是總句二佛法智者覺法自性善出現儀三事理無礙四事法橫廣五大用周徧六身智光照七神力持令不壞法力持令進善八窮盡所化九知化法十了化主

何以故欲令增長一切種智有所聞法即自開解不由他教故

三徵釋成十勝智復更學者爲欲成佛種智位故然上所釋大依十地

爾時佛神力故十方各一萬佛刹微塵數世界六種震動所謂動徧動等徧動起徧起等徧起踊徧踊等徧踊震徧震等徧震吼徧吼等徧吼擊徧擊等徧擊雨天妙華天末香天華鬘天雜香天寶衣天寶雲天莊嚴具天諸音樂不鼓自鳴放天光明及妙音聲如此四天下須彌山頂帝釋殿上說十住法現諸神變十方所有一切世界悉亦如是

第六顯實證成分中二先現瑞顯實後菩薩證成前中先世界有動地雨供一萬佛刹猶劣行故後如下結通

又以佛神力故十方各過一萬佛刹微塵數世界有十佛刹微塵數菩薩來詣於此充滿十方

二又以下菩薩證成於中二初能證現前

作如是言善哉善哉佛子善說此法

二作如是下發言讚述於中四一讚其所說

我等諸人同名法慧所從來國同名法雲彼土如來皆名妙法我等佛所亦說十住眾會眷屬文句義理悉亦如是無有增減

二我等下舉同顯證此有四同一能說人二所說處三者會主四所說法初後與此同中二但彼同者法慧表解不可不同法若不同豈名為證中二異此者表人異道同處殊法一方表通方之說成證義也若亦同此將謂餘異名界佛不同說也若爾何故同名法雲妙法不多舉耶為有表故謂所說法該於十地故非麤淺故就所說中眾會約人眷屬兼法文句義理主伴皆

同也

佛子我等承佛神力來入此會為汝作證

三佛子下舉因結成

如於此會十方所有一切世界悉亦如是

四如於此下結通廣徧謂非唯來此為汝

作證於餘處證亦同證此彌顯所說是通

方也此是彼菩薩結通不俟經家結通也

問此經何要十方同說答引攝之教隨機

不一諸方有殊圓實之教法爾常規故十

方同說十方如來同一道故三賢十聖無

異路故問此經下料揀於中有三初問法同何要此彼同說十住那不或有

國土說一乘或有問說此經處何要徧於

十方答能詮如所詮故所詮義理無不周

故表位優劣證有多少據其所說無處不

該問說此經下第二問處遍上約所說之法同此明所說之處遍又前明彼此同

說今明一 有云此上瑞應證成應在偈後
說即通

有四因故一未說偈經猶未了不應先瑞
先證二瑞證本爲證經既不證偈則偈應
非經三證辭不應云文句無有增減四若
許瑞證合在頌前頌中應頌二分假使梵

本如此譯者即合迴文此乃靜法佳判今
爲一救理或可通爲欲表說證同時故然
文不累書編之作次若全居末則似說竟
方證若更居初未說復何所證故置於散
說偈文之際深有以焉諸會文同皆倣此

釋 有云此上下三辯
文次卽刊定難經

爾時法慧菩薩承佛威力觀察十方暨于法
界而說頌曰

見最勝智微妙身相好端嚴皆具足如是尊
重甚難遇菩薩勇猛初發心

見無等比大神通聞說記心及教誡諸趣衆
生無量苦菩薩以此初發心
聞諸如來普勝尊一切功德皆成就譬如虛
空不分別菩薩以此初發心

第七重頌分中總有一百頌分二初九十
一頌正顯前法後如是十住下九頌結歎
勸修前中十住卽爲十段初住中有四十
六頌文分爲四初三頌頌發心緣次三十
二頌緣境發心次十頌勝進所學後一總
結今初尊重卽前衆生樂見第三偈卽廣

大法

三世因果名爲處我等自性爲非處欲悉了
知真實義菩薩以此初發心
過去未來現在世所有一切善惡業欲悉了
知無不盡菩薩以此初發心

諸禪解脫及三昧雜染清淨無量種欲悉了

知入住出菩薩以此初發心

隨諸衆生根利鈍如是種種精進力欲悉了

達分別知菩薩以此初發心

一切衆生種種解心所好樂各差別如是無

第二

量欲悉知菩薩以此初發心

衆生諸界各差別一切世間無有量欲悉了

知其體性菩薩以此初發心

一切有爲諸行道一一皆有所至處悉欲了

知其實性菩薩以此初發心

一切世界諸衆生隨業漂流無暫息欲得天

眼皆明見菩薩以此初發心

過去世中曾所有如是體性如是相欲悉了

知其宿住菩薩以此初發心

一切衆生諸結惑相續現起及習氣欲悉了

知究竟盡菩薩以此初發心

第二

十一

二中分二初十頌緣十力發心一頌一力

初中謂以因感果斯爲是處從我心冥性

等生無有是處餘文可見

隨諸衆生所安立種種談論語言道如其世

諦悉欲知菩薩以此初發心

二十二頌別顯所求長行結前生後云

求一切智今偈略顯一切智相此二十二

頌一頌一智或有闕智了等言者蓋文略

耳今以類例相從攝爲十智初一俗諦智

一切諸法離言說性空寂滅無所作欲悉明

達此真義菩薩以此初發心

次一眞諦智

欲悉震動十方國傾覆一切諸大海具足諸

佛大神通菩薩以此初發心

三一偈神通智

欲一毛孔放光明普照十方無量土一一光
中覺一切菩薩以此初發心
欲以難思諸佛刹悉置掌中而不動了知一
切如幻化菩薩以此初發心

欲以無量刹衆生置一毛端不迫隘悉知無
人無有我菩薩以此初發心

欲以一毛滴海水一切大海悉令竭而悉分
別知其數菩薩以此初發心

不可思議諸國土盡抹爲塵無遺者欲悉分
別知其數菩薩以此初發心

四五頌解脫智

過去未來無量劫一切世間成壞相欲悉了
達窮其際菩薩以此初發心

五過去下一頌刹智

三世所有諸如來一切獨覺及聲聞欲知其
法盡無餘菩薩以此初發心

六一頌三乘智

無量無邊諸世界欲以一毛悉稱舉如其體
相悉了知菩薩以此初發心

無量無數輪圍山欲令悉入毛孔中如其大
小皆得知菩薩以此初發心

七有七頌三密智謂二頌身密

欲以寂靜一妙音普應十方隨類演如是皆
令淨明了菩薩以此初發心

十一

十二

一切衆生語言法一言演說無不盡悉欲了
知其自性菩薩以此初發心

世間言音靡不作悉令其解證寂滅欲得如
是妙舌根菩薩以此初發心

三頌語密

欲使十方諸世界有成壞相皆得見而悉知

從分別生菩薩以此初發心

一切十方諸世界無量如來悉充滿欲悉了

知彼佛法菩薩以此初發心

二頌意密

統三

種種變化無量身一切世界微塵等欲悉了

達從心起菩薩以此初發心

八一頌唯心智

過去未來現在世無量無數諸如來欲於一

念悉了知菩薩以此初發心

欲具演說一句法阿僧祇劫無有盡而令文

義各不同菩薩以此初發心

十方一切諸衆生隨其流轉生滅相欲於一

念皆明達菩薩以此初發心

九過去下三頌一多無礙智

欲以身語及意業普詣十方無所礙了知三

世皆空寂菩薩以此初發心

十有一頌權實雙行智

菩薩如是發心已應令往詣十方國恭敬供

養諸如來以此使其無退轉

菩薩勇猛求佛道住於生死不疲厭爲彼稱

歎使順行如是令其無退轉

十方世界無量刹悉在其中作尊主爲諸菩

薩如是說以此令其無退轉

最勝最上最第一甚深微妙清淨法勸諸菩

薩說與人如是教令離煩惱

一切世間無與等不可傾動摧伏處爲彼菩

薩常稱讚如是教令不退轉

佛是世間大力主具足一切諸功德令諸菩

薩住是中以此教爲勝丈夫

無量無邊諸佛所悉得往詣而親近常爲諸佛所攝受如是教令不退轉

所有寂靜諸三昧悉皆演暢無有餘爲彼菩薩如是說以此令其不退轉

摧滅諸有生死輪轉於清淨妙法輪一切世

間無所着爲諸菩薩如是說

一切衆生隨惡道無量重苦所纏迫與作救護歸依處爲諸菩薩如是說

三菩薩如是下十頌頌勝進十法一頌一法皆言令其不退轉者顯勸學之意也不

退有三一位不退七住已上二證不退初

地已上三念不退八地已去今此近希位

不退故偈中一位不退者初一不退爲二乘二已得不退三未得不退若

約圓教當位從信入住得位不退初發心時成正覺故

此是菩薩發心住一向志求無上道如我所說教誨法一切諸佛亦如是

四一頌總結亦是引證

第二治地住菩薩應當發起如是心十方一切諸衆生願使悉順如來教

利益大悲安樂心安住憐愍攝受心守護衆生同已心師心及以導師心

第二住五頌初二頌自分

已住如是勝妙心次令誦習求多聞常樂寂靜正思惟親近一切善知識

發言和悅離麤獷言必知時無所畏了達於

義如法行遠離愚迷心不動

次二頌勝進

此是初學菩提行能行此行真佛子我今說彼所應行如是佛子應勤學

後一頌結說

第三菩薩修行住當依佛教勤觀察諸法無常苦及空無有我人無動作一切諸法不可樂無如名字無處所無所分別無真實如是觀者名菩薩

第三住五頌前二頌自分

次令觀察衆生界及以勸觀於法界世界差別盡無餘於彼咸應勸觀察十方世界及虛空所有地水與火風欲界色界無色界悉勸觀察咸令盡

觀察彼界各差別及其體性咸究竟得如是教勤修行此則名爲眞佛子

後三頌勝進

第四生貴住菩薩從諸聖教而出生了達諸有無所有超過彼法生法界

信佛堅固不可壞觀法寂滅心安住隨諸衆生悉了知體性虛妄無眞實世間剎土業及報生死涅槃悉如是佛子於法如是觀從佛親生名佛子

第四住六頌初三自分

過去未來現在世其中所有諸佛法了知積集及圓滿如是修學令究竟

三世一切諸如來能隨觀察悉平等種種差別不可得如是觀者達三世

次二勝進

第二

十六

如我稱揚讚歎者此是四住諸功德若能依法勤修行速成無上佛菩提

後一結歎

從此第五諸菩薩說名具足方便住深入無量巧方便發生究竟功德業

菩薩所修衆福德皆爲救護諸羣生專心利益與安樂一向哀愍令度脫爲一切世除衆難引出諸有令歡喜一一調伏無所遺皆令具德向涅槃

第五住五頌初三頌自分

一切衆生無有邊無量無數不思議及以不可稱量等聽受如來如是法

次一頌勝進

此第五住眞佛子成就方便度衆生一切功德大智尊以如是法而開示

後 結歎

第六正心圓滿住於法自性無迷惑正念思惟離分別一切天人莫能動聞讚毀佛與佛法菩薩及以所行行衆生有量若無量有垢無垢難易度

法界大小及成壞若有若無心不動過去未來今現在諦念思惟恒決定

第六住四頌初三自分於中後半頌是顯不動之意

一切諸法皆無相無體無性空無實如幻如夢離分別常樂聽聞如是義

二一頌勝進

第七不退轉菩薩於佛及法菩薩行若有若無出不出雖聞是說無退動

過去未來現在世一切諸佛有以無佛智有

盡或無盡三世一相種種相

第七住四頌初二自分

一即是多多即一文隨於義義隨文如是一切展轉成此不退人應爲說

若法有相及無相若法有性及無性種種差

別互相屬此人聞已得究竟

後二勝進

第八菩薩童真住身語意行皆具足一切清淨無諸失隨意受生得自在

知諸衆生心所樂種種意解各差別及其所

有一切法十方國土成壞相

速得速疾妙神通一切處中隨念往於諸佛所聽聞法讚歎修行無懈倦

第八住五頌初三自分

了知一切諸佛國震動加持亦觀察超過佛

土不可量遊行世界無邊數

阿僧祇法悉諮問所欲受身皆自在言音善巧靡不充諸佛無數咸承事

後二勝進

第九菩薩王子住能見衆生受生別煩惱現

習靡不知所行方便皆善了

諸法各異威儀別世界不同前後際如其世俗第一義悉善了知無有餘

第九住五頌初二自分

法王善巧安立處隨其處所所有法法王宮

殿若趣入及以於中所觀見

法王所有灌頂法神力加持無怯畏宴寢宮室及歎譽以此教詔法王子

如是爲說靡不盡而令其心無所著於此了

知修正念一切諸佛現其前

後三勝進

第十灌頂真佛子成滿最上第一法十方無

數諸世界悉能震動光普照

住持往詣亦無餘清淨莊嚴皆具足開示衆生無有數觀察知根悉能盡

發心調伏亦無邊咸令趣向大菩提一切法界咸觀察十方國土皆往詣

第十住六頌初四自分於中三頌頌所成德用

其中身及身所作神通變現難可測三世佛

土諸境界乃至王子無能了

世二

十九

一頌頌讚勝難測

一切見者三世智於諸佛法明了智法界無礙無邊智充滿一切世界智

照曜世界住持智了知衆生諸法智及知正

覺無邊智如來爲說咸令盡

後二頌勝進

如是十住諸菩薩皆從如來法化生隨其所
有功德行一切天人莫能測

第二大段結歎勸修九頌分三初一頌總

歎十住

過去未來現在世發心求佛無有邊十方國土皆充滿莫不當成一切智

一切國土無邊際世界衆生法亦然感業心樂各差別依彼而發菩提意

始求佛道一念心世間衆生及二乘斯等尚

亦不能知何況所餘功德行

十方所有諸世界能以一毛悉稱舉彼人能知此佛子趣向如來智慧行

十方所有諸大海悉以毛端滴令盡彼人能

知此佛子一念所修功德行

一切世界抹爲塵悉能分別知其數如是之

人乃能見此諸菩薩所行道

次六別歎發心住

去來現在十方佛一切獨覺及聲聞悉以種

種妙辯才開示初發菩提心

發心功德不可量充滿一切衆生界衆智共

說無能盡何況所餘諸妙行

後二結歎初心況出修行十住位竟

大方廣佛華嚴經疏鈔會本第十六之六

卷二

二十

音釋

逮

度耐切音代及也

暨于

暨其與切及也

迫隘

迫博陌切衆也隘馬

麻切

諮

即戎切諮訪問也

譽

羊茹切稱美也

大方廣佛華嚴經疏鈔會本第十七之一號三

唐于闐國二藏沙門實叉難陀譯

唐清涼山大華嚴寺沙門澄觀撰述

梵行品第十六

四門之中初來意有六一前是正位今辨

位中之行故次來也

一前是正位者初一前是正位者初一

意在

二前明諸位別行今辨諸位通行

二通行

別相對於前初住自分但明緣境發心勝進但明勤供養佛樂住生死等二住自分但於衆生起利益大慈等十心勝進但明誦習多聞座閑寂靜等則十住所修一一不同今此梵行三前通道俗今別顯出家十住通修故

所行

三前通道俗今別顯出家

受隨戒等前之十

四前明隨相差別今顯

會緣入實

四隨相實相對言隨相者即如

此觀意於身無所取於修無所著乃至受無相法觀無相法知一切法即心自性等故

五爲顯入住之因謂自他二種梵行淨

故則入初住也

五即因果相對以問云云

位達於無上菩提之道初菩薩位即十住位也以說位竟恐物尋因故令修此如先

知滅後六別顯初住成佛則類前諸位

位成佛不由他悟之相也具上諸意有此

品來

六標釋相對即總釋前義謂前一

開解不由他教此但總標故今釋云與此

觀行相應即得初心成佛知一切法即心

身不由他悟二釋名者梵是西域之音具

云勃嚧摩此翻爲淨揀上淨行立梵行名

離染中極故名爲梵即梵爲行故名梵行

持業釋也亦有云真境爲梵智契爲行或

涅槃爲梵修因爲行此二依主釋

二釋名

就此方應名淨行爲揀前故此存梵音二

對釋並梵行以何爲體體略有三一者即

戒戒能防非故得稱梵二者四等三者是

慧涅槃五行中梵行即四無量亦七善知

今此品中具舍三義

言淫禁五行者即淫

聖行二梵行三天行四嬰兒行五病行即一
四無量等者經具此二古德出體亦用此
二其梵行品在十五經四無量義次下自
明亦七善知者經云善男子云何爲菩薩
摩訶薩梵行善男子善薩摩訶薩住於大
乘大般涅槃住七善法得具梵行何等爲
七一者知法二者知義三知時四知足五
知自六知衆七知導早彼文廣釋今當畧

示知法謂知十二部經知義謂一切文字
語言善知其義知時謂如是時中堪修靜
慮如是時中堪修精進等知足謂飲食衣
服藥等知自者謂我有如是信戒等知衆
謂利利婆羅門等知導早云善男子有二
種人一者信二者不信善薩當知信者是
善不信者不名爲善信復二種一者往諸
僧坊二者不往往諸者善不往諸者不名
爲善如是禮拜聽法志心思義如說修行
求聲聞乘迴向大乘展轉皆同初二故後

結云迴向大乘最上最善不出導早之名
意云善者爲善不善者爲早則後後導於
前前然此三各二戒有二者一隨相二離
耳今文即相無相依如來教染衣出家乞
食正命是隨相也於修無所著則戒相如
虛空即離相也四等二者一有緣二無緣

生緣法緣皆名爲有今即緣無緣觀察衆

生而不捨離是有緣也了知境界如幻如

夢即無緣也慧有二者一有分別二無分

別今即分別是无分別謂於十法一一推

微是分別也觀無相法了知平等離念契

立即無分別也上三中二義各初義通凡

小後義唯大乘此二不二爲實教梵行若

一行具一切佛法方是華嚴之梵行也

梵即是淨但以性淨故即行淨行淨故則

智慧淨智慧淨故則心淨心淨故一切功

德淨乃至成佛功歸於行故云淨行梵即

下第三結成本名此用淨名經勢會通異
釋皆爲總意前釋名中有其三釋今云梵
即是淨者是前總釋持業受名但以性下
會取上二性淨即前真境爲梵真境既是
淨行之因不得行外說淨淨即行矣又云
行淨即智慧淨者行淨即是智慧之因不
可獨以智慧淨也心淨即一切功德淨者
以真境而爲淨也心淨即一切功德淨者

三

會前涅槃為淨修因為行因亦淨矣乃至成佛功歸於行者歸淨行矣既涅槃果由淨行成何得偏言涅槃為淨是知行即淨矣言以淨名勢者彼經云是故實積隨其直心則能發行乃至云隨說法淨則智慧淨隨智慧淨則其心淨隨其心淨則一切功德淨即其文也文勢已知何以性淨則得行淨等謂稱理起行成智立由智立故見心本淨心為其主然前信中之淨隨何德不成故相由矣

事造修悲智兼導至此純熟了心自性悲智無二故小有不同

三宗趣者即以悲智無二事理雙修觀行為宗疾滿一切佛法為趣

爾時正念天子白法慧菩薩言

第四釋文文分為二先問後答今初亦二先叙問答之人正念天子問者天淨也表所問事理染相絕故梵依天行而得成故念與無念二而不二為正念也法慧答者表巧慧窮法梵依天行者涅槃天行經文不釋指在華嚴古人出體亦

有一義一指八禪二即淨天淨天即第八義天見第一義梵行成矣故依天行得成佛
佛子一切世界諸菩薩眾依如來教染衣出家云何而得梵行清淨從菩薩位逮於無上菩提之道

後佛子下正顯問端於中先舉所問境次云何下述所問相問相有二一問行淨所因謂隨相持戒之梵行云何得離相之清淨故不應言淨劣梵也二從菩薩下問因所得果故不應言下此據異釋異釋云淨行品劣故名淨行十住明梵明知勝也故今彈云云何而得梵行清淨梵行是其所淨何得勝於淨耶

法慧菩薩言佛子菩薩摩訶薩修梵行時應以十法而為所緣作意觀察所謂身身業語語業意業佛法僧戒應如是觀為身是梵行耶乃至戒是梵行耶

第二法慧下答答前二問即為二別先答

行淨所因後若諸菩薩下答因所成果斯即觀成利益也今初分二先明自行清淨即離相之戒成後復應修習下明利他之行淨即無緣之四等二種智慧通在兩文爲能淨故前中分四一總示所應二所謂

後三

下列名略釋三若身是下廣陳修相四如是觀已下顯觀成相今初作意者不墮無記故觀察者以慧推求故二中初列十法即列上所緣之境後應如是觀下釋上作意觀察所以唯令觀十法者一爲成圓數

二梵行緣體不離此十謂身口意三是行所依處三業行因三寶行緣戒爲行體問以善三業歸於三寶得受隨戒何要觀耶答若不觀察取相堅持同權小故見戒從緣起心持戒爲迷倒故云何觀耶廣在下

後三

五

文今略釋之意云十中隨一若是餘九即非明假衆緣以顯無性況十中各十一一推徵相盡理現名真梵行

若身是梵行者當知梵行則爲非善則爲非法則爲渾濁則爲臭惡則爲不淨則爲可厭則爲違逆則爲雜染則爲死屍則爲蟲聚

第三廣陳修相即尋伺觀也所觀十法即爲十段前六通染是故但約染淨相違名非梵行亦不析破彼法自體後四唯淨順於梵行故分析體空何有梵行十中各先總牒觀境後以十事徵顯其非今初身具中一非善者身通不善體非順理梵行善性體能順理二法既殊明身非梵行梵行何在他皆倣此當知梵行之言貫通諸句二體是無記非可軌法三飲食資成四自

相臭惡五自性不淨六種子住處等皆悉
可厭七四蛇違反八業惑所依故九是身
無知又要當死究竟不淨故十八萬戶蟲
戶有九億全以蟲聚成其身故身通不善
者五陰成
身行陰廣攝言體非順理者順理生心名
為善故二體是無記者色是報色故為無

記四自相臭惡者此中示五不淨即智論
云行者依淨戒住一心行精進觀五種不
淨相一種子不淨謂攪父母精血業因識
種以成身分故二住處不淨於母胎中生
藏之下成熟藏之上故三自體不淨謂三
六物以成身分故四自相不淨亦名外相不
淨謂九孔常流眼出眵淚耳出結聾鼻中
流涕口出涎唾大小便道常出不淨五究
竟不淨氣絕已後腿展爛甚成不淨五究
竟已聞配種子住處等者然五不淨皆悉
可厭以上配自性自相下配究竟故勝此
二等取餘三言皆可厭者智論五皆有偈
結之一種子偈云是身種不淨非餘妙寶
物不由白淨生但從穢道出二住處偈云
是身為臭穢不從華間生亦不從曠藎又
不出寶山三自性偈云地水火風質能變
成不淨傾海洗此身不能令香潔四外相
偈云種種不淨物充滿於身中常流出不
止如漏囊盛物五究竟偈云審諦觀此身
必歸於死處難御無反復背思如小兒結

云行人修此觀成破淨倒想故知五種皆
可厭也八萬戶蟲者諸經多說下十藏品
自有明文觀佛三昧海經觀相品云云何
菩薩降魔時白菩薩言我是天女盛美無比
至菩薩所奉太上太子供給左右可備掃灑
今以微身奉上太子供給左右可備掃灑
太子寂然身心不動以白毫擬之令三天
女自見身內膿囊涕唾九孔筋脉一切根
本大腸小腸生藏熟藏於其中間迴伏宛
轉踊生諸蟲其數滿足有八萬戶戶有九
億諸小蟲等遊戲之時走入小腸皆有四
口張口向上大蟲遊戲入大腸中從腸中
出復入胃中復生四蟲如四蛇合上下同
時吸食諸藏津液汁出入眼為淚入鼻為
涕聚口成唾放口成涎薄皮厚皮筋髓諸
脉悉生諸蟲細於秋毫衆數甚多不可具
說其女見此即便嘔吐從口中而出無有窮
盡全以蟲成者即大婆沙中說人身內並
是蟲聚蟲頭在內食人所食今此梵行體是
食蟲尾在外辨作人皮故
可軌性能澄淨芬馨清潔賢聖所欣順法
順教體無雜染與智相應衆善集成彼豈
當是於十事求梵行巨得當知梵行離相
離性下九準之今此梵行等者總明上
十事非梵行義一一別配
體是可軌對上非法澄
淨對上渾濁餘又可知

若身業是梵行者梵行則是行住坐卧左右

顧視屈伸俯仰

二身業者身之作用名為身業語意亦然

十中四儀無記餘六通善惡故非梵行之

作用下俱含業品頌云世別由業生思及思所作思即是意業所作謂身語廣如九

地說

若語是梵行者梵行則是音聲風息唇舌喉

吻吐納抑縱高低清濁

三語具十事初一語體次五語緣謂風觸

七處而出於聲此略無齋輪牙齒後吐納

等四是辨語相十事望業皆是語體此唯

無記故非梵行

謂風觸七處者即智論第七云如人欲語時口中有風名優陀那還入至臍即有響出響出之時觸七處過名生語言如有偈說風名優陀那觸臍而上去是風七處觸項及斷齒脊舌咽及以胃是中言語生思人不解此惑著起嘆然楞伽第二第三皆有此文第二云佛告大慈頭胃喉鼻舌斷齒和

合出聲釋曰此有八處如鼻一種鼻塞語雖小擁而亦得語故論畧無第三中說但有七事經言云何語謂言字妄想和合語依咽喉舌齒新煩輔因彼我言說妄想習氣是名為語釋曰於前八中畧無頭胃鼻而加頰輔言字妄想者顯言空故次經即云大慈云何為離一切妄想言說相大慈菩薩於如是義獨一靜處聞思修慧緣自覺了向涅槃城習氣身轉變已自覺境界觀地地中間勝進義相是名菩薩摩訶

薩善義釋曰此即下觀破意

若語業是梵行者梵行則是起居問訊略說廣說喻說直說讚說毀說安立說隨俗說顯了說

四語業十事通善惡故亦非梵行安立說

者謂假施設隨俗說者隨世名言餘可思準

若意是梵行者梵行則應是覺是觀是分別是種種分別是憶念是種種憶念是思惟是種種思惟是幻術是眠夢

第五觀意十事覺是尋求觀是伺察覺

觀細是不定法五觀意者然此意具即是

內門不得有夢等若金光明經意根分別

義又密嚴經云如蛇有二頭各別為其業

故或云即第六識無間滅意今正當此隨

轉理門就他宗說覺是尋求觀是伺察者

舊名覺觀新譯為尋伺疏用俱舍等釋尋

伺言以解覺觀唯識論云尋謂尋求令心

忽遽於意言境細轉為性伺謂伺察令心

其性唯識論云並用思慧一分為體於意

言境不深推度及深推度義類別故若離

思慧尋伺二種體類差別不可得故此二

俱以安不安住身心分位所依為業彼疏

釋云身心若安尋伺二種徐緩為業身心

不安思慮為業又云或思名安徐而細故

思量性故慧名不安急而麤故揀擇性故

身心前後有安不安皆依尋伺故名所依

是不定法者出總體相唯識論云不定謂

二釋相如前

言分別者以慧揀擇三分

別中是自性分別七分別中任運分別種

種分別者三中隨念計度故七中餘六謂

有相無相尋求伺察染汚不染汚故

別者三分

即雜集第二云有三分別謂自性分別隨

念分別計度分別者謂於現在所受諸行自相

言自性分別隨念分別者謂於過去來今不

行念分別隨念分別者謂於過去來今不

現見事思擇行分別者謂於過去來今不

七種分別謂於所緣任運分別者謂於過去來今不

無相分別尋求分別者謂於所緣任運分別者謂於過去來今不

不染汗分別尋求分別者謂於所緣任運分別者謂於過去來今不

相無異分別於自境界任運轉故有相分

別者謂自性隨念二種分別取過現境種

種相故無相分別者謂希求未來境行分

別者何以前思度故或時尋求或時伺察或

時染行或則不染汗種尋求或時伺察或

尋求分別者謂於諸法觀察尋求所起分

別伺察分別者謂於諸法觀察尋求所起分

同察安立起分別故染汗分別者謂於過

去顧戀俱行於未來希下俱行於現在執

著俱行所有分別若欲分別若慧分別若

害分別或隨與一煩惱隨煩惱相應所起

分別不染汗分別者若善無記謂出離分

別無患分別不害分別或隨與一信等善

法相應或威儀路功巧處諸變化所有分

別釋曰雜集後四相應故引喻如釋之今

但云分別即是初一種種分別即是餘六

可知

憶念者追憶曾習唯緣過去思惟者

以慧籌度過去來今並有一多各成二種

上六皆別境攝

上六皆別境攝者別境有
五一欲二勝解三念四定

五慧下種種憶念義兼惡作幻術通思通
當頻釋

念眠是不定意識亦行但取境昧略輕眠

有夢亦通善惡覺之勢故

上種種唯識偈云

不定謂悔眠尋伺二各二是釋曰初二字標位總名論云悔眠尋伺於善染等皆不

定故非如觸等定遍心故非如欲等定遍

悔所追悔爲性障止爲業此即於

累假立因名先惡所作禁後方追悔故悔
先所作亦惡作攝如追悔言我先不作如

是事業是名惡作釋曰此有二意一悔先作惡二悔先不作善既追善惡即種種憶

念攝二各二之三字釋不定義下長行釋云應言二者顯二種二一謂悔眠二謂導

同此二二種種類各別故一二言顯二二

種睡是不定者即上論長行云眼謂睡則
令身不自在味畧爲性障觀爲業謂睡眠

位身不自在
心極暗劣一
門轉故昧揀
在

位假立此名如餘蓋纏心相應故釋曰謂
睡眠位下釋上不自在言謂令身不自在

坐亦睡眠故他搖動時亦不覺等故此今
心極暗昧輕畧爲性不能明利沉審故也

意識亦行即是論中一門。禱故顯五識不
行。定心一境。著而不昧。故云。昧揀在定悟。

[illegible]

1. The first step is to identify the problem or question that needs to be answered. This involves understanding the context and the specific requirements of the task.

三
四
冊
大
萬
黃
帝
學
要
經
疏
少
會
本
一
五
五
七

三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

4

與線境不得稱畧故云畧別悟時故眠有
 二顯有別體必依於心而五無心一熟眠
 者假立爲眠非實眠者眠必與心而相應
 故如餘蓋等言輕眠有夢者揀異熟眠得
 顯此眠是不定攝通此十是心所不離心
 善惡故夢有善惡故此十是心所不離心
 故同名意也徵破準前此十是心所下謂
 王而說所者所不離王故又
 五蘊中除其色聲意業攝故

若意業是梵行者當知梵行則是思想寒熱

飢渴苦樂憂喜

第六觀意業十事皆意之用故名爲業約

徧行五徵之一思二想次四是觸後四是

受作意一種總徧十段故前云作意觀察

印上四段亦各一盞約通行者唯識第五

一切心中定可得故名爲遍行又具四一

一切故謂遠一切三位謂隨何位心所故言

觸和合勝論列在初瑜如等作意在初作
意者謂能警心爲性於所緣境引心爲業

謂此警覺應起心種引令趣境故名作意
雖此亦能引起心所是主故但說引心

作即是意持業釋也或作俱時意都近爲

四
一
龍藏

勝云何為觸謂三和分所依為樂謂根境
所觸境為性受想思等所依為樂謂根境
識互相隨順故名三和觸依彼生心功和
合故說為變異觸似彼起故名別生心功
能引觸之變異時緣彼起故名別生心功
別是觸之變異時緣彼起故名別生心功
境所依為性既似合一切心所功能故以受
等境相為性起愛為受謂能合離非二欲
故云何為想謂安立境取像為性施設種
種名言為業謂要安立境取像為性施設種
起種名言為業謂要安立境取像為性施設種
性於善品等役心為善業謂能取境正造為
相驅役以名多造善等此後四種並無六
釋曰以名多造善等此後四種並無六
於十段順論先釋即上四段亦各是一蘊
者即向通熱行五也約經上四段亦各是一蘊
即想蘊作意熱行五也約經上四段亦各是一蘊
等受蘊作意熱行五也約經上四段亦各是一蘊
必與心俱故屬通身今約身觸故屬於色
若爾身觸在五識地今約身觸故屬於色
故一由相應義謂識與五有同緣境故
二由意識用強有彼同分緣故三由意識
於極樂地有樂觸故於極苦趣有苦觸故
上寒熱準知上三義中前二約觸後一兼
明於受寒是冷觸熱即火大能造觸也俱
舍亦說此之四觸亦是心所論云食欲名
飢餓欲名冷飲欲名渴彼疏釋云冷飢渴
三是觸家果而非是觸今言觸者從果為

名故論云此皆因立果稱釋曰煖欲名冷
者熱準於冷熱相翻義亦有欲故此四
種皆為意業後四受者即苦樂憂喜然
聖教說受開合不同或總名受即通行數
或分三受謂苦樂捨唯識論云領順境相
通悅身為三謂苦樂捨唯識論云領順境相
說名苦受領中容境相於身於心非逼身
悅名不苦不領中容境相於身於心非逼身
捨唯識論云諸適悅受五識相應但名為
樂意識相應若在欲界初二靜慮近分名
喜但悅心故若在初二靜慮近分名樂名
喜悅身心故若在第三靜慮近分名樂名
樂安靜尤重無分別故諸通迫受五識相
應但名為苦意識俱有苦名唯憂逼心
故有義通二人天中者但名為憂逼心
故傍生鬼趣名憂名苦雜受純受有輕有
重故捨落迦中唯名苦為苦純受尤重無分
別故三苦樂各分二者論云適悅身心
相各異故由無分別有分別故尤重輕微
有差別故四不苦不樂不分別故尤重輕微
遍非悅相 此中思等與意何別但思等心
無異故 此中思等與意何別但思等心
所有二義故一扶持心王屬前所攝二依
心起用屬此位收故多從受境以辨若欲
破者既約徧行通於三性故非梵行餘準
前知 此中思等下問答揀溫先問以前意
中有覺觀思惟此中亦有思想等故

但思等下答答意云思等有二一約體則
扶心王同為業具二約用與王相應同作
業故言故多從受境以辨者釋此為業之
由謂業中十句想即取境寒等觸境苦等
受境皆約境也則此中思即審處決定前
雖有覺觀思惟多直語心故意業十中思
即意業能造業故想是意之加行令意成
業根本故次四觸數識合根境由業引故
後四受教亦由業引故此上皆業眷屬成
唯識云業之眷屬亦立業名即其義也若

欲破
可知

若佛是梵行者為色是佛耶受是佛耶想是
佛耶行是佛耶識是佛耶為相是佛耶好是
佛耶神通是佛耶業行是佛耶果報是佛耶

第七觀佛十事觀於三身若依小乘初五

法身以無漏戒等及眷屬無漏五蘊為法
身故次二報身以三祇百劫所修萬行感
相等故次一化身神通化現故業行通為
三身之因果報通語三身之果若依大乘
前八皆是化身後一報身業行通語二身

之因涅槃是果離繫果故菩提是報報本

願故以無漏戒等者等取定慧解脫解脫

及眷屬無漏五蘊者即色受等前無漏戒

雖轉五成而各取一以為其主故今辨定

慧等同時心所為眷屬五蘊以三祇等

者三祇修成法身百劫修成三十二相八

十種好次一神通化現即是化身義兼萬

類之化若依大乘唯說二身法身即是微

破所今一一推徵若一是佛餘者應非一

一皆佛則有多佛和合成佛則無自性今

一推徵者疏文有四一正破以一故中論

與門破後和合成下因緣門破

云非陰不離陰此彼不相在如來不有陰

何處有如來陰合為如來則無有自性進

退推求佛體寂滅故中論下二引證具證

釋今疏文有當重釋言非陰者即陰不

是如來陰生滅故不離陰者離陰亦無如

來無相知故此彼不相在者三如來不在

陰中四陰不在如來中此二皆由不異故

五陰屬如來謂陰如童僕故云如來不有

陰何處有如來結破也童僕合下證上因緣

門謂若緣合方生即無自性故進退推求

者離陰別求為退即陰合求為進並皆不

可故知 尚非是有豈當是無邪見深厚者

則說無如來諸法性空中思惟亦不可

是有者第三邊難難云若爾應無如來便

斷斷見故今逸云邪見有二謂有為淺謂

無為深破汝淺邪何墮深是知真佛既超

心境依斯成行行豈相耶是知真佛下第

矣

號三

十三

大方廣佛華嚴經疏鈔會本第十七之一

音釋

監呼覽切 梟尺救切 斷魚斤切 螭音蛇毒

喉吻喉音侯咽也 吻抽知切音痴 瞋武粉切口吻也 瞋目汁凝也 瞋

乃挺切音賴耳 臙上披江切音滂下 臙

垢又平音寧 臙知亮切音障 臙滿 臙

音軟亮雁聚食 辨婢免切音辯 辨交也繆也 辨

大方廣佛華嚴經疏鈔會本第十七之二 號四

唐于闐國三藏沙門實叉難陀 譯

唐清涼山大華嚴寺沙門澄觀撰述

若法是梵行者爲寂滅是法耶涅槃是法耶
不生是法耶不起是法耶不可說是法耶無
分別是法耶無所行是法耶不合集是法耶
不隨順是法耶無所得是法耶

第八觀法但有八句者應梵本脫漏豈餘
九皆十此獨八耶若約有所表者表除九
十八使故加十總觀破百八煩惱故

然法有教理行果今就後三畧能詮故入
中初一理法次一果法餘六通三約理可
知約行者謂不善不生妄想不起言語道
斷智無分別定無行處如智兩冥此六究
竟即是果相不善不生者約理則法本不生約行則無不善可生故淨

名經云不善不生善法不滅餘義可知 今推徵云若一是法

餘則應非一一皆爾若謂總是則和合不
實隨得一法即應得餘和合而成則無和
合若以無合而爲法者無合之法豈當有
耶又此舉法皆舉寂滅不生等者欲明一

一自虛法即非法梵行何從

今推徵下後明觀相亦是

一異因緣門破若以無合下連救救云卽此無合是真法矣故今答云豈當有耶後又此舉下就文顯意

若僧是梵行者爲預流向是僧耶預流果是
僧耶一來向是僧耶一來果是僧耶不還向

是僧耶不還果是僧耶阿羅漢向是僧耶阿
羅漢果是僧耶三明是僧耶六通是僧耶

第九觀僧十事前八約人後二就德且依
小說言預流者始超凡地預聖流故一來
者修惑未盡一度來生欲界中故不還者

欲界惑盡還不還來生欲界故阿羅漢者
此有三義一名殺賊已斷一切諸煩惱故
二名不生三界之生永已盡故三名爲應
應受人天大供養故有四向者向於果故
謂斷三界見惑有十六心至第十五道類

敬

二

忍時名初果向至第十六即入修道名須
陀洹果欲界修惑分爲九品斷至五二向
斷六一來果斷七或八品名第三果向九
品全斷盡即得不還果次斷上二界修惑
乃至有頂八品惑盡名阿羅漢向三界見
修都盡得阿羅漢果今此欲明梵行粗陳
名目若廣引婆沙俱舍雜集瑜伽則清淨
梵行有累名數力有餘者付在說時且依
者大乘亦有四果故言預流者俱舍云諸
無漏道總名爲流初預此流故名預流謂
斷見道煩惱盡忍智具足故一來者欲界
九品煩惱能潤七生已斷六故次下當印

謂斷三界見惑者不同修惑分三界別一
時斷故言十六心者即苦法忍苦法智類
類忍苦法忍智集法忍智集法忍智類
智滅法忍智滅法智滅法忍智滅法忍
道法智道法忍道法智道法忍道法智
界苦有苦法忍法智觀上二界名苦類忍
類智餘三亦然故有十六夫言見道見未
曾見道類忍中已見上苦故第十不名
見道便入修道廣說其相如迴向一品欲界
修惑者亦俱舍文合其二處偈文一云依

十五心位建立聖者具修惑斷一至五
向初果斷次三向二斷八地向三次論云
次依修道類智時建立聖者有差別者須
曰至第十六心隨三向住聖上皆二十三
論此下第十六心極四論云已辨住果未斷修
惑名爲預流生極七返今次應辨斷位果
聖且應建立一來向果頌曰斷六一來果
三二生家家斷至五二向斷六一來果
曰初二生家家斷至五二向斷六一來果
釋具轉名家家一由斷欲進斷修惑三品故
二由成無漏根故三由更受三三二生故頌
中略無成根之言以理合有略故不說若
斷三品名受三生若斷四品名受二生謂
九品惑能潤七生且上上品惑能潤兩生
上中上下中上各潤一生一中中下共潤
一生下三品惑共潤一生已損名受三品能潤
四生故斷上三品惑已損名受三品能潤
中上一品復損三品惑已損名受三品能潤
但受二生故云三二生家家以得初果起大加行
一二品惑名家家者以得初果起大加行

亦可證後觀法故具引之謂一切聖人由證無為有淺深故而有差別同無為即無差矣無為之中何有八輩凡聖相耶故皆契性空矣上一段經即證得法身住處文中智相證後二就德德若是僧何須入得法身文也

輩離法無人離人無法一一窮究為僧者誰僧體既虛梵行安寄

若戒是梵行者為壇場是戒耶問清淨是戒耶教威儀是戒耶三說羯磨是戒耶和尚是戒耶阿闍黎是戒耶剃髮是戒耶著袈裟衣是戒耶乞食是戒耶正命是戒耶

第十觀戒戒為行體亦賴眾緣從緣成戒

戒性如空起心持者是謂迷倒無善無威儀不雜二乘心是名持淨戒此戒乃名真梵行也

第十觀戒文三初總明上來九門結觀於後獨今此段先明實觀戒性如空者即法句經六度皆有偈文布施說諸布施福於中三事空究竟不可得施福如野馬戒云若說諸持戒無善無威儀戒性如虛空持者為迷倒忍云若見噴

悲者以忍為鞫鞅知噴等陽焰忍亦無所忍精進云若說諸精進為增上慢說無增上慢者無善無精進若起精進心是妄非精進若能心不妄精進無有涯定云若學諸三昧是動非坐禪心隨境界流云何名為定般若云森羅及萬像一法之所印云何一法中而生種種見一亦不為一為欲破諸數淺智之所聞見一以為一結云若苦提道釋曰今疏釋戒但用戒文而離破倒餘者乃義引不雜二乘心者即涅槃文是名持淨戒等總結上文也

其中十事前八是受後二是隨受中壇場得戒之處問淨教儀並教授師三說羯磨即得戒法和尚得戒根本阿闍黎者正即二師義兼七證剃髮著衣是戒外相隨中乞食

四依之一正命謂離四邪五邪乞食四依食二糞掃衣三象問樹下坐四食腐爛藥亦名四聖種智論七十二云又受戒法盡形壽著衲衣乞食樹下住服弊棄藥於四種中頭陀已攝三事若俱舍正理婆沙前三所得食衣卧具喜足為三四依有無藥乃加藥斷藥修聖種所以不同者智論意顯古先四聖裡即是四依婆沙等依新論師除藥加第四以前三為道資緣四為道

體性言聖種者謂善故無漏故名聖即此
能生諸功德法相續不斷故名爲種故云
乞食即四中之一言四邪者智論第四釋
比丘名乞士清淨活命故名乞士如經中
談舍利弗入城乞食得已坐食有梵志名
淨目問言汝食耶答言食淨目言下口食
耶答言不仰口食耶答曰不淨目言食有四種
曰不雜口食耶答曰不淨目言食有四種
我今問汝汝皆言不我今不解汝當爲說
云何下口食舍利弗言有出家人合藥種

穀枲樹等不淨活命者是名下口食觀視
星宿日月風雨雷電霹靂不淨活命者是
名仰口食曲媚豪勢通使四方巧言多求
不淨活命是名方口食學種種呪術卜筮
吉凶小術不正名雜口食我不墮是四食
中我用清淨乞食活命淨目聞已歡喜信
解舍利弗因爲說法得須陀洹五邪者即
智論二十二已見淨行品今更重舉一者
爲利養故詐現異相奇特二者爲利養故
自說功德三者爲利養故占相吉凶及爲
人說四者爲利養故高聲現威令人畏敬
五者爲利養故稱說自己所得利養以動
人心邪因緣活 若依菩薩戒類例上文具
如善戒經及彌勒菩薩所造受菩薩戒羯
磨所辨此上十境正約菩薩傍兼聲聞設
依小受修觀則爲菩薩即如此方又善戒

經欲受菩薩戒皆先具受前之三戒故所

觀境通於大小其能觀智唯實教大乘若

菩薩下第三料揀前列十事參大小乘此
方菩薩律儀闕故於中有四一總引二文
彰大小異彌勒羯磨唯請一師須歸三寶
別有羯磨文等此上十境下次出對會所
即以以西天大小抗行寺居不雜是故結云
即如此方也謂依小乘受行大乘行又善

戒經下三正示大小二相不同言先受前
之三戒者彼經第五菩薩戒品云在家出
家戒有三種一者戒二者受善法戒三者
爲利衆生故行釋曰此即三聚也次云云
何名戒所謂七衆戒比丘比丘尼式叉摩
那沙彌沙彌尼優婆塞優婆夷菩薩摩訶
薩若欲受持菩薩戒者先當淨心受七種
戒七種戒者是淨心趣善薩戒如世間人
欲請於王先當淨治所居室宅是七種戒
俱是在家出家菩薩所受菩薩戒者亦復
如是俱是在家出家菩薩所受釋曰上語
七衆通於男女等今辨三戒唯約比丘謂
五戒十戒二百五十此三以爲菩薩戒前
之方便也彼經云若不具沙彌戒得比丘
沙彌戒無有是處不具如是三種戒得比
亦無有是處譬如重機四級乃至不從三級
至第四者無有是處釋曰以此故須先受
三也故所觀境下四結成本義所觀通大
小者依菩薩受亦是所觀依小乘受亦是

所觀能觀智唯實教大乘者即相同性離相戒故

上來尋伺觀

竟

如是觀已於身無所取於修無所著於法無所住過去已滅未來未至現在空寂無作業者無受報者此世不移動彼世不改變

號四

七

第四如是觀下辨觀成之相望前尋伺即

為觀益望後得正覺果此但如實觀成文分為三初約所觀十境如實觀成二此中何法下約所成梵行如實觀成三如是觀察下結成梵行清淨之相

第四如是下即如實觀成此有

二意今從後意標名言望前尋伺即為觀益者前來作意觀察十境故為尋伺即念想觀猶未除故今念想觀除即為前觀今之益義同四加行中四尋伺四如實也

初有十句初六句明三輪清淨觀一不取能持戒衆生言身兼口意也二不著所修行事三不住於戒法亦即是事亦通不住

前法次三句以三時門明不住持戒時兼釋上不取等言三世推求不可得故已滅

未至空理易明現在多滯偏語空寂以剎

那不住過未分之故空寂也

初六句者具離三輪然准

瑜伽第六度各有三輪不同施三輪者一施者二受者三施物今皆離之戒離三

輪者離衆生事時分別忍離三輪者離自他過失分別進離三輪者離衆生高下事

用分別定離三輪者離境界衆生惑分別

般若離三輪者離境界衆生分別今言

六句明三者一即離衆生二三皆離事亦

通不住等者以第三句通不住前衆生及

事不住即離故次三句三時門通是離時

耳兼釋上等者即以三時釋上三句不取

等者等取不著不住以剎那者剎那生時

未生即未已生即過故云已未分之影公

云如疾炎過鋒奔流逗刀刀上一次二句

毫亦有二分故無現在故空寂也

明二空觀成作受者人業報是法後二句以不遷理釋成因果空義此世不移動謂不從今至後彼世不改變謂不從後至今是為因自昔滅無力感果果不俱因無力

酬因何有報受以物各性住性本空故

後二

句者即肇公不還論意問明已用今復用之疏文有四一標二此世下用論釋經論云是為告物自在昔不從今以至昔今物自在今不從昔以至今故仲尼曰同也見新交臂非故如斯則物不相往來明矣三所以為下以論意出經意四以物下釋不還所以亦上句即肇論所以後性本空故疏出所以亦是論意如下云既無往返之微朕復何物而動哉又云足以言常而不往靜而不還不還故雖往而常靜不住故雖往而常靜故往雖靜而常往故往而不還雖往而常靜故往而不留矣斯則動即靜之義故前標云必求靜於諸動故雖動而常靜但以正釋即言物各性住則唯前意斯則假其性住破其遷流耳

此中何法名為梵行梵行從何處來誰之所

有體為是誰由誰而作為是有為是無為是色為非色為是受為非受為是想為非想為是行為非行為是識為非識

二約所成梵行如實觀成者有十一句初句總顯無名十已空故餘句為別一不從

十生二非屬身等皆十已空故上二句約緣以徵次二句就體以徵初句明離前十外無別無作戒體十外有體不假前十次句亦無有作作之受隨前已空故次句雙非顯中無性防非故

次五句約五陰有二意一就戒體有說無作戒體體即是色有說非色非心五蘊之內初一是色後四是心今言為是色者顯非是色以其所立無表依表生表色無表色今明觀意表色尚空何有無表為非色者顯非非色也從色生於戒尚不名為色從色生於戒豈是非色耶言為是識者意顯非心若言是心者一切皆有心應常有梵行是知非心也若言非心木石應梵行是知非非心也若言非色非心行蘊攝者

但是行蘊應皆名戒二就修行梵行之人
不離五蘊若即蘊者有蘊皆梵行若離蘊

者豈是我梵行故後結云皆不可得

等者即薩婆多宗也有說非色非心者即
為是之旨此微辭也故雙微云為是色為
非色微此二法俱不可得應假答云亦是

色亦非色今破離斯二句便破前宗上句
破有宗下句破德宗今初顯非色正破色

也以其所立者即出有宗所立色為戒體
文也然俱舍界品立有無表色有三師義

一維心師云表色有變礙無表隨彼亦受
色名如樹動時影必隨動論主難云此釋

不然無變礙故又表滅時無表應滅如樹
滅時影必隨滅二云有釋所依大種變礙

故無表業亦名為色即有宗義若爾所依
有變礙故眼識等五亦應名色此難不齊

無表依上大種轉時如影依樹光依珠寶
眼識等五依眼等根則不如是唯能為作

助生緣故意云不應以眼等為增上緣之
疎依難親緣故也論主又破云以影依樹

光依寶言且非符順毗婆沙義彼宗影等
顯色極微各自依止四大種故論主又縱

破云設許影光依止樹寶而無表色不隨
表依彼許所依大種雖滅而無表色不隨

滅故三復有別釋彼所難言眼識等五所
依不定或有變礙謂眼等根或無變礙謂

無間意無表所依則不如是故前所難定
為不齊變礙名色理得成就此即論主成
第二師故名第三釋曰上來三義但是二
意以與第三成第二故雖有二義並依色
成無表色義故涅槃云菩提王于意疑比
丘善心受戒至惡無記應名失戒故經問
云若有比丘戒持禁戒若發惡心當知是
時失比丘戒佛言戒有七種從於身口有
無作色以是無作色因緣故其心雖在惡
無記中不名失戒猶名持戒以何因緣名

無作色非異色因不作異色因果釋曰此
有兩重問答之意前答不失戒因無表

故後非異色因下自釋無表得名由言
非異色因者明以色為因不是異色之外

別物為因言不作異色因果者明作色果
也不作異色之外別物之果既以色為因

與色作果故無表戒得成色也若將此文
釋不失戒則成不知問答之本餘諸異義

恐繁且止今明觀意者但取彼立無表是
色而為所破而不尅定彼無表色義若取

文同即離心義不同俱舍彼破立義不正
今破造相顯理為非色者破德宗意彼立

意云非變礙故不可為色非慮知故不可
名心即非色非心心不相应行攝破意可

知

如是觀察梵行法不可得故三世法皆空寂

故意無取著故心無障礙故所行無二故方

便自在故受無相法故觀無相法故知佛法

平等故具一切佛法故如是名為清淨梵行

第三結成梵行清淨之相以無得故文有

十一句初句為總次九句別顯無得一由

上三世皆空故二由於身無所取於修無

世四

所著故三言心無障礙者即前於法無所

住故如風行空無有礙故四作受二念不

現行故五雖空不礙涉有故六七涉有不

迷於空故受觀無相受謂忍可於心觀謂

起用於境八結歸平等大般若曼殊室利

分云我不見有一法非佛法者故無法不

等九一收一切方顯具德圓融末後一句

總以結酬由上義故名淨梵行上辨自利

行淨竟

雖空不下此釋方便自在即顯雖無持犯而七支皎淨三業無礙攝

善利人無不為矣以前觀空非斷滅故我不見有一法下前已曾引謂不毀不持法

界平等由此該融故有第九一具一切也

十一

復應修習十種法何者為十所謂處非處智

過現未來業報智諸禪解脫三昧智諸根勝

劣智種種解智種種界智一切至處道智天

眼無礙智宿命無礙智永斷習氣智

第二復應下明利他行淨文分為二初觀

深智即利他之方後慈念眾生成無緣四

等是則自利利他上求下化皆具足也今

初文三初舉法應修謂梵行體也緣體宛

然一心湛寂梵行用也不思不造萬行沸

騰故不但心觀圓明復應廣集佛智二何

者下徵起別列可知

於如來十力一一觀察一一力中有無量義

悉應諮問

三於如來下結勸廣學

聞已應起大慈悲心觀察衆生而不捨離思
惟諸法無有休息行無上業不求果報了知
境界如幻如夢如影如響亦如變化

第二聞已下慈念衆生成無緣四等文有
四句一雙起慈悲如憤母隨子二思惟藥

病成大法喜三即行無求以成大捨四智

了諸境導成無緣此中五喻廣如十忍然

釋有通別通則可知幻似有不實故似有

故假不實故空此二不二成中道智如夢

者虛妄見故如影者從業緣現故如響者

屬諸因緣故如變化者須臾變滅故若如

是了境即終日化而無化亦爲衆生說如

斯法是謂利他梵行清淨也

此中五喻者
文顯指十忍

聞用淨名
文並可知

若諸菩薩能與如是觀行相應於諸法中不

生二解一切佛法疾得現前初發心時即得
阿耨多羅三藐三菩提知一切法即心自性
成就慧身不由他悟

第二大段若諸菩薩下答因所成果問文
中分二先牒前因深初總指前文不生二

解別舉其要即所行無二

二答因者此下
義則深玄在文

可見但當細
尋更不繁舉

二一切下酬其果滿先標後

釋初由理觀深玄了性具足萬行齊修故

令大果無邊德用現證在即一切明其果

大疾現語其速證

後初發心下釋先釋疾現之言後釋現前

之相今初上言疾得疾在何時故云初發

心時何法現前謂無上菩提也

後知一切下釋現前之相亦是出其所因

何者夫初心爲始正覺爲終何以初心便

成正覺故今釋云知一切法即心自性故
覺法自性即名為佛故下經云佛心豈有
他正覺覺世間斯良證也斯則發者是開
發之發非發起之發也何謂現前之相夫
佛智非深情迷謂遠情亡智現則一體非

發四

十三

遙既言知一切法即心自性則知此心即
一切法性今理現自心即心之性已備無
邊之德矣成就慧身者上觀法盡也正法
當與今諸見亡也佛智爰起覺心則理現
理現則智圓若鏡淨明生非前非後非新
非故寂照湛然不由他悟者成上慧身即
無師自然智也又不由他悟是自覺也知
一切法是覺他也成就慧身為覺滿也成
就慧身必資理發見夫心性豈更有他若
見有他安稱為悟既曰心性自亦不存寂

而能知名為正覺豈唯定之方寸不取則

於人哉況初後圓融不待言也發等後品

當知不由他悟含有三義如十住品謂見
夫心性即性外皆他自亦不存兼顯以心
為自心外為他今自心不存豈心外取法
豈唯定之者顯自心為自他人為他前十
住品從麤至細今梵行品竟
此以細況麤耳

大方廣佛華嚴經疏鈔會本第十七之二

音釋

羯磨羯居謂切梵語
羯磨此云作法頰古協切
面頰弊毗意切
敗衣也

肇直紹切

大方廣佛華嚴經疏鈔會本第十七之三 號五

唐于闐國三藏沙門實又難陀 譯

唐清涼山大華嚴寺沙門澄觀撰述

初發心功德品第十七

初來意者謂前二品明位及行今顯勝德

號五

舉初況後巧顯深勝故次來也又前品末

云初發心時便成正覺未知此心有何功

用頓得爾耶今釋此義故次來也舉初況後者初

心位劣功德難思後二釋名者初有二義

一三種發心之初二十住之初一三種者起信論發

趣道相中論云略說發心有三種相云何

為三一信成就發心二解行發心三證發

心今當第一信成就發心者依何等初

者論云信成就發心者依何等初

行得信成就發心者依何等初

生以有熏習善根力故信業果報能起十

善眠生死苦求無上菩提得值諸佛親承

供養修行信心經一萬劫信心成就故佛

菩薩教令發心等或以大悲自能發心或

因正法欲滅以獲法因緣能自發心如是

信心成就得發心者入正定聚畢竟不退
名住如來種中正因相應次說發三種心
已如十住品又云發是心故則得少分見
於法身以見法身故隨其願力能現八種
利益當知轉勝以是菩薩從初正信已來
經於第一阿僧祇劫將欲滿故於真如法
中能深解現前所修離相以知法性無慳
貪故隨順修行檀波羅蜜等三證發心者
從淨心地乃至菩薩究竟地中證何境界
所謂真如以依轉識說為境界而此證者
無有境界唯真如智名為法身是菩薩於
一念頃能至十方無餘世界供養諸佛請
轉法輪唯為開道利益眾生不依文字釋
曰上已明三種發心第二登地已上第二
從十行發迴向心以十行中能解法空順
行十度行法純發迴向心從其因違名
為解行今非後二正與初心相應故二十
住之初者揀餘九住發亦二義一發起上
彼名初發心住故

求二三德開發能知三世佛智故永斷一
切疑網故得如來一身無量身等故在於
信位久已研窮至此位中豁然開悟故得
功齊果位攝德無邊受斯稱矣一發起上
論發二三德開發者望前論發從初信心
始入佛法即發趣求如來果位寂照雙流

常觀心性功行既著至此開發如發金藏見真金等於中四意初標二能知下示三德相卽下經文三在於信下釋開發義言研窮者從初信入寂照雙流常觀心性精修諸度以此爲因豁然開悟是開發相如發金藏了見分明四故得下仍前釋於功德之三宗趣者卽初心攝德爲宗令物窮究發心爲趣

然住會發心定是信成就攝解行及證自在後文然住會下初正揀卽安國意然彼十地一會總說十地故其四會皆是十地二者以此品中文義深奧同十地故今疏一文一時雙破而正破初意今十住是信成就攝後二屬第五六會何得渾和若言別說合說略有四失一今此經無三賢義二今餘經三賢虛設三成此經文義雜亂謂以地義名住行向故四何不一天總別說耶而歷四天蓋有所表是知此說殊乖教理故云住會發生如來家自約解說不應謂此便是證收若謂久習無明云何頓成大智者豈不聞冥室千年之闇一燈條忽頓除耶若謂云何能知三世佛法者豈

疏五

二

不聞具縛凡夫能知如來祕藏耶餘義至文當釋生如來家下第二遮破彼云據是初地況下經云以生如來廣大能生三世諸佛家永斷一切諸疑網盡除一切諸障礙若非初地安得爾耶豈有久習無明繞一發心便成大智能知前際一切諸佛成就等正覺乃至涅槃能信後際一切諸佛所有善根能知現在一切諸佛所有智

慧卽能振動一切世界等耶若謂不作齊限而能爾者今何不發耶已發何不爾耶以斯義理應知證發釋曰此中彼釋自耶有三段一正立二豈有久習下引文反質三若謂不作下縱破法性今疏文中亦有三節但通前二今初通其第一正立彼以生家故名證發心今揀生家不同故非證也然彼引四句今但通一餘例可知且通生家言雖同而義有異豈以前十住內亦說生家言雖同而義有異豈以前十住內亦說也解生家菩提心家證生家真如家故不同也此義若成其餘皆成故云不通餘也若通餘三者既許解生何得不能生三世佛家斷諸疑網除諸障礙又彼初云初發心時便成正覺最初建立是初地義此義前品已曾廣釋故不通耳若謂久習下二通引文反質彼引四句今爲兩節通之初通久習無明文可知也若謂云何下三通經卽四依品云有四種人能護正法建立

正法憶念正法能多利益憐愍世間為世
間依安樂人天何等為四有人出世具煩
惱性是名第一須陀洹人是名第二阿那
舍人是名第三阿羅漢人是名第四云何
名為具煩惱性若有人能奉持禁戒威儀
具足建立正法從佛所聞解其文義轉為
他人分別宣說所謂少欲多欲非道廣說
如彼八大人覺有犯罪者教令發露懺悔
滅除善知菩薩方便所行秘密之法是名
凡夫非第八人第八人者不名凡夫名為
菩薩不名為佛釋曰遠公亦詔為種性解
行人非是登地此初依人既云具縛能知
秘密何言十住不能知耶前義若成動刺
何惑其第三段縱破法性文理易故疏不
通之意云此中非獨作無齊限便得爾也
亦入研窮方至此位何得為此無理難也
夫機差教別聖旨深玄並未證真如同居
學地共詳聖智誠曰才難且以淺為深有
符理之得以深為淺有謗法之愆以遠為
近則有益於行人以近為遠法非我分諸
佛說教貴在俯就物機後輩學人若欲高
推聖境儻失大利豈不傷哉且夕鈞礪谿
朝升台輔豈與夫明經常選而語其優劣

者哉況纔生王宮貴極臣佐寧同百戰夷
項備歷艱辛況十千劫之功高亦非聊爾
人耳是以語其智等虛空而非類論其德
碎塵刹而難量極念劫之圓融盡法門之
重現初心契於智海豈有邊涯猶微滴入
於天池齊無終始故經云發心畢竟二不
別如是二心先心難法慧仰推良在此也
如或未喻勝鬘有文推佛能知斯言無過
餘如賢首品夫機差教別下三結成前義
明教旨歎深也次明未證謙也後共詳下
推也且以淺下二進退立理明有損有益
初住頓具佛深也而推在登地地前所
無淺也故成謗法智度論云謗有二種一
者言此非佛說等即為深重墮大地獄二
者說不契理並為謗法即深為淺是也
淺為深者以初住之淺釋為圓融該博深
也豈非符合於理理本具故然此二對亦
是泛舉一切深淺法也以遠為近者一僧
祇滿方證初地遠也今為初住近也則一
生有望豈非有益行人以近為遠者初住
近也推在地上遠也未歷僧祇何由造此

故云法非我分諸佛下第三結成損益可知且夕鈞磻溪下四舉例證成以君臣為一對磻溪即是太公垂釣之處頓為武王之相豈要歷資略舉一事其例甚多諸葛亮受黃鉞於茅廬韓信昇將壇於一卒蔡澤奪范雎之印張儀霸秦主之威皆布衣也繞生王宮約主亦是外事約經即七十八中譬如王子初生即為舊臣佐禮敬菩提之心亦復如是出現品云如轉輪王所生太子具王相者七寶不散即紹輪王若約外典其事甚多如周成晉獻皆自小為人主百戰夷項即漢高祖古人詠史云百戰方夷項三章且代秦功歸蕭相關氣盡滅夫人十年征戰七十二瘡方南面稱孤在位無幾豈與上同況十千劫下五況出功高以修行之十千劫方入初住成正定聚亦非但發無分限心即得爾也言非耶爾人耳者耶耳為且略也史書敘周公為文王之武王之弟成王之叔非耶爾人耳今借此言用之是以語其智下即是功高所成之德也天池即海也故經云下六引文成立即涅槃文下半頌云自未得度先度他是故我禮初發心至法界品當更廣引法慧印推即當經意如或未喻者喻猶曉也勝鬘有文十地當釋勝鬘說三種智此即第三仰推智也

爾時天帝釋白法慧菩薩言佛子菩薩初發

菩提之心所得功德其量幾何

第五

五

次正釋文長分為七一天王請說分二歎深難說分三約喻校量分四就法略示分五動地興供分六他方證成分七以偈重頌分又釋於中分二初長行後偈頌前中亦二初此界後結通前中亦二初正說後證成前中亦二先問後答今依前辨初中天帝問者在彼宮故聞前速成生疑念故菩提心是萬行主故問法慧者是會主故初心具後之德唯慧境故下正顯問端雖則正問發心功德下法慧答功德之量便顯發心之相是為菩薩善巧辯才法慧菩薩言此義甚深難說難知難分別難信解難證難行難通達難思惟難度量難趣入

第二法慧菩薩言下歎深難說所以歎者

法體深廣去疑令樂故下寄言顯說未盡
其源故於中初句總言甚深者謂約時深
徹後際約德深至佛果約理深同法界約
行深包萬行並深中之極故云甚深又數
廣難量理玄叵測雖深非甚今即少而多
即事而理初心具後是謂甚深下十句別
由斯十義故曰甚深於中初四能所對辨
各前能後所一離言故難宣示二無相故
超心識三非自力辯能分別四非劣慧能
信解後六通能所五非有所得及一慧能
證六非起行及一行能行七次第修慧不
能通達八九思慧不能思惟籌度十聞慧
不能信向趣入此六後後劣於前前巧顯
深也所以廣說難者非唯成上甚深正誠
今後令信

第五

六

雖然我當承佛威神之力而爲汝說

第三雖然下約喻校量分於中二初結前
生後謂約自力則甚深承力則可說

佛子假使有人以一切樂具供養東方阿僧
祇世界所有衆生經於一劫然後教令淨持
五戒南西北方四維上下亦復如是

二佛子下正顯校量中有十一大喻一利
樂衆生喻二速疾步剎喻三知劫成壞喻
四善知勝解喻五善知諸根喻六善知欲
樂喻七善知方便喻八善知他心喻九善
知業相喻十善知煩惱喻十一供佛及生
喻然此十一喻後後過前前故皆捨置前
前更舉後後巧顯深勝又此諸喻合有通
別通但通合發心德廣謂如初喻中便合
云爲悉知一切世界成壞等此不同於喻

六〇

龍藏

也別謂所合同喻但喻有分限法無限耳

如初喻合云不但爲以一切樂具供養十

方等初一具通具別下十略無通合此諸

喻文皆應有四一舉喻二徵問三領答四

校量初後具四中九略無中二又諸喻內

一一皆有十重小喻皆應舉喻問答校量

文無者略今初喻十重中初一廣說後九

略明初中有四一舉廣事二徵問三答顯

廣四辨超過今初有三先與現世益文有

三廣爲供具界時次然後下與後世樂後

南西下類餘九方

佛子於汝意云何此人功德寧爲多不

二徵問

大帝言佛子此人功德唯佛能知其餘一切

無能量者

三答廣答可知

法慧菩薩言佛子此人功德比菩薩初發心

功德百分不及一千分不及一百千分不及

一如是億分百億分千億分百千億分那由

他億分百那由他億分千那由他億分百千

那由他億分數分歌羅分算分喻分優波尼

沙陀分亦不及一

四超過中云歌羅者此云豎折人身上毛

爲百分中之一分也或曰十六分中之一

分義譯爲校量分優波尼沙陀者此云近

少謂少許相近比類之分也百千後即云

億分者中等數也或曰十六分之一者如

出涅槃第六如來性品云若有衆生於四

恒河沙佛所發菩提心然後乃能於惡世

中不謗是法受持讀誦書寫經卷爲他廣

說十六分中一分之義雖復演說亦不具

具遠公亦舉如秤不別解釋此云近少者即音義中引大般若譯爲鳩波尼殺曇鳩波近也尼殺曇少也或云近對謂相近比對或云極少

佛子且置此喻假使有人以一切樂具供養十方十阿僧祇世界所有衆生經於百劫然後教令修十善道如是供養經於千劫教住

執五

八

四禪經於百千劫教住四無量心經於億劫教住四無色定經於百億劫教住須陀洹果經於千億劫教住斯陀含果經於百千億劫教住阿那含果經於那由他億劫教住阿羅漢果經於百千那由他億劫教住辟支佛道佛子於意云何是人功德寧爲多不天帝言佛子此人功德唯佛能知

後九略說中文四同前今初併舉九事樂具皆同一切所經劫數漸漸增多其所教法轉轉增勝據初世界亦合漸增以此十

前文標一故餘無者略若十方共十則界不增

法慧菩薩言佛子此人功德比菩薩初發心功德百分不及一千分不及一百千分不及一乃至優波尼沙陀分亦不及一何以故佛

子一切諸佛初發心時不但爲以一切樂具供養十方十阿僧祇世界所有衆生經於百劫乃至百千那由他億劫故發菩提心不但爲教爾所衆生令修五戒十善業道教住四禪四無量心四無色定教得須陀洹果斯陀

執五

九

含果阿那含果阿羅漢果辟支佛道故發菩提心爲令如來種性不斷故爲充徧一切世界故爲度脫一切世界衆生故爲悉知一切世界成壞故爲悉知一切世界中衆生垢淨故爲悉知一切世界自性清淨故爲悉知一

切衆生心樂煩惱習氣故爲悉知一切衆生
死此生彼故爲悉知一切衆生諸根方便故
爲悉知一切衆生心行故爲悉知一切衆生
三世智故爲悉知一切佛境界平等故發於
無上菩提之心

第四校量中三初辨超過二何以故者徵
徵意云前云功德除佛難知何以比此猶
少非類三釋意有二一別翻前喻謂發心
無限前有限故亦是反釋二爲令如來種
性不斷下通對前十總顯具德亦是順釋
於中有十二句初三總相對前辨勝一翻
前小果二翻前限處三翻前有限衆生下
九句即下十喻之本一即第三知劫成壞
喻本二即第四善知勝解喻本故下文云
乃至垢解淨解等三却是第二步剎喻本

四即第六及第十本五即第九本六即五
七本七八皆第八喻本九知佛境界平等
即第十一供佛喻本此中九句即佛十力
智一知成壞垢淨自性即業報智心樂即
種種解智知煩惱即漏盡智生死即天眼
智諸根即根勝劣智方便即禪解脫三昧
智此及佛境並是一切至處道智心行即
種種界智三世智即宿命智其處非處智
以是總故亦是前三總句中攝然此所知
皆約一切無齊限也下文廣釋其相

佛子復置此喻假使有人於一念頃能過東
方阿僧祇世界念念如是盡阿僧祇劫此諸
世界無有能得知其邊際又第二人於一念
頃能過前人阿僧祇劫所過世界如是亦盡
阿僧祇劫次第展轉乃至第十南西北方四

維上下亦復如是佛子此十方中凡有百人
一一如是過諸世界是諸世界可知邊際菩
薩初發阿耨多羅三藐三菩提心所有善根
無有能得知其際者何以故佛子菩薩不齊
限但爲徃爾所世界得了知故發菩提心爲

號五

十

了知十方世界故發菩提心所謂欲了知妙
世界即是麤世界麤世界即是妙世界仰世
界即是覆世界覆世界即是仰世界小世界
即是大世界大世界即是小世界廣世界即
是狹世界狹世界即是廣世界一世界即是
不可說世界不可說世界即是一世界不可
說世界入一世界一世界入不可說世界穢
世界即是淨世界淨世界即是穢世界欲知
一毛端中一切世界差別性一切世界中一
毛端一體性欲知一世界中出生一切世界

號五

十二

欲知一切世界無體性欲以一念心盡知一
切廣大世界而無障礙故發阿耨多羅三藐
三菩提心

第二佛子復置下明速疾步利喻然次下
九喻文皆分四初舉廣喻二辨超過三徵
四釋釋中皆先反釋後順釋今初喻中前
三可知四釋中先反釋彰前不及後爲了
知下順釋辨此過前於中十一句初句總
所謂下別知世界相即相入無障礙義前
七正明即入八一毛端下二對釋上即入
所由略舉三門初以法性融通門釋謂一
切世界差別性與一毛端體性無二故是
故事隨性融此彼相即事攬性起彼此相
入各有同體異體準上思之事隨性等者
如經一毛端
中一切世界差別性者謂一毛端性即是
一切世界差別性今一切世界即事隨其

法性即一毛端以性即毛端諸界即性故
下句亦然一切世界中性即多端一毛端性
一毛隨性即一切世界一毛端一事一毛端性
一即多事攬性起等者謂一毛端一事一毛端性
一切世界中性成故一切世界隨其多端性在
一毛中下句亦然一切世界中各有一端性
成故一毛隨性遍在一切世界中各有一端性
體異體者謂一性端及一切利為各有體也
云何異體同一性故今一毛中自有體性
差別界體同一體故今一毛中自有體性
是為異體而同諸利體故曰一體今諸利
利各自有體即與毛端共同一體今諸利
相隨其異體即彼毛端之同體故利即毛
端毛端異體隨其同體遍於諸利之異體
故彼體即利故毛即諸利然上釋理性融
通中却不廣出同異體義但有其意如上
文云謂不異理之一事具攝理性時即同
體義今彼不異理之多事隨所依理皆於
一中現即異體隨同九一世界中出生一
也故云準上思之

切世界者此約緣起門釋謂諸緣起更互
相生有其二義一約體有體無體義是故
相即二約用有力無力義是故相入亦有
同體異體義並準上思之欲知一切世界
無體性者約無自性門以大非定大故能

第五

十二

即小等十總結欲以一念盡知如是廣無
邊際重重即入無障礙事故發菩提心又
此言知偈中亦身往彼謂諸緣起等者一
利為能生毛為所生因毛之一有剎之多
多為所生毛為所生無體多即是一能生有體
毛攝諸剎上毛為所生反此可知一毛是
能生即是有利諸剎是所生即是一毛力
攝無力一毛有於多剎多剎能生一毛即
無力力攝無力毛入諸剎同體異體廣如
玄中以大非定大等者等取小非定小故
能即大乃等染非定染故能即淨淨非定
淨故即染等至大有於小相不壞於大小
入大也反顯至小有於大相不壞小相則
芥納須彌

佛子復置此喻假使有人於一念頃能知東
方阿僧祇世界成壞劫數念念如是盡阿僧
祇劫此諸劫數無有能得知其邊際有第二
人於一念頃能知前人阿僧祇劫所知劫數
如是廣說乃至第十南西北方四維上下亦
復如是佛子此十方阿僧祇世界成壞劫數

可知邊際菩薩初發阿耨多羅三藐三菩提心功德善根無有能得知其際者何以故菩薩不齊限但爲知爾所世界成壞劫數故發阿耨多羅三藐三菩提心

第三佛子下知劫成壞喻文亦有四初明

第五

十三

喻廣大舉成攝住舉壞兼空二佛子此下

對辨超過三微四釋釋中亦二先反釋後

順釋

爲悉知一切世界成壞劫盡無餘故發阿耨多羅三藐三菩提心所謂知長劫與短劫平等短劫與長劫平等一劫與無數劫平等無數劫與一劫平等有佛劫與無佛劫平等無佛劫與有佛劫平等一佛劫中有不可說佛不可說佛劫中有一佛有量劫與無量劫平等無量劫與有量劫平等有盡劫與無盡劫

平等無盡劫與有盡劫平等不可說劫與一念平等一念與不可說劫平等一切劫入非劫非劫入一切劫欲於一念中盡知前際後際及現在一切世界成壞劫故發阿耨多羅三藐三菩提心是名初發心大誓莊嚴了知一切劫神通智

順中三初總次所謂下別三是名下結能知智別中言平等者通相即相入就緣就性唯心等殊皆無障礙故云平等一長短者如娑婆爲短安樂爲長遞傳相望以爲長短二三及四文並可知五量無量者如勝蓮華界劫更無有上名爲無量已下皆有量

言平等者總取諸句平等而平等字要須長短等相方有即入故然云劫者婆沙一百三十五云分別時分故名爲劫即體五蘊生滅以成於劫大乘即以時爲體經云長劫與短劫平等者意云長劫即短劫短劫即長劫亦是平等長劫入

短劫短劫八長劫亦是平等就緣即緣起
相由門就性即法性通門唯心即唯心
所現門即十因中之三等取餘事幻等七
二三及四等者二即一多三即有佛無佛
如過去莊嚴現在賢劫未來星宿各有千
佛名爲有佛劫此後六萬二千劫空過無
有佛名爲無佛劫四即多少如威光修因
種種莊嚴劫中有十須彌山微塵數佛大
通智勝佛處東南方梵王讚云一百八十
劫空過無有佛準十住婆沙第十云如經
中說諸比丘是賢劫前九十一劫毗婆尸
佛出一百三十一劫有二佛出一名尸棄
二名毗婆尸此賢劫中橋樓孫迦那舍牟
尼迦葉佛出六萬二千劫空過無佛如勝
蓮華界等六有成壞則有盡無成壞則無
即壽量品六有成壞則有盡無成壞則無
盡標中但云成壞從多分說亦盡盡細不
盡七念劫相望八劫非劫自有三義一約
未經增減縱百千年名爲非劫若經增減
成壞名劫二如勝蓮華剎既不可校量亦
無劫數故名非劫三推妄歸真劫入非劫
依真起妄非劫入劫斯則前七事事無礙
此乃理事無礙九一念速知兼總包無盡

疏五

十四

以斯無限安可比前三結能知智即十通
中知盡未來際劫神通也

大方廣佛華嚴經疏鈔會本第十七之三

音釋

儻他朗切或礮蒲官切鉞魚厥切音
然之辭 漢名 月大斧也

大方廣佛華嚴經疏鈔會本第十七之四 號六

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子復置此喻假使有人於一念頃能知東方阿僧祇世界所有衆生種種差別解念念

號六

如是盡阿僧祇劫有第二人於一念頃能知前人阿僧祇劫所知衆生諸解差別如是亦盡阿僧祇劫次第展轉乃至第十南西北方四維上下亦復如是佛子此十方衆生種種差別解可知邊際菩薩初發阿耨多羅三藐三菩提心功德善根無有能得知其際者何以故佛子菩薩不齊限但爲知爾所衆生解故發阿耨多羅三藐三菩提心

第四佛子下善知勝解喻文四同前初舉廣喻梵云阿地目多此云勝解謂於決定

境印持爲性不可引轉爲業今譯存略耳

釋中二亦先反後順謂於決定等者謂以

取境審決印持由

此異緣不能引轉

爲盡知一切世界所有衆生種種差別解故發阿耨多羅三藐三菩提心所謂欲知一切差別解無邊故一衆生解無數衆生解平等故欲得不可說差別解方便智光明故欲悉知衆生海各各差別解盡無餘故欲悉知過現未來善不善種種無量解故欲悉知相似解不相似解故欲悉知一切解即是一解一解即是一切解故欲得如來解力故

順中初總後所謂下別別中總有十三句初有八句總相以辨後有五句一一別明前中又二初三解爲得方便解智光此光通因通果於中一廣二深約理等故三即

能知後五句爲得佛十力中勝解智力解一切法初一約人謂衆生海解故次一約時及性三約境明似不似上來明所知廣四事事相即顯所知深上皆所知後一能知即佛十力之一也

別中總有十三句者此是義句以一解爲二

故一句

欲悉知有上解無上解有餘解無餘解等解不等解差別故

第二從欲悉知有上下一一別明上但云多未識差別之相今略示之於中五句各是一義初句三對約佛菩薩相望一妙覺無上餘皆有上此約豎論二約橫辨盡未盡故三同位互望爲等高下位相望爲不等

欲悉知有依解無依解共解不共解有邊解

無邊解差別解無差別解善解不善解世間解出世間解差別故

第二句有六對約五乘凡聖相望差別有依無依約自性差別託於根境及稱真故二約淺深差別甚深般若不共小乘故三

約境差別佛解無邊餘未盡故四約二諦世諦差別勝義無差故五巧拙差別六漏無漏差別

欲於一切妙解大解無量解正位解中得如來解脫無障礙智故

教六

三

第三句有四解約佛乘說一深故二廣故三無分量故四契真如正位得果解故事理無礙故無二礙故

欲以無量方便悉知十方一切衆生界一一衆生淨解染解廣解畧解細解麤解盡無餘

故

第四句唯約衆生以辨差別於中初能知方便不礙空而知假故後悉知下明其所知有三對六解與感相應名染不相應名淨廣略者約境及作意差別麤細者約行相差別委悉不委悉故

欲悉知深密解方便解分別解自然解隨因所起解隨緣所起解一切解網悉無餘故發阿耨多羅三藐三菩提心

第五句多約知聖教解於中文二先正明二一切下通結前文中深密者開則深約方廣一乘密謂密意合則深耶是密以祕以妙即事而真故二方便者略有三種一進趣方便謂見道前方便道是二施爲方便即第七波羅蜜依實起權皆善巧故

實無此事假施設有故三集成方便諸法同體巧相集成如六相巧成亦名方便今並能解言分別者凡於一法多門決擇故言自然者法爾本覺內熏發故隨因所起者過去聞熏之所發故或於現在正思惟等而能知故言隨緣所起者善友音上緣力所開悟故二一切下總結廣多交絡故如網也爲此無限而起大小豈同前喻佛子復置此喻假使有人於一念頃能知東方無數世界一切衆生諸根差別念念如是

第六

四

經阿僧祇劫有第二人於一念頃能知前人阿僧祇劫念念所知諸根差別如是廣說乃至第十南西北方四維上下亦復如是佛子此十方世界所有衆生諸根差別可知邊際菩薩初發阿耨多羅三藐三菩提心功德善

根無有能得知其際者何以故菩薩不齊限
但爲知爾所世界衆生根故發阿耨多羅三
藐三菩提心爲盡知一切世界中一切衆生
根種種差別廣說乃至欲盡知一切諸根網
故發阿耨多羅三藐三菩提心

第五知根智可知

佛子復置此喻假使有人於一念頃能知東
方無數世界所有衆生種種欲樂念念如是
盡阿僧祇劫次第廣說乃至第十南西北方
四維上下亦復如是此十方衆生所有欲樂

可知邊際菩薩初發阿耨多羅三藐三菩提
心功德善根無有能得知其際者何以故佛
子菩薩不齊限但爲知爾所衆生欲樂故發
阿耨多羅三藐三菩提心爲盡知一切世界
所有衆生種種欲樂廣說乃至欲盡知一切

欲樂網故發阿耨多羅三藐三菩提心 欲六

第六知欲樂欲謂於所樂境希望爲性勤

依爲業耶勝解智所攝會釋如前 即勝解智所攝

者約十力智以種種解脫智亦名樂欲若約法相欲與解別皆是別境五中之一也而在十力合之爲一取名有差

佛子復置此喻假使有人於一念頃能知東
方無數世界所有衆生種種方便如是廣說
乃至第十南西北方四維上下亦復如是此
十方衆生種種方便可知邊際菩薩初發阿
耨多羅三藐三菩提心功德善根無有能得
知其際者何以故佛子菩薩不齊限但爲知
爾所世界衆生種種方便故發阿耨多羅三
藐三菩提心爲盡知一切世界所有衆生種
種方便廣說乃至欲盡知一切方便網故發
阿耨多羅三藐三菩提心

第七知方便者即禪善巧及至處道智方便三種如向所辨所望別故無相濫失

所望

別故等者前三方便屬解今屬欲故

佛子復置此喻假使有人於一念頃能知衆方無數世界所有衆生種種差別心廣說乃

至此十方世界所有衆生種種差別心可知

邊際菩薩初發阿耨多羅三藐三菩提心功

德善根無有能得知其際者何以故佛子菩

薩不齊限但爲知爾所衆生心故發阿耨多

羅三藐三菩提心爲悉知盡法界虛空界無

邊衆生種種心乃至欲盡知一切心網故發

阿耨多羅三藐三菩提心

第八知心義兼王所即他心智

即他心智者若是十

力即屬界攝

佛子復置此喻假使有人於一念頃能知東

方無數世界所有衆生種種差別業廣說乃

至此十方衆生種種差別業可知邊際菩薩

初發阿耨多羅三藐三菩提心善根邊際不

可得知何以故佛子菩薩不齊限但爲知爾

所衆生業故發阿耨多羅三藐三菩提心欲

悉知三世一切衆生業乃至欲悉知一切業

網故發阿耨多羅三藐三菩提心

第九知業即業報智上皆文四同前可知

若辨其名體具如初會十力章中若廣顯

差別如第九地

第六

六

佛子復置此喻假使有人於一念頃能知東

方無數世界所有衆生種種煩惱念念如是

盡阿僧祇劫此諸煩惱種種差別無有能得

知其邊際有第二人於一念頃能知前人阿

僧祇劫所知衆生煩惱差別如是復盡阿僧

祇劫次第廣說乃至第十南西北方四維上下亦復如是佛子此十方衆生煩惱差別可知邊際菩薩初發阿耨多羅三藐三菩提心善根邊際不可得知何以故佛子菩薩不齊限但爲知爾所世界衆生煩惱故發阿耨多羅三藐三菩提心

卷六

七

第十佛子復置下明知煩惱差別喻文亦分四前三可知第四釋中亦先反後順爲盡知一切世界所有衆生煩惱差別故發阿耨多羅三藐三菩提心所謂欲盡知輕煩惱重煩惱眠煩惱起煩惱一一衆生無量煩惱種種差別種種覺觀淨治一切諸雜染故順中初總後所謂下別別有六門各先惑後治謂非但空知意在斷故初門總明後一義兼總別中間別舉其重今初門中輕

重眠起通下諸惑故名爲總就中輕重總中之總以品言之一切煩惱各有輕重約起惑者心有異故據難易斷現行爲輕種子爲重即眠起是又分別爲輕俱生爲重若據破壞三寶焚燒善根則邪見最重餘悉名輕若據損惱自他障菩薩道瞋恚最重餘悉名輕若據發潤生死流轉無明愛取爲重若依爲諸惑根則三毒爲重若依障初聖道不受聖教見慢爲重若據遠隨現行障無學道我愛慢爲重餘可名輕若煩惱當體相望十大煩惱爲重隨惑爲輕隨中大小隨展轉輕重又正使爲重習氣爲輕更有異門可略言也

一切煩惱各有輕重者分九品故約起惑者下出輕重所由如一貪惑重者於下劣境起猛利貪中者稱境而起下者設於勝境心亦微薄等三品各三故成九品據難易下別別相望以論輕重

言種子為重者如俱生惑種金剛喻定方
斷盡故下經云金剛道滅方畢竟又分
別為輕者真見道中一時頓斷故唯識云
見所斷惑十俱頓斷以真見道總緣諸故
此約大乘若通三乘唯識論云煩惱障重
見所斷者三乘見道位真見道中一時頓
斷俱生為重者於修道位真見道中一時
分別智方能斷故餘如十地初說則邪見
最重者淫禁經云一切煩惱初見攝盡最
經十重旁三寶為最重十惡亦然嘆志最
重者如普賢行品一念嗔心起百萬障門
開無明愛取為重者淨名經云從癡有愛
則我病生淫禁經云生死本際凡有二種
一者無明二者愛等三毒為重者本行經
云世間之毒莫過三毒諸隨惑等皆從此
生見慢為重者見則偏執一理穴微在心
安受聖教慢既恃已且復他求我愛慢為
重者畧有三義一約識至第七故四惑相
應是也二約行通至諸擇故如明法品當
辨三約果至阿羅漢若作是念我得阿羅
漢道則不得故十大煩惱為重者唯識論
云煩惱謂貪嗔癡慢疑惡見即六根本俱
舍論云六由見異十謂開惡見為五一身
見二邊見三邪見四見取五戒禁取隨煩
惱中大小隨長轉輕重者大隨為重中
小為輕中隨為重小隨為輕名為長轉言
隨惑者唯識頌云隨煩惱謂忿恨覆惱嫉
慳誑誦與害惱無慚及無愧掉舉與昏沉
不信并解怠放逸及失念散亂不正知長
行釋云唯是煩惱分位差別等流性故名

隨煩惱依疏釋云謂忿等十及失念不正
知放逸等假染心所是貪等差別名隨
煩惱無慚無愧掉舉與昏沉散亂不信
七法雖別有體是前根本之等流故名
煩惱由煩惱為因得此等十名別起故
種煩惱別說有三謂忿等十名別起故
隨煩惱無慚無愧掉舉與昏沉散亂不信
掉舉等八過染心故名大隨煩惱釋云然
愈等十自類相望各別而起非共他中
大惑俱行位局故名之為小無慚愧二目
類得俱行通忿等唯過不善位局後八但
得名中掉舉等八自得名俱生但染皆遍得
俱生故不可名小染皆遍故不得名中二
義既殊故八名大習氣為輕者此即阿羅
漢等餘習也以五住煩惱無明為重障大苦
門解前四為輕障見修故今謂以前四位
提障故前四為輕障見修故今謂以前四位
亦障善提無明住地亦障見修故今謂以前四位
又有云等分為輕障境起故多分為重過
境起故又云暫起輕障境起故多分為重過
起常起猛利起者為重此二即前約品中
救之又云迷事為輕後得智斷故迷理為
重根本智斷故此則與前無明為重障善
提故亦小相違故畧不言耳非無有理故
云可畧迷事迷理至言眠起者眠即種子
十地中當廣分別
眠伏藏識起即對境現行言一一眾生無
量煩惱總結多端種種差別如後略說廣

唯佛知種種覺觀通能所治有染淨故染
爲所治煩惱依故如欲害覺能生貪等
無量煩惱涅槃加五說有八覺一欲覺求
可意事二瞋覺念欲瞋他三惱覺念欲惱
他四親里覺憶念親緣五國土覺念世安

危六不死覺積財資養七族姓覺念族高
下八輕侮覺侮即是慢念自恃欺人此等
非一故云種種皆能引起一切煩惱對上
一一衆生無量煩惱亦名引起分別言淨
治者欲以不淨觀治瞋以慈治惱害以悲

治次四以無常觀治後一以無我我所觀

治故云種種覺觀淨治一切雜染

能生貪等者即

第二十三經高貴德王菩薩品經云復次
善男子一切凡夫雖善護身心猶放生於
三種惡覺以是因緣斷煩惱得生非想
非非想處猶放還墮三惡道中善男子譬
如有人渡於大海垂至彼岸汲水而死凡
夫之人亦復如是垂盡三有還墮三塗何

以故無善覺故云作善覺所謂六念下廣
說惡覺之過故云如涅槃說言加五說有
八覺者即俱舍等論亦名八尋下疏所列
惱覺即是害覺涅槃通說六念爲善今別
說之故以不淨等
治爲善大意可知
欲盡知依無明煩惱愛相應煩惱斷一切諸
有趣煩惱結故

第二依流轉門於所治中即癡愛發潤斷
一切下明治由癡愛故諸趣流轉從癡有
愛菩薩病生故一切衆生三有五趣三結
要當斷盡一欲界諸愛別名欲結二上二
界愛合名有結三三界無明名無明結三
結亦名三漏即上癡愛斷已永盡生死流
故

欲盡知貪分煩惱瞋分煩惱癡分煩惱等分
煩惱斷一切煩惱根本故

第三依病行門四分分別分是性義各據

偏多受貪等名名爲不等三分俱多名爲等分然不出三此三別名三不善根故治中云斷根本也

欲悉知我煩惱我所煩惱我慢煩惱覺悟一切煩惱盡無餘故

第六

十

第四依通諸識門明我我所謂第七識恒執第八爲自內我故惑謂爲我所染之起慢故云我慢通至第六內執我身外執資具恃已陵人又此我者亦兼法我若盡此惑則諸惑皆盡故治中云盡無餘也

欲悉知從顛倒分別生根本煩惱隨煩惱因身見生六十二見調伏一切煩惱故

第五約相生門以利鈍分別先鈍後利故淨名推身以欲貪爲本欲貪以虛妄分別爲本虛妄分別以顛倒想爲本顛倒想以

第六

十二

無住爲本今以無住非煩惱故畧不言耳而順明之從顛倒虛妄分別生貪等惑依貪等惑有諸隨惑展轉相生顛倒想者不淨計淨等故利中即身見爲本生六十二見此有二說一依三世五蘊至下當明二依異道邪見具如瑜伽八十七說利中以者言身見者唯識論名薩迦耶見釋云謂五取蘊執著我我所一切見趣所依爲業此見差別有二十句六十五等分別起攝釋曰此見差別下即說云一依三世五蘊說者彼說釋云薩迦耶見具足梵云薩迦耶達利瑟致經部師云薩迦耶是僞義迦耶是身達利瑟致是見身是聚義即聚義假應言緣聚身起見名爲身見薩婆多云薩是

有義迦耶等如前雖見聚身而是實有身者即是自體異名應言自體見大乘法師解云僧乞憍盛薩便成移轉以大心心上所變之法故言移轉身見依五蘊起此我見此爲依故諸見得生故言見趣所依爲業趣者況也惑所歸處也言二十句者對法第一云謂如計色是我我有二色屬我我在色中一蘊有四五蘊合有二十句也五爲我所見餘皆我所謂相應我所御隨逐我所御離不離我所御故有十五

我所此即分別行緣蘊不分別所起處若
歷三世便有六十加身即我為六十一我
復異身為六十二又計常無常等為六十
二如十藏品論云六十五者婆沙論云謂
如以色為我於餘四蘊各有十二色為一我即
總有六十三五蘊總有六十我色所見有五我
見為六十五此即分別行緣蘊亦分別所
起處此等皆是分別我見二依唯識約所
論中約速前際後際為次今依唯識約所
依見分之謂於前際計四遍常四一分常
及依計後際有想十六無想俱非各有八
論共四十種常見差別有計後際七斷滅
論此四十七共因我見而起邊見有計前
際二無因論四有邊論四不死論及計
後際五現淫祭故六十二此六十二以邪
見遠見二為自體以餘二見而為眷屬依
於身見以為根本此亦舉大數次依喻如
以釋相者初四遍常者謂我及世間一切
皆常但有隱顯依上中靜慮等起宿住遺
念生四常論一由能憶二十成壞劫二能
憶四十劫三能憶八十劫四依天眼所見
現在世間諸有情死時生時諸相續彼
便統我世間俱常言四一分常者謂四皆
一分一者從梵天沒來生此間常得宿住通
作如是等執梵王是常見大種是常故名一
分二聞梵王有如是見大種是常故名一
常或復翻此三有先從戲忘天沒來生此
間得通起執不生生此者常我生此者無
常四有先從意憤天沒一分同前此天住

處住妙高層級或三十三天釋曰若依
如此中即說二無因以同計前際故唯識
此後即明有想十六等言十六者有四
句一我有色死後有想即欲界全色界一
色取諸法說名我為有想即欲界全色界一
分除無想天二我無色死後有想即色界
蘊為我此在欲界乃至無所有處唯除非
想三我亦有有色亦無色死後有想即色
為我四我非有色亦無色死後有想即色
三也依尋伺等至皆容得起第二四句云
一執我指節等二執我無邊死後有想
限如指節等二執我無邊死後有想
色為我遍一切處故三執我亦有三等
邊死後有想執我隨身卷舒等四執我
有邊非無邊起死後有想執我隨身卷
同等有種種起死後有想執我隨身卷
我有一種種起死後有想執我隨身卷
一色一思想者在前三無色二思想者
為我想除我無想天三無色二思想者
界色界除我無想天三無色二思想者
色界除我無想天三無色二思想者
執我無量無色為我想天四無量無色
者一我純有苦死後有想在地獄中三
我純有苦死後有想在地獄中三
苦有樂死後有想在地獄中三
純無苦死後有想在地獄中三
伺等至皆容得起無想俱非各八論者
想八論者有容得起無想俱非各八論
死後無想者有容得起無想俱非各八
得定主彼作如是計一我無色死後無

執命根為我得無想定三執我亦有色於此二
無色起一我後無想雙執我非有命根為我於此二
中起一我後無想三句等至尋同皆容起故第二
無想速第三句等至尋同皆容起故第二
四句者一執我得無想定二執我無邊色為我
其量狹小等得我無想定二執我無邊色為我
無想執色為我無邊一切處等三執我無邊色為我
邊亦無邊死後無想執色為我無邊一切處等三
行故第四句者後俱非八論者有別義等至
尋伺皆容得起後俱非八論者有別義等至
一云執我有色死後非有想非無想執色
為我見諸有情入非想非非想定無想執色
利作如是執唯尋伺執非為得定也二執我
無色死後如前執無色蘊為我等入非想
非非想定無想執色為我無邊一切處等三
亦有情亦無色死後如前執色蘊為我等入
見有情等亦無色死後如前執色蘊為我等入
其第四句其文易知如是一切皆執四無色
第四句其文易知如是一切皆執四無色
為我以得非想非非想定客有此執一由
彼定時分位促故別以一分長故總以四蘊
執我有邊二由彼定時分長故總以四蘊
為緣故執我無邊三由彼定或一蘊
或總為緣故執我無邊三由彼定或一蘊
更無別義七斷滅論者一執我無邊色為我
大種所造為性死後斷滅者一執我無邊色為我
死後有而無故二我欲界天死後斷滅者一
我色界天死後斷滅者一我欲界天死後斷滅
非非想皆云死後斷滅四我欲界天死後斷滅

地為生死頂故前四十見為常後七見為
斷此皆見斷名分別起見有計前際二無
因論等者皆因邪見起見不正故名之為
邪二無因者一從無想天沒來生此間無
宿住通不能憶彼出心已前所有諸位便
執諸法本無而起如我亦應本無而起便
起執言我及世間無因而起如二尋伺不
憶前身作如是執無因而起如二尋伺不
無想前一及虛妄尋伺無二事而起如二
一由一及虛妄尋伺無二事而起如二
靜慮執我於中悉皆充滿便作是念過此
有我應能見故有邊無二由一能憶
傍無有邊執我遍滿故有邊無二由一能憶
上下及傍故執我遍滿故有邊無二由一能憶
劫斷位便生非有邊無二由一能憶
無所斷位便生非有邊無二由一能憶
沙意外道計四不死矯亂者先總釋名準婆
得生彼天今佛訶云汝言秘密等即是不
亂言四種者一佛訶云汝言秘密等即是不
等有餘問我不得定答我若定答恐他
我無知因即輕蔑於我彼天秘密義不應
皆說等二行誦曲者作是思惟非我淨天
一切隱密皆許記別謂自思惟及清淨道
故三懷恐怖而無記別謂自思惟及清淨道
知由是懷恐怖而無記別謂自思惟及清淨道
處懷恐怖而無記別謂自思惟及清淨道
知若問我當友結一切隨言無減而
印順之五現淫樂者一見現在受若天
住初定以為淫樂引在身中名為得樂見

他現在住定亦爾下皆準此三獸尋伺故
現得第二定以為涅槃四獸尋伺喜故
現住第三定以為涅槃五獸喜樂乃至出
入息現住第四定以為涅槃待過去故名
為後際又此計我現既有樂後亦有樂故
後際攝以現樂為先而執後樂總名現法
此不依我見起故邪見
攝六十二見大意已周

欲悉知蓋煩惱障煩惱發大悲救護心斷一

切煩惱網令一切智性清淨故發阿耨多羅

三藐三菩提心

第六約出家修行者以障蓋分別蓋謂五

蓋已見上文障即二障此亦總結前諸惑

不離二障發大悲下明能治道謂救有障

者護修行者此言在末義兼總結謂菩薩

發心不自為已但以大悲救護一切令斷

上來諸惑之網斷之何為令本智清淨然

能治道雖復衆多不出二種一通二別別

如上來隨分開示如不能斷應宜轉治謂

卷六

十四

如起貪以不淨觀治之不去當起慈悲緣
於前境應以淨法與之云何出家無慈悲
心反更染汚如是隨便種種迴轉皆以無
得而為方便所言通者但當深觀第一義
諦謂當觀諸惑即是本覺菩提故無行云

貪欲即是道患癡亦復然如是三法中具

一切佛法故惑性智性皆本淨故但由虛

妄分別凡夫不了如大富盲人動轉為寶

所傷二乘熱狂謂為蟲蛇驚走遠避權菩

薩輩猶謂有之可斷今乘一切智乘以淨

卷六

十五

慧眼觀惑即真則煩惱自虛智性常淨是

為開佛知見使得清淨不斷煩惱而入涅

槃有斯悲智如是知斷發菩提心豈與夫

前喻同年而語哉

皆已無得即大般若意
至迴向當釋貪欲即道

勝熱
處說

大方廣佛華嚴經疏鈔會本第十七之四

音釋

齊

限齊在詣切
限分齊也

度度徒落切
度量謂計

量度量也
度量謂計

璣璣王玷切
璣王玷切

曼曼莫班切
曼莫班切

慙慙莫班切
慙莫班切

降降莫班切
降莫班切

大方廣佛華嚴經疏鈔會本第十七之五 號七

唐千闍國三藏沙門實叉難陀 譯

唐清涼山大華嚴寺沙門澄觀撰述

佛子復置此喻假使有人於一念頃以諸種種上味飲食香華衣服幢幡傘蓋及僧伽藍上妙宮殿寶帳網幔種種莊嚴師子之座及衆妙寶供養東方無數諸佛及無數世界所有衆生恭敬尊重禮拜讚歎曲躬瞻仰相續不絕經無數劫

第十一明供佛及生喻文三初舉喻校量

二徵三釋今初分二前廣明一人後略辨九人初中有四一舉廣喻二問三答四校量顯勝初中有二初廣說東方後南西下略例九方初中又二先明佛在供養後至佛滅下明滅後供養前中又二先自行後

又勸下化他前中有四深勝一供具廣妙二供田廣勝謂無數界悲敬田故三供心勝恭敬等故四供時勝相續無數劫故此自行已勝況於教他況復滅後況於餘方餘並可知

又勸彼衆生悉令如是供養於佛至佛滅後各爲起塔其塔高廣無數世界衆寶所成種種莊嚴一一塔中各有無數如來形像光明徧照無數世界經無數劫南西北方四維上下亦復如是佛子於汝意云何此人功德寧爲多不天帝言是人功德唯佛乃知餘無能測佛子此人功德比菩薩初發心功德百分不及一千分不及一百千分不及一乃至優波尼沙陀分亦不及一佛子復置此喻假使復有第二人於一念中

能作前人及無數世界所有衆生無數劫中
供養之事念念如是以無量種供養之具供
養無量諸佛如來及無量世界所有衆生經
無量劫其第三人乃至第十人皆亦如是於
一念中能作前人所有供養念念如是以無
邊無等不可數不可稱不可思不可量不可
說不可說不可說供養之具供養無邊乃至
不可說不可說諸佛及爾許世界所有衆生
經無邊乃至不可說不可說劫至佛滅後各
爲起塔其塔高廣乃至住劫亦復如是

後略辨九人中二先舉廣喻二佛子下校
量顯勝前中九人展轉遙望念敵多劫數
量復增此中如第一人一念以無數供至
第二人皆增至無量乃至第十增至不可
說不可說皆積當位之念以至當位極長

時也

第七

二

佛子此前功德比菩薩初發心功德百分不
及一千分不及一百千分不及一乃至優波
尼沙陀分亦不及

後校量可知

何以故佛子菩薩摩訶薩不齊限但爲供養
爾所佛故發阿耨多羅三藐三菩提心爲供
養盡法界虛空界不可說不可說十方無量
去來現在所有諸佛故發阿耨多羅三藐三
菩提心

第七

三

二徵意云其第十人供福已至不可說不
可說全比容許不齊何以不及少分第三
釋中分二先反顯不爲齊限明前不及此
後爲供養盡法界下順釋以無限故辨此
過前略申十種一時過謂窮三際念劫重

重時故二處過謂該十方相即入故三供過謂盡法界稱理之供故四田過謂盡虛空界塵毛等處諸如來身各充法界故五心過謂一一念中各以無盡供供無盡佛經無盡劫心猶不足故六悲過自作教他以此善根唯爲衆生令先成佛我亦供養故七智過了達三事隨其一稱法界故如海一滴則具百川之味芥子之空已無分限八善巧過能以一事爲多攝多爲一善巧成就融攝諸位真實行故九所求過唯爲菩提不餘趣故十平等過謂生佛自他供與不供皆平等故束上十義總不出三一無齊限故二稱法性故三事事無礙故無此三意設更重重廣喻亦不及少分發是心已能知前際一切諸佛始成正覺及

般涅槃能信後際一切諸佛所有善根能知現在一切諸佛所有智慧

第四發是心已下就法略示分前喻顯大心因廣此明攝德深勝亦是讚勝勸學文中有一發是心已者牒前諸喻所校量心二能知下明此大心所攝功德於中有五一解行圓滿二妙果當成三與佛平等四能作佛事五大智現前初中三一總舉所知現佛正覺但云智慧過佛示滅故加涅槃當佛在因云善根也過現已從緣應可得云知未來未有但可云信亦信一切皆當佛也

彼諸佛所有功德此菩薩能信能受能修能得能知能證能成就與諸佛平等一性二彼諸下攝以修證有爲能得無爲能知

能證使智身成就法身等佛古德判此一段爲攝位修成謂於佛功德智慧能信是十信信成就故後攝初故能受是十住能修是十行能知是十向得證是十地謂本智證後智得能成就是結因究竟能與佛等是果滿平等謂與佛能證所證平等無二故初心即攝諸位乃至佛果亦是一理

古德判此一段以爲攝位修成者上直就初住之德以爲深勝今明攝位即初後圓融不違經宗事事無礙亦是一理

何以故此菩薩爲不斷一切如來種性故發心爲充徧一切世界故發心爲度脫一切世界衆生故發心爲悉知一切世界成壞故發心爲悉知一切衆生垢淨故發心爲悉知一切世界三有清淨故發心爲悉知一切衆生心樂煩惱習氣故發心爲悉知一切衆生死

此生彼故發心爲悉知一切衆生諸根方便故發心爲悉知一切衆生心行故發心爲悉知一切衆生三世智故發心

三徵釋所以何以初心即滿因位釋意云以等真性所爲無齊限故有十一句初總

餘別文並同前初喻中辨

以發心故常爲三世一切諸佛之所憶念當得三世一切諸佛無上菩提即爲三世一切諸佛與其妙法即與三世一切諸佛體性平等已修三世一切諸佛助道之法成就三世一切諸佛力無所畏莊嚴三世一切諸佛不共佛法悉得法界一切諸佛說法智慧何以故以是發心當得佛故

第二以發心故下妙果當成分二初標因所得二徵釋所由今初得於八事一解契

佛心故爲憶念二入正定聚故當得菩提
三真器已成故佛授妙法妙法者即如來
知見也四知心性故與佛平等五圓修助
道六度四攝六力等未證亦定無疑故云
成就七十八不共修習莊嚴八得四無礙

辯名說法智慧上七皆言三世明其豎該
今云法界辨其橫攝前後影略二徵釋所
由中初徵意云何以發心即得果法釋云
以是發心爲因決定當得佛故望圓極之
果故定當成約見性成智身上品云即得
故晉經梵本此中皆云即是佛故者當此
義也力等未證者即是得意偈云菩薩於
共淨行品已說望圓極之果等者當得佛
言且順經文分爲二義故引晉經梵本則
知當字足譯人之意譯人意欲不壞初後
故作此譯若此意存不壞初後則前梵行
品初發心即得菩提如何會釋此改爲當
彼亦須改彼成無妨此即何違故此即佛

正是梵行初心即成耳且順彼釋故云見
性即成智身若約圓融此後更無別佛
應知此人即與三世諸佛同等即與三世諸
佛如來境界平等即與三世諸佛如來功德
平等得如來一身無量身究竟平等真實智
慧

第三應知下與佛平等者見性均故發心
畢竟二不別也文有四句初總餘別總言
等佛何所等耶有三種等一所緣境界及
分齊境界等二大悲大定力無畏等皆等
三得知身無從亦無積聚隨物分別見種
六
種身如是智慧與佛平等三得知身無從
等者釋經得如
來一身無量身究竟平等真實智慧即用
上光明寶品偈釋得云一身爲無量無量
復爲一了知諸世間現形遍一切此身無
所從亦無所積聚衆生分別故見佛種種
身

纔發心時即爲十方一切諸佛所共稱歎即

能說法教化調伏一切世界所有衆生即能震動一切世界即能光照一切世界即能息滅一切世界諸惡道苦即能嚴淨一切國土即能於一切世界中示現成佛即能令一切衆生皆得歡喜即能入一切法界性即能持

七

一切佛種性即能得一切佛智慧光明

第四纔發心時下能作佛事有十一句皆是纔發即得言即得者有二意故一約法圓融初心攝諸位故通說諸位相攝總有三類一以行攝位如信中具一切位賢首品說二以位攝位如十住滿即得成佛如十住品及法界品海幢比丘處說其十行十向十地皆爾各如自品說三初心攝終如十住初心即攝諸位如此品說並就因位滿說如普賢作用大分同佛猶未是佛

此中亦爾其十行等者十行第十智度滿故入因陀羅網境界明知已攝諸位十迴向品第十八法界無量迴向證窮法界故十地墮在佛數故如普賢作用下例引等妙二約見性齊故說與佛等具諸佛法豎論位次優劣非無若爾此與歷別何異詩以喻顯若彼虛室置之一燈光周室內加二加三乃至百千各各重重徧於室內雖同周徧不妨後後益明初心等佛若彼一燈妙覺等初同第百千若器中盛燈雖復百千共置一室互不相見歷別修行類同此也依於此義故初心即云振動光照一切世界登地已上却說百利千刹如理思之又即由此義廢高就下住中即齊地故二約見性下此上即藏和尚意此下即天台圓教之意故云普人豎說五種菩提我即橫開六即此中當其分真即也請以下三解釋先喻圓融後喻行布又即由此義等者亦天台意智者雖說四教三教及至果處却無實事但就

教中施設有果進入位後果即便虛如別
教說三賢十地修三賢位則有可修及至
登地更無有別別教十地證竟但是圓家
住耳即由此義圓教初住自在過地不知
此意故謂此
會是說十地

此初發心菩薩不於三世少有所得所謂若
諸佛若諸佛法若菩薩若菩薩法若獨覺若

梵

八

獨覺法若聲聞若聲聞法若世間若世間法
若出世間若出世間法若眾生若眾生法唯
求一切智於諸法界心無所著

第五此初發下明大智現前此文二意一
別是一段謂以無著大智求菩提故二通

釋上四段謂由於一切無所著故稱性圓
融能成能攝一切功德文中分二初正明
無著後釋其所由前中初總所謂下別謂
從三世門見佛法僧非佛法僧同三世攝
於中三位初八清淨次四通染淨後二唯

染後唯求下釋不著所由文含多意一云
唯爲菩提故云求一切智不餘趣向故於
法界佛等無著此雖有理不順今文以佛
及佛法豈非一切智耶二云求之於已不
求佛等求之於已尚未免求

文含多意者
標也前二欲

昔言求之於已尚未免求者破第二今釋
釋也則連淨名於一切法應無所求

有二一只爲求一切智故求而無著以有

所著非真求故故淨名云夫求法者於一

切法應無所求了法無求順一切智二言

求者不壞相也不著者稱法性也性相雙

梵

九

鑑終日求而無所求經云無所求中吾故

求之矣

今釋有二下述正義也前意即順
般若性空後意則明事理雙現經

云無所求中吾故求之即方等經中佛爲

雷音菩薩說於法華音因緣已又云過去

有佛名栴檀華彼佛去世甚久我於彼時

如汝無異彼有菩薩名曰上首作一乞士
入城乞食時有比丘名曰恒伽謂乞士言
汝從何來答曰我從真實中來又問何謂

真實答曰寂滅相故名爲真實又問寂滅相中有所求無所求耶答曰無所求又問無所求者何用求耶答曰無所求中吾故求之又問無所求中何用求耶答曰有所求者一切皆空得者亦空著者亦空寂滅亦空求者亦空語者亦空問者亦空寂滅涅槃一切虛空一切世界亦復皆空吾爲如是次第空法而求真實又問菩薩於何處求答曰於六波羅蜜中求恒伽闍已賣身供養釋曰然上經文雙證二意以正說求者皆空即般若意故不礙求即雙行意雙行亦即不共般若之意耳

爾時佛神力故十方各一萬佛刹微塵數世界六種震動所謂動徧動等徧動起徧起等徧起踊徧踊等徧踊震徧震等徧震吼徧吼等徧吼擊徧擊等徧擊爾衆天華天香天末香天華鬘天衣天寶天莊嚴具作天妓樂故天光明及天音聲

第五爾時下動地興供分全同上文

是時十方各過十佛刹微塵數世界外有萬佛刹微塵數佛同名法慧各現其身法慧

菩薩前作如是言善哉善哉法慧汝於今者能說此法我等十方各萬佛刹微塵數佛亦是說法一切諸佛悉如是說

第六是時十方下他方證成分望於上文有同有異同義可知異有三種即爲三段

一佛現證成異前菩薩二顯益證成前文所無三結通無盡前略比廣加說因故今初也先現身次讚說後引已同以初心攝德深廣恐難信受故佛自證

汝說此法時有萬佛刹微塵數菩薩發菩提

號

十

心我等今者悉授其記於當來世過千不可說無邊劫同一劫中而得作佛出興於世皆號清淨心如來所住世界各各差別

二汝說此法時下顯益證成益通二世初益現在後我等悉當護持已下顯及當來

今初清淨心者以聞菩提心見心性故而
經多劫者然餘教說定三僧祇此宗所明
劫數不定略有四類一或展則無量不可
說不可說剎塵如法界品說二或千不可
說或減或增如威光太子及此中說三或
一生二生如善財童子兜率天子四初心
即得如前所說所乘之法既自在圓融能
乘之人亦遲速不定念劫融故故彌勒云
一切菩薩無量劫修善財一生皆得起信
則以若遲若速皆爲方便此宗則以楷定

爲權並有聖言無煩固執不以長時而生
退怯不以速證而起輕心若遲若疾誓要
當剋是佛意也而經多劫者此標準亦是
問難也應有問言前未讚
經玄妙則言一生圓融却之果今既圓妙
何以多劫方成起信則以下三雙出二宗
之意發趣道相中證發心後云或示起地
速成正覺以爲怯弱衆生或說於無量阿

僧祇劫當成佛道以爲懈慢衆生故能示
如是無數方便不可思議而實菩薩種性
根等發心則等所證亦等無有超過之法
以一切善法皆經三阿僧祇欲性異故示所
生世界不同所見所聞根欲性異故示所
行亦有差別釋曰此即以遲速皆方便也
此宗則楷定爲權以不定或遲或速爲實
如前第二段明故毗目瞿沙暫時執手時
經多劫則一生不定一生無量劫即一
念多劫豈爲多劫故結勸之勿生執也

我等悉當護持此法令未來世一切菩薩未
曾聞者皆悉得聞

後益末世令信仰故今之聞者皆由佛力
願深愧信行

如此娑婆世界四天下須彌頂上說如是法
令諸衆生聞已受化如是十方百千億那由
他無數無量無邊無等不可數不可稱不可
思不可量不可說盡法界虛空界諸世界中
亦說此法教化衆生

三如此下結通無盡是證佛結通非經家

也先明說徧

其說法者同名法慧悉以佛神力故世尊本願力故爲欲顯示佛法故爲以智光普照故爲欲開闡實義故爲令證得法性故爲令衆會悉歡喜故爲欲開示佛法因故爲得一切

佛平等故爲了法界無有二故說如是法

後其說法下示所說同文中有一說人

同二說因同謂神力本願故三說意同爲

欲下是此文大旨同前十住並顯可知此

大旨等者同十住中加所爲也此中顯示一切佛法即前持說佛法故二智光普照

即前覺一切佛法三開闡實義即前增長佛智四證得法性即前所入無礙五衆會

歡喜即前善了衆生界及知衆生根六開示佛法因即前所行無障及得無等方便

七爲得一切佛平等即前入一切智性八爲了法界無有一故即前深入法界故總

結云說如是法明是說因

爾時法慧菩薩普觀盡虛空界十方國土一

第七

十二

切衆會欲悉成就諸衆生故欲悉淨治諸業果報故欲悉開顯清淨法界故欲悉拔除雜染根本故欲悉增長廣大信解故欲悉令知無量衆生根故欲悉令知三世法平等故欲悉令觀察涅槃界故欲增長自清淨善根故承佛威力即說頌言

第七爾時下以偈重頌分先辨偈意有十

一句初一後一是說偈儀而離開者欲顯

中九皆承佛力該十方故中九正明所爲

初總餘別別中四對一淨業顯理二除惑

開信妄想分別爲雜染根三知病識藥四

觀果淨因即由利他自業便淨一淨業顯理者業淨

則理顯故二除惑開信者若無妄想即增信解故餘可知

爲利世間發大心其心普徧於十方衆生國

土三世法佛及菩薩最勝海

第二正顯偈辭有一百二十一頌文分三

段初八十二偈超頌就法略示二有三十

四偈却頌就喻校量三有五偈結德勸讚

令景慕發心歎深難說徧於三段又歎爲

長行偈頌之本故略不頌之初中文亦分

雙

三

五初有十七偈頌第一解行圓滿二菩薩

始發下十七頌超頌第四能作佛事三菩

薩所住下十八偈却頌第三得佛平等四

趣向菩提下六偈半頌第五大智現前五

恒勸衆生下二十三偈半頌第二當成妙

果文不次者顯德無前後故又長行明先

同果體後同果用偈明用可在今果明當

得大智通徧故前後互明初中文分爲二

初一偈頌前正明解行圓滿然初句是總

舉發心爲因

究竟虛空等法界所有一切諸世間如諸佛

法皆往詣如是發心無退轉

餘十六偈頌前徵釋於中有七初一偈頌

充徧一切世界

慈念衆生無暫捨離諸惱害普饒益光明照

世爲所歸十力護念難思議

十方國土悉趣入一切色形皆示現如佛福

智廣無邊隨順修因無所著

二有二偈頌爲欲度脫一切世界衆生

有刹仰住或傍覆羸妙廣大無量種菩薩一

發最上心悉能往詣皆無礙

三有一偈頌知世界成壞知者意在往化

觀佛故

菩薩勝行不可說皆勤修習無所住見一切

佛常欣樂普入於其深法海哀愍五趣諸羣

生令除垢穢普清淨

四一偈半頌爲悉知一切衆生垢淨故及一切世界三有清淨知垢意在令淨故五趣三有名左右耳

紹隆佛種不斷絕摧滅魔宮無有餘

第七

十四

已住如來平等性善修微妙方便道於佛境界起信心得佛灌頂心無著

兩足尊所念報恩心如金剛不可沮於佛所行能照了自然修習菩提行

五紹隆下兩偈半却頌爲不斷如來種性

故初半摧邪顯正即紹隆義次句示佛種之體性次二句即起佛種緣餘是種起之相化化不絕是報佛恩心如金剛是種性義照佛所行修菩提行則佛種不斷也諸趣差別想無量業果及心亦非一乃至根

性種種殊一發大心悉明見其心廣大等法界無依無變如虛空趣向佛智無所取諦了實際離分別知衆生心無生想了達諸法無法想雖普分別無分別億那由剎皆往詣

無量諸佛妙法藏隨順觀察悉能入衆生根行靡不知到如是處如世尊清淨大願恒相應樂供如來不退轉人天見者無厭足常爲諸佛所護念

六五偈頌知衆生心樂煩惱習氣下四種

第七

十五

發心於中初偈總明所知事想是妄想即煩惱也業即習氣果即死此生彼心即心行根性即諸根次二偈顯知之體相皆即事入玄次偈非唯知病亦識法藥故如世尊後偈非唯空知行願相符能爲實益

其心清淨無所依雖觀深法而不取如是思惟無量劫於三世中無所著

其心堅固難制沮趣佛菩提無障礙志求妙道除蒙惑周行法界不告勞

知語言法皆寂滅但入真如絕異解諸佛境界悉順觀達於三世心無礙

七有三偈頌知一切衆生三世智謂離三世障故障有十種一煩惱雜染障二觸境迷倒障三長時懈怠障四取著因果障五邪教邪師引轉障六趣下乘障七麤相現前障八於徧趣行無堪能障九隨言生解障十不亡能所障如次十句各一對治末後二句總結通達

菩薩始發廣大心即能徧往十方刹法門無量不可說智光普照皆明了

大悲廣度最無比慈心普徧等虛空而於衆生不分別如是清淨遊於世

第二菩薩始發下有十七偈頌上能作佛事總分爲十初二偈頌即能說法教化調伏一切衆生以悲智相導故

十方衆生悉慰安一切所作皆真實恒以淨心不異語常爲諸佛共加護

二有一偈頌諸佛讚歎必加護過去所有皆憶念未來一切悉分別十方世界普入中爲度衆生令出離

三有一偈頌即能振動一切世界動入互舉

菩薩具足妙智光善了因緣無有疑一切迷惑皆除斷如是而遊於法界魔王宮殿悉摧破衆生翳膜咸除滅離諸分

別心不動善了如來之境界

三世疑網悉已除於如來所起淨信以信得

成不動智智清淨故解真實

爲令衆生得出離盡於後際普饒益長時勤

苦心無厭乃至地獄亦安受

第七

十六

福智無量皆具足衆生根欲悉了知及諸業

行無不見如其所樂爲說法

了知一切空無我慈念衆生恒不捨以一大

悲微妙音普入世間而演說

四菩薩具足下六偈頌即能息滅一切諸

惡道苦於中具悲智之德故能拔因果之

苦而無我人

放大光明種種色普照衆生除黑暗光中菩

薩坐蓮華爲衆闡揚清淨法

五有一偈頌即能光照一切世界照世意

在照生

第七

十七

於一毛端現衆刹諸大菩薩皆充滿衆會智
慧各不同悉能明了衆生心

六一偈即能嚴淨一切國土毛孔現刹即

神通嚴也

十方世界不可說一念周行無不盡利益衆

生供養佛於諸佛所問深義於諸如來作父

想爲利衆生修覺行

七有一偈半頌上即令一切衆生歡喜供

佛問法但爲益物故

智慧善巧通法藏入深智處無所著隨順思

惟說法界經無量劫不可盡智雖善入無處

所無有疲厭無所著

八一偈半頌上即能入一切法界性初半

聞而通達次半思而兼說後半修而無著

三世諸佛家中生證得如來妙法身

九有半偈依修而證頌即能持一切佛種性也

普爲羣生現衆色譬如幻師無不作或現始修殊勝行或現初生及出家或現樹下成菩提或爲衆生示涅槃

十有一偈半頌即能示現成佛

菩薩所住希有法唯佛境界非二乘身語意想皆已除種種隨宜悉能現

菩薩所得諸佛法衆生思惟發狂亂智入實際心無礙普現如來自在力

此於世間無與等何況復增殊勝行雖未具足一切智已獲如來自在力已住究竟一乘道深入微妙最上法

第三菩薩所住下十八偈頌得佛平等於

中分四初三偈半頌佛境界平等初偈分

齊境次偈兼所證所緣境後一偈半舉況顯勝

善知衆生時非時爲利益故現神通分身徧滿一切剎放淨光明除世暗

譬如龍王起大雲普雨妙雨悉充洽觀察衆生如幻夢以業力故常流轉

大悲哀愍咸救拔爲說無爲淨法性佛力無量此亦然譬如虛空無有邊

爲令衆生得解脫億劫勤修而不倦種種思七

惟妙功德善修無上第一業於諸勝行恒不捨專念生成一切智十八

二善知下四偈半頌功德平等

一身示現無量身一切世界悉周徧其心清淨無分別一念難思力如是

三有一偈頌前文得如來一身無量身平等

於諸世間不分別於一切法無妄想雖觀諸法而不取恒救衆生無所度

一切世間唯是想於中種種各差別知想境

界險且深爲現神通而救脫

覽七

十九

譬如幻師自在力菩薩神變亦如是身徧法界及虛空隨衆生心靡不見

能所分別二俱離雜染清淨無所取若縛若解智悉忘但願普與衆生樂

四於諸下九偈頌真實智慧於中有四初

四頌發離一切妄想廣大心

一切世間唯想力以智而入心無畏思惟諸法亦復然三世推求不可得

能入過去畢前際能入未來畢後際能入現

在一切處常勤觀察無所有

二有二頌發窮三際廣大心

隨順涅槃寂滅法住於無諍無所依心如實際無與等專向菩提永不退

修諸勝行無退怯安住菩提不動搖佛及菩

薩與世間盡於法界皆明了

三有二頌發順涅槃菩提廣大心

欲得最勝第一道爲一切智解脫王應當速發菩提心永盡諸漏利羣生

四一偈結勸可知

趣向善提心清淨功德廣大不可說爲利衆生故稱述汝等諸賢應善聽

第四趣向善提下六偈半頌大智現前於中初一結前生後

無量世界盡爲塵一一塵中無量刹其中諸

佛皆無量悉能明見無所取

善知衆生無生想善知言語無語想於諸世

界心無礙悉善了知無所著

其心廣大如虛空於三世事悉明達一切疑

惑皆除滅正觀佛法無所取

十方無量諸國土一念往詣心無著了達世

間衆苦法悉住無生真實際

無量難思諸佛所悉往彼會而觀謁常爲上

首問如來菩薩所修諸願行

心常憶念十方佛而無所依無所取

餘正頌大智現前初偈於佛無著次偈即

若衆生若衆生法次偈即若佛若佛法次

偈若世間若世間法次偈若菩薩若菩薩

法二乘文略後半偈頌上結文念十方佛

即求一切智無依無取即於諸法界心無

所著

號七

二十

恒勸衆生種善根莊嚴國土令清淨一切趣

生三有處以無礙眼咸觀察

所有習性諸根解無量無邊悉明見衆生心

樂悉了知如是隨宜爲說法

於諸染淨皆通達令彼修治入於道無量無

數諸三昧菩薩一念皆能入

於中想智及所緣悉善了知得自在

第五有二十三偈半頌前妙果當成於中

有九初三偈半頌常爲一切諸佛護念以

雙

主

具德故

菩薩獲此廣大智疾向菩提無所礙

二半偈頌當得無上菩提

爲欲利益諸羣生處處宣揚大人法

三半偈頌與其妙法大人法者八大人覺

也

八大人覺者遺教金明一少欲二知足
三寂靜四精進五正念六正定七正慧
八無戲論涅槃二十七加二為十云善男
子菩薩成就十法雖見佛法不得明了前
七同上八即解脫九讚歎解脫十以
涅槃教化衆生十地抄中更當廣釋

善知世間長短劫一月半月及晝夜國土各
別性平等常勤觀察不放逸

四有一偈頌佛體平等時處平等即佛體
故

普詣十方諸世界而於方處無所取嚴淨國
土悉無餘亦不會生淨分別

五有一偈頌已修三世諸佛助道之法

衆生是處若非處及以諸業感報別隨順思
惟入佛力於此一切悉了知

一切世間種種性種種所行住三有利根及
與中下根如是一切咸觀察

淨與不淨種種解勝劣及中悉明見一切眾

生至處行三有相續皆能說

禪定解脫諸三昧染淨因起各不同及以先

世苦樂殊淨修佛力咸能見

衆生業感續諸趣斷此諸趣得寂滅種種漏

法永不生并其習種悉了知

如來煩惱皆除盡大智光明照於世菩薩於

佛十力中雖未證得亦無疑

六有一偈頌成就三世諸佛力無所畏廣

十力之別名略無畏之都號於中五偈半

別明十力後半偈顯得分齊

三七

三

菩薩於一毛孔中普現十方無量刹或有雜

染或清淨種種業作皆能了

一微塵中無量刹無量諸佛及佛子諸刹各

別無雜亂如一切悉明見

於一毛孔見十方盡虛空界諸世間無有一

處空無佛如是佛刹悉清淨
於毛孔中見佛刹復見一切諸衆生三世六
趣各不同晝夜月時有縛解
如是大智諸菩薩專心趣向法王位於佛所
住順思惟而獲無邊大歡喜

七有五偈頌已莊嚴三世諸佛不共佛法
三世間圓融不共權小故

菩薩分身無量億供養一切諸如來神通變
現勝無比佛所行處皆能住

無量佛所皆鑽仰所有法藏悉耽味見佛聞

法勤修行如飲甘露心歡喜

已獲如來勝三昧善入諸法智增長信心不

動如須彌普作羣生功德藏

慈心廣大徧衆生悉願疾成

切智而恒無

著無依處離諸煩惱得自在

哀愍衆生廣大智普攝一切同於已知空無
相無真實而行其心不懈退

八五偈頌悉得諸佛說法智慧

菩薩發心功德量億劫稱揚不可盡以出一
切諸如來獨覺聲聞安樂故

九一偈結德無盡並屬初心該前諸段

十方國土諸衆生皆悉施安無量劫勸持五
戒及十善四禪四等諸定處

復於多劫施安樂令斷諸惑成羅漢彼諸福
聚雖無量不與發心功德比

又教億衆成緣覺獲無諍行微妙道以彼而

校菩提心算數譬喻無能及

一念能過塵數刹如是經於無量劫此諸刹

數尚可量發心功德不可知

過去未來及現在所有劫數無邊量此諸劫

數猶可知發心功德無能測
以菩提心徧十方所有分別塵不知一念三
世悉明達利益無量眾生故
十方世界諸眾生欲解方便意所行及以虛
空際可測發心功德難知量
菩薩志願等十方慈心普洽諸羣生悉使修
成佛功德是故其力無邊際
眾生欲解心所樂諸根方便行各別於一念
中悉了知一切智智心同等
一切眾生諸惑業三有相續無暫斷此諸邊
際尚可知發心功德難思議
發心能離業煩惱供養一切諸如來業惑既
離相續斷普於三世得解脫
一念供養無邊佛亦供無數諸眾生悉以香
華及妙鬘寶幢幡蓋上衣服

第七

云

美食珍座經行處種種宮殿悉嚴好毗盧遮
那妙寶珠如意摩尼發光耀

念念如是持供養經無量劫不可說其人福
聚雖復多不及發心功德大

大文第二十方國土下三十四頌頌前約

喻校量於中分二先十四頌正頌前喻可

知

所說種種眾譬喻無有能及菩提心

後二十偈通釋諸喻不及所由前雖略釋

今此廣辨又長行中多隨喻別明今此總

辨亦總相頌前歎深難說若將別配則令

難證等互有所局於中分三初半偈結前

生後亦總相頌前等者昔以二十三偈頌

二有一偈頌深難說即分爲十初三偈頌

有二偈頌難信解五三偈頌難證六二偈

頌難行七二偈頌難說十有三偈頌難度量

思惟九二偈頌難說十有三偈頌難度量

故云若將別配言則今難證等者如一切獨覺及聲聞悉以發心作根本須難證者前文十力十八不共等並易證耶故云互有所局今二十三偈皆通難信難知難證等故云總相領前則今證等互無所局

以諸三世人中尊皆從發心而得生發心無礙無齊限欲求其量不可得

彼七

二十五

次十七偈半正釋後二偈結德無盡就正釋中分三初偈標章次十二偈半別釋三四偈顯德圓滿今初也謂標出生無盡體相無限二章

一切智智誓必成所有衆生皆永度發心廣大等虛空生諸功德同法界所行皆徧如無異永離衆著佛平等一切法門無不入一切國土悉能往一切智境咸通達一切功德皆成就一切能捨恒相續淨諸戒品無所著

具足無上大功德常勤精進不退轉入深禪定恒思惟廣大智慧共相應

二別釋中初四偈釋無齊限或一句是一義後一偈半頌六度義可以意得

此是菩薩最勝地出生一切普賢道三世一切諸如來靡不護念初發心

悉以三昧陀羅尼神通變化共莊嚴十方衆生無有量世界虛空亦如是發心無量過於彼是故能生一切佛

後八偈半釋出生無盡於中分三初二偈半結前生後以體無限故出生無盡也

菩提心是十力本亦爲四辯無畏本十八不共亦復然莫不皆從發心得諸佛色相莊嚴身及以平等妙法身智慧無著所應供悉以發心而得有

一切獨覺聲聞乘色界諸禪三昧樂及無色界諸三昧悉以發心作其本一切人天自在樂及以諸趣種種樂進定根力等衆樂靡不皆由初發心

次菩提心是下四偈正顯出生爲本出生乃一義耳

以因發起廣大心則能修行六種度勸諸衆生行正行於三界中受安樂住佛無礙實義智所有妙業咸開闢能令無量諸衆生悉斷惑業向涅槃

後二偈略釋爲本所由由修六度爲菩薩乘本由勸王行爲人天乘本由闡妙業通爲三乘涅槃之本

智慧光明如淨日衆行具足猶滿月功德常盈譬巨海無垢無礙同虛空

普發無邊功德願悉與一切衆生樂盡未來際依願行常勤修習度衆生

無量大願難思議願令衆生悉清淨空無相願無依處以願力故皆明顯了法自性如虛空一切寂滅悉平等法門無數不可說爲衆生說無所著

三四偈顯德圓滿中初偈總顯次二偈別顯願滿後一偈別明智圓

十方世界諸如來悉共讚歎初發心此心無量德所嚴能到彼岸同於佛

如衆生數爾許劫說其功德不可盡以住如來廣大家三界諸法無能喻

第三二偈結德無盡可知

欲知一切諸佛法宜應速發菩提心

大文第三欲知下結勸發心於中三初半

偈正勸

此心功德中最勝必得如來無礙智衆生心
行可數知國土微塵亦復然虛空邊際乍可
量發心功德無能測

出生三世一切佛成就世間一切樂增長一

切勝功德永斷一切諸疑惑

開示一切妙境界盡除一切諸障礙成就一

切清淨剎出生一切如來智

次三偈半釋勸所由總舉具足一切德故

欲見十方一切佛欲施無盡功德藏欲滅衆

生諸苦惱宜應速發菩提心

後一偈結勸速發

大方廣佛華嚴經疏鈔會本第十七之五

音釋

膜

末各切
音莫

大方廣佛華嚴經疏鈔會本第十八之一 號八

唐于闐國三藏沙門實又難陀 譯

唐清涼山大華嚴寺沙門澄觀撰述

明法品第十八

初來意者前明當位所成之德今辨趣後

勝進之行故次來也又前明發心之勝德

今辨所具之行相故次來也

二釋名者準梵具翻應云法光明品統有

四義一法慧智慧於能所詮進趣行法分

明照了故即明所知法二明是能詮以能

顯行故法是所詮可執則故此則詮旨合

目明有法故法之明故通二釋也三明是

智用法是理行及果境智合說俱是所詮

法之明明之法依主名也四所修行法體

離無明亦唯所詮有明之法法即是明通

有財持業也統有四義者然法光明攝盡

無分限相大法光明今曉取諸釋意參為

四義初一即世親意世親先標本論意釋

云謂正了達十方無邊無分限相如善習

誦文字光明名法光明今曉取意以能正

了達即法智慧十方無邊無分限相此勝進能

謂正通達十方無邊無分限相本論竟釋云

名法光明今取意無性但有顯照行言

異於世親故取意義以能詮為光明而無

性意亦有菩薩智為明耳上二攝論皆是

第七三即眾論意眾論即世親同本異譯

而文稱廣多是敵對語故彼論第十先勝

本論云三能見一切處無量分別相善法

光明次釋云約三乘法說一切處又約內

外法說一切處又約真俗法說一切處如

此一切處菩薩能見無量相如佛所說法

相及世間所立法相菩薩皆能了達即如

法智如其本數量菩薩以如理智通達無

分別相此二智能照了其俗境故名法光
明釋曰此中論意不異初釋但文廣說一
切處等耳而能了者亦通諸菩薩智今取
其別意但取所詮中菩薩之智異法慧智
故為別耳其第四意一向義三宗趣者明
加顯此四解後後狹於前前三宗趣者明
法不同略有四種謂教理行果尋教悟理
觀理起行行成得果皆初宗後趣又此四

皆宗爲成後位及成勝德爲趣

爾時精進慧菩薩白法慧菩薩言

第四釋文文有三分一請說分二正說分
三結說分今初分二先長行後祇夜前中
亦二初叙問答之人勝進趣後非勤不能

故精進慧問

佛子菩薩摩訶薩初發求一切智心成就如
是無量功德具大莊嚴升一切智乘入菩薩
正位捨諸世間法得佛出世法去來現在諸
佛攝受決定至於無上菩提究竟之處

二佛子下正申所問亦分爲二初領前自
分勝德後請說勝進之行前中先總後具
大莊嚴下別別有七句一領德即領前莊
嚴一切諸佛不共之法二領乘即上已住
究竟一乘道三領位不退故即上已住

號八

如來平等性三世諸佛家中生此下晉云
離生道者即是領道圖教初住離生因故
今四五二句晉經一句以捨世間得出世
法入住正位即上於諸世間不分別等六
去來現在諸佛攝受領得勝緣即上佛護

佛讚等也七決定至於菩提領其當果即

上云當得三世諸佛無上菩提德雖無量
不出於此故略舉耳此約當住位釋若約

攝於上位理無不通而於求勝進義非慚

當德雖無量下總結謂頌其當位已得勝
進云何上求故云而於勝進義非慚當

號八

三

彼諸菩薩於佛教中云何修習令諸如來皆
生歡喜入諸菩薩所住之處一切大行皆得
清淨所有大願悉使滿足獲諸菩薩廣大之
藏隨所應化常爲說法而恒不捨波羅蜜行
所念衆生咸令得度紹三寶種使不斷絕善

根方便皆悉不虛

二彼諸菩薩下請後勝進中亦二先問所成行體後問行成德用以破癡等爲德用故前中先正問後結請前中十句爲三初五自利兼他一問云何修習順佛令喜其修習言亦總亦別總徧諸句別謂策勸即下答中明不放逸二問順法入位三順行四順願五順德積德成藏故次四利他兼自束爲二對初常說法而不捨自行後下念四生上弘三寶末後一句總結二利不

虛

佛子彼諸菩薩以何方便能令此法當得圓滿願垂哀愍爲我宣說此諸大會靡不樂聞

二佛子下結請可知

復次如諸菩薩摩訶薩常勤修習滅除一切

無明黑暗降伏魔冤制諸外道永滌一切煩惱心垢悉能成就一切善根永出一切惡趣諸難淨治一切大智境界成就一切菩薩諸地諸波羅蜜總持三昧六通三明四無所畏清淨功德莊嚴一切諸佛國土及諸相好身語心行成就滿足善知一切諸佛如來力無所畏不共佛法一切智智所行境界爲欲成熟一切衆生隨其心樂而取佛土隨根隨時如應說法種種無量廣大佛事

第二復次下問行成德用文亦分二初正

問後結請前中分二初問行所成因德二問結因成果德今初有十二事初十一字貫下諸句一能滅無明未審修何行法而能滅耶諸句皆爾意在徵因無明有體黑闇爲用非明無之處即名無明故別有或

體由無明故事理皆昧名爲黑闇二問降魔三問制外四問究竟斷道心垢即是所知亦名習氣五善根以何而成六三惡八難云何可出七智境何由淨治八地等七種淨德云何成就九依正三業功德云何莊嚴滿足十以何觀力知佛功德十一一切智境復云何知十二何法能成就衆生乃至作大佛事

非明無之處等者即俱舍第十偈云明所治無明如非親實等上句正明有體謂此無明不了四諦所對治名曰無明與明相違方名無明非是離明之外皆是無明此揀眼等亦非明無之處即名無明此即正明有體下

句率喻釋成

六地當辨

及餘無量諸功德法諸行諸道及諸境界皆悉圓滿疾與如來功德平等

第二及餘下結因成果德於中二先正結平等謂結所不說及等如來

八

五

於諸如來應正等覺百千阿僧祇劫修菩薩行時所集法藏悉能守護開示演說諸魔外道無能沮壞攝持正法無有窮盡於一切世界演說法時天王龍王夜叉王乾闥婆王阿修羅王迦樓羅王緊那羅王摩睺羅伽王人王梵王如來法王皆悉守護一切世間恭敬供養同灌其頂常爲諸佛之所護念一切菩薩亦皆愛敬得善根力增長白法開演如來甚深法藏攝持正法以自莊嚴

第二於諸如來下顯等佛之用護持正法便等佛故故偏明之又有十句初總餘別總謂開示演說教理行果皆有護義諸魔下別一異敵不侵二攝持修行三十王外助四舉世同欽五諸佛灌頂準梵本云一切如來共所守護同灌其頂故應迴文六

菩薩愛敬七得衆善根八能演深法九攝

德自嚴若得此九方名護法

一切菩薩所行次第願皆演說

二一切下結請可知

爾時精進慧菩薩欲重宣其義而說頌言

大名稱者善能演菩薩所成功德法深入無
邊廣大行具足清淨無師智

第二爾時下偈文分二初一讚說者

若有菩薩初發心成就福德智慧衆入離生
位超世間普獲正等菩提法

餘十頌上文於中亦二初一頌領前

彼復云何佛教中堅固勤修轉增勝令諸如
來悉歡喜佛所住地速當入

所行清淨願皆滿及得廣大智慧藏常能說
法度衆生而心無依無所著

菩薩一切波羅蜜悉善修行無缺減號八所念衆

生咸救度常持佛種使不絕

所作堅固不唐捐一切功成得出離如諸勝

者所修行彼清淨道願宣說

餘頌請後於中亦二前四頌所修行體

永破一切無明暗降伏衆魔及外道所有垢

穢悉滌除得近如來大智慧

永離惡趣諸險難淨治大智殊勝境獲妙道

力鄰上尊一切功德皆成就

證得如來最勝智住於無量諸國土隨衆生

心而說法及作廣大諸佛事

後五頌行所成德於中亦二前三頌行所

成因德

云何而得諸妙道開演如來正法藏常能受

持諸佛法無能超勝無與等

云何無畏如師子所行清淨如滿月云何修習佛功德猶如蓮華不著水

後二頌結因成果德

爾時法慧菩薩告精進慧菩薩言善哉佛子汝今爲欲多所饒益多所安樂多所惠利哀愍世間諸天及人間於如是菩薩所修清淨之行

大文第二正說分中分二先長行後偈頌前中亦二先讚問許說後正答所問前中三初讚所問利益也

佛子汝住實法發大精進增長不退已得解脫能作是問同於如來

二佛子下讚能問具德

諦聽諦聽善思念之我今承佛威神之力爲汝於中說其少分

三諦聽下誠聽許說

佛子菩薩摩訶薩已發一切智心應離癡暗精勤守護無令放逸

第二正答中二先答所成行體後答行成德用前中答前十問即爲十段今初段中有五十句前二十句答前修習後三十句答令佛歡喜前修習言亦總亦別今不放逸亦通總別總則徧下十段皆由不放逸成別則屬於修習在文分二先牒前標後勤智守心不犯塵境名不放逸是修習相

不守根門是名放逸

不守根門名爲放逸即喻加意前文曾引

此段疏文乃有三義初略釋名二涅槃云

涅槃云下先彰所以三出其體業

不放逸根深固難拔因不放逸一切善根

皆得增長故首明之

二中即涅槃二十四高貴德王菩薩品十

功德中第四十事利益功德於中一根深難拔經自牒云云何根深難拔所言根者

名不放逸不放逸者為是何根所謂阿耨
多羅三藐三菩提根不放逸故諸餘善根
展轉增長以能增長諸善根故最為殊勝
善男子如諸跡中象跡為上如日之光諸
光中勝亦如輪王諸王中勝諸河之中
河最勝諸山之中須彌山勝諸男子如水
生華青蓮華為最不放逸法亦復如是於
諸善中為最上不放逸男子如陸生華婆利
師華為最上不放逸法亦復如是師子
金翅羅睺大身乃至佛僧為眾中最廣引

喻竟結云如是義故不放即精進三根於
逸根深固難拔即其文也即精進三根於
所斷修防非為性對治放逸成滿一切世
出世間善事為業即精進三根下第三出
其體業即唯識第六釋
日謂依精進及無貪等三種善根此之四
法於所斷惡防令不起於所修善隨令增
長體是四法約別功能而假
建立名不放逸非別有體

佛子菩薩摩訶薩住十種法名不放逸何者
為十一者護持眾戒二者遠離愚癡淨菩提
心三者心樂質直離諸諂誑四者勤修善根
無有退轉五者恒善思惟自所發心六者不
樂親近在家出家一切凡夫七者修諸善業

而不願求世間果報八者永離二乘行菩薩
道九者樂修眾善令不斷絕十者恒善觀察
自相續力佛子若諸菩薩行此十法是則名
為住不放逸

二別辨中有二十句前十始修後十終成
今初有四一總標二徵數三別列四總結
他皆做此列中一對治破戒放逸三聚非
一故名為眾即三德三身之因故首明也
寧捨身命不犯小罪故名護持二離癡智
顯故菩提心淨三四可知五恐負自心故

思本發六遠離惡緣七修善無住八離小
行大寧起疥癩野干之心不起二乘之心
難反復故九積善無替十亦愛亦策不令
過分使不相續若不續者當令相續故須
觀察寧起疥癩下即難遮尼健子經難反
復故即淨名文彼第二經云凡夫於

佛法有反復而聲聞無也

佛子菩薩摩訶薩住不放逸得十種清淨何者爲十一者如說而行二者念智成就三者住於深定不沉不舉四者樂求佛法無有懈怠五者隨所聞法如理觀察具足出生巧妙

智慧六者入深禪定得佛神通七者其心平等無有高下八者於諸衆生上中下類心無障礙猶如大地等作利益九者若見衆生乃至一發菩提之心尊重承事猶如和尚十者於授戒和尚及阿闍梨一切菩薩諸善知識法師之所常生尊重承事供養佛子是名菩薩住不於逸十種清淨

二終成十中一行清淨由不放逸得無違教失故名清淨二念智清淨念則明記智則決斷念有智故念即無念智有念故常

得現前此二相資故名成就三等持清淨不沉不掉故名爲等然此沉掉乃含多意如始學者不昏沉不惡作亦名爲等未是深定今稱性寂然故能不掉智照不昧所以不沉如此深定非深非淺四勤聞清淨五思修清淨六等引清淨七妙慧清淨稱理平等故八攝受清淨等利益故如大地者勝鬘云譬如大地負四重擔一者大海二者諸山三者草木四者衆生菩薩大地荷負四種重任者謂離善知識無聞非法衆生以人天善根而成熟之及三乘人隨機徧攝名等作利益九同行清淨謂如彌伽讚敬善財十承事清淨離雜心故謂離識下合上四種重任此合大海最深難持故諸山喻菩薩十地十地如十山故草木喻緣覺獨善不從師故衆生喻聲聞有師屬故

佛子菩薩摩訶薩住不放逸發大精進起於正念生勝欲樂所行不息於一切法心無依處於甚深法能勤修習入無諍門增廣大心佛法無邊能順了知令諸如來皆悉歡喜

次答令佛喜有三十句初十結前生後次

第八

+

十正成行相後十純熟究竟今初此即牒前十種清淨如次配屬前八可知九攝二句以菩提心佛法無邊誓願知故既敬此心及事於師故能順了上九結前第十生後故令佛喜

佛子菩薩摩訶薩復有十法能令一切諸佛歡喜何等爲十一者精進不退二者不惜身命三者於諸利養無所希求四者知一切法皆如虛空五者善能觀察普入法界六者知諸法印心無倚著七者常發大願八者成就

清淨忍智光明九者觀自善法心無增減十者依無作門修諸淨行佛子是爲菩薩住十種法能令一切如來歡喜

第八

十一

次十正成行相者前明即前修習故令佛喜今更別明於中一勤而不退成上精進

二內不惜身正念方成三外絕異求故唯有勝進四加行觀空方能不息五正證入理故無所依

六窮得法印方順深法法印多種或五或四或三或一但廣略之異耳言五印者即五非常觀謂無常苦空無我寂靜言四印者合空入於無我空即我所故或名優陀那菩薩藏經第二中名法邬陀南邬陀南者此名標相涅槃寂靜是無爲法標相印即決定義如說有爲決定無常善戒第七

菩薩欲令有情清淨故說與地持同地持
即喻伽同本異譯耳或除涅槃等者此三
唯說有為即不合若入無常也言三者一
無常一苦三無我也然涅槃此云集施
應與耶陀南異今論亦云涅槃此云集施
少巧此三即涅槃三修今以諸印下結前
諸印生後釋一印義法華云佛自住大乘
者即第一經偈中此前偈云唯此一事實
餘二則非真終不以後四依理起行七願
小乘躋度於衆生

雙八

十三

護小心故增廣大八智護凡見方順佛法
九自無法愛十無作而修故入無諍門矣
佛子復有十法能令一切諸佛歡喜何者爲
十所謂安住不放逸安住無生忍安住大慈
安住大悲安住滿足諸波羅蜜安住諸行安
住大願安住巧方便安住勇猛力安住智慧
觀一切法皆無所住猶如虛空佛子若諸菩
薩住此十法能令一切諸佛歡喜

後十純熟究竟中行修成熟故云安住初
二入理行一加行離逸二正證捨相次二

救生行次二隨緣行十度別修諸行總攝
後四願智行即十度後四也亦可前十如
次成此十種但生熟之異耳思之

佛子有十種法令諸菩薩速入諸地何等爲
十一者善巧圓滿福智二行二者能大莊嚴
波羅蜜道三者智慧明達不隨他語四者承
事善友恒不捨離五者常行精進無有懈怠
六者善能安住如來神力七者修諸善根不
生疲倦八者深心利智以大乘法而自莊嚴
九者於地地法門心無所住十者與三世佛
善根方便同一體性佛子此十種法令諸菩
薩速入諸地

第二答入菩薩所住處問文分爲三初有
十法起入地行次住地觀修後明地要勝
今初列中初三自分行一具資糧二成加

行一度具十名大莊嚴三智契實相故不
隨他後七起勝進行謂四外近良緣五內
須自策六能安果用七不厭修因八雙遊
定慧深心契寂利智貫達以斯二法嚴於
法身故法華云佛自住大乘如其所得法
定慧力莊嚴以此度衆生也九不住法門
住有二失一不契地智二不能進趣不住
反此十善窮地體謂依一佛智方便多門
更無異體

復次佛子諸菩薩初住地時應善觀察隨其
所有一切法門隨其所有甚深智慧隨所修
因隨所得果隨其境界隨其力用隨其示現
隨其分別隨其所得悉善觀察知一切法皆
是自心而無所著如是知已入菩薩地能善
安住

二復次下住地觀修有十一句初一是總
一切法門是成地之法次九爲別二諸地
證智三修加行因四攝報等果五所知分
齊及所化境六進德修業斷障力用七示
百身等八分別諸願十善等法九所證法
界皆言隨其者諸地非一故十悉善下辨
成觀相皆自心者智與心相應故因由心
學果是心成境由心現力用是心分位神
通是心現起分別是心決擇所得是心造
諸並心外無得何所著耶十一如是下結
觀成益住地觀修者依梁
論云地者對治義
佛子彼諸菩薩作是思惟我等宜應速入諸
地何以故我等若於地地中住成就如是廣
大功德具功德已漸入佛地住佛地已能作
無邊廣大佛事是故宜應常勤修習無有休

息無有疲厭以大功德而自莊嚴入菩薩地
三佛子下顯地要勝標徵釋結文並可知

大方廣佛華嚴經疏鈔會本第十八之一

音釋

癩落益切音賴 鵠安古切
疥也惡疾也鵠聲同

大方廣佛華嚴經疏鈔會本第十八之二 號九

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子有十種法令諸菩薩所行清淨何等爲

十一者悉捨資財滿衆生意二者持戒清淨

無所毀犯三者柔和忍辱無有窮盡四者勤

修諸行永不退轉五者以正念力心無迷亂

六者分別了知無量諸法七者修一切行而

無所著八者其心不動猶如山王九者廣度

衆生猶如橋梁十者知一切衆生與諸如來

同一體性佛子是爲十法令諸菩薩所行清

淨

第三答大行清淨問有二十句初十是因

後十是果今初行成出障故云清淨雖數

名小異大同十行亦通十度十行所行即

是十度欲勝進彼故此修又下文由爲
物說法自增諸度故復廣明所望處別互
有影略前七可知八於惡衆生修菩薩行
心不傾動是難得中義本願誓化故九善
法行中與衆生爲清涼法池大悲堅固普
攝衆生爲舍爲歸是廣度衆生如橋梁義
有力能故十真實行中文云此菩薩入三
世諸佛體性與三世諸佛善根同等智決
體同故雖數名小異等者以刊定不許通
十行餘並全別不可懸指次後有文具
顯十度釋曰此公難爲十度釋經意明但
是行法亦非十行亦非十度故今雙定得
是無過次云十行所行即十度者明二義
相成俱明無失次云欲勝進彼故此修
者別通十行以其上意云十行自是後位
何用懸指今通云夫勝進者逆修後位
今十住勝進正修十行何有逆耶又下文
由爲物下通其不許十度彼云下文自有
十度此是十度乃成重也故今釋云彼約
說法成度此約通修所望既差亦非繁重
彼唯前四名同今取其後三說同十行指

文顯著前七雙
具文理自顯

菩薩既得行清淨已復獲十種增勝法何等
爲十一者他方諸佛皆悉護念二者善根增
勝超諸等列三者善能領受佛加持力四者
常得善人爲所依怙五者安住精進恒不放
逸六者知一切法平等無異七者心恒安住
無上大悲八者如實觀法出生妙慧九者能
善修行巧妙方便十者能知如來方便之力
佛子是爲菩薩十種增勝法

第二菩薩既得下由行淨因得勝法果一
他力勝二自善勝三深定勝四同行勝五
助道勝六眞智勝七意樂勝八觀慧勝九
修行勝十增進勝

佛子菩薩有十種清淨願何等爲十一願成
熟衆生無有疲倦二願具行衆善淨諸世界

三願承事如來常生尊重四願護持正法不
惜軀命五願以智觀察入諸佛土六願與諸
菩薩同一體性七願入如來門了一切法八
願見者生信無不獲益九願神力住世盡未
來劫十願具普賢行淨治一切種智之門佛
子是爲菩薩十種清淨願

第四答大願問有二十句初十起勝淨願
後十勵志令滿今初全同初地十願一成
熟衆生願二淨佛國土願三供養四護法
五承事六同善根七攝法上首法通至佛

第九

三

名如來門八三業不空九具修諸行十現
成正覺但彼文廣依彼次者五七一二六
八三九四十爲今之次依彼次者五七一
十以對彼十此中第一節
彼第五是成熟衆生等

佛子菩薩住十種法令諸大願皆得圓滿何

第六菩薩得是下答隨所應化常爲說法問文分爲三初結前生後謂蘊積福智用以攝生

佛子菩薩云何於諸衆生隨其所應而爲說法

觀九

二佛子下徵以標起

四

所謂知其所作知其因緣知其心行知其欲樂

三所謂下正解其義於中分二前知器授法二具德成益初中先知器有四一識習

氣所作如金師之子應教數息等二知種性因緣聞法發心爲因隨因成性遇師聞法爲緣隨緣成種三知心行之病謂多貪等四知希望差別如金師之子等者涅槃地當引今且引莊嚴論說目連教二弟子金師之子教不淨觀浣衣之子教數息觀

又無所證舍利弗問目連汝以何法而教之乎答以二觀又問二人從何來答一浣衣二鍛金身子云鍛金之子應教數息浣衣之子令修不淨於是目連於法教之則得羅漢即說五頌讚身子云第二轉法輪佛法之大將於諸聲聞中得於最上智又云行自境界中獲得所應得行他境界中如魚墮陸地我常在河邊習浣衣自淨安心於白骨相類易開解不大加功力速疾入我意金師常吹囊出入氣是風以其相類故易樂入安般衆生所翫習各自有勝劣釋曰上皆隨宜之意

貪欲多者爲說不淨瞋恚多者爲說大慈愚癡多者教勸觀察三毒等者爲說成就勝智法門樂生死者爲說三苦若著處所說處空寂心懈怠者說大精進懷我慢者說法平等多諂誑者爲說菩薩其心質直樂寂靜者廣爲說法令其成就菩薩如是隨其所應而爲說法

二貪欲下知授法文有十句初二可知三癡有二種一迷於事理教觀法相二惡邪

推求不信業因令其觀察十二因緣能離
邪執自性等計上三唯對治四等分者等
謂相似三觀不可並施若等重者教觀勝
義謂姪欲即道等若等輕者可以生善爲
人化之釋此四分具如雜集十三五求人

天樂爲樂生死說三苦者乃至非想行苦

所隨故十樂事寂者令成理寂若沈空寂

令成事用菩薩已下總結隨宜具此四分

十三等者然此論建立補特伽羅略布七

種謂病行差別故出離差別故住持差別

故方便差別故果差別故界差別故修行

差別故今當病行差別自有七種一貪行

二瞋行三癡行四慢行五尋伺行六等分

行七薄塵行言食行補特伽羅者謂有猛

利長時貪欲雖於下劣可愛境界而能

發起上品貪欲雖起即長時無有斷滅

此轉如貪行者乃至尋伺行者亦爾各隨

自境猛利長行如理配釋等分補特伽羅

者謂住自性煩惱遠離猛劣住平等境煩

惱故隨境勢力煩惱現行故釋曰猛揀前

五劣揀第七住平等境釋成自性隨境勢

力煩惱現行釋自性煩惱謂勝境貪心即

增劣境貪心則下不同前五於下劣境起
上品貪等亦猶顛倒不遷等或與境等
名爲等分又於所起無偏勝劣故云等也
論云薄塵行補特伽羅者謂住自性位薄
煩惱如前所說自性位煩惱相今此煩惱
望彼微薄故雖於增上所緣境界而微薄
性煩惱現行昔所修習勝對治力所推伏
故釋曰非如前等分等則前境勝則貪
重等今勝亦劣故不同前則父母之譬亦
無加報又上有七經多說四者取其三毒

爲不善根故等分之中攝餘三故故云等
分分其輕重輕即薄塵重即正是等分既
等於境望於薄塵故爲重耳又等皆相似
無有勝劣前三則有互增之義五求人天
樂爲樂生死恐有難言誰復樂死故今答
云所謂樂生以生必死故人天之樂是生
死中事故樂事寂者
即爲人意下即對治

爲說法時文相連屬義無舛謬觀法先後以

智分別是非審定不違法印次第建立無邊

行門令諸衆生斷一切疑善知諸根入如來

教證真實際知法平等斷諸法愛除一切執

常念諸佛心無暫捨了知音聲體性平等於

諸言說心無所著巧說譬喻無相違反悉令

得悟一切諸佛隨應普現平等智身

二爲說法時下明具德成益有十句十對

一文連義正二法智無差即依法不依人

依智不依識三審定無違即依了義經不

依不了義經四立法義故能徧斷疑五了

物根故入於佛教六寂契真際照法性源

七斷真法愛除人法執八念佛了音九亡

言巧說雖無說無示善順宗因十令悟隨

宜終歸平等即說之益

以文義顯故更不釋之

對即依法不依人依智不依識具法四依

也即淨名經法供養品而以義語智識了

義不了義人法而爲其次四依之義三門

分別一釋名二出體三次第初名者義爲

所詮憑之起行是故應依教雖詮理要須

忘言言非義故智無分別能決斷故是以

應依識爲了別能起染著故不應依依了

義經不依不了義者顯實分明名爲了義

憑之起解是故應依隱覆有餘名非了義

令人執滯故不應依託法起行是故須依

不隨人情故不依人然了義經等乃有多

菩薩如是爲諸衆生而演說法則自修習增
長義利不捨諸度具足莊嚴波羅蜜道

第七菩薩如是下答恒不捨離諸波羅蜜

問於中二先結前生後則正說法時便具

十度設自修此亦爲利他一向大悲了平

等故通至佛果故皆名道

法時不捨諸度而下釋相於諸佛所聞法

近友等亦有不因說法所成故爲此通設

門一法印非印門與無常寂靜無我三印
相應以爲了義不與相應即非了義二大
小乘門小乘三印亦非了義大乘方了如
七善知中又涅槃第六云若說如來無常
變易名爲不了若說如來常住不變是名
爲了了三顯密門密意宣說名爲不了顯
說者即名爲了四又於大乘言未周悉名
爲不了周備爲了此上四門初一令物捨
邪歸正二捨小歸大三捨密就顯四令尋
詮使義周備二出體者初一所詮通事通
理二即能證通根本後得三約能詮通詮
上二四約能說忘情取法三次事者即以
上義以爲次第餘可思也七斷真法愛者
謂真實觀智理事無違心生愛著使不證
實故諸聖人少有所念不得聖果

自修時亦為衆生則不違
攝前隨所應化常為說法

是時菩薩為令衆生心滿足故內外悉捨而

無所著是則能淨檀波羅蜜

二是時下正示不捨度相十度即為十段
皆先辨相後是則下結名前四辨相中先

辨施等相後無著等辨波羅蜜相

具持衆戒而無所著永離我慢是則能淨尸

波羅蜜

檀戒可知

悉能忍受一切諸惡於諸衆生其心平等無

有動搖譬如大地能持一切是則能淨忍波

羅蜜

三忍中諸惡通於內外其心下契理平等

成波羅蜜

普發衆業常修靡懈諸有所作恒不退轉勇

發九

猛勢力無能制伏於諸功德不取不捨而能
滿足一切智門是則能淨精進波羅蜜

四進中普發衆業是無餘修亦利樂勤常
修靡懈是長時修恒不退轉是無間修上
即加行動也勇猛莫制是勇捍修亦被甲

勤於諸已下是顯度相

四精進中等者此
中攝於四修及三

精進故疏雙
配細尋可知

於五欲境無所貪著諸次第定悉能成就常
正思惟不住不出而能銷滅一切煩惱出生
無量諸三昧門成就無邊大神通力逆順次

梵

九

第入諸三昧於一三昧門入無邊三昧門悉
知一切三昧境界與一切三昧三摩鉢底智
印不相違背能速入於一切智地是則能淨
禪波羅蜜

五禪定中文有十一句一訶五欲所以訶

者夫禪定虛凝湛猶淳海高攀聖境尚曰
妄情馳想五塵豈當爲道云何訶之色如
熱金丸執之則燒聲如毒塗鼓聞之必死
香如弊龍氣嗅之則病味如沸熱蜜舐則
爛傷觸如卧師子近之則嚙此五欲者得

之無獸如火益薪亡國敗家世世爲害過

於怨賊故不應著況菩薩體此即如復何

所著一詞五欲者即天台止觀依智論諸

五緣二詞五欲三素五蓋四調五事五行

五法五五二十五今此但明訂五欲耳況

著薩下三無詞相直順經文無貪著義餘

之方便疏丈不要畧示其名言具五緣者

一持戒清淨二衣食具足三閑居靜處四

息諸緣務五近善知識言業五蓋前已有

竟調五事者一調食令不飢不飽二調眠

不即不恣三調身令不寬不急四調息令

不溫不滑五調心令不沉不舉行五法者

一欲二精進三念四巧慧五一心並類前

後其相 二入次第定謂四禪四空及滅受

想爲九次第定下十地離世間品具明即

一切門禪 卽一切門禪者卽三十三說
二一切三難行四一切門五善士六一切
七自性一切難行一切門善士一切淨故彼
云世樂清淨又自性一切門善士一切淨故
難行皆三一切門皆四善士皆五一切淨
皆六或七遂求皆八一切善士皆九清淨
十今九門靜慮者一自性者謂心一境性
或奢摩他品或毗鉢舍那品或雙運道卽

十句一中三及九第二一切禪者略有二
種一者世間二出世間九次第定通於世
間不住不出是出世間亦卽第二句攝有
三種者一現法樂住禪謂身心輕安遠離
橋舉離諸愛味派一切相二引生功德離
三饒益有情禪如疏已記第三難行禪有
三種者一已住深定能引諸靜慮而捨彼
最勝生於欲界是第一難卽諸靜慮而捨
依此靜慮能發種種超過二乘所行等持
亦第五句故疏云卽難行相三依於靜慮
速證無上菩提卽第十句疏亦已指第四
一切門禪有四種者謂一尋伺俱行二喜
俱行三樂俱行四捨俱行卽第二句攝故
疏已指第五善士禪略有五種者一無受
味卽第三句攝餘四與四等相應卽第八
句攝所緣境界卽慈念衆生等故第六一
切種者此靜慮有六種七種總十三奢
六種者一善靜慮二無記變化靜慮三奢
摩他品四毗鉢舍那品五自他利正審思
惟六能引神通威力功德亦是第六引神

通句亦通餘句言七種者一名緣靜慮二
義緣三止相緣四舉相緣五捨相緣六現
法樂住七饒益他隨句相應配之可知第
七遂求者滿眾生意故亦神通句攝略有
八種此一段論文稍廣今義引之一能息
諸毒等二能除眾病三降雨止渴四濟諸
怖畏五能施飯食六能施資財七能正諫
誨八能正造作隨應可知第八此世他世
樂靜慮有九者一神通變現調伏有情靜
慮二記說變現調伏有情變現調靜
伏有情四於造惡者示現惡趣五於失辯
者能施辯才六於失念者能與正念七制
造建立無顛倒論等八於世巧能隨造
作九放光息苦後二亦義引亦隨應配之
配餘度九門十行品說 三安住理定寂
愛味住智契不出名正思惟以見心性故
亦善士相上二定體即定自性餘六定用

四消滅煩惱通愛見慢等故云一切即清
淨相三安住理定寂愛味住者雜集第九
別謂雜染如故清白故建立故清淨故雜
者謂四無記根一愛二見三慢四無明由
此四惑染汗其心於諸染汗靜慮定門令
色無色界一切有覆無記煩惱及隨煩惱
生長不絕釋曰上即略釋論文下別釋中
其文廣博今略取意謂由有愛味上靜慮

田有見故見上靜慮由有慢故持上靜慮
由無明故疑上靜慮如是煩惱恒染其心
令色無色大小二惑相續流轉等論云清
白者謂清淨靜慮無色自性善故說名清
白雖是世間離纏垢故亦名爲靜建立謂
支建立等至建立諸品類建立名爲建立
諸靜慮具四建立者取意謂初禪五支等
支建立支建立者謂七種作意入初靜慮
等至建立者謂七種作意入初靜慮五支
非想言品類建立者於初靜慮具三品熏
修八定皆是故初四禪隨二品因各有三
天名想建立者謂靜慮中無量名字不可
算數以諸佛世尊所入二乘所不能知故
乃至八定互相攝等論云清淨者謂初靜
慮中邊際定力乃至非想非非想處邊際
是名清淨彼疏釋云八定之中所有最後
邊際由作用自在離無堪住障故名清淨
通有漏無漏但自在作用俱名清淨釋曰
今疏三四即離前雜染四無記根是第四
清淨五至八即是前名想建立中互相攝
故及品類建立 五出生諸定如起信云得
等餘可思之 此真如三昧能生無量諸三昧門上文云
一三昧生塵等定是也即難行相 出生諸
雜集名想建立疏中先明能出生即依起
信修入真如三昧次論文云復次依是三
昧故則知法界一相謂一切諸佛法身與

衆生身平等無二即名一行三昧當知其如是三昧根本若人修行漸漸能生無量三昧經言無量三昧者如智論云五智印等三萬五千首楞嚴等五萬三千方便善巧無量六引發神通謂精義入神以致用也亦遂求相七逆順自在亦難行相從滅定出入非非想乃至初禪是名爲逆從初

禪出入第二禪乃至滅定是名爲順此中

逆順應各有超間謂超一超二乃至全超

文無者略此亦名爲師子遊步三昧此中

等者俱舍定品云二類定順逆均間次及超至間超爲成三洲利無學謂本善等至分爲二類一者有漏二者無漏往上一名順還下名逆今疏已委釋又彼云同類名均

異類名間相鄰名次越一名起至間起爲成者名修超也謂觀行者修起定時先於有漏八地等至順逆均次現前數習次於有漏順逆均起現前數習次於無漏順逆均起現前數習是名修習加行滿也後於有漏無漏等至順逆間起名起定成三洲利無學者明處及人修起等至唯八三洲處也仍是利根不時羅漢方能修也今明菩薩居然能超如順超一若從初出而入二禪而入三禪即是超一若從初出而入四

禪即是超二直入滅定是謂全超逆超亦爾此亦名爲師子寧者騰躍跳躑故即智論百八三昧中第三名也菩薩得是三昧於一切三昧中入出還速皆得自在譬如衆獸遊戲之時若見師子悉皆怖懼師子戲時於諸羣獸強者則殺伏者則放菩薩亦如是得是三昧於諸外道強者破之信者度之故名師子遊步三昧第一八

一多自在攝一切定應有四句謂在一入一在一入一切在一入一切入一切入一切得其源故

九悉知定境定境有三一諸定所緣二諸定分齊三諸定境用皆能知之

十者總結體用無違言三昧者此云等持

九

十一

唯局有心而通散心三摩鉢底此云等至通於有心及與無心唯諸位定體此二功德名爲等引上二句定體通於此三六句定用即是所引言智印者即一實相故智論釋百八三昧中第二名寶印三昧謂與

實相般若相應故上二是定此一是智合

即雙運今菩薩隨在一定即與一切三昧

此三無違百八三昧名離著虛空不染初

者智度論云能印諸三昧於諸實中法實

是實實今世後世乃至涅槃能為利益如

佛語比丘云為汝說法所謂法印法印是

實是解脫門若三藏教門以三法印為法

印若摩訶衍但有諸法實相一法印與十

實相般若相應三昧名為寶印三昧也十

一速入智地亦即定果以菩薩之定事窮

無邊理極無際故能速至一切智地亦難

行相亦二世樂相

又上二三四即現法樂住禪次五引生功

德禪五亦饒益有情禪後二通三又上二

案文釋今以三禪收之以諸經論多用三

故如初會說今當重釋瑜伽四十三云云

何著薩一切靜慮謂此靜慮略有二種一

者世間二者出世間復有三種一者現法

樂住等論釋云若諸菩薩所有靜慮遠離

一切分別皆生身心輕安最極寂靜遠離

掉舉離諸愛味泯一切相當如是名現法

樂住若諸菩薩所有靜慮能引能住種種

殊勝不可思議不可度量十方種種性所攝

等持乃至若諸菩薩所有靜慮能引能住

一切菩薩解脫勝處徧處無礙解無諍願

等不共功德名能引等持功德靜慮若諸

菩薩所有靜慮於諸有情能引義利彼彼

事業與作助伴下取意引息苦除怖救護

謂三寶德調伏有又通十種清淨一由世

情為第三清淨又通十種清淨一由世

間淨離諸愛味故即第三句二出世間淨

亦此句攝三加行淨即是初句四得根本

淨即第二句五根本勝進淨即第五句六

入住出自在清淨七捨靜慮已復還證入

自在清淨上二即第七句八神通變現自

在清淨即第六句九離一切見趣清淨十

一切煩惱所知障清淨此二共是第四句

攝餘如瑜伽四十三九大禪說十行之中

當顯其相又通十種下即

大方廣佛華嚴經疏鈔會本第十八之二

音釋

諂誑諂丑切切佞言也外謬外昌切切謬

謂錯也謂錯也闍闍烏切切也掉掉徒切切也滓滓音切切也躑躑音切切也

弊弊惡也與與音切切也擿擿音切切也擿擿音切切也擿擿音切切也

大方廣佛華嚴經疏鈔會本第十八之三 號十

唐于闐國三藏沙門實叉難陀 譯

唐清涼山大華嚴寺沙門澄觀撰述

於諸佛所聞法受持近善知識承事不倦常
樂聞法心無厭足隨所聽受如理思惟入真

三昧離諸僻見善觀諸法得實相印了知如

來無功用道乘普門慧入於一切智智之門
永得休息是則能淨般若波羅蜜

六般若中句亦有十前三句聞法近友
即聞所成慧初句正明二近友不倦是聞

慧緣三樂聞無厭是聞慧因暫聞則已慧
不生故四即思慧學而後思故云隨所聽
也內正作意故云如理五亦思擇慧又於
無煩惱中善決擇故捨煩惱故六善觀下
皆是修慧此句悟入於如七宿習思量故

了無功用道八周備悟入一中一切等名

爲普門九入二智門十總結已圓故云休

息後三連環後三連環者以經云一乘普門慧二入於一切智智之門

三永得休息此三乃似一句爾此中亦有

故云連環而義則別故爲三句此中亦有九門下料

九門之相恐繁不配此中亦有二一對九門般

若其中雖定慧互有互相嚴故而爲門不

同若全雙運故起信論合於六度以爲五

門其中雖定慧下二揀濫以互有故於中

境不違智印入於智地是定中慧慧資定

也今此中有入真三昧是定資慧也若全

下引證成前既合後之方便義亦準此涉

有不迷於空則名方便不厭有而觀空便

稱般若豈令般若不能知有耶方便若不

觀空何名方便後之方便下以六對七料揀二亦相成非唯

此三萬行皆爾況般若能成萬行何法而

不用之寂照盡於理極不得一行無此君

耳所以開則萬行森然泯則一不爲一得
意則無所不通耳五非唯此三下總結萬
行相資之義况般若下
況結深玄言不得一行無此君者借外典
語皆書中說王獻之好竹到處即皆樹之
人問其故答云人生不得一日無此君耳
意在虛心貞節歲寒不移今明萬行不得
雙時而
無般若

示現一切世間作業教化衆生而不厭倦隨
其心樂而爲現身一切所行皆無染著或現
凡夫或現聖人所行之行或現生死或現涅
槃善能觀察一切所作示現一切諸莊嚴事
而不貪著徧入諸趣度脫衆生是則能淨方
便波羅蜜

七方便中亦有十種一巧智現世爲方便
二悲非愛見故化而無厭即悲智相導爲
方便三依體起用四非捨非受故一切無
染五凡聖雙行由雙非故六行無住道七

二

觀察進趣八現相不著九徧入諸趣即無
生現生十度脫衆生是無化現化初九拔
濟餘皆迴向依瓔珞因果品後之四度亦
各有三方便三者一進趣方便即第七句
二巧會有無除第四句皆此所攝三不捨

不受即第四句依瓔珞下通明後四之相
明相二
段可知
後之三度皆有收束及通

盡成就一切衆生盡莊嚴一切世界盡供養
一切諸佛盡通達無障礙法盡修行徧法界
行身恒住盡未來劫智盡知一切心念盡覺
悟流轉還滅盡示現一切國土盡證得如來
智慧是則能淨願波羅蜜

八願中亦有十願前五後三盡字爲初六
身恒住盡劫海七智盡心海八窮盡有支
九盡現國土十窮佛果智此求菩提前九

利樂若依三願二三四五爲自行願六七爲神通初及八九爲外化願十通二利皆云盡者窮彼源故

具深心力無有雜染故具深信力無能摧伏故具大悲力不生疲厭故具大慈力所行平等故具總持力能以方便持一切義故具辯才力令一切衆生歡喜滿足故具波羅蜜力莊嚴大乘故具大願力永不斷絕故具神通力出生無量故具加持力令信解領受故是則能淨力波羅蜜

九力中十句各二謂標名釋義一契理深心是思擇力染則無力翻此故有餘可準知皆修習力瓔珞有三皆名通力一報通力二修通力三變化通力觀彼似當九十二句耳

知貪欲行者知瞋恚行者知愚癡行者知等分行者知修學地行者一念中知無邊衆生行知無邊衆生心知一切法真實知一切如來力普覺悟法界門是則能淨智波羅蜜

十智度中識病知根順理授法名爲智度亦有十句初四知病輕重次三知根欲樂一位二行三心後三知法樂一知理法二知果法三普覺法界前七成就有情後三現法樂住瓔珞三智一無相智即知法真實三變化智即如來力餘皆第二一切種

智餘義如初會說

佛子菩薩如是清淨諸波羅蜜時圓滿諸波羅蜜時不捨諸波羅蜜時住大莊嚴菩薩乘中隨其所念一切衆生皆爲說法令增淨業而得度脫

第八佛子下答前所念衆生咸令得度問
於中分三初結前起後二正明化度三結
如本誓前中初結前清淨約離障圓滿具
事理不捨謂常相應住大莊嚴者總結十
度爲嚴是大乘體後隨其所念下生後由

觀十

具前故

墮惡道者教使發心在難中者令勤精進多
貪衆生示無貪法多瞋衆生令行平等著見
衆生爲說緣起欲界衆生教離欲恚惡不善
法色界衆生爲其宣說毗鉢舍那無色界衆
生爲其宣說微妙智慧二乘之人教寂靜行
樂大乘者爲說十力廣大莊嚴

二墮惡道下正明化度文有十句約爲四
類初一令離惡果三塗除無間皆容發心
如慈童女二令勤修則脫八難值佛聞法

次三令離惡五因貪有二種上偏語色貪教
修不淨今通語貪財名等故但云示無貪
法無貪法者謂不淨觀空少欲知足二瞋
亦二種上偏語能爲違害故令修慈今通
瞋情非情故觀同體不應自瞋三癡亦二

種已如上明此約邪癡令觀緣起次三令
離流轉三界循環皆可厭故初欲恚害等
義見三地二色界雖定慧似均然是定地
恐其滯寂故爲說觀又無生正觀令得無
漏三無色定多故爲說妙慧又示諦觀方
得永出後二示以三乘隨機爲說又引權
歸實令知本寂如慈童女者智度論說慈
行童女入海採寶辭白其
母母不從志相別誤傷母一莖髮便墮火
盆地獄自省無罪欲主具示罪相便發大
心見諸罪人知同此罪便請火盆普爲戴
之獄主瞋恚以鐵叉擊頭尋便命終生於
天上貪有二種等者畧有此二然準喻伽
二十六中總有五種論云貪有五種一於

內身欲欲欲貪二於外身姪欲姪貪三境
欲境貪四色欲色貪五塵迦耶欲薩迦耶
貪釋曰慈恩解初貪有二一云於自內身
初起欲界微少之欲故名欲欲次起重貪
故名欲貪二云內身是自所欲之法所以
言於內身欲於內身欲上起欲故即能欲
心此名欲貪則初一欲字是所欲第二是
能欲第三欲字是結名釋曰後釋為勝濮
陽兩解初一同大乘法師後解二云初之
欲字義同於前次一欲字即別境欲與貪

俱時緣於所欲緣欲之欲重云欲欲後
一字亦是所欲緣欲之貪名為欲貪釋
此解不及前以欲後一皆有別境欲故然
後四皆通二釋思之可知今亦存一今
雖二亦以攝五色貪即初二財名等即
後三財即三四名兼第五等即等三耳

如其往昔初發心時見無量衆生墮諸惡道

大師子吼作如是言我當以種種法門隨其

所應而度脫之菩薩具足如是智慧廣能度

脫一切衆生

三如其往昔下結如本誓故能真度師子

吼者決定度故

佛子菩薩具足如是智慧令三寶種永不斷

絕所以者何菩薩摩訶薩教諸衆生發菩提
心是故能令佛種不斷常為衆生開闡法藏
是故能令法種不斷善持教法無所乖違是
故能令僧種不斷復次悉能稱讚一切大願
是故能令佛種不斷分別演說因緣之門是

故能令法種不斷常勤修習六和敬法是故

能令僧種不斷復次於衆生田中下佛種子

是故能令佛種不斷護持正法不惜身命是

故能令法種不斷統理大衆無有疲倦是故

能令僧種不斷復次於去來今佛所說之法

第六

所制之戒皆悉奉持心不捨離是故能令佛

法僧種永不斷絕

第九佛子下答前結三寶種使不斷絕問

文分為二初仍前總標二所以下徵釋所

由由化衆生入三寶海故能紹前令不斷

也文有四番爲成十句前九別明後一總結就初三番釋通總別然皆後後轉深前通者通在諸位別者初在十信次居三賢後約登地

三番佛種差別云何初教發心令具因性

種十

七

未發唯有本住性故次讚大願令成因行令所發心不退轉故言大願者謂求菩提願利樂有情願又防惡願如戒經說有進善願如常所明三下佛種子令成佛智謂證真如成無漏故上約別顯通者發菩提

心總有三心謂即大悲大願大智初番爲總已舍大悲次番是願後番是智謂示妙理令暫見心性成金剛種又防惡願等者願已持佛禁戒作是願言寧以此身投熾然猛火大坑及上刀山終不以毀犯三世諸佛經律與一切女人作不淨行有十二願兼結云願一切衆生皆得成佛爲十三

願三番法種差別相者初開法藏令教不斷次說因緣令義不斷後具四種護令教理行證皆悉不斷復次初雖領教未發真解次具解行未能證故

三番僧種有何差別初受法無乖始墮僧數次修六和敬僧行已成後統理大衆令僧清淨復次初雖奉教解行未具未是真和次雖具解行未離衆怖不能控御言六和者三業爲三及戒見利謂身和同集口和無諍意和無違見和同解戒和同奉利和同均又約菩薩三業同慈六皆同體真實和也一切恭敬令僧久住言六和者下先依律釋正在小乘義通大小又約菩薩下後約菩薩明則外同他善謂之爲和內自謙卑名之爲敬言三業同慈者大小異故又三名行和無有和利一同戒和敬菩薩通達實相知罪不可得爲欲安立衆生於實相理以戒方便巧同一切持諸戒品

無有乖謬亦知衆生同此戒善不斷不常
未來必得善提大果是以敬之如佛故說
同戒以爲和敬二不見爲欲安立衆生於
相不得諸法不知一切種知見衆生有
實相正見方便巧同一切種知見衆生有
乖謬亦知衆生因此知見分別增進開解
必得種智圓明是以敬之如佛故說同見
以爲和敬三同行和敬菩薩通達實相無
念無行爲欲安立衆生於實相正行方便
巧同一切修種種行無有乖謬亦知衆生

因此諸行漸積功德皆當成佛是以敬之
如佛故說同行爲和敬四身慈和敬菩薩
住於無緣大慈以修其身慈善根力能不
起滅定現諸威儀與一切樂故身與九道
和同亦知前所得樂衆生悉有佛性未來
必定當得金剛之身是以敬之如佛故說
身慈以爲和敬五口慈和敬菩薩以無緣
平等大慈以修其口慈善根力能不滅
定普出一切音聲言詞與一切樂故口與
九道和同亦知前所得樂衆生悉有佛性
未來必定當得無上口業是以敬之如佛
故說口慈爲和敬六意慈和敬菩薩之心
常在無緣大慈三昧以修於意慈善根力
能不起滅定現諸心意與衆生樂故意與
九道和同亦知前所得樂衆生悉有佛性
如來藏理未來必定當得心如佛心是以
敬之如佛故說後總句者弘法奉戒三學
兼修則不斷三寶化化不絕

菩薩如是紹隆三寶一切所行無有過失

第十菩薩如是下答前善根方便皆悉不
空問先略後廣略中分三初結前生後謂
由能紹三寶故所行無失

隨有所作皆以迴向一切智門是故二業皆

無瑕玷

二隨有下由不空故三業無瑕謂所作迴
向是不空業

無瑕玷故所作衆善所行諸行教化衆生隨
應說法乃至一念無有錯謬皆與方便智慧

相應悉以向於一切智智無空過者

三無瑕玷故下由無瑕故不空所作反覆
相成玉之內病曰瑕瑕謂體破外病曰玷
玷謂色汙以顯三業內外無失故白珪之
玷尚可磨也三業之玷不可爲也

白珪下
見詩大

雅抑篇曰白珪之玷尚可磨也斯言之玷不可爲也毛傳云玷缺也論語記南容三復白珪謂其編詩至此三復讀之意在初謹言雋永鄭重今疏側用故加三業

句牒前次所作下示無瑕相後皆與下顯

不空相方便有慧方便不空慧有方便慧

亦不空此辨所行不空迴向智智辨趣果

不空方便不空者即側用淨名有慧方便解句下句即有方便慧解即涉有不

迷於空是方便有慧觀空不迷於事即慧有方便也

菩薩如是修習善法念念具足十種莊嚴何

者爲十所謂身莊嚴隨諸衆生所應調伏而

爲示現故語莊嚴斷一切疑皆令歡喜故心

莊嚴於一念中入諸三昧故佛刹莊嚴一切

清淨離諸煩惱故光明莊嚴放無邊光普照

衆生故衆會莊嚴普攝衆會皆令歡喜故神

通莊嚴隨衆生心自在示現故正教莊嚴能

攝一切聰慧人故涅槃地莊嚴於一處成道

周徧十方悉無餘故巧說莊嚴隨處隨時隨其根器爲說法故菩薩成就如是莊嚴於念念中身語意業皆無空過悉以迴向一切智門

第二菩薩如是下廣明有二初明自業不

空後辨利他不空初中雖明不空義兼無

失以一切清淨離煩惱故又此無失即自

業不空順止寂故文有標徵釋結釋中皆

先標後釋初四依正莊嚴次六攝化莊嚴

言涅槃地者以涅槃嚴地也謂隨有成道

入涅槃處當知其地即是金剛今於一切

處成則無非金剛也標云涅槃釋云成道

文影略耳涅槃嚴地也下即涅槃經文下當廣引在文可見

若有衆生見此菩薩當知亦復無空過者以

必當成阿耨多羅三藐三菩提故若聞名若

供養若同住若憶念若隨出家若聞說法若隨喜善根若遙生欽敬乃至稱揚讚歎名字皆當得阿耨多羅三藐三菩提佛子譬如有一藥名爲善見衆生見者衆毒悉除菩薩如是成就此法衆生若見諸煩惱毒皆得除滅善法增長

二若有衆生下利他不空於中有法喻合文則可知佛與菩薩俱益不空今不見者不宜見故見不益者無行力故亦遠益故上來並答所成之行問竟

佛子菩薩摩訶薩住此法中勤加修習以智慧明滅諸癡暗以慈悲力摧伏魔軍以大智慧及福德力制諸外道以金剛定滅除一切心垢煩惱以精進力集諸善根以淨佛土諸善根力遠離一切惡道諸難以無所著力淨

智境界以方便智慧力出生一切菩薩諸地諸波羅蜜及諸三昧六通三明四無所畏悉令清淨以一切善法力成滿一切諸佛淨土無邊相好身語及心具足莊嚴以智自在觀察力知一切如來力無所畏不共佛法悉皆平等以廣大智慧力了知一切智智境界以往昔誓願力隨所應化現佛國土轉大法輪度脫無量無邊衆生

第二佛子菩薩摩訶薩住此下答行所成德問前文有二今亦二段第一答以行成因德二答以因成果德今初具答十二問各有二句上句答下句上云修何滅癡今答以智他皆倣此二用慈降魔夫欲害人反招自害苟欲安人則物我俱安故柔勝剛弱勝強以慈安一切惡魔無以施害慈

善根力其功巨量三福則怖之以威智則屈之以辯次四後四文並可知八以方便智慧出生是答一切菩薩已下即是所問準上文中此有七事今波羅蜜下欠總持句然方便有二若加行方便出生地度若

善巧方便亦生諸度及餘五法智亦有二若根本智即成內證若後得智即成業用

是故此二出生此七言清淨者治彼障故

故柔勝剛等者即借老子道經云柔弱勝剛強御注云柔順可以行權強行即能制物故知柔弱者必勝剛強德經云天下之至柔馳騁天下之至堅御注云天下之至

柔者正性也若馳騁伐勝染雜塵境皆欲充塞則爲天下之至堅矣若河上公意意與前同亦以柔能馳堅如水能穿石今疏意在此若根本智即成內證等者七事皆業用故

佛子菩薩摩訶薩勤修此法次第成就諸菩薩行乃至得與諸佛平等

二佛子下答以因成果問於中亦三先結因成果謂但勤修上來諸行則能次第從因得果

於無邊世界中爲大法師護持正法

二於無邊世界下正答所成之德謂護持

正法但當勤修上來以行成因之德自當

成後護持法等諸德故乘前結因成德明

之答上十句文分九段第一答初總句如

來法藏守護開演

一切諸佛之所護念

龍十

十二

二佛所護念故則答衆魔外道無能沮壞

以佛護故

守護受持廣大法藏獲無礙辯深入法門

三守護受持下答攝持正法無有窮盡

於無邊世界大衆之中隨類不同普現其身

色相具足最勝無比以無礙辯巧說深法其音圓滿善巧分布故能令聞者入於無盡智慧之門

四於無邊下答於一切世界中演說法時十王敬護謂身勝音巧令聞者入智故

第十

十三

知諸衆生心行煩惱而爲說法所出言音具足清淨故一音演暢能令一切皆生歡喜

五知諸衆生下答舉世同欽稱機令喜故其身端正有大威力故處於衆會無能過者六其身端正下答菩薩愛敬端正有德故

其佛灌頂在前第二佛護之中

善知衆心故能普現身善巧說法故音聲無礙得心自在故巧說大法無能沮壞得無所畏故心無怯弱於法自在故無能過者於智自在故無能勝者般若波羅蜜自在故所說

法相不相違背辯才自在故隨樂說法相續不斷陀羅尼自在故決定開示諸法實相辯才自在故隨所演說能開種種譬喻之門大悲自在故勤誨衆生心無懈怠大慈自在故放光明網悅可衆心

七善知衆生下答得善根力增長白法於中先總明三業後得心下別顯十種自在皆是善根其十自在之能並是增長白法菩薩如是處於高廣師子之座演說大法唯除如來及勝願智諸大菩薩其餘衆生無能勝者無見頂者無映奪者欲以難問令其退屈無有是處

八菩薩如是下答開演如來甚深法藏佛子菩薩摩訶薩得如是自在力已假使有不可說世界量廣大道場滿中衆生一一衆

生威德色相皆如三千大千世界主菩薩於此纔現其身悉能映蔽如是大眾以大慈悲安其怯弱以深智慧察其欲樂以無畏辯為其說法能令一切皆生歡喜

九佛子菩薩得如是下答攝持正法以自

莊嚴於中初明自嚴

何以故佛子菩薩摩訶薩成就無量智慧輪故成就無量巧分別故成就廣大正念力故成就無盡善巧慧故成就決了諸法實相陀羅尼故成就無邊際菩提心故成就無錯謬

妙辯才故成就得一切佛加持深信解故成就普入三世諸佛眾會道場智慧力故成就知三世諸佛同一體性清淨心故成就三世一切如來智一切菩薩大願智能作大法師開闡諸佛正法藏及護持故

號十

十四

次徵後釋以攝正法故有十句德亦即是

前所成之德可思準之亦即是前所成之德者即前文十

種自在總別諸句初智慧輪即前總句

成就三業智為導故次之九句即前第一得

但一二不次一成功巧分別即前第二得

心自在故巧說大法二廣大念力即第二

無畏自在三善巧智慧即第三於法自在

及第四於智自在由巧慧了法故故令其

二四實相總持即第七陀羅尼自在五成

菩提却是第五般若自在般若為先故六

無錯謬辯即第六辯才自在七得佛加持

即前第八隨所演法開譬喻門八普入佛

會即大悲自在在法生不倦九同一體性即

第十大慈自在同體慈故第十一句作大

法師即總

結前十

爾時法會菩薩欲重宣其義承佛神力而說

頌言

聖

十五

心住菩提集眾福常不放逸植堅慧正念其

意恒不忘十方諸佛皆歡喜

念欲堅固自勤勵於世無依無退怯以無諍

行入深法十方諸佛皆歡喜

第二重頌分十頌分二初六偈頌前十種
所成行體後四偈頌行所成德前中初二
偈頌佛喜於中初半頌不放逸餘頌佛喜
佛歡喜已堅精進修行福智助道法入於諸
地淨衆行滿足如來所說願

二有一頌頌入地及大行大願

如是而修獲妙法既得法已施群生隨其心
樂及根性悉順其宜爲開演

三一頌頌菩薩藏及所應化而爲說法

菩薩爲他演說法不捨自己諸度行波羅蜜
道既已成常於有海濟群生

四一頌頌不捨自行諸度及所念衆生皆
令得度

晝夜勤修無懈倦令三寶種不斷絕
五半頌頌不斷三寶

所行一切白淨法悉以迴向如來地

六半頌頌善根方便皆悉不空

菩薩所修衆善行普爲成就諸群生令其破
暗滅煩惱降伏魔軍成正覺

二菩薩所修下頌行所成德初一頌初行

所成因果

如是修行得佛智深入如來正法藏爲大法
師演妙法譬如甘露悉霑灑

慈悲哀愍徧一切衆生心行靡不知如其所
樂爲開闢無量無邊諸佛法

後有三偈頌以因成果德於中初二頌通
頌前之八段

進止安徐如象王勇猛無畏猶師子不動如
山智如海亦如大雨除衆熱

後一頌別頌第九答攝持正法以自莊嚴

以喻而顯一身儀安諦頌前現身次辨德
威猛頌前以無畏辯三心定不動頌安其
怯弱四智深如海頌以深智慧五法雨滅
障頌前而爲說法

時法慧菩薩說此頌已如來歡喜大衆奉行

第十

第三時法慧下明結說分謂契理合機故
佛喜衆奉也第三會竟

十六

大方廣佛華嚴經疏鈔會本第十八之三

音釋

瑕玷

瑕何加切 勵音例勉 雋慈演切
玷都念切 勵力也 雋前上聲

大方廣佛華嚴經疏鈔會本第十九之一 踐一

唐于闐國三藏沙門實叉難陀 譯

唐清涼山大華嚴寺沙門澄觀撰述

升夜摩天宮品第十九

自下第四中賢十行會初來意者酬前十

行問故匪知之艱行之惟艱前解此行若

膏明相賴目足更資故次來也次品來者

此會四品分三初二品當會由致次一品

當會正宗後一品勝進趣後於由致中此

品先明感應道交後品明讚德顯體前會

已終將陳後說故次來也

二釋名者會名有三一約處名夜摩天宮

會夜摩此云時分即空居之首表十行涉

有化物宜適其時時而後言聞者悅伏時

而後動見者敬從涉有依空即事入玄託

此而說約人名功德林約法名十行會並

如後釋三皆依主次品名者大同於會然

梵本中上無升字下有神變譯者以升爲

神變升爲神變略有四義一不離前三而

升此故二升一處即升一切處故三升已

廣其處故四前後同時無障礙故謂佛以

圓徧之身不起而升時分天宮升屬如來

夜摩約處相違釋也前升須彌後升兜率

準此可知

三宗趣者會品之宗並如名說意趣可知

爾時如來威神力故十方一切世界一一四

天下南閻浮提及須彌頂上皆見如來處於

衆會彼諸菩薩悉以佛神力故而演說法莫

不自謂恒對於佛

四釋文者一品長分爲十第一本會圓徧

謂前會不散而說後會故初句徧因十方
下徧相亦有主伴等並如上說但處加須
彌則而演說法通上三會則而演說法等
者前第三會不
離前二會而昇切利則各有菩薩承佛神
力說前二會之法今加不離須彌頂上則
如法慧承佛神力說十住法故兼前二
會通三會法也餘義多同須彌頂品

爾時世尊不離一切菩提樹下及須彌山頂

而向於彼夜摩天宮寶莊嚴殿

第二爾時世尊下不離而升

時夜摩天王遙見佛來

第三時夜摩下天王見佛並如前會

即以神力於其殿內化作寶蓮華藏師子之
座

第四即以下各嚴殿座初一句總依空起
行故云化作無著導行故曰蓮華一行舍
多所以稱藏餘如上說

百萬層級以爲莊嚴百萬金網以爲交絡百
萬華帳百萬鬘帳百萬香帳百萬寶帳彌覆
其上華蓋鬘蓋香蓋寶蓋各亦百萬周迴布
列百萬光明而爲照曜百萬夜摩天王恭敬
頂禮百萬梵王踊躍歡喜百萬菩薩稱揚讚

歎百萬天樂各奏百萬種法音相續不斷百

萬種華雲百萬種鬘雲百萬種莊嚴具雲百

萬種衣雲周帀彌覆百萬種摩尼雲光明照

曜從百萬種善根所生百萬諸佛之所護持

百萬種福德之所增長百萬種深心百萬種

誓願之所嚴淨百萬種行之所生起百萬種

法之所建立百萬種神通之所變現恒出百

萬種言音顯示諸法

百萬已下別顯嚴相於中四初明座體備

德嚴皆云百萬位漸增故次百萬夜摩下

明座旁圍繞嚴三從百萬下法門行德嚴
文有八句攝爲四對一因緣二福智深心
契理故三願行四體用無生法體之所起
故四末後一句法教流通嚴

時彼天王敷置座已向佛世尊曲躬合掌恭
敬尊重而白佛言善來世尊善來善逝善來
如來應正等覺唯願哀愍處此宮殿

第五時彼下請佛居殿

時佛受請即升寶殿一切十方悉亦如是

第六時佛下如來受請

爾時天王即自憶念過去佛所所種善根承
佛威力而說頌言

第七爾時下各念昔因然晉經亦有樂音
止息今略無者譯人之意謂不如十解會
事歸理不云樂音止息不及迴向事理無

礙不云熾然退可同前進可齊後故並略
之

名稱如來聞十方諸吉祥中最無上彼曾入
此摩尼殿是故此處最吉祥

第八偈讚十佛此十佛是前會十佛之前
如次十佛明位漸高念昔亦遠理實三世
諸佛皆同此說餘如前會文亦有二光明
此界後辨結通前中十偈亦各有四初句
標名讚別德次句通顯具吉祥三憶曾入
此殿四結處成勝極亦初一句諸頌不同
初二字別名次二字通號下三字別德亦
皆以下別德釋上別名一以聞十方釋成
名稱

寶王如來世間燈諸吉祥中最無上彼曾入
此清淨殿是故此處最吉祥

二以世間燈釋寶王義珠有夜光可代燈者爲寶中王佛有智光照無明夜故曰寶王

喜目如來見無礙諸吉祥中最無上彼曾入此莊嚴殿是故此處最吉祥

疏一

然燈如來照世間諸吉祥中最無上彼曾入

此殊勝殿是故此處最吉祥

饒益如來利世間諸吉祥中最無上彼曾入

此無垢殿是故此處最吉祥

善覺如來無有師諸吉祥中最無上彼曾入

此寶香殿是故此處最吉祥

三四五六義並可知

勝天如來世中燈諸吉祥中最無上彼曾入

此妙香殿是故此處最吉祥

七以世燈釋勝天者身智光照勝於天故

疏

五

無去如來論中雄諸吉祥中最無上彼曾入此普眼殿是故此處最吉祥

八以論雄釋無去者具勇智辯不可動故無勝如來具衆德諸吉祥中最無上彼曾入此善嚴殿是故此處最吉祥

苦行如來利世間諸吉祥中最無上彼曾入

此普嚴殿是故此處最吉祥

九十可知又此中殿各舉別名初一嚴體

下皆寶之別德謂此寶清淨以用莊嚴殊

勝無垢此寶發香是香必妙能嚴之寶無

所不見可謂普眼如是嚴者是善莊嚴無

處不嚴名普嚴也又善嚴者善因生故

如此世界中夜摩天王承佛神力憶念往昔

諸佛功德稱揚讚歎十方世界夜摩天王悉

亦如是歎佛功德爾時世尊入摩尼莊嚴殿

於寶蓮華藏師子座上結跏趺坐

第九爾時世尊入下佛同升殿

此殿忽然廣博寬容如其天衆諸所住處十方世界悉亦如是

第十此殿下處忽寬容並如前會

夜摩宮中偈讚品第二十

初來意者助化讚揚故說行體性故行所依故然三天偈讚來意宗趣大旨是同但解行願以爲異耳

二釋名三宗趣亦不異前約處約行少有

別耳

爾時佛神力故

四釋文者文亦有三一集衆二放光三偈讚初中有十一正明集因亦即各隨其類爲現神通也

卷二

六

十方各有一大菩薩

二十方下辨主菩薩

一一各與佛刹微塵數菩薩俱

三一下明眷屬數

從十萬佛刹微塵數國土外諸世界中而來

集會

四從十萬下來處分量然顯數隨位增信十住百迴向是萬此合當千而云十萬或譯人之誤或是十百則傳寫之誤

其名曰功德林菩薩慧林菩薩勝林菩薩無

畏林菩薩慙愧林菩薩精進林菩薩力林菩

薩行林菩薩覺林菩薩智林菩薩

五其名下列菩薩字同名林者表十行建立故行類廣多故聚集顯發故深密無間故扶疎庇映故此十菩薩表行之體也可

以意消息之表十行建立故者此有五義
性無修之中而起修故二萬行非一故三
聚為十度四行顯發性德令現前故故起
信云以知法性無慳貪故隨順修行為密
羅密等四一一契理曰深意趣秘妙為密
相續無間五扶疎即茂盛之貌如一布施
國城內外頭目髓腦而興起故等言庇映
者一一行門與慈悲俱普蔭一切相映帶
故若建謂修建立謂成立廣謂體廣多謂
類異則五句皆二便成十義下三各
二可知故下結云可以意消息之

此諸菩薩所從來國所謂親慧世界幢慧世
界寶慧世界勝慧世界燈慧世界金剛慧世
界安樂慧世界日慧世界淨慧世界梵慧世
界

六此諸菩薩下來處剎名同名慧者十解
之慧行所依故

此諸菩薩各於佛所淨修梵行所謂常住眼
佛無勝眼佛無住眼佛不動眼佛天眼佛解
脫眼佛審諦眼佛明相眼佛最上眼佛紺青

眼佛

七此諸菩薩各於下明所事諸佛同名眼
者以智導行了了分明成有目之足故斯
即十行當位之果佛於此位顯者皆名眼
故宜以當界之佛與當界菩薩共相屬對

思而釋之宜以當界等者以佛是當位之

菩薩下釋云積行在躬功德圓滿故得成
於常住之果二慧為最勝故成無勝眼三
悟勝義諦名為勝林故成無住眼四閻
深無畏故成不動五崇真拒迷成大光淨
六事理無差離身心相故得解脫七了相
不動得審諦眼八照理正修故成明相九
照心本源果成最上十鑒達諸佛迥超色
聲心言路絕故名智林故得果妙明為紺

青眼以菩薩名下文自釋
故今屬對則果號可知

是諸菩薩至佛所已頂禮佛足

八是諸下至已設敬

隨所來方各化作摩尼藏師子之座於其座
上結跏趺坐

九隨所下參而不雜

如此世界中夜摩天上菩薩來集一切世界
悉亦如是其諸菩薩世界如來所有名號悉
等無別

十如此下結通無盡

爾時世尊從兩足上放百千億妙色光明普
照十方一切世界夜摩宮中佛及大眾靡不
皆現

第二爾時下放光足上謂跏趺行必動故
背依輪指得有用故表行依信解而成用
故餘同前會

爾時功德林菩薩承佛威力普觀十方而說
頌言

第三爾時功德林下明說偈讚十菩薩說
即爲十段亦以東方爲始上方爲終各有

說偈所依謂承佛力等今初菩薩且就能
說積行在躬功德圓滿故名功德若就所
歎歎佛勝德故云功德林有十二頌以是
會主總叙此會普徧之事

佛放大光明普照於十方悉見天人尊通達

無障礙

於中二初八述讚奇特後四舉德釋成前
中四初一偈叙此品放光

佛坐夜摩宮普徧十方界此事甚奇特世間
所希有須夜摩天王偈讚十如來如此會所
見一切處咸爾

次二叙前品感應

彼諸菩薩衆皆同我等名十方一切處演說
無上法所從諸世界名號亦無別各於其佛
所淨修於梵行彼諸如來等名號悉亦同國

土皆豐樂神力悉自在

次三叙此品衆集

十方一切處皆謂佛在此或見在人間或見住天宮如來普安住一切諸國土我等今見佛處此天宮殿

後二明自在普周

昔發菩提願普及十方界是故佛威力充徧難思議遠離世所貪具足無邊德故獲神通力衆生靡不見

後四舉德釋成中二前二舉因顯用

遊行七方界如空無所礙一身無量身其相不可得佛功德無邊云何可測知無住亦無去普入於法界

後二辨果用深廣於中一體用自在上半不去徧至下半卷舒相盡謂一身即多則

一相不可得多即是一則多相不可得是

故恒一恒多恒非一多由此自在一塵內

身無不周于十方徧十方身並潛一塵之

內皆悉圓徧非分徧故難思議也後一深

廣相成上半牒廣辨深下半釋深顯廣謂

不住故無處不至不去故不離本位此釋

深也塵毛等處無不普入廣無邊也一塵內身

等者以即一恒多故等

爾時慧林菩薩承佛威力普觀十方而說頌

言

第二上明功德此辨智慧慧悟此除冥難遇

之慧故名慧林偈中歎此

世間大導師離垢無上尊不可思議劫難可

得值遇

十頌分三初一明佛難遇

佛放大光明世間靡不見爲衆廣開演饒益
諸群生如來出世間爲世除癡冥如是世間
燈希有難可見

次六別釋難遇於中亦三初二益廣難遇
已修施戒忍精進及禪定般若波羅蜜以此

疏一

十

照世間

次一因圓難遇

如來無與等求比不可得不了法真實無有
能得見佛身及神通自在難思議無去亦無
來說法度衆生若有得見聞清淨天人師永
出諸惡趣捨離一切苦

後三果深難遇

無量無數劫修習菩提行不能知此義不可
得成佛不可思議劫供養無量佛若能知此
義功德超於彼無量剎珍寶滿中施於佛不

疏二

十

能知此義終不成菩提

三有三偈校量顯勝於中初一長時大行
校量次一長時供佛校量後一勝物供佛
校量

爾時勝林菩薩承佛威力普觀十方而說頌

言

第三勝林悟勝義甚深之法故

譬如孟夏月空淨無雲曠赫日揚光暉十方
靡不充其光無限量無有能測知有目斯尚
然何況盲冥者諸佛亦如是功德無邊際不

可思議劫莫能分別知

偈歎深廣無涯之德十頌分二初三明佛
德廣博後七顯法體甚深橫豎互顯前中
初二喻況後一法合喻言孟夏月者取意
譯也梵本敵對翻云後熱月西域如來聖

無性名須彌偈品文中已有今復釋謂
法從緣無自性生性故上生無自性即是
所無下一性字是勝義無自性者即第三
目性勝義自性即是勝義無自性者即第三
無性勝義自性即是勝義無自性者即第三
於前顯無彼勝義之性為其性故勝義即
是圓成圓成即是真如故唯識云此諸法
勝義亦即是真如常如其性故即唯識實
性相無自性性者即第一無性謂通計之
相亦不可得如繩上蛇下一性字是第一

性以相無自性而為其性故今初即分為三初偈正觀

無生初句果空謂緣生果法非先有體從
世性微塵及未來藏因緣心識中來若有
來處即先已有如鳥來棲樹何得言生次
句因空既無有果對何說因又世性等亦
是妄計因緣有故次句雙遣所從是因所
生是果又初句不自生次句不他生次句
不共生又初句非先有而生次句非先無
而生次句非半有半無三義各以末句息
妄成觀

初句果空等者即中論先有先無
門觀也然亦名奪破於中先奪破

其所計先有總舉諸宗世性微塵即是外
道及未來藏即一切有部因緣通大小乘
約相心識即唯識心所現若執定有皆
為所遺從若無來處下縱破鳥來棲樹即
中論青目釋無來文謂先有鳥而來就樹
可名為來今從無之有曰生曾何先有次
句因空者即經亦無能作者能作是因因
即我也亦即經亦無能作者能作是因因
益是因義謂無常法為無常因無有常法能為
法因又雖無常法為無常因無有常法能為

因亦與後自性為因非即此剎那從既無
有果下破也即相待門破可知又世等
亦是妄計因緣有故者亦因緣門因緣
性故亦無體門但有妄計無實體故又初
句不自生等者上之四句各別門破今通
用因緣門以四開破畧無因中觀論云
諸法不自生而雜集論二門釋不共不自
故知無生而雜集論二門釋不共不自
生者謂一切法非自所作彼未生時無自
性故不從他生者謂彼法緣非作者故不
從共生者謂即由此二種因故非不自作
他作故不無因生者謂緣望衆生有功能
故二又因緣互奪釋云自種有故不從他
等次後當釋又初句非先有下前來唯初
句用先有門今通三句皆用先有無門
中論因緣品云果先有於緣中有無俱不
先無為誰緣云果先有何用緣影公云因
有則境界在六根因中先無則因中非
因同非因則可鑽水出火境界在六根則
可湯中求冰若亦有亦無則具上二過其

第四句乃非此門故中論云若果非有生亦復非無生亦非有無生何得言有緣

次偈以無生釋無滅略有三義一無生可

滅故二無待對故三側生從緣故

後偈觀成利益經云無生即是佛故論云

若見因緣法則爲能見佛依他因緣即無

生故

經云等者正是大品法尚答常啼云諸法如即是佛諸法無生即是佛等

下句既云斯人見如來即無生是佛義耳須彌偈讚品一切慧菩薩云一切法無生

一切法無滅若能如是解諸佛常現前故論云等者即中論四諦品末云是故經中

說若見因緣法則爲能見佛見菩薩當具引而論引經即智嚴經至第十菩薩當具引

之

諸法無生故自性無所有如是分別知此人

達深義以法無性故無有能了知如是解於

法究竟無所解

次二偈約依他兼修勝義無自性性觀中

前偈遣所觀上半辨觀下半明益各舍二

義故致兼言一者成前謂非唯能相之生

生即無生所生法體從緣無性即無所有

此顯依他無性是圓成性益云深者即事

而真故二云無生真性亦無所有即彼勝

益無自性性益云深者真性不立故各舍二義

者釋上兼修之言而云各者正取上半觀相下半觀益爲各二義即依他圓成如下

疏列而下遺能亦含依圓故此各言兼於能所方順二偈兼修之言一者成前下別

示二義之相此即依他中義也先明觀相由前偈遣能相四相舉生滅已舍任異

此偈遣所相色心法體由四相相成其有爲當法緣生故無自性觀益可知二云無

生下即兼修勝後偈遣能觀然有二義一義無性義也

成前所觀謂以無性故無有能了如無有

人能了龜毛長短大小知無所了是究竟

了二是正遣能了既無所了亦無能了能

所兩亡爲究竟解後偈遣能觀者然此疏中二義亦通前依圓前

義依他圓成俱無所了後義依圓皆無能了皆由即性即無性故故疏結云能所雙

亡即正結上二義也
亦通結上二偈能所

所說有生者以現諸國土能知國土性其心
不迷惑世間國土性觀察悉如實若能於此
知善說一切義

後二偈明相無自性性觀中初偈正明後

疏一

十六

偈總結前中上半顯執不了國等依他謂

爲現見妄計爲生故晉經云所言有生者

當知由所生下半明觀若知無性則離徧

計故後偈總結稱於事理之實以觀世等

故善說也不了國等者而言等者國即共
業緣生以後偈總結云世間國

土性世間之言通有情世間故致等言言
謂爲現見者以中論內小乘被破皆悉救

云世間現見故意云不合與世間相違又
佛言世智說有我亦說有世智說無我亦

說無今現見有國等諸法豈得言無故引
晉經云當知由所生所生即現故見國等

爾時無畏林菩薩承佛威力普觀十方而說

頌言

疏一

七

第四以信樂力聞深不長名無畏林偈歎

信向益深德故

如來廣大身究竟於法界不離於此座而徧

一切處

十頌分二初一所信之境謂法身體即法

界智身證極法界致令應用之身不動而

徧

若聞如是法恭敬信樂者永離三惡道一切

諸苦難

後九聞信之益分五初一聞信離惡

設往諸世界無量不可數專心欲聽聞如來

自在力如是諸佛法是無上菩提假使欲暫

聞無有能得者

次二辨其難聞

若有於過去信如是佛法已成兩足尊而作

世間燈若有當得聞如來自在力聞已能生信彼亦當成佛若有於現在能信此佛法亦當成正覺說法無所畏

次三
明聞信成佛將過去已成證現未當

無量無數劫此法甚難值若有得聞者當知
本願力

四有一偈明聞必有由屬物起願

若有能受持如是諸佛法持已廣宣說此人當成佛況復勤精進堅固心不捨當知是人決定成菩提

五有二頌顯起行益

大方廣佛華嚴經疏鈔會本第十九之一

疏

大

音釋

也	意	也	拒
謬	濫	抵	舊許切
詐	聲	也	瞠
也	水	切	於計切
切	延	音	盲
勵	漫	監	眉庚切
側	也	去	目翳
勉		暄	翳
力		溫	於計切
也		也	蔽
		切	
		愜	
		音	
		怯	
		適	

大方廣佛華嚴經疏鈔會本第十九之三 踐二

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時慙愧林菩薩承佛威力普觀十方而說
頌言

踐二

第五拒妄崇真拒迷崇智名為慙愧林故

偈讚如來大智勝益

若人得聞是希有自在法能生歡喜心疾除

疑惑網

十頌分三初三法說難思次六以喻並決

後一結德歸佛今初初偈明聞生勝益令

物希聞自在法者即佛智也

一切知見人自說如是言如來無不知是故

難思議

次偈佛窮種智故下位難思

無有從無智而生於智慧世間常暗冥是故
無能生

後偈顯智從生此文反顯然有二意一者
成前謂欲生智慧當於佛求佛無不知故
不應求之於凡凡暗冥故猶寧芙蓉必於

深水而於木末安可得耶

後有一偈下疏
文有三一案經

釋有二意前二中云猶寧芙蓉等即顯所
應而於木末非所應也即楚詞意彼云寧
芙蓉於木末二者成後智從熏習自種而

生不從煩惱無智所生是故下言二心不

同時屬自愚智故故應慎所習也

二者成
後智從

熏習自種有二先正釋謂由本有無漏種
子與多聞熏習和合而生無漏智故依唯
識論本有新熏三師異說第一清目等師
唯立本有故論云有義一切種子皆悉性
有不從熏生由熏習力但可增長第二難
陀唯立新熏故論云有義種子皆熏故生
所熏能熏俱無始有故諸種子無始成就
第三護法正義論云有義種子各有二類
一者本有二者始起乃至云由此應信凡
有諸有情無始時來有無漏種不由熏習

法爾成就又云其間熏習非唯有漏聞正
法時亦熏本有無漏種子令漸增盛展轉
乃至生出世心釋曰出世心者即是見道
其第三義正同喻如三十五種性品論云
云何種性謂略有二種一本性住種性二
習所成性住種性者謂諸善薩六處殊勝
有如是相從無始世展轉傳來法爾所得
名本性住種性今疏云熏習即是新熏自
種而生者熏但新成若爾何以經言煩惱泥中
熏舊無別新成

有佛法矣此說在纏如來藏故然此大智

從藏德生非從迷起

難初即引淨名第二佛道品難會通有兩重

文殊言何等為如來種文殊師利言有身

為種無明有愛為種四顛倒為種五蓋為

種六八為種七識處為種八邪法為種九

惱處為種十不善道為種以要言之六十

二見及一切煩惱皆是佛種何謂也答曰

若見無為入正位者不能復發阿耨多羅

三藐三菩提心譬如高原地不生蓮華

早濕淤泥乃生是華如是見無為入正位

者終不復能生於佛法煩惱泥中乃有衆

生起佛耳今疏引此以爲難耳又入大

乘論第一引龍樹偈云不從虛空有亦非

地種生但從煩惱中而證成菩提皆此義

也此說在纏下疏答然約彼經文見無爲

發若約迦葉領解云如是聲聞諸結斷者

於佛法中無所復益則諸凡夫地前菩薩
有諸煩惱增修對治成諸度門得爲佛種
若已斷結不可得爲一切智因故諸菩薩
留惑潤生以至惑盡故攝論云煩惱伏不
起如毒呪所害留惑至惑盡證佛一切智
此是經之顯意今疏所明乃是經之密意
而是勝曼楞伽等義故云在纏如來藏煩
惱如泥覆於二藏然大智自從所藏不空
人智光明遍照法界

若爾煩惱即菩提復

云何通約體性故從所述故如波與濕

等者即第二重難既言即者則不得云二

事別也謂迷真起妄說爲煩惱妄體即真

元是佛種無行經云經欲即是道患礙亦

復然等疏約體性故下疏答上難有其二

意一約體性者煩惱性即菩提非約相也

故淨名云煩惱是道場知如實故無行經

云貪欲及瞋恚無有能得者足法皆無行經

知是即成佛故知煩惱實性即菩提耳亦

就相明二事不一二云約所述故者即第

二義也謂迷真起妄離真則無能迷妄心

故云即菩提耳真即性淨菩提如波與濕

雙喻上二濕是波性波是濕相動濕成波

不同故非一也然實義者真妄愚智若約

相成二門峙立若約相奪二相寂然雙照
二門非即非離若說一者離之令異如此

章中若云異者合之令同如後章是善須
得意勿滯於言然實義者下第二會實義
通會兩章方顯中道正通
煩惱即菩提雖是顯真妄之義雖說
三門義含四句謂初二門時立依理成事
則唯妄非真事能顯理即唯真非妄故各
峙立若說一者下明此二章正為破病若
據菩薩二皆會中又此章則二門時立後
章則二相寂然故合此二非即非離言若
說一者則離之今異者謂有問言萬法即
真一如無異故妄即真有何過耶答略如
三過一者能依即是所依謂依真有妄如
依水有波今妄即是真便無能依以無能
依亦失所依則生滅真如二俱不立二者
既不異亦失真妄以妄即真故無妄無多
對何說真三者亦失真假二門若別則三
義俱成如金與嚴具波之與水動濕體相
二俱不同能依所依各有三義皆不離亂
若云異者合之令同者下章云如金與金
色其性無差別等若準晉經云非從智慧生亦非
無智生了遠一切法滅除世間闇則顯智
體絕於愚智不稱實了則名無智此偈雙
明性相後喻但顯二相不同
如色及非色此二不為一智無智亦然其體

各殊異如相與無相生死及涅槃分別各不
同智無智如是世界始成立無有敗壞相智
無智亦然二相非一時如菩薩初心不與後
心俱智無智亦然二心不同時譬如諸識身
各各無和合智無智如是究竟無和合

二並決中二先五明二性相違後一辨功
能不等今初唯第二偈三句是喻餘偈喻
合各有半偈一約色非色者非色謂心緣
慮質礙體性不同故二中有二喻相無相
者理事相反生死涅槃真妄相反雖同一
體分別義門不相是故三成之與壞約相
別故四初心後心時不同故五諸識身所
用別故緣會不同故眼無耳用又此眼識
不合餘根識身同識尚不相合愚智性異
安得相生諸識身下釋此有四意一眼唯
見色耳唯聞聲等二緣會不同

者眼以色等而為緣故耳用聲等為緣故
三眼無耳用者對於果位互用而說初意
顯自此意通他四又此眼識不合餘根者
亦對六根互用義說以互用義或言眼根
發於眼識而了六境餘根亦爾即第三意
對之二或言眼根能發六識以了六境此
意對之此識不合餘根此根亦不發餘識
更有說言言互用者眼根發耳識而能
識身同識下結其不同

如阿伽陀藥能滅一切毒有智亦如是能滅
於無智

二功能不等者非唯二性各別然智能滅
愚愚不滅智藥能去毒毒不去藥亦猶明
能滅闇闇不滅明

二功能不等下先法說
後舉二喻皆明不等此

亦生公十四科善不受報義彼問云善惡
相傾其猶明闇不並云何言萬善理同惡
異各有限域耶答明闇雖相傾而理實天
絕明能滅闇故無闇而不滅所以一燭之
火與巨澤火同闇不能滅明以

如來無有上亦無與等者一切無能比是故

難值遇

卷二

五

三一偈結歸如來迥出世表故難值遇
爾時精進林菩薩承佛威力普觀十方而說
頌言

第六勤觀理事同無差別離身心相故名
精進十頌總相顯佛此德前即無差之差

此乃差之無差二章相接顯非即離亦互

相成二重相接者非即離義已如上明言

有問言若言不一者即應離於金別有器

體若異金有體者即應與金不異以同金

有體無差別故言無差別者一何者若異即

答只由不異方得不依真故即不妄有妄今

有體不依真立不依真故成不一以妄無自體

有妄者由不異故得成不一以妄無自體

故妄依真成以妄成故與真不一如波依

水由不異水遂得成波以波成故與濕不

一此上即以不異成不一也言不一成不

異者即如上文由有能依所依故得交徹

由有濕故說水即波等

諸法無差別無有能知者唯佛與佛知智慧
究竟故

十頌分二初一約法雙標後九就喻雙釋
今初也初句標其所知五類之法皆無有
差餘三句對人以顯次句揀非餘境下半
唯佛究盡

如金與金色其性無差別法非法亦然體性
無有異

後九釋中前五釋所知後四釋能知前中
初四正釋後一遣疑前中皆上半喻下半
法無差所由在於末句然其能喻不離諸
法取其所易喻其所難耳然其能喻者如云衆生非衆生
三世生滅皆是初句諸法中收並無差別
斯則難見若就未來無過夫相則無相理
昭然易見故喻一體色無別喻此喻爲總
色心無相之難
喻雖是一法合有二該橫豎故此喻爲總者法非法
言該通性相
及諸法故
豎約理事交徹法者事也非
法理也色即空故亦可法眞法也非法妄

疏二

六

法也取文雖異義旨乃同謂如金之黃色
與金體斤兩性無差別隨取互收合中金
是所依喻其眞法色是能依喻妄非法以
妄無體攬眞而起則眞無不隱唯妄現也
以眞體實妄無不盡唯眞現也是則無體

之妄不異體實之眞故云無有異也亦同

密嚴如金與指環展轉無差別

取文雖異者謂若理

若事若眞若妄此文乃與互相交徹義旨
則齊亦同密嚴者問明已引云如來清淨
藏世間阿賴耶如金與指環展轉無差別
則金色如指環金體即金然此上不異總
有四句一以本成未本隱未存此即存隱
不異即疏云以妄無體攬眞而起則眞無
不隱唯妄現也二攝未歸本末盡本顯此
即顯滅不異故疏云以眞體實妄無不盡
唯眞現也三攝本從末末有攝末歸本本
顯此則兩法俱存但眞妄有異即有眞有
妄明不異故疏云是則無體之妄不異體
實之眞故云無有異也四攝本從末本隱
是不無義攝未歸本末盡是不有義此則
故非邊不無明不異亦是末後二句又非異
界妙智所證湛然常住無所寄也又非一

即非異故恒居邊而即中等又非一即生死非異即涅槃非一即非異故恒住生死即處涅槃等云云然其法體圓融無礙上求所說非一異等亦是假言故前疏云著須得意以法就橫者異法相望法者可軌喻金等亦然

之法也非法者不可軌之法也又法謂有法非法謂無故中論釋法不生非法云有

不生無故體性無異者謂同如故

七

橫者異

者即一切差別法無差別也法即是善法非法即惡法故百論取般若意云福上捨何況罪以金剛云法尚應捨何況非法故以非法而名為罪又法謂有法者亦是橫論有無相對故中論下引論證成無法為非法也即第三論成壞品頌云從法不生法亦不生非法從非法不生法及於非法直釋得應法即是有如色心等非法是無如兔角等若從法生法如母生子法生法人從非法生非法者如龜毛生兔角故長行釋云從法不生法者若至若失二俱不然從法不生非法者若至若失二俱不為有云何從有相生無相從非法不生法者非法名為無無云何生有若從無生有者非法名為無無云何生有若從無生有者是則無因無因則有大過是故不從非法生法不從非法生非然前義正順於喻法者兔角不生龜毛

後義乃順標中諸法之言要由初義性相無差方得顯於後義事事無差若但用後義未顯相全同性那得顯於事事同於一性

然前義下斷上二說前義即事理無礙後義即事無礙若但用後義下反以理結要用上二謂要由事理無礙方得以理融於事事隨理而融通耳此中更有別義謂又若依前義則心等四類即第五無為若依後義由無為故前四無差又依前義是性無異故無有差若依後義是同一如體故無差也

眾生非眾生二俱無真實如是諸法性實義俱非有

第二偈假名不實喻以真奪俗是故無差

攬緣成眾生即虛非眾生所遣既無能遣安有故俱無實以喻諸法皆無實義並從緣故若以正報為眾生依報非眾生乃全是所喻非實之相尚難顯了

以真奪俗下初立二相次所遣既無下釋無實義以喻下釋合下半後若以正報下結彈古釋

譬如未來世無有過去相諸法亦如是無有一切相

三世互無喻喻無相故無別謂若未來有過去者應名過去何名未來故知定無過現之相文舉一隅應反餘二諸法無相

駁三

如彼互無此以差別喻無差別

文舉一隅應反餘二

者應明現在無過去無現未等故論語云舉一隅不以三隅反諸法亦然

譬如生滅相種種皆非實諸法亦復然自性無所有

四四相非實喻喻無性故無差別生等四

相離所相法無別自性一切諸法離所依

理無別自性此以相無喻於性無

涅槃不可取說時有二種諸法亦復然分別

有殊異

後遣疑者疑云若都無別云何見有性相

等殊故此釋云亦如涅槃體離有無百非

斯絕而強立名字曰餘無餘諸法亦然真

俗並虛分別成異若離分別則無一切境

界之相

真俗並虛等者故肇公云涅槃蓋是鏡像之所歸絕稱之幽宅也豈可以有無標榜故有餘無餘乃出處之異就應物之假名耳若離分別者即起信論

前文已引此論前文云一切境界唯依妄念而有差別次云若離心念則無一切境界之相

如依所數物而有於能數彼性無所有如是

了知法

第二四偈喻能知者皆展轉遣疑初偈疑

駁二

云既有分別則有能知故釋云離所數物

九

無能數數既所知無性何有能知無知之

知是真了法

譬如算數法增一至無量數法無體性智慧

故差別

次復疑云若依向喻能數喻能知能知雖
無所知猶有故復用能數法以喻所知智
慧差別以喻能知反覆相遣顯無差理謂
一上加一名之爲二乃至百千皆是諸一
由能數智作百千解故晉譯中第三句云
皆悉是本數今譯明一多相待故無體性
喻彼妄想於無性中計爲有無耳反覆相遣者謂
以所知道能知復以能知道所知耳
譬如諸世間劫燒有終盡虛空無損敗佛智
亦如是

次又疑云都無能所何名佛智故釋云能
所雙亡佛智斯顯故所知妄法如世成壞
能知真智湛若虛空尚不初成況當有敗
如出現品又權智照俗同世成壞權即是
實如不離空

況當有敗者經云譬如世界有成壞而其
虛空不增減一切諸佛嚴善提成與不成
無差別是也

如十方衆生各取虛空相諸佛亦如是世間
妄分別

末偈疑云佛智既等應用何殊釋云隨心
妄取佛無異相又謂常無常如各取空佛
智雙非如空無別

爾時力林菩薩承佛威力普觀十方而說頌
言

第七智了三種世間性相諸邊不動故名

廣二

十

力林

一切衆生界皆在三世中三世諸衆生悉在
五蘊中諸蘊業爲本諸業心爲本心法猶如
幻世間亦如是

十頌顯佛離相真智於中分三初四徧明

世間次五雙遣世及出世後一觀成利益
今初略有二觀初二偈攝末歸本觀顯衆
生世間空後二緣生無作觀兼顯器世間
空今初也初二句推假名衆生不出三世
顯是無常次二句推三世衆生不出於蘊
顯無有我次句蘊由業生以明果空顯非
邪因次句推業唯心明心外無法次句體
心如幻不離性空及與中道如幻無性故
非有非無故末句以本例末則上五一如
皆展轉緣生故

世間非自作亦復非他作而其得有成亦復
得有壞世間雖有成世間雖有壞了達世間
者此二不應說

二緣生無作觀中初偈無作故緣成後偈
緣成即無作

二

科謂前偈上半無作下半緣

十一

成後偈上半緣 今初言不自他作者通遣
諸非一約外道非自性等作亦非梵天等
他作但以虛妄無業報故廣如三論破自
性等作者即明非自作也外道宗計之盛
不出數論勝論數論計自性能作者自性
冥諦能作者而我非能作者但是知者而疏
言等即等於我我爲能作者即勝論師次
言亦非梵天等作者且等取安茶論師所
計第一疏已明自在即塗灰外道所計合
上爲共作離上爲無因故但舉自作四句
已備但以虛妄者即總破四句四句之計
皆無業報言廣如三論破者不欲繁文指
廣有原然三論皆破百論廣破二宗今取
順非四句作若且依十二門論釋云然自
性一計第一疏抄已廣破竟衛世計我爲
自今當更釋即觀作者門第十偈云自作
及他作共作無因作如是不可得是則無
有苦長行以因緣門釋則通小乘大乘等
次約破外道說先總叙云如經說有裸形
迦葉問佛若自作耶佛默然不答世尊若
爾苦不自作若他作耶佛亦不答世尊若
若爾苦自作他作耶佛亦不答世尊若爾
者苦無因緣作耶佛亦不答釋曰下論
破有二意一約性空結云如是四問佛皆
不答當知若則是空第二約外道說問曰
佛說是經不說苦空隨可度衆生作是說
是裸形迦葉謂人是苦因有我者說好醜

皆神所作神常清淨無有苦惱所知所解
悉皆是神作好醜苦樂還受種種身知所解
邪見故問佛若我自作耶是故佛不答苦實
非是我作若法是我因我生法皆我即無
常何我故若法是因我生法皆我即無
常若我無常則罪福果報皆悉斷滅修梵
行福報是亦應空若我無常則無解脫
何以故我若無身而能作苦者得解脫是
應是苦如是則無解脫而實有解脫是故

苦自作不然釋曰此破我為自作故疏云
自性等等於我故次破他作論云他作苦
亦不然離苦若何有人而能作苦與他復次
若他作苦若則為不自在天作如此邪見
問故佛亦不答而實不自在天作如此邪見
故性相違故如牛子還生牛若萬物從自
在天生皆應似自在天是其子故復次若
自在天作眾生者不應以苦與子是故不
應言自在天作問曰眾生從自在天生苦
樂亦自在天生以不識樂因故與其苦答
曰若眾生是自在天子者唯應以樂遮苦
不應與苦亦應但供養自在天則滅苦得
樂而實不爾但自行苦樂因緣而自受報
非自在天作復次彼若自在者不復有所
須有所須自作不名自在若無所須何用
變化作萬物如小兒戲復次若自在作衆
生者誰復作自在若自在則不然如
物不能自作若更有作若不自在下廣
有破具如彼論乃至云若自在作樂等
事而自成壞世間法等又自在亦從他作

則無窮無窮則無因故非自在已破共作
有上二過故假因和合故非無因四皆邪
見故佛不答破梵天等例同自在約人雜
異他作義同然此方妄計亦自西天相傳
之說案三王曆云天地渾沌盤古生其中
一日九變神於天聖於地天日高一丈地
日厚一丈盤古亦長一丈如此萬八千歲
然後天地開闢盤古龍身人首首極東西
足極東西左左手極南右手極北開目成
合目成夜呼為晷吸為寒吹氣成風雲叱

聲為雷靈盤古死頭為甲猴為乙肩為丙
心為丁膽為戊脾為己脅為庚肺為辛腎
為壬足為癸目為日月髭為星辰眉為斗
樞九竅為九州乳為崑崙膝為南嶽股為
太山尻為魚鼈手為飛鳥爪為龜龍骨為
全銀髮為草木毫毛為鳥毛為龍齒為玉
為雨水大腸為江海小腸為淮泗膀胱為
百川面輪為洞庭章昭同記曰世俗相傳
為盤古一日七十化覆為天偃為地八萬
歲乃死然盤古事跡近為虛妄既無史籍
難可依憑但是古來相傳婉妄耳斷曰誠
如所言亦依稀西域梵天章經等今既破
邪教之 二約小乘非同類因自作亦非異
熟因他作以皆相待無自性故
三約因緣相待如十地論及對法所明三
因緣者十地在下對法云自種有故不從
他待眾緣故非自作無作用故不共生有

功能故非無因斯則以因為自以緣為他
假因遣緣假緣遣因假無用以遣共假有
功遣無因四約以因望果中論云自作及
十地更廣他作共作無因作如是說諸苦於果則不
然此自他言舍於二意一以果為自以因
為他論云果法不能自作已體故二以因
為自以緣為他此明不從因緣無果待對
故離既不成合亦不成故論云若彼此共
成應有共作若彼此尚無作何況無因作
彼此即自他也約以因望果者初標也即
論正釋即破若品初引一偈即初總標偈
明四句不作此自他下三疏釋初以果為
自引論果法不能自作已體即青目釋因
緣品中不自生義其以因為自以緣為他
雖同雜集雜集即因緣相奪此即當句以
辨緣生無果對待正釋偈中於果則不然
也然疏取意釋初二句若論獨中各一偈
破破初自作云若若自作者則不從緣生
因有此陰故而有彼陰生釋曰上半縱其
自作不從緣下示其因緣明非自作次
破他作云若謂此五陰異彼五陰者如是
則應言從他而作若釋曰此但反顯不他

作以今此陰必不異後故不他作必若令
異因則果因同非因自作他作俱不從
緣如何得果以待於因故不可也離既下
疏生起第三四句後引論正釋不共句但
顯前難破舉況釋第四句故上下半二意
論云有因尚不成無因何得成
一不礙緣成以遣無因二非但不礙幻有
亦由有空義故能成因果是則不動真際
建立諸法又非但說於苦四種義不成一
切外萬物四義皆不成成壞之言顯蕪器
界下半二意者即經而其得有成亦復得
即事理無礙義後意由上性空不礙下半緣成
成門又非下即是中論結例之言成壞之
言者中論正約正報今經意在雙合耳
後偈緣成即無作者向約幻有雖言成壞
幻有即空故不應說是則不壞假名而說
實相
云何為世間云何非世間世間非世間但是
名差別三世五蘊法說名為世間彼滅非世

間如是但假名云何說諸蘊諸蘊有何性蘊性不可滅是故說無生分別此諸蘊其性本空寂空故不可滅此是無生義衆生既如是諸佛亦復然佛及諸佛法自性無所有

第二五頌雙遣中初半偈假徵次半標答

疏二

十四

次偈出體釋成蘊是世間緣成寂滅即出世間故淨名經云世間性空即是出世間

一體說二故云假名故淨名下引證即不

羅延菩薩曰世間出世間爲二世間性空

即是爲入不二法門是也又思益第一云

五陰是世間世間所依止依止於五陰不

脫於世間菩薩有智慧知世間實性所謂

五陰如世間法不染又云五陰無自性即

是世間性若人不知是常住於世間若見

知五陰無生亦無死是人行世間而不依

世間凡夫不知法於世起淨訟是實是不

實但是二相中我常不與世起於淨訟事

疏二

十四

了知故與此大同次二句徵蘊名體世以蘊爲體蘊以何爲體次二句標答上句答

體下句答名應名無生五蘊既云性不可

滅則顯前非事滅則顯前非事滅者然滅

出世間亦有二種一約事出謂地前爲世

間登地爲出世此約事滅由偈但云彼滅

非世間則通二釋以此文證明非事滅二

者約相名世約性爲出世即今文意即約

理滅合於淨次一偈釋成空故不滅亦非

名思益等經

事在不滅則知本自不生是無生義則知

既言空故不可滅是無滅義而結云此是

無生義者以無可滅故是本自不生即法

自在菩薩曰生滅爲二法本不生今則後

無滅得此無生法忍是爲入不二法門後

偈例出世間顯智正覺世間亦應緣無性

又證無性之理爲自體故又證無性之理

無性此約真者前約應身論

疏二

十五

能知此諸法如實不顛倒一切知見人常見在其前

末後一偈明觀益者佛以實法爲其體故

見法則常見佛也

爾時行林菩薩承佛威力普觀十方而說頌言

第八照理觀佛而起正修故名行林

譬如十方界一切諸地種自性無所有無處不周徧佛身亦如是普徧諸世界種種諸色相無住無來處

十頌觀佛體相普周德於中分二前七約喻顯修後三見實成益前中復二初二地種無性普周喻佛無生徧應德

但以諸業故說名為衆生亦不離衆生而有業可得業性本空寂衆生所依止普作衆色相亦復無來處如是諸色相業力難思議了達其根本於中無所見

後五業相無依成事喻佛難思現用德於中二三偈喻二偈合前中初一明業果

互依次偈明相依無性業不離生故業性空因業有生故生無來處後偈雙結難思顯成眞觀若逆推其本業復有因卒至無住無住無本故無所見無見之見方了業空若逆推等者前偈因業有生即是順明今明生依於業業亦從緣故云性空已是逆推言卒至無住即淨名經意彼逆推云身孰為本答曰欲貪為本又問欲貪孰為本答曰顛倒想為本又問顛倒想孰為本答曰無住為本又問殊師利從無住本立一切法今經中三並攝在業衆生即身空寂無來即無住本

佛身亦如是不可得思議種種諸色相普現

踐二

十六

十方刹身亦非是佛佛亦非是身但以法為身通達一切法

二頌合中初偈難思普應合上業果互依次二句以互不相是合互依無性身若是佛轉輪王等即是如來佛若是身正覺之

心應同色相後二句結示具體唯如唯智

合第三偈難思達本

身若是佛者謂色相之身即金剛經云若以三十二相觀如來者轉輪聖王即是如來後二句結示三即如四即如智

若能見佛身清淨如法性此人於佛法一切

無疑惑若見一切法本性如涅槃是則見如

來究竟無所住若修習正念明了見正覺無

相無分別是名法王子

二有三偈明見實中初頌見佛即了法以

見佛稱性不疑同體故

以見佛稱性者三寶同體佛即是法

法即是承故經云清淨如法界者如即稱義人信法界難信法佛故致如言實則佛身即法

佛不住性相故後偈明了正修行照了無

相心寂分別寂照雙流故名正念則從佛

法生是法王子故

又上三偈初知離名為法次如法名為佛

卷二

十七

後知無名為僧窮見三寶之實

初知離名法者即思

益第一已如上引第一句云是菩薩遍行

大方廣佛華嚴經疏鈔會本第十九之二

音釋

塞

苦堅切

淤泥

云虛切

峙

丈几切

池

上胡切

燐

本切

子

肖切

攬

魯敢切

裸

即果切

混沌

本切

混

本切

炬

火也

攬

魯敢切

裸

即果切

混沌

本切

混

本切

入

聲也

膽

肝之府也

脾

土藏也

脅

腋也

脅

腋也

肺

金藏也

腎

水藏也

髭

津私切

樞

居切

樞

居切

竅

苦第切

尻

苦高切

梁

水鳥也

膀

膀

膀

膀

膀

音旁

詭

詐也

韋

韋

紐

紐

紐

紐

光

勝脫

詭

詐也

韋

韋

紐

紐

紐

紐

大方廣佛華嚴經疏鈔會本第十九之三 疏三

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時覺林菩薩承佛威力徧觀十方而說頌言

第九照心本末名為覺林

疏三

十頌顯於具分唯識大分為二前五約喻顯法後五法合成觀前中二前二約事後三約心乍觀此喻以前喻所作後喻能作細尋喻意前喻却親故喻真妄依持後喻心境依持然依生滅八識但有心境依持而即如來藏心故有真妄依持以會緣入實差別相盡唯真如門即前喻所顯攝境從心不壞相故是生滅門即後喻所明存壞不二唯一緣起二門無礙唯是一心故

下合中但明心造欲分義別喻顯二門是

名具分唯識具分唯識者已如前釋取

喻等者即揀定云前二喻真妄心所作

以辨唯識次二喻真妄心所作以辨唯識

今言似者大種異色似畫師所作然不離

心有彩畫者似能作也則羸觀似爾細尋

不然細尋已下即顯正義然依生滅下辨

二所由顯法相宗但是心境依持而即如

來藏下辨具二所以於中先總後以會緣

入實下別示二相即起信真如生滅二

門為二義耳存壞不二壞相故存也二門無

礙者結歸入實壞也不壞相故存也二門無

具足二義方名具分唯識問唯識第九說

其所轉依有其二種一持種依謂第八識

二迷悟依謂即真如如何以說言然依生滅

八識唯有心境依持答彼雖說迷悟依非

即心境持種以真如不變不隨於心變萬

境故但是所迷耳後還淨時非是攝相即

真如故但是所迷耳今乃心境依持即是

真妄非有二體故說一心約義不同分或

攝一切法故以此二門不相

譬如工畫師分布諸彩色虛妄取異相大種

無差別大種中無色色中無大種亦不離大

種而有色可得

今初二偈真妄依持即真如門攝一切法也初偈初句總喻一心次句喻隨緣熏變成依他也次句不了依他故成徧計第四句喻依他相盡體即圓成

初偈依持真妄者含真含妄有

能有所論云所言法者謂衆生心是心即攝一切世間出世間法故下合云心是心即畫師次句隨緣等者起信論云自性清淨心因無明風動有其染心楞伽經云藏識海常住境界風所動種種諸識浪騰躍而轉生亦是生不滅與生滅和合非一非異名阿賴耶識次句不了等者以經云虛妄取異相故起信云一切諸法皆依妄念而有差別若離心念則無一切境界之相第四句喻依他等者以言大種無差別故大種即喻真如謂心體離念即是如來平等法身從緣無性即真如矣又一二兩句即不染而染三四兩句即染而不染故有後偈喻不即離後偈喻依圓真妄非即離義上半不即能所異故大種中無色身所觸故色中無大種眼所見故又能造無異畫色差別故喻妄依真能

疏三

二

所異故性無差別相不同故下半不離義謂所造青等離能造地等無別體故假必依實同聚現故喻妄必依真性相交徹故然大必能造色非色能造大喻妄必依真起真不依妄生故不云也然不離於色有

大種可得

大種中無色身所觸故者堅濕煖動皆是觸故言色中無大種

眼所見故者約顯色說青黃赤白眼之境故直就法體大種是觸色即是色若就根得謂身及眼又能造無異色者然取增勝地多則黃水多則白火多即赤風多即青而堅濕煖動共造於青亦共造於黃赤及白在能造邊同一堅等及所造邊即有青等故云能造無異畫色差別故疏喻妄依真下合先合能所異故亦應具言真中無妄聖智境故妄中無真凡所知故從性無差別下合上又能造無異等假必依實等者諸宗正義堅等爲實色等爲假唯成實宗色香味觸實也地水火風假也以是數論弟子後入佛法尚順本師故故智論云精巧有餘而明實未足然大必能造色下通妨妨云上非即中既云大種中無色色中無大種今非離中何不言大種不離色色不離大種答意可知上明真如依持但取心中真如一門對妄染說

心中無彩盡彩盡中無心然不離於心有彩
盡可得

後三約心者喻於唯識心生滅門於中初

一亦明心境不即離義初一亦明心境者對上真妄故有亦

言然後三偈亦似上二偈此偈似前第二

偈以因不即離之使故先明之後二偈似

前初偈至上半不即心中無彩盡不可見

下當知故彩盡中無心無慮知故喻能變所變見

相別故下半不離隨心安布故喻離心則

無境界相故見相別者且順上喻有知無知以見分合心有慮知義以

相分合盡無慮知故以器世間即是第八

之相分故喻離心者三世所有皆是一心

作要由心變於境非是境能變心故云唯

識不言唯境但云然不離於心有彩盡可

得不言然不離於畫而有心得要由心變下解

妨妨一如前

答意亦爾

不相知

次一偈喻能所變之行相明畫師巧思不

住變態多端所畫非心誰相知者法合彼

心者真妄和合心也恒言遮斷不住遮常

如瀑流故舍一切種故云無量相甚深細

名難思議次一喻等者大同前喻心如工

先釋上三句所畫非心下釋第四句法合

言真妄和合心者揀異法相宗心即起信

云不生不滅與生滅和合名阿賴耶識是

也恒言遮斷等即唯識論釋第八識初能

變中第九因果譬喻門具云恒轉如瀑流

論先問云阿賴耶識為斷為常答云非斷

非常以恒轉故謂此識無始時來一類相

續常無間斷是界趣生施設本故性堅持

種令不失故轉謂此識無始時來念念生

滅前後變異因滅果生非常一故可為轉

識熏成種故恒言遮斷轉表非常相續如瀑

流因果法爾如瀑流水非斷非常相續長

時有所漂溺此識亦爾從無始來生滅相

續非常非斷漂溺有情令不出離是也含

一切種者即第三因相門彼偈云一切種

相甚深細即含二門彼偈云不可知執受

處了其一了細即含二門彼偈云不可知

即第四所緣行相門其不可知即能所緣

行相之內差別之義論先問云此識行相
所緣云何也謂不可知執受處了了謂
了別爲行相故處謂所執受處是諸
有情所依處故執受有二謂諸種子及有
根身次論云不可知者謂此行相極微細
故難可了知此明或此所緣內執受境亦
微細故外器世間量難測故名不可知故
經偈云阿陀那識甚深細一切種子如瀑
流我於凡愚不開演
恐彼分別執爲我
次句頓現萬境下句

喻所變境離心無體次句頓現者亦即彼

此是能引諸界趣生善不善業異熟果故
即通辨此識能變之義此是第一能變現
現萬境故楞如云譬如明鏡頓現萬像現
識處現亦復如是下句喻所變等者以無
體故無可相知故問明品云諸法無作用
亦無有體性是故彼一切各各不相知
又常不住者無住爲本故無量難思總標

深廣下二句釋示現一切廣故難思各不

相知深故難思又常不住下上約法相常

不者即是無義常不住者是剎那生滅今明

即實相異名故從無住本立一切法斯法

譬如工畫師不能知自心而由心故畫諸法

成二

五

性如是

三一偈重喻上來不相知義謂非唯所畫
之法自不相知喻所變之境無有體性能
畫之心念念生滅自不相知故亦不能知
於所畫雙喻心境皆無自性各不相知故

言不能知自心而由心故畫又雖不知畫

心而由心能畫喻衆生雖迷心現量而心

變於境又由不能知所畫但畫於自心故

能成所畫喻衆生由迷境唯心方能現妄

境又喻正由無性方成萬境故云諸法性

如是能畫之心者心雖慮知今取生滅不

住故不能知以前念已滅後念未生

未生無體能知前念已滅後念未生

前念亦無所知後念已滅無有能知後念

未生亦無所知後念已滅無有能知後念

知所雙喻心境下合文可知然釋此偈總

有四意一明性空以性空故不能知自心
有二雖不知下明雖性空不礙緣起三又
由不能下明由迷起似若悟自心不造
妄境四又正由下即有以有空義故一切法

得成耳云諸法性如是者通結四意然唯
識論第一能變有兩偈半而有十門上隨
用已辨今當具出偽云初阿賴耶識處
異熟門受相一切與觸作意受想執應處
門唯捨受相五受是無覆無記阿羅漢位
亦如是捨受相五受是無覆無記阿羅漢位
捨如十轉門如瀑流中已有隨配可知前
後有此相
當例可知

心如工畫師能畫諸世間五蘊悉從生無法
而不造

第二五偈合中分四初一偈合初二句初
句合最初句心者即總相之心也下三句
合第二句諸世間者即諸彩色此句爲總
下出諸相即蘊界處故云無法不造故晉
譯云造種種五蘊正法念云心如畫師手
畫出五彩黑青赤黃白及白白故上文云
布諸彩色畫手譬心六色如次喻地獄鬼
畜脩羅人天若言種種則十法界五蘊等

法皆心所造心者如前喻中已辨今第二
屬上因二從諸世間之句有二從能畫上
半是因二能變下半屬果能變故唯識云能
變有二一因能變謂第八識中名因變此
二因習氣論云等流習氣由七識中善惡
總辦令增長有漏善惡熏令增長除第七
記由六識增長有漏善惡熏令增長除第七
氣由六識增長有漏善惡熏令增長除第七
是紅綠此黑增上四善惡熏令增長除第七
種種習氣力故有第八識生現種種相即前
等流習氣爲因緣故八識生現種種相即前
名等流習氣爲因緣故八識生現種種相即前
第八識酬引業力恒相續故云異熟感
前六識酬引業力恒相續故云異熟感
名異熟果有間斷故釋曰以五陰無法不造
皆異熟也如次喻等者謂黑即地獄黑黑
業報故黃即中方修羅非天亦復非人李
孟間故人白者多善業故天白者曰果
俱善故九地當廣則十法界五蘊者謂六
道四聖四聖中佛在後偈二乘菩薩攝在
種種之中既言無法不造亦不造三科萬
造也

如心佛亦爾如佛衆生然應知佛與心體性

皆無盡若人知心行普造諸世間是人則見
佛了佛真實性

次二頌合前初偈下半於中二初一舉例
以合由成前諸言謂如世五蘊從心而起
造諸佛五蘊亦然如佛五蘊餘一切衆生

亦然皆從心造然心是總相悟之名佛成

淨緣起迷作衆生成染緣起緣起雖有染

淨心體不殊佛果契心同真無盡妄法有

極故不言之然心是總相者法界染淨萬類萬法不出一心是心即攝

一切世間出世間法故名總相餘染淨二緣各屬二類然總說十法界中六道爲染

四聖爲淨佛果契心下釋其下半上有三

法而但說心與佛二法無盡不言衆生者

謂衆生有盡故心即總心以真爲體本自

不盡佛果契心始本無二同一圓覺故亦

無盡迷真起妄無始有終不言無盡然其

佛果契心則佛亦心造謂四智菩提是淨

八識之所造故若取根本即淨第八若依

真諦三藏此佛淨識稱爲第九名阿摩羅

識唐三藏云此翻無垢是第八異熟謂成

佛時轉第八成無垢識無別第九若依

佛時轉第八成無垢識無別第九若依

佛時轉第八成無垢識無別第九若依

佛時轉第八成無垢識無別第九若依

佛時轉第八成無垢識無別第九若依

嚴丈具說之經云心有八識或後有九又
下卷云如來清淨藏亦名無垢智即同真
諦所立第九以出障故不同異熟爲九有
由又真諦所翻決定藏論九識品云第九
阿摩羅識三藏釋云阿摩羅識有其二種
一者所緣即是不空藏所緣即空藏若據
能緣即不空藏所緣即空藏若據通論此
二並以真如爲體釋曰此二即起信一心
二門本覺是一心故名真如無論八九俱
云唯是一心故名真如無論八九俱異凡
識即淨識所造若依舊譯云心佛與衆生
四智三身等
是三無差別則三皆無盡無盡即是無別
之相若依舊下二會晉譯則三皆無盡而
第三別應云心佛與衆生體性皆無盡以
更正理
妄體本真故亦無盡是以如來不斷性惡
亦猶闡提不斷性善應云下是第三也若取圓足合如是譯則
三事皆具無差之相又得顯明以妄體下
出妄無盡之由是以如來下引例證此即
涅槃經意天台用之以善惡二法同以真
如而爲其性善不可斷善性即斷真如真不可
斷故云性善不可斷也佛性即是真實之
性真實之性即第一義空如何可斷性惡
不斷即妄法本又上三各有二義總心二
真故無盡也

者一染二淨佛二義者一應機隨染二平

等違染衆生二者一隨流背佛二機熟感

佛各以初義成順流無差各以後義爲反

流無差則無差之言含盡無盡又上三下

義門則却收晉經以爲盡理謂唐經無盡但得二法又唯約淨次言三皆無盡又遺

有盡之義今云無差盡與無盡俱無差也亦顯染淨本無差矣言心總二義一染二

淨者淨即自性清淨染即本來之染染淨無二爲一心耳言各以初義成順流無差

者衆生本有染故隨流背佛佛又三中二隨其染豈相違耶逆流則此

義各全體相收此三無差成一緣起

上約橫論若約一人心即總相佛即本覺

衆生即不覺乃本覺隨緣而成此二爲生

滅門下半此二體性無盡即真如門隨緣

不失自真性故正合前文大種無差若謂

心佛衆生三有異者即是虛妄取異色也

若堅說者於一人上即有三後一偈反勢法即觀行之人宜用此門

合謂妄取異色則不知心行若知心行普

造世間則無虛妄便了真實即正合大種

無差兼明觀益

心不住於身身亦不住心而能作佛事自在

未曾有

三一偈有二義一雙合前真妄心境不即

離義上半合前二三偈之上半即前互無

不即之義心即能變及心體故身即所變

謂有根身是識相分及性之相故下半雙

合前兩偈下半不離之義謂雖不相住而

依心現境依體起用作諸佛事體用不礙

爲未曾有踐三

上半合前二三偈之上半者心亦不住心即大種中無色此合第二偈上

半也若合第三上半云心不住於身即影畫中無心身亦不住心即心中無影畫心

即能變者心境依持中心也及心體故者即真妄依持中真也言身即所變下即上境也及性之相即前妄也下半雙合前兩

偈下半不離之義者即就不離大種而有
色可得即作佛事也亦前就不離於心有
彩畫可得是作佛事也依心現境合前第
三偈下半依體起用即合前第二偈下半
作諸佛事雙合上二體二又將合前第四
用不礙下釋第四句
偈謂上半合前恒不住義及各不相知而
能作佛事合示現一切色自在未曾有合

無量難思議為兼此義不以互無言之而
言不住譯之妙也晉經但云心亦非是身

但得前文互無之義為兼此義等者美斯

但合第二三偈應云心中無有身身中無
有心即互無之言也則不顯於彼心恒不
住義然不相住與恒不住義則小異文則
兼之若將此不住同前不住者以心念念

滅故不能住身身念念
滅安能住心思之可見

若人欲了知三世一切佛應觀法界性一切

唯心造

末後一偈結勸即反合前畫師不知心喻
若不知心常畫妄境觀唯心造則了真佛

上半有機下半示觀然有二釋一云若欲
了佛者應觀法界性上一切差別皆唯心
作以見法即見佛故二觀法界性是真如
門觀唯心造即生滅門是雙結也然有二
別釋於中有二意初是結歸二門又一是真如
唯心二觀法下是結歸二門

實觀一是唯心識觀大乘觀要不出此二

觀此二門唯是一心皆各總攝一切法盡

二諦雙融無礙一味三世諸佛證此為體

故欲知彼者應當觀此既為妙極是以暫

持能破地獄明元年是洛京人姓王名明幹

既無戒行曾不修善因患致死見被二人
引至地獄地獄門前見有一僧云是地藏
菩薩乃教王氏誦一行偈其文曰若人欲

了知三世一切佛應觀法界性一切
來菩薩既授經偈誦之曰誦得此偈能排
地獄之苦王氏既誦遂入見閻羅王王問

曰有何功德答唯受持一四句偈具如上
說王遂放免當誦偈時聲所及處受苦之
人皆得解脫王氏三日方穌憶持此偈向

空觀寺僧定法師說之參驗偈文方知是

舊華嚴經第十二卷新經會第十九
夜摩天宮無量菩薩雲集說法品偈

爾時智林菩薩承佛威力普觀十方而說頌

言

第十鑒達諸佛迥超色聲心言路絕故云

智林頌顯此德

所取不可取所見不可見所聞不可聞一心

不思議

十頌分二初一標章後九解釋今初若準

晉本第四句云所思不可思則四句皆標

章今經則上三句標章第四句總結謂標

章遮過令不依識明佛三業非凡境故第

四總結顯德示智入門謂若了唯一真心

言思斯絕則合菩提之體故梵本第四句

云於不思何思即是以一真心而成三業

三業不離一真形奪相融不可以一多思

跋三

十二

也又非唯佛之三業同一真心亦與觀者

真心非異非一故難思議若能離於思議

則終日見聞亦無所見聞矣故梵本第四句云於不思

何思者此是判定引梵本證第四句亦為

標章成於晉經所思不可思議今疏取其

所引亦成第四句為總結義謂於不思議

之法不應思議以一真心下出總結難思

之相
可知

有量及無量二俱不可取若有人欲取畢竟

無所得不應說而說是為自欺誑已事不成

就不令眾歡喜

後九別釋中即分三別初二釋不可取次

四釋不可見後三釋不可聞次四釋等者皆標章釋亦分四前二則同三一偈釋所

聞不可聞四二偈釋所思不可思今不依

此今初也初半偈奪以正釋後一偈半縱

以生過然有量等實通三業為對下二且

就智明有如理智不可言量有如量智不

可言無又一智即是一切智故衆智所用
不相雜故後縱中初半縱其令取必無果
利後一偈顯取之失夫說法者當如法說
法無所得而欲取得心計有說執石爲寶
是謂自欺理無謂有是爲自誑終不契理

故云已事不成汗他心識故不令衆喜又

以量無量取則墮斷常自損損他故皆不

可執石爲寶者涅槃春池喻中入水求珠

尋持出乃知非真亦自誑也又莊嚴經論

說有人見電謂是琉璃收之瓶內皆悉成

水後見其琉璃亦謂爲電棄而不取也又世人

皆爾不應取而取應取而不取也又以量

無量者此有二意謂以量取則墮於斷以

無量取則墮於常二者若以常取則墮於

斷若以斷取則墮於常故勝鬘云修一切

常者墮於斷見修一切斷者墮於常見如

步出蟲要因前足得移後足修斷常者亦

後如是若要因斷常第三住中已廣分別

有欲讚如來無邊妙色身盡於無數劫無能

盡稱述

第二有四偈歎佛色身深奧釋不可見章
文分爲二初一法說後三喻況今初非色
現色故稱爲妙物感斯現是曰無邊又色
即空故邊即無邊又淨識所現空色相融
故身分總別乃至一毛皆無邊量攝德無

盡具上三義豈可以盡言

非色現色下此
有三釋一依體

現用與無邊不同二又色即空下事理相

即妙即無邊色即是空已爲妙色色空相

即離空有邊三又淨識所現下約事事無

礙方爲妙色亦是邊即無邊無邊乃廣如

初無邊淨識所現即唯心所現門空色相

融即法性融通門此二即事事無礙之因

亦如是

譬如隨意珠能現一切色無色而現色諸佛

次三喻中分二初一摩尼隨映喻佛地

實無異色隨感便現故言無色而現色喻

全似法故但合云佛亦如是

又如淨虛空非色不可見雖現一切色無能見空者諸佛亦如是普現無量色非心所行處一切莫能覩

後二偈淨空現色喻喻佛法身體非是色能現麤妙一切諸色初偈喻後偈合四句

踐三

十三

對前但二三前却此是分喻故委合之以空但不可眼見而可心知佛所現色心行處絕故爲分喻心眼尚不能見況肉眼哉此即見中絕思議也

此即見中絕思議者以古人將後二偈明所思不可思今明不思遍上三段故指此中身業中不思也下指語中不思亦然

問二喻豈不違經上云有無邊妙色今云非色無色耶亦違諸論佛有妙色爲增上緣古德云若約初教大乘義如前說若實教大乘佛地無此色聲麤相功德但有大智大悲大定大願諸功德等然諸功德等

並同證真如若衆生機感即現色無盡既無不應機時故所現色亦無斷絕此以隨他爲自更無別自約此爲有故云無邊妙色今約自說不約隨他故云無色非色也可可前喻初教後喻實教

問二喻下問答料揀先問言上

經者即初偈說法說之文前經亦有今只要此亦違諸論即瑜伽唯識等補古德云下賢首答後有云若爾下苑公破然上有云二解下今疏會釋此三方三科文義始若爾彼能現體爲有無耶十蓮華藏塵數之相皆示現耶八地七勸言佛色聲皆無有量寧不違耶若執佛果唯有如如及如如智獨存者無漏蘊界窮未來際徧因陀羅網皆非實事亦違涅槃滅無常色而獲常色比義具如智慧莊嚴經說

唯如如等即金光明亦梁攝論第十三本論云自性身者足如來法身釋論云唯有如如智獨存說名法身又云身以依止爲義何法爲依止本論云於一切法自在依止故釋論云謂十種

自在乃至云云何此法依止法身不離清
淨及圓智即如如智如如智如如智如如智
蘊界未離斷常之見具如如智如如智如如智
是賢首證成摩尼隨映一卷在王舍城耆
闍崛山頂說法如來放光一切菩薩雲集瞻
仰佛於山頂摩尼寶宮殿上起大寶蓮華師
子之座無量寶宮殿等起於摩尼座中
出偈上取意引次文殊師利問無生無滅
其相云何佛答不生不滅即是如來文殊
師利譬如大地瑠璃所成帝釋毗闍延宮
殿供具等影現其中閻浮提人見瑠璃地
如宮殿影現我當遊戲如帝釋等彼諸眾
不知是宮殿是我當遊戲如帝釋等彼諸眾
德為無生如地是宮殿影現我當遊戲如帝
影亦有生滅以地淨故影現其中閻浮提人
佛亦復如是無生不滅以地淨故影現其中
為不生不滅不起不盡非色非佛身非佛身
見非不可見非世間非散華燒香種種非
心以養願我當得如是妙身如布施持戒作
供養為神像隨眾現世間妙身如布施持戒
如來神像隨眾現世間妙身如布施持戒
照喻如先照高山等處有摩尼珠種種
一次云殊師利安如來無心意識亦復如
摩尼珠無心意識安如來無心意識亦復如

是不可測量不可到不可得不可說除過
患除不光明不實不虛非常非不常非
非云云殊師利世間非清淨住大慈愍諸
結云云殊師利世間非清淨住大慈愍諸
生所樂現種種身說種種法釋曰大意皆
以體無生滅不礙生滅如非色約體非
色約用等次又舉谷響如虛空喻後即有
虛空喻云亦復如是如虛空喻後即有
上如來平等亦復如是如虛空喻後即有
下如來平等亦復如是如虛空喻後即有
平等法心意識無分別故文殊師利一切
諸法等又云若眾生著一切法則起煩惱
望菩提及文殊重徵問云何得菩提無根
無處文殊重徵問云何得菩提無根
惟為處文殊重徵問云何得菩提無根
一切法等如來不動無根如來智慧與菩
文殊師利如來不動無根如來智慧與菩
不見此岸不見彼岸則見一如實者
法稱如來又菩提者是見一如實者
無相句者如實下廣釋大意皆以遮過
不破顯實為句又云菩提者以行入無
而為真實故又云菩提者以行入無
行者緣一切善法無起心見法分
又云無生無滅者不起心見法分
別是故我說見十二因緣即是見法
者即是見佛說見十二因緣即是見法
何行菩薩行答不見者名不滅是行
行下亦廣釋後校量功德云假使一切
皆悉生人道悉發菩提心為求一切智如

是諸菩薩皆作大施主以種種供具供養
無數佛并及諸菩薩緣覺與聲聞乃至八
滅度各起七寶塔高至百由旬種種寶嚴
飾若人持此經或說一句偈出過此功德
無量無有邊以此經所說無相法身故釋
曰上已具畧經文其琉璃地喻衆生心影
喻佛身即色即非色摩尼珠喻則同此經
空無下中上亦同此經淨空現色故賢首
意證唯如如及如如智苑公然上二解各
誤引於和尚之引故畧具出

是一理並符經論今當會之攝末從本唯
如如智自受用色智所現故攝相從性但
有如如既所現即如何妨妙色故有亦無
失然如外無法何要須現萬法即如如即
法身更何所現故云唯如如及如如智獨
存於理未失如色相即有無交徹若定執
有無恐傷聖旨故今二喻前後相成摩尼
現色但云無色無即但是無他非無自體
淨空現色既云非色非即非其自體不獨
無他前喻自受用身後喻法身此二不二

爲佛真身故下經云佛以法爲身清淨如
虛空所現衆色形令入此法中然上二解
爲會釋意在雙存二義融即耳於中有八
禪一總會二攝末從二本下收賢首義三既
所現下收莊公義藏四然如外無法下四
假以苑公重難意云既如收法更無所遺
何言機宜現色無盡五萬法即如法下爲賢
首通由萬法如實無所現故正現時亦唯
如矣此即疏家立理收賢首也補六如色
相下正融前二七若定執下雙彈前執藏
八故今二喻前二七若定執下雙彈前執藏
文無別理但是無他者此借俱舍論意以會
二喻無別理但是無他者此借俱舍論意以會
藏云無果爲是能作因何得言非因無爲是
離繫果豈得言非因無餘四果故云無耳所以
果謂無餘五因無餘四果故云無耳所以
總云非即非其自體無四果故云無耳所以
無二言理則懸隔今借此言用之摩尼現
色喻自受用身有其根本色但無青黃等
異青黃等異隨機映生虛空以喻法性身
虛空本非色法豈同摩尼上顯二喻別相
即是顯文此二不二下正明融會即出經
意故下經云此二不二下正明融會即出經
法相者不許無色故引此文以證後義以扶
中空色相融以爲真身亦繫表之談可以
雙摧二執補與原妙一夫二維六各七以扶
雖聞如來聲音聲非如來亦不離於聲能知

正等覺菩提無來去離一切分別云何於是
中自言能得見諸佛無有法佛於何有說但
隨其自心謂說如是法

第三三偈釋所聞不可聞中初約應聲緣
感便應離相離性故聲非如來應不差機

非聲之聲故云不離故以聲取是行邪道

若離聲取未免斷無故以聲取者結成上
義上句即金剛經意

若以色見我以音聲求我是人行邪道不
能見如來後句即克率偈讚意故偈云色
身非是佛音聲非復然亦不離色聲次頌
見佛神通力天鼓無心出現當辨

約體釋湛然不遷心離分別尚非心見妄

可耳聞猶如天鼓無心出故此即聞中不

思議也後偈釋疑云爲是有法不可聞

耶爲是無法無可說耶上半順後句答次

疑云若爾何以現聞教法下半釋云但自

心變非佛說也若依權教此約有影無本

然本影相望通有四句若依此宗果海離十七

言故無有說用隨機現謂如是說而此本

質亦是自心餘如懸談中說若依權等者
本影四句即

如玄談若依此宗四句皆用知
一切法即心目性故質亦自心

大方廣佛華嚴經疏鈔會本第十九之三

音釋

瀑蒲報切纂作管切闡蓋善切酥孫祖切

生蒲報切雷彌角切也薄雨米也

大方廣佛華嚴經疏鈔會本第十九之四 踐四

唐于闐國三藏沙門寶叉難陀 譯

唐清涼山大華嚴寺沙門澄觀撰述

行品第二十一

來意有二一前序此正故二前辨所依佛

智此辨能依之行故次來也

二釋名者隨緣順理造修名行數越塵沙

寄圓辨十仁王名為十止就三學中定心

增故梵網名為長養長道五根故若具梵

本應云功德華聚菩薩說十行品則兼能

說人今文略耳

仁王名為十止者即上卷伏忍聖胎三十人十信十

止十聖心故已

如上引梵網經者彼立三賢名云十發趣十長養行十金剛耐迴

宗趣可知

爾時功德林菩薩承佛神力入菩薩善思惟

三昧

四釋文此品不同前之二會有行德者以
行為主故略無之又行德已純熟進趣中
收故唯一品義當行中之解品有七分第
一爾時功德林下三昧分功德林入者為
眾首故表說十行眾德建立故承佛下是
入定因入菩薩下顯定別名揀因異果故
名菩薩巧順事理揀擇無礙無心成事名
善思惟

入是三昧已十方各過萬佛剎微塵數世界
外有萬佛剎微塵數諸佛皆號功德林而現
其前告功德林菩薩言善哉佛子乃能入此
善思惟三昧善男子此是十方各萬佛剎微
塵數同名諸佛共加於汝亦是毗盧遮那如
來往昔願力威神之力及諸菩薩眾善根力
令汝入是三昧而演說法

第二八是下加分文中三一總辨作加因緣文中四一入是下總標加因二十方下加緣顯現三告功德林下讚有加因四善

男子下雙顯加定因緣文中二一別顯所因二結因所屬今初亦有四因一伴佛同

疏四

二

加十住文云悉以神力共加於汝二主佛

宿願三主佛現威四大衆機感略無助化

善根或是諸字中攝餘義具於前會二令

汝下結因所屬

畧無助化者十住却有經云亦是汝勝智力故云畧

無

爲增長佛智故深入法界故了知衆生界故所入無礙故所行無障故得無量方便故攝取一切智性故覺悟一切諸法故知一切諸根故能持說一切法故所謂發起諸菩薩十種行

二爲增長下辨加所爲有十一句前十別明後所謂下一句總結乃至起分皆同前會但住行之殊

善男子汝當承佛威神之力而演此法是時諸佛即與功德林菩薩無礙智無著智無斷智無師智無癡智無異智無失智無量智無勝智無懈智無奪智何以故此三昧力如是故爾時諸佛各申右手摩功德林菩薩頂

疏四

三

三善男子等下正辨加相文中三一語業加二意業加三身業加今初語業加命其說二是時諸下意業加與智慧初總餘別捷辯故卽無斷辯故前後二會並無此智卽是本覺之智了因自得悟不由師假佛緣顯故得云與與無癡智並是迅辯故應辯故無謬錯辯故豐義味辯故一切世間

最上妙辯故總策前七故此七無勝故上

皆別顯次下徵釋三爾時下身業加增威

力故捷辨等者七辯之義
前文已有十地更廣

特功德林菩薩即從定起

第三時功德林下起分

告諸菩薩言佛子菩薩行不可思議與法界
虛空界等何以故菩薩摩訶薩學三世諸佛
而修行故

第四告諸菩薩下本分二初行體若約所
依即前善思惟三昧為體若約所觀即二
諦雙融若約能觀悲智無礙今從教相下
四行為體若約十行別體即以十波羅蜜
為體義見初會今就教相中若直就經文
文分為二一標顯二徵釋今初標行體難
思行即深心所修行海也與法界下顯難

思之相深等法界廣齊虛空故心言周及
也又超下位名不思議又即理之事行同
事法界之無量等虛空之無邊即事之理
行同理法界之寂寥等虛空之絕相此二
俱非言之表詮心之顯詮故難思議況二
交徹能令一行攝一切行一位攝一切位
純雜無礙故第十行云入因陀羅網法界
成就如來無礙解脫人中雄猛大師子吼
乃至到一切法實相源底故又若唯遮者
則凡聖絕分故非但遮常心言亦應融常
心言是則於中思議不可盡也遮融無二
則思與非思體俱寂滅方曰真不思議難
思下初就法說別配事理以為深廣又超
下二就人顯又即理之事下三事理相融
釋則法界通四法界虛空是喻亦含四義
一事法界即事之理下二明理法界於中
顯非表義名言及顯境名言所及即不思
議也况二交徹者即事理無礙法界能令

一行下四明事事無礙法界仍上而起要
由事即是理方得以理融事故有事無
礙下引證可知第三事理無礙亦應言虛
空不礙於色色不礙空故四事事無礙如
空入在一毛孔即攝無邊法界空又若唯
遮者下第二融拂恐滯無思議故絕但是
遮絕心言故融者即言無言故云於中
思議不可盡即用第八真如相迴向偈文
云菩薩住是不思議於中思議不可盡入
是不可思議處思與非思俱寂滅上即前
半意從遮融無二
下即後半意也 二何以下徵釋何以因
人之行便叵思耶菩薩摩訶薩下釋云同
佛果故佛窮事行之邊極理行之際斷一
切障證一切理因圓果滿融無障礙菩薩
同彼寧可思議

若取論勢菩薩行為總句餘皆是別不可
思議即真實行也彼約地前不見此約凡
愚叵思亦名真實行布位中無真如觀故
無觀相行二與法界等即是勝行亦是佛
本故三與虛空等即因行也是無常因亦

未得地智缺常果因也四學三世佛而修
行者是不怯弱行未能順理真實救護故
無大行餘同前會不可思議者例後十地
六決定中有真實善決
定彼經云不可見今以不思議當之無觀
相行者彼云無雜無帶相之雜故今經地
前猶帶如相故無無雜之言故無大行者
大行合云遍一切佛刹普能救護一切衆
生今無
此言

佛子何等是菩薩摩訶薩行佛子菩薩摩訶
薩有十種行三世諸佛之所宣說何等爲十
一者歡喜行二者饒益行三者無違逆行四
者無屈撓行五者無癡亂行六者善現行七
者無著行八者難得行九者善法行十者真
實行是爲十

第二佛子何等下辨行相文中三一總徵
其名二標數顯勝三徵數列名今初二佛
子等下標三世佛下顯勝也三何等爲十

下徵數列名上徵下列然與本業名雖小異而義意大同一施悅自他故名歡喜約三施說在因皆悅故下經云爲令衆生生歡喜故若就果說財獲富饒無畏身心安泰法施當獲法喜皆歡喜義此約隨相本

業云始入法空不爲外道邪論所倒入正

位故名歡喜行此約離相

本業云者經此
前總明從住入

行云從灌頂進入五陰法性空亦

二三聚

淨戒亦益自他故名饒益或以後攝前本業云得常化一切衆生法皆利衆生故此

唯據利他

三忍順物理名無違逆彼云得實法忍無

我我所名無瞋恨此約以後攝初晉云無恚恨亦是以初攝後而實二忍順物理忍順理以後遵前皆順事理

彼云者經具云
於實法得法忍

心無我
我所四勤無怠退名無屈撓亦通三勤

彼云常住功德現化衆生故名無盡謂若有怠退斯則有盡而攝論三精進中三名無弱無退無喜足則是以後攝初

五以慧資定離沉掉故名無癡亂彼云命

終之時無明鬼不亂不濁正念故名離癡

亂此但從一義故下經云於死此生彼心

無癡亂

六慧能顯發三諦之理般若現前故名善

現彼云生生常在佛國中生此但據得報

略四

謂卽空照有而能現生

六

七不滯事理故名無著彼云於我無我乃

至一切法空故此卽涉有不迷於空謂於

我而無有我也若於我無我皆不著者則

雙不滯也以有不捨不受方便智故

八大願可尊故又成大行願乃能得故故名難得彼云三世佛法中常敬順故名尊重行彼約修心此約難勝

九善巧說法名善法行彼經云說法授人動成物則故同於九地法師位故

十言行不虛故名真實又稱二諦故故彼

經云二諦非如非相非非相故名真實然

上約十度釋名度各有三並見初會

佛子何等爲菩薩摩訶薩歡喜行

第五佛子何等爲下說分十行則爲十段

一各三謂一徵名二釋相三結名今初歡

喜行卽是檀度初徵名中已如前釋

佛子此菩薩爲大施主凡所有物悉能惠施

第二佛子此菩薩下釋相分二先略辨體相後修此行時下廣顯名相今初瑜伽菩

薩地菩薩六度各有九門一自性謂出行體二者一切謂能具行三者難行謂就中別顯者一切門謂行差別五者善士謂作饒益六一切種謂偏攝聖教七者遂求謂隨所須八者與二世樂謂於現在作大饒益令得未來廣大安樂九者清淨謂勝離相成波羅蜜今文分三以攝於九一總標施主二其心下離所不應三但爲下彰其意樂瑜伽等者即三十九爲首明法品已引之今更引號但通釋六度九門之相其列名即論謂字已下卽是疏釋今先具出布施九門論喩陀南曰自性一

切難一一切門善士一切種遂求二世樂清淨一自性者謂諸菩薩乃至身財無所顧惜能施一切所應施物無貪俱生思及因此所發能施一切施物身語二業安住律儀阿笈摩見定有果見隨所希求卽以此物而行惠施當知是名菩薩自注施二一謂財法無畏三難行施有外物又一切施物而自貧苦施二可愛惜物甚深愛著物施三難辛所獲財物施四一切門有四一自

財物二勸他得物三施父母妻子奴婢作
使等四施與諸來求者五善士施有五
淨信施二恭敬施三自手施四應時施五
不惱亂他施六一切種有六有七故有十
三言六者一無依施二廣施三歡喜施
四數數施五因器施六非因器施言有七
者一一切物施二一切處施三一切時施
四無罪施五有情物施六方土物施七財
穀物施七遂求施有八一匱乏飲食施以
飲食二匱乏車乘三衣服四嚴具五資生
什物六種種塗飾香鬘七舍宅八光明皆
如第一句八此世他世樂施有九謂財無
長法各有三故財有三者一清淨如法物
二調伏憚慙垢三調伏藏積垢二即捨財
物執著三即捨受用執著無畏三者一濟
拔師子虎狼兇魅等畏二王賊等畏三水
火等畏法施三者一無倒說法二稱理說
法三勸修學處九清淨施有十一不留滯
施二不執取施六不退轉施七不下劣施八
五無所依施六不退轉施七不下劣施八
無向背施九不望報施十不希異熟施餘
廣如彼論然九門自性皆一一切皆二皆
三難行皆三一切門皆四善士皆五一切
種皆或六或七共有十三遂求皆八二世
樂皆九清淨皆十而相隨度異然下文
九門之內或多或少不必俱全若一一配
乃成繁碎隨顯今初舍攝前四及與六七
謂一者施主惠施顯施自性惠有二義一

惠即是施二謂巧惠籌量可不凡所有物

悉能施者攝餘五門謂一若內若外二若

難若易三財法無畏四一切種門五隨求

與故舍攝前者即示此經包含之相下別配之一者施主即九門中初一也雜

集第八云云何施圓滿滿施故依此義故經

作是說為大施主者此顯數數施及由慣

習成性數數能故謂一若內若外即九門

一切施中前二義也二若難若易即難行

三財法無畏即一切施中後義四攝第四

一切門第六一切種

五即遂求故攝五門

其心平等無有悔吝不望果報不求名稱不

貪利養

二離所不應即清淨施文有五句以攝十

義心平等者略有四義一無執取離妄見

故二不積聚施觀漸與頓皆平等故三不

高舉但行謙下不與他競離僣慢故四無

向背不朋黨故言無有悔吝者此有三義

一不退弱施已無悔故二不下劣勝物無
悵故三不留滯速與無悵故言不望果報
者不求異熟果故不求名稱者無所依故
不貪利養者不望報恩故

文有五句者但
觀前列具知次

但爲救護一切衆生攝受一切衆生饒益一
切衆生爲學習諸佛本所修行憶念諸佛本
所修行愛樂諸佛本所修行清淨諸佛本所
修行增長諸佛本所修行住持諸佛本所修
行顯現諸佛本所修行演說諸佛本所修行
令諸衆生離苦得樂

三彰其意樂中有十二句攝上二門謂前
十一句明善士施此有五相一但爲救護
者不損惱故二攝受者自手授與故三饒
益者應其時故上三下益次有八句明其

上攀不出二意一淨信故二恭敬故八中
一創起習學二憶持不忘三愛樂不捨四
淨治其障五更修增廣六住持不斷七令
不隱沒八演以示人後令諸衆生離苦得
樂結歸慈悲即二世樂上但爲之言流下
諸句又上救護是無畏施攝受是財饒益
是法

佛子菩薩摩訶薩修此行時令一切衆生歡
喜愛樂隨諸方土有貧乏處以願力故往生
於彼豪貴大富財寶無盡假使於念念中有
無量無數衆生詣菩薩所白言仁者我等貧
乏靡所資贍飢羸困苦命將不全惟願慈哀
施我身肉令我得食以活其命爾時菩薩卽
便施之令其歡喜心得滿足如是無量百千
衆生而來乞求菩薩於彼曾無退怯但更增

長慈悲之心以是衆生成來乞求菩薩見之
倍復歡喜作如是念我得善利此等衆生是
我福田是我善友不求不請而來教我入佛
法中我今應當如是修學不違一切衆生之
心

四

十

第二廣顯名相中廣前一切施也亦具諸
施恐繁不配文中二先現行財施後願行
法施財中復二一隨相二離相前中亦二
一明施行二迴向行前中亦二初願受勝
生行施二示異類身行施前中依無著論

有六意樂一方便二歡喜三恩德四廣大
五善好六清淨下並具之
先現行財施等者即九門中一
切施中之三相也前六度章雖皆示今
更依攝論釋之本論云施三品者一法施
一財施三無畏施無畏釋云言財施者謂
無染心施如實宣說契經等法言財施者謂
無染心施資生具無畏施者謂心無損害
濟拔驚怖釋曰此第一番自施行相論云

又法施者為欲資益他諸善根財施者為
欲資益他身無畏施者為欲資益他心釋
曰此第二番明施所為天親同此論又云
以是因緣故說三施梁攝論法施利益他
心財施資益他身無畏施通益他身心復
次由財施故有向惡者悉令歸善由無畏
施攝彼令成眷屬由法施故生彼善根及
成熱解脫由具此義故說三施依無著論
者一方便意樂謂先作意二歡喜意樂謂
見求者深生歡喜遇於乞者稱意歡喜三
者思德意樂謂遇乞者深心荷恩由彼今
我勝行成故四者廣大意樂謂廣行施唯
期大果故五善好意樂謂令乞者現在豐
樂未來得道故六清淨意樂謂離障離相
成波羅蜜故疏中先列名後隨
文釋中方釋其相故併舉之
於中文四一願具施緣即方便意樂先作
意故亦即廣前為大施主二假使下難求
能求三爾時菩薩下明難捨能捨舉難況
易即便施者無留滯也四如是下明一切
無違有三意樂初即廣大意樂能廣行故
二但更下即歡喜意樂也三作如是念下
恩德意樂也我今應下是隨順心

又作是念願我已作現作當作所有善根令我未來於一切世界一切衆生中受廣大身以是身肉充足一切飢苦衆生乃至若有一小衆生未得飽足願不捨命所割身肉亦無有盡

第二又作下明示異類身而行布施迴現施善未來受身以悲深故亦廣大心也

以此善根願得阿耨多羅三藐三菩提證大涅槃願諸衆生食我肉者亦得阿耨多羅三藐三菩提獲平等智具諸佛法廣作佛事乃至入於無餘涅槃若一衆生心不滿足我終不證阿耨多羅三藐三菩提

第二以此下迴向行初自期大果亦廣大意樂也後願施田亦得二果是善好意樂

初自期大果者上總釋廣大有二義一謂廣行施二唯期大果故前一切無違即是

初意今是期大果也亦是善好者前亦二義一今乞者現在豐樂二未來得道今是後意
菩薩如是利益衆生而無我想衆生想有想命想種種想補伽羅想人想摩納婆想作者想受者想

第二菩薩如是下明離相施即清淨意樂也隨相離相行必同時言不並彰故分前後應將離相別別貫前如大般若不欲繁文故併居一處前後體勢類此可知隨相即總示儀式言如大般若者如般若清淨遍歷八十餘科通為其首成百餘卷如清淨既爾若以無生為首亦遍歷諸法無性無得無相等一一皆然故賢首云若歷事備陳言過二十萬頌今併隨相居于數併諸離相居于數猶般若目故東乃數紙展則文分為三初人空觀次法空觀後成多
二觀之益即成彼岸智今初也如是利益衆生者牒前事行欲顯正利益時即無我

想等故所無之法略有十句我謂主宰諸

蘊假者也故智論三十五云於五蘊中我

我所心起故瑜伽大同此說此句為總但

是一我隨事立下別名然由迷緣生實性

計有即蘊異蘊之我既了性空迷想斯寂

幾四

十三

故云無也若別別觀無之所以如十定品

第二定辨我謂主宰等者即唯識文論云

有自在故宰如宰輔能制斷故諸蘊假者

於諸蘊中假建立故稱之為我唯識論云

世間聖教就有我法但由假立非實有性

解曰假有二義一無體隨情假隨自執情

名我法故即外道等計二有體強設假隨

位隨緣假施設故即聖教所說今於二義

準下智論及瑜伽文當初義也故智論者

問曰如我乃至見者為是一事為各各異

答曰皆是一我但以隨事為異於五陰中

我下即上論文瑜伽論中者論云於五蘊

我我所現前行故即八十三論然由生下

釋其無義若別觀者即四十經菩薩知

一切法皆無我故是名入無命法無作法

者菩薩於一切世間勤修行無諍法故是

名住無我法者菩薩如實見一切身皆從

緣起故是名住無眾生法者菩薩知一切

法生滅皆從緣生故是名住無補特伽羅

法者菩薩知諸法本性平等故是名住無

意生法無摩訶婆法者釋曰此即別觀無

之所二眾生者智論云五蘊和合中生故

以二眾生者智論云五蘊和合中生故

瑜伽名為有情謂諸賢聖如實了知唯有

此法更無餘故智度論云五陰和合中生

故名為眾生瑜伽等者論

有二解今是其一言唯有此法者有此有

情法有情即識言無餘者無彼識外餘我

體也二云又復於彼有受著故彼疏釋云

言於彼者彼即所愛中八識也即是有能

愛情名為有情有情三有想者智論瑜伽

梵言薩埵舊云眾生三有想者智論瑜伽

俱名生者謂計有我人能起眾事如父生

子故有即所起諸趣生也

四命者謂命根成就故瑜伽云壽命和合

現存活故謂命根者智論具云命根成就

經中壽命二種以命根體即壽故已見問

明世親釋云一報命根不斷故論偈云不

斷至命住大雲解云此是五種種者智論

根命瑜伽亦是二法合釋五種種者智論

故新譯名異生能受異趣生故

新譯等者即大般若

第十三前引智論其文小畧具即大品名為衆數智論云從我人有陰界等衆數之法又取我人爲陰界入諸法

之數故衆多之法是種種義六補特伽羅者此云數取趣瑜伽云計有我人數數往取諸趣無厭故此名依一聲中呼一人若

依多聲中呼多人即云補特伽羅

補特等名即瑜伽中七人者有靈於土木之稱智論云行

人法故大般若名士夫瑜伽釋云能作一

切士夫用故

有靈者有靈於土木之稱即關中生公語即智論意瑜伽

名士夫即十七相中第六論云言養育者謂增長後有業故能作一切士夫用故疏

云養育者今茲茂不斷絕義葉令致果果士夫用未來莫窮故名養育釋曰彼雙釋

士夫養育文八摩納婆此云儒童謂計有

我人爲少年有學之者此名依一聲中但

呼一人若呼多人多聲中呼應云摩納婆

摩納婆此云儒童即出智論若瑜伽云謂依止於意或高或下故彼

疏云意高下者約行以釋然行高下皆由於意稚年之者高下不定故以高下而以顯之釋曰稚年高下者即少年有學者也九作者者作諸業故智論云手足能有所作故

十受者者智論云計後世受罪福果報故大般若第三四大品第二及金剛般若中

說數有增減名或小異大意不殊迴向十

定準斯會釋

大般若第三下結示本源古釋名三體性四二執五伏害六成觀七問

答初諸說互望差別界有三種一數增減二互有無三變名字初增減者第六迴向

但有八畧無總我及種種耳十定有七已如上一辨一作者二命三我四衆生五補

特伽羅六意生七摩納婆畧無受者及種種而加總我大般若第四說十七相一我

二有情三命者四生者五養者六士夫七補特伽羅八意生九儒童十作者十一使

作者十二起者十三使起者十四受者十五使受者十六知者十七見者十八受者十九

但說十四關使作者起者使起者使受者關四加異生異生義當起故三使大同故

其第二有無已含在前增減之中三變名宇此云衆生大般若中是有情此云補伽羅彼云補特伽羅此云人彼云士夫此云

摩訶婆大般若云儒童迴向云童子此云
有想大般若云生者等流中已對大般若
辨竟餘門
可畧言也

但觀法界衆生界無邊際法空法無所有法
無相法無體法無處法無依法無作法

二但觀下明法空觀菩薩既了法空安有

我耶故上云人空非如二乘人空法有故

此直云但觀法界空等法界衆生界總舉

所觀法體不出此二菩薩了之究竟無差

橫則無邊等虛空故豎則無際離始終故

空法者此二皆空也空亦總句何以知空

但有名字無實所有故無何所有一外無

自共之相狀二內無有爲無爲之體性三

無所住之處所謂不在內外中間有中住

故四無二法之相依有去不留空故五無

造作之功用故無所有無所有故空空故

衆生界卽法界也一外無自共之相狀者
自相者謂色礙相受領

納等各別所屬共相者謂五蘊等同無常

若空無我此二皆外相也二爲無爲諸法

之體諸法不出此二有去不留空者明空

有無二故有卽是空若去於有卽以去空

若有去存空則
空有爲二故

作是觀時不見自身不見施物不見受者不

見福田不見業不見報不見果不見大果不

見小果

第三作是下觀益九句皆云不見者窮於

法性到彼岸故初三卽是三輪福田者施

所生也業約成因招果剋獲爲果酬因曰

報習因習續於前習果剋獲爲後習因習

果通名爲因能牽後報此報酬因此則果

通現得又報謂有漏果謂無漏同是當果

漏無漏殊小施小果大施大果剋獲爲果
者此釋果

報有二義一果通現在報唯未來如修初

禪爲習因證得初禪爲習果故云習因習

續於前習果剋復於後上一重因果望其
當報總名為因生於初禪梵眾等天方名
威報故上云酬因為報此則下結示二又
報謂有為下則果之與報俱在未未大施
大果等者此等有三一物施等為小多
物施為大二小心施為小小心施為大自
利無常等為小心利他空觀等
為大三近果為小究竟果為大

爾時菩薩觀去來今一切衆生所受之身尋

疏四

十六

即壞滅便作是念奇哉衆生愚癡無智於生
死內受無數身危脆不停速歸壞滅若已壞
滅若今壞滅若當壞滅而不能以不堅固身
求堅固身我當盡學諸佛所學證一切智知
切法為諸衆生說三世平等隨順寂靜不
壞法性令其永得安隱快樂佛子是名菩薩
摩訶薩第一歡喜行

第二願行法施文分為二初觀悲境為起
願由二我當盡學下起願利益不壞法性
是堅固因安隱快樂是堅固果

大方廣佛華嚴經疏鈔會本第十九之四

疏四

十七

音釋

笈

忌立切
書箱也

𡵓

蘇典切
上聲少也

匱

求位切
求位切

慣

古患切

羸

力為切
瘦也

危脆

脆此苟切
物易斷也

大方廣佛華嚴經疏鈔會本第十九之五 踐五

唐于闐國三藏沙門實又難陀 譯

唐清涼山大華嚴寺沙門澄觀撰述

佛子何等爲菩薩摩訶薩饒益行

第二饒益行

殘五

此菩薩護持淨戒於色聲香味觸心無所著
亦爲衆生如是宣說

二釋相之中先略後廣皆顯三聚舍於九
戒今初略中文三初明持相次彰離過後
顯持意今初初句爲總總該三聚即戒自

性於色聲下別釋淨義意地無著是真律

儀亦爲生說即饒益有情戒也

皆顯三聚等者廣略

皆顯初句爲總總該三聚是略中具也即戒自性者是九戒之一也意地無染是真律儀者出三聚相起心即破菩薩戒故亦爲生下攝衆生戒下顯持戒意舍於攝善不求威勢不求種族不求富饒不求色相不

求王位如是一切皆無所著

二不求下彰其離過亦是於果無依顯清

淨義

亦是於果無依即第九清淨戒之一也

但堅持淨戒作如是念我持淨戒必當捨離一切纏縛貪求熱惱諸難逼迫毀謗亂濁得

佛所讚平等正法

三但堅持下顯持戒意初句爲總盡壽堅持作如是下以誓自要成上堅相謂一切利養恭敬他論本隨煩惱不能伏故一切惡止得佛正法是真善行

謂一切利養等者出堅相也四

分戒云明人能護戒能得三種樂名譽及利養死得生天上若希此三非真堅持本隨煩惱者下經自出彼文具明纏即隨惑縛即根本言一切惡止者即是律儀善行即是纏謂八纏即無慙無愧掉舉惡作惛睡慳嫉初二障戒正障律儀次二障止次二障觀後二障捨即障善法饒益於相修

中纏繞身心所以偏說或說十纏謂加念

覆於被舉時為重障故此即隨惑經謂八

此纏字疏文有五十一釋八名二辯障業三

釋總名四明十纏五者結示然初八纏廣

如論釋無懈無愧十藏廣明餘之六事前

後類有初二障戒下辯障業雜集第七修

尸羅時無懈無愧為障由具此二犯諸學

處無蓋恥故次二障止者論云謂修止時

惛沉睡眠二法為障於內引沉沒故修慧

時掉舉惡作二法為障於外引散亂故修

曰此論約二順障今疏反此者以約違障

掉舉惡作正違止故惛沉睡眠正違慧故

後二障捨者論云於修捨時慳嫉為障由

成就此於自他利恚妬門中數數搖動心

故即障善法競益者止觀是善法捨即競

益於相修中者釋總名亦出偏說所以也

本論云數增盛纏繞於心故名纏繞一切觀

論中云由此諸纏數增盛纏繞一切觀

行者心於修善品為障礙故或說十纏者

即第四明十纏俱舍頌第五隨眠品云纏

入無慚愧慳慳并悔眼掉舉與惛沉或十

加念覆論云八纏者品類足論或十者毗

婆沙師言於被舉時為重障者念以令心

念發為性覆以覆藏自罪為性故此即隨

惑下縛謂四縛即貪欲瞋恚戒取我見貪

利不遂熱惱生瞋梵行命難則生毀謗謗

則戒取我則濁亂不毀不持方為平等

四縛者先標列後會經今初雜集等論但

有三縛謂貪瞋癡由此三縛縛諸煩惱

處三苦今言四者此經第三地文亦云此

苦薩一苦即欲縛色縛有縛無明縛皆釋

薄釋曰此即修所斷中三界煩惱及無明

故於見縛之外說四并前即五住地惑也

今此四縛即按次文貪利已下會經四相

初貪利即經貪求為一二熱惱即瞋三諸

難逼迫毀謗即是戒取四濁亂即是我見

正於持戒而說四故然其戒取由癡而生

不了諸難而生毀謗亦是邪見同三業故

故亦不出三毒及見我見特為諸見之主

不毀不持釋經得佛所讚平等正法故淨

名第三不見阿闍佛品云不施不慳不戒不

犯不忍不慧不進不怠不施不慳不戒不

愚不誦不欺不來不去不出不入今取此

勢相無遠不持故了戒空寂

佛子菩薩如是持淨戒時於一日中假使無

數百千億那由他諸大惡魔詣菩薩所一一

各將無量無數百千億那由他天女皆於五

欲善行方便端正姝麗傾惑人心執持種種

珍玩之具欲來惑亂菩薩道意

第二佛子菩薩如是下廣顯三聚即分爲

三初攝律儀二攝衆生三攝善法

唯識十度但有三名而無解釋若深攝論
三學之中具有解釋本論中云一攝律儀
戒謂正遠離所應離法二攝善法戒謂正
修證應修證法三饒益有情戒謂正利樂
一切有情無性釋云律儀戒者謂於不善
能遠離法防護受持由能防護諸惡不善
身語等業故云律儀攝善法戒能令證得
力無畏等一切佛法饒益有情戒能助有
情如法所作平等分布無罪作業成熟有
情有說後二依初建立釋曰此下釋立三
所以無性云此能建立後二尸羅由自防
護能修供養佛等善根及益諸有故以此
親云住律儀者便能建立攝善法戒由此
修集一切佛法證大菩提復能建立益有
情戒由此故能成熱有情準梁攝論及釋
論云若不離惡攝善利他則不得成有說
前二爲成後一梁攝論云若人住前二種
淨戒則能引攝利衆生戒爲成熟他梁論
三戒大意同前故彼論云此三品戒即四
無畏因何以故初戒是斷德第二戒是智
德第三戒是恩德四無所畏不出三德故
由此故說戒有三品本業經云戒有三緣
一自性戒二善法戒三今初即堅持不犯
利益衆生戒義皆同也

爲第一難持文中亦二先顯難持之境謂

多而且麗加以惑心日日長時故爲難也

今初即堅持不犯者即難行戒準喻伽論

第四十二有其三種一者菩薩現在具足

大財大族自在增上奔捨如是大財大族

自在增上具受菩薩淨戒律儀是名第一

難行戒二者菩薩若遭急難乃至失命於

所受戒尚無缺減何況全犯三者如是遍

於一切行住作意恒住正念常無放逸乃

至命終於所受戒無有悞失尚不犯輕何

況犯重釋曰今即第

一次二疏中具之

爾時菩薩作如是念此五欲者是障道法乃

至障礙無上菩提是故不生一念欲想心淨

如佛

後爾時菩薩下起觀對治即能持於難持

也言乃至者準大品云貪著五欲障礙生

天況復菩提勝事皆障故云乃至

唯除方便教化衆生而不捨於一切智心

行於非道不捨智心即通達佛道

利者未利者未

利夫人爲救厨子飲酒塗飾等祇陀太子爲順國人亦和飲酒而不忘戒並如別說

佛子菩薩不以欲因緣故惱一衆生寧捨身命而終不作惱衆生事

二佛子下輕身益物爲第二難持乃至捨

命亦無缺故

菩薩自得見佛已來未曾心生一念欲想何

況從事若或從事無有是處

三菩薩自得下彰持分齊是第三難持謂

恒住正念無誤失故即以難況易以誤況

故本性慣習故分齊者初發心住了見心

性成正覺故解法無生常見佛故觸境皆

佛豈容佛所生欲想耶

爾時菩薩但作是念一切衆生於長夜中想

念五欲趣向五欲貪著五欲其心決定耽染

沉溺隨其流轉不得自在

第五

五

四爾時菩薩下明深起大悲是善士相在

文分三初悲物著欲二生勸持心三徵釋

所以今初七句初二爲總無時不起是長

夜中想念下別一想念未得二趣向可得

三貪著已得四決謂爲淨五耽染無厭六

迷醉沈溺七隨境流轉八欲罷不能

深起大悲

者論云云何菩薩善士戒略有五種謂諸菩薩自具尸羅一勤他受戒二讚戒功德三見聞法者深心歡喜四設有毀犯如法悔除五釋曰今正當中三疏文自配自具尸羅前文已有已毀今悔文中略無

我今應當令此諸魔及諸天女一切衆生住

無上戒住淨戒已於一切智心無退轉得阿

耨多羅三藐三菩提乃至入於無餘涅槃

二我今下生勸持心初勸他持戒次住淨

戒下兼讚戒功德

何以故此是我等所應作業應隨諸佛如是修學

三徵釋者大悲益他菩薩家業故

作是學已離諸惡行計我無知以智入於一切佛法爲衆生說令除顛倒

第三作是學已下明攝善法戒文分爲二初明自分現攝後辨勝進當攝今初善法雖多不出悲智故文中略舉於中分三初雙標悲智二然知己下雙釋二相三如是解者已下雙明二果今初也先智後悲智中先明離過謂離惡行無明後以智下明其成德爲衆生下即是攝悲

然知不離衆生有顛倒不離顛倒有衆生二雙釋二相中悲智雙運文分爲二先以智導悲自成正觀二一切諸法下通明入

法顯彼倒因今初文有四對前三二互相關望後一當體以辨前三對中前二不離後一不即即顯生之與倒非即離也衆生即能起顛倒之人乃染分依他顛倒即所起之妄是徧計所執初對明不離者謂依似

執實故離生無倒依執似起離倒無生

謂依似

似執實者衆生是依他似有故顛倒謂依似起者即唯識云依他起自性分別緣所生謂依遍計之執起依之似即衆生

不於顛倒內有衆生不於衆生內有顛倒

第二對明不相在重釋前義言不離者明

第五

六

因果相待緣成非先有體二物相在因中無果故倒內無生若必有者則應徧計是依他起果中無因故生內無倒若要令有者則應無有不倒衆生

第二對明不相在

衆生言不離者此句牒前上言不離衆生有顛倒等明因果相待方得緣成釋上義

也依似執實待果成因也依執似起待因
成米也上辯前對之是非先有下揀前對
之非即先有先無門因中無果下示其正
義以釋經文二句之中皆先順說正義後
反顯先有之過初云因中無果故倒內無
生者順說正義也次若必下反釋揀非非
先有故過計是因因中有果故過計中有
依他起果中無因故生內無倒者順說正
義也若要令有下反釋揀非也若果有因
有衆生等即有顛倒今有不倒衆生故知
果中無
有因也

亦非顛倒是衆生亦非衆生是顛倒

第三對明不即不壞因果能所徧計之二

相故由前對則知生倒非一非異非即非

離第三對者因即能過計果即所過計所過計即依他也由前已下結歸中道

顛倒非內法顛倒非外法衆生非內法衆生

非外法

第四對當體以辨倒心託境方生故非內

法若是內者無境應有境由情計故非外

法若是外者智者於境不應不染既非內

外寧在中間則當體自虛將何對他以明

即離衆生亦爾即蘊求無故非內法離蘊

亦無故非外法既非內外亦絕中間本性

自空何能起倒將何對他明非即離既如

是知則自無倒爲物說此倒惑自除第四對者

不對衆生說顛倒等亦皆先順明後反顯

如倒心託境方生故非內即先順明次若

是知下結成二利

一切諸法虛妄不實速起速滅無有堅固如

夢如影如幻如化誑惑愚夫

二一切下通明入法顯彼倒因謂由不達

緣成不堅妄生徧計故云誑惑愚夫實則

愚夫自誑若獼猴執月實則愚夫自誑者如獼猴執月月月豈

有心誑獼猴耶愚夫執虛爲實明是自誑
經云誑愚夫者是愚夫不了之境義似誑耳

如是解者即能覺了一切諸行通達生死及

與涅槃證佛菩提自得度令他得度自解脫
令他解脫自調伏令他調伏自寂靜令他寂
靜自安隱令他安隱自離垢令他離垢自清
淨令他清淨自涅槃令他涅槃自快樂令他
快樂

三如是已下雙明二果即前悲智所成之

果也亦九戒中二世樂戒也

即前悲智者如是解者覺

了一切等即智果也通達生死及與涅槃具二果也有大悲故通達生死有大智故通達涅槃又自度等即智果也令他得度即悲果也二利皆即悲智果耳亦九戒中者論云當知此戒略有九種謂諸菩薩為諸有情於應遠處而正遮止一於應開處而正開許二是諸有情應攝受者正攝受之三應調伏者正調伏之四菩薩於中身語二業常清淨轉是則名為四種淨戒復有所餘施忍精進靜慮般若波羅蜜多俱行淨戒則為五種總說名為九種淨戒能令自他現法後法皆得安樂釋曰今但通說悲智之果智果了一切行即般若相應故云亦是若別配者令他解脫離垢即是遮止開許斯即制聽二戒可以離垢解脫其令他安隱即是攝受令他調伏其名全

同皆令他得二世樂也五度助戒含在其中有攝善故

先總後別總中由解諸法不實幻化是覺了諸行了行相虛名達生死知行體寂是了涅槃了之究竟即得菩提自得度下別有九對一度苦二脫集以了生死故三調之以道四寂

之以滅以了涅槃故次四即證四諦之德

如次配上謂由斷苦故得安樂等九即證

佛菩提之樂

佛子此菩薩復作是念我當隨順一切如來離一切世間行具一切諸佛法住無上平等

處五

九

處等觀衆生明達境界離諸過失斷諸分別捨諸執著善巧出離心恒安住無上無說無依無動無量無邊無盡無色甚深智慧佛子是名菩薩摩訶薩第二饒益行

第二佛子已下勝進當攝於中有二十句

前十具勝德一順佛二離世三行勝法四
住等理五等慈六明智七離過八忘緣九
捨執十不斷煩惱而入涅槃後十住深智
末句爲總即是佛智餘別顯深廣之義一
上無過二言不及三離依著四無變動五
超數量六無邊畔七無終盡八絕色相由
上故深

佛子何等爲菩薩摩訶薩無違逆行

第三無違逆行即是忍度

此菩薩常修忍法謙下恭敬不自害不他害
不兩害不自取不他取不兩取不自著不他
著不兩著

於釋相中文分二別初略辨行相後對境
正修今初分三一修忍行二離忍過三修
忍意今初常修忍法即標行所屬謙下等

言彰忍之相文有十句初總顯自性謙尊
而光卑而不可踰若海之下百川歸焉恭
敬崇彼安敢不忍謙尊而光者卽周易謙
卦云謙亨君子有終吉
象曰謙亨天道下濟而光明地道卑而上
行天道虧盈而益謙地道變盈而流謙鬼
神害盈而福謙人道惡盈而好謙謙尊而
光卑而不可踰君子之終也象曰地中有
山謙君子以裒多益寡稱物平施釋曰上
所引文其相並顯但謙之象地在上山在
下山合出地今入地下謙之象也又言裒
多者裒聚也聚其多而益其寡是益謙義
故爲平施若王注云多者用謙以爲裒少
者用謙以爲益隨物所施不失平者也謙
下忍之本也若海之下等卽老子德經云
江海所以能爲百谷王者以其善下是以
聖人欲上人以其言下之欲先人以其身
後之是以處上而不爲重處前而不爲
爲害是以天下樂推而不默不自害下九
釋曰特由謙卑天下歸之

不自害下九
句別明通有三釋一約三毒二就三業三
據三忍初云前三治瞋行忍瞋必害故一
無如前境而自刑害二力及害他三以死
相敵無論先後一時但取兩害次三治貪

成忍故梁攝論云取是貪愛別名一自貪

名利二使彼令取或隨喜彼取三兼行上

二後三治癡修忍癡故執著一著已德能

云何毀我二彼人若是云何辱我三俱染

可知此九皆過菩薩正觀以不不之能治

之觀下文自辨一無如前境者天宮云自

惡癡不二約三業者害必加身著必由意

自他讚舉名為取也苟心讚他尚為諂媚

況自稱舉故並安忍之苟心讚他者大智

利弗讚須善提善說法好人相不自讚不

自毀於他外人亦不讚毀若自讚非大人

相不為人讚而便自美若自毀者是妖誦

人若毀他者是護賊人若讚他者是誦媚

人須善提了無生法故舍利弗雖讚而不

誦以稱實讚故又以斷法愛故心不高亦

不受著但益無障礙因所謂一切法無所

依止故無障礙又言取即是著唯識第八

釋三熏習中云或名苦名取能所取故取

是著義業不得名智論取增名著七十四

云初染曰取三約三忍者害即怨害取即

生愛名著

五

十二

不能安受飢寒等苦妄受取故著則不見

諦理由見諦理三忍皆成故思益云諸法

念念滅其性常不住於中無罵辱亦無有

恭敬若節節解身其心常不動等又上三

即約違順中庸之境故成三毒餘可準思

亦不貪求名聞利養

二亦不下離忍過也名引中人利誘下士

菩薩上士故不貪求

但作是念我當常為衆生說法令離一切惡

斷貪瞋癡慢覆藏慳嫉諂誑令恒安住忍

辱柔和

三但作下修忍之意也所以修者先自忍

已後為生說令修忍行離惡斷惑是內安

忍感亡智現則住法忍既去煩惱穢穢則

身心柔和堪任法器如彼鍊金上來皆是

清淨忍也

上來皆是清淨忍者論云略有十種謂諸菩薩過他所作不饒

益事損惱違越終不反報一亦不意憤二亦不怨嫌三意樂相續恒常現前欲作饒益先後無異非一益已捨而不益四於有怨者自生悔謝終不令他生疲厭已然後受謝五於不堪忍成就增上猛利慚愧六依於堪忍於大師所成就增上猛利愛敬七依不損惱諸有情故於諸有情成就猛利哀慈愛樂八切不忍并助伴法皆得

斷故九離欲界欲十由此十相當知菩薩所修行忍清淨無垢釋曰不可別配大意經同

佛子菩薩成就如是忍法假使有百千億那

由他阿僧祇衆生來至其所一一衆生化作

百千億那由他阿僧祇口一一口出百千億

那由他阿僧祇語所謂不可喜語非善法語

不悅意語不可愛語非仁賢語非聖智語非

聖相應語非聖親近語深可厭惡語不堪聽

聞語以是言詞毀辱菩薩

第二佛子下對境修忍廣顯行相文中分

二先明修忍行後明修忍意前中有三初

耐冤害次安受苦三諦察法

初耐怨害等者三忍之義

略見初會今更重依攝論釋之無性論云耐怨害者是諸有情成熱轉因世親釋云能忍他人所作怨害勤修饒益有情事時由此忍力化生雖苦而不退轉言安受苦忍者是成佛因寒熱飢渴種種苦事皆能忍受無退轉故言諦察法忍者是前二忍

所依止處堪忍甚深廣大法故世親釋云堪能審諦觀察諸法或由諦察為前二依者世親釋云由此忍力建立次前所說二忍梁攝論云由觀察法忍菩薩能入諸法真理此忍即是前二依

今初分二先彰難忍之境後明能忍之行此亦難行忍也

此亦難行忍難行有三一忍羸劣有情所不饒益二忍自臣隸所不饒益三忍種姓卑賤

今同第三今初分三初明口加毀辱故梁

攝論以耐冤害亦名他毀辱忍略顯十種

一觸忌諱故二惡軌則故三令憂感故四

無風雅故五極庸賤故六詮邪惡故七不

入人心故八詮猥雜故九極鄙惡故十極

麤獷故以是言下總結所作多人多口各多惡言

又此衆生一一各有百千億那由他阿僧祇手一一手各執百千億那由他阿僧祇器仗逼害菩薩

二又此下身加逼害上二事廣

如是經於阿僧祇劫曾無休息

三如是經下總辨長時是謂難忍之境也菩薩遭此極大楚毒身毛皆豎命將欲斷作是念言我因是苦心若動亂則自不調伏自不守護自不明了自不修習自不正定自不寂靜自不愛惜自生執著何能令他心得清淨

二菩薩遭此下明其忍行先結前生後謂遭前極苦二作是念下正顯忍相以失自

要文有十句初一假設不忍失念易忘故

云動亂餘九明失一則不調瞋恚二則不

護根門三迷忍法門四不修忍行五隨風

外轉六動亂内生七不惜善根八未忘彼

此上八自損由此不能利他今能忍故以

不不之便成八行自他俱利自他俱調若

說此勝利成善士行

若說此勝利者論云善士忍有五種謂諸菩薩先於其忍見諸勝利謂能堪忍補特伽羅於當來世無多怨敵無多乖離有多喜樂臨終無悔於身壞後當生善趣天界中見勝利已自能堪忍一勸他行忍二讚忍功德三見能行忍補特伽羅慰意慶喜四應有設有不忍如法悔除

故之而疏云說此勝利王是第三讚忍功德如失自要即第一自忍不忍不能令他安忍今不不之即是第二既自慶慰亦能慶他當第四五也

菩薩爾時復作是念我從無始劫住於生死

受諸苦惱如是思惟重自勸勵令心清淨而

得歡喜善自調攝自能安住於佛法中亦令

衆生同得此法

二菩薩爾時下安受苦忍雖仍前文義當
安受故引往所受苦以況今苦而欲安受
所以引者無始顯昔苦時長諸苦明其事
廣雖事廣時長而空無二利今時促苦少

十四

能成忍度自利利他安不忍哉故練磨頌

云汝已惡道經多劫無益受苦尚能超今
行少善得菩提大利不應生退屈由斯重
自勸勉誠勵令淨而無亂喜不憂感調其
瞋蔽攝護根門是自住忍法令物同忍

故練

磨頌者即三種練磨心斷除四處障中之
一即無性攝論第六釋入現觀云由何能
入由善根力所住持故謂三種練磨心斷
四處故若唯識論第九明資糧位釋於二
取隨眠猶未能伏滅云此位二障雖未伏
除修勝行時有三退屈而能三事鍊磨其
心於所證修勇猛不退一聞無上正等菩
提廣大深遠心勇猛不退釋曰即第一善
提廣大屈引他況已鍊廣者無違大者無

上深者難測遠者時長由斯故退引他鍊
之攝論頌云十方世界諸有情念念速證
善逝果彼既丈夫我亦爾不應自輕而退
屈唯識論云二聞施等波羅蜜多甚難可
修心便退屈省已意樂能修施等鍊磨自
心勇猛不退釋曰即第二萬行難修屈省
已增修鍊頌云汝昔惡道經多劫無益勤
苦尚能超今行少善得菩提大利不應生
退屈唯識論云三聞諸佛圓滿轉依極難
可證心便退屈引他羸善況已妙因鍊磨

自心勇猛不退釋曰即第三轉依難證屈
引羸況妙鍊頌云博地一切諸凡夫尚擬
遠證菩提果汝已勤苦經多劫不應退屈
却沉淪唯識論云由斯三事鍊磨其心堅
固城然修諸勝行釋曰今是十行正是其
位故疏引之言斷四處障者無性攝論但
舉四云由離聲聞獨覺作意故由於大
乘諸疑離疑以能永斷其慧疑故二由離
能聞所聞法中我我所執斷法執故三由
於現前現住安立一切於中無所作意無
分別斷斷分別故四釋曰即由此四是四
處故然三鍊磨通治四障然皆由忍三輪
故忍三輪者自
他過失分別也

復更思惟此身空寂無我我所無有真實性
空無二若苦若樂皆無所有諸法空故我當
解了廣爲人說令諸衆生滅除此見是故我

今雖遭苦毒應當忍受

第三復更已下諦察法忍亦仍前起故云復更斯則一忍之中便具三忍表非全異故一境具明文分三別一自成法忍文有五句初句總標無我已下釋成空義以苦空無常無我四行釋之倒爲其次又約大乘故苦樂等雙遣一人我法我兩亡二常與無常非實相待有故三空有俱寂故云無二四苦樂皆遣云無所有二諸法空下令他成忍衆生迷空故應爲說皆清淨忍也二今他成忍至皆清淨忍皆清淨有十如前已引今但總相是彼之意亦不別配三是故下結行應修然莊嚴論中由三思五想則能忍受一思他毀辱我是我自業二思彼我俱是行苦三思聲聞自利尚不以苦加人此三文在安受忍中思昔諸

苦自他調攝故言五想者一本親想衆生

無始無非親屬故二修法想打罵不可得

故三修無常想四修苦想五修攝取想即

此文攝對前可思

然莊嚴論者即第二論此三思等者前念無始

劫受諸苦惱即是目業及行苦也亦令他得此法即沉二乘也對前可思者前性空

無二即不可得無有真實即是無常若苦若樂即是苦想廣爲人說等即攝取想略

無本親攝在無始生死之中

爲慈念衆生故饒益衆生故安樂衆生故憐

愍衆生故攝受衆生故不捨衆生故自得覺

悟故令他覺悟故心不退轉故趣向佛道故

是名菩薩摩訶薩第三無違逆行十六

第二爲慈念下明修忍意文有十句義兼

通別通則三忍皆爲此十在義可知別則

爲初五故修耐寬害慈念爲總次但欲饒

益於他不懼他不饒益本欲安人豈當加

報慙彼淪倒寧懷恨心以忍調行攝諸志

怒次一安受苦忍隨逐衆生無疲苦故次

二句爲覺自他修諦察法後二通於前三

上一爲言下流至此斯即九中二世樂也

悲彼淪倒者準智論云羅睺羅被外道打

苦何即慙其淪溺而言倒者亦慙其因但

由顛倒如提婆菩薩被外道開腹弟子欲

追菩薩廣說法空誠諸弟子云此等顛倒

妄見我人故生此惡不了性空無有真實

等斯即九中二世樂者論云二世樂忍有

九謂菩薩住不放逸一於諸善法忍能堪

忍二於諸寒熱惡能堪忍三於諸飢渴四

於蚊蟲觸五於諸風日六於蛇蠍觸七於

諸劬勞所生種種苦身若心疲倦憂惱八

於墮生死生老病死苦等有情現前哀慙

而修忍行九上七皆有忍能堪忍之言論
云如是順忍得二世樂斯亦總相忍念衆
生令得二
世樂也

佛子何等爲菩薩摩訶薩無屈撓行

第四無屈撓行撓者曲也弱也即牢強精

進也撓者即周易大過卦意易云大過棟
進也撓利有攸往亨象曰大過大者過也

棟撓本末弱也易文以弱釋撓音義云撓
者曲也曲之與弱義相似也今取弱義釋

無屈撓則弱者亦曲也既曰牢強則無屈

弱然梵云鉢履耶捺多此云無盡即晉經

之名謂大願之力無
有盡耳此亦大同

此菩薩修諸精進所謂第一精進大精進勝

精進殊勝精進最勝精進最妙精進上精進

無上精進無等精進普徧精進

二釋相中二先總顯其相後隨難別釋前

中文三初正顯精進二性無下明離過失

三但爲下辨進所爲此之三段初即總舉

次是釋精謂無雜故三是釋進趣所爲故

今初正顯中初句標行所屬所謂已下顯

勝列名精進多名望業用故初第一者亦

是首義此義有三一大故第一謂爲大菩

提故二勝故第一光明功德故二殊勝故
第一謂超出故第二大亦三義一最勝故

大勝中極故如世大王二最妙故大事理
融通故如世大德三上故大行體高上如
世尊長第三勝者亦有三義一無上故勝
不可加故二無等故勝不可匹故三普徧
故勝體周法界無可勝故此義有三者此
十地勢十句相
釋以二三四釋於初句以五六七釋第二
大字以八九十釋第三勝字文並可知
性無三毒性無僞慢性不覆藏性不慳嫉性
無諂誑性自慙愧終不爲惱一衆生故而行
精進

二離過中即難行精進性無間雜最爲難
故先離自惱之過謂本隨煩惱任運不起
故曰性無圓融教中地前得爾後終不爲
下明離惱他即難行者在文易知然皆亡
高下事
用分別
但爲斷一切煩惱故而行精進但爲拔一切

惑本故而行精進但爲除一切習氣故而行
精進

三辨精進所爲中有二十句具含三種精
進但爲是被甲四弘願故而行即是方便
加行所爲之法是所攝善具含三種者唯
識說三一被甲

二攝善三利樂無性釋云一被甲二加行
三無怯弱無退轉無喜足初者謂最初時
自勵言我當作如是事即是解契經所說
初有勢力句次即加行有勤句無怯等者
謂隨事意樂所作善事乃至安坐妙善提
座復不放捨於自疲苦心無退屈名無怯
弱於他逼惱心不動移名無退屈乃至善
提於其中間進修善品常無懈廢名無喜
足如是三句解釋契經所說有勇猛於諸
善法不捨離故世親釋三精進大同無性
釋經五句復云所以者何或有最初求於
無上正等菩提雖有勢力而加行時不能
策勵故說有勇猛復有勤心或怯弱爲對
治彼故說有勇由有勇故心無退屈心雖
無怯達至死苦心或退轉由此退失所求
佛果爲對治彼立無退轉無退轉者即是
堅猛故無退轉顯示堅猛由有堅故達苦
不退由有猛故不懼於苦雖達苦能不退
退轉而得少善便生喜足由此不證無上
菩提是故次說無喜足是不得少善生喜

足義此即顯示不捨善願由此義故說三
精進然被甲者從喻立名如人入陣先須
被甲以防弓矢今求菩提必先誓願以防
退屈本業直云一起大誓願之心二方便
進修三勤 文分爲四初三斷惑次七度生
化衆生 次四知法後六求佛即四弘也今初初斷
現行次斷種子後斷餘習

疏五

十九

但爲知一切衆生界故而行精進但爲知一
切衆生死此生彼故而行精進但爲知一切
衆生煩惱故而行精進但爲知一切衆生心
樂故而行精進但爲知一切衆生境界故而
行精進但爲知一切衆生諸根勝劣故而行
精進但爲知一切衆生心行故而行精進

二度衆生中爲成十力智故煩惱是漏意
令其盡境界即徧趣行心行義兼於業生
死義兼宿住處非處力總故不明

但爲知一切法界故而行精進但爲知一切

佛法根本性故而行精進但爲知一切佛法
平等性故而行精進但爲知三世平等性故
而行精進

三有四句知法中初總餘別別中一事法
界若自入法則以淨信爲根本若約利他
則以慈悲爲根本等二即理法界云平等
性三事理無礙法界三世之事即平等埋
性也事隨理融義含事事無礙

但爲得一切佛法智光明故而行精進但爲
證一切佛法智故而行精進但爲知一切佛

法一實相故而行精進但爲知一切佛法無
邊際故而行精進但爲得一切佛法廣大決
定善巧智故而行精進但爲得分別演說一
切佛法句義智故而行精進

四有六句求佛中初二即智初句教智光

明後句證智次二知境先真後俗後二皆
權智前句知機識藥後句四辯宣陳分別
演說即是樂說說於法義句即是辭上之
四弘初二知苦斷集後二修道證滅即無
作四諦之境也

三

十

佛子菩薩摩訶薩成就如是精進行已設有
人言汝頗能爲無數世界所有衆生以一一
衆生故於阿鼻地獄經無數劫備受衆苦令
彼衆生一一得值無數諸佛出興於世以見
佛故具受衆樂乃至入於無餘涅槃汝乃當
成阿耨多羅三藐三菩提能爾不耶答言我
能

第二佛子菩薩下隨難別釋於中二先明
被甲精進後明利樂精進今初全同瑜伽
之文但論以被甲爲初約先心自誓故本

業三進之中初名大誓今居攝善之後就
假設遇緣耳文有兩番問答初番可知今
全同瑜伽者四十二云一擲誓願甲若我
脫一有情苦以千大劫爲一日夜處於地
獄經爾所時證大菩提乃至過此千俱
倍無懈怠心況短時苦薄耶有能於此生
少淨信已長養無量勇猛大菩提
性況成就耶故云約先心自誓

設復有人作如是言有無量阿僧祇大海汝
當以一毛端滴之令盡有無量阿僧祇世界
盡末爲塵彼滴及塵一一數之悉知其數爲
衆生故經爾許劫於念念中受苦不斷菩薩
不以聞此語故而生一念悔恨之心但更增
上歡喜踊躍深自慶幸得大善利以我力故
令彼衆生永脫諸苦

疏五

主

後設復有下第二番中更難於前得大善
利者我本發心願代物苦但慮不容相代
今聞苦身能遂順本悲心不慮時長但增

喜慶長劫不懈況盡壽耶一念不悔即忘身無間自慶得利即平等通達有深功德

爲難行也

有深功德者瑜珈難行精進有

三若諸菩薩無間遠離諸衣服想諸飲食想諸卧具想及已身想於諸善法無間修習曾無懈怠是名第一難行精進若諸菩薩如是精進盡衆同分於一切時曾無懈怠是名第二難行精進若諸菩薩

薩平等通達功德相應不緩不急無有顛倒能引義利精進成就名第三難行精進今文共三長劫不懈況盡壽耶即是第二一念不悔即亡身無間即是第一自慶已下即第三前行初離過亦此第一

菩薩以此所行方便於一切世界中令一切衆生乃至究竟無餘涅槃是名菩薩摩訶薩

第四無屈撓行

第二菩薩以此下利樂精進即用前加行攝善以利衆生令彼涅槃真安樂也

大方廣佛華嚴經疏鈔會本第十九之五

音釋

姝 昌朱切 鑢 古猛獢音鑢 美 好也 鑢 古猛獢音鑢 惡也

大方廣佛華嚴經疏鈔會本第十九之六 踐六

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何等為菩薩摩訶薩離癡亂行

第五離癡亂行

疏六

此菩薩成就正念心無散亂堅固不動最上

清淨廣大無量無有迷惑

釋相中二先總顯無癡亂後別明無癡亂

今初句雖有六義乃有十初總餘別總云

成就正念者然通三義皆名正念

總云成就下釋

此總句有二先正釋即喻伽九門中自性

一境性 一就奢摩他品名為正念正念即

定以彼定心離妄念之亂故名為正此從

業用立名亦隣近立稱故八正道中正念

定攝起信論云心若馳散即當攝來令住

正念二就毗鉢舍那品亦名正念謂不偏

鑒達明了於緣故下經云正念諸法未曾

忘失三雙運道名為正念次下經云以正

念故善解世間等謂於緣明了是無癡義

不異所緣名無亂義即雙運也又下經云

禪定持心常一緣智慧了境同三昧

一或奢摩

他品二或毗鉢舍那品三或雙運道也疏

中雙標便引釋成文意可知善解世間等

者下云以正念故善解世間一切語言能

持出世諸法言說乃至心無癡亂疏自配

無癡亂即是雙運又以別義善解是觀能

持是止故為雙運故下經云禪定持心者

即是第十迴向偈中

雖有毗鉢舍那及雙運道皆就心一境辨

名禪自性

雖有毗鉢舍那下第二解妨在文別

中初句復是無亂之總謂不隨境轉故無

散亂三障不能壞名為堅固四緣不能牽

故云不動五超劣顯勝故云最上六異世

無染故云清淨上五釋無亂也下四義釋
無礙謂七稱法界故云廣八趣一切智故
云大九引發難量故云無量十不捨大悲
各無迷惑上九別句攝為三禪前六現法
樂住次二引生功德後一饒益有情上九別句

者三禪即疏六喻伽一切禪也唯識但列而不
釋名喻伽釋廣今依攝論無性釋云一安
住靜慮謂得現法樂住離慢見愛得清淨
功德故三成所作事靜慮謂欲饒益諸有
情類以能止息飢饉疾病諸怖畏等苦惱
事故梁攝論中釋三定云有現世得安樂
住何以故能離一切染污法故一依能定
為生自利謂三明故能引成六通二引因
成通定生達利他利他即是三輪一神通
輪謂身通天耳通天眼通此輪為引邪向
正者令其歸正二記心輪謂他心通天耳
通天眼通此輪為引已歸正者若未信受
令其信受三正教輪謂宿住通漏盡通宿
住通識其根性由漏盡通如自所得為說
正教令得三種成繫解脫由具此義是故
說定有其三品
為離癡亂行
以是正念故

第二以是下別顯無癡亂如次釋前十義
即為十段亦初一為總釋前正念於中分
二初結前生後

善解世間一切語言能持出世諸法言說
後善解已下顯正念之能文曲分二先雙

標後雙釋今初也正念有觀故能善解正
念有止所以能持世言無益但須善解出
世有益偏語憶持出世不解應不持義世
言不持應無記憶故文雖影略義必兩兼
解事解理故名善解正念有觀下疏文有
五初正釋順文二世
疏六
言無益下出經局意三出世不解下立理
顯通四故文雖下結成通義五解事下別
釋善

所謂能持色法非色法言說能持建立色自
性言說乃至能持建立受想行識自性言說
心無癡亂於世間中死此生彼心無癡亂入

胎出胎心無癡亂發菩提意心無癡亂事善
知識心無癡亂勤修佛法心無癡亂覺知魔
事心無癡亂離諸魔業心無癡亂於不可說
劫修菩薩行心無癡亂

二所謂下雙釋分二先通就諸境明無癡
亂後此菩薩下別約所持明無癡亂今初
也據無癡亂文但有九開初爲二句亦有
十謂法義別故初句即法無礙合蘊成二
謂色與心非色謂心即餘四蘊二能持建
立下義無礙也義有二種自性亦二一事
二理事即質礙爲色性等理即無性爲色
等性皆無名相中施設建立持言及義即
文義二持今正覺理事離妄分別名無癡
亂此二釋上能持下八釋上善解義必兼
具故癡亂雙舉

三於五蘊生滅得無癡亂十地品云死有
二種業一能壞諸行二不覺知故相續不
絕今此菩薩於二事理靜無遺照故無癡
亂四偏語胎生明無癡亂瑜伽第二說四
種入胎一正知入而不知住出所謂輪王

二正知入住不正知出所謂獨覺三俱能
正知所謂菩薩四俱不正知謂餘有情前
之二人尚有癡亂也凡夫癡亂相者謂下
者見所生處在於廁穢中者見在舍宅上
者見處華林若男於母生愛於父生瞋謂

疏六

四

競母故女則反上大集二十七涅槃十八
二十九俱舍第九皆具說之疏文有二先
下
正釋無癡亂言二示癡亂相前中文顯俱
舍第九論問起云前說倒心入母胎藏一
切胎藏皆定爾耶釋曰此牒前倒心趣欲
癡濕化染香處爲問也論中答云不爾經
言入胎有四其四者何頌云一於入正知
二三兼住出四於一切位及卵恒無知前

三種入胎謂輪王二佛業智俱勝故如次
餘四生釋曰但觀第一輪王以業勝故正
智俱勝更須略釋廣第一福故第二辟支佛
知於宿世曾修廣大福故第二辟支佛
但知勝故正智俱勝三皆正智福智俱修
第三大覺福智俱勝三皆正智福智俱修
行勝福智故除前三餘胎卵濕福智俱
劣故皆癡亂大集二十七多同濕福智俱
十上中下品之人初入胎時作是念言
謂上中下品之人初入胎時作是念言
我今在胎與穢處如死屍間棘刺叢林
大黑闇中初出胎時復作是念我今出廁
諸穢惡處乃至於出胎時復作是念我今出廁
我今入於衆樹花果園林清淨河中房室
屋宇宅舍之中出時亦爾乘象登上
念言我昇殿堂在華林間乘馬乘象登上
高山出時亦爾乘薩摩訶薩初起貪欲
知入胎時亦爾乘薩摩訶薩初起貪欲
悲之心而亦未得初住之地是故復名不
可思議二十九者南本二十七經云中陰
二種一善業果二惡業果因善業故得善
覺觀因惡業故得惡覺觀父母交會和合
之時隨業緣向受生處於母生愛於父
生瞋以是三種煩惱因緣中陰懷生後
歡喜以是三種煩惱因緣中陰懷生後
五陰如蠟印泥印壞文成釋曰此略舉
男俱舍第九則具男女論釋倒心趣欲境
云此明中有先起倒心馳趣欲境彼由業
力所起眼根雖住遠方能見生處父母交
會而起倒心若男中有緣母起愛生於欲

心若女中有緣父起愛生於欲想翻此緣
二俱起瞋心彼由起此二種倒心便謂已
身與所愛合所泄不淨流至胎時謂是已
有便生歡喜此心生已中便有受生有
身餘廣如彼瑜伽又說彼胎藏者若當爲
女於母左脇倚脊向腹而住若當爲男於
母右脇倚腹向脊而住又此胎藏業報所
發生分風起令頭向下足便向上胎衣纏
裹而趣產門其正出時胎衣遂裂分三
之兩腋出產門時名正生位並可知次三
及十文並可知八九各有通別別謂四魔
十魔及業如離世間品及大品魔事品起
信論說若依智論除諸法實相皆菩薩魔
事起心動念悉是魔業今以智覺察不隨
其轉如人覺賊及偷狗故知魔界如與佛
界如如無二故既覺其事即不造其業別
四魔者四謂天除煩惱及死言十魔者一
蘊魔生取著故二煩惱魔恒雜染故三業
魔能障礙故四心魔起高慢故五死魔捨
生處故六天魔自慢縱故七善根魔恒執
取故八三昧魔久耽味故九善知識魔起
著心故十著提法智魔不願捨離故言及
業者一忘失菩提心修諸善根是爲魔業
二惡心布施瞋心持戒捨惡性人遠懈怠

者輕慢亂意譏嫌惡慧乃至第十增長不求長我
慢無有恭敬於諸衆生多行惱害不增長我
法真智慧其餘論廣有此論分明人易尋
業起信論者即修信廣有分論明人易尋
故依示耳即修信廣有分論明人易尋
衆生無善根力則爲諸魔外道鬼神之所
惑亂若於坐中現形恐怖或現端正男女
等相當念唯心中境界則滅終不爲惱或現
天像菩薩像亦作如來像相好具足若說
陀羅尼若說布施持戒忍辱精進禪定智
慧或說平等空寂是真涅槃或令人知宿無
無果畢竟空寂是真涅槃或令人知宿無
過去之事亦知未來之事得他心智辯才
無礙能令衆生貪著世間名利之事又復
令人數瞋數喜性無常準或多慈愛多睡
多病其心懈怠或起精進後便修雜業若
不信多疑多慮或捨本勝進後便修雜業若
著世多疑多慮或捨本勝進後便修雜業若
分相似皆是外道所得非真至七味或後令
人若一日若二日若三日乃至七味或後令

定中得自然香美飲食身心通悅不飢不
渴使人愛著或亦令人貪食無分齊作多
少顏色變異以是義故行者當應智慧不
察勿令此心墮於邪網當動正念不取不
著則能遠離是諸業障釋曰此一段文雖
則稍廣亦爲要用其中兼有對治顯善
薩心無癡亂若依智論除諸物實相等者
論有喻云譬如蠅能緣一切物唯不能緣
火燄即爲燒故魔亦如是能緣一切法唯
不能緣諸法實相若入實相魔即實相何

所感耶故論云魔界如佛界如一如無二
如皆法界印豈以法界印更壞法界印又
八大二云魔見解般若菩薩如捕魚人見
一大魚入深大水網故又七十三中魔作
一沙門有重威德等或時語菩薩般若三
大沙門是魔說但是空汝常習此空於中
解脫門不得證云何作佛作佛常習此空
得證不得證三十二何相福德坐道場時
持戒等修證三十二何相福德坐道場時
用空菩薩或行或信或疑遠離般若釋曰

依此世魔甚多七十一云魔作知識身說
般若空雖有罪福名而無道理或說空可
即取涅槃釋曰前七十三魔令其趣證空而
須修事行此中說斷滅空令其趣證空而
多惑耳若得此中說斷滅空令其趣證空而
不謂一切礙有亦不以空爲證則魔不能令
空導一切行修無所修則魔不能令般若性
癡亂今以智覺修無所修則魔不能令般若
人覺賊及偷狗者即第七經如人覺賊無
經亦如來性品即第七經如人覺賊無

能爲又因迦葉問依四種人難云世尊魔
等尚能變作佛身況當不能作羅漢等佛
言善男子於我所說若生疑者尚不應受
況如是等是故應當善分別知善男子譬
如偷狗夜入人舍其家婢使若覺汝命偷
應驅罵汝疾去不還汝等從今亦應如是降
病聞之即去不還汝等從今亦應如是降
伏波旬應作是言波旬汝等從今亦應如是
像若故作者當以五繫縛於汝魔聞是
已便當還去如彼偷狗更不復還下廣說

佛說魔說之相
此文但令覺察

此菩薩成就如是無量正念於無量阿僧祇劫中從諸佛菩薩善知識所聽聞正法

第二此菩薩下別約所持法門明無癡亂文有二別先正明後徵釋前中三初結前

疏六

標後次所謂下正顯所持三菩薩下結無

癡亂

所謂甚深法廣大法莊嚴法種種莊嚴法演說種種名句文身法菩薩莊嚴法佛神力光明無上法正希望決定解清淨法不著一切世間法分別一切世間法甚廣大法離癡翳照了一切衆生法一切世間共法不共法菩薩智無上法一切智自在法

二正顯中有十五法一所證理體大分深義所謂空故即事真故

大分深義者即十二門論但改彼也

字爲故 二即體業用之法三具德相故四

一具一切故云種種上四即所詮理法五

即能詮教法義見初卷六行法以因嚴果

故七果法上七通明四法下八唯約地位

亦果行收謂八即初地大願已證理故名

正希望決定解斷二障故云清淨九即根

本智十即後得此二通至七地十一甚深

廣大法即八地法證深法忍如法界故十

二九地是法師位了物機故十三地知

世間集共不共等故苦無常等通色心故

名之爲共色心類殊名爲不共又器世間

名共共業感故衆生世間不共自業成故

此二唯約所知又隨他意行名共隨自意

行名不共又靜慮無色四等五通雖共凡

小菩薩無漏大悲故名不共

共不共等此有二義前義

十地更釋後義出現品明又隨他意行下
即涅槃經意明佛有三語隨自意語隨他
意語隨自他意語立十四等覺智十五如
行亦然如前已引
來智上豎明諸位若約橫配者初一唯因
後一唯果中間六智通於因果而別義相
顯

菩薩聽聞如是法已經阿僧祇劫不忘不失
心常憶念無有間斷

三結無癡亂者不忘不癡不失不亂心常
憶下通結相續

何以故菩薩摩訶薩於無量劫修諸行時終
不惱亂一衆生令失正念不壞正法不斷善
根心常增長廣大智故

第二何以故下徵釋釋中以因深故不亂
衆生得無亂果不壞正法增廣大智得無
癡果不斷善根得相續果因果影響孱然

無差孱然無差者孱現也

復次此菩薩摩訶薩種種音聲不能惑亂

第二復次下別釋上九攝爲三禪初六釋
前現法樂住即爲六段今初釋前心無散
亂文二初標

所謂高大聲麤濁聲極令人恐怖聲悅意聲
不悅意聲誼亂耳識聲沮壞六根聲

二所謂下釋釋中又二前釋種種音聲略
列七種言沮壞六根者非唯引奪耳根亦
令餘根不能緣境故名沮壞根以見等而

爲義故又沮壞者如治禪病經云因於外
聲動六情根心脉顛倒五種惡風從心脉

入風動心故或歌或舞作種種變此即破
壞之義既壞意身餘皆隨壞然色可冥目
觸味合知香少詮顯爲禪定刺准在於聲

故偏語之明無癡亂非餘四塵不能亂也

故上忍中遇身加害心無散亂

病秘要經第一標云治阿蘭若者即治禪

舍阿蘭若事下取意引即諸釋于北立生阿

禪因毗瑠璃王象戲驚怖發狂阿難云唯願

門白舍利弗一切為未來世諸阿蘭若比丘願

天尊慈悲一切為未來世諸阿蘭若比丘願

因五種事令心發狂一因亂聲二因惡名

三因利養四因外風五因內風此五種病

當云何治唯願天尊為我解說爾時七尊

即便微笑有五色光從佛口出繞佛七匝

還從頂入告舍利弗諦聽善思念之

吾當為汝分別解說若那行於阿蘭若

修心十二頭陀於阿那那行於阿蘭若

內心根四百四脉於阿那那行於阿蘭若

力強故最初發狂心脉動轉五風入咽及

作惡口汝等應當教是行者服食酥蜜及

阿梨勒繫心一處先想作一玻色鏡自

觀已身在彼鏡中作諸事見此色鏡自

五種惡風下更不說然似前因五種事便
為五風準金七十論說五種風一者波那
二者阿波那三者優陀那四者婆那五者
婆摩那五種風一切根同一事波那風
者口鼻是其路取外塵是事謂我止我行
是其作事外曰是波那何根能作答曰是
十三根共一事故十三根同其如波那鳥
動故籠動是故十三根同其如波那鳥
弱者見可畏事即縮避之是風若多令人怯
弱優陀那者我欲上山我勝他不如我能
作此是風若多令人自高謂我勝我富等
是優陀那事安那風者過滿於身亦極離
離分分如足離盡便卒安那風者若在
心處能攝持是事是風若多令人慳惜見
財免伴是五種風事並十三根所依釋曰
此五必是也五種風事並十三根所依釋曰
從心脉入故發狂亂位

此菩薩聞如是等無量無數好惡音聲假使
充滿阿僧祇世界未曾一念心有散亂
二此菩薩下釋不能惑亂文亦分二先總
明長時不亂
所謂正念不亂境界不亂三昧不亂入甚深
法不亂行菩提行不亂發菩提心不亂憶念

諸佛不亂觀真實法不亂化衆生智不亂淨
衆生智不亂決了甚深義不亂

後所謂下別顯不亂之相句有十一初總
餘別別爲五對一境審心定二教達行成
三憶因念緣四觀真起用五外淨他惑自

疏六

決義門雖遇惡聲此皆無損上皆一切種

禪謂通名義止觀及二利故

上皆一切種
禪者喻伽四

十三一切種禪有六種七種總成十二言

六種者一善靜慮二無記變化三奢摩他

四毗鉢舍那五於自他利正審思惟六能

引神通威力功德言七種者一名緣二義

緣三心相緣四舉相緣五捨相緣六現法

樂住七能饒益他今云名義即後七中一

二是也止觀即六七中各是三四二利即

前六中五六及後七中五六七故攝十三

有報障

不作惡業故無惡業障不起煩惱故無煩惱

障不輕慢法故無有法障不誹謗正法故無

有報障

疏六

第三不作下釋前堅固謂四障不壞是知

菩薩正念堅固亦是出前不亂之因言法

障者於法不了如彼牛羊此即所知障也

三障爲言攝在煩惱體即無明故斯亦清

淨靜慮也

斯亦清淨者喻伽四十三云有
十種一由世間淨離諸愛味清

淨靜慮二由出世淨無有染汚三由加行

四由根本五由本勝進六由入住自在七

捨靜慮已復還證入自在八神通變現自

在九離一切見趣十一一切煩惱所知障淨

皆有清淨靜慮之言若配經者正是九十

及與初二離垢障故然大意清淨者由離

三輪故定三輪者一

境界二衆生三威故

佛子如上所說如是等聲一一充滿阿僧祇

世界於無量無數劫未曾斷絕悉能壞亂衆

生身心一切諸根而不能壞此菩薩心

第四佛子如上下釋前不動謂惡緣不能

牽故悉能壞亂衆生身心者彰聲之過不

菩薩入三昧中住於聖法思惟觀察一切音聲善知音聲生住滅相善知音聲生住滅性第五菩薩入下釋前最上謂超劣顯勝故此下三段亦即出前無礙亂緣正示現法樂住之相言超勝者初標人揀禪云菩薩

入異凡小故住於已下舉法以揀聖法即是無漏揀於凡夫思惟觀察揀於二乘二乘入禪不能緣境故身子不覺刑害之手迦葉不聞涅槃之音身子不覺者準智論說舍利弗當道坐禪有大力鬼名為刑害以手搏之從禪定起微覺頭痛白佛佛言賴汝定力此鬼之力擗須彌山今如微塵自今已後莫當道坐迦葉不聞者如來二月十五日晨朝出聲普告一切言如來今日中夜當入無餘涅槃若有疑者今悉可問為最後問然以佛神力其聲遍滿三千大千世界萬類皆至而迦葉不聞定起方覺世界變異驚怪詢問方知如來入般涅槃上之二事一定中不能覺觸二定中不能聞聲故知劣也今故為超勝善知已下正顯勝相了性相故

相則念念不住取不可得性則三相性空固無所得不得性相違順何依相則念念等者然三相四相一念具足已如初卷今性相別明若相融為四者獲緣名生即無生空有無礙虛相安立名之為住住即無住圓融形奪隨緣轉變名之為異異即無異兩相都盡各無自性名之為滅滅即無滅斯則即相而性故無所得

如是聞已不生於貪不起於瞋不失於念善取其相而不染著

第六如是聞已下釋前清淨即清淨禪順違中境不生三毒不染善取有定慧故了相無相故名善取有斯正念大地為鼓妙

鼓大

土

高為椎豈能亂哉大地為鼓等者如幻三昧經云假使以大地為

鼓須彌為椎於須菩提耳邊打不能生微念心亂何以故入空定故

知一切聲皆無所有實不可得無有作者亦無本際與法界等無有差別

第七知一切下釋廣謂稱法界如虛空故

亦近釋前又有六句初總餘別別中無得相空無作人空無際性空此三相盡故法界理現與法界等事如理故無有差別理即事故

菩薩如是成就寂靜身語意行至一切智永

不退轉

第六

十三

第八菩薩如是下釋前大義此下二段釋引生功德今云大者趣一切智不退轉故即難行禪也即難行禪者難行喻伽有三明法已引今重取意出之謂住深靜慮捨而利生欲界為一依止靜慮發無量菩薩二乘境界等持為二依此

速證無上菩提為三今文正當第三

善入一切諸禪定門知諸三昧同一體性了一切法無有邊際得一切法真實智慧得離音聲甚深三昧得阿僧祇諸三昧門增長無量廣大悲心是時菩薩於一念中得無數百

千三昧聞如是聲心不惑亂令其三昧漸更增廣

第九善入下釋前無量謂引發難量故文分為三初引自利德文有六句初標一切門禪次四別顯後一類結多門則何定不攝復云門者三昧無量數如虛空今一中攝多故名為門如牽衣一角如蠶王來初標舉一切門者喻伽云略有四種一有尋有伺靜慮二喜俱行三樂俱行四捨俱行復云門者即智論云何以不但言三昧而復說門答但語三昧無量數如虛空無邊菩薩云何盡得是故說門菩薩入一三昧中攝無量三昧如牽衣下同此中意

增長下引利他德後是時下結不為亂非唯不亂本定更增如豬揩金山風熾於火非唯不亂者下出增相猪以穢身揩於金山非唯不汚而令山色轉益明淨斯乃外境之猪益定山之淨

作如是念我當令一切衆生安住無上清淨

念中於一切智得不退轉究竟成就無餘涅槃是名菩薩摩訶薩第五離癡亂行

第十作如是下釋無迷惑謂耽著禪味不起大悲是為迷惑今悲以導禪故無迷也此即饒益有情禪也住清淨念即現世樂

得智斷果即後世樂是謂與二世樂也

段六

十四

淨念等者喻如二世樂有一神通變現調伏有情靜慮二記心變現調伏有情三趣五於失辯者能施辯才六於失念者能施正念七制建立無顛倒論微妙讚頌摩恒理迦能令正法久住於世八於諸世間工巧業處能引義利饒益有情種種書算測度數印牀座等事能隨造作九生於惡趣所化有情為欲變時息彼眾苦故大光明照靜慮今但通舉二世樂義

佛子何等為菩薩摩訶薩善現行

第六善現行體即般若

體即般若者亦忘三輪者境智

衆生分別 瑜伽一切般若亦有三種一

能於所知真實隨覺通達慧二能於如所

說五明處及三聚中決定善巧慧三能作一切有情義利慧攝論以加行根本後得為三皆六度明義唯識以生法俱空本業以照於三諦皆十度明義

瑜伽下正釋名

立名不同略出四說就攝論三為準論具列之一無分別加行慧二無分別根本慧

三無分別後得慧論具釋云無分別加行慧謂真如觀前勝方便智二無分別根本慧者謂真如觀智三無分別後得慧者現諸世俗智能起種種等事梁論三慧者論中釋云從聞無相大乘教得聞思修入分引相空通名無分別加行般若以入三無性者無分別觀如於所證或自思惟或為他智後得入觀如於所證或自思惟或為他說名無分別後得般若由具此義故說般若有其三品本業以照於三諦者經云一

段六

十五

照有諦慧二照無諦慧三照中道第經有一義諦慧皆十度明義者經具十故經有十度應依本業今為順文且依瑜伽則權實無礙皆名善現雖彼依六度今圓行菩薩則十度齊修據行布分兼正不同亦不相濫

雖彼依下解妨云唯識云若依六度則般若具攝三慧謂加行根本後得

若為十度第六唯攝無分別智今何引六
而成十耶故今釋云約圓行說亦兼正明
義如本業是

此菩薩身業清淨語業清淨意業清淨住無
所得示無所得身語意業能知三業皆無所
有無虛妄故無有繫縛凡所示現無性無依

就釋相中古人亦依本業三慧分三初明
中道次念生無性等以為照無普入已下
明其照有此得次第第三諦失於圓融又照
無經中佛法世法二互不異亦不雜亂豈
獨是無今約圓融依於瑜伽兼正以辨各

具三諦故彼論釋初慧云於一切法悟平
等性入大總相究達一切所知邊際遠離
增益損減二邊順入中道故古人亦依下
初敘昔此得
次第下二辯非今約下三辯正文中猶略
今具引三慧喻伽釋三慧相云云何菩薩
切慧此有二種一者世間慧二者出世
間慧復有三種十能於所知真實隨覺通

達慧謂若諸菩薩於離言說法無性或於
真諦將欲覺悟或於真諦正覺悟時或於
真諦無有分別離諸戲論於一切法悟平
現前無有大總相究達一切所知邊際離
等性入大總相究達一切所知邊際離
增損損減二邊順入中道是名菩薩能入
所知真實隨覺通達慧釋曰據此即具足
加行根本後得三慧亦具照有照無照中
道三慧之體是慧第一慧今經文中第一
內便具二諦之體是慧第一慧今經文中
善了於俗故廣知五明等論云若諸菩薩
於五明處決定善巧演說如前力種性品
應知其相及於三聚中決定善巧謂於能
引義非利義法聚能引非義利法聚能引
利非利義法聚能引非義利法聚能引
有妙慧善巧攝受能速圓滿廣大無上妙
智資糧速證無上正等菩提釋曰此是後
得廣知諸法五明為八五明即內明因明
善惡無記兼作一切有情義利慧云有十一
等二釋能作一切有情義利慧云有十一
種如前應知者即二十七論成教品成教
目性自有十一獲得能順二障斷淨三增上
習諸善法二獲得能順二障斷淨三增上
心有堪任性極調善性五正加行滿六
安住於此若遇大師不過大師皆有堪任
七有大勢力八無間能證煩惱障斷九所
知障斷十譬如癰腫膿至究竟無間可破
說名為教十譬如癰腫膿至究竟無間可破
文分二別先明行相後顯成益前中亦二

疏六

十七

先略後廣前中又二先總標後能知下解
釋今初也三業清淨是能示體示於三業
正是現義住無得現現即無得寂用無礙
斯即中道可稱善現若異後有無而說中
者相待中也住無得現者住無所得即空
觀也示無所得身等假觀也
故云住無得現言現即無得上二不二中
道觀也故云寂用無礙斯為中道從若異
後下結彈古人以要略三慧別配二釋中
得中道慧是相待中非得中也
能知三業皆無所有是住無得義不妄取
有離二邊縛是清淨義凡所示現無性無
依釋示無得義以境無定性心無所依皆

不可得也三業皆示致致凡言

住如實心知無量心自性知一切法自性無
得無相甚深難入

二住如實下廣辨行相中三初如實隨覺
慧二佛子此菩薩作如是下於五明等善

巧慧三菩薩爾時下能作有情義利慧今
初如實覺於三業而現三業於中先別明
後總結前中三業即為三段今初意業是
二本故首而明之如實心者用所依也住
者心冥體也知無量心等者不礙用也即
所示意業多心多法皆有諦也境既無相
心何所得即無諦也有無不二故曰甚深
即中道義也不可以次第三觀而觀故名
難入唯圓機方能入故何者若偏觀三諦
是常是斷是相待故若總觀者一則壞於

三諦異則迷於一實故即一而三即三而
一非三非一雙照三一在境則三諦圓融
在心則三觀俱運住之與知即是觀也何者

若偏觀下出次第三觀過相有則定有定
有著常以離空故定無著斷離二明中故
是相待若總觀下示圓融三觀之德於中
先有兩句向上成次第之過明次第三觀

有一異過故二者即初二句反釋雙遮三
融即一而三是一句即三而一是第二句
雙非三一是一雙非句由即一而三故非三
即三而一故非一四雖即一體而三用歷
然雖有三用而一體無二故雙照三一即
遮而照即照而遮故觀古德以凡所下至
融也在境下結成終觀

於難入明唯識觀非無所以唯識之義不
彰又有釋云心非境外故無得境非心外
故無相即心是境故甚深即境是心故難
入亦是一理古德下敘昔雖非經意釋文
稍巧故復敘之故云亦是一
埋以唯識觀相不
明顯故不為正故

生不滅

二住於正位下釋示身業正位等三即示
所依方便已下依體起用由非惑業之生
故生滅即無生滅此中正位即真如異名
非約見道以智契會故稱為住無住住者

疏六

十六

即住真如

住涅槃界住寂靜性住於真實無性之性言
語道斷超諸世間無有所依

三住涅槃下釋示語業前之三句示之所
依言語道斷顯示而無相即言亡言是斷

言道故晉經云非有說有言語道斷晉經
云非

有說有者今經無此示言相隱但有言語
道斷即通身意故引晉經意在有說之言

然上之所住總有七種體一名異異從義

別一如實心者即自性清淨心是為總相

次正位等三即心之體性正位者法所住

故真如語其自體是實是常法性約為諸

法之本迷此真如有諸法故成諸法已不

失自性故名法性亦即因相涅槃等三即

是果相住涅槃界即是真如體圓寂故出

二礙故故智論云有菩薩發心即觀涅槃

行道恐此涅槃濫唯在果故云住寂靜性
謂約真如體無妄動即是涅槃如此之性
體爲有無故云無性無性之性即是實性
非謂斷無故舉多名方顯所住之深與依
此示現方明所現之爲善

藏六

釋上

三業所

住不同一如實心即自性清淨心者勝鬘
起信等皆立此名莊嚴論第六云衆生於
無性及有可得此二處中互生怖畏爲遮
怖心而說頌云譬如清水濁穢除還本淨
自心淨亦爾唯離客塵故以說心性淨而
爲客塵染不離心真如別有性淨釋曰
後偈釋前偈上半合上半下半釋下半既
不離心真如別有性明知但是離於客
塵說之爲淨淨體即是自心即真如如此
自性淨心即如來藏亦是本來淨識故真
諦三藏說有九識第九名阿摩羅識若唐
三藏此翻無垢即第八名異名謂成佛時轉
第八識以成此識無別第九卷云若依密嚴經
心有八種或復有九又下卷云如來清淨
藏亦名無垢智即同真諦所立第九又真
諦三藏所翻決定藏論九識品云第九阿
摩羅識有二種一者所緣即是真如二者
本覺即真如智能緣即不空如來藏所緣
即空如來藏若據通論此二並以真如爲
體故起信一心二門生滅門中說其本覺

即真如門體無二也餘名隨釋可知故舉
多名者即上七名故收真如法界略有百
名權教最多言百名者謂法性不虛妄性
不變異性平等性離生性法定性住實性
不空界不思議界無對大真如實有空不
空性勝義配無相無爲正性記
中法位眞性無我眞實性心一
上法華品下眞識性眞法印云以觀
印華寂滅三淨土中名法性上三佛性中
中名法身三淨土中名法性上三佛性中
名自性住性五法中名如五藏中名皆
是謂法界藏法身藏出世間上藏自性清
淨藏如來藏四勝義中名勝義勝義亦通
證得及道理中藏諦增中名勝義勝義亦通
眞諦現觀七諦通達中名法性顯揚二種
般若中名實相般若三寶中名勝義勝義
解脫中名空增二果中名智果涅槃
中名性淨方便淨二諦中名眞諦勝義諦
三諦中名空諦淨王四諦中名滅諦或名
實諦顯揚名一諦或名中道或名解脫涅槃
中或以一百門顯解脫異名或名不二法
門或名無二無性或名實性或名實相或
名無量義亦名第一義諦亦名第一義空
上求衆名若在大乘權教中者但就理名
之若實教中或就即事之理即理之事事
事無礙然
皆通權實

入離分別無縛著法入最勝智眞實之法入

非諸世間所能了知出世間法此是菩薩善巧方便示現生相

二入離下總結三業中初句結心故無縛著次句結身即所住真如等三結前語即超諸世間等末句總結三業皆寂用無礙

疏六

故名善巧善現之名從斯而立

二十

佛子此菩薩作如是念一切眾生無性爲性一切諸法無爲爲性一切國土無相爲相一切三世唯有言說一切言說於諸法中無有依處一切諸法於言說中亦無依處

第二佛子下辨五明處三聚中決定善巧慧故於文中解世間法於中分三初以理會事二菩薩如是下事理無礙三永不下順理起悲今初文有六句一衆生緣生故說無性二法依真起故會歸無爲三國是

心之相分故四時依法以假言故五名無得物之功故若名在法中見義應知名故六物無當名之實故若法在名中聞名則應識義召火應當燒口故

名無得物之功者若依世俗名以召實實以當名故使命火不得於水命水不得於火今約真諦故平等無依此五

六句皆先標無依後若名在法等反以釋成如有一人雖先知有曾未相識忽然見面終不得知此是某人此爲見義不知名耳義即境義六中有人雖聞其名竟不識面召火不燒口明知名中無有義也亦應云言飯即應已飽等故智論四十七云凡有二法一者名字二者名義如火能照能燒是其義照是造色燒是火用二法和合名爲火也今聞火名不得照燒之義故無得物之功等

疏六

主

菩薩如是解一切法皆悉甚深一切世間皆悉寂靜一切佛法無所增益佛法不異世間法世間法不異佛法佛法世間法無有雜亂亦無差別了知法界體性平等普入三世二菩薩如是下明事理無礙文有七句初

一總顯甚深餘句別顯深相然世法與佛法實無二體假約事理以分其二故以五句顯非一異一世相即空故云寂靜二佛法平等故無增益三以理無不事故佛法不異世法事無不理故世法不異佛法四此全理之事與全事之理而事理不雜五各全收盡互無所遺故云亦無差別末句了前諸法同法界體故得鎔融普入三世橫豎該攝然世法者同一真如故無事非真事亦即如故云假約事理以分共二故以五句顯非一異者初二句當相以辨通非一異正是非一三一句正明不異四一句別明不一五亦無差別若約句即事事無礙第六了知總出所以若約漏無漏說爲世法佛法各具事理釋者一生死即涅槃故云世間寂靜二無有一法非佛法故更何所增三二法染淨雖殊同一真性故不相異四不壞相故無有雜亂

五皆是即理之事而各互收無遺即無差也六同一法界總顯所因若約漏無漏等皆通事理上初二句即是非一今約漏等初二句義却成非異以相即故三約同體四不壞事五事事無礙永不捨離大菩提心恒不退轉化衆生心轉更增長大慈悲心與一切衆生作所依處三永不下順理起悲謂無緣之悲以導前忘機之智入假化物初句爲總謂雖深入智慧不忘本心非如八地心欲放捨下三句別一不捨願炷二增大悲油三兼前智廣六光故堪爲依處非如八地者八地菩薩證無生忍便欲放捨利衆生事諸佛勸起令憶本願利益衆生是菩薩爾時復作是念我不成熟衆生誰當成熟我不調伏衆生誰當調伏我不教化衆生誰當教化我不覺悟衆生誰當覺悟我不清

淨衆生誰當清淨此我所宜我所應作

第三菩薩爾時下作一切有情義利慧於
中二先建攝生志二先人後已今初文有
五句成熟是總或因成果熟故或始末勸
獎故餘句是別一折伏二攝化三令悟本
性成大菩提四斷惑清淨得涅槃果

復作是念若我自解此甚深法唯我一人於
阿耨多羅三藐三菩提獨得解脫而諸衆生
盲冥無目入大險道爲諸煩惱之所纏縛如
重病人恒受苦痛處貪愛獄不能自出不離
地獄餓鬼畜生閻羅王界不能滅苦不捨惡
業常處癡暗不見真實輪迴生死無得出離
住於八難衆垢所著種種煩惱覆障其心邪
見所述不行正道菩薩如是觀諸衆生作是
念言若此衆生未成熟未調伏捨而取證阿

疏六

三三

耨多羅三藐三菩提是所不應我當先化衆
生於不可說不可說劫行菩薩行未成熟者
先令成熟未調伏者先令調伏

二復作下先人後已文分爲四一假設自
度二而諸衆生下觀物輪迴具業感苦三

菩薩如是下結所不應有二過故一違本

誓心二墮慳貪失此爲不可四我當下決

志先拔二墮慳貪失者法華第一云自證

乃至於一人我則墮無上道大乘平等法若以小乘化

是菩薩住此行時諸天魔梵沙門婆羅門一

切世間乾闥婆阿修羅等若有得見暫同住

止恭敬尊重承事供養及暫耳聞一經心者

如是所作悉不唐捐必定當成阿耨多羅三

藐三菩提是名菩薩摩訶薩第六善現行

第二是菩薩下顯行成益於中三業不空

是爲徧益終至菩提是究竟益

大方廣佛華嚴經疏鈔會本第十九之六

音釋

泄私列切 脇虛業切 屏士限切 搥古伯切 逢孚容切
與專於切 豬同縮退也 槌直錐切

大方廣佛華嚴經疏鈔會本第二十之一 踐七

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何等爲菩薩摩訶薩無著行

第七無著行體即方便體即方便者出依體下皆釋名

二方便由迴向故不住生死由拔濟故不

住涅槃俱無住故名爲無著先依唯識二方便釋唯識

但列不釋無性釋云方便善巧者謂不捨

生死而求涅槃是則說名方便善巧若以六波羅蜜多所集善根共諸有情

爲欲饒益諸有情故不捨有情當知即是

迴求無上正等菩提爲證無上佛菩提故

當知即是希求涅槃本業後四亦各有三

方便三者一進趣向果二巧會有無三一

切法不捨不受

初即迴向二由巧會故方能拔濟不捨不

受相同般若唯識唯明後得故不立之本

業約兼正不同不妨此一不捨不受下三

之由兼正之三皆善巧故俱無住著則不

二而二之悲智即二不二之一心是無著

也則不二下初合釋前二以二同唯識故

即大悲故此二相即故唯一心二即一有

是幻有無是真空幻有是不有有故即真

空真空是不空空故即幻有此二無礙故

名巧會如是相融故無所著有是幻有下

無著名有能起用空可觀察故皆不捨若

受有同凡夫受無同趣證故俱不受

佛子此菩薩以無著心於念念中能入阿僧

祇世界嚴淨阿僧祇世界於諸世界心無所

著

二釋相中大分爲二前明自分無著後明

勝進無著於自分中已舍前說二三方便

在文分三初唯明自行無著二何以下微釋所由後菩薩如是下類顯萬行前中又二先明淨境無著後見不淨下染境不嫌前中三一明嚴刹無著

往詣阿僧祇諸如來所恭敬禮拜承事供養以阿僧祇華阿僧祇香阿僧祇髮阿僧祇塗香末香衣服珍寶幢幡妙蓋諸莊嚴具各阿僧祇以用供養如是供養爲究竟無作法故爲住不思議法故於念念中見無數佛於諸佛所心無所著於諸佛刹亦無所著於佛相好亦無所著見佛光明聽佛說法亦無所著於十方世界及佛菩薩所有衆會亦無所著聽佛法已心生歡喜志力廣大能攝能行諸菩薩行然於佛法亦無所著

二往詣下於三寶無著於中初故事供佛

次如是下顯供所爲後於念念下別示無著之相義兼三寶及自進修皆無所著言念念者顯速而且多

此菩薩於不可說劫見不可說佛出興於世一一佛所承事供養皆悉盡於不可說劫心無厭足見佛聞法及見菩薩衆會莊嚴皆無所著

三此菩薩下長時無著

見不淨世界亦無憎惡

二明染境不嫌唯一句者染易捨故

何以故此菩薩如諸佛法而觀察故諸佛法

中無垢無淨無暗無明無異無一無實無妄無安隱無險難無正道無邪道

第二微釋中微意云欣淨惡穢人之常情菩薩如何不嫌不著釋意云不依佛慧淨

穢自生順法而觀二相安在故云如諸佛法而觀察故佛法即法界佛慧也

菩薩如是深入法界教化衆生而於衆生不生執著受持諸法而於諸法不生執著發菩提心住於佛住而於佛住不生執著雖有言說而於言說心無所著入衆生趣於衆生趣心無所著了知三昧能入能住而於三昧心無所著往詣無量諸佛國土若入若見若於中住而於佛土心無所著捨去之時亦無顧戀

第三類顯萬行若自若他皆無所著於中初句結前生後教化已下廣列所行言佛所住者即聖天梵等餘並可知

即聖天梵等後會當

菩薩摩訶薩以能如是無所著故

第二菩薩摩訶薩下勝進無著文分爲三初明自行二得授記已下利他三菩薩如是觀身下結行成滿今初分二先牒前自分

於佛法中心無障礙了佛菩提證法毘尼住佛正教修菩薩行住菩薩心思惟菩薩解脫之法於菩薩住處心無所染於菩薩所行亦無所著淨菩薩道受菩薩記

後於佛法下正顯勝進有十一句初總餘別總謂了達教理行果之法故別中一了

踐

四

果法謂佛菩提二了理法謂證法毘尼毘尼梵音具云毘奈耶此稱爲滅若律藏受名義兼調伏今云法滅通四種法皆有滅義謂教詮滅故行滅惑故果證滅故理本寂滅故今文上下既有餘三故此滅者即

埋滅也又與證義相應圓融教中此容證
故三住佛正教即了教法如所教住故四
修菩薩行下皆行法也三句隨相行行即
萬行心謂四等解脫即諸解脫門次二句
無相行住處即前教理及果所行即前萬
行等皆無染著也由此故能淨菩薩道堪
受記別謂證法毗尼等者又此證者亦了
知義故梵本具云蘇鉢唎味底多
達磨毗奈耶釋曰蘇者善也鉢唎味底多
了知也而譯人揀異上果果但了知理諦
證故約其四法但言是理對上菩提即是
涅槃涅槃即是性淨之理證即已為圓淨

得受記已作如是念凡夫愚癡無知無見無
信無解無聰敏行頑嚚貪著流轉生死不求
見佛不隨明導不信調御迷誤失錯入於險
道

第二大悲利他中二先增長大悲後要心

疏

五

拔濟前中又二先觀其所悲後增悲無著
前中又二先觀迷四諦故入於險道後觀
迷勝義故入於險道今初也初二句標起
念時凡夫已下辨所念境有十三句初總
餘別總謂迷於四諦皆曰愚癡先則總觀
者然約二
愚迷四諦理即是迷勝義愚即四重二諦
中第二重二諦今取第三重中勝義謂即
真如故與四不同別中前五彰迷後七顯
過前中一不知苦諦二不見集過三不信
性本寂滅四五不能修道一解二行後七
顯過一不見集過故頑嚚貪著即癡愛也
二由貪愛故受生死苦次不求見下四句
釋不修道初三缺道緣四由不信故迷正
道失本解以邪為正名為錯誤後一由前
不修故入險失滅上一句是凡
堯典注云心不則德義曰頑言不
道忠信曰嚚故頑即癡嚚是愛也

不敬十力王不知菩薩恩戀著住處聞諸法
空心大驚怖遠離正法住於邪法捨夷坦道
入險難道棄背佛意隨逐魔意於諸有中堅
執不捨

二不敬下明迷勝義故入於險道通於凡

小初二句離勝緣次二句缺勝因三有生
空皆爲住處怖法空者謂斷滅故故大般
若諸會之末善現皆愍衆生怖畏法空而
興問言云何令諸衆生悟諸法空佛言非
先有法後說爲無既非先有後亦非無自
性常空勿生驚怖遠離已下覆疏上義由
著處怖空故遠正住邪捨夷入險由離勝
緣故背佛隨魔執有不捨魔樂生死佛住
空故

菩薩如是觀諸衆生增長大悲生諸善根而

無所著

卷七

六

二菩薩如是下增長悲心結成無著

菩薩爾時復作是念我當爲一衆生於十方
世界一一國土經不可說不可說劫教化成
熟如爲一衆生爲一切衆生皆亦如是終不
以此而生疲厭捨而餘去又以毛端徧量法
界於一毛端處盡不可說不可說劫教化調
伏一切衆生於一毛端處一一毛端處皆亦
如是

第二菩薩爾時下要心拔濟以大悲隨逐
文分二別先起行後乃至下顯無著前中
亦二先明心無疲厭以無著故即大悲堅
固不以難化而厭捨之後又以下明其心
廣大謂一毛量處化多衆生法界皆爾是
爲廣大

乃至不於一彈指頃執著於我起我我所想

二顯無著中三初舉少況多

於一一毛端處盡未來劫修菩薩行不著身
不著法不著念不著願不著三昧不著觀察
不著寂定不著境界不著教化調伏衆生亦

復不著入於法界

次於一一下廣顯無著

何以故菩薩作是念我應觀一切法界如幻
諸佛如影菩薩行如夢佛說法如響一切世
間如化業報所持故差別身如幻行力所起
故一切衆生如心種種雜染故一切法如實
際不可變異故

後何以徵釋所以所以不著者後釋有
二意一稱深無相而與念故二廣徧虛空
起加行故前中無相難明寄以喻顯然此

諸喻通喻諸法如下本品今取義便各舉
其一則明前所見皆無相也初句爲總觀
事法界從緣如幻無實體故是以不著餘
句爲別一佛隨機現如影隨質故又現心
水故二菩薩行想念生故未大覺故三緣

成之聲故隨感有說故餘句經文自釋一

切法如實際者總結也

想念生故等者此有二意一要想念

方能起行如夢從想故智論云所聞見事多思惟念故夢見也二未大覺大覺是佛近而說之七地已前猶為夢行八地為覺八地之中無明未盡亦是夢境未斷夢與思想念無復諸大陰界入唯佛一人是故如來獨稱大覺

又前明法界如幻即體從緣後結一切法
如實際即事而寂世人皆謂實際不變而
謂諸法無常以其所知喻所不知故置如
言理實圓融世間之相即是常住
然古德以後七喻展轉釋疑一疑云世間

幻火不成燒用佛現益物豈同幻耶釋云
如影亦有應質蔭覆等義豈是實耶然諸
法喻各有三義一緣成義二無實義三有
用義意取無實故不著也二疑云若佛如
影菩薩何以起行往求因既不虛果寧非
實釋云如夢夢亦三義無體現實與覺爲
緣謂有夢走而驚覺故菩薩行亦爾證理
故空無明未盡故似實能與佛果爲緣勤
勇不已豁然覺悟如夢渡河三疑云若菩
薩行如夢何以經說此是菩薩行此是二
乘行釋云如響緣成無本稱聲大小聖教
亦爾機感無本隨機異聞四疑云果行可
然世間未悟此應是實釋云如化心業神
力所持無實有用五疑云若皆如化何有
差別之身釋云如幻六疑云身若如幻何

有報類不同釋云如心此二三義如前影
說七總結可知如夢渡河者即八地經七
云衆生既爾何故菩薩說法赴機故此釋
云所說法如實際即此言說常同實際故
今疏中將初為總將後實際以為總結所
以名為畧加添改餘義多同但是取意有
耳小異上來古德之釋既二經小異略加添
改然其所解似過穿鑿亦是一塗既二經
者晉經即云一切法界如幻諸佛法如電
善薩行如夢所聞法如響一切世界如化
業報所起如夢覺摩訶心身一切衆生猶如
畫像種種異形皆由心畫所說諸法皆如
實際釋曰此經亦有八喻唯如畫像以經
自合餘但有牒法為喻耳彼之電喻今改
為影彼摩訶摩喻今改為幻故有二幻此
亦是改亦是添義彼業報所起屬摩訶摩
所喻今將合化亦是改處又後四喻皆經
自釋即是添處經之添改總為小異添改
二字正約疏明波釋電云亦有破闢照明
等用今由為影改云亦有應質覆蔭等義
彼釋第四疑云果行等可使是空今世界
事廣此應為實由經以界為問則世間通
三世間故疏改別彼釋第五疑若世如化
何有彼因果有善惡具釋云業報生如幻
生彼疏釋摩訶摩云古德釋云摩訶摩者
重義即是重化今更問得三藏法師摩訶

學者此云意生亦云意成即是意生身也
彼身更起化故釋曰此三藏釋亦有重化
意耳但取文別彼釋第六牒疑則同今
之疏文釋云如畫像隨心壁有高下故

又作是念我當盡虛空徧法界於十方國土
中行菩薩行念念明達一切佛法正念現前
無所取著

二又作下徧周虛空起加行故所以不著
初明處廣念念明達彰其解廣正念現前
是不著因

菩薩如是觀身無我見佛無礙

第三結行成滿中分三初結自行成二爲

化下結利他行成三何以下徵釋雙結二
行成就

爲化衆生演說諸法令於佛法發生無量歡
喜淨信救護一切心無疲厭

二利他中三初總顯教化無疲

無疲厭故於一切世界若有衆生未成就未
調伏處悉詣於彼方便化度其中衆生種種
音聲種種諸業種種取著種種施設種種和
合種種流轉種種所作種種境界種種生種
種歿以大誓願安住其中而教化之

次無疲厭故下別示無厭之相其中施設

者隨方儀式異故和合者善惡緣會故餘

可知四施設者下隨難別釋而經云種種

即四生等又緣起經說三種生經中有一

茲芻問言世尊如是四種生身之相由生

老死有何差別釋曰四種生身之相者謂

名色六入觸受也經云世尊告曰此四種

生身之相若次第生若屬彼生若如是生

世尊云何次第生身之相世尊告曰於其

最初有下種生一從此無間有漸增生二

從此無間有出胎生三從此無間有漸長

生四既成長已受用言說能得生五即受

用生如是品類名次第生次明屬彼生經

云世尊此屬誰生世尊告曰蘊界處生都

無有我所以者何以此諸蘊等漸增長故其

性無常即無性法有此生相三明如是生

經云世尊云何而生世尊告曰由命根力

有髮時自分限沙故其性無常即無常法
如是而一生涅槃十二說五種生與上大同
南經十一經云生者出相所謂五種一者
初生二至終三增長四出胎五者
種類彼疏釋云初言生者出相總顯生義
下別顯中一初生者識文是其一報之始
故名為初報起名出二至終者名色增為
所依說以為終三增長者即前名色增為
六入此三胎中四出胎可知五種類者出
胎已後乃至老死一報之中運運新起皆
名為生釋曰然此五生即前次第生以彼
第三為此第四初生即下種至終即漸增
長即前漸長是胎內緣起經中在胎外小
樂增長意是胎內緣起經中在胎外小
有異耳經云種種沒者或延或促三種性
殊亦即九種身終緣起經中說六種死
云一者於此四生身中復有六種死
相一者究竟死二身中復有六種死
死四者不究竟死分差別相五者究竟死
分差別相六者時非時死彼釋曰究竟死
者謂業盡死不究竟死者翻上應知自相
死相者謂業不盡中隨緣多種究竟死分
差別相者謂業盡處中隨緣多種時非時
死相者謂八萬歲至十歲或依時命終或
依時命終涅槃十二云死捨所受身捨
所受身亦有二種一命盡死二外緣死命
盡死者亦有二種一者命盡非是福盡謂
正報雖亡依報猶在故二者福盡非是命
盡謂依報滅壞正報猶在三者福命俱盡

謂依正俱亡二外緣死亦有三種一者非
分自害二者橫為他害三者俱害又有三
種一者放逸死謂有謗大果方等般若波
羅蜜二者破戒死謂有毀犯去來現在佛
所制戒三者壞命根死謂捨
五陰身今此菩薩悉並委知
不令其心有動有退亦不一念生染著想
後不令下結成無著

何以故得無所著無所依故自利利他清淨
滿足是名菩薩摩訶薩第七無著行

三徵釋雙結可知

佛子何等為菩薩摩訶薩難得行

第八難得行體即是願

此菩薩成就難得善根難伏善根最勝善根
不可壞善根無能過善根不思議善根無盡
善根自在力善根大威德善根與一切佛同
一性善根

就釋相中文分二別前明自分行後明勝

進行然此二行各攝上求下化之願略無

神通

各攝上求下化等者以唯識中有二種願一求菩提願二利樂他願釋相

可知初即上求故本業有三願一自行願即是上求二神通願今經畧無三外化願後二皆下化願故舉上求下化即攝唯識二願本業三願以本業第二外化攝故

今初分四初明自行次辨利他第三雙結

二行動寂無礙第四雙非二行拂迹入玄

初中分三一明修成善根二顯善根行相

三行成利益今初也斯即起行所依善謂

順理益物根謂增上生長獲之在已故名

成就文有十句初總餘別總具後九受難

得名

此菩薩修諸行時於佛法中得最勝解於佛

菩提得廣大解於菩薩願未曾休息盡一切

劫心無疲倦於一切苦不生厭離一切衆魔

所不能動一切諸佛之所護念具行一切菩

薩苦行修菩薩行精勤匪懈於大乘願恒不退轉

二此菩薩下顯善根行相亦有十句如次

對前謂由得最勝解故受難得名等謂由

勝解者此有三釋初以亦可由有難得根

能有勝解二亦可由有難得下以又亦以

後一行成前十善隨前一善具後十行而

別配分明三又亦以後下通相釋成亦具

疏結從前義云別配分明

是菩薩安住此難得行已於念念中能轉阿

疏七

十二

僧祇劫生死而不捨菩薩大願若有衆生承

事供養乃至見聞皆於阿耨多羅三藐三菩

提得不退轉

三是菩薩下行成利益文中先結前後於

念念下顯益於中初自益能轉生死成大

智益不捨大願成大悲益若有已下顯能

益他由前自行成此能益未正利他

此菩薩雖了衆生非有而不捨一切衆生界

第二此菩薩下辨利他行文分爲三謂法

喻合今初謂有大智故了衆生非有則不

主

住生死有大悲故不捨衆生界則不住涅槃

槃大悲般若互相輔翼成無住道

譬如船師不住此岸不住彼岸不住中流而

能運度此岸衆生至於彼岸以往返無休息

故

二喻中初句喻能化次三句喻悲智不住

之行相後而能下三句喻不住之功能初

二句正喻功能以往返不息一句結能度

所以

菩薩摩訶薩亦復如是不住生死不住涅槃

亦復不住生死中流而能運度此岸衆生置

於彼岸安隱無畏無憂惱處亦不於衆生數

而有所著不捨一衆生著多衆生不捨多衆

生著一衆生不增衆生界不減衆生界不生

衆生界不滅衆生界不盡衆生界不長衆生

界不分別衆生界不二衆生界

三法合中二先正合後徵釋前中具合三

段生死即此岸涅槃合彼岸合上中流亦

言生死者以發心之後成佛之前十地三

賢尚居二死是以中流即是生死故云生

死中流非生死涅槃之中間名生死中也

文旨顯然晉譯失旨不應廣引

合上中流者疏文有

三一依疏釋意云中流亦合上生死故二非生死下結彈異釋先總標以古今皆謂二法中問故有問云中流不唯屬於此岸何以名生死中流晉經失旨者即破判定判定先舉向問後引古釋以晉譯失意古釋豈是晉經云譬如河水不至此岸不住

彼岸不斷中流故古釋非一苑公並引之
故今總非恐後誤解須知昔非今抄為引
一苑公云前不趣二處是離有後不住中
流是離無謂生死無處名斷中流不住無
故云不住中流也二賢首云如東流水不
住南岸不住北岸亦得說言不斷北岸中
流以中無別體約岸分故若爾南岸亦得
何以不言涅槃中流由所度生在此岸故
所以偏就生說而死而說而刊定具引竟
助釋之意乃有二初會文後釋義初中新
舊經本說喻不同謂舊經約河水不起兩
岸不斷中流為喻新經約船師不住兩岸
度眾生也新經約船師不住兩岸為喻
苦陸以無住悲智度眾生也問若爾本
豈有二耶答梵不是一由譯者異謂此
文雖云二河水意屬船師即是於能依靜
作所依聲就譯者若善文義則會意譯之
為船師若但知文有二種中流一者生死
義者即準此文中間處自別故此則存二
流謂兩岸中流如見者不絕生死故二者
名生死中流謂離此彼岸即為中流更無
處此則混二之中名涅槃中流如是知者
必證涅槃故今此喻中喻菩薩大智故不
住生死大悲故不住涅槃悲智唯一心
云爾釋曰上刊定意前會梵本雙出二經
之意及其答結成晉經失旨以從今經義
則善矣及後釋義還同古人以生死涅槃
皆有中流而以存二岸為生死中流亡二

岸為涅槃中流由不住故不存二岸是則
住於涅槃中流則不順不住中流之義故
疏並非諸釋有以煩惱為中流約其漂溺
云文旨顯然有以聖賢為中流約受生死之
從因說也有以中道為中流約觀行說並不應
人也有以中道為中流約觀行說並不應
住有煩惱以下重叙異釋為其義攸畧有
三義初一生公釋維摩意約其漂溺從
因說者疏為會取是生死因故與涅槃意
同二云有以賢聖為中流者即什公釋淨
名意約受下會釋三有以中道為中流者
肇公意也約觀下會釋並不應住總收諸
義意在不住若住煩惱不證涅槃豈能度
生住聖涅槃則無增進亦不能究竟度生
住中道則不契理安能成佛度生上
三皆屬生死故疏正釋理無不該 安隱
已下涅槃之德常故安隱樂故無畏我故
無憂淨則無惱亦不已下廣明以智導悲
合前往返無休息義謂由不住著故所以
往返運濟無休及顯法中非有不捨之義
謂非唯悲故不捨亦由了其非有無可捨
故則終日度而無度也初句總明不捨下

別有五對十句初一多對已化未化俱有
捨著二義思之二增減對化之成道生界
不減不從化者生界不增此約多人相望
三約一人果起不生惑盡非滅四謂空爲
盡謂有爲長五一對總結四對不亡並名
爲二今無分別契本不二亦由其非有
無可捨者即大
智不捨生死也已化未化者著已化者言
屬我故未化未屬故不著也著未化者是
所應化故已化
竟者故不著之
何以故菩薩深入衆生界如法界衆生界法
界無有二無二法中無增無減無生無滅無
有無無取無依無著無二

第二徵釋中文有兩番前番正徵不著後
番重徵前義今初也先徵意云現化衆生
有增有減而言不著其故何耶釋意云以
菩薩深觀生界同於法界無增等故所以

不著文中初二句總上句是不異義故云
如也下句是相即義故云無二後無二法
中下別彰無二之相即屬對上文無取依
著釋不分別餘文相顯此文昭著而未學
之徒但謂一分衆生不成佛故名不減生
界深可悲哉此文昭著下結彈法相師已
有此文但非究竟耳以生界有二義一性
義即衆生是法界義二者是性分義謂衆
生相若依究竟相即同性亦理平等彼但
取分義衆生成佛義則有減但不盡故言
無減即少分之義非
究竟理故可悲之
何以故菩薩了一切法法界無二故

第二番重徵意云何以生界即同法界釋
云一切諸法皆同法界豈獨衆生而不同
也

菩薩如是以善方便入深法界住於無相以
清淨相莊嚴其身了法無性而能分別一切

法相不取衆生而能了知衆生之數不著世
界而現身佛刹不分別法而善入佛法深達
義理而廣演言教了一切法離欲真際而不
斷菩薩道不退菩薩行常勤修習無盡之行
自在入於清淨法界

廣七

十六

第三菩薩如是下雙結二行動寂無礙亦
名無盡心行有法喻合法中十句初二牒
前起後既方便深入故性相無礙住於下
餘有八對正顯行相一約起行之身二了
法藥三識根緣四遊佛刹五達佛法六深
契離言不捨言說七無求離欲而萬行爰
修前七明即寂之用八常勤下一對明即
用之寂亦通顯所由由勤修故涉權入法
界故常寂

譬如鑽木以出於火火事無量而火不滅

二喻中木喻法界火喻所成身智火事喻
悲化無邊本火不滅喻身智常湛

菩薩如是化衆生事無有窮盡而在世間常
住不滅

三合可知

非究竟非不究竟非取非不取非依非無依
非世法非佛法非凡夫非得果

第四非究竟下雙非二行拂迹入玄者然
初自行云能轉生死而不捨大願已有權
實雙行而多明照體大智次利他之中既
云無住運濟則悲智相導而多似起用大
悲次復以導悲之智遣彼著心復似悲智
二心行有前後故第三段辨動寂雙行則
理無不盡而猶慮物謂二事不融故此明
形奪兩亡權實無寄豈唯十行菩薩修行

善巧彌顯功德林悲濟之深

然初自行下疏文有二先

總彰大意云菩薩慈悲重重顯悲智無礙故上四段四段別說一自行二化他三雙行四雙拂今明自行即有自他雙行雙行既俱義必不著即是雙拂從增科之顯菩薩悲深耳今初自行能轉生死即自行之實不捨大願即利他之權雖前科為四而今疏文乃有六節一即第一自行二而謂多明下起第二利他三而多似起用大

悲者亦是第二利他中微釋之文四然其復似悲智二心行有前後即生第三雙行五而猶慮物二事不融下生第四段上之四段皆初一句躡前起後六豈唯十行下結歎歎二菩薩一十行難得行用心之深即所說行二即功德林能說之人重重曲巧說斯文有五對十句然其所非之法即悲智

前權實二行且如究竟即實不究竟即權

今乃雙非者實即權故非究竟權即實故

非不究竟又但言非究竟非謂有不究竟

故亦非之是則借權以遣實實去而權亡

借實以破權權亡實不立言窮慮絕何實

何權體本寂寥孰非孰是唯蕭然無寄理

自玄會故辨雙非非有雙非可立唯蕭然無寄者

即肇公百論然雙非是遮雙是為照即遮序前已用竟

而照故雙非即是雙行即照而遮雙行即

為雙遣總前諸段理極於斯下諸句中皆

倣於此然雙非下三又融拂雙非雙非即第四段雙照即第三段融拂二段

成玄之入玄又即此第四段中初權實交微即是雙照後拂迹入玄釋即是雙非此

二方入玄矣又既融第三則已具前二故四門一致方顯深玄故下結云總前諸段

理極於斯下諸句者例下諸句諸句多唯明初權實交微一義故例今如初句知

二對所化能所取寂故非是取了知心行

故非不取三約化處不著世界故非是依

疏七

大

依刹現身故非無依亦約所證智無分別

而善入故四約化法深達義理故非世法

隨世語言故非佛法五證離欲際故非凡

夫不斷菩薩行故非得果

菩薩成就如是難得心修菩薩行時

第二菩薩成就下明勝進行文分爲二初明慧行後菩薩如是下辨悲行今初分二先牒前自行

不說二乘法不說佛法不說世間不說世間法不說衆生不說無衆生不說垢不說淨

說七

後不說已下正辨勝進行相皆即事入立

分四初總明離相無說

何以故菩薩知一切法無染無取不轉不退故菩薩於如是寂滅微妙甚深最勝法中修行時亦不生念我現修此行已修此行當修

此行不著蘊界處內世間外世間內外世間所起大願諸波羅蜜及一切法皆無所著

二徵釋以顯雙非釋意云所以不說者一無法可說故二菩薩於如是下明無心說謂不起念故

何以故法界中無有法名向聲聞乘向獨覺乘無有法名向菩薩乘向阿耨多羅三藐三菩提無有法名向凡夫界無有法名向染向淨向生死向涅槃

三何以故下轉釋無念所以無念者稱法界故故不說聲聞法等

何以故諸法無二無不二故

四假徵以顯雙運徵意云既無所著何以復修二利之行釋意云性相雙非故能雙運文有法喻合法中諸法無二故無說無著無不二故不妨起行

譬如虛空於十方中若去來今求不可得然非無虛空

二喻可知

菩薩如是觀一切法皆不可得然非無一切

法如實無異不失所作普示修行菩薩諸行
不捨大願調伏衆生轉正法輪不壞因果亦
不違於平等妙法

三合中皆顯性不礙相於中二先正明
普與三世諸如來等不斷佛種不壞實相深

入於法辨才無盡聞法不著至法淵底善能
開演心無所畏不捨佛住不違世法普現世
間而不著世間

後普與下辨功成德立勝進之相故晉經
此初有此菩薩言

菩薩如是成就難得智慧心修習諸行

第二辨悲行中分三一牒智顯悲悲假智
深所以先牒

於三惡趣拔出衆生教化調伏安置三世諸
佛道中令不動搖

二於三惡下正顯悲相

疏七

二十

復作是念世間衆生不知恩報更相讎對邪
見執著迷惑顛倒愚癡無智無有信心隨逐
惡友起諸惡慧貪愛無明種種煩惱皆悉充
滿是我所修菩薩行處

三復作是念下偏語化惡顯勝進相文中
三初明惡是所悲次明善非化境後徵釋
所由今初所悲中先明有違教之惑後貪
愛下明總具塵勞惑病既深方假醫救前
中不知恩報者必無敬養更相酬對則難

疏七

至

以訶責邪見執著則不受正教迷惑顛倒
所領不真愚癡無智爲說不知無有信心
絕於希向隨逐惡友必遠善人起諸惡慧
無由正解故難化也

設有知恩聰明慧解及善知識充滿世間我

不於中修菩薩行

二設有下善非化境可知

何以故我於衆生無所適莫無所冀望乃至不求一縷一毫及以一字讚美之言盡未來劫修菩薩行未曾一念自爲於已但欲度脫一切衆生令其清淨永得出離

三徵釋中初徵次釋後轉徵釋初徵意云菩薩化生理宜平等偏惡棄善其故何耶次釋意云菩薩於物無主定於親疎就於惑重偏是化境如母矜病子豈不等耶又若求名利應化知恩本爲淨他理應隨惡若棄惡從善魔攝持故若棄惡從善魔業攝持故者即五十八經說十種魔業中云捨惡性人遠懈忘者輕慢亂意譏嫌惡慧是爲魔業又云已得解脫已安隱者常樂親近而供養之未得解脫未安隱者不肯親近亦不教化是爲魔業即棄惡從善也

何以故於衆生中爲明導者法應如是不取不求但爲衆生修菩薩道令其得至安隱彼岸成阿耨多羅三藐三菩提是名菩薩摩訶薩第八難得行

三轉徵釋徵云菩薩衆生本不相預何爲長劫悲救無求釋意云諸佛菩薩法爾同導不爾不名爲明導故

大方廣佛華嚴經疏鈔會本第二十之一

音釋

頑屬五還切心不則德義之經爲頑適屬音的切莫通音的切縷力主切泯彈盡切剎力至切寬奴侯切傲如兩切

大方廣佛華嚴經疏鈔會本第二十之二 踐八

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何等爲菩薩摩訶薩善法行

第九善法行體即力度就文分三初徵名

發

二釋相三結歎今初唯識有二一思擇力

二修習力本業有三一報通力二修定通

力三變化通力唯識約修本業約用互舉

一邊由前二力爲機說法則成語意二業

之善法有本業三力則成身意二業之善

法以修定通即意業故依梁攝論由思擇

力能伏一切正行等所對治障令不起故

由修習力能令一切善行堅固決定既言

一切善行此則二力通三業善此位大同

九地是法師位善說法故

依梁論者正思諸法過失及功

德此思擇若得增勝自地惑所不能動體性堅強故名爲力修習力者心緣此法作觀行令心與法和合成一猶如水乳亦如熏衣

此菩薩爲一切世間天人魔梵沙門婆羅門

乾闥婆等作清涼法池攝持正法不斷佛種

二釋相中二前自分後勝進然此二段各

具二力至文當知亦有三力謂普知根緣

一音普應成就十身義該三通初自分中

先總明後別顯前中作清涼法池標也言

舍法喻謂如無熱惱池清淨無濁下二句

釋上句如也舍於德水故云攝持正法下

句以四辨才出願智等饒益衆生相續無

盡究竟入於一切智海名不斷佛種如彼

大池流出四河相續入海

得清淨光明陀羅尼故說法授記辯才無盡

得具足義陀羅尼故義辯無盡得覺悟實法

陀羅尼故法辯無盡得訓釋言詞陀羅尼故
詞辯無盡得無邊文句無盡義無礙門陀羅
尼故無礙辯無盡得佛灌頂陀羅尼灌其頂
故歡喜辯無盡得不由他悟陀羅尼門故光
明辯無盡得同辯陀羅尼門故同辯無盡得

種種義身句身文身中訓釋陀羅尼門故訓

釋

二

釋辯無盡得無邊旋陀羅尼故無邊辯無盡

二得清淨下別顯文分爲二初廣攝持正

法二此菩薩大悲下廣不斷佛種今初也

具十總持是攝持義十持爲體十辯爲用

初句爲總寂障鑒法名淨光明餘九爲別

初四即四辯才四持即池之德水四辯即

池之四口

四辨即喻者此中四河四口等

色象口流出銀沙合以義辨說一切義二
私陀河從金剛色師子口流出金剛沙合
以法辨說金剛句二信度河從金色牛口
流出金沙合以詞辨說隨順世間緣起四

轉弱河從瑠璃色馬口流出瑠璃沙合菩
薩摩訶薩亦復如是以無盡辨而無盡百
千億那由他不可說法等下別合云云何
菩薩四河一願智河二波羅蜜河三三昧
河四大悲河五即外力加辯智水灌心故
並如彼文
稱根令喜此即得辯之緣六即內力證辯
謂道契內心光明外徹此乃得辯之因也

七同類音辯此約順機八訓釋辯此約窮

法前四辯中但明通相文句此明曲盡其

源義身即當名身名所詮故體是名境義

即境義梵云得種種名身故九總顯深廣

持辯無邊旋有入空旋空入有等故無有

幾八

三

邊皆言無盡者稱法界故

此菩薩大悲堅固普攝衆生於三千大千世

界變身金色施作佛事隨諸衆生根性欲樂

以廣長舌於一音中現無量音應時說法皆

令歡喜

第二廣前不斷佛種中文分三別初總明
三業利生二假使下假設深勝三以得一
切下總釋所以前二含於四河今初即大
悲河大悲堅固標其體也悲紹佛種故首
明之普攝衆生正明不斷於三千下示其

攝相

假使有不可說種種業報無數衆生共會一
處其會廣大充滿不可說世界菩薩於彼衆
會中坐是中衆生一一皆有不可說阿僧祇
口一一口能出百千億那由他音同時發聲
各別言詞各別所問菩薩於一念中悉能領
受皆爲酬對令除疑惑如一衆會中於不可
說衆會中悉亦如是

二假設深勝於中有三即爲三河一大會
斷疑明問答成就處多大衆頓領頓酬由

具諸度故即波羅蜜河

復次假使一毛端處念念出不可說不可說
道場衆會一切毛端處皆亦如是盡未來劫
彼劫可盡衆會無盡是諸衆會於念念中以
各別言詞各別所問菩薩於一念中悉能領
受無怖無法無疑無謬

二復次下微細斷疑前直明大會異問能
答今乃云於一毛端處有不可說如前大
會多劫殊問一念能答不怖大衆不怯文
義決斷揀擇顯轉超勝是三昧力即三昧

釋八

四

河故下經云菩薩住此三昧於自身一一
毛孔中見不可說不可說佛刹微塵數諸
佛如來亦見彼佛所有國土道場衆會聽
法乃至云其諸衆生亦無迫隘何以故入
不思議三昧境界故彼約聽法此約答問

以之爲異餘義大同此約圓教普賢位中
故於地前有斯自在非三乘中得斯作用
而作是念設一切衆生以如是語業俱來問
我我爲說法無斷無盡皆令歡喜住於善道
復令善解一切言詞能爲衆生說種種法而
於言語無所分別假使不可說不可說種種
言詞而來問難一念悉領一音咸答普使開
悟無有遺餘

三而作是念下周徧斷疑上舉毛端多衆
猶有量故今明一切衆各具多言悉能答

故即願智河願智相導悲救無休故云作
念文中先顯多衆後假使下復顯多言
以得一切智灌頂故以得無礙藏故以得一
切法圓滿光明故具足一切智智故

第三總釋所以者所以得此四河廣利者

略舉四因此之四因或以一因成前四河

或以四因成其一河一他佛外加故二自

藏離礙故三所照法圓故四能照智具故

或各配屬同體悲加故見心性故諸度圓

故二智滿故或各配屬下上即通釋故或一因成四河等今此別配同

體悲加故即以他佛外加爲大悲河因二

見心性故即第二自藏離礙故自藏即是

如來藏性此即心性能觀心性名爲上定

故爲三昧河因三諸度圓故即第三所照

法圓故爲波羅塞河因四二智圓滿故即

第四能照智具故爲願智河因一切智是

根本智重言智者即後

得智後得智攝願故

佛子此菩薩摩訶薩安住善法行已

第二佛子此菩薩下明勝進行亦即是前

四河之相文分爲二初牒自分行成

能自清淨亦能以無所著方便而普饒益一

切衆生不見有衆生得出離者

二能自下正顯勝進文分爲四一辯四河

清淨之義

如於此三千大千世界如是乃至於不可說三千大千世界變身金色妙音具足於一切法無所障礙而作佛事

二如於此下辯四河入海無能障義於多

界中化無障故

佛子此菩薩摩訶薩成就十種身所謂入無邊法界非趣身滅一切世間故入無邊法界諸趣身生一切世間故不生身住無生平等法故不滅身一切滅言說不可得故不實身得如實故不妄身隨應現故不遷身離死此生彼故不壞身法界性無壞故一相身三世語言道斷故無相身善能觀察法相故

三佛子下辯此四河旋遶池義四菩薩成就下辨累劫入海無疲厭義三旋遶中謂

成就隨順身語意業智爲先導身語意業

四方流注入智海故隨順即是旋遶之義

三旋繞中下疏文有二先彰大意謂成就等即十定經文從隨順即是下疏釋旋繞之文中二先總標二所謂下列釋皆上句標名下句釋相勸此十身以爲五對一證

滅示生對二不生不滅對三非實非虛對

四不遷不壞對五一相無相對束此五對

不出體用一一對中體用對辦第一對體

用自體第二對體用之相第三對體用之

力第四對體用之性第五對體用之德今

初理無不證名入無邊法界世無不超名

爲非趣下釋中但釋非趣者謂若入法界

必滅世間若滅世間即入法界標釋相成

此即體之自體也二用無不徧故入無邊

法界隨類受身故云諸趣此言入者應往

之入不同上來證入之入釋文可知此即用之自體也第二對初不生身即前應用之身生而不生言住無生平等法者有二義一依體起用用不離體故二體之與用平等無生故此即用之相也後不滅身即

踐八

七

前體滅離言說故一因滅顯理理非滅故二寂滅之理離滅相故此即體之相也故上體滅現生之身即以不生不滅為相第三對體有何力得如實理離世俗之實也用有何力隨應而現不同塵也第四對用以何為性隨流應而不遷體以何為性即法界而無壞第五對體有何德過去無始未來無終現在非有故三世言斷用有何德體即無相能照法相故此十身不離體用用有聚義體具體依皆得名身

體外無用用即是體用外無體體即是用體即法性用即智應二既不二理智圓融唯一無礙法界之身體外無用下二融體應者兼融三隨相顯十以表無盡隨相顯身以為一體一乘圓融地前能爾四通妨難以下有離云地前未證何更有餘義如十地離得爾耶故為此答更有餘義如十地離世間品明此略舉成就隨順之身言身兼語意也十一即威勢者五指廣有本即是彼苦提身正覺無生故四即福德身福絕三際不可說故五即智身契實理故六即化身隨應現故七即力持身力持不變故八即法身法界性故九即相好莊嚴身十蓮華藏相同於一相周法界故十即願身願轉法故觀法相無相現相無所不周故經云毗盧遮那佛願力周法界一切國土中恒轉無上輪斯即十地中義會於離世間十佛同前十地已會十身然彼約佛身今約菩薩所得則望彼皆因以因望果故小有不同而圓融交徹故得例彼若不例彼當文自釋義亦無遺又顯十身五體五用謂威勢福德智法相好此五皆體餘五

為用體即是真用即是應
同真應二身融為一味

菩薩成就如是十種身為一切眾生舍長養
一切善根故為一切眾生救令其得大安隱
故為一切眾生歸與其作大依處故為一切
眾生導令得無上出離故為一切眾生師令
入真實法中故為一切眾生燈令其明見業
報故為一切眾生光令照甚深妙法故為
切三世炬令其曉悟實法故為一切世間照
令入光明地中故為一切諸趣明示現如來
自在故

四顯無疲厭謂四河入海累劫無疲菩薩
亦爾以普賢行願盡未來劫修菩薩行入
如來海不生疲厭是以廣顯與生為歸為
救等文中先牒前所成之身為益他之本
為一切下正顯成益句別有十在文可見

疏八

八

十地又明今略其要俗須委示故名為燈
真但高明故目為炬甚深則能所不二如
光合空為照為明但約入地示德為異
佛子是名菩薩摩訶薩第九善法行菩薩安
住此行為一切眾生作清涼法池能盡一切
佛法源故

三佛子已下結歎分二先結名後菩薩安
住下歎勝盡法源故以清涼法池即是行
體故標結皆舉顯中是其相

佛子何等為菩薩摩訶薩真實行

疏八

九

第十真實行文三同前初徵名者如本分
釋體即智度初徵名者即言行不虛故名
真實又稱二諦故按璣略云
二諦非如非相非非相故名為真實次經
即云誠諦之語等即釋名也體即智下不
出別今更略釋若約二智受用法樂成熟
有情並如行能說如說能行即是真實本

業有三一無相智即受用法樂二一切種智三變化智皆成熟有情下文入一切三昧真實相即受用法樂智知衆生種種想等即成熟有情知十力智是一切種不著一切世間解衆生無際即無相智我爲善

變化及示現如來自在神通即變化智更今答釋於中有三初依唯識二智而論但列其名無性釋云由施等六成立此智復由此智成立六種謂相教等種種品類是則名爲受用法樂由此妙智能正了知此施此忍進等如所聞法鏡益一切有情之類是則名爲鏡益有情智本業有三下二約本業便會上二智下文云下三依下經會上經論先會唯識論知十力智下會前木業

此菩薩成就第一誠諦之語如說能行如行能說

就釋相中文分三別第一總顯名體二別顯行相三結住行益今初初句總標後如

說下解釋謂言行相符故名誠諦誠實審諦即真實義疏實審諦者次下疏文引下經釋有金剛四語釋云真語無顛世諦故實語爲顯世諦修行有煩惱無煩惱及清淨相故於中實者此行煩惱此行清淨故如語者爲顯第一義相故不異語者顯第一義修行有煩惱及清淨故此有二義一約先誓自他二利決志具

修今如昔說決能行之亦如此行以爲他說故下文云我若先成則違本願等二約現修自他二行如所演說決定能行非數他寶故云如說能行亦如所證宣示於人不昧所知名如行能說二約見修者即由實語故所作皆成如涅槃第三十一說昔與調達二人入海採寶船破二人不死調達悲泣我有二珠分一與之又貪一珠遂刺我目我時呻吟有一女人問我我即具答女人問言汝名何等我即答言我名實語彼云誰信我即答言我於提婆達多無惡心者令我兩目平復如故言訖如故忍辱仙人亦同此例同在此卷又如說能行亦是如語如行能說即不異語也

此菩薩學三世諸佛真實語入三世諸佛種性與三世諸佛善根同等得三世諸佛無二語隨如來學智慧成就

第二此菩薩學三世下別顯行相文分一別先標章後依章別釋今初文有五句一

稱實演法師子吼故二深住實相契一性故三二利善根等同佛故四得如說行同本誓故五學佛十力智已成故

此菩薩成就知衆生是處非處智去來現在業報智諸根利鈍智種種界智種種解智一

切至處道智諸禪解脫三昧垢淨起時非時智一切世界宿住隨念智天眼智漏盡智而不捨一切菩薩行何以故欲教化一切衆生悉令清淨故

第二此菩薩成就下依章別釋從後倒釋

即分五段第一釋智慧成就文中三初顯所成十力言時非時者垢淨之時不同化不化時別故次而不捨下得果不捨因後何以下徵釋所以十力化生之智故須得之令物清淨故須不捨因行

此菩薩復生如是增上心若我不令一切衆生住無上解脫道而我先成阿耨多羅三藐三菩提者則違我本願是所不應是故要當先令一切衆生得無上菩提無餘涅槃然後成佛何以故非衆生請我發心我自爲衆生作不請之友欲先令一切衆生滿足善根成一切智是故我爲最勝不著一切世間故我爲最上住無上調御地故我爲離翳解衆生無際故我爲已辦本願成就故我爲善變化菩薩功德莊嚴故我爲善依怙三世諸佛攝

受故

第二此菩薩復生下釋得三世諸佛無二語文中三初反舉違誓自誠不應次是故下順釋要當先人後已後何以下徵釋所由徵有二意一云何以違誓是所不應二

云何以要須先人後已釋此二徵即分二別初釋前徵云由先許故不與則違先誓不請強許今之不與豈是所應後是故下釋第二徵菩薩之道必先人後已不爾豈得名最勝耶文有六句當句自釋不俟繁文

此菩薩摩訶薩不捨本願故得入無上智慧莊嚴利益衆生悉令滿足隨本誓願皆得究竟於一切法中智慧自在令一切衆生普得清淨念念徧遊十方世界念念普詣不可說

不可說諸佛國土念念悉見不可說不可說諸佛及佛莊嚴清淨國土示現如來自在神力普徧法界虛空界

第三此菩薩摩訶薩不捨下釋同佛善根本誓智慧皆究竟故文中二先標德成滿二於一切下別顯同相一意業智慧同二念念下身業神通同

此菩薩現無量身普入世間而無所依於其身中現一切刹一切衆生一切諸法一切諸佛

第四此菩薩現無量身下釋入佛種性於中二一約身明入入世無依又身中現刹皆得性融故

此菩薩知衆生種種想種種欲種種解種種業報種種善根隨其所應爲現其身而調伏

之

二此菩薩知衆生下智入種性於中二初入悲種性知根善化故

觀諸菩薩如幻一切法如化佛出世如影一切世間如夢得義身文身無盡藏正念自在

疏八

十三

決定了知一切諸法智慧最勝入一切三昧

真實相住一性無二地

二觀諸菩薩下入智種性窮實相故故結句云住一性無二地以此智性導前悲性

成無住道是爲如來無二之性文中初會

緣入實次得義身下依實了相後智慧最

勝下性相無二文有三句初句約智則雙

照性相次句約定動寂契真後句釋成並

由住無二性

菩薩摩訶薩以諸衆生皆著於二安住大悲

修行如是寂滅之法

第五菩薩摩訶薩以諸下釋學三世諸佛真實語文中二先牒前起後衆生著二不能悲智雙遊菩薩即寂修悲故得不二

得佛十力入因陀羅網法界成就如來無礙解脫人中雄猛大師子吼得無所畏能轉無礙清淨法輪得智慧解脫了知一切世間境界絕生死迴流入智慧大海爲一切衆生護持三世諸佛正法到一切佛法海實相源底後得佛十力下成果起用顯實語相能師

子吼轉法輪故結云知實相源方爲實語也文中大同十地窮佛所得圓融教中位位果滿故窮法實相謂如是性相體力等皆盡源故餘句可知

窮法等者即法華經云唯佛與佛乃能究竟諸法實相所謂諸法如是相如是性如是體如是力如是作如是因如是緣如是

果如是報如是本末究竟等此之十句天台十法界一界中復具十界互攝故十界便成百界界各十如即有千如更分一界各有三界一衆生世間二五陰世間三器世間便成三千世間彼宗以此爲法華經樞要最玄後明知見但舉能知耳思大師三種讀此十如一以如是爲頭云如是相爲一句如是性爲二句等即約假觀觀十別相故二云所謂諸法如爲一句是相如爲二句以如字爲空即成空觀

三以如是字爲末云謂諸法如是爲一句相如是爲二句等以如是爲中道觀一家之意理無不通

菩薩住此真實行已一切世間天人魔梵沙

門婆羅門乾闥婆阿脩羅等有親近者皆令

開悟歡喜清淨

第三菩薩住此下結行成益

是名菩薩摩訶薩第十真實行

第三結名並如文顯說分已竟

爾時佛神力故十方各有佛刹微塵數世界六種震動所謂動徧動等徧動起徧起等徧

卷八

十四

起踊徧踊等徧踊震徧震等徧震吼徧吼等徧吼擊徧擊等徧擊雨天妙華天香天末香天鬘天衣天寶天莊嚴具奏天樂音放天光明演暢諸天微妙音聲

大文第六爾時已下顯瑞證成分文分二

別一瑞證二人證前中先此會

如此世界夜摩天官說十行法所現神變十方世界悉亦如是

後如此下結通

復以佛神力故十方各過十萬佛刹微塵數

卷八

十五

世界外有十萬佛刹微塵數菩薩俱來詣此土充滿十方語功德林菩薩言佛子善哉善哉善能演說諸菩薩行我等一切同名功德林所住世界皆名功德幢彼土如來同名普功德我等佛所亦說此法衆會眷屬言詞義

理悉亦如是無有增減

二復以下人證亦先此界十住一萬此云
十萬表位增故前現瑞中亦應云十方各
有十萬文無者略餘義已見十住之末
佛子我等皆承佛神力來入此會爲汝作證
十方世界悉亦如是
後佛子我等下結通

大方廣佛華嚴經疏鈔會本第二十之二

音釋

怯乞協切謹入聲畏懼也 謬靡切 樞春朱切契會之處曰樞

大方廣佛華嚴經疏鈔會本第二十之三 踐九

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時功德林菩薩承佛神力普觀十方一切

衆會暨於法界欲令佛種性不斷故欲令菩

薩九

薩種性清淨故欲令願種性不退轉故欲令

行種性常相續故欲令三世種性悉平等故

欲攝三世一切佛種性故欲開演所種諸善

根故欲觀察一切諸根故欲解煩惱習氣心

行所作故欲照了一切佛菩提故而說頌曰

第七重頌分中分二初說偈儀意先彰說

儀後欲令下說意意有九句初總餘別別

中一淨治因性二不退願性三行性續願

四以真性導行五上攝果性六開已修性

即十行所習七觀所化性八照當果性

一心敬禮十力尊離垢清淨無礙見境界深
遠無倫匹住如虛空道中者

二正說偈辭總有一百一頌大分爲三初
之一頌總申歸敬次九十六頌正頌前文

三有四頌結歎深廣今初也將申偈頌再

展敬心初四字申敬十力下顯德十力智

德次句斷德次句恩德衆生爲境故末句

通喻三德智廣感淨悲深遠故

過去人中諸最勝功德無量無所著勇猛第

一無等倫彼離塵者行斯道

現在十方諸國土善能開演第一義離諸過

惡最清淨彼無依者行斯道

未來所有人師子周徧遊行於法界已發諸

佛大悲心彼饒益者行斯道

第二正頌前文大分爲二初十一偈頌前

本分後八十五偈頌前說分然十住頌文則舉其次第今沒其次第直云行斯道者略有四義一前則約位始終行布而說今將融會前說今無始終欲顯一位之中具行諸行一行之中具一切故二前約別行

疏九

二

三世所有無比尊自然除滅愚癡暗於一切法皆平等彼大力人行此道後一總說各初三句辯德後句結德能通所行諸文行斯道言皆做於此普見無量無邊界一切諸有及諸趣見已其心不分別彼無動者行斯道法界所有皆明了於第一義最清淨永破瞋慢及愚癡彼功德者行斯道於諸衆生善分別悉入法界真實性自然覺悟不由他彼等空者行斯道

疏九

三

見靡有遺彼論師子所行道

一切句義皆明了所有異論悉摧伏於法決定無所疑彼大牟尼行此道

後七頌行體中然文旨包含略爲二解一頌行體二頌加之所爲然所爲正爲十行

義旨不殊故得同頌配文少異分爲二解先配行體文分爲四初一頌總顯不可思議故云心無分別彼無動故二一頌頌前與法界等等法界有三義所有皆明了等事法界次句等理法界此二無二等無礙

法界由此等故能破惑成德三有二偈頌等虛空界等空五義初偈顯二謂空無分別而顯萬像菩薩亦爾入實自悟則無分別不礙分別於諸衆生故結云等空由入法界故等虛空二界相成故舉入法界後

偈顯三義一等空廣大初二句顯示二等空清淨三等空不可壞第三句顯由等虛空是勝寂靜名曰牟尼四有二偈頌前菩薩行初偈總舉自分之行後二即勝進之行二以此文頌加所爲雖開合不同依次不亂初偈頌前爲增長佛智前半所觀後半能觀次偈頌深入法界餘如前釋三中初句頌了知衆生界次二句頌所入無礙四中頌所行無障往諸國土則身無障說法清淨則自行無障異論不壞則外無障第五偈頌得無量方便以願行等皆善修故六中頌攝取一切智性無邊一切地即智地故十地之智同佛智故歎勝可知七中初句頌覺悟一切法次句知一切諸根隨宜摧伏次句即持說一切法也

遠離世間諸過患普與衆生安隱樂能爲無

等大導師彼勝德者行斯道

恒以無畏施衆生普令一切皆欣慶其心清

淨離染濁彼無等者行斯道

意業清淨極調善離諸戲論無口過威光圓

滿衆所欽彼最勝者行斯道

入真實義到彼岸住功德處心永寂諸佛護

念恒不忘彼滅有者行斯道

遠離於我無惱害恒以大音宣正法十方國

土靡不周彼絕譬者行斯道

檀波羅蜜已成滿百福相好所莊嚴衆生見

者皆欣悅彼最勝慧行斯道

第二遠離下頌前說分十行即爲十段第

一六偈頌歡喜行文分四別初一財施財

去聖過安隱他故次二偈無畏施前偈修

因後偈得果次二偈法施後一頌總結因

圓果滿言百福者涅槃二十四云五品心

修十善謂下中上上上各十善成五

十始修終修故成百福然十善之中不殺

不瞋是無畏施不盜不貪是財施離口四

過不姪不癡是法施故具上三施成百福

果

智地甚深難可入能以妙慧善安住其心究

竟不動搖彼堅固行行斯道

法界所有悉能入隨所入處咸究竟神通自

在靡不該彼法光明行此道

諸無等等大牟尼勤修三昧無二相心常在

定樂寂靜彼普見者行斯道

微細廣大諸國土更相涉入各差別如其境

界悉了知彼智山王行此道

意常明潔離諸垢於三界中無所著護持衆
戒到彼岸此淨心者行斯道

第二智地下頌饒益行五偈分四初偈律
儀謂有智能護心不動故是菩薩律儀次
二攝善三有一偈饒益有情舉處攝人後

偈總結三聚

智慧無邊不可說普徧法界虛空界善能修
學住其中彼金剛慧行斯道

三世一切佛境界智慧善入悉周徧未嘗暫
起疲厭心彼最勝者行斯道

善能分別十力法了知一切至處道身業無
礙得自在彼功德身行此道

十方無量無邊界所有一切諸衆生我皆救
護而不捨彼無畏者行斯道

第三智慧下無遠逆行四頌中三初一諦

疏九

六

察法忍次二安受苦忍一引他勵已以策
修二引所成德以進道後一頌耐怨害忍
遇害無惱但增救心

於諸佛法勤修習心常精進不懈倦淨治一
切諸世間彼大龍王行此道

了知衆生根不同欲解無量各差別種種諸
界皆明達此普入者行斯道

十方世界無量刹悉往受生無有數未曾一
念生疲厭彼歡喜者行斯道

普放無量光明網照耀一切諸世間其光所

照入法性此善慧者行斯道

震動十方諸國土無量億數那由他不令衆
生有驚怖此利世者所行道

第四於諸下無屈撓行五偈分三初二頌
前攝善精進亦名加行初半偈即頌第一

精進等十句次句即頌前離過十句後偈
頌前所爲次一頌被甲精進爲物受苦心
無厭等後二偈頌利樂精進

善解一切語言法問難酬對悉究竟聰哲辯
慧靡不知此無畏者所行道

善解覆仰諸國土分別思惟得究竟悉使往
於無盡地此勝慧者所行道

第五善解下頌離癡亂行二頌中三初一
頌現法樂住於中前半頌能持色法言說
等後半通頌前無癡亂等七句次半偈頌
引生功德禪了一切法無有邊際得一切
法真實智慧故云得究竟也後半偈頌饒
益有情中我當令一切衆生乃至究竟無
餘涅槃即無盡地

功德無量那由他爲求佛道皆修習於其一

切到彼岸此無盡行所行道

超出世間大論師辯才第一師子吼普使群
生到彼岸此淨心者所行道

第六功德下二頌頌善現行

六善現行二
偈中初偈頌

前正辯三諦次半頌依智起悲後半頌行
成益物然皆有無對辯具三諦義古將初
半爲加行次半根本後偈後得然取攝論
之文論依六度似不會般若兼正明義理
則可通前文既依本
業今頌不可錄舊

諸佛灌頂第一法已得此法灌其頂心恒安

住正法門彼廣大心行此道

一切衆生無量別了達其心悉周徧決定護

持佛法藏彼如須彌行此道

能於一一語言中普爲示現無量音令彼衆

生隨類解此無礙見行斯道

一切文字語言法智皆善入不分別住於真

實境界中此見性者所行道

第七四偈頌無著行對前思之

第七四偈頌無著行

初偈即二方便中如向善巧三方便中造趣向果已得灌頂是向果故次二偈即接濟善巧次半偈即巧會有無謂善入文字是會有也不分別者是會無也後半一切法不捨不受若配經文初偈頌淨菩薩道受菩薩記而無所著次偈頌悲念衆生後二偈頌前於一切世間成熟衆生前約所化種種音等此約變化一音隨類前令所化不著此即

能化不著

安住甚深大法海善能印定一切法了法無

相真實門此見實者所行道

一一佛土皆往詣盡於無量無邊劫觀察思

惟靡暫停此匪懈者所行道

無量無數諸如來種種名號各不同於一毛

端悉明見此淨福者所行道

一毛端處見諸佛其數無量不可說一切法

界悉亦然彼諸佛子行斯道

無量無邊無數劫於一念中悉明見知其修

促無定相此解脫行所行道

能令見者無空過皆於佛法種因緣而於所

作心無著彼諸最勝所行道

那由他劫常遇佛終不一念生疲厭其心歡

喜轉更增此不空見所行道

盡於無量無邊劫觀察一切衆生界未曾見

有一衆生此堅固士所行道

第八安住下八偈頌難得行分五初一偈

即自行之願次四神通次一外化次一求

菩提後一成熟有情若屬經文初四偈頌

前於佛法中得最勝解等十句二無量下

三偈頌自行成益第三一偈頌前利他不

捨一衆生著多衆生等

第八安住下八頌中言頌最勝等十

句者於中初句頌廣大解次二句頌決定解第二偈除發念一句頌餘七句後之二偈頌佛護念以明見故得護念也二無量下三偈頌自行中初偈即能轉多劫生死

後二即見者不空初偈辯不空之果
後偈辯不空之因由見佛無狀故

修習無邊福智藏普作清涼功德池利益一

切諸群生彼第一人行此道

法界所有諸品類普徧虛空無數量了彼皆

依言說住此師子吼所行道

能於一一三昧中普入無數諸三昧悉至法

門幽奧處此論月者行斯道

忍力勤修到彼岸能忍最勝寂滅法其心平

等不動搖此無邊智所行道

於一世界一坐處其身不動恒寂然而於一

切普現身彼無邊身行此道

無量無邊諸國土悉令共入一塵中普得包

容無障礙彼無邊思行此道

第九修習下六頌頌善法行初一修習力

次一思擇力次二修定通次一報得通後

一變化通若屬經文初偈頌釋名前半攝

持正法後半不斷佛種亦大悲河次偈即

波羅蜜河問答成就次偈即三昧河前舉

三昧之用此約三昧之體次一即願智河

次一十身體用後一即示現如來自在

了達是處及非處於諸力處普能入成就如

來最上力彼第一力所行道

過去未來現在世無量無邊諸業報恒以智

慧悉了知此達解者所行道

了達世間時非時如應調伏諸衆生悉順其

宜而不失此善了者所行道

第十了達下四十三偈頌真實行文分爲

六第一三偈頌得十力

善守身語及意業恒令依法而修行離諸取

著降衆魔此智心者所行道

於諸法中得善巧能入真如平等處辯才宣說無有窮此佛行者所行道

陀羅尼門已圓滿善能安住無礙藏於諸法界悉通達此深入者所行道

二善守下三偈頌得三世諸佛無二語初

疏文

偈正明依法修行即無二語餘二偈頌我

爲最勝等

我爲最勝等二偈即最勝義謂善入平等及達法界不取著故

三世所有一切佛悉與等心同智慧一性一相無有殊此無礙種所行道

已扶一切愚癡膜深入廣大智慧海普施衆

生清淨眼此有目者所行道

已具一切諸導師平等神通無二行獲於如來自在力此善修者所行道

徧遊一切諸世間普雨無邊妙法雨悉令於義得決了此法雲者所行道

疏九

十二

能於佛智及解脫深生淨信永不退以信而生智慧根此善學者所行道

能於一念悉了知一切衆生無有餘了彼衆生心自性達無性者所行道

三六偈頌同佛善根

同佛善根者初偈頌最上同一佛性是謂

善故次偈頌離繫次三偈頌已辦及善變化後偈頌爲依怙與佛化他故

法界一切諸國土悉能化往無有數其身最妙絕等倫此無比行所行道

佛刹無邊無有數無量諸佛在其中菩薩於彼悉現前親近供養生尊重

菩薩能以獨一身入於三昧而寂定令見其身無有數一一皆從三昧起

菩薩所住最深妙所行所作超戲論其心清淨常悅樂能令衆生悉歡喜

諸根方便各差別能以智慧悉明見而了諸

根無所依調難調者所行道

能以方便巧分別於一切法得自在十方世界各不同悉在其中作佛事

諸根微妙行亦然能爲衆生廣說法誰其聞者不欣慶此等虛空所行道

智眼清淨無與等於一切法悉明見如是智

慧巧分別此無等者所行道

所有無盡廣大福一切修行使究竟令諸衆

生悉清淨此無比者所行道

善勸修成助道法悉令得住方便地度脫衆

生無有數未曾暫起衆生想

一切機緣悉觀察先護彼意令無諍普示衆

生安隱處此方便者所行道

四法界下十一偈頌入佛種性於中分二

初三偈頌身入餘頌意入於中初四頌入

悲種性後智眼四九下四頌頌入智種性十二

成就最上第一智具足無量無邊智於諸四

衆無所畏此方便智所行道

一切世界及諸法悉能徧入得自在亦入一

切衆會中度脫群生無有數

十方一切國土中擊大法鼓悟群生爲法施

主最無上此不滅者所行道

一身結跏而正坐充滿十方無量刹而令其

身不迫隘此法身者所行道

能於一義一文中演說無量無邊法而於邊

際不可得此無邊智所行道

於佛解脫善修學得佛智慧無障礙成就無

畏爲世雄此方便者所行道

了知十方世界海亦知一切佛刹海智海法

海悉了知衆生見者咸欣慶

或現入胎及初生或現道場成正覺如是皆
令世間見此無邊者所行道

無量億數國土中示現其身入涅槃實不捨
願歸寂滅此雄論者所行道

堅固微密一妙身與佛平等無差別隨諸眾

疎九

生各異見一實身者所行道

十三

法界平等無差別具足無量無邊義樂觀一

相心不移三世智者所行道

於諸眾及佛法建立加持悉究竟所有持
力同於佛最上持者行斯道

神足無礙猶如佛天眼無礙最清淨耳根無

礙善聽聞此無礙意所行道

所有神通皆具足隨其智慧悉成就善知一

切靡所儔此賢智者所行道

其心正定不搖動其智廣大無邊際所有境

界皆明達一切見者所行道

已到一切功德岸能隨次第度眾生其心畢
竟無厭足此常勤者所行道

三世所有諸佛法於此一切咸知見從於如
來種性生彼諸佛子行斯道

隨順言詞已成就乖違談論善摧伏常能趣

向佛菩提無邊慧者所行道

五成就下十八偈頌學三世諸佛真實語

得佛十力等如文思之

頌得佛十力等如文思之者一偈頌

得佛加次一超頌轉法輪次二頌無礙解脫次一偈半頌智慧解脫後半偈却頌雄

猛無畏次一偈頌了知世間境界智海法

海即智正覺世間次或現已下四偈絕生

死迴流初二偈八相明絕生身故方能現

生次一偈非生死身方能現身故一偈頌

入智慧大海樂觀不移是入義故次於諸

下三偈頌護持其無礙意即他心通神通具足

並可知

六通護持其無礙意即他心通神通具足

兼宿命漏盡次其心正定下四偈頌到實

相源底餘

一光照觸無涯限十方國土悉充徧普使世
間得大明此破暗者所行道
隨其應見應供養爲現如來清淨身教化衆
生百千億莊嚴佛刹亦如是

六一光下二頌頌益物不空

釋九

十四

爲令衆生出世間一切妙行皆修習此行廣
大無邊際云何而有能知者

假使分身不可說而與法界虛空等悉共稱
揚彼功德百千萬劫無能盡

菩薩功德無有邊一切修行皆具足假使無
量無邊佛於無量劫說不盡

何況世間天及人一切聲聞及緣覺能於無
量無邊劫讚歎稱揚得究竟

第三大段四偈結歎深廣文顯可知

大方廣佛華嚴經疏鈔會本第二十之三

音釋

撓

切女巧

扶

一決挑也

翳

於翳

翳也

大方廣佛華嚴經疏鈔會本第二十二一踐十

唐于闐國三藏沙門實叉難陀譯

唐清涼山大華嚴寺沙門澄觀撰述

十無盡藏品第二十二

初來意者總有五義一為答前第二會初

藏十

十藏問故二前明正位今依位起行故同

梵行品三前約位別行今辨始終通行故

四前明成位行今辨淨治彼行故同十地

中信等十行五前自分究竟今辨勝進趣

後同上明法準問應在十迴向後今此辨

者略有二義一云藏有二義約蘊攝義在

十行後約出生義在十地前義通二處問

答互顯一云迴向無別自體但以能迴前

行為其自體今十藏既為十行勝進亦為

迴向勝進故迴向後無別勝進此即前後

互舉顯義方備然明法品及第五迴向皆

有十藏隨三賢異故不相濫又前是勝進

所成後是一位之果今通為勝進故意旨

不同準問下釋上問前却妨二義通之然

明法下會差別有二義釋初以位揀

前明法即勝進所成者是勝進家果故故

經云菩薩滿足如是願時即得十種無盡

藏所謂普見諸佛無盡藏二總持不忘無

盡藏三決了諸法四大悲救護五種種三

昧六滿衆生心廣大福德七演一切法甚

深智慧八報得神通九住無量劫十入無

邊世界無盡藏後是一位之果者以是第

五迴向之果故經云菩薩住此迴向得十

種無盡藏所謂見佛無盡藏於一毛孔見

阿僧祇諸佛出興於世故等其中各有同

劣有異

二釋名者藏是出生蘊積之義謂一藏內

體合法界故攝德出用一一無盡寄圓顯

十即帶數釋也

三宗趣者十藏為宗攝前生後得果為趣

爾時功德林菩薩復告諸菩薩言佛子菩薩

摩訶薩有十種藏過去未來現在諸佛已說
當說今說

四釋文中大分四別第一唱數顯同二徵
名列異三依名廣釋四總歎勝能今初三
世同說顯勝令導

何等爲十所謂信藏戒藏慙藏愧藏聞藏施

藏慧藏念藏持藏辯藏是爲十

二何等下徵名列異藏如前解信等對藏
皆持業釋心淨名信制止名戒崇重賢善
爲慙輕拒暴惡爲愧餐教廣博爲聞輟已

惠人爲施決擇諸法名慧令心明記爲念

任持所記爲持巧宣所持爲辯各有業用

各有業用者如信以能除不信濁爲業戒
以遮防破戒藏爲業慙以對治無慙止息
惡行爲業愧以對治無愧止息惡行爲業
聞以能破無知爲業施以止慳爲業慧以
破癡爲業念以治忘念爲業持以治忘失
爲業辯以治於謬訥爲業然念慧

及戒慙愧等五皆當體爲性餘五行用立
名此約隨相若就融通皆順法界之行良
以法界性自清淨離過等故隨義說十然
約隨相前九自利後一利他通皆具二
信爲行本故首明之依信離過慙愧莊嚴

戒行光潔上三離過之行餘皆進善進善
之首必藉多聞如聞而行唯福與慧念使
增明持令經久辯以利他故前七即七聖
財慧爲正導故終辯之次二守護後一積
而能散

佛子何等爲菩薩摩訶薩信藏

第三依名廣釋十藏即爲十段信中有四
謂徵名釋相結名辨益辨益一種唯初七
十餘之七段文但有三今初段中初徵可
知

此菩薩信一切法空信一切法無相信一切法無願信一切法無作信一切法無分別信一切法無所依信一切法不可量信一切法無有上信一切法難超越信一切法無生

釋中分三初明信相次若菩薩下明信力

三此菩薩入佛下總結信成今初也十句爲四初三三空信所執無相謂情有理無名空空亦無相空無相故無所願求次三信依他無生一緣起無作二不實故無能所分別三無體故無所依次三信圓成無

性一廣無邊量三勝故無上三深不可越

初三三空等者意以前九別約三性後一總融前中即依三性信無三性此初信所執過計所執性云無相者即相無自性性二依他無生無生即生無自性性三圓成無性無性即勝後一總信三性無生如初義無自性性

會辨則十皆無生並通三性如一無生觀

但信依他無徧計人法自然之生性則是

無性圓成餘例此知前後一總信三性總融前九文中有三一指

前即第二經清淨功德眼自在天王得知一切法不生不滅不來不去無功用行解

脫門廣如前說則十皆無生者一即空是無生義二無相是無生義三無願是無生

義四無作是無生義等並通三性者此有二義一空等通三謂過計空依他空圓成

空等乃至三性難超越二無相無生無性亦通三性下疏依後義作一重云如一無

生若作無相應云但信依他無過計之相則是圓成之性是故

悟圓成之性是故結云餘例可知

若菩薩能如是隨順一切法生淨信已聞諸

佛法不可思議心不怯弱聞一切佛不可思

議心不怯弱聞衆生界不可思議心不怯弱

聞法界不可思議心不怯弱聞虛空界不可

思議心不怯弱聞涅槃界不可思議心不怯

弱聞過去世不可思議心不怯弱聞未來世

不可思議心不怯弱聞現在世不可思議心

不怯弱聞入一切劫不可思議心不怯弱

第二明信力中二先正顯業用後徵釋所

由今初文有十句徧從前十前十並成此
十若類例辨初二於勝上法不怯次四廣
多法不怯一所化衆生二即化法三是化

疏十

四

處四化之所歸後四寬遠法不怯若剋文
取義以後十句逆配前十謂由信法無生
故於佛法不怯佛法以無生爲體故佛難
超故衆生無盡故法界無邊故虛空無依
故涅槃無分別故過去之因不作果故未

來之法無可願故現在之法即無相故人

劫無障礙以即空故此十皆深廣難思若

文取義者上但當文
通釋今對前別釋經

何以故此菩薩於諸佛所一向堅信知佛智

慧無邊無盡

疏十

五

二徵釋中先徵意云何以深廣難思菩薩
聞而不怯釋意云以於深廣皆堅信故文
分爲二初總後別總云一向信者無猶豫
故堅者異說不壞故所信謂何即佛智慧
智慧何相無邊無盡然通二義一廣無邊
涯豎不可盡二無二邊之偏同真性之無
盡

十方無量諸世界中一一各有無量諸佛於
阿耨多羅三藐三菩提已得今得當得已出
世今出世當出世已入涅槃今入涅槃當入
涅槃

二十方下別釋初釋前意十方無量是無
邊義已現當入是無盡義言得菩提是自
證義出世入滅是應現義法無邊故佛智
無邊一佛之智尚不可盡況橫徧十方豎

該三際菩薩於斯廣遠堅信不移寧有怯耶

彼諸佛智慧不增不減不生不滅不進不退不近不遠無知無捨

二彼諸下釋第二意聞深不怯謂已得今得菩提而不增當得未得而不減已出今出而不生已入今入而不滅當出而不進當入而不退現得出入而不近在於已當而不遠照窮萬法而無知頓寂諸相而不捨以寂照之體如如超戲論故但以世俗

文字數故說有三世非菩提涅槃有去來

今菩薩既堅信於此寧聞深而怯耶

已得今得

菩提者此下即就前廣無邊涯之經以辯離二邊之偏釋後意文四一約真如本無增減等二寂照下寂照契如絕戲論故三但以下暗引淨名證成四菩薩既堅信下結成此二段釋文具前十句難思之法如不怯

文詳之

此菩薩入佛智慧成就無邊無盡信

第三總結信成於中二初一句總牒信成謂由明達佛智無邊無盡故稱此成信

得此信已心不退轉心不雜亂不可破壞無所染著常有根本隨順聖人住如來家

二得此信下顯成信之益亦是正顯成相有十一句前七行體堅牢初句為總二內心不雜故不退三外緣不沮故四不染相故

幾十

六

五有正慧故無慧之信長無明故靜法云梵云阿慕羅匿陀此云不從根生謂無生之信無根生故經本云常有根本者譯人不審阿字沒在上句翻無為有於理背也此或應爾今以理通二義無違無根語慧

之體根本約慧之用亦猶從無住本立一

切法故無本者即是根本

此或應爾下三會通言或應爾

且許昔解後今以理下引例會通

六順同古聖故七安住

菩提心故

護持一切諸佛種性增長一切菩薩信解隨

順一切如來善根出生一切諸佛方便

順十

七

後四攝德無盡一護已成性二復長新解

三順如生善四不滯有無

是名菩薩摩訶薩信藏

三是名下結

菩薩住此信藏則能聞持一切佛法爲衆生

說皆令開悟

四菩薩住此下辨益易知

佛子何等爲菩薩摩訶薩戒藏

第二戒藏文三

此菩薩成就普饒益戒不受戒不住戒無悔

恨戒無違諍戒不損惱戒無雜穢戒無貪求

戒無過失戒無毀犯戒

釋相中二初列十名後隨牒釋初中十戒

皆通三聚取其相顯初但饒益有情後一

律儀中八通三約遮過罪皆菩薩律儀但

爲救護等即是饒益攝善可知爲顯此十

皆通三聚故釋後一復顯三聚

云何爲普饒益戒此菩薩受持淨戒本爲利

益一切衆生

二牒釋中十戒爲十皆先牒後釋初饒益

者菩薩本意故首明之

云何爲不受戒此菩薩不受行外道諸所有

戒但性自精進奉持三世諸佛如來平等淨

戒

二不受中文有二意一不受邪戒謂雞狗等二三聚宿成動不踰矩

謂雞狗等者淫陸摩訶薩受持禁戒不為生天不為恐怖乃至不受狗戒雞戒牛戒雞戒乃至是名菩薩修大涅槃是第三戒又十住毗婆沙論第三明穢土中多諸外道有持牛戒者鹿戒者狗戒者鳥戒者象戒者釋曰此皆外道所持惡禁戒通由二因生此妄計一

由天眼見有衆生從雞狗等即生天上故二由非理尋思妄生此計婆沙一百一十四有外道一名布刺擊憍維迦受持牛戒二名頗刺羅拘迦受持狗戒二人異時往佛所種種愛語相慰問已時布刺擊先為他問此種愛語汝受持狗戒修道已滿當生何處世尊告曰汝止莫問復再三請佛以慈心告言諦聽受持狗戒若無缺犯當生狗中若有缺犯當墮地獄聞佛語已悲泣哽咽不能自勝世尊告曰吾先告

言止不須問今果懷恨怖刺擊白言世尊不以此人當生狗趣故我悲泣然我長夜受持牛戒或恐將來亦當爾耶唯願大慈為我宣說世尊告曰準前狗戒此等皆由不了真道婆沙又問云云何受持猪戒牛戒狗戒名無缺犯答一如牛法一如狗法名無缺犯

云何為不住戒此菩薩受持戒時心不住欲

界不住色界不住無色界何以故不求生彼而持戒故

三 中唯為菩提及衆生故非如難陀之類

非如難陀難陀之緣甚長而人多聞正明其性多欲染著難陀羅佛方便誘之至於天上見諸天女端止姝麗過其本妻見諸天男皆有大女獨於一處見有天女迥異姝麗而無天男問佛佛令自問彼女答言我夫主即佛弟難陀難陀答言我身即是女言難陀為僧身披袈裟聞已便求剃落持戒本為貪著天女而持禁戒故阿難譏之如羝羊相觸將前而更却汝為欲持戒其事亦如是身雖能持戒心為欲所牽斯業不清淨何用是戒為意云如羊本擬向前如汝欲生天上受欲而更却後如汝持戒故業不清淨

云何為無悔恨戒此菩薩恒得安住無悔恨

心何以故不作重罪不行諂詐不破淨戒故

四 中涅槃云何故持戒為不悔故何故不

悔為歡喜故乃至為得大涅槃故

二十七師子吼言何因緣故受持禁戒佛言為心不悔何故不悔為受樂故何故受

樂為違難故何故違難為安隱故何故安
隱為禪定故何故禪定為實知見故何故
實知見為不生不死過患故何故為生過
患為心不貪著故何故為心不貪著為得解
脫故何故為得解脫為得無上大涅槃故何
為得無上大涅槃為得常樂我淨故何為
得常樂我淨為得不生不滅故何為得不
生不滅為見佛性故是故菩薩性自能持
究竟淨戒疏家但至涅槃已為究竟
竟故略後三後三即涅槃中事故

云何為無違諍戒此菩薩不非先制不更造
立心常隨順向涅槃戒具足受持無所毀犯
不以持戒惱他眾生令其生苦但願一切心
常歡喜而持於戒

五中有四非者違也一不違制立不同調

達二不違涅槃不取相故三不違律儀具
足持故四不違利物不惱他故不同調達者佛說四
依為除比丘四惡欲故調達加一為五謂
加不食酥鹽魚肉復皆盡形壽說雖有同
本意不善故四分律第四卷云調達以五
邪法誘諸比丘盡形壽乞食為一盡形壽
著糞掃衣為二盡形壽露地坐為三盡形
壽不食酥鹽為四盡形壽不食魚及肉為

五不違涅槃者非涅槃
經以無相持順寂滅故

云何為不惱害戒此菩薩不因於戒學諸呪
術造作方藥惱害眾生但為救護一切眾生
而持於戒

六有二意一非為欲惱眾生先須持戒二

非為欲成淨戒逼惱眾生如殺馬祀等非一

為欲惱眾生者如欲禁龍曾聞羅漢持戒
而能遣龍遂即持戒是也如馬祀等者即
百論中外道計殺馬祀天得生
梵天即逼惱於馬謂為戒等

云何為不雜戒此菩薩不著邊見不持雜戒
但觀緣起持出離戒

七中戒正見邪故名為雜定有定無為斷
常雜觀緣性離非有非無則名為持又無
煩惱之雜真出離矣定有定無者今律學
者說戒如空定有者常定無者斷此為邪
見難於正戒觀緣性離者觀緣之相不壞
堅持緣戒性空
故不起迷倒

云何爲無貪求戒此菩薩不現異相彰已有德但爲滿足出離法故而持於戒

八中不現異相彰已有德五邪之一已見淨行又如十住論說一者矯異二者自親三者激動四者抑揚五者因利求利大同

前引智度論說今文即矯異也

又加十住婆沙論說

一矯異者謂有貪利養故行十二頭陀作如是念他作是行當得敬養我作是行亦或得之爲利養故改易威儀二自親者爲有貪利養故至禮越家而語之言汝等如我父母兄弟姊妹親戚無有異也若有所須我能相與若有所作我能作之不計遠近來相問訊我住此者正相爲耳爲求利養貪著禮越能以巧辯牽引人心三激動者謂有不計貪罪欲得財物現於貪相語禮越言此衣鉢尼師壇好若我得之則能受用若人能隨意施者此人難得又有謂禮越言汝家羹飯餅肉香美衣服又好若常供養我我以親眷必當相與四抑揚者謂貪利養故語禮越言汝極慳惜尚不能與父母兄弟姊妹妻子親戚更有誰能得汝物者禮越愧恥仰施與又至餘家語欲人言汝有福德受人身不空阿羅漢等常入汝家與汝坐起語言欲令禮越必謂

我是大阿羅漢五因利求利者謂有以衣鉢及僧伽梨尼師壇等資生之物持示人言此是國王及施主并餘貴人將來與我令其禮越心中生念王及貴人尚供養彼況我不與因以此利更求餘利故以名也

云何爲無過失戒此菩薩不自貢高言我持戒見破戒人亦不輕毀令他愧耻但一其心

而持於戒

九中不輕毀者無行經云見破戒人不說其過惡應念彼人久久亦當得道問涅槃云見破戒人應當擯黜訶責舉處當知是人得福無量豈不違於無行此經答略有

三義一此經約自行涅槃攝攝衆二此經約根未熟護恐增惡故且攝受涅槃約根熟者慈心拔濟故應折伏三彼約慈心此約輕毀故不同也

云何爲無毀犯戒此菩薩永斷殺盜邪婬妄

語兩舌惡口及無義語貪瞋邪見具足受持
十種善業菩薩持此無犯戒時作是念言一
切衆生毀犯淨戒皆由顛倒唯佛世尊能知
衆生以何因緣而生顛倒毀犯淨戒我當成
就無上菩提廣爲衆生說真實法令離顛倒

十中釋內分二初明律儀十善衆戒之本

故偏明之廣如二地二菩薩持此下雙明

二聚攝菩提善益衆生故

是名菩薩摩訶薩第二戒藏

佛子何等爲菩薩摩訶薩慙藏此菩薩憶念

過去所作諸惡而生於慙

第三慙藏釋相中二先標章二謂彼下別

釋今初然慙愧相別諸說不同涅槃云慙

者羞天愧者羞人慙者自不作惡愧者不

教他作慙者內自羞耻愧者發露向人喻

伽四十四亦云內生羞耻爲慙外生羞耻
爲愧大同涅槃後解成唯識云依自法力
崇重賢善爲慙依世間力輕拒暴惡爲愧
俱舍亦同若無慙愧但翻上慙愧謂不差
天則是無慙餘可例知慙愧兩章之通別

言涅槃云慙者羞天等者卽南經第十七
者婆爲阿闍世王說也經云天王諸佛世
尊常說是言有二白法能救衆生一慙二
愧慙者自不作罪愧者不教他作慙者內
自羞耻愧者發露向人慙者羞天愧者羞
人是名慙愧無慙愧者不名爲人爲畜
生是名慙愧卽當第六論云云何爲慙依自
法力崇重賢善爲性對治無慙止息惡行
恥過惡對治無慙息諸惡行釋曰言自法
者於自身生尊重增上於法生貴重增上
二種力故崇重賢善此是慙相論云云何
爲愧依世間力輕拒暴惡爲性對治無愧
止息惡行爲業謂依世間力輕拒暴惡
暴惡羞恥過罪對治無愧息諸惡業釋曰
謂依世間他人譏毀及自羞耻惡法而不作
等名依世間力輕拒暴惡爲性對治無愧
體名惡於彼二法輕有惡者而不親拒惡
法業而不住由此增上對治無愧息諸惡
業論又云羞恥過惡是二通相故諸聖教

假說為體釋曰此會顯揚說蓋恥為二相者是通相耳從通假說為體實是崇拒等是別相故下疏云是二通相俱含亦同者即彼第二疏根品之中偈云無慚愧不重於罪不見怖釋曰不重賢善名為無慚愧謂於諸功德及有德人無敬無崇無所忌難無所隨屬說各無慚即是恭敬所難對法云功德者戒定慧有德人者有戒定慧人也無忌難者無畏懼也不隨屬者不作弟子禮也於罪不見怖釋無愧也為諸善者所誦賦法說各為罪於此罪中不見能招可怖畏果說各無愧謂上即是慚愧之相謂重賢善等若說羞耻為慚愧者是二通大同唯識

謂彼菩薩心自念言我無始世來與諸眾生皆悉互作父母兄弟姊妹男女具貪瞋癡慢慢諂誑及餘一切諸煩惱故更相惱害遞相陵奪姦姪傷殺無惡不造

二別釋中分二先釋過去作惡即無慚行

二自惟下釋而生於慚前中亦二初自念無慚

一切眾生悉亦如是以諸煩惱備造眾惡是故各各不相恭敬不相尊重不相承順不相謙下不相敬導不相護惜更相殺害互為怨

誓

後一切下悲他亦爾

自惟我身及諸眾生去來現在行無慚法三世諸佛無不知見今若不斷此無慚行三世諸佛亦當見我我當云何猶行不止甚為不

可

第二正顯慚相中初自念昔非耻佛知見

現修慚相自惟即是內自羞耻自惟即是內自羞恥

者正同涅槃樂兼得唯識依自法力

是故我應專心斷除證阿耨多羅三藐三菩

提廣爲衆生說真實法

二是故已下決志斷證文言去來現在行無慙者言總意別菩薩自惟昔過愍物三世常行故專心斷除防已伏之再起爲衆生說則物我之兼亡

是名菩薩摩訶薩第三慙藏

佛子何等爲菩薩摩訶薩愧藏此菩薩自愧昔來於五欲中種種貪求無有厭足因此增長貪恚癡等一切煩惱我今不應復行是事第四愧藏釋相中三初自念無愧而修愧

行故云我今不應復行是事即愧行也

又作是念衆生無智起諸煩惱具行惡法不相恭敬不相尊重乃至展轉互爲怨讐如是等惡無不備造造已歡喜追求稱歎盲無慧眼無所知見

二又作下傷物無愧不覺苦集故云無知

無見不覺苦集者不知苦果不見集故

於母人腹中入胎受生成垢穢身畢竟至於髮白面皺有智慧者觀此但是從婬慾生不淨之法三世諸佛皆悉知見若我於今猶行是事則爲欺誑三世諸佛是故我當修行於愧速成阿耨多羅三藐三菩提廣爲衆生說真實法

三於母人下依顧世間而修愧行誓益自他依顧世間即順唯識意於中初所愧境有智慧下

十五

顧他生愧即外羞也初因人後諸佛是故已下決志斷證言不淨之法者從婬欲生即種子不淨母人腹中即生處不淨成垢穢身即自相自性究竟髮白意舍究竟不淨從婬欲生者疏中先說五種不淨一種子不淨二住處不淨三自性不淨四自

相不淨五究竟不淨卽智論二十一說梵
行品已廣其相但自性不淨卽三十六物
今當更說卽淫樂十二聖行品云從頭至
足其中唯有髮一毛二爪三齒四不淨五
垢穢六皮七肉八筋九骨十脾十一腎十二
計肺肝心脾肺肝心脾肺肝心脾肺肝心
仁大便二十脂仁二十小便二十腸胃心
波二三十脂仁三十膏仁三十腦仁三十
柱髓三十釋曰遠公不分其中骨有二腦
諸脉三十一

有二。一、胎連膜除二。二、胎有大小亦欠其一。餘處有胞則具三十六。直就經文今具者復有分垢爲一。汗爲一。又垢穢形是內則穢字屬汗亦具三十六。汗穢不淨處胎受生有苦觸不淨從婬欲生下劣不淨若觀待涅槃三界並爲不淨其五取蘊體是違壞不淨上來煩惱亦是

不淨又垢穢形是內污穢不淨者然有二種一內二外論云云何依內污穢不淨謂身中髮毛爪齒塵垢皮肉骸骨筋脉心膽肝肺大腸小腸生蘊熱蘊壯腠脾腎膿血熱痔肪膏肌髓腦膜涕唾汗屎尿如是等類名爲依內釋曰此亦三十六物也論外謂青瘀或復膿爛或復變壞或復臃脹或復食噉或復變赤或復散壞或骨節或或尿所作或唾所作或涕所作或血所塗或膿所塗或便穢處如是等類名爲

依外污穢不淨二苦觸不淨論云謂領苦受觸爲緣所生若身若心不平等受受所攝如是名爲苦觸不淨三下劣不淨者論云謂最下劣事最下劣界所謂欲界除此更無極下極劣最極鄙穢餘界可得如是名爲下劣不淨四觀待不淨者論云謂如有一劣清淨事觀待其餘勝清淨事便似不淨如待無色勝清淨事色界諸法便似不淨觀待薩迦耶寂滅涅槃乃至有頂皆似不淨如是等類名爲觀待不淨五煩惱不淨論云謂三界所有一切結縛隨眼煩惱纏六違壞不淨謂五取蘊無常無恆不可你信是變壞法是故靜慮無色皆各不淨釋曰今隨隨勝已略配竟但觀所引論文自然明了

言誑三世佛者違本四弘誓斷惑

故餘文易知

是名菩薩摩訶薩第四愧藏

大方廣佛華嚴經疏鈔會本第二十一之一

音釋

怯弱怯乞業切畏懦也 諂詐諂丑琅切佞
切欺也 瞋癡瞋昌真切怒而張目也 嬌慢
僞也 嬌舉喬切恣也 怨讎怨於袁切讎市流切
慢謨晏切苦也 怨讎怨讎謂怨對仇讎也

[illegible]

大方廣佛華嚴經疏鈔會本第二十二之二 土一

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何等爲菩薩摩訶薩聞藏

第五聞藏分三初徵名

主

一

此菩薩知是事有故是事有是事無故是事
無是事起故是事起是事滅故是事滅是世
間法是出世間法是有爲法は無爲法是有
記法是无記法

二釋相中二初明所知之法後菩薩摩訶

薩下顯多聞之意今初標稱聞藏釋云知

者聞爲本故實則多知耳文亦分二先標

章後牒釋今初句雖有十義束爲七初之

四句但是緣生故謂一緣生二有漏五蘊

三無漏五蘊四有爲五無爲六有記七無

記聞爲本故者大品第六須菩提白佛言
即多知之一切法中無礙相應應知佛言
一切法者善不善法無記法世出世間法
有漏法有爲法無爲法共法不共法釋曰
此十但共不共此中畧無以一向是不共
般若故彼經云何爲共法四禪四無色四
論釋云凡夫聖人生處入定處所共故名
爲共法經云何等名不共法四念處乃至
十八不共法是名不共法論釋云菩薩分
別知此諸法各各無相是法從因緣和合
生故無性無性故自性空釋曰此即聖人
法不共凡夫如十八不共亦不共二乘也
同此

何等爲是事有故是事有謂無明有故行有
何等爲是事無故是事無謂識無故名色無

何等爲是事起故是事起謂愛起故苦起何
等爲是事滅故是事滅謂有滅故生滅

二何等下牒釋即爲七段初緣起中依生

引二門開爲四重徵釋謂十二支初二能

引次五所引次三能生後二所生故爲四

也依生引二者然第六地廣顯其相今文

然依雜集第四十二有支皆具此有彼有

等義故彼論文釋支相云相者謂無作緣

生故無常緣生故勢用緣生故此有彼有

者顯無作緣生義唯有緣故果法得有非

緣有實作用能生果法此生故彼生者顯

無常緣生義非無生法為因故少有法生

而得成立無明緣行等者顯勢用緣生義

雖復諸法無作無常然不隨一法為緣故

一切果生以諸法功能差別故二然依雜集下以三

緣生會釋經文之意文二先正說三緣生

故彼論云云何緣生義是緣生何義觀緣

生耶問也謂相故分別支故釋曰彼有十

五義今舉用一二耳論名相者謂無作緣

生故無常緣生故勢用緣生故此有彼有

由此三故薄伽梵說此有故彼有此生故

彼生為無明緣行乃至廣列也此有故彼

有者顯無明緣生義等具如疏文即是釋

也功能差別下更云如從無明力故然今

經中欲顯緣起無性舉前二門勢用一門

六地廣辨就二門中從增勝說前後互舉

前七許同因位故名能引所引後五要因

果相望云能生所生由此能所引中但

此有彼有後文則云此起彼起即生也

故集論云謂於因時有能引所引於果時

有能生所生然今經中下第二會釋經文

有等亦兼勢用正顯二相故指勢用在於

六地就二門下二出其影畧言前後互舉

者謂能所引中明無作緣生能所生中明

無常緣生前三世義初二次五過現不同約

許同者據三世義但引五種故不名生由

二世義許得同世但引五種故不名生由

此能所下四出此經影畧之由以前於能

所引中無作義顯而影畧無常能所生中

無常義顯影取無作故集然文有染淨二

論下五引證生引之相

觀初於能引中明染觀故云無明有故行

有第二約所引亦通能所相對以明淨觀

故云識無故名色無以識通能引有二種

業一持諸有情所有業縛謂與行所引習
氣俱生滅故二與名色作緣謂由識入母
胎名色得增長今言識無者即不為業重
不持業縛故不入胎增長名色故云識無
故名色無然文有下三釋文初句標言染淨觀者六地廣明謂無明緣行

等前能生後生死流轉為染無明滅行滅
等反本還源為清淨耳初能引中下二別
釋即為四者初者可知第二約所引下約
所引明淨例前亦合云識有故名色有前
又亦合有無明所引無義正取識名色為
釋上亦通能所引義正取識名色為
引名義今釋所引言通能所引若識支通能
於中先反釋經文約染觀明然識通能所
引者若取識種為識支即是所引若取行
種為識支識是能引行是能引故今舉二
業初業是能引以取行習氣為識支故實
是行種與識俱故名為識支即集論意正
緣起經通能所引業種名色識俱名色識
種但是名色所依非名色故今第二意即
是識為能引云與名色作緣謂由識入母
胎下顯現行二果然今下經義通能入母
故六地云於諸行中植心種子即具二也
其二種業言即六地自業助成章中然彼

二業云識有二種業一令諸有相續二與
名色作生起因今取其勢以能所引而為
二業約持行種即是能引約其自體即是
所引今言識無者上反釋經今順釋也反
上二義 第三能生所生相對以明染觀故
云愛起故苦起苦即當果愛即能生能生
有三舉初攝末下明淨觀舉末攝初蓋巧
辨影略耳第四亦能所生相對以明淨觀
謂因亡果喪耳 第三下能生所生相對上
所生 後之三門皆能所相望何以無明與
行唯約能引而相望耶答欲顯十二支皆
有無作無常二門故於初一位相次以明

不爾則謂要四位相望方得此有彼有故
下之三門欲顯四位不同故能所相望又
為顯能引支中或二或三故於前二別為
一段蓋說智之妙也 後之三門下料揀初
色識雖有能引之義正取所引故三皆能
所相對又為下重顯前二相次為一所以

識支是所引則能引唯二識是能引則能
引有三若識取所引則止四番而為三類
初一唯就引明第十二唯就引明三類
通能所相對故顯十二一相望皆得此
有彼有此生彼生等不必要能引所引能
生所生相對以明方有此有彼有等故云
說者之妙

何等為世間法所謂色受想行識

土

第二有漏五蘊蘊者積聚義雜集第一云

藏果重擔義而標名世間者世即隱覆義
隱覆勝義故又可破壞義三世所遷故間
者墮虛偽中故隱覆之法即墮虛偽故世
即是間然色等蘊通於無漏出世之義欲

訶毀故略舉一分二有漏下文五一釋總

果等者即第二論其藏果義與蘊義大同
重擔與陰覆義大同然彼論云蘊義云何
答諸所有色乃至若遠彼一切畧說
色蘊積聚義故如財貨蘊如是乃至識蘊
釋曰此即藏果義蘊藏色等果法耳言重
擔者論云荷雜染擔故名為蘊如肩荷重
荷雜染擔者謂煩惱等諸雜染法皆依色
等故譬如世間身之一分能荷於擔即此

一分名肩土名蘊色等亦爾能荷雜染故名
之為蘊而標名下二釋世間世有三義隱
覆名世間通為無為如世界成就品下二唯
有為世間通世即是間持業釋也然色等下
三科揀言通無漏者謂佛五蘊况因滅無
常色蘊常色等無過無為今但取有漏有
為蘊不攝無為義不相應云何知之應知
故留於無漏在後段說

三種一知其相謂色以變礙為相受以領
納為義想者取像行謂遷流識以了別二
知其生滅謂生無所從來滅無所至三知
其不生不滅謂法本不生今則無滅故力
林菩薩云分別此諸蘊其性本空寂空故
不可滅此是無生義況知一切法趣蘊蘊

即法界無礙方名真實多聞云何知下四
品意前文已引初知相中言色以變礙為
相俱舍第一中色有二義一變壞義論問
云始自眼根終乎無表世尊何故說為色
耶答可變壞故名為色蘊釋曰變者顯列
那無常壞者顯眾同分無常論問云誰能
變壞謂手觸故等云即便變壞廣說乃至
蚊蚋等觸此變壞者即是可破壞義二變
礙義論云有說變礙故名為色釋曰變謂

變壞礙此難不質礙若爾極微應不名色無變
礙故集變礙義成餘廣如彼微集亦二義一
問云色蘊何相變現相是色相此有變者
種一觸對變壞二方所現觸對變壞者
謂由手足乃至蚊虻所觸對時即便變
壞方所現者謂由方所納何相示現如
此色如是如是等受以領納者雜集問
云受蘊何相答領納相是受故謂領種
淨不淨業所得異熟又唯識云受謂領納
順違但非境相為性想以取像者即唯識
文下云施設種種名言為業謂要安立境
分齊相方能隨起種種名言雜集云構了
相是相想相由此起想構了種種像類隨所
見聞覺知之義起諸言說行種集云造作相
舍云造作遷流二義名行雜集云造作相
是行相由此行故今心造作謂於善惡無
記品中驅役心故釋曰俱舍二義今取還
流欲訶毀故識以別名識此有六種了別
了別論云了別名識此有六種了別不同
故名為識雜集云了別相是識相由此識
故了別色聲香味觸法等三種境界此知
一切法趣色者即於第三義中傍况此義
亦大品云一切法趣色尚不可得云何
當有起及非趣天台為三觀釋云初句假
次句空後句中然經文但顯性空今疏引
意却取一法趣色明事無礙一然諸蘊
中有無量義故是名善巧多聞
性性皆遷流隨勝立名行之一種雖標總

十二

六

稱即受別名又攝法多故然諸蘊性下第
通為別妨釋有二義初一可知又攝法多
者第二釋也因此畧明五蘊攝法多少且
依大乘百法識蘊唯攝八識心王色蘊唯
攝十一種色想受二蘊但攝心所遍行中
二數四蘊但攝二十一法除六無為蘊所
不攝餘七十三皆行蘊攝故云多也百法
已見第一疏抄
何等為出世間法所謂戒定慧解脫解脫知
見

第三無漏五蘊亦名無取五蘊然無漏蘊
亦有二類一仍本名亦名色等不與漏相
應故名為無漏二從已轉立名即五分法
身如今文是欲顯戒等德是可欣故從極
果標以出世理實亦有世間戒等有者上
五蘊亦有出世間然世間戒等自有二義
一者外道共有十善等戒四禪等定世智
之慧脫下地惑於中知見二者正教之中
亦說十善五戒四禪八定無見慢修欣猷
之慧脫下界縛了見分戒定慧三上來頻
明而是有漏故名世間

釋解脫即是離繫爲名解脫知見由離繫縛於境自在觀求覺了智論八十八云戒衆者攝一切戒和合成衆衆即蘊也餘皆準之

然即轉前五蘊成此五分謂轉色蘊成於

七

戒身表無表戒皆色蘊故轉受蘊而成定

名定名正受入四靜慮出四受故轉想成

慧凡所有相皆是虛妄見相非相見法身

故轉行爲解脫無貪等行名心解脫永斷

無知慧解脫故轉識成解脫知見若與邪

受妄想相應謂識依根了別諸境若與正

受智慧相應即是現量如實知故仁王觀

空品云觀色識受想行得戒忍知見忍定

忍慧忍解脫忍即斯義也

然即轉下三立
所由二先正釋
即智論及仁王意仁王下引證如次配之
居然可了然新經即菩薩行品經云復次

道種性菩薩修十迴向起十忍心謂觀五蘊色受想行識得戒忍定忍慧忍解脫忍解脫知見忍觀三界因果得空忍無相忍無願忍觀二諦假實諸法無常得無常忍觀一切法空得無生忍今即前知見與慧五文是舊經故次與此不同

此二何別佛地論第四總有三說略舉其

一謂無漏淨戒名爲戒蘊無漏定慧名定

慧蘊無學勝解名解脫蘊無學正見名解

脫知見蘊前三是因後二是果

知見與慧
下第四釋
妨難即相滯難也佛地三說者今即第一
釋二云一切皆是無礙緣解脫慧名解脫
知見緣解脫慧者緣滅諦智也緣餘慧者
緣餘一諦等智三云一切通學無學學位
分得無學圓滿諸
佛菩薩皆有五故

此五別說四法爲性謂

定慧勝解及無表色

此五別說下五出體
以解脫知見及慧約
所照異故同是慧慧即與想相
應解脫知見即與識相應慧耳然此五分

法身不覆勝義不爲相遷不墮虛僞故名

出世維集云謂能對治三界無顛倒無戲

論無分別故是出世間義

引維集證即問無取五蘊即有為無漏何
上第一論也
以言不為相遷答約教異故前是權小所
明若實教定說非為無為同真性故但似
蘊相現立以蘊名故涅槃純陀云善覆如
來有為之相應言如來同於無為況一一

融攝若如是知名為多聞問無取下七會
第三亦云無取五蘊當言有為當言無為
答彼不應言有為隨欲現前故不應言無
為所以者何無取諸蘊隨所樂欲而現其
前無為不爾以常住故釋曰此乃假說雙
非以約體用互奪亦不敢定言無為也又
言無取五蘊則顯凡夫是有取五蘊難集
云取蘊者與取合故取者蘊中諸煩惱也

純陀故實
已見玄談

何等為有為法所謂欲界色界無色界眾生

第四有為者瑜伽一百云有生滅繫屬因
緣是名有為智謂云有所得故是名有為

主

八

二論心境為異今略舉四事三界即所依
處眾生即能依之者論第一云有為者正理
緣聚集共所生故未來未起何為有為是
彼類故亦名有為如所燒薪於未燒位是
彼類故亦名有為薪或據曾當立名無失如
琴瑟等名有為聲亦如乳房蓮華池等諸
未生法不越彼類故名有為其有生滅此
語猶界雜集論云若法有生滅住異可名

有為一切法皆有為唯除法界法處一
分為捨執著無常我故釋曰此中論答三
問一答云何為有為二一切法下答幾是
有為三為捨下答為何義故觀有為今畧
舉四事者理實智論大品等廣有多法大
品云何等為有為法若法生住滅變有欲
界色界無色界五蘊乃至意識因緣所生
受四念處乃至十八不共法為一切智是
有為法智論釋云有為法畧說三智是
謂生住滅二三界繫義三念處乃至十
八不共法雖有無為法以有作故是有為
法無為相是無為法釋曰今以十八不共
等屬有記法故但畧出其然所依處隨心
四眾生則攝蘊處界也
成異故論云欲所屬界名欲界等故論云
舍第八等字等餘二界應云色所屬界名
為色界無色所屬界名為無色界畧其所
屬二字但名欲界等如言胡麻金剛並為別
環飲之與環俱是總名胡麻金剛並為別

稱以別依總名胡麻飲及金剛環具足應
言胡麻所屬飲等畧去所屬但云金剛環
等畧者總名欲等別稱畧去中言云欲界
等論云此中欲言為說何法答畧說既食
經所引貪注云煙貪名貪食貪名欲然語
猶隱本業上卷云煙貪名貪食貪名欲然語
中一切欲心故欲所起報分著二業迷法界
子見報分二業迷法界中一切色心故色心
所起報分二業迷法界中一切色心故色心
界中一切定心故定心所起報分二業迷法
界報是故於一法界中有三界果報若更
令易見欲界有男女形煙欲受身故色界
無男女形唯有色故無色界謂無色故前
本業言見著者彼經說有七見六著經云
佛子無明者名不了一切法迷法界而起
三界業果是故我言從無明藏起十三煩
惱所謂邪見我見常見斷見戒見盜見疑
見七見見一切處求故說見復起六著心
貪愛瞋癡欲慢於法界中一切時起一切
煩惱以十三為本無明與十三為本是以
就法界中別為三界即云
見著二業等如前所引

何等為無為法所謂虛空涅槃數緣滅非數

緣滅緣起法性住

第五無為為者作也即前生滅今虛空等
寂寞冲虛湛然常住無彼造作故名無為

瑜伽云無生滅不繫屬因緣是名無為智
論云無所得故名為無為淨名云不墮數
故然諸論總名大旨無別瑜伽下引證如
義雜集云無生住滅故名無為不墮數故
即淨名阿難章云佛身無為不墮諸數故
即有為餘義但翻上有為故然其名數開
疏結云諸論總名大旨無別

合不同小乘多說三種即此中初及三四

諸大乘中掌珍說四謂加真如法相論中

或說有六復加不動及想受滅謂於擇滅

中滅感障故名為擇滅滅定障故復加後

二或開為八於真如中開出三性謂善法

土

真如等漸欲展此真如徧諸法故然其下

二開合

中小乘多說三種者即俱舍等論云無漏

謂道諦及三種無為謂虛空二滅而言多

者分別論有四一虛空二非擇滅三想受

滅四真如大眾部說九無為謂三及四空
緣起支性聖道支性化地部亦九三外加
不動三性道支緣起諸大乘者於小乘三
上加真如故或說有六唯識論等廣如下
說或開為八者雜集第二云無為法有八

種謂善法真如不善法真如無記法真如
虛空擇滅非擇滅不動及想受滅如是建
立八無為中當知所依有差別故分析真
如假立三種不由自性善法真如者謂無
我性空性無相實際勝義法界何故真如
說名無我由彼自性無變性故謂一切時
無我實性無改轉故說無變異當知此則
是無我性離二我故何故復說此名空性
能令一切諸雜染事悉皆空寂有時說染
但是客塵諸相寂靜故名無相無倒所緣
故名實際實者謂無顛倒此處究竟故名
為際最勝聖智所行處故說名勝義一切
三乘妙法所依故名法界如善真如不善
無記當知亦爾餘如彼此經說六於擇滅
論言漸欲下疏出論意此經說六於擇滅
中開出涅槃二道別故復加緣起顯無一
事不即真故略無二定未究竟故
此經說六於下第
三釋文於中二言虛空者離諸障礙無物
先總明有無言虛空下二別釋多用唯識有六
所顯故言虛空下二別釋多用唯識有六
百法疏意即唯識依性假施設有義彼論
先釋法性云謂空無我所顯真如有無俱
非心言路絕與一切法非一非異等是法
真理故名法性離諸障礙故名虛空釋曰
彼論明法性空但言離諸障礙百法兼取
外空云無物所顯故俱舍云此中空無礙
十二

二涅槃者古有二釋一云性寂滅故此即
性淨涅槃涅槃三十四亦同此說此與擇
滅顯未顯殊一云即性淨之果此即解脫
道後擇滅乃在無間道中然大乘非擇滅
既約性淨又下說法性則後解為正
二涅槃者
涅槃即同擇滅先明性淨乃傍出異義耳
涅槃三十四者此即判定記釋謂同此經
所說虛空及涅槃也故涅槃經釋緣生四
句中云有非緣生非十二因緣者謂虛空
涅槃是也此則同性淨義二後義為正云
性淨之果即圓淨涅槃應有問言若是果
者何殊擇滅由因果殊故分二道所以第
一總明中以此義為正云於擇滅中開出
後解為正者若唯識解非擇滅云不由擇
力本性三數緣滅者數謂慧數由慧為緣
清淨故
揀擇諸惑能顯滅理故唐三藏譯為擇滅
謂擇力所得滅名為擇滅然此滅言有其
二義一理性寂滅此從所顯得名二因滅
惑顯名理為滅則從能顯得名
三數緣滅
惑顯名理為滅則從能顯得名
三數緣滅

藏出其異名擇力所得者是俱舍論釋故
彼喻云如牛所駕車名曰牛車畧去中言
故作是說但云擇威唯識釋云由揀擇力
減諸雜染究竟證會故名擇滅然此減言
下別釋滅字此二義稱滅四非數緣滅者
若並能滅之智智亦稱滅四非數緣滅者
非由慧數滅惑所得但以性淨及於緣缺
之所顯故四非數緣滅者故唯識云不由
擇力本性清淨及緣闕所顯名

非擇滅釋曰論存二義初義異小故上疏
文取為楷定言緣闕者俱舍論云畢竟
當生別得非擇滅下釋中云言當生者
來生法緣會則生緣闕不生於不生時
非擇滅此非擇滅礙當生法令永不生
畢竟礙言別得者謂非擇滅有實體性
關位中起別得故非擇滅得不因擇滅
由緣闕名非擇滅論指事明云如眼與
專一色時餘色聲香味觸等謝緣彼境
五識身等住未來世畢竟不生由彼不
緣過去境緣不具故得非擇滅釋曰謂
緣色時亦合緣聲等以專注色故耳等
緣聲等同時聲等剎那已謝故今緣聲
識更不復生以前五識唯緣現量不緣
未而言觸等者等取法中有與能緣同
為所緣境者如他心智所緣境是也此
心智唯緣現在心王亦合緣心所以五
專注心王故於心所得非擇滅故五緣
起者有別有通別謂十二因緣故分別論

者大眾一說十二雞胤化地說出世部皆立十
二緣起以為無為彼意以其次第作緣恒
無雜亂故說為常有佛無佛此法自爾名
曰無為故智論三十二云聲聞法中亦說
法性實際故雜阿含中說有一比丘問佛

十二因緣為是佛作為是餘人作佛告比
丘我不作十二因緣亦非餘人作有佛無
佛諸法如法相法位常有所謂是事有故
是事有等涅槃亦說即是無為遠公云就
人論法三世流轉是其有為廢人談法法
相常定故曰無為望今經意緣起無性故
曰無為大品云菩薩觀十二因緣如虛空
不可盡涅槃云十二因緣即是佛性雖舉
十二因緣即已攝陰界諸法智度下引大
乘論證成上
義此中論文先有問云聲聞法中何不說
法性實際而摩訶衍中處處說耶答聲聞

法中亦說下與疏同玄中已引涅槃亦說
 下三引大乘經立無為義先引涅槃即北
 經三十一北經半卷十四經而為品初南
 此即第六經云或說十二因緣是有為法
 或有說言十二因緣是無明生行從中談云何
 名為十二因緣從無明生行從中談云何
 識生名色從受生愛從愛生取從取生有從
 觸主受從受生愛從愛生取從取生有從
 有生從生有老死憂悲苦惱善男子我
 諸弟子聞是說已不解我意唱言如來說
 千二因緣定是有為我又一時告喻比丘
 作如是言十二因緣不從佛無佛性相常住
 善男子有十二因緣有緣生非緣生有緣
 非緣生十二因緣有緣生非緣生有緣
 緣生非緣生十二因緣有緣生非緣生有緣
 未生非緣生十二因緣有緣生非緣生有緣
 謂阿羅漢所有五陰有緣生非緣生有緣
 者謂凡夫人所有五陰有緣生非緣生有緣
 因緣者謂虛空涅槃善男子我諸弟子聞
 是說已不解我意唱言如來說十二因緣
 定是無為釋曰若經中言有緣生非緣生
 解意若遠公釋曰各有所因緣事今現在
 是第一名曰有為在未來者未現起用名曰
 無為釋曰後釋經後四句意前釋順經
 初意及智論等意望今經下疏第四出今
 意次言大品云下引他經證成上正義此
 即中論青目所引釋初因緣不生之義涅槃

樂又云者復引涅槃重成上義即北經三
 十二師子吼品經云善男子無明不能吸
 取諸行行亦不能吸取於識也亦得名為
 無明緣行行緣識有佛無佛法界常住若
 言佛性住眾生中者善男子常法無住若
 有住處即是無常善男子十二因緣無定
 住處若有住處十二因緣不得名常如來
 法身亦無住處法界入法陰虛空悉無
 住處佛性亦爾都無住處次又云佛性
 者名十二因緣何以故以因緣故如來常
 注一切眾生定有如是十二因緣是故說
 言一切眾生悉有佛性十二因緣即是佛
 性佛性即是如來釋曰此上經意正取十
 二因緣之性以為佛性故是無為文中雖
 舉下第二通釋難云若緣起無性即無為
 者諸蘊界等豈有性耶故為此通則意無
 不該是故上引涅槃云法界入法陰
 虛空即說三科皆無住處同佛性也 六
 法性住者即真如也謂非妄倒故名真如
 又真實如常揅妄揅事於一切位恒如其
 性而云住者離遷變故與法為性是隨緣
 義復云住者是不變義即妄即真事皆如
 矣若準智論法性法住各是一義云即為
 七法 法性住者即真如也顯此法性即唯
 識等真如異名耳謂非妄下別釋其

名初釋真如自有二義初合釋論揀於妄
二離釋即唯識云真謂真實顯非虛妄如
謂如常表無變易是故疏云揀妄揀事二
釋法性名唯識偈云此諸法勝義亦即是
真如常如其性故即唯識實性是也次釋
住字亦有二義一連上釋之則三字一名
謂上之一釋順法相宗不以此住字順法性
宗法性謂隨緣住字為不變以隨緣不失
目性故二義既具即妄即真故是法性宗
義若準智論下別釋取上法字及下住字
自為一義成七無然小乘說三虛空則就
為則法字兩用 然小乘說三虛空則就
外空復計三皆實有若大乘說非唯數增
義亦有異唯識論中二義建立一唯心變
故二依法性假施設有謂此諸義但一真
如隨義假設一無相義二所證義三惑盡
義四性淨義五隨緣義六隨緣即不變義
然小乘下對揀權實初舉小乘若大乘下
舉大斥小非唯數增已如前說義亦有異
次下正明小乘之義畧如上說廣如唯識
廣引廣破唯識論下正辨大乘無為之相
即第二論論中先破諸小乘宗等計於無
為為實有竟顯正義云然契經說有虛空
等諸無為法畧有二種一依識變假施設
有謂曾聞說虛空等名隨分別有虛空等

相數習力故心等生時似虛空等無為相
現此所現相前後相似無有變易假說為
常釋曰此空無為而無本質唯心所變
如極微假而無體於佛等處聞其名故而
心變之次論復云二依法性假施設有謂
空無我所顯真如有無俱非心言路絕與
一切法非一非異等是法真理故名法性
離諸障礙故名虛空由揀擇力滅諸雜染
究竟證會故名擇滅不由擇力本性清淨
或闕緣所顯故名非擇滅苦樂受滅故名
不動想受不行名想受滅釋曰疏取論意
以釋經文但順經有不順論有上釋非擇
依此論文 此中法性即是真如然法性真
如亦假施設遮撥為無故說為有遮執為
有故說為空勿謂虛幻故說為實理非妄
倒故名真如為法之性名為法性非離色
心別有實體今多聞之人不唯知名而已
應如是知 五出體性即彼論示無為體論
假施設下至故名真如皆是論文為法之
性故名法性是疏義加亦即前文唯識論
意非離色心別有實體者取論意結具足
論云不同餘宗離色心等有實常法名曰
真如故諸無為非定實有釋曰言真如亦
是假者不得體故遮空見者說如還有遮

小乘中化地部等執定實有故說為空非
言無為體即空也勿謂虛幻者虛探過計
幻揀依他即顯真如是圓成實
以無虛妄顛倒法故名真如也

大方廣佛華嚴經疏鈔會本第二十二之二

音釋

環 胡關切 雞胤 部名胤
音還 羊晉切

大方廣佛華嚴經疏鈔會本第二十三之三 土二

唐于闐國三藏沙門實叉難陀 譯

唐清涼山大華嚴寺沙門澄觀撰述

何等爲有記法謂四聖諦四沙門果四辯四

無所畏四念處四正勤四神足五根五力七

覺分八聖道分

第六有記法者有釋云謂能招愛非愛果

故名有記此乃通說餘處辨記即是善惡

今唯舉善應云順理善法可記錄故第六有法

中二先釋總名先叙昔即判定記大品亦

云若善法若不善法是名記法如所說相

不捨離故此乃通下辨非以下無記既非

三性今此有記安得無之後今唯下辨正

下出所記法體句有十一義攝唯五四聖

諦如前本品已辨四沙門果如梵行品四

辨如第九地三十七品如第四地下出所

先指所餘如前四無所畏今當略明謂外

難無怯故名無畏瑜伽云如來於此謗難
都不見有如實因相由是因緣能自了知
坦然無畏無畏爲四一切智無畏二漏
盡無畏三者障道四出苦道四無畏義下
今當畧明者諸經多以五門分別一辨名
二出體三行相四次第五諸門今疏但有
三門畧無出體次第即分爲三初釋名二
辨相三諸門分別初中有二先總名上二
句指文都不見有如實因相者謂其所難
皆就跡生疑不知所覩真實之理故此所
難無如實因若實有可難則有怯畏所難
不實何所畏耶無畏有四下二釋別名文
中但列而不解釋釋名舍在下行相中故
此畧無若具釋者一切智無畏者瑜伽
亦名正等覺無畏謂有正覺覺諸法故名
一切智二漏盡者諸煩惱漏種現俱斷故
三障道者亦名障法說障礙法染必有障
故四出苦道者說出離道諸聖修習決定
出苦故於此四中得無所畏皆此四各有
依主釋謂一切智之無畏等
難答初外難云若佛是一切智者有諸比
丘從他方來何須問言安樂住不言一切
智無所不知今問於他一何相反佛自唱

言我是一切智人但為攝受來者隨順世

間師弟人事故此之四段下二辨相初一

所難二有諸比丘下正難於中先出難舉

因謂諸部律中多有此言時諸比丘至如

來所頭面禮足佛便問言比丘住止安樂

不乞求易得不以飲食為苦耶等今云

何故問者即是難也言一切智下結成難

也佛自唱言下答也於中先案定所難明

不失一切智義若具皆云我於此難正見

無由得安隱住無怖畏自稱我是大仙

尊位但為攝受下出是一切智之所以示

現問耳非已不知言攝受者令發勝心聞

佛慰問發道心故隨順世間師弟人事者

此有二意一者成上示現之相二者亦令

餘人審諦於事佛知尚問況餘不知亦為

後人作軌則故見來發心應為引攝故云

世間二有難云若佛自言漏永盡者何以

愛語羅睺訶罵調達佛於此難正見無由

安隱無怯自唱德號我實漏盡但為隨根

而調伏故二有難云下第二無畏先難中

說言我諸漏已盡何以愛下正難謂經中

因舍在其中謂羅睺被僧驅出在於廁

上佛語諸比丘言云何野干驅師子子即

愛語羅睺調達頻為惡行佛時罵言癡人

或云食唾小兒等耶佛於此難下亦先案
定所難不失漏盡之義但為隨根而調伏
故即出愛惠所以謂羅睺瞽之慧象隨逐
人心輒言即調達喻之惡馬楚毒方謂
非是如來有愛羅睺三有難云若佛說欲
有患調達漏未盡也

能障道者何故預流一來尚有妻子之愛
佛於此難心無怯懼謂自唱德號我說欲

能障道但障不還羅漢非初二果佛於此

亦二先案所難不失欲為障道若具亦應

云我於此難正見無由安隱無怯度大仙

位故云自唱德號我所說下出不障所以

若說邪行障諸聖道若說畜婬障離欲道

初二果人性戒成故斷邪行既未離欲

不斷妻子斯有何失故諸染法非不障也

四有難云若佛說諸聖道能盡苦者何故

羅漢受瘡潰蛇螫之苦佛於此難心無怯

懼自唱德號我說聖道實能盡苦邊際但

說未來非現在故四有難下第四無畏先

說我為弟子說出離道諸聖修習決定出

離決定通達何故羅漢下正難既瘡潰地

豈豈非若耶羅漢豈是無聖道耶豈非相

違佛於此難下答亦應具云我於此難正

見無由安隱無怖處大仙位我觀聖道下
通前難然有二意一者由於前世故業感
身於此身上得阿羅漢苦依身在故有此
苦非得羅漢後有此苦即今疏意更有育
云無學實無苦果為現惡因必有苦報由
此聖者示相受苦起後教故亦由世尊受
金鎗等示義非四初中一離所知障次離
實故疏畧無四初中一離所知障次離
煩惱障三是出離道障四即出離之道初

二自利後二利他所以自歎此四者初一

為菩薩第二為聲聞後二通為智論二十

五瑜伽五十對法十四廣辨其相四初中

三諸門分別即瑜伽論文三初約離障言
三是出離障道者欲為道障今出離障四
是出離之障者諸出離道能出於苦然其
後二並約離煩惱障三是所離之障四是

能離之道而三就離因為難四就離果為
難亦可後二通約因位初二自利下二利
料揀然約各難並是利他如次下明今約
前二就佛身難是約自利德歎後二約化
他為難故云利他所以歎此下三彰歎所
以亦約被根差別則皆是利義菩薩為求
種智斷所知故初一為之二乘求盡諸漏
第二為之欲皆障於三乘三乘皆期出苦
故後二並為智論二十五下總示其源然
菩薩藏經第五般若五十三顯揚第四亦

廣明之此中即有次第出體言次第者德
用自在智最勝故首而明之由具一切智
能盡諸漏由具智斷說法化生說法之中
先說生起因後出生死故而此一門即前
二利門中已攝此意若論伽對法出苦為
第三障道為第四先果後因亦如苦集又
依上二約者即真滅為難四諦謂一切智約苦果
為難二約者即真滅為難四諦謂一切智約苦果
未見經論義必應然若出體者總有五種
一剋性體即信進念定慧為體二引發體

若定若慧三最勝體即正體後得二智四
中初一過二智二即正體三四皆後得二智四
是說法心故若約自住四皆正體約能答
難此四並以後得為性四相應體四為
性五春屬體五蘊為性亦猶十力道共定
共無表戒色助答難故上之四體即瑜伽
五十七及雜集說論如云以信進念定慧
及具知根為性對法云若定若慧及彼相
應諸心心所又云若起作用後得智為性
若住自性正體智為體第五亦以義加又

無畏若約德初即智德二即斷德三四
思德今就所知並智為體餘義可知

何等為無記法

第七無記中分二先徵名後謂世間下辨
相今初無記二義一非善非惡不能招感
愛非愛果名為無記可釋餘文今此正謂

虛妄推度非理問難不可記錄故名無記

非對善惡故俱舍第十九云諸契經說十

四無記即其義也亦名置記記即答也不

應答故第七無記初敘名四一釋總名刊

諸論以後為二一明無記報二因便明四

記中自分為二一明無記報二因便明四

記前即對善惡之無記也廣如彼論第二

別明四無記事煩曰應一異等釋曰上兩

置記如死生殊勝我應四一應一記上兩

句指事釋之三應反詰記有四一應一記上兩

應分死別記三應反詰記有四一應一記上兩

如問死者一切有情皆當死不應一有情記

一切有情皆當死不應一有情記

皆當死不應一有情記

人為勝劣應反詰言為何所方若言方天

應起論如我五蘊一異者應捨置記謂若

作是問我五蘊一異者應捨置記謂若

不應問若有我體可問一異者應捨置記

英不問石女本無兒何得論其白黑應捨

記婆沙說頌言等何取發智本論及契

經說今當叙經云云何有問應一向記云何

諸行皆無常耶此有問諸有故思造作業

問應分別記謂若有問諸有故思造作業

問應分別記謂若有問諸有故思造作業

已為受何果此問名為應分別記造善受
人天受何果此問名為應分別記造善受
為一問答言依我應反詰言汝依何報
是問答此問名為應反詰言汝依何報
捨置答若問世常無常問世常無常亦
無常三非有亦無常問世常無常亦
亦有三非有亦無常問世常無常亦
未減後有亦無常問世常無常亦
非有非有亦無常問世常無常亦
者異身不可記此問名為應捨置記
問皆不可記此問名為應捨置記
無是故皆應捨置記此問名為應捨置記
四答而一名小異謂從經一善男子後
葉難佛性義有無如來定答云善男子
為眾所答四者名定答二善男子後
隨問答果是名定答二善男子後
答得苦果是名定答二善男子後
四無所畏大悲三念處十種好五智印等
諸三昧門三十二相八十種好五智印等
三萬五千諸三昧門金剛定等四千二百
是佛性者如是佛性則有七事一常二我
三樂四淨五真六實七善是名分別答如
汝先問斷善根人有佛性者亦有如來佛
性亦有後身菩薩佛性是二佛性障未來
故得名為無定所得故一切法無常復有
別答三經云無定所得故一切法無常復
問言如是法故無我亦爾為何故說於無
為有為法故無我亦爾為何故說於無

燒為煩惱故是名隨問答四經云若有說
言斷善根人定有佛性定無佛性是名置
答下迦葉難云不答名置如來今者何因
緣答而名置答佛答云善男子我亦不說
置而不答名為置答善男子置答後二一
者遮止二者莫著以是義故得名置答釋
曰據上諸文明是不答以為無記非善惡
中之無記也據十四難正同俱舍準涅槃
意今文正當為遮所以不答者何謂此乃
止義燕令莫著

無義語也知之不免生死不知不障涅槃
前說有記則反於此智論第三云所以不
答十四難者此事無實故諸法有常無此
理故言斷亦爾如有人問犖於牛角得幾
升乳豈曰問耶復次世界無窮猶如車輪
復次無利有失墮惡邪中覆於四諦諸法
實相復次人不能知復次稱法說故第十
七云有一比丘思惟十四難不能解辭佛
不為弟子佛言我為老病人說法濟度
此是闕諍法如中毒箭不應推尋楞伽亦

云皆是世論非我所說智論第三下正引
五復次多同答十四難燕經中諸無記法
如第一無實事故正答十四第二如車輪
即答何等為生死最初際第三無利有失
燕答世界來去等以從集因不生歸寂滅理
妄徵來去取覆四諦第四人不能知燕答
有幾佛幾衆生以佛智知無盡法故第五
二引此文即引昔例今其文稍畧具云有
一比丘於十四難思惟觀察不能通達心
解此十四難使我了當白佛言佛若能為我
解我當更求餘道佛言我子汝共我要誓
若答十四難汝今何以言若不答我子不
言汝為人今何以言若不答我子不
我為老病人今何以言若不答我子不
諍法於法無益但是戲論何用問為若為
汝答汝心不了至死不解不能得脫生老
病死譬如有人身被毒箭觀屬呼醫欲為
出箭塗藥便言未可出箭我先當知汝姓
字親里父母年歲欲知箭出在何山何
木何羽作箭箭鐵者為是何人是何處復
欲知弓何山木何蟲角復欲知藥是何處
生是何種名如是等事盡了知之後聽
汝出箭塗藥佛問比丘言不可得知若盡
事然後出箭不比丘言不可得知若盡
知此則已死佛言汝亦如是為邪見箭受
毒所塗已入汝心欲拔此箭作我弟子為
不欲拔箭而欲求盡世間常無常邊無邊

難亦是小異之
相繁不出之

謂世間有邊世間無邊世間亦有邊亦無邊
世別非有邊非無邊世間有常世間無常世
間亦有常亦無常世間非有常非無常如來
滅後有如來滅後無如來滅後亦有亦無如
來滅後非有非無我及衆生有我及衆生無
我及衆生亦有亦無我及衆生非有非無

文分五段第一有四四句就我明無記第
二過去下就三世橫論凡聖數之多少三
何等下約凡聖豎論初後四世間從何下

徵三世間所從五何者下約生死際畔以
辨無記文分五段下第二辨相便有今初

句雖十六其過不出斷常二見言世間者
準大品中通三世間謂衆生世間五蘊世
間及器世間今此文意正顯衆生世間兼

明五蘊世間以衆生是總主假者外道計
以爲我故有邊等諸見初有邊四句約未
來世常等四句約過去世如來有無依涅
槃起故中論邪見品云我於過去世爲有
爲是無世間常等見皆依過去世我於未

來世爲作爲無作有邊等諸見皆依未來
世涅槃品云如來滅後有無等依涅槃起

我及衆生有無四句約現在說今初段中

下釋此第一就我明無記先辨見所依後
正釋文今初有三一明不離斷常言世間
下二明世間同異明見依我起準大品者
即上二十一經而三世間是智論釋論云

世間有種種等餘如疏辨初有邊四句下三
釋此我不同不出三世涅槃爲起見處就
引中論邪見品云我於過去世等者偈首
之我即今世我意問今世之我於過去世
爲先已有爲先未有若先已有即是計常
若先是無今此雖起即是無常三則雙立
四則雙非邊等諸義次下當釋中論涅槃
品偈云滅後有無等無邊等常等諸見依
涅槃未來過去世釋曰此即既知起見之
總示所依依前別配可知

本次隨文別釋即爲四段第一四句言有
邊者即斷見外道計我於後世更不復作
則與此身俱盡無邊者謂我於後世更有
所作三俱句者身盡故有邊我不異故無
邊四俱非句者亦以我存身盡見上有過
故立此句謂身盡故非無邊我存故非有
邊既皆邪見故不答之若欲破者初之二
句墮無後世過謂有邊則與陰同盡無邊
則是今身故皆無後世無後世者修道苦
行爲何益耶第三句亦有邊無邊者若身
盡我存身我爲一爲異一則不應有盡不
盡異則離蘊何相知有我耶若謂捨人生
天人分猶在天分更增則半天半人故皆
不可第四句非有邊未免於無非無邊未
免於有云何於此強分別耶

第一四句者
然論先明常

等說先明邊等黃破常等初破邊等今願經
前偈中我於未來世爲作爲無作初以無
是今世我四句之相見外道亦先偈首之我
下二明無記義即出無後世者合破二句
者初之若世間有邊云何有後世若世間無
論云何有後世則釋曰有邊則後世有無
後世無邊則有後世則釋曰有邊則後世有
無邊則有後世則釋曰有邊則後世有無
斷常過也論又云五陰常相續猶如燈火
焰以是故世間不應有無邊如焰從緣不
有定無故墮斷常今立理破如焰從緣不
可爲無無定實故不可爲有有故離二邊又
前破人我此破法我今經正破人我故不
引破法又論反破云我今經正破人我故不
五陰更生後五陰世間則有邊若先陰不
壞亦不因此是陰而生後五陰世間則有
釋曰此亦正破五陰世間五陰和合爲衆
生世間既破五陰之計我今破五陰亦已假
故上云外道依之計我今破五陰亦已假
我又上二偈亦別破二句亦兼明第三俱
我第三句等者然論廣破常等後創破邊
等故論云我等於未來世爲作爲無作如
之見者皆同過去世然破邊等無有身一
異破身一異破即破是前破常等今依論
破故取前勢若論破第三句云若世半有
邊世間半無邊是則亦有一邊一分而不
彼受五陰者云何一分破一分而不破是

事則不然受亦復如是云何一分破一分
而不破釋曰前偈破衆生即是遺我後偈
破受陰即於破法然俱是相違破無有一
法亦常無常故此相難見故疏取前破常
等例前破常偈云若謂我即是而身有異
相當知離於身何處別有我離身無有我
是事爲已成若謂身即我若都無有我但
身不爲我身相生滅故釋曰此則破常等
以一生門今將例破邊等四句也若謂捨
人生天下邊救即論正破邊等之意然偈
云若天即是人則墮於常邊天則爲無生
常法不生故若天異人者是即爲無常若
天異人者是則無相續釋曰前偈破常即
破無邊後偈破斷即破有邊次偈云若半
天半人則墮於二邊常及於無常是事則
不然今疏即影公取偈之意捨人生天人
分猶在天分更增等上即縱立則半天下
正破結言畧明故皆不然之由即如
偈文亦常無常二相相違猶如水火義無
並立第四句下論但顯前破云若有邊無
邊是二亦應成釋曰此即縱破亦相待破
有第三句可待對此有第四非有邊無邊
句以有無相待故今無第三之源何有第
四之末疏中即出過破非有邊有故未克
於無非無邊無安得離有故還成亦有亦
無無第四俱非之義以皆執取非中道故
云何於此下二常等四句約過去者過去
結斥邪見

世我即是今我名之爲常若常即有大過

十二

破壞因果涅槃等故若謂我今始生名爲
無常若爾我是作法亦墮無因無因則亦
無涅槃等第三見上二過便謂我常身無
常離身何處有我又成上二過第四謂我
不異故非無常身有異故非常破同第三
句又中論云一切法空故何有邊無邊及
常等見餘義廣如彼論二常等四句者上
後方別破今則常句便立便破初常句中
先立然前問偈云我於過去世爲有爲是
無即問今之現我過去先已有耶今初句
云有故過去世我即是今我也論初常句
云過去世有我是事不可得過去世中我
不作今世我若言常者即有大過等者出
過破也即彼長行云先世中我不作今我
有常過故若常則有無量過何以故如人
修福因緣故作天然後作人若先世我即
是今我者天即是人以罪業因緣故作
陀羅尼後作婆羅門若先世我即是今我
陀羅尼即是婆羅門等若謂我今下即第二
句亦先立後若爾下破有二種破先因緣
破緣作是無常法立我常故二種無因故
故論云過去我不作是事則不然過去世
中我異今亦不然若謂有異者離彼應有

今我住過去世而今我自生如是則斷滅
失於業果報彼作而此受有如是等過先
無而今有此中亦有通我則是作法亦為
是無因釋曰此中初二句牒計總非次二
句標有異過次二偈二世相對以辨異過
末後一偈獨就未來以彰其過上二句標
下二句顯第三句由今始有故成作法即
墮無常次句指同前非云亦是也前失業
果即是無因今我自生豈非無因第三見
上下謂見前二過便即雙立從離身下破
即前所引偈中即離門又成上二過者亦
常同初句亦無常同第二故第四句但翻
用前句而立破則還第三論偈但云如過
去世中有我無我見若共若不共是事皆
不然又中論云下即品末之偈總結上過
示以性空末後又偈云羅曇大聖主憐愍
衆生故悉斷一切見我今三如來滅後四
稽首禮即總結一品也

句釋有二義一明如來者非是佛也如即
相似來謂從前際來謂一有執云如從前
世來生此間去向後世亦復如是故云如
來滅後有謂如前來時有故此由計我異
陰故二云如從前世來此間死後斷滅故
云如來滅後無謂不如來時去故此計陰

我一故三由計我有麤細故謂麤我與身
俱盡故云不如去細我異陰不同滅故亦
如來時而去故云如來滅後亦有亦無四
云我如虛空體無來去故晉經云如來滅
後如去不如去等此則通望三世以辨若
依中論附涅槃起四句如來即佛也順此
經文亦是外道自立已師而為如來有謂
如來滅後定有不變或謂入無餘依同於
太虛或謂法有應無或謂約應非有約法
非無以其四句皆成戲論不見如來寂滅
相故亦為邪見此則權小之徒未能免也
瑜伽八十七云依二道理如實隨觀俱不
可記如來滅後若有若無所以者何且依
勝義彼不可得況其滅後或有或無若依
世俗為於諸行假立如來為於涅槃若於

諸行如來滅後無有一行流轉可得爾時
何處假立如來既無如來何有無等若於
涅槃涅槃唯是無行所顯絕諸戲論自內
所證絕戲論故施設為有不應道理亦復
不應施設非有勿當損毀施設妙有寂靜
涅槃又此涅槃極難知故最微細故說名
甚深種種非一諸行煩惱斷所顯故說名
廣大現量比量及正教量所不量故說名
無量三如來滅後下前明見所依從其後
義云依涅槃起而其前義通依三世
我陰而起順於晉經若依中論下第二意
於中二先定見所依及如來不同以外道
自謂勒沙婆等是世尊是如來故故百論
中序德相形言優棲佐等亦是世尊故有
謂如來滅後者別示四句先示可知以其
四句下明破無記之意上依中論涅槃品
偈云如來滅後不言有與無亦不言有
無非有及非無涅槃與世間無有少分別
世間與涅槃亦無分別涅槃之實際及
與世間際如是二除者無毫釐差別釋曰
初之一偈依二諦說後之二偈唯依第一
義與瑜伽同瑜伽八十七下證成上義則

顯中論初偈俱通二諦約世諦中唯釋二
句等字等於三四約涅槃中但釋初二句
又此涅槃下三義通顯離四句絕百非中
論末後偈云一切法皆空何有邊無邊亦
邊亦無邊非邊非無邊何者為一異何有
常無常亦常亦無常非常非無常諸法不
可得滅一切戲論無入亦無我佛亦無所
說釋曰此偈可結無記一段以文相續故
此引四我及眾生有無等四句此並雙立
耳

眾生即是五蘊非約總主有即定有定有
著常無即定無定無著斷三遠上二過雙
立有無即墮相違四避此相違立俱非句
又成戲論然此四句亦有單計我有所無
所有我無亦不離初之一句又合上成第

三互奪成第四亦不出初之二句四我及
衆生等
者雙立我法衆生即蘊蘊即法故故疏直
就緣生法理以辨有無然此四句大品智
論俱舍等於此但立二句大品等云身與
神一及異成二句俱舍即命與身即及離
成二句初句云俱有者謂有執云但有身
處則有神我初句有神我處其必有身身
神不相離故釋曰此即身神一句故智論
云神即是身者有人言身即是神何以故

分折此身求神不可得故受之羶妙皆是
身故故言身即神身異神異者有人言
神微細五情所不得亦非凡夫所見攝
心清淨得禪定人乃能得見是故言身異
神異復次若身即神身身減神亦減是邪見
身異神異身減神常是邊見釋曰論文但
釋二句今經中初句是論初釋身神一句
第二句是論後次身神是論初釋身神一句
邪見第二句是論正身神是論初釋身神一句
身在俱有身無俱無為俱句也第四句復
是身神一句以神隨神體皆妙故俱離有
無然此四句者此對前經中二雙立故亦
是智論約邊見意其我有所無正同智論
身減神常二所有我無者身無可見我無
相故言亦不離初之二句者我有所無
是初句我無所無初之二句者我有所無
三者初句我無所無初之二句者我有所無
亦無第二句我亦有所無初之二句者我有所無
合一處故互相奪如我有合我無則我非
有所有合所無則所非有等遮無即為第
一俱有句遮有即為第二俱無句故云亦
不出初之二句問如初我及衆生有即是
邪見以計我故次句云我及衆生無則是
二空有何過耶故疏中云定無著斷以執
定故非緣生無亦應破云約計實我此我
非有隨世假我此我非無故說俱無亦非
理當

過去有幾如來般涅槃幾聲聞辟支佛般涅槃

槃未來有幾如來幾聲聞辟支佛幾衆生現
在有幾佛住幾聲聞辟支佛住幾衆生住

第二門明三乘凡聖數之多少者以橫無
邊故不可記也

何等如來最先出何等聲聞辟支佛最先出

何等衆生最先出何等如來最後出何等聲

聞辟支佛最後出何等衆生最後出何法最

在初何法最在後

第三門豎無際故不可記也有人答問云

有初佛言自然悟引獼猴祭天亦為應機寧

土二

十五

加置記若有初佛如來應知則可說名言

何法者染淨等一切法也

第三門豎明中

即水南善知識答燕園公張說問云法在
前佛在前答云法在前諸佛所師所謂法
故便被難云若爾最初成佛前無佛說何
由悟法答云自然悟如初月令中獼猴祭
天豈有人教燕公大伏亦為應機者歎其
善對寧加置記者為順經文從若有初佛

下出不及置記所以既有初佛悉數難窮
如來具足一切種智直緣初佛則可示矣
故雖善對未息難源言何法者染淨一切
法者即如真妄前後之難也初會畧明初
地當

世間從何處來去至何所有幾世界成有幾
世界壞世界從何處來去至何所

第四門徵世間所從有六句初二句問衆
生及蘊世間次四句約器世間以外道計
衆生有最初生故或謂從冥諦中來還至
冥故或謂世界皆微塵成謂至妙之色常
恒不變聚則爲身器散則成微塵故此皆

邪見之源故不應答

第四門徵世間所從
中其諸邪見初卷已

廣有情世間不言成壞者瑜伽云有情望
器有五不同一謂器界生死共因所生有
情生死但由不共故是因不同二器有除
斷有情流轉不斷故是時不同三謂三災

壞不壞故名法不同四器界因無永斷有
情不誦名斷不同五器則斷而復續有情
斷已無續名續不同以斯義故略無成壞
也器界生死共因者出現品說三謂三災
但壞器界不壞有情先令有情生上界
竟方壞器界故四器界因無永斷者如染
剎之因已亡不復更修染因招染剎也有
情染因雖滅陰識不滅五器界斷而復續
者約招成壞之剎墮後更成有情捨捨異
生之性終不更爲凡夫矣然此與四似當
相違而四則器界約因斷果不生有情因
斷果不失五器界約果斷果不續
續有情約妄因已斷妄果不續

何者爲生死最初際何者爲生死最後際

第五約生死初後際唯有二句問初際無

始聖教所明生死有終豈非正理答略有
三義一約一人則可云終通望一切則無
終極二以彼定執長邪見故亦不應答謂
若許有終必有始故常法無始亦無終故
三約法性皆不可說故中論云大聖之所

說本際不可得生死無有始亦復無有終
若無有始終中當云何有是故於此中先
後共亦無既言本際不可得亦不應定謂
無始無終況有始終之見耶又有偈云真
法及說者聽者難得故是故則生死非有

邊無邊

謂若許有終必有始故亦如初地
中論云大聖之所說等即本際品

仍此中初偈引教立理顯無始終二句
其先後畧有三義謂應有問言生死二法
為先生後死為先死後生為生死一時一
時名共今且總非下有偈出非所以云若
使先有生後有老死而後有生者則為
有老死若先有老死釋曰前偈破先生後
無因不生有老死釋曰前偈破先生後死
生必因死今先有生則不生因老死而有故
云不老死有生則亦不生無有老死先獨
生故後偈破先生死後生是死因今死在
前則為無因矣次破一時偈云主及於老
死不得為一時共死時即有死是二俱無因
釋曰以生不固死死不固生故後結法空
云若使初後共是皆不然者何故而戲論
謂有生老死既言本際不疏釋論正為證
有始終之邪見故又有偈云此即上諸邪
邪見品破有邊等偈後前已引竟上諸邪

十二

十七

見多是外道亦參小乘菩薩善知則問答
無滯便舉破者令自他遣中故也上諸邪
見下總
結上意言菩薩善知問答皆具四種答一
正是置答二如說生死無有始終是一向
答三如云衆生器界五種不同是分別答
四若有問云世尊約何法說我何法說衆
生應答言約假名說我約因緣說衆生是
名隨問答若通前七以辨多聞問答居然
可知餘
可思準

是名無記法

菩薩摩訶薩作如是念一切衆生於生死中
無有多聞不能了知此一切法我當發意持
多聞藏證阿耨多羅三藐三菩提為諸衆生
說真實法故名菩薩摩訶薩第五多聞藏
第二菩薩下顯多聞之意謂悲物無聞長
淪生死故誓持聞藏自證利他

大方廣佛華嚴經疏鈔會本第二十二之三

音釋

輓而元切潰胡對切蝥施雙切鏹千
切與軟同居候切詰契吉切鏹作木切鏹鏹
槍切用與擊牛乳也詰問也鏹矢鏹也

大方廣佛華嚴經疏鈔會本第二十二之四 土三

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何等爲菩薩摩訶薩施藏

第六施藏文三同前

主

此菩薩行十種施所謂分減施竭盡施內施
外施內外施一切施過去施未來施現在施
究竟施

釋相中二第一標列十章

佛子云何爲菩薩分減施

第二佛子下依章牒釋釋中十段一一各
三謂標釋結然此十施前六事捨謂身命
財次三心捨謂不取著後一俱捨名爲究
竟

此菩薩稟性仁慈好行惠施若得美味不專

自受要與衆生然後方食凡所受物悉亦如
是若自食時作是念言我身中有八萬戶蟲
依於我住我身充樂彼亦充樂我身饑苦彼
亦饑苦我今受此所有飲食願令衆生普得
充飽爲施彼故而自食之不貪其味復作是
念我於長夜愛著其身欲令充飽而受飲食
今以此食惠施衆生願我於身永斷貪著是
名分減施

第一分減施釋中三初明分減之相二若
自食下明施善巧外無施境而不捨施心

三復作下對治施障

云何爲菩薩竭盡施

第二竭盡施者不顧活命傾竭所有也然
施心須成施行須量若彼爲成大利則身
命無惜若彼但爲貪求無厭或惡心欲行

人則窮苦天命時或有人來作是言汝今所有悉當與我菩薩自念我無始已來以饑餓故喪身無數未曾得有如毫末許饒益衆生而獲善利今我亦當同於往昔而捨其命是故應爲饒益衆生隨其所有一切皆捨乃至盡命亦無所吝是名竭盡施

二釋相中三初明難施之物二或時下乞境現前三菩薩自念下正修施行下之四施皆有此三

云何爲菩薩內施

第三內施謂內身也

佛子此菩薩年方少盛端正美好香華衣服以嚴其身始受灌頂轉輪王位七寶具足王四天下時或有人來白王言大王當知我今衰老身嬰重疾煢獨羸頓死將不久若得王

身手足血肉頭目骨髓我之身命必與存活唯願大王莫更籌量有所顧惜但見慈念以施於我爾時菩薩作是念言今我此身後必當死無一利益宜時疾捨以濟衆生念已施之心無所悔是名內施

煢者單也玉篇云無兄曰煢無子曰獨頓者損也翼者望也三是名下結名

云何爲菩薩外施佛子此菩薩年盛色美衆相具足名華上服而以嚴身始受灌頂轉輪王位七寶具足王四天下時或有人來白王

土三

言我今貧窶衆苦逼迫惟願仁慈特垂矜念捨此王位以贍於我我當統領受王福樂爾時菩薩作是念言一切榮盛必當衰歇於衰歇時不能復更饒益衆生我今宜應隨彼所求充滿其意作是念已即便施之而無所悔

是名外施

第四外施即王位也。寡者無財備禮也。

云何爲菩薩內外施佛子。此菩薩如上所說處輪王位七寶具足。王四天下時。或有人而來白言。此轉輪位王處已久。我未曾得唯願大王捨之。與我并及王身爲我臣僕。爾時菩薩作是念言。我身財寶及以王位。悉是無常敗壞之法。我今盛壯富有天下。乞者現前。當以不堅而求堅法。作是念已。即便施之。乃至以身恭勤作役。心無所悔。是名內外施。

第五內外施者。王位爲外。兼身作役爲內也。

云何爲菩薩一切施佛子。此菩薩亦如上說處輪王位七寶具足。王四天下時。有無量貧窮之人來詣其前而作是言。大王名稱周聞

土三

五

十方我等欽風故來至此。吾曹今者各有所求。願普垂慈。令得滿足。時諸貧人從彼大王或乞國土。或乞妻子。或乞手足。血肉心肺頭目髓腦。菩薩是時心作是念。一切恩愛會當別離。而於衆生無所饒益。我今爲欲求捨貪愛。以此一切必離散物。滿衆生願。作是念已。悉皆施與。心無悔恨。亦不於衆生而生厭賤。是名一切施。

第六一切施者。凡所有物也。此與竭盡及內外施異者。竭盡揀異分減。但約資生內外合前二門空言作役。王位今云一切通前諸門。又是事捨之終。故總該收舉難攝。易畧列數條。廣則無邊。如第六迴向所辨云何爲菩薩過去施。此菩薩聞過去諸佛菩薩所有功德。聞已。不著了達。非有不起分別。

不食不味亦不求取無所依倚見法如夢無有堅固於諸善根不起有想亦無所倚但爲教化取著衆生成熟佛法而爲演說又復觀察過去諸法十方推求都不可得作是念已於過去法畢竟皆捨是名過去施

第七過去施者然三世之施通相皆明不著別則過去不生追戀未來預止貪求現在心無染著今過去釋中分二先明於佛法無著後又復下於一切法無著前中初二句總明次不起分別下別顯先顯不著之相不分別者稱法性故次不貪染不愛味亦不方便求取以爲已德亦不依此而起修行次見法下廣上了達釋不著所由次但爲下釋疑云既俱無著云何而說釋云爲化衆生令無著故二於一切法無

六三

六

著者以般若智求不可得觸目現境尚了性空過往法中寧當計有

云何爲菩薩未來施此菩薩聞未來諸佛之所修行了達非有不取於相不別樂往生諸佛國土不味不著亦不生厭不以善根迴向於彼亦不於彼而退善根常勤修行未曾廢捨但欲因彼境界攝取衆生爲說真實令成熟佛法然此法者非有處所非無處所非內非外非近非遠復作是念若法非有不可不捨是名未來施

第八未來施釋中分二先正顯後釋疑前中不著修行之因不願淨土之果不味其好不厭其事不迴向者釋上不味不自安處求勝樂故不退已下釋上不厭修彼行故不自安處求勝樂者二但欲下釋疑

初發心住已會此文

云既於淨不味修行何爲釋有二意一者約悲但爲攝物故二然此下約智智了非有故生即非生故不著不礙事故非生之生故修行非有處所者與理真故非無處所者事像形故非內者相分境故非外者

三

七

心所淨故非近者十萬等殊故非遠者我淨土不毀故此約淨國以說若通論未來法者可以意知復作已下更約性空結成捨義又目擊尚捨況於未形非有處所者與理真故者即明淨土四句之義謂有質不成無質不成等如世界成就品十萬等殊者十萬即

阿彌陀經從此西方十萬佛土有世界名曰極樂故等者等於餘土遠近之數若約通論未來法可以意知者未來未至故非有處所緣會當成聖智所知故非無處所未來故非內由心故非外未至何有遠近

云何爲菩薩現在施此菩薩聞四天王衆天三十三天夜摩天兜率陀天化樂天他化自

在天梵天梵身天梵輔天梵衆天大梵天光天少光天無量光天光音天淨天少淨天無量淨天徧淨天廣天少廣天無量廣天廣果天無煩天無熱天善見天善現天色究竟天乃至聞聲聞緣覺具足功德

第九現在施釋中有三初明所捨之境二聞已下正明捨心三爲令下釋通外難今初先列諸天後列二乘功德上二世中舉佛菩薩今舉諸天二乘者文影畧耳天中初六欲界已如初會梵天已下明色界天然色界攝天多少諸說小異俱舍正理皆說十七故頌云三靜慮各三第四靜慮八長行之中建立十六以梵王梵輔同一天故瑜伽云處有十八謂色究竟外說大自在不言無想意在廣果中收今此即文而

數有二十二然四禪初一皆是總標則初靜慮四二三各三第四有八還成十八正理初說有三今加梵身晉經梵衆名梵眷屬若然身亦衆義則梵身是外所領之衆梵衆則爲內眷屬衆梵輔即大梵前行列侍御大梵即彼天王獲中間定初生後歿威德等勝故名爲大

次光天下即二禪三天一自地天內光明最少故二光明轉勝量難測故三光音者口出淨光故次淨天下即三禪三天意地

受樂總名爲淨一於自地中此淨最劣故名少淨二淨增難量故三此淨周普故次廣天下明四禪八天初三凡離八災患皆稱福廣於自地中此福猶劣故名少廣二福難量故三異生果中此最勝故

異生果中

此最勝故者無煩已上名五淨居謂離欲上五聖居故諸聖以聖道水濯煩惱垢故名爲淨淨身所止故名淨居或此天中無異生雜純聖所止故名淨居一無煩者煩謂繁雜或謂繁廣無繁雜中此最初故繁廣天中此最

劣故此依正理若順今經皆作此煩則無廣義也二無熱者已善伏除雜修靜慮上中品障意樂調柔離熱惱故或熱者熾盛爲義謂上品修靜慮及果此猶未證故三善現者已得上品雜修靜慮果德易彰故

名善現已得上品雜修靜慮者謂漏與無漏

品論云前說上流雜修靜慮爲因能生色究竟天先應雜修何等靜慮問由何等位知雜修成二同復有何緣雜修靜慮調偏云生現樂及遍煩惱過三靜釋曰初句明夫欲雜修必先修第四靜慮由第四靜慮最堪能故二答成位謂阿羅漢或是不還成由一念雜者謂彼必先入第四靜慮多念

無漏相續現前從此引生多念有漏後復多念無漏現前如是旋環後復漸減乃至最後二念無漏次引二念有漏現前無間復生二念無漏名雜修定加行成滿次復唯有一念無漏次復引起一念有漏無間復生一念無漏中間有漏前後無漏以相間雜故名雜修此一念雜名根本成修第四已乘此勢力亦能雜修下三靜慮三答何緣云雜修靜慮總有三緣一為受生淨居天故二為現樂受現法樂故三為遮

煩惱過若不還修由前三緣若羅漢修除受生一從此第六明淨居處何唯有五論頌云由雜修有五生有五淨居釋曰由雜修第四有五品故一下品有三心初起無漏次起有漏復起無漏二是中品亦同上修三心并前成六三是上品四上勝品五上極品亦皆同初各起三心三五便成一十五心如次五品感五淨居應知此中無漏勢力熏修有漏感五淨居非無漏感今善現天是第四品第五善見是極上品故

障至四善見者雜修定障餘品至微見極清徹故名善見經本先見後現或恐誤也五色究竟者更無有處於有色中能過於此故或此已到衆苦所依身最後邊故言乃至二乘功德者中間越於四空等故

聞已其心不迷不沒不聚不散但觀諸行如夢不實無有貪著

二正明捨心中聞上世出世境已不迷為實不沈沒於貪不聚集其善因不散動以分別但觀下釋其所以可知

為令衆生捨離惡趣心無分別修菩薩道成就佛法而為開演是名現在施

三釋難者疑云既言不聚善因何以說五乘因果釋云拯三塗之劇苦示人天以蘇息止劣見之妄情說二乘以引攝為物然耳非自不捨也

云何為菩薩究竟施

第十究竟施文三同前徵名者畧有五義得究竟名一前六捨財命次三捨著心今則兼上二門故二又發大願令物無著故

三令物得究竟果故四不生一念愛著則微細無著故五究竟能令物實益故如無眼等而施之者如世凡人豈能將他之目安之於已今菩薩福力令彼還得以慈善根力故如五百群賊平復如故故云究竟

十三

+

益

佛子此菩薩假使有無量衆生或有無眼或有無耳或無鼻舌及以手足來至其所告菩薩言我身薄祐諸根殘缺惟願仁慈以善方便捨已所有令我具足

釋相中三初施境現前二菩薩闡下正明施行三如我下迴向衆生

菩薩聞之即便施與假使由此經阿僧祇劫諸根不具亦不心生一念悔惜但自觀身從初入胎不淨微形胞段諸根生老病死又觀

十三

十一

此身無有真實無有慙愧非賢聖物臭穢不潔骨節相持血肉所塗九孔常流人所惡賤作是觀已不生一念愛著之心復作是念此身危脆無有堅固我今云何而生戀著應以施彼充滿其願

二中分二初正施無恪二但自下釋成行之由由入觀故此觀即是念處觀也皆言身者觀有通別別觀五蘊一一名身故淨名云是身如泡不得久立等通觀五陰皆無常等故智論云五陰即無常無常即苦

苦即無我等今此不淨偏語色身餘之三觀皆通五蘊第一苦觀謂始從入胎皆生苦攝老等可知二又觀下明無我觀謂無真實主宰故無有慙愧者雖假以澡浴衣食一旦背恩如小兒故非賢聖物者是世

間故故智論云由無我故令捨世間三臭

穢下明不淨觀四復作下明無常觀觀危

脆故一且背思如小兒故者即智論文審諦觀此身終畢歸死處難御無反復

背思如小兒故智論云由無我故下亦同此卷已前亦引

如我所作以此開導一切衆生令於身心不

生貪愛悉得成就清淨智身是名究竟施是

爲菩薩摩訶薩第六施藏

三迴向者揀小乘故然菩薩修此觀時以

無所得而爲方便故同法界故已不共小

沉迴向耶

佛子何等爲菩薩摩訶薩慧藏

第七慧藏中分四一徵名二釋相三結名

四歎益

此菩薩於色如實知色集如實知色滅如實

知色滅道如實知於受想行識如實知受想

行識集如實知受想行識滅如實知受想行

識滅道如實知於無明如實知無明集如實

知無明滅如實知無明滅道如實知於愛如

實知愛集如實知愛滅如實知愛滅道如實

知於聲聞如實知聲聞法如實知聲聞集如

實知聲聞涅槃如實知於獨覺如實知獨覺

法如實知獨覺集如實知獨覺涅槃如實知

於菩薩如實知菩薩法如實知菩薩集如實

知菩薩涅槃如實知

就釋相中二初明慧藏後釋無盡前中三

十二

初明如實知境次云何下釋如實知義三

菩薩成就下總結多門以彰善巧今初以

四諦慧照十種法攝十爲五類前五五蘊

次二有支後三三乘故以四諦慧等者即四諦差別門中云若約無作四諦也故下

菩薩能觀皆無作也收此五類不出二

門初二凡境後三聖境又若後三就果則初二有作四諦後一無作四諦界內界外因果異故此就所觀若約菩薩能觀皆無作也又初二流轉後三還滅前有滅道是流轉始修之還滅後有苦集是還滅未盡

十三

十三

之流轉又前是所知之法後是能知之人中有法即是前法歷於四諦是聲聞法所緣有支是緣覺法五蘊即是三乘共法皆如實知是菩薩法救五馬二四門中前三皆約所知後一方具能所前有滅道下此通妨難謂有難言初二流轉即五蘊有支而皆有四諦謂色滅色道等滅道即是還滅何言流轉後有苦集亦然故今通云前五陰等中有滅道者於蘊等中方始修道期得滅耳若已證滅則無蘊等言後有苦集者即三乘中亦以四諦則有苦集既是還滅何得有之今答雖是聖人苦集未盡無餘涅槃方始盡故又前是所知下第四門中二先正明後覺法如實知等何言但是能知之人故為此通謂三乘聖人歷前諸法成三乘耳歷

於四諦下示其以法成人之相其四諦之法遍在前七所緣有支即無明有愛能如實知諸法皆言如實知者下經總釋今當畧辨一如事實二如理實

十中前七當相是苦無明與愛有漏性故行苦隨故行蘊攝故緣成是集無性是滅顯滅爲道從詮顯故此則總說及就理滅若別說者不了無常不淨等過而生愛著名爲色集若滅癡愛名爲色滅唯止與觀是色滅道由止離愛由觀離癡若兼助道即有戒學及道品等受想行識例此可知無明集者由他言說不如理引由自妄想不正思惟滅此名滅言愛集者謂無明觸爲緣所生受故亦滅此名滅癡愛之道皆同蘊說十二支中唯舉二者發業潤業唯此二故能引能生各舉初故從癡有愛病

之源故涅槃三十四云從無明生愛當知是愛即是無明從愛生取當知是取即無明愛等亦似斯義又約三際無明為本愛取為際此二中間有識等五及生老死今悟無明由逃過去有識等五現在之愛即

是無明若不斷者輪轉不息今思斷之將

來無復生死矣無明與愛有漏性下釋妨

煩惱云何而言七皆是苦故為此通明三義是苦緣生是集七皆緣生無性是滅七皆無性結是理滅顯滅為道者顯無性理言從詮顯者釋上顯滅為道謂緣生之法是顯滅之詮若不從緣不知無性故亦如修行止觀顯得滅理故次結云此則總說及就理滅若別說者下歷色等一一別明四諦之相可以思準由他言說等皆喻伽明義皆可知不正思惟亦涅槃意六地常明無明觸為緣等者亦喻伽意大般若等皆說跟觸為緣若以明為緣不成有支境識三和合名觸若以明為緣不成有支由無明迷而受諸樂受生愛故是愛因發業下解略引三文一唯識生引門說無明發業愛能潤業能引有二但舉無明能潤有三但舉於愛已攝取有涅槃下引

經證即是北經有本當三十五南經三十
二明一十一對諱論之中此當第十四有
心數無心數義此大略若具引者經云
善男子我於經中作如是說一切凡夫亦
至識陰皆是無明因緣所出一切凡夫亦
復如是從無明生愛當知是愛即無明
當知是愛即無明生愛當知是愛即無明
是受即是有即是有即是有即是有即有
愛取有行受觸識六入等是故受者即十
耳支善男子我諸弟子聞是說已不解我
意唱言如來說無心數釋曰此中三先
明聖人五陰轉相無生更無別數此中三
世十二因緣應顯互論文中先列後結列
中先明過去之因從無明生言從無明生
愛當知是愛即無明生言從無明生言
境染著即名為愛是故無明愛即無明言
從愛生取當知是愛即無明生言從無明
心取著境界即名為愛是故無明愛即無
取即無明愛取者前取心起業有當知是
無明愛取者前取心起業有當知是
即無明愛取者前取心起業有當知是
受即無明愛取者前取心起業有當知是
即無明愛取者前取心起業有當知是
有支轉現之體從此緣得故名為受即
即前無明愛取者前取心起業有當知是
於名色者受增取近言耳言從受因緣生
從受生於無明愛取者前取心起業有當
後因也從受因緣生於愛觸識六入等者

從現報色轉起未來生死也亦應宣說
名色卽是受乃至宣說六入卽受而文略
耳卽以下經云是故受者卽十三支故此未
句卽是總結無別受外心法向前卽於過
去無明愛等向後卽於名色等故受卽十
二支以今疏引但後初段證無明愛是十
二支本其卽無明愛等字等餘經文然其
彼經本意爲明斯義又約三際無明爲本
下卽喻如論至下六地無別心法非成無
明及愛是有支本故疏結言亦似當廣分

別今且略釋無明橫起是本可知不了第
一義諦名無明故言愛取爲際者卽現在
所起若更起愛取則有未來生死支若
不起者當苦不生有無由之故名爲際言
是二中間有識等五者是無明支後愛取
支前中間五果言及生老死者卽愛取支
後望未來世未起愛取支前爲中後三約
間耳以未來更起展轉無窮故

淨聲聞是人四諦爲法所行道品爲集所
成果爲涅槃十二因緣是緣覺法無邊法
界是菩薩法又知聲聞卽是知苦以聲聞
苦是已知故但舉其位法卽是彼所行之
法卽是道諦集卽是彼惑集未盡是爲集
諦已有斷故法後說之涅槃卽是滅諦已

證滅故改名涅槃緣覺菩薩準斯可見前
釋通因後釋就果若定以前二爲分段後
三爲變易則小乘三果已前應受變易直
往七地已下非此所知故不可也又知聲
通四諦以前標云以四諦慧照十法故前
釋通因下會二釋雖因果云異亦不殊四
諦之意也若定以前下四結彈古義卽判
定記釋曉先敘之後則小乘三果下示其
過相後之三乘通因通果今爲變易則三
果已受變易變易又此三果非始受之何
得三果便受變易又此三果非始受之何
果是分段故言直往七地等者迴小入大
初地已上客受變易直往七地等者迴小入大
方受變易今總爲變易直往七地等者迴小入大
所知亦可直往七地已前應受變易各非此
二過疏文影略耳然分段變易者勝鬘經
云有二種死何等爲二謂分段死不思議
變易死分段死者謂虛爲凡夫不思議變
易死者謂阿羅漢辟支佛大力菩薩意生
身乃至究竟無上菩提釋曰據此明小乘
三果七地已還未受變
易四變易義前已廣說

大方廣佛華嚴經疏鈔會本第二十二之四

音釋

輟陟劣切音拙 輟止也歌也 天命天於兆切短折也不
嬰於盈切榮也 榮獨覺渠營也 贏頓贏力
瘦弱也頓都等量 量直由切算度也量呂
困切類仆也 通迫通傳陌切急迫
重長貧寔寔其矩切 通迫通傳陌切急迫
也也 髓腦髓息委切骨中脂也 脆七芮切小
擗昆亦切正愕驚愕也憤 也房吻切

大方廣佛華嚴經疏鈔會本第二十二之五 土四

唐于闐國三藏沙門實叉難陀 譯

唐清涼山大華嚴寺沙門澄觀撰述

云何知知從業報諸行因緣之所造作一切
虛假空無有實非我非堅固無有少法可得

成立

土四

一

第二釋如實知義非唯能知行相亦顯所知之相也先徵後釋徵意云爲隨相知爲無相知若隨相知寧異凡小若無相知無相無知故言云何知後釋意云相知性

無有障礙是菩薩所知無知之知是菩薩知文分二別先約自利明知苦集後約利他彰知滅道二文影畧應各具四又二段中含前五類具顯三乘今初段中知從業報是五蘊相業集報苦是二諦相言諸行

因緣之所造作十二支相諸行因緣即是

集相之所造作是苦諦相上辨相知一切

已下顯知無相通於苦集初有二句共三

乘相非我已下釋成上文揀二別相由非

我故空無有實但假五陰是聲聞相以非

堅固空無有實但緣成假是緣覺相若無

少法可得空無有實但虛假幻相是菩薩

相非安立諦無可成故

要顯所知方識能知耳知相下此中有三

一上性相無礙二以性融相重重無礙即

四法界是此所知言無知知者是菩薩能

知也即般若無知對緣而照耳又二段中

舍前五類等者謂前以如實知一一歷前

五類之法在文略著今明

文中義合前法故疏示

欲令衆生知其實性廣爲宣說爲說何等說

諸法不可壞何等法不可壞色不可壞受想

行識不可壞無明不可壞聲聞法獨覺法菩

薩法不可壞何以故一切法無作無作者無言說無處所不生不起不與不取無動轉無作用

二欲令已下次約利他彰知滅道能知實性是道諦相法不可壞及所知性即滅諦

相廣為宣說唯菩薩相文中二初標說意二為說下展轉徵釋總有三重初徵意云說何等法令知實性釋云說不可壞此畧示其宗次徵云此不可壞為性為相此尋說處釋云相即性故五類等法皆不可壞依般若中自色已上種智已還悉皆徧歷後徵云現見諸法猶如聚沫泡焰芭蕉幻夢不實那言不壞下釋所由畧由三義一色等性空無可壞故若壞方空非本空故二由空即真同法性故若壞方真事在理

十四

二

外故三由即空不待壞故壞則斷滅文中

十句五對初無我無造故不可壞二離能所詮故三能生不生所生不起故四因不

取果果不與因故五體無動轉用無作相

故自色已上種智已還者大品畧引八十餘科大般若更廣謂色為首是五蘊初

故次歷四蘊次歷十一入十八界次眼等觸等所生諸受次四念住四諦四禪八解脫陀羅尼十地五眼十力大慈大悲四等相好無忘失法一切種智四果菩薩行無上菩提釋曰上即所歷也現見諸法猶如聚沫等者舉五蘊不實破壞之義以難不壞釋意前已類有

菩薩成就如是等無量慧藏以少方便了一

切法自然明達不由他悟

三

第三總結多門以彰善巧者更有多門皆以無所得等為少方便則色空見盡壞與不壞兩亡不隨境轉名不由他悟皆已無少方便者疏以無得釋少方便下經云以無所得而為方便若準大般若亦以無生

為方便無住為方便無依為方便皆般若相也然為方便畧有二意一以為人有方便今有無所得等二為入空方便亦不住無得故今正取為入有方便

此慧無盡藏有十種不可盡故說為無盡何等為十所謂多聞善巧不可盡故親近善知識不可盡故善分別句義不可盡故入深法界不可盡故以一味智莊嚴不可盡故集一切福德心無疲倦不可盡故入一切陀羅尼門不可盡故能分別一切衆生語言音聲不可盡故能斷一切衆生疑惑不可盡故為一切衆生現一切佛神力教化調伏令修行不斷不可盡故是為十

第二釋無盡義有標徵釋結釋亦十事五對一因緣二教理三福智四持辨五智通福智中云一味者百華異色共成一陰萬法雖殊貫之一智亦如上酥無不八也亦如

上酥無不入也者酥深家經歎真實智無不入也

是為菩薩摩訶薩第七慧藏住此藏者得無盡智慧普能開悟一切衆生

三結四歎文處可知

佛子何等為菩薩摩訶薩念藏此菩薩捨離癡惑得具足念

釋相中有四一總標念體二所念差別三能念勝相四明念益相

憶念過去一生二生乃至十生百生千生百子生無量百千生成劫壞劫成壞劫非一成

劫非一壞劫非一成壞劫百劫千劫百千億

那由他乃至無量無數無邊無等不可數不可稱不可思不可量不可說不可說不可說佛名號劫念一佛名號乃至不可說不可說佛名號念一佛出世說授記乃至不可說不可說佛

出世說授記念一佛出世說修多羅乃至不可說不可說佛出世說修多羅如修多羅祇夜授記如陀尼陀那優陀那本事本生方廣未曾有譬喻論議亦如是念一衆會乃至不可說不可說衆會念演一法乃至演不可說不可說法念一根種種性乃至不可說不可說根種種性念一根無量種種性乃至不可說不可說根無量種種性念一煩惱種種性乃至不可說不可說煩惱種種性念一三昧種種性乃至不可說不可說三昧種種性

二憶念下所念差別中唯依宿住以辨明記畧舉十事以顯無盡一生二劫三佛名四授記五演教六衆會七說義八根性九所治十能治文並可知
十二分教今當畧說舊名十二部經恐濫

部帙改名分教各有二相

五

唯修多羅或二或三修多羅者此云契經廣如初卷言二相者一是總相謂涅槃十五云始從如是我聞終至歡喜奉行皆修多羅二者別相雜集十一云謂長行綴緝畧說所應說義然更有異名異名有四一法本二但名經三直說四聖教言法本者遠公以五義釋之一教爲理本二經爲論本三總爲別本四初爲後本五畧爲廣本以彼立三修多羅故一總相二別相三本相亦名畧相總不異前別謂就前總相分出十一餘不收者還復攝在修多羅中名爲別相用斯別相望祇夜等爲其本故名初爲後本言本相者於彼別相十二部中初畧標舉名修多羅後廣釋者隨別名之

如言色者即是根本畧相復云青黃等者是名廣相故云畧爲廣本然其後二不違雜集長行綴緝等言綴緝即是十一所不攝者如賢首品云爾時文殊師利說無濁亂清淨行大功德已等類此是結集綴緝

非佛正說故云十一所不攝者其畧說所應說義即是畧爲廣本如欲顯示菩提心功德故即其類也此第三畧相亦順成實成實名直說語言總相而言名爲直說一語言多義分別名非直說斯則通十二分皆有此一若十二分中修多羅並通前三若三藏修多羅唯局總相但開雜集別義以成後二有不曉者妄非先賢而云修多羅但依總相業用則違諸論長行綴緝等修多羅者下別釋之此一部份二先辨二相其長行綴緝等者次下當知二然

更有下辨異名便彰三相於中二先列四遠公釋二以彼立下爲出所以即立三相以五中後三即三修多羅相然其後二下遮破會通以刊定記自立兩重總別如第一疏鈔不許立三彼第一疏中破云隋遠法師雖說修多羅總別畧三初順涅槃二無聖教亦非正理三違雜集雜論云修多羅者謂長行綴緝三違雜集雜論云修畧說所應說義即是長行綴緝曾無先畧標舉後廣釋相言畧者總之異名謂修多羅一分是總餘十一分是別今修多羅依藏部中總相業用而立其名餘藏部名依貫攝故餘藏部所用所以化由此貫攝彼方成故故沮槃云始從如是聞此貫攝彼方奉行皆修多羅攝釋曰此即彼之立破今疏知其所以立但是總相更不叙之言違雜集故爲辨相却用雜集故云不違此成別相故云長行綴緝是十一所不攝者恐義未顯故引涅槃賢首品示之以總長行綴緝即是總相總相何得揀得頌耶其有畧說所應說義通畧相修多羅即離雜集論一文而爲兩段畧出別之據只用上賢首品一文雙證二義如云爾時文殊師利說無濁亂清淨行大功德已者但是長行綴緝若云欲顯示菩提心功德者但是長行綴緝下文之所說故次明不違成實可知從斯則通十二分者明畧相通也不同意相十

二修多羅通局之異此文正為刊定立
總別彼云但藏部立名各有兩重總別
謂三藏十二部為總名修多羅等為別
二謂修多羅為總號毗奈耶等為別
目自古相傳唯辨前門不論其後釋曰其
後一總別彼為提按今正破之彼意云既
契理合機名修多羅則律與論皆有契
豈不得名修多羅耶故今示云二藏有契
合者即十二部中修多羅耳此約義該何
須更立兩重總別三藏修多羅唯局總相
十二分中却分三相故從總相立於經藏
據異二藏也但開雜集下結示遠公之據
有不曉下結彈刊定違雜集言却在彼已
餘十二分文並可知然隨一分便引當
經為證則顯此言二祇夜者此云應頌一
經具十二分耳
與長行相應之頌由於長行說未盡故雜
集云不了義經應更頌釋如十住品發心
住頌即其類也二為後來應更頌故涅槃
云佛昔為諸比丘說契經竟爾時復有利
根衆生為聽法故後至佛所即便問人如
來向者為說何事佛時知已即因本經以
偈頌曰我昔與汝等不識四真諦是故久

流轉生死大苦海等涅槃云佛昔為諸比丘等者即十五經云
長行具云何等名為祇夜經佛告諸比丘
昔我與汝愚無智慧不能如實見四真諦
是故流轉久處生死沒大苦海何等為四
苦集滅道如佛昔日為諸比丘說契經竟
下全同疏疏後等字有二一餘偈更有
一偈云若能見四諦即得斷生死生有既
已盡更不受諸有是名三授記者梵云和
祇夜經二等取餘經文
伽羅那亦云記別記者錄也別謂分別一
記弟子生死因果其文非一二記菩薩當
成佛事如記彌勒此發心品及出現品並
有其文如記彌勒者涅槃云何等名為授人受佛記別汝阿逸多未來有王名曰彌勒當於是世而成佛道號曰彌勒是名授
經四伽陀者此云諷頌諷即是頌謂孤起
偈一為易誦持故二為樂偈者故三天偈
讚皆是其流四伽陀涅槃中引諸惡莫作偈二相即是二意立偈五
尼陀那此云因緣一因請方說為重法故
如三家五請等二因事方說知本末故如

觀善財又雜集云又有因緣制立學處即

因事制戒亦第二攝

二因事方說知本末

尼陀那經如諸經偈所因根本爲他演說如舍衛國有一丈夫淫網捕鳥得已籠繫隨與水草而復還放世尊知其本末因緣而說偈言莫輕小罪以爲無殃水滴雖微漸盈大器六優陀那此云自說一爲令知而請

吉

八

法故如十地本分等二爲令所化生殷重

故念佛慈悲爲不請友如普賢行品等

七本事者梵云伊帝目多伽一說佛往事

如說威光太子等二說弟子往事如說諸

善友因緣等

七本事二相中喻伽八十一但有初相云本事者說佛前

際所有事後際所生事雜集但有後意論云本事者謂宣說聖弟子等前世相應事

八本生者梵云闍陀伽謂說昔受身一說

如來如說威光數數轉身值諸佛等二說

弟子如諸善友等然其本事但云其事除

所生事本生要說受身

八本生等一說如來者涅槃云如佛

世尊本爲菩薩時修諸苦行所謂比丘當知我於過去作鹿作羆作獐作兔作栗散王轉輪聖王龍金翅鳥如是九方廣者梵行菩薩道時捨所可愛身云毘佛畧一廣大利樂故二正法廣陳故此經一部全受斯稱涅槃云所謂大乘方等經典其義廣大猶如虛空雜集開爲五

義云方廣者謂菩薩藏相應言說亦名廣

破以能廣破一切障故亦名無比法無有

諸法能比類故一切有情利益安樂所依

處故宣說廣大甚深義故

九方廣可知所引雜集皆第十

一開總菩薩藏相應言爲四并總爲五耳餘可知

九十未曾有者梵

云阿浮達磨亦云希法一德業殊異故如

佛初生即行七步斯經不起而升四天等

二法體希奇故謂說佛菩薩不共功德經

文非一

十一譬喻者梵云阿波陀那一爲深智說

似令解真故如法華云諸有智者以譬喻得解如出現品一一喻明二爲淺識就彼取類誘令信故如爲擔人說二蘊等此經所無雜集通說爲令本義得明了故

十二論義者梵云優波提舍一以理深故二義不了故並須循環研覈或佛自說或菩薩相論如問明品等

此之十二於大於小爲局爲通若皆大者則違涅槃等文涅槃第三云護大乘者受持九部法華第一云我此九部法隨順衆生說瑜伽等論說聲聞藏無有方廣然諸經論且約一相故作是說如實說者大小皆具如深密中菩薩依十二分教修奢摩他瑜伽二十一云佛爲聲聞一一具演十二分教而涅槃說大但有九者依三部中

之小相故謂因緣中取因事制戒於譬喻中依爲誘引於論議中約非了義法華九部小者三相大故於記別中取記作佛自說之內依不請友方廣之中依廣大利樂其正法廣陳通大通小然契經望餘總相畧相則許通有別相則無應頌頌本事本生互望並無本事本生望於記別亦是互無自說因緣容得互有如因事說不由請故除上所除餘皆互有此經之中具足十二已如上引十二分教義已畧周有欲廣知如涅槃十五雜集十二瑜伽八十一等說言一三昧種種性者如一定中凡小權實多差別故又一多即入故

涅槃第三云說大乘

者受持九部者義引經云若有比丘供身之具亦常豐足復能護持所受禁戒能師子吼演說妙法謂修多羅祇夜授記伽陀憂陀那伊帝目多伽闍陀毗佛畧阿浮達

磨以如是等九部經典爲他廣說利益安樂諸衆生故等法華第一即是方便後偈下半云入大乘爲本以故說是經下引瑜伽小唯十一

此念有十種所謂寂靜念清淨念不濁念明徹念離塵念離種種塵念離垢念光耀念可愛樂念無障礙念

三此念下明能念勝相於中十句一靜慮相應故二無漏俱轉故三淨信俱故四了知故五不取相故六離分別故七離所知故八與慧俱故九具上諸德故十離上諸過故

菩薩住是念時一切世間無能燒亂一切異論無能變動往世善根悉得清淨於諸世法無所染著衆魔外道所不能壞轉身受生無所忘失過現未來說法無盡於一切世界中與衆生同住曾無過咎入一切諸佛衆會道

場無所障礙一切佛所悉得親近是名菩薩摩訶薩第八念藏

四菩薩住此下明念益相亦有十句既世與出世皆念故能離過成德並顯可知佛子何等爲菩薩摩訶薩持藏此菩薩持諸佛所說修多羅文句義理無有忘失一生持乃至不可說不可說生持

第九持藏釋相中三初別舉文義顯長時持

持一佛名號乃至不可說不可說佛名號持一劫數乃至不可說不可說劫數持佛授記乃至不可說不可說佛授記持一修多羅乃至不可說不可說修多羅持一衆會乃至不可說不可說衆會持演一法乃至演不可說不可說法持一根無量種種性乃至不可

說不可說根無量種種性持一煩惱種種性
乃至不可說不可說煩惱種種性持一三昧
種種性乃至不可說不可說三昧種種性

二持一佛下徧舉諸法顯能廣持所持即
前所念之法

佛子此持藏無邊難滿難至其底難得親近
無能制伏無量無盡具大威力是佛境界唯
佛能了是名菩薩摩訶薩第九持藏

三佛子下辨能持德量文有十句一大之
無外二廣能虛受三深難至底四四邊絕

相五外無能制六體無分量七用無窮盡
八內含衆德九因徹果源十餘無能究

佛子何等爲菩薩摩訶薩辨藏

第十辨藏文有四別謂徵釋結歎

此菩薩有深智慧了知實相廣爲衆生演說

諸法不達一切諸佛經典

釋相中四初總舉體用雙照事理二種實
相名深智慧

說一品法乃至不可說不可說品法說一佛
名號乃至不可說不可說佛名號如是說一

世界說一佛授記說一修多羅說一衆會說
演一法說一根無量種種性說一煩惱無量
種種性說一三昧無量種種性乃至說不可
說不可說三昧無量種種性

二說一品下顯能廣演

十四

十五

或一日說或半月一月說或百年千年百千
年說或一劫百劫千劫百千劫說或百千億
那由他劫說或無數無量乃至不可說不可
說劫說劫數可盡一文一句義理難盡

三或一日下明長時演先正明

何以故此菩薩成就十種無盡藏故成就此藏得攝一切法陀羅尼門現在前百萬阿僧祇陀羅尼以爲眷屬得此陀羅尼已以法光明廣爲衆生演說於法

後徵釋以是十藏之終故說具前十藏近

接總持復舉陀羅尼門

去

十五

其說法時以廣長舌出妙音聲充滿十方一切世界隨其根性悉令滿足心得歡喜滅除一切煩惱纏垢善入一切音聲言語文字辯才令一切衆生佛種不斷淨心相續亦以法光明而演說法無有窮盡不生疲倦何以故此菩薩成就盡虛空徧法界無邊身故是爲菩薩摩訶薩第十辯藏

四其說法下彰辯之德亦有正明徵釋可知

此藏無窮盡無分段無間無斷無變異無隔礙無退轉甚深無底難可得入普入一切佛法之門

四歎勝中文有十句義該七辯一無窮盡是豐義味辯一一句中出多事理故二即捷辯欲言即言無分段故三無踈謬辯不以邪錯間深理故四無斷辯相續連環故五應辯應時應機無變異故六迅辯迅若懸河無隔礙故已下四句即一切世間最上妙辯此辯有五德一甚深如雷即第八句二清徹遠聞故不退轉即第七句三其聲哀雅如迦陵頻伽故能普入一切佛法即第十句四能令衆生入心敬愛五其有聞者歡喜無厭故難可得入上二即第九句上來第三依章別釋竟

七辯十地廣明

佛子此十種無盡藏有十種無盡法令諸菩薩究竟成就無上菩提

第四佛子下總數十藏勝能分三初標歎何等爲十饒益一切衆生故以本願善迴向故一切劫無斷絕故盡虛空界悉開悟心無限故迴向有爲而不著故一念境界一切法無盡故大願心無變異故善攝取諸陀羅尼故一切諸佛所護念故了一切法皆如幻故二徵釋釋有十句攝爲五對一下化上求二豎窮橫徧三捨相契實四無變善攝五

外護內明

是爲十種無盡法能令一切世間所作悉得究竟無盡大藏

三是爲下結歎此後應有偈等或是畧無多是經來未盡第四會竟

大方廣佛華嚴經疏鈔會本第二十二之五
音釋

綴緝綴朱衛切聯也 樟止良切 翅施智切
婉亂境而沼切擾同亦亂也

大方廣佛華嚴經疏鈔會本第二十二之一 土五

唐于闐國三藏沙門實叉難陀 譯

唐清涼山大華嚴寺沙門澄觀撰述

升兜率天宮品第二十三

自下第五會明上賢十向四門同前初來

土五

意中先會來者正爲答前迴向問故迴前

解行以向真證廣益自他令行彌綸無不

周故菩薩大乘藏經云以少善根引無量

果者謂迴向心以迴向心爲大利故故行

後明之又前解行既著令悲願彌博後品

來者前會既終將陳後說先明說處表法

故來菩薩大乘藏經者或單名菩薩藏經

說迴向等功德先明七賢布滿恒河沙三

于大千世界供養於佛後云行此迴向功

德等即引無量果乃是義引耳以迴向心

爲大利故即暗引淨名佛道品普現色身

所說修行迴向爲大利故行後明之者迴

前行二釋名者先會得名亦有三義同前

二會亦有二義者一約處名兜率天宮會

二約人名金剛幢菩薩會三約法名

十迴二釋品名兜率是處佛以法界之身

不起而應故名爲升處此說者表位超勝

是次第故又上下放逸此天知足表世間

行滿故居喜足之天又以彼有一生補處

表菩提之心功行滿故又積功累勲知階

未足迴勲授子乃知有餘菩薩亦爾勤苦

積行未見有餘迴向衆生乃知自足又欲

界六天此居其中表悲智均平處於中故

又生此天而修三福謂施戒定自餘不具

偏多不均故處此說也處此說下此句微

六意一前行在夜摩今迴向起前故居兜

率上但約次第二取知足天名三約天主

說之四再就知足釋之前約自利足此約

利他足五約中道說之六約均平釋言又

生此天而修三福者即涅槃三十二應言

身天第三宗趣者會以十向大願爲宗得地

爲趣品以升天赴感爲宗說向爲趣

爾時佛神力故十方一切世界一一四天下
閻浮提中皆見如來坐於樹下各有菩薩承
佛神力而演說法靡不自謂恒對於佛

土五

二

第四釋文此會有三品經初二當會由致
後一正說所以無勝進者由二義故一以
此會是三賢位終攝前解行總爲趣地方
便迴向當體自是勝進是故無也此經上
下其例有四一約行滿入位之際如賢首
品信滿總爲入位方便二約願滿入證之
際如此迴向初僧祇滿總爲入地方便三
約功用滿入無功用之際如第八地初總
攝前七地以爲方便此第二僧祇滿四約
因位成滿之際如第十地初攝前九地爲

入方便此約三僧祇滿處攝也餘同位相

接即別有方便故非一例

三約功用滿等者第八地初有

總明方便集作地分集前七地爲入地方便四十地初有方便作滿足地分是也

二方欲入地必離進趣相與無分別爲方便故就初二品前一化主赴機後品助化

讚佛今初品中大分十段一本會齊現二

不離而升三見佛嚴處四迎佛興供五觀

佛勝德六請佛處殿七如來受請八天王

獲益九承力偈讚十如來就坐今初也初

言神力即是徧因未必起神境通但是修

土五

三

成心自在力十方已下辨所現相於中亦

有化主助化望第四會既加及須彌頂此

亦應云坐於樹下及須彌夜摩天宮文無

者略以第二段中帶前升後既全舉前四

則影顯前四皆圓徧也而演說者亦通四

會之所說也

未必起等者此亦即前第十二經初各隨其類爲現神通

餘說四會等

例前可知

爾時世尊復以神力不離於此菩提樹下及須彌頂夜摩天宮而往詣於兜率陀天一切妙寶所莊嚴殿

第二爾時下明不離而升謂前十方一切處四會皆儼然不散而升此說意明橫徧十方豎該九會佛法界身徧時處故餘義具如第三會初

時兜率天王遙見佛來即於殿上數摩尼藏師子之座其師子座天諸妙寶之所集成過去修行善根所得一切如來神力所現無量百千億那由他阿僧祇善根所生一切如來淨法所起無邊福力之所嚴瑩清淨業報不可沮壞觀者欣樂無有厭足是出世法非世

所染一切衆生成來觀察無有能得究其妙好

第三時兜率下見佛嚴處中二初明感應緣會二即於已下正顯嚴處於中分二先明一方嚴處後結通十方今初初雖標座下列樓帳等皆兼處嚴文分爲二初總顯體德後有百萬下別明體用今初有十一句初總餘別總中無盡大願隨意出生悲智必俱生死無染名摩尼藏展行彌布故有數言別有十種圓滿勝相以斯妙座實德成故初十五一自體相以寶成故次六因相一深遠相二勝妙相三廣大相四同體相五具德相六堅固相後三總顯殊特即座之德用一端嚴故二離染故三無極故有百萬億層級周匝圍繞百萬億金網百萬

億華帳百萬億寶帳百萬億髮帳百萬億香
帳張施其上華髮垂下香氣普熏百萬億華
蓋百萬億髮蓋百萬億寶蓋諸天執持四面
行列百萬億寶衣以敷其上

二別明體用中通有二百九十九種百萬

億廣上三段即爲三別初廣自體次有百

萬億初發心下廣前殊特三百萬億善根

下廣前因相初一多明器世間嚴後二顯

衆生世間嚴皆智正覺世間之力也皆言

百萬億者位增十行之百萬故初中長分

爲十前九色相嚴後一音聲嚴其一嚴

事皆即法門可以意得

第一有十句座體嚴於中初句辨座層級
後九覆座之嚴雖四面行列執蓋亦爲覆
座

土五

五

百萬億樓閣綺煥莊嚴百萬億摩尼網百萬
億寶網彌覆其上百萬億寶瓔珞網四面垂
下百萬億莊嚴具網百萬億蓋網百萬億衣
網百萬億寶帳網以張其上百萬億寶蓮華
網開敷光榮百萬億寶香網其香美妙稱悅
衆心

第二樓閣下十句復於殿內建立樓閣繞
座莊嚴亦是嚴處於中初句總下九句別
顯嚴閣

百萬億寶鈴帳其鈴微動出和雅音百萬億
梅檀寶帳香氣普熏百萬億寶華帳其華敷
榮百萬億衆妙色衣帳世所希有百萬億菩
薩帳百萬億雜色帳百萬億真金帳百萬億
瑠璃帳百萬億種種寶帳悉張其上百萬億
一切寶帳大摩尼寶以爲莊嚴

第三寶鈴帳下十句辨帳嚴亦是繞座前已辨覆故若重辨者帳上建樓樓上覆帳重重無盡耳

百萬億妙寶華周帑瑩飾百萬億頻婆帳殊妙間錯百萬億寶鬘百萬億香鬘四面垂下百萬億天堅固香其香普熏百萬億天莊嚴具瓔珞百萬億寶華瓔珞百萬億勝藏寶瓔珞百萬億摩尼寶瓔珞百萬億海摩尼寶瓔珞莊嚴座身百萬億妙寶繪綵以爲垂帶

第四妙寶華下有十一句辨嚴座身其頻

婆帳應在寶華之前類例穩便亦可十二句辨帳九句嚴座身頻婆者此云身影質謂帳莊嚴具中現外質之影故

百萬億因陀羅金剛寶百萬億自在摩尼寶百萬億妙色真金藏以爲間飾百萬億毘盧

遮那摩尼寶^{十五}百萬億因陀羅摩尼寶光明照耀百萬億天堅固摩尼寶以爲窻牖百萬億清淨功德摩尼寶彰施妙色百萬億清淨妙藏寶以爲門闥百萬億世中最勝半月寶百萬億離垢藏摩尼寶百萬億師子面摩尼寶間錯莊嚴百萬億心王摩尼寶所求如意百萬億閻浮檀摩尼寶百萬億清淨藏摩尼寶百萬億帝幢摩尼寶咸放光明彌覆其上百萬億白銀藏摩尼寶百萬億須彌幢摩尼寶莊嚴其藏

第五因陀羅金剛寶下有十七句亦嚴座四周皆明妙寶以爲窻門及覆亦嚴座體以莊嚴其藏是蓮華藏故標中表法有異住行不言蓮華理實應有或是座身之龕名藏

百萬億真珠瓔珞百萬億瑠璃瓔珞百萬億
赤色寶瓔珞百萬億摩尼瓔珞百萬億寶光
明瓔珞百萬億種種藏摩尼瓔珞百萬億甚
可樂見赤真珠瓔珞百萬億無邊色相藏摩
尼寶瓔珞百萬億極清淨無比寶瓔珞百萬
億勝光明摩尼寶瓔珞周匝垂布以爲莊嚴
百萬億摩尼身殊妙嚴飾百萬億因陀羅妙
色寶

第六真珠瓔珞下十二句瓔珞周垂嚴其
摩尼身下二句文似缺略謂因陀羅妙色

寶下無所結屬又非下之香類不可別爲
一段

百萬億黑栴檀香百萬億不思議境界香百
萬億十方妙香百萬億最勝香百萬億甚可
愛樂香咸發香氣普熏十方百萬億頻婆羅

香普散十方百萬億淨光香普熏衆生百萬
億無邊際種種色香普熏一切諸佛國土永
不歇滅百萬億塗香百萬億熏香百萬億燒
香香氣發越普熏一切百萬億蓮華藏沉水
香出大音聲百萬億遊戲香能轉衆心百萬
億阿耨那香香氣普熏其味甘美百萬億能
開悟香普徧一切令其聞者諸根寂靜復有
百萬億無比香王香種種莊嚴

第七黑栴檀下有十六句以香爲嚴阿耨
那者此云紅赤色

兩百萬億天華雲雨百萬億天香雲雨百萬
億天末香雲雨百萬億天拘蘇摩華雲雨百
萬億天波頭摩華雲雨百萬億天優鉢羅華
雲雨百萬億天拘物頭華雲雨百萬億天芬
陀利華雲雨百萬億天曼陀羅華雲雨百萬

億一切天華雲雨百萬億天衣雲雨百萬億
摩尼寶雲雨百萬億天蓋雲雨百萬億天幡
雲雨百萬億天冠雲雨百萬億天莊嚴具雲
雨百萬億天寶鬘雲雨百萬億天寶瓔珞雲
雨百萬億天栴檀香雲雨百萬億天沉水香
雲

十五

八

第八雨百萬下二十句雨雲爲嚴

建百萬億寶幢懸百萬億寶幡垂百萬億寶
繒帶然百萬億香爐布百萬億寶鬘持百萬
億寶扇執百萬億寶拂懸百萬億寶鈴網微
風吹動出妙音聲百萬億寶欄楯周而圍繞
百萬億寶多羅樹次第行列百萬億妙寶窻
牖綺麗莊嚴百萬億寶樹周而垂陰百萬億
樓閣延表綺飾百萬億寶門垂布瓔珞百萬
億金鈴出妙音聲百萬億吉祥相瓔珞嚴淨

垂下百萬億寶悉底迦能除衆惡百萬億金
藏金縷織成百萬億寶蓋衆寶爲竿執持行
列百萬億一切寶莊嚴具網間錯莊嚴

百萬億光明寶放種種光百萬億光明周徧
照耀百萬億日藏輪百萬億月藏輪並無量

色寶之所集成百萬億香燄光明映徹百萬
億蓮華藏開敷鮮榮百萬億寶網百萬億華
網百萬億香網彌覆其上

百萬億天寶衣百萬億天青色衣百萬億天
黃色衣百萬億天赤色衣百萬億天奇妙色

十五

九

衣百萬億天種種寶奇妙衣百萬億種種香
熏衣百萬億一切寶所成衣百萬億鮮白衣
悉善敷布見者歡喜

百萬億天鈴幢百萬億金網幢出微妙音百
萬億天繒幢衆彩具足百萬億香幢垂布香

網百萬億華幢雨一切華百萬億天衣幢懸
布妙衣百萬億天摩尼寶幢衆寶莊嚴百萬
億天莊嚴具幢衆具校飾百萬億天鬘幢種
種華鬘四面行布百萬億天蓋幢寶鈴和鳴
聞皆歡喜

第九建百萬下四十八句座外四面嚴於
中有四初二十句維維莊嚴羅列座側言
樓閣延袤者靜法云梵云蒲莫迦此云帳
幕若是樓閣應云微塵囊既不爾者譯之
誤也此或應爾前文已有樓閣故若重辯
者亦無大失實悉底迦者具云塞縛悉底
迦此云有樂若見此相必獲安樂其形如
萬字具於音義今寶形似此二光明寶下
九句光明嚴言網覆者若世之燈以護夕
蟲成隱昧故三天寶衣下九句寶衣敷布

嚴四天鈴幢下十句寶幢行列嚴

百萬億天螺出妙音聲百萬億天鼓出大音
聲百萬億天笙篳出微妙音百萬億天牟陀
羅出大妙音百萬億天諸雜樂同時俱奏百
萬億天自在樂出妙音聲其聲普徧一切佛
刹百萬億天變化樂其聲如響普應一切百
萬億天鼓因於撫擊而出妙音百萬億天如
意樂自然出聲音節相和百萬億天諸雜樂
出妙音聲滅諸煩惱

百萬億悅意音讚歎供養百萬億廣大音讚

主

十

歎承事百萬億甚深音讚歎修行百萬億衆
妙音歎佛業果百萬億微細音歎如實理百
萬億無障礙真實音歎佛本行百萬億清淨
音讚歎過去供養諸佛百萬億法門音讚歎
諸佛最勝無畏百萬億無量音歎諸菩薩功

德無盡百萬億菩薩地音讚歎開示一切菩薩地相應行百萬億無斷絕音歎佛功德無有斷絕

百萬億隨順音讚歎稱揚見佛之行百萬億甚深法音讚歎一切法無礙智相應理百萬億廣大音其音充滿一切佛刹百萬億無礙清淨音隨其心樂悉令歡喜百萬億不住三界音令其聞者深入法性百萬億歡喜音令其聞者心無障礙深信恭敬百萬億佛境界音隨所出聲悉能開示一切法義百萬億陀羅尼音善宣一切法句差別決了如來祕密之藏百萬億一切法音其音和暢克諧衆樂第十天蠡出妙音下辨音聲嚴於中二初十句樂音嚴後悅意音下二十句法音嚴前中云牟陀羅者此云鋒鼓謂天樂初奏

此鼓先作故後法音嚴中初十一句讚歎
十五
三寶後隨順音下九句說法益物 別明
體用中初廣自體竟

有百萬億初發心菩薩纔見此座倍更增長一切智心百萬億治地菩薩心淨歡喜百萬億修行菩薩悟解清淨百萬億生貴菩薩住勝志樂百萬億方便具足菩薩起大乘行百萬億正心住菩薩勤修一切菩薩道百萬億不退菩薩淨修一切菩薩地百萬億童真菩薩得一切菩薩三昧光明百萬億法王子菩薩入不思議諸佛境界百萬億灌頂菩薩能現無量如來十力

大文第二廣前殊特者前文略云見者無狀亦已略明益相今廣顯之即座之德用恭敬供養復顯爲嚴文分爲二初明獲益

後申供養前中有三十九句曲分爲四初

十約位辨益

百萬億菩薩得自在神通百萬億菩薩生清淨解百萬億菩薩心生愛樂百萬億菩薩深信不壞百萬億菩薩勢力廣大百萬億菩薩名稱增長百萬億菩薩演說法義今智決定百萬億菩薩正念不亂百萬億菩薩生決定智百萬億菩薩得聞持力持一切佛法百萬億菩薩出生無量廣大覺解百萬億菩薩安住信根

二得自在下有十二句雜辨得益

百萬億菩薩得檀波羅蜜能一切施百萬億菩薩得尸波羅蜜具持衆戒百萬億菩薩得忍波羅蜜心不妄動悉能忍受一切佛法百萬億菩薩得精進波羅蜜能行無量出離精

進百萬億菩薩得禪波羅蜜具足無量禪定

十五

十二

光明百萬億菩薩得般若波羅蜜智慧光明能普照耀百萬億菩薩成就大願悉皆清淨百萬億菩薩得智慧燈明照法門百萬億菩薩爲十方諸佛法光所照百萬億菩薩周徧十方演離癡法

三得檀下十句約行辨益

百萬億菩薩普入一切諸佛刹土百萬億菩薩法身隨到一切佛國百萬億菩薩得佛音聲能廣開悟百萬億菩薩得出生一切智方便百萬億菩薩得成就一切法門百萬億菩薩成就法智猶如寶幢能普顯示一切佛法百萬億菩薩能悉示現如來境界

四普入一切佛刹下七句約大用辨益後三並通諸位或可第二段明迴向第三段

明十行第四段明十地或唯約十住通別

無礙

或可第二明迴向者以初約位是十住三明十度全同十行故二配迴向四配十地則整位具足以第二股中神通不壞等亦有迴向意第四股普入佛刹等亦有十地體勢故為此配由二三前廣殊却二四不顯故前正釋後三通諸位

特中初明獲益曲分為四竟

十五

十三

百萬億諸天王恭敬禮拜百萬億龍王諦觀
無厭百萬億夜叉王頂上合掌百萬億乾闥
婆王起淨信心百萬億阿修羅王斷憍慢意
百萬億迦樓羅王口銜繒帶百萬億緊那羅
王歡喜踊躍百萬億摩睺羅伽王歡喜瞻仰
百萬億世主稽首作禮百萬億忉利天王瞻
仰不瞬百萬億夜摩天王歡喜讚歎百萬億
兜率天王布身作禮百萬億化樂天王頭頂
禮敬百萬億他化天王恭敬合掌百萬億梵
天王一心觀察百萬億摩醯首羅天王恭敬

供養百萬億菩薩發聲讚歎

二諸天恭敬下明供養文分為五初十七
句雜明八部人天菩薩三業設敬其中所
作各隨類所宜

百萬億天女專心供養百萬億同願天踊躍
歡喜百萬億徃昔同住天妙聲稱讚百萬億
梵身天布身敬禮百萬億梵輔天合掌於頂
百萬億梵眾天圍繞侍衛百萬億大梵天讚
歎稱揚無量功德百萬億光天五體投地百
萬億少光天宣揚讚歎佛世難值百萬億無
量光天遙向佛禮百萬億光音天讚歎如來
甚難得見百萬億淨天與宮殿俱而來詣此
百萬億少淨天以清淨心稽首作禮百萬億
無量淨天願欲見佛投身而下百萬億徧淨
天恭敬尊重親近供養百萬億廣天念昔善

根百萬億少廣天於如來所生希有想百萬
億無量廣天決定尊重生諸善業百萬億廣
果天曲躬恭敬百萬億無煩天信根堅固恭
敬禮拜百萬億無熱天合掌念佛情無厭足
百萬億善見天頭面作禮百萬億善現天念
供養佛心無懈歇百萬億阿迦尼吒天恭敬
頂禮百萬億種種天皆大歡喜發聲讚歎百
萬億諸天各善思惟而爲莊嚴

二天女專心下二十六句唯明諸天三業
敬養初之三句即欲界天色究竟後復言

種種天者或通無色或總上諸類善思惟
天亦通諸類

百萬億菩薩天護持佛座莊嚴不絕百萬億
華手菩薩雨一切華百萬億香手菩薩雨一
切香百萬億髮手菩薩雨一切髮百萬億末

香手菩薩雨一切末香百萬億塗香手菩薩
雨一切塗香百萬億衣手菩薩雨一切衣百
萬億蓋手菩薩雨一切蓋百萬億幢手菩薩
雨一切幢百萬億幡手菩薩雨一切幡百萬
億寶手菩薩雨一切寶百萬億莊嚴手菩薩

雨一切莊嚴具

三菩薩天下有十二句明菩薩事供養

百萬億諸天子從天宮出至於座所百萬億
諸天子以淨信心并宮殿俱百萬億生貴天
子以身持座百萬億灌頂天子舉身持座

四諸天子從天宮出下四句諸天身供養

百萬億思惟菩薩恭敬思惟百萬億生貴菩
薩發清淨心百萬億菩薩諸根悅樂百萬億
菩薩深心清淨百萬億菩薩信解清淨百萬
億菩薩諸業清淨百萬億菩薩受生自在百

萬億菩薩法光照耀百萬億菩薩成就於地
百萬億菩薩善能教化一切衆生

五思惟菩薩下十句菩薩修法供養亦明
得益菩薩多明得益諸天但說供養者諸
天供養是益因故諸天得益即菩薩故

上申供合前獲益大文廣前殊特竟

百萬億善根所生百萬億諸佛護持百萬億
福德所圓滿百萬億殊勝心所清淨百萬億
大願所嚴潔百萬億善行所生起百萬億善
法所堅固百萬億神力所示現百萬億功德
所成就百萬億讚歎法而以讚歎

第三百萬億善根下廣前因深十句可知
所以此會嚴事偏多者一此天多以補處
爲王故二賢位已極大悲普周故所以十
住無菩薩嚴表凡八位故夜摩即有已入

位故然亦未廣而此勝相皆是如來海印
所現法界差別自在實德人法無礙依正
混融之嚴事也 上廣因相合前先一方
嚴處竟

如此世界兜率天王奉爲如來敷置高座一
切世界兜率天王悉爲於佛如是敷座如是
莊嚴如是儀則如是信樂如是心淨如是欣
樂如是喜悅如是尊重如是而生希有之想
如是踊躍如是渴仰悉皆同等

第二如此世界下結通十方可知 見佛

嚴處竟

十五

十六

爾時兜率天王爲如來敷置座已心生尊重
與十萬億阿僧祇兜率天子奉迎如來

第四爾時下迎佛興供於中二先將迎興
供二爾時如來威神力下見佛興供前中

二初奉迎

以清淨心雨阿僧祇色華雲雨不思議色香雲雨種種色鬘雲雨廣大清淨栴檀雲雨無量種種蓋雲雨細妙天衣雲雨無邊衆妙寶雲雨天莊嚴具雲雨無量種種燒香雲雨一切栴檀沉水堅固末香雲諸天子衆各從其身出此諸雲時百千億阿僧祇兜率天子及餘在會諸天子衆心大歡喜恭敬頂禮阿僧祇天女踊躍欣慕諦觀如來

二以清淨下興供於中先諸天興供皆從身出者非唯顯諸天福力亦表身爲供具供自心生

兜率宮中不可說諸菩薩衆住虛空中精勤一心以出過諸天諸供養具供養於佛恭敬作禮阿僧祇音樂一時同奏

十五

後兜率宮下菩薩興供可知 將迎興供

十七

竟

爾時如來威神力故往昔善根之所流故不可思議自在力故兜率宮中一切諸天及諸天女皆遙見佛如對目前

第二見佛興供中二先諸天後百千億那由他先住下明菩薩前中三初明承力見佛一現佛神力二宿善力三法門力

同興念言如來出世難可值遇我今得見具一切智於法無礙正等覺者如是思惟如是觀察與諸衆會悉共同時奉迎如來

二同興下慶遇奉迎

各以天衣盛一切華盛一切香盛一切寶盛一切莊嚴具盛一切天栴檀末香盛一切天沉水末香盛一切天妙寶末香盛一切天香

華盛一切天曼陀羅華悉以奉散供養於佛
三各以下正明興供於中三初十句衣盛
供以散佛表修寂滅以趣果故

百千億那由他阿僧祇兜率陀天子住虛空
中咸於佛所起智慧境界心燒一切香香氣

成雲莊嚴虛空又於佛所起歡喜心雨一切
天華雲莊嚴虛空又於佛所起尊重心雨一
切天蓋雲莊嚴虛空又於佛所起供養心散
一切天鬘雲莊嚴虛空又於佛所生信解心
布阿僧祇金網彌覆虛空一切寶鈴常出妙
音又於佛所生最勝福田心以阿僧祇帳莊
嚴虛空雨一切瓔珞雲無有斷絕又於佛所
生深信心以阿僧祇諸天宮殿莊嚴虛空一
切天樂出微妙音又於佛所生最勝難遇心
以阿僧祇種種色天衣雲莊嚴虛空雨於無

比種種妙衣又於佛所生無量歡喜踊躍心
以阿僧祇諸天寶冠莊嚴虛空雨無量天冠
廣大成雲又於佛所起歡喜心以阿僧祇種
種色寶莊嚴虛空雨一切瓔珞雲無有斷絕
二百千億下十句明起心雨供嚴空顯所

修萬行稱法性空空有無礙是嚴空義

百千億那由他阿僧祇天子咸於佛所生淨
信心散無數種種色天華然無數種種色天
香供養如來又於佛所起大莊嚴變化心持
無數種種色天栴檀末香奉散如來又於佛

十五

十六

所起歡喜踊躍心持無數種種色蓋隨逐如
來又於佛所起增上心持無數種種色天寶
衣敷布道路供養如來又於佛所起清淨心
持無數種種色天寶幢奉迎如來又於佛所
起增上歡喜心持無數種種色天莊嚴具供

養如來又於佛所生不壞信心持無數天寶
鬘供養如來又於佛所生無比歡喜心持無
數種種色天寶幡供養如來百千億那由他
阿僧祇諸天子以調順寂靜無放逸心持無
數種種色天樂出妙音聲供養如來

十五

十九

三百千億那由他阿僧祇天子下九句雜
申供養表萬行難修故調順寂靜無放逸
心應分爲二則有十句 先諸天與供竟
百千億那由他不可說先住兜率宮諸菩薩
眾以從超過三界法所生離諸煩惱行所生

周徧無礙心所生甚深方便法所生無量廣
大智所生堅固清淨信所增長不思議善根
所生起阿僧祇善巧變化所成就供養佛心
之所現無作法門之所印出過諸天諸供養
具供養於佛

第二菩薩與供中二先明行成依報供後

其諸菩薩下身出正報供前中二十七句
文分爲三初十句多因成多果之供次八
句一因成一果供後九句一因成多果供
應有四句由多因成一果攝在初段以多
因能一一成故又初段即一切中有一及
一切中有一切次段即一中一後段即一
中一切也

今初十句一時併舉多因後通成諸供出
過諸天者勝故多故餘可知

以從波羅蜜所生一切寶蓋於一切佛境界
清淨解所生一切華帳無生法忍所生一切
衣入金剛法無礙心所生一切鈴網解一切
法如幻心所生一切堅固香周徧一切佛境
界如來座心所生一切佛眾寶妙座供養佛

不懈心所生一切寶幢解諸法如夢歡喜心
所生佛所住一切寶宮殿

第二一因一果中皆因果相似一蓋以障
塵若度能除蔽二帳以庇蔭若悲爲佛境
華以開敷如覺解清淨三法忍和悅用嚴
法身四演教網則震金剛之妙音觀教網
則不礙文而見理五香氣聞而不可見見
而不可攬猶幻法見而不可取取而不可
得知幻無堅以成堅法六周徧法空是佛
智身所依之境座之義也七摧懈慢幢樹
法勝幢故八諸法如夢是佛棲託之所也
無著善根無生善根所生一切寶蓮華雲一
切堅固香雲一切無邊色華雲一切種種色
妙衣雲一切無邊清淨梅檀香雲一切妙莊
嚴寶蓋雲一切燒香雲一切妙鬘雲一切清

淨莊嚴具雲皆徧法界出過諸天供養之具
供養於佛

第三無著下一因多果供無著無生但是
一義無生約理無著約智此二契合方成
一因文中九句可知

其諸菩薩一一身各出不可說百千億那由
他菩薩皆充滿法界虛空界其心等於三世
諸佛以從無顛倒法所起無量如來力所加
開示衆生安隱之道具足不可說名味句普
入無量法一切陀羅尼種中生不可窮盡辯
才之藏心無所畏生大歡喜以不可說無量
無盡如寶讚歎法讚歎如來無有厭足

第二身出正報供中文有十句初二明現
身德量謂一一量周法界德齊佛故次以
從下三句明勝辯之因次具足下四句顯

勝辯所依後以不可下一句正申辯讚皆
從總持辯藏之所流故情動於中故形於
言言猶不足敬之至也情動於中者即
動於中而形於言言之不足故嗟嘆之嗟
嘆之不足故詠歌之詠歌之不足故不知
手之舞之足之蹈之上菩薩與供合前諸天迎佛

興供科竟

大方廣佛華嚴經疏鈔會本第二十二之一

音釋

兜率

兜當侯切梵語 露盧戈切音里

嚴瑩

瑩烏定切嚴瑩謂嚴 沮壞沮慈呂切

沮壞

謂過沮 層級層昨切 層級猶重階臺級也

莫班

綺煥綺祛几切 綵綵綵疾陵切 綵綵明貌 綵綵綵綵

七各

綵綵綵疾陵切 綵綵明貌 綵綵綵綵

欄落

綵綵綵疾陵切 綵綵明貌 綵綵綵綵

猶食

綵綵綵疾陵切 綵綵明貌 綵綵綵綵

表也

綵綵綵疾陵切 綵綵明貌 綵綵綵綵

鉤切

綵綵綵疾陵切 綵綵明貌 綵綵綵綵

大方廣佛華嚴經疏鈔會本第二十二之三 土六

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時一切諸天及諸菩薩衆見於如來應正等覺不可思議人中之雄

土六

第五爾時一切下觀佛勝德中分二先明

觀佛身雲勝德後爾時如來大悲下明現勝德之意前中分二初觀佛勝德後時大衆咸見下見佛光用前通十眼所見後約天眼所見今初也然此經文次第具顯如

來二十一種殊勝功德以文言浩汗致古釋同茫然離世間品雖具二十一而此文義兼廣故隨便引於諸論文分爲三初總觀如來次別觀德相三結成觀解而此兼廣者以離世間品初嘆佛有名無釋今文有釋無名四總餘經次第具釋二十一

土六

二

德故云文義兼廣四林餘經文廣其中句義該收諸論異釋無遺故云義廣由此故於此中引於諸論將論釋經將經證論故云隨便古人亦引諸論在離世間既無經文論無憑據由此無名故古德同迷賢首以下總結十句分爲十段判定以十六三乘配之並如下今初略舉三德以顯一雄一者如來二言應者即是應供三正等覺

即正徧知此一應字亦通屬下隨應覺故此即總句離世間品名妙悟皆滿佛地攝論皆名最清淨覺親光釋云謂佛世尊普於一切有爲無爲所應覺境正開覺故此釋正義揀異邪覺又於一切所應覺境淨妙圓滿正開覺故此釋最清淨義亦明覺滿揀異菩薩又於一切如所有性盡所有性正開覺故此釋符今等字謂雙照二諦平等覺故亦是徧義故云正徧知離世間悟皆滿三者上釋經中絕句此下會其總句異名然攝論本論即無著所造世親無

性二俱有釋唐三藏俱譯皆有十卷此
當第五今依無性釋所相中因云若欲
釋大乘生法略由三由說語義
從前所生法相三由說語義
者謂說初句後以餘句分別顯或德
處或由義處釋中云已得在已圓滿
故名爲德處未得在已圓滿
論曰德處者謂說佛功德即二十一
勝功德顯其義最清淨覺即初句由
餘句開顯其義最清淨覺即初句由
經論主二本攝論不解總句此善薩解
有三釋疏便以義揀斷釋之然此三
其字三釋等字彼無等字義符今二
淨字三釋等字彼無等字義符今二
於所覺法影略出之一約爲無爲所
覺境二云一切爲所應覺境三以爲
性等爲所應覺境二云一切爲所應
所覺不出二故二小異也爲與無爲
如所有等通能故二小異也爲與無
略說即雜集論第十一云事邊際所
謂一切法盡所有性如所有性彼疏
事邊際等者事有二種一是有性如
共相事初能緣心盡法分並後能緣
諸經中所有共體俱稱邊際此中事
境就文分三初標章次釋論云盡所
謂蘊界處爲顯所知諸法體事有
分量邊際是故建立諸法處三疏釋
謂盡有爲無爲諸法自相論云一切
者謂四聖諦十六行真如一切行無
常一性

切行若一切法無我涅槃寂靜等空願
無相彼疏釋云此中略明四種共相
諦門謂四聖諦第二行門謂十六
如第三耶陀南門謂一切行無常
四解脫門謂空無相無願不樂靜
能了論云由如是等義差別了知
故名爲如是所有性疏十六行等
也謂由如是所有性疏十六行等
中差別義其能緣心如諸法中所有
皆悉了知故其能緣心如諸法中所有
所知境彼疏云謂即前所說諸蘊界
其別應了知是苦乃至是道彼疏
差別即爲四段此初文也謂總觀
有性中蘊界處有漏者觀於若集其
者觀其滅道故云一諸其所應論云
門了其所知境說一諸其所應論云
法無有差別皆真如行彼疏云及
門約有緣得稱此下就能緣得稱
諦各別有四行即是前總作詩解而
等今約一詩中別作四相解而起四
及一切法作總相真如緣而起四
名了無常及真如等行解名行即
行是緣安立行後真如行是緣安
論或以諸法安立行後真如行是
無常乃至涅槃寂靜彼疏云無常
憂陀那訖也正翻爲說義當無問
義作名亦總略義或名標相義謂
無常是有爲總略義或名標相義
論或以解脫門了所知境謂空無
如是等彼疏云謂離繫涅槃稱爲解
如

定諸心所是趣入涅槃所依之門此中即以空等三空門以了前境即了所知諸法
是空及無相謂雙照下疏釋第二義釋曰
二性之義已略備矣其蓋所有唯是世諦
其如所有通於二諦則顯如來自相共相
若教所說若法本性無不證知如實覺故
疏中但云雙照二諦平等覺故然二諦平
等則二性無礙無所不收既無不知即是
遍彼經無正等言此經缺最清淨上妙嚴

品則有最言故云於一切法成最正覺下
離世間中復有妙悟妙者微妙離覺相故
悟覺及知名異義同妙正偏最名義俱別
所揀異故若世親無性不解總句但以下
別德成斯一覺故清淨覺句句皆徧彼經無正

等下會四經文言有影略總皆含具於中
先列四別後妙者微妙下會釋妙正遍最
者妙揀取相正揀於邪遍揀不周
最揀未極如初會說餘義可知

其身無量不可稱數現不思議種種神變令
無數衆生心大歡喜普徧一切虛空界一切
法界以佛莊嚴而爲莊嚴令一切衆生安住

善根示現無量諸佛神力超過一切諸語言
道諸大菩薩所共欽敬隨所應化皆令歡喜
住於諸佛廣大之身功德善根悉已清淨色
相第一無能映奪

第二其身下別觀德相二十一德分二十

段後二合故然攝論中二十一德通有三

節一先列經二十一一句二無著菩薩立功

德名以爲解釋三無性等但釋論名以符

經旨今各句句配屬其佛地論釋有同攝

論有異攝論異者引之今初明不二現行

經也即觀察如來一向無障礙轉功德此

是無著立名他皆倣此今各句句配屬者

時併舉謂第一列經二十一一句第二本論
一時立二十一德之名第三釋論次第一

時釋故今各配摘成二十段疏中文各
有二先釋名義後釋經文今初二現行

無性釋論中先勝本論功德之名後方指

經如此段云謂於所知一向無障轉功德者此即開示不二現行下皆準此世親則先牒經今疏皆先牒經後引本論立名故釋名義名且分爲二一牒經立名二引釋論釋初中其印觀察如來五字是疏義加順於此經觀佛德故餘皆是彼論文今初不二現行先牒無性二釋一云謂佛一向經立名可知無障礙智於一切事品類差別無著無礙故非如聲聞等有處有障有處無障二種此約離所知障智德滿故非如聲聞有處有障者謂於極遠時方無邊差別諸佛法中有無智轉此約離所下疏取下第二釋云或二處現行此中無有如是所說二種現行此釋二處亦前有障無障但前釋約表爲一智轉此釋約遮故無彼二正同下經二行未絕

乘現行涅槃棄樂事世尊無彼現行二五六事故名不二現行世親所解者文全同也二自解釋三舉本論帖四重釋如此段云此中不二現行者一牒經二謂二現行此中無有是故說名不二現行義二釋即是於所知一向無障礙轉功德三舉本論帖四重釋如此段云此言觀光下會親光釋同此消文無性生起云云何而得此最勝覺故次說此諸聲聞等於所知境有二現行所謂正智不染無知佛無此故無性生起云下第三段此是無性釋論總舉重復條流生起次第而不曉者謂爲再釋今亦稱其生起爲二十段句句別配此即躡前總句生此別中第一句也故前釋云此約離所知障不染無知即所知障體揀異染汚無知耳文中分二初廣顯利樂明離所知故不同二乘二住於下結成所住彰離煩惱不同凡夫前中三初明應廣順機令喜二普徧下明其徧應定慧莊嚴生物善根三示現下彰應用深廣雖超語言而無遺曲

濟文中二下二釋又雙用二論初廣利樂是親光意離所知故即無性意下離煩
二障即唯親光意若約親光不二現行雙離
莊嚴至安住善根言定慧者即法華第一
云佛自住大乘如其所得法定慧力莊嚴
以此度衆生故二結成所住者初句明智住法身
能住所住二俱廣大下句心無煩惱善根

清淨色相超倫具上二義名清淨覺他皆

倣此能住所住俱廣大者所住即法界法

真性如日光含空具上二

智慧境界不可窮盡無比三昧之所出生其

身無際徧住一切衆生身中令無量衆生皆

大歡喜令一切智種性不斷

第二智慧已下明趣無相法即觀察如來

於有無無二相真如最勝清淨能入功德

無性云爲明斷德故次說之不住生死涅槃

樂相故即無住涅槃後無性下引釋論釋於中文二一明無性

生起即無住土六然無相法即是清淨
字是疏餘皆是論
真如趣謂趣入謂此真如諸法無性以爲
相故非是有相體即圓成自相有故非是
無相此二不相離名無二相諸法中勝故
名最勝遠離客塵故名清淨既自能入亦
令他入爲最清淨自入則不住生死他入
則不住涅槃二然無相法下疏取釋論釋
本論名理無不盡而文或取捨無性具云
謂此真如有圓成相無過計所執相由此
道理明無二相無有無相是實有故無有
有相所執無故最勝清淨能入功德者謂
即真如最勝清淨一切法中最第一故遠
離一切客塵垢故於此真如自覺能入亦
令他入是故說名最勝清淨能入功德世
親釋云趣無相法者謂清淨真如名無相
法趣謂趣入即是於有無無二相真如最
勝清淨能入功德謂此真如非是有相諸
法無性以爲相故亦非無相自相有故於
此無相真如最勝清淨能入故最勝能入
故清淨能入故釋口觀上文中先明自入
二論以對疏文昭然可見
今初先明不住生死智稱如境後明他入

皆不可盡無比三昧令智出生又令真如

出二障故二其身下明不住涅槃同體大

悲偏住物身心真如性物物偏故二令無

量下辨令他入一則大悲冥熏二則大智

為說令於身中見如來性成一切智故種

性不斷是入義也此用常寂名為涅槃通住

物身者如有偈云我今解了如來性如來今在我身中我與如來無差別如來即是我真如

住於諸佛究竟所住生於三世諸佛之家令

不可數衆生信解清淨令一切菩薩智慧成

就諸根悅豫法雲普覆虛空法界教化調伏

無有遺餘隨衆生心悉令滿足令其安住無

分別智出過一切衆生之上

第三住於諸佛究竟已下明住於佛住即

觀察如來無功用佛事不休息功德為欲

得上無住涅槃故次明之為欲得上下第

有生起義在釋文之中文中初明所住後彰住益今

初言佛住者謂聖天梵等皆佛所住而於

性空大悲偏善安住大悲性空即是佛家

故能不住生死涅槃為究竟住此即恩德

是以親光亦名為觀所謂化功德常住大

悲晝夜六時觀世間故後令不可下彰住

家益初明由住大悲故能益物無遺是不

休息義由住性空自無功用故能令物住

無分別出過衆生總顯勝也又中下釋文

言前段即釋經後段即釋論在文易了而取論意若具引釋論者無性論云謂不作

功用於諸佛事有情等中能無間斷隨其所應恒正安住聖天梵住非如聲聞要作

功用方能成辦利有情事非如外道雖有所住而非殊勝天住謂四種靜慮梵住即

是悲等無量聖住即是空無相等世觀云謂住佛所住無所住處性空謂此住中常

作佛事無有休息故今用二論以釋經文大悲性空者大悲是利他家性空是自

利家故法華經明大悲爲室淨名云畢竟
空寂舍況二相導真實家也故雙安住故
能不住下卽上大
悲般若所輔翼故

獲一切智放大光明宿世善根皆令顯現普
使一切發廣大心令一切衆生安住普賢不
可壞智徧住一切衆生國土從於不退正法

上六

中生住於一切平等法界明了衆生心之所
宜現不可說不可說種種差別如來之身非
世言詞而歎可盡能令一切常思念佛充滿
法界廣度群生隨初發心所欲利益以法惠
施令其調伏信解清淨示現色身不可思議

第四獲一切下明逮得一切佛平等性下
云得佛平等即觀察如來於法身中所依
意樂作事無差別功德

如上佛住爲共不共故次明之此一切諸
佛展轉和雜而同住故一切諸佛三事無

差非如聲聞但有所依此一切諸佛下躍
故今答云和雜而住此亦釋經從一
切諸佛三事已下釋論此但標名文即
分三初明所依無差別謂一切智以一切
諸佛皆依真如清淨智故放大光下顯智
之用二普使已下明意樂無差謂同有利

樂勝意樂故普使之言卽意樂也不可壞

智卽如來藏普賢菩薩自體徧故染而不

染名不可壞反源照極故名安住三徧住

下作業無差一切皆作受用變化利他事

故於中先明作業周徧

文中列釋三事皆
先標名舉釋論釋

後隨經別解普使之言下是
疏此德世親但配屬而已

次從於下作

業所依卽自受用身一受不失名爲不退

謂得法性卽念不退此後親生佛智此智

生已還住法界次明了已下正顯作業初

觀機後現不可說下作業受用變化各有

多類名不可說差別之身能令已下彰業之益一能益他二隨初下滿本所願亦令於物能現色身

此上四段明其自利後十七段明其利他等觀衆生心無所著住無礙住得佛十力無所障礙心常寂定未曾散亂住一切智

第五等觀衆生下明到無障處即觀察如來修一切障對治功德利他之中先明化障對治故次明之謂已慣習一切煩惱及所知障對治聖道即一切智及定自在性

謂已慣習下釋德名全是無性論

故論名爲修治又已到

永離一切習氣所依趣處經名到無障處

二文互顯以有治必無障無障由有治故

從彼論名爲修治是疏釋又已到下復是無性論釋疏將屬經故結云二文互顯

文中心無所著是無煩惱障住無礙住明

無所知障得佛十力即是種智是所知障治心常寂定住一切智即煩惱障治

善能開演種種文句真實之義能悉深入無邊智海出生無量功德慧藏

第六善能開演下明不可轉法即觀察如來降伏一切外道功德由有上能治故他不能轉利有情事故次明之謂教證二法皆不爲他所動轉故無有餘法勝過此故文中初明教道能悉已下證道出生已下二道之益

恒以佛日普照法界隨本願力常現不沒恒住法界住佛所住無有變異於我我所俱無所著住出世法世法無染

第七恒以佛日下明所行無礙觀察如來生在世間不爲世法所礙功德顯示如來

所化之中無高下礙故次明之謂世八風

不能拘礙故親光名降魔功德謂色等境

不能亂故

謂世八風下釋即疏取意略釋兼會親光以色等五塵是塵境

故至釋文中

文中以佛身日普照法界則

橫無礙常現不沒則豎無礙不以無信生

十六

盲等而不現故正顯八風不礙恒住已下

顯無礙因無有變異示無礙相如摩尼珠

不隨物變不著我所於內無礙世法不染

於外無礙由住出世如蓮華故如有頌云

諸佛常游於世間利樂一切有情類八法

勢風邪分別不能傾動不拘礙

不以無信等而不現

者即第一迴向中意如有頌云即無性論

於一切世間建智慧憶其智廣大超過世間

無所染著拔諸衆生今出淤泥置於最上智

慧之地所有福德饒益衆生而無有盡了知

一切菩薩智慧信向決定當成正覺

十六

十一

以大慈悲現不可說無量佛身種種莊嚴以

妙音聲演無量法隨衆生意悉令滿足

第八於一切下明其所安立不可思議即

觀察如來安立正法功德由依前方便能

作饒益之事故次明之謂十二分教名所

安立由深廣故不可思議

謂十二下即疏取論意釋無性

具云謂契經等十二分教名所安立安立

彼彼自相共相故如是安立非諸愚夫覺

所行故出世間故不可思議此文中分二

初約所詮以辨深廣後約能詮以明深廣

今初初句總顯建即安立其智下釋超世

廣大即是幢義拔置智地即是建義所有

已下福智相對明高廣義

二以大慈下現身說法約能詮教以明安

立

於去來今心常清淨令諸衆生不著境界恒與一切諸菩薩記令其皆入佛之種性生在佛家得佛灌頂

第九於去來今下明遊於三世平等法性行利有情即觀察如來授記功德以上加事三世諸佛皆悉平等故次明之謂於三世平等性中能隨解了過去未來曾當轉事皆如現在而授記故故下經云普見三世謂於三世下釋義即無性釋然前更有文云謂於三世平等法性能遍遊涉謂於三世平等下全同後論故下經下證成以遊三世經不明顯故以餘義文中具之

文中初明三世平等之義故云心常清淨自得平等令物不著使他平等恒與已下正明授記授記未來今同過去種性亦名平等

常遊十方未曾休息而於一切無所樂著法

十六
界佛刹悉能徧往諸衆生心靡不了知所有福德離世清淨不住生死而於世間如影普現

第十常遊十方下明其身流布一切世間即觀察如來於一切世界示現受用變化身功德顯上利益一時頓徧非次第作故次明之顯上利益下生起義在文中易故不總釋無性云謂隨所化遍諸世界示現而身文中初通辨二身常約豎窮徧約橫廣十方法界綺互其文後諸衆生心下總顯現相德無不淨故不住生死機無不鑒故普現世間

以智慧月普照法界了達一切悉無所得恒以智慧知諸世間如幻如影如夢如化一切皆以心爲自性如是而住

第十一以智慧月下明於一切法智無疑

滯即觀察如來斷疑功德以於上十方彼
彼之處作斷疑事故次明之謂於諸境善

決定故故下經云智恒明達一切諸法謂於

諸境下釋義文中初自斷疑非不自決能

斷他疑故智月普照總明了境了達無得

是了真境非不證真能了俗故恒以智下

明了俗境一切皆以心為自性義通二境

攝境為心是世俗勝義心之自性即是真

如是勝義勝義如是而住以無所得而為

方便雙照真俗無住住故菩薩智光月法

界以為輪遊於畢竟空世間塵不現亦可

屬上現受用身文中二疑亦是論文論但

決定能法能疑也非離決定能斷疑故

煩但用上句若準梁論具四無礙智自

決疑具四無礙辨能決他疑菩薩智光月

者即五十九經偶亦可屬上者此文通二

勢上約屬十一為自斷疑亦通第十一其

通布一切世間則斷他疑方為第十一以

屬後為正故
云亦可屬前

隨諸眾生業報不同心樂差別諸根各異而

現佛身如來恒以無數眾生而為所緣為說

世間皆從緣起知諸法相皆悉無相唯是一

相智慧之本欲令眾生離諸相著示現一切

世間性相而行於世為其開示無上菩提

二隨諸已下能斷他疑初明隨機現身如

來已下所斷疑境為說緣起是斷疑法深

入緣起疑見亡故知緣起無性故知法無

相無相無異故名一相智體理成故為其

本深入緣起者淨名云深入緣起斷諸邪

見有無二邊無復餘習實積得云說法

不有亦不無以因緣故諸法後欲令下正

生故由見因緣能斷疑故明斷疑若離相著開示菩提疑方斷故

為欲救護一切眾生出現世間開示佛道令

其得見如來身相攀緣憶念勤加修習除滅

世間煩惱之相修菩提行心不散動於大乘門皆得圓滿成就一切諸佛義利

第十二為欲救下明於一切行成就大覺即觀察如來令入種種行功德由所化生性有差別故次明之謂入種種行皆成大

覺下經但云了一切行

十六

謂入種種下釋義

屬論而已今疏釋意以成就大覺屬所知即隨種種心行差別化之究竟至於一切智故如釋文中故以法華開示悟入意釋耳

文中初約說法令入開示佛道者令悟入故後令其下約現身令入攀緣修習是進善行除滅已下是離惡行修菩提行總舉萬行心不散動即是入義既萬行齊修則因無不滿果無不成

悉能觀察衆生善根而不壞滅清淨業報智慧明了普入三世

第十三悉能觀察下明於諸法智無有疑惑即觀察如來當來法生妙智功德由即於前所化有能無能善巧別知故次明之謂聖聲聞言此人全無少分善根如來知彼善法當生現證過去微少善根種子所

隨故

由即於前下生起謂聖聲聞下釋義皆無性意

故文云悉能

觀察下經云盡一切疑如求度者遠劫採薪興一善念佛便知故觀已便化故不壞其清淨業報智慧已下釋其所以以智普入無不知故故親光名為能隨所應恒正

十六

十五

教誨功德謂於諸法懷疑惑者無有堪能隨應教誨唯佛能故名智慧明了則第十一是自斷疑此斷他疑

如求度者遠劫採薪者即大莊嚴論

第九因說供養聲聞得無量福何況如來便引此緣昔有一人因緣力故發心出家往至僧坊值佛不在詣身于所身于觀其無少善根請諸比丘比丘先問誰不度汝

云舍利弗如是展轉皆不度之如來大悲至僧坊門為說偈云一切種智身大慈為體佛於三界中見諸受化子猶如牛求憤愛念無休息以手摩頂其人悲泣具說不度因緣佛說偈云身舍利弗者彼非一切智亦不解體性不盡知中下彼識有齊限不能深解了無有智能知微細之業報遂牽入僧坊與慶得道身子問云我觀此人無少善因云何與慶便得道耶佛言汝智微淺此人過去無量劫曾為一貧人入阿蘭若山林取薪為食所逼以怖畏故稱南無佛種子今熟故吾度之得羅漢耳故上云微少善根種子所隨則第十一者若準無性世親皆十一斷他族今順觀光此說

永離一切世間分別放光明網普照十方一切世界無不充滿色身妙好見者無厭以大功德智慧神通出生種種菩薩諸行諸根境界自在圓滿作諸佛事作已便沒

第十四永離一切下明凡所現身不可分別下經但云無能測身即觀察如來如其勝解示現功德由上云善巧別知故此大

云於前所化邪正及俱行中無有分別上由善巧別知下生起此上是疏顯前生後無性但云即於所化有情邪正俱行中所應現相不可分別文中初二句明無分別義世虛妄解種現俱亡故云永離由自無分別故餘不可以分別知故親光名為能正攝受無染自體殊勝功德謂佛身功德非是雜染分別所起無煩惱業生之雜染故不可分別而無性云隨機現身如摩尼珠無分別者則順今文佛無分別不順彼經不可之言而無性云下會通釋論然無性具云謂隨有情種種勝解現金

色等雖現此身而無分別如摩尼珠等及諸箇等廣說如彼如來密經釋曰故疏斷云則順次放光明下彰所示現皆無分別見無厭足則顯衆生不能分別如瞿波觀佛毛孔念念無厭不能窮究故如彼瞿波觀佛毛孔即七十以大功德下辨能現德出生已下五經

修習

明所現益諸根已下辨所現相謂諸根圓
滿境界自在作諸佛事總彰現意作已便
沒明現時分既隨勝解現則感謝應移
善能開示過現未來一切智道為諸菩薩普
雨無量陀羅尼雨令其發起廣大欲樂受持

十六

十六

第十五善能開示下明一切菩薩等所求
智即觀察如來無量所依調伏有情加行
功德為欲引發任持不定種性聲聞菩薩
唯讚大乘故次明之言等所求者無不求
故佛地名為正所求智謂唯菩薩正能求
故言等所求下是疏釋經義在釋文文中初明所求即一
切智此所求智即是無量菩薩所依而言
道者通因果也為諸已下即成所依義謂
由無量菩薩為欲調伏諸有情故發起加

十六

十七

行要以佛增上力故聞法為先獲得妙智
而為所依令其發起廣大欲樂者即是調
伏有情加行受持修習者即成智之因此
求智即是無量菩薩所依者即是無性釋
而古道下是疏釋經謂由無量菩薩本論
此下更有文云異類菩薩攝受付屬展轉
相續無間而轉由此證得一切菩薩等所

求智釋曰此即疏中所成之智謂依此
智化生令生成於此智故菩薩皆求

成就一切諸佛功德圓滿熾盛無邊妙色莊
嚴其身一切世間靡不現觀永離一切障礙
之法於一切法真實之義已得清淨於功德
法而得自在

第十六成就一切下明得佛無二住勝彼
岸即觀察如來平等法身波羅蜜多成滿
功德為遮所化於大師所疑一切智非一
切智故次明之由滿諸度是一切智言無
二者即平等也平等有二一法身平等於

法身中滿諸度故二果住諸度無增減故
名為平等親光則以住於法身即是彼岸
不說諸度故云法身無差別相名為無二
緣彼勝定常住其中故名為住即無二住
名勝彼岸佛已窮到故名為得由滿諸度
下疏取意

答前疑也從言無二者即無性菩薩以彼
經文會於本論從平等有二三釋義二義
皆無性論云依平等法身波羅蜜多果位
成滿故即前意也論云或平等無減無增
於法身中波羅蜜多一切成滿其中無有
或增或減非如於彼菩薩地中波羅蜜多
有增有減釋曰即後意也二中前義平等
屬於法身後義平等屬於諸度然皆法身
是所滿諸度是能滿下親光法身
即是波羅蜜多世親同無性前義文中初

滿諸度故云熾盛次無邊下以度滿故莊
嚴法身故法華云微妙淨法身具相三十
二以八十種好用莊嚴法身以十身圓融
不相離故言一切世間者不隔凡聖靡不
現觀雙現受用變化之身永離已下無二

礙故和合識破相續心滅故於一切下顯
現法身智純淨故於功德下諸度滿故和合
識破即起信意前
文已有下復重明

大方廣佛華嚴經疏鈔會本第十二之三

音釋

摘涉草切續徒谷切淤於依倨切泥謂津淤濁泥也

大方廣佛華嚴經疏鈔會本第二十三之三 上七

唐于闐國三藏沙門實叉難陀 譯

唐清涼山大華嚴寺沙門澄觀撰述

爲大法王如日普照爲世福田具大威德於一切世間普現化身放智慧光悉令開悟欲

走

令衆生知佛具足無邊功德以無礙縉繁頂

受位隨順世間方便開導以智慧手安慰衆

生爲大醫王善療衆病一切世間無量國土

悉能徧往未曾休息清淨慧眼離諸障翳悉

能明見於作不善惡業衆生種種調伏令其

入道善取時宜無有休息若諸衆生起平等

心即爲化現平等業報隨其心樂隨其業果

爲現佛身種種神變而爲說法令其悟解得

法智慧心大歡喜諸根踊躍見無量佛起深

重信生諸善根永不退轉

第十七爲大法王下明不相間雜如來解

脫妙智究竟即觀察如來隨其勝解示現

差別佛土功德以外人聞上平等謂同一

性故次說言不相間雜謂一切如來十身

體用各各別故猶如冥室千光

謂一切如
下釋義此

是疏家總釋經但經云如來解脫無著釋

云隨其勝解世親無性皆云此中勝解名

爲解脫

但經云下會經論異第一引二論
疏云何勝解得本論同經故云勝解名爲解

爲性如於大地作黃金解便成黃金一作

多解便爲多矣斯則不思議作用解又勝

脫如淨名得能令須彌入芥子等

解者通機及佛故無性云謂觀衆生勝解

差別現金銀等土不相間雜如來勝解現

在前時隨衆生樂皆悉顯現無不了知名

如來解脫等

親光又爲一釋即離障解脫故云如來妙

智令衆生解脫名如來解脫妙智佛於此
智已得究竟疏觀今經中諸論各得一意
復應加佛自得離障及作用解脫謂文云
離諸障翳故具無邊德故令其入道故明
見善惡是如來勝解其心所樂即衆生勝
解是以不可偏取下經但云具足如來平
等解脫復應加佛自離障者以在文分二
初明變化身土不雜二明受用身土不雜
無著但云差別佛土略舉一邊親光則雙
明身土合今文意今初變化中先身後土
初中先總顯化身超勝次普現者通十法
界身放智慧光合如日義欲令已下彰所
化意能爲多化方顯佛德無邊所以名不
間雜者以於一切世間普化一佛既爾餘
何所化故知所屬不同重重皆徧是不間

十七

二

雜義所以名不間雜下隨難別釋即是釋
經於中先問後故知所屬不同下釋
所屬不同即無雜義如千燈各異重重皆
遍是無間義如光光涉入故上總言如冥
室千後以無礙下別化因圓果滿之身初
明因圓爲大醫下現果滿身二一切世下
明現化土初明非唯能化亦能徧往清淨
慧下明佛觀機即是如來勝解現前於作
不善下隨機現土等隨諸衆生應以何國
起調伏心入佛智慧而取佛土故云善取
時宜無適淨穢故云種種欲該餘化略無
土言義必含有又對後平等但言不善亦
應合有有漏之善

十七

三

二若諸衆生下現受用身土先土後身已
證真如名平等心親受用土是平等報上
則心有高下此則依於佛慧上則心有高
下即淨名經
意螺髻語舍利弗仁者心有高下不依佛
慧故見此土爲不淨耳今指上化土是隨

心高下今見受後隨其心樂下現受用身
用是依佛慧故親光云於淨佛土現受用身亦不相雜
令其已下明現之益親光云大集會中現
種種身與諸菩薩受用法樂亦不相雜得
智心喜等皆法樂也又心大歡喜即是初
地見諸佛故生歡喜等以證生信故名深
重以證不退故得永言

一切衆生隨業所繫長眠生死如來出世能
覺悟之安慰其心使無憂怖若得見者悉令
證入無依義智智慧善巧了達境界莊嚴妙
好無能映奪智山法芽悉已清淨或現菩薩
或現佛身令諸衆生至無患地無數功德之
所莊嚴業行所成現於世間一切諸佛莊嚴
清淨莫不皆以一切智業之所成就

第十八一切衆生下明證無中邊佛平等

地即觀察如來三種佛身方處無分限功
德由疑上如來妙智究竟非一非異其相
云何故次明此無中邊等常無常等皆二
邊相言方處者謂諸世界無分限者釋無
中邊此無中邊略有四義一世界無中邊
佛德如彼無有分限二世界無邊諸佛十
身即於其中稱世界量平等徧滿三此法
身等於佛地中平等徧滿無中無邊無有
分限四此法身等徧一切處爲諸衆生現
作饒益然非自性無中無邊親光復名此
爲真如相殊勝功德謂真如相無有中邊
如此真如即是佛地平等法性證此性故
徧知一切於中不染今此文總顯十身
皆無分限由疑上如來妙智下生起此但
發擇前義耳此無中邊下總會
論以釋其義初之四釋皆無性意然此四
意異者一以世間爲喻二佛身滿世界中

上二皆用世界三法身遍佛地中四以契
中道故然疏取義則已周若具無性之
文云謂如世界無中邊佛地亦爾功德方
處無有分限或復世界方處無邊諸佛三
身即於其中稱世界量平等遍滿以法身
即住如是諸世界中非餘處故或法身等
於佛地中平等遍滿無中無邊無有分限
或此法身等遍一切處為諸衆生現作饒
益然非自性無中無邊釋曰以疏四文中
以對之可知則親光意義同後一文中

分二先別顯四智十身後無數下總結因
果今初先就覺他翻明自覺成就法身於
中先明覺他即妙觀察智及成所作智之
所利樂若得見下彰其所益無依義智即
大圓鏡是無中邊佛平等地以無礙智身
無所依故則證真如為佛地性轉昔染依
為智所依即是如如及如智既令他證
顯自已證也次智慧下二句即妙觀察智
莊嚴無奪顯圓鏡智所現之影智山清淨
即平等性智平等高出所以名山四惑已

主

三八四

龍藏

亡故云清淨因惑為種生必待時今能生
自在故種受芽稱或現已下即平等性所
現之影兼顯十身不唯此二故復言或令
諸衆生至無患地者即成佛地以遠離微
細念故名爲無患以無礙智身者即引出
現品成大圓鏡智是無

依義智故彼文云一切佛法依慈悲悲
又依方便立方便依智智依慈無礙慧身
無所依然無礙慧即根本智二智收四根
本收大圓鏡故餘轉依等義如十地說四
智之義已如前說因惑為種下釋法身清
淨清淨字兩通用之故云悉已謂七識在
因四惑相應但能領攬內緣內熏而成種
子今無四惑即此七識能生自在更不內
熏故後總結中初總明謂十力四智等莊

嚴法身業行所成即是報佛現於世間結
他受用及變化身總上諸義則有十身
諸義者一就覺他翻明自覺是菩提身二
成就法身及顯如如即法身三四智即智
身四莊嚴妙好即相好莊嚴身五無能映
奪即威勢身六無數功德即福德身七或
現菩薩等即意生身八令生離感即是願
身及九變化身十業行所成現於世間即

力持身故
云具十

一切已下總結異因同歸一智
謂智導萬行故能證此佛平等地若報若
化無不清淨

常守本願不捨世間作諸衆生堅固善友清
淨第一離垢光明令一切衆生皆得現見六

趣衆生無量無邊佛以神力常隨不捨若有
往昔同種善根皆令清淨而於六趣一切衆
生不捨本願無所欺誑悉以善法方便攝取
令其修習清淨之業摧破一切諸魔闕諍

第十九常守本願下明極於法界即觀察

如來窮生死際常現利益安樂一切有情
功德以上言無中邊相云何無相故次云
極於法界謂此法界最清淨故離諸戲論
是法界相能起等流利益之事極此法界
無有盡期親光亦名此德爲證得果相殊

勝功德謂此窮於清淨法界如是法界修

道得故以斯則極法界言有於二義一同

法界常故二同法界清淨故

以斯下疏會
二論以就經

文常即前無性意
清淨即親光意

文中先明常利樂二廣

利樂今初常守本願者謂本發心法界生

界若有盡我願乃盡今生界未窮故常現

利樂作善友者世之善友略有七事一遭

苦不捨二貧賤不輕三密事相告四遞相

覆藏五難作能作六難與能與七難忍能

忍如來亦爾爲物隨於六趣苦而不捨貧

十七

無法財而不見輕本性客塵無不相告善

六

根未熟則以權覆實堪真實化則以實覆

虛著弊垢衣執除糞器爲難作能作解髻

明珠爲難與能與生違佛化乃至多劫心

無退動爲難忍能忍無不究竟方名堅固

如來亦爾下善友七事略無次第義無不
真前三通諸教四善根已下即法華意則
於一佛乘分別說三為權實會三歸一
示真實相即信解品意謂不說十蓮華藏
之相故云脫珍御服而說三十二相等為
著弊垢衣久證菩提以三十四心斷結
等為執除糞器六即安樂行品輪王解髻
明珠喻一乘圓旨喻若明珠昔為權覆如
在髻中開權顯實為解髻與珠七意亦通

次清淨已下明同法界清淨雖復常化離
能所相故名第一次六趣下廣多不捨次
若有已下不捨昔緣次而於下通顯不捨
若暫不隨則捨本願如願能作名不欺誑
次悉以下彰攝巧益令同法界清淨摧魔

惑故

從無礙際出廣大勝日藏無有障礙於
淨心界而現影像一切世間無不覩見以種
種法廣施衆生佛是無邊光明之藏諸力智
慧皆悉圓滿恒以大光普照衆生隨其所願

皆令滿足離諸怨敵為上福田一切衆生共
所依怙凡有所施悉令清淨修少善行受無
量福悉令得入無盡智地為一切衆生種植
善根淨心之主為一切衆生發生福德最上
良田智慧甚深方便善巧能救一切三惡道
苦

第二十從無礙際下顯於二句謂盡虛空
性窮未來際即觀察如來無盡等功德謂
上利樂皆無盡故深密佛地具斯二句開
則別中自有二十一句下離世間但云等
虛空界而無窮未來際欲顯圓數故親光
亦云次後二句顯示世尊無盡功德初句
自利後句利他故云謂如虛空經成壞劫
性常無盡如來一切真實功德亦復如是
如未來際無有盡期利他功德亦復如是

而無著釋但云無盡功德等不言開合世親無性開此等字爲究竟功德故皆云等言等取究竟功德則以無盡功德釋初句究竟功德釋後句而無性意後句是究竟無盡與前無盡異者前則橫論無盡故云

盡一切界徧作有情諸饒益事後句則豎顯無盡故云顯佛功德永無窮盡所化有情永無盡故同顯無盡故二句合自他等異二句則開今文意合欲顯二利不相離故窮未來際通在極於法界及盡虛空故

六今文下顯今經意雖合而具無性二義利故前段中已顯常隨不捨
前段中者謂無性卽向盡虛空下二句明二利無盡今顯極於法界中已有利樂
爲順二論文分爲兩初唯橫論無

盡正明盡虛空性二爲上福田下雙約橫豎以顯無盡兼明窮未來際今初先二句

主七

八

總言無礙際者卽法身智身如彼虛空無有障礙無邊無際無盡無減無生無滅無有變易名無礙際而能現前作諸利樂如彼虛空容受質礙故云出廣大有力次最勝日下別顯依空無礙之用略舉一日而有四德一蘊藏千光二百川現影三有目皆觀四生成萬差名種種施上一段文言舍法喻佛是已下唯就法說初光明藏卽上日藏身智光明含攝出生故諸力已下如日無缺恒以大下如日舒光離諸魔敵降

主七

九

老死怨如日大明衆景奪耀不獨合上故文有影略

降老死怨者淨名云譬如勝怨乃可爲勇如是兼除老病死者

菩薩之謂也二雙約橫豎論無盡者但云

一切通於十方及來際故文中先明爲生福智之田上福田者具前德故凡所有下

釋上田義三義名上一令清淨如無荒穢
二因少果多如涅槃說純陀施福三入無
盡智如田隨種隨生如穀展轉無盡成金
剛種終不銷故具斯三義稱曰上田次爲
一切下顯爲田主次爲一切衆生發生下
明體即是田後智慧下明能爲田義具悲
智故初權實無二總爲一智對下能救悲
智無礙合爲一心則是如來最清淨覺是則
如來最清淨覺者以在最後故復結之句
句亦皆合結也如涅槃說者經云我今所
供雖復微少下佛令汝具上所引功德之
足檀波羅蜜爲果多也
名全依無著其所解釋多依無性有不同
者亦已對決與世間品小有同異大旨無
違至下品中當更顯示依上所釋文旨有
據德相可分若列宿羅空粲然不雜豈得
寬文廣申辭句於佛勝德蔑然略陳幸諸

後學不咎其繁而不要也 別觀德相二
十段竟

如是信解如是觀察

第三如是下結成觀解謂前諸德不出內
德及與外相今初二句總明能觀信解約
於仰推觀察通於諸眼

如是入於智慧之淵如是遊於功德之海如
是普至虛空智慧如是而知衆生福田

後之八句就所觀德以辨能觀前四內德
後四外相前中謂佛內德無量不出福智

主

十

前二福智之體智慧之淵略語其深功德
之海義兼深廣淵宜趣入海宜遊涉次二
句福智之用智廣虛空福無不益稱此而
了名普至知

如是正念現前觀察如是觀佛諸業相好如

是觀佛普現世間如是觀佛神通自在

後四外相中初一句重舉能觀揀內外故

言正念者明非散心了佛德相唯心無性

靜而能鑒復云觀察後三句亦就所觀以

辨能觀初一句總後二句別身雲普現即

是相好神通自在即前業用前二十一德

中或一句之內言兼福智一德之內體用

雙明若別配屬義成偏近

若別配屬者正

結句科上二十一德之經彼云然此以後十

佛法界身豈有限量令且依下結文分爲

十門於中二先顯十門之德後如是下正

結十門之名前中即爲十段然案後結少

不次第從初至清淨善根已來超明第十

見佛示現不可思議自在神力門彼爲晉

經與今小異恐尋不曉會取今經今經即

至功德善根悉已清淨爲第一從神通自

在第二已去全依今經謂第二從色相第

一下却明第一如是信解門第三獲一切

智放大光下第二觀察正覺門第四示現

色身不思議下明入智慧淵門第五恒以

佛日普照法界下第四入功德海門第六

以大慈悲現不可說無量佛身下明第七

主

正念現前觀察門第七以智慧月下明第

五普至虛空智慧門第八放光明網普照

十方下即第八觀察如來諸業相好門第

九爲大法王如日普照下却明第六如是

而知衆生福田第十清淨第一離垢光

明下却明第九如是觀佛普現世間門釋

曰此即賢首解爲十門以其總名收其別

義皆不盡理故云偏近況結中不出內德

外相內德不出福智如何攝得前文又刊

定記科爲十六三業而段段之中三業多

闕亦消文不盡故皆偏近

依今之釋一句無遺矣

時彼大衆見如來身一一毛孔出百千億那

由他阿僧祇光明一一光明有阿僧祇色阿

僧祇清淨阿僧祇照明令阿僧祇衆觀察阿

僧祇衆歡喜阿僧祇衆快樂阿僧祇衆深信

增長阿僧祇衆志樂清淨阿僧祇衆諸根清

涼阿僧祇衆恭敬尊重

第二時彼大衆下明見佛光用前雖有用

乃觀如來常所具德今現目覩故不同也

文中三初觀常光二觀放光三顯光意今

初雖云毛出意取常有十一句初總餘
別前三光相後七光益

爾時大衆咸見佛身放百千億那由他不思議大光明一一光明皆有不思議色不思議光照不思議無邊法界

二爾時下觀放光中先舉體相

以佛神力出大妙音其音演暢百千億那由他不思議讚頌超諸世間所有言詞出世善根之所成就復現百千億那由他不思議微妙莊嚴於百千億那由他不思議劫數不可盡皆是如來無盡自在之所出生又現不可說諸佛如來出興於世令諸衆生入智慧門解甚深義又現不可說諸佛如來所有變化盡法界虛空界令一切世間平等清淨如是皆從如來所住無障礙一切智生亦從如來

所修行不思議勝德生復現百千億那由他不思議妙寶光燄從昔大願善根所起以曾供養無量如來修清淨行無放逸故薩婆若心無有障礙生善根故

後以佛下辨光業用文有五現一說法二

現嚴此二皆先現後因三現佛則先現後意令成教證二甚深故四現神變五現寶焰光皆先現後因

爲顯如來力廣徧故爲斷一切衆生疑故爲令咸得見如來故令無量衆生住善根故顯示如來神通之力無映奪故欲令衆生普得入於究竟海故爲令一切諸佛國土菩薩大衆皆來集故爲欲開示不可思議佛法門故第三爲顯下現光意並顯可知
爾時如來大悲普覆示一切智所有莊嚴

第二爾時如來下明現勝德之意文分二
別先牒前現德悲爲能現智爲所現者影
略其文應以依二嚴體現二嚴德

欲令不可說百千億那由他阿僧祇世界中

衆生未信者信已信者增長已增長者令其

十七

清淨已清淨者令其成熟已成熟者令心調

十三

伏觀甚深法具足無量智慧光明發生無量

廣大之心薩婆若心無有退轉不違法性不

怖實際證真實理滿足一切波羅蜜行出世

善根皆悉清淨猶如普賢得佛自在離魔境

界入諸佛境了知深法獲難思智大乘誓願

永不退轉常見諸佛未曾捨離成就證智證

無量法具足無邊福德藏力發歡喜心入無

疑地離惡清淨依一切智見法不動得入一

切菩薩衆會常生三世諸如來家

二欲令下正明現意分二先明下益衆生

二開示如來下明上弘佛道今初分二先

彰現益後世尊下辨現益之因今初先舉

所益後未信下辨益不同然此益中文含

多勢且依一判先約行布初五十信始自

初信令心調伏信位滿故次七句皆十住

益謂初二句是住中觀慧次二句下化上

求之心後三句住中證入知心自性故曰

不違不退二乘故不怖實際不由他悟是

證實理圓教十住許入證故三滿足下三

句十行益初句位中之行後二句位中之

德四離魔下三句十向益初句起行一向

利他離二乘等魔迴向菩提故入佛境次

句得法隨相離相無礙難思後句行成五

常見諸佛下盡明十地初四句皆歡喜地

一見受用身故稱曰常二根本證真後得證無量法又證徧行真如亦名無量三則僧祇積福證理出生名福藏力四發歡喜心是此位名入見道故名無疑地離惡清淨是第二地依一切智見法不動是三四地得入一切菩薩衆會是五六七地常生佛家八地已上念無有間故曰常生若約圓融初之五句信中攝位句各一位如理思之句各一位者初信位二增長是住位三清淨是行位四成就向位五調伏是從觀甚深下義通諸位以圓教中位位攝德故

世尊所現如是莊嚴皆是過去先所積集善根所成爲欲調伏諸衆生故

二辨現因既積善所成故爲益深大爲欲調伏諸衆生故一句文含二勢一結前謂

十七

十四

結因所屬二生後生後開示亦是爲生

開示如來大威德故照明無礙智慧藏故示現如來無邊勝德極熾然故顯示如來不可思議大神變故以神通力於一切趣現佛身故示現如來神通變化無邊際故本所志願悉成滿故顯示如來勇猛智慧能徧往故於法自在成法王故出生一切智慧門故示現如來身清淨故又現其身最殊妙故顯示證得三世諸佛平等法故開示善根清淨藏故顯示世間無能爲喻上妙色故顯示具足十力之相令其見者無厭足故爲世間日照三世故

十五

十六

第二明上弘佛道中分二先別彰所爲二自在已下舉因結歎前中有十七句爲欲顯前二十一種殊勝功德初句爲總餘皆

是別於中前五各攝二德餘句各一第一
照明無礙智慧藏句顯二德者一顯不二
現行故云無礙無二礙故二顯趣無相法
故云照智慧藏慧爲能照藏即所照無相
真如照明趣達眼目殊稱第二句一顯住
於佛住謂住空大悲任運利樂無休息時
名曰熾然二顯逮得一切佛平等住謂依
清淨智起利樂意作二身業皆熾然故第
三句一顯到無障處二顯不可轉法謂此
二是降魔伏外功德前由有對治則不爲
他動今由有神變乃能轉他第四句一爲
顯所行無礙今徧趣現身即是所行有漏
盡通八風不染又神通力即能徧因二顯
其所安立不可思議謂佛威神所建立故
第五句初顯遊於三世平等法性約記三

世事亦是神通無邊際言即平等性二顯
其身流布一切世間此言甚顯下皆各攝
一德六顯於一切法智無疑滯本願已滿
故七顯於一切行成最正覺名智徧往八
顯於諸法智無有疑惑名於法自在九顯
一切菩薩等所求智十顯凡所現身不可
分別十一爲顯得佛無二住勝彼岸彼岸
已圓十身殊妙故十二顯不相間雜如來
解脫妙智究竟功德又諸佛平等皆徧而
不相雜故十三顯證無中邊佛平等地平
等之地即清淨藏十四顯極同法界故云
上妙十有十力故能盡虛空見者無厭
十六窮未來際故照三世
自在法王一切功德皆從往昔善根所現一
切菩薩於一切劫稱揚讚說不可窮盡

第二舉因結歎前舉積因後歎無盡 五

觀佛勝德竟

爾時兜率陀天王奉爲如來嚴辦如是諸供具已與百千億那由他阿僧祇兜率天子向佛合掌白佛言善來世尊善來善逝善來如

來應正等覺唯見哀愍處此宮殿

第六爾時兜率下天王請佛處殿亦稱五

號並曰善來及下文意皆如第三會說

亦稱

五號者一世尊二善逝三如來四應供五正偏知然尋常略舉下三今加上二故爲

德五

爾時世尊以佛莊嚴而自莊嚴具大威德爲令一切衆生生大歡喜故一切菩薩發深悟解故一切兜率陀天子增益欲樂故兜率陀天王供養承事無厭足故無量衆生緣念於佛而發心故無量衆生種見佛善根福德無

主

主

盡故常能發起清淨信故見佛供養無所求故所有志願皆清淨故勤集善根無懈怠故發大誓願求一切智故受天王請入一切寶莊嚴殿

第七爾時世尊下如來受請分二先受請

入殿二爾時一切下入已現嚴前中先明

此界後辨結通前中初一句明能應之德

次明所爲之意三正受請並願可知

如此世界十方所有一切世界悉亦如是

爾時一切寶莊嚴殿自然而有妙好莊嚴出

過諸天莊嚴之上一切寶網周布彌覆普雨

一切上妙寶雲普雨一切莊嚴具雲普雨一

切寶衣雲普雨一切栴檀香雲普雨一切堅

固香雲普雨一切寶莊嚴蓋雲普雨不可思

議華聚雲普出不可思議妙樂音聲讚揚如

來一切種智悉與妙法而共相應如是一切諸供養具悉過諸天供養之上

第二現嚴顯是佛力放出過諸天

時兜率宮中妓樂歌讚熾然不息以佛神力令兜率王心無動亂往昔善根皆得圓滿無量善法益加堅固增長淨信起大精進生大歡喜淨深志樂發菩提心念法無斷總持不忘

第八時兜率宮下天王獲益文中初得定益往昔已下是進善益佛神力言通此二益十住位劣攝散歸靜故樂音止息此位超勝得動實性故動寂無二熾然音樂心不動也

爾時兜率陀天王承佛威力即自憶念過法佛所所種善根而說頌言

第九爾時下承力偈讚然憶念昔因亦是益相取文便故爲說偈依文中二先明此處偈讚後結通十方前中先說偈依

昔有如來無礙月諸吉祥中最殊勝彼曾入此莊嚴殿是故此處最吉祥

昔有如來名廣智諸吉祥中最殊勝彼曾入

此金色殿是故此處最吉祥

昔有如來名普眼諸吉祥中最殊勝彼曾入

此蓮華殿是故此處最吉祥

昔有如來號珊瑚諸吉祥中最殊勝彼曾入

十七

十八

此寶藏殿是故此處最吉祥

昔有如來論師子諸吉祥中最殊勝彼曾入

此山王殿是故此處最吉祥

昔有如來名日照諸吉祥中最殊勝彼曾入

此衆華殿是故此處最吉祥

耆有佛號無邊光諸吉祥中最殊勝彼曾入
此樹嚴殿是故此處最吉祥

昔有如來名法幢諸吉祥中最殊勝彼曾入
此寶宮殿是故此處最吉祥

昔有如來名智燈諸吉祥中最殊勝彼曾入

十七

此香山殿是故此處最吉祥

十九

昔有佛號功德光諸吉祥中最殊勝彼曾入
此摩尼殿是故此處最吉祥

後正陳偈讚十頌頌各一佛佛名有異略
無別德餘同前會此佛即前會十佛次前

十佛寄位漸深憶念漸遠耳

如此世界兜率天王承佛神力以頌讚歎過
去諸佛十方一切諸世界中兜率天王悉亦
如是歎佛功德爾時世尊於一切寶莊嚴殿
摩尼寶藏師子座上結跏趺坐

第十爾時世尊下如來就座文分四別一
明就座

法身清淨妙用自在與三世佛同一境界住
一切智與一切佛同入一性佛眼明了見一
切法皆無障礙有大威力普遊法界未嘗休
息具大神通隨有可化衆生之處悉能徧往
以一切諸佛無礙莊嚴而嚴其身善知其時
爲衆說法

二法身下顯德亦大同前二十一德恐厭
繁文不能具釋

不可說諸菩薩衆各從他方種種國土而共
來集衆會清淨法身無二無所依止而能自
在起佛身行

三不可說下衆集即眷屬圓滿然後品衆
集有所表故但云一萬理實徧集故此但

云不可說衆未必但是後品之人

坐此座已於其殿中自然而有無量無數殊

特妙好出過諸天供養之具所謂華鬘衣服

塗香末香寶蓋幢幡伎樂歌讚如是等事一

一皆悉不可稱數以廣大心恭敬尊重供養

於佛十方一切兜率陀天悉亦如是

四坐此座下現嚴初此界後結通有云此

升座一段宜置入殿之後歎處之前迴文

不曉者未必然也謂初請入殿讚爲請坐

於理何違有云下敘判定破經二未必然也總非三謂初請入下出其正

理彼破意云謂入殿即坐坐竟方歎故合迴文今明初入殿竟次即歎處請坐後方

受請於理何失

大方廣佛華嚴經疏鈔會本第二十二之三

音釋

螺髻螺盧戈切障翳翳於計切障翳謂障塞蔽障也依怙

吉論切

二十七

依於機切怙後五切珊瑚珊瑚所間切珊瑚玉而赤色作樹形出遞大計切而赤色作樹形出遞大計切

遞大計切

遞大計切

大方廣佛華嚴經疏鈔會本第二十三之一 土八

唐于闐國三藏沙門實叉難陀 譯

唐清涼山大華嚴寺沙門澄觀撰述

兜率宮中偈讚品第二十四

初來意者前明化主赴感今明助化讚揚

六

及顯位體所依故次來也

二釋名者謂十方菩薩於此宮中讚佛實

德故受斯名通二種釋如第三會

三宗趣者集衆放光偈讚爲宗爲說迴向

爲趣

爾時佛神力故

四釋文亦三初集衆二放光三偈讚初中

二先明集因謂佛神力

十方各有一大菩薩

二十方下衆集於中文二先明此會後如

此世界下結通今初長分十段一總舉上

首

一一各與萬佛刹微塵數諸菩薩俱

二眷屬數

從萬佛刹微塵數國土外諸世界中來詣佛

所

三來處遠近位增數增故各一萬

其名曰金剛幢菩薩堅固幢菩薩勇猛幢菩

薩光明幢菩薩智幢菩薩寶幢菩薩精進幢

菩薩離垢幢菩薩星宿幢菩薩法幢菩薩

四主菩薩名同名幢者略有五義一高出

義表三賢位極故二建立義大悲大智建

立衆生及菩提故三歸向義謂大悲攝生

智願攝善歸向菩提及實際故四摧殄義

如猛將幢降伏一切諸魔軍故五滅怖畏

所從來國謂妙寶世界妙樂世界妙銀世界
妙金世界妙摩尼世界妙金剛世界妙波頭

上八

二

義如帝釋幢不怖惑業故異名即表十向
行體至偈當明幢者略有五義者刊定有七今略其二言一高出二
建立下施幢幡中皆有其文一高出者亦
云高顯顯即顯現亦出義也下經顯一切
衆生建高顯幢然智慧燈普照世間二建
立者下經云願一切衆生立堅固幢悉能
摧殄一切魔業刊定七中一堅固義二滅
恐怖義三歸向義四建立義五高顯義六
摧殄義七不爲他壞義今以堅固即不爲
他壞進上引經即建立中攝又他不壞在
滅怖中攝進上引經即建立中攝又他不壞在
釋幢不移轉故略其一二云修戒定慧如帝
堅固義三歸向義者列衆中有如燈幢爲
衆所歸四推殄者七十八云菩提心者如
猛將幢伏一切諸魔軍故五滅怖者智
論二十四明修八念能除恐怖八念者於
六念上更加息慈於念三實中引經證云
佛告諸比丘釋提桓因與阿修羅闍在大
障中時告諸天衆汝與阿修羅闍時設有
恐怖當念我七寶幢恐怖即滅若不念我
幢當念伊舍那天子誦陀寶幢恐怖即
除若不念伊舍那寶幢當念婆樓那天子
誦陀寶幢恐怖即除是以故知幢爲滅怖畏義

摩世界妙優鉢羅世界妙栴檀世界妙香世
界

五所從來刹皆稱妙者迴向之力微善彌
於法界故其別名即表十向所修法門一
救護衆生離衆生相最可貴故二得不壞

信常樂因故三等佛白淨故四如金徧至
諸色像故五出用無盡如摩尼故六善根
堅固如金剛故七隨順衆生不染塵故八
真如之因如水生華最爲勝故九如白栴
檀能去熱惱之縛著故十如彼香氣能普

去

三

周故故下文慈氏座前燒 九香彌滿法
界即其事也慈氏座前等者即六十七經
優鉢羅華長者經云善男子
先率天中有香名先陀婆於一生所繫菩
薩座前燒其一九與大香雲徧覆法界普
雨一切諸佛菩薩是也

各於佛所淨修梵行所謂無盡幢佛風幢佛

解脫幢佛威儀幢佛明相幢佛常幢佛最勝幢佛自在幢佛梵幢佛觀察幢佛

六本所事佛同名幢義不異菩薩別名即表修十向智亦表當位之果謂一救護之心不可盡故成無盡佛二如空中風不住不壞故三等佛解脫故四四威儀中無不至故五明了功德相故六常能隨順善根故七隨順衆生善最勝故八同於眞如得自在故九淨無垢染不縛著故十觀察即是入法界故

其諸菩薩至佛所已頂禮佛足

七其諸已下至已修敬

以佛神力即化作妙寶藏師子之座寶網彌覆周帀徧滿諸菩薩衆隨所來方各於其上結跏趺坐

八以佛神力下善住威儀座體云妙寶者十住以慧光徧照故以毘盧遮那藏爲體十行以行淨離垢故以蓮華藏爲體今十向大悲處於生死普該萬法不拘乎一故座體直云妙寶不限色類以教行徧周籠攝衆生加以寶網彌覆其上

其身悉放百千億那由他阿僧祇清淨光明此無量光皆從菩薩清淨心寶離衆過惡大願所起顯示一切諸佛自在清淨之法以諸菩薩平等願力能普救護一切衆生一切世間之所樂見見者不虛悉得調伏

九其身悉放下放光利物此位多辨悲智救物故復辨此於中初光體次此無量下辨光因即圓淨迴向心後顯示下略示光業一智敬上業二悲救下業

其菩薩衆悉已成就無量功德所謂徧遊一切諸佛國土無所障礙是無依止清淨法身以智慧身現無量身徧往十方承事諸佛入於諸佛無量無邊不可思議自在之法住於無量一切智門以智光明善了諸法於諸法

夫

中得無所畏隨所演說窮未來際辯才無盡以大智慧開總持門慧眼清淨入深法界智慧境界無有邊際究竟清淨猶若虛空

十其菩薩衆下略讚勝德有十一句初總餘別別中十門一神通門二入證門三以智下依智修福四入於下上入果用五住於下住善決擇六於諸下四辯無盡七智開總持八慧眼見性九智慧徧知十究竟離障

如此世界兜率天宮諸菩薩衆如是來集十

夫

五

方一切兜率天宮悉有如是名號菩薩而來集會所從來國諸佛名號亦皆同等無有差別

結通可知

爾時世尊從兩膝輪

第二爾時世尊下放光文分四別一放光處言膝輪者位漸高故又表迴因向果等有屈申進趣之相故又悲智相導屈申無住故

放百千億那由他光明

二放百千下光數

普照十方盡法界虛空界一切世界

三普照下光照分齊

彼諸菩薩皆見於此佛神變相此諸菩薩亦見於彼一切如來神變之相

四彼諸下光所作業謂令彼此互相見故
於中分三初正明彼此相見二是下釋
見所由三如是等下結德所屬

如是菩薩皆與毘盧遮那如來於往昔時同
種善根修菩薩行

二中由二因故見一宿因同行故

悉已悟入諸佛自在甚深解脫得無差別法
界之身入一切土而無所住見無量佛悉往
承事於一念中周行法界自在無礙心意清
淨如無價寶無量無數諸佛如來常加護念
共與其力到於究竟第一彼岸恒以淨念住
無上覺念念恒入一切智處以小入大以大
入小皆得自在通達無礙已得佛身與佛同
住獲一切智從一切智而生其身一切如來
所行之處悉能隨入開闡無量智慧法門到

六

六

金剛幢大智彼岸獲金剛定斷諸疑惑已得
諸佛自在神通普於一切十方國土教化調
伏百千萬億無數衆生於一切數雖無所著
善能修學成就究竟方便安立一切諸法

二悉已下現德圓滿故文有二十句束爲

十對一離障成身對二入刹近佛對三用
速心淨對四外護內證對五能覺所覺對
謂一切智處是所覺故六用廣證深對身
即智身同住法界及大悲故七得智生身
對身即應身八行深解廣對九智極定深
對此位中顯名金剛幢對金剛定即菩提
智十得通立法對由得通故調化無數由
離數故而能安立數有二種一數量數二
色心有爲皆名爲數今文具二謂由不著
一多能立一切故不著於有能安立故即

真俗鎔融謂世俗幻有之相相本自空勝
義真空之理理常自有有是空有非常有
斯有未曾不空空是有空非斷空此空何
嘗不有有空空有體一名殊名殊故真俗
互乖迢然不雜體一故空有相順冥然不

六

七

二一與不一不即不離鎔融無礙菩薩智

契其源所以雖迥絕無寄而善修安立

障成身對者以交易故疏不指經今當指

之二入一切土下入剎對三於一念中下

是四無量無數下是五恒以淨念下是六

以大入小下是七移一切智下是八一切

如來下是九到金剛幢下是十已得諸佛

自在下是由難數下釋立法謂世俗下別

示真俗鎔融之相相從緣生舉體即空理

非斷滅故常自有然有三意此上第一當

體以明二有是空有下明二諦交徹成一

即有是空即空是有三有有空有結成鎔

融即仁王云於諦常自二於解常自一通

達此無二真入第一義也從菩薩智契下

如是等百千億那由他不可說無盡清淨三

頌言

世一切無量功德藏諸菩薩衆皆來集會在
於佛所因光所見一切佛所悉亦如是
三結德所屬謂無盡德屬於此會菩薩及
光中所見也
爾時金剛幢菩薩承佛神力普觀十方而說

第三偈讚中十菩薩即爲十段亦十方如

次皆先標說人及說儀式今初東方金剛

幢者此是會主名含總別總顯迴向不出

悲智金剛者堅利也即悲之智二乘實際

不能壞堅也斷難斷感利也故文云智慧

到彼岸即智之悲愛見不能動堅也無所

不救利也故文中徧剎利生

剛七十八云譬如金剛唯從金剛處及金

處生非餘寶處生菩提心金剛亦復如是

唯從大悲救護衆生金剛處一切智智殊勝境界金處而生非餘衆生善根處生故知金剛不獨喻智攻般若者不得此意但以標名獨將金剛喻於般若不觀文中悲濟九類而無所度悲智相導方爲真實不

六

八

共般若智者應知別名即是救護衆生悲也離衆生相智也義不殊總說頌儀式頻

見上文故知金剛下四結彈以今古諸師皆唯般若喻金剛故不觀文中下

成上失意以金剛經具悲智爲金剛故彼

經云佛告須菩提諸菩薩摩訶薩應如是

降伏其心所有一切衆生之類若卵生若

胎生若濕生若化生若有色若無色若有

想若無想若非有想若非無想我皆令入

無餘涅槃而滅度之變九如是滅度無量無數無邊衆生實無衆生得滅度者等欣慶也無故疏結云悲智雙運

如來不出世亦無有涅槃以本大願力示現自在法是法難思議非心所行處智慧到彼

岸乃見諸佛境

正顯頌文十頌歎佛寂用無礙德大分爲二初八讚佛勝德後二結勸修行今初分三初五偈寂而常用次一偈用而常寂後二無礙自在今初分三初二偈無生滅而示生滅於中前偈就法正顯後偈寄對顯

深以依體起不體用無礙故難思議又心

有心相動不以行故難思議智無智相名

到彼岸方見佛境

色身非是佛音聲亦復然亦不離色聲見佛

神通力少智不能知諸佛實境界久修清淨

六

九

業於此乃能了

次二偈非色聲而現色聲亦前偈就法正

顯後偈寄對顯深少智謂權小久修謂圓

機素習見聞故能了實

正覺無來處去亦無所從清淨妙色身神力

故顯現

後一頌明無來去而示來去覺處即現不從方來迷處自無不從此去以神力故示有來去然從神力中來即無來矣

無量世界中示現如來身廣說微妙法其心無所著

二用常寂中三句用末句寂

智慧無邊際了達一切法普入於法界示現自在力衆生及諸法了達皆無礙普現衆色像徧於一切刹

三無礙自在中初偈了事理無礙起用自在後偈了生法無礙起用自在可知

欲求一切智速成無上覺應以淨妙心修習菩提行若有見如來如是威神力當於最勝尊供養勿生疑

後二偈結勸中初偈勸修智進行後偈勸修福斷疑

爾時堅固幢菩薩承佛神力普觀十方而說頌言

第二南方堅固者表不壞迴向故菩提心堅固觀佛無厭故

如來勝無比甚深不可說出過言語道清淨如虛空汝觀人師子自在神通力已離於分別而令分別見導師爲開演甚深微妙法以是因緣故現此無比身

十頌多明如來爲物所依德於中分二初

三讚佛勝德後七勸修辨益前中初頌明佛體離言次偈無相現相後偈現相所因此是大智慧諸佛所行處若欲了知者常應親近佛

後七中舉修有益即顯佛德深玄文中分

三初偈指德勸依即結前生後

意業常清淨供養諸如來終無疲厭心能入於佛道具無盡功德堅住菩提心以是疑網除觀佛無厭足通達一切法是乃真佛予此人能了知諸佛自在力

次三示能入者令物思齊各先舉行後彰行益

廣大智所說欲爲諸法本應起勝希望志求無上覺若有尊敬佛念報於佛恩彼人終不離一切諸佛住何有智慧人於佛得見聞不修清淨願履佛所行道

後三正勸進修然夫進修畧有五法謂欲精進念巧慧一心初偈明欲次偈辨念後偈巧慧前二正明後一反顯一心精進攝

十八

十二

在志求之中然夫進修等者釋此三偈自天台取之爲二十五方便此第五止觀具云謂前二十法雖備若無樂欲希慕一身心若策二念想三方便四一心決志者五止觀無由現前釋曰上即反釋下順釋云若能欣慕無厭一晝夜匪懈二念相續三善得其意四一心無異五此人能進前路一心喻船舵巧慧如點頭三種如篙櫓若少一事則不安穩無此五法事憚尚難何況又慈氏論引醍醐喻經共說九善謂一切法欲爲根本作意所生觸所集起受所引攝以念爲主定爲上首慧爲最勝解脫爲堅固出離爲後邊有前未必有後有後定須有前是故先說欲爲其本下二句揀非惡欲爲勝希望又慈氏論下第二論從人名論是其造故醍醐喻經即涅槃經經有五味從牛出乳至於醍醐醍醐喻大般涅槃故事即三十八經明三十七品根本是欲因名明觸攝取名受增名善思主名爲念尊名爲定勝名智慧實名解脫畢竟名爲大般涅槃廣如經說今即喻伽引經故經論無違欲爲根本者起希望故作意所生者數數警覺故觸所集起者和

心心所對勝境故受所引攝者領在心故
以念為主者常名記故定為上首者心澄
寂故慧為最勝者擇善惡故解脫為堅固
者息纏縛故出離為後邊者覺道滿故從
有前下
總結釋
次偈上半念主下半作意後偈反
釋初句慧勝次句觸集及受次句定及解
脫後句出離
次句觸集及受者即於佛得見開見佛聞法皆是觸對見

聞必領在心也次句定及解脫者修即心
定澄寂也清淨為解脫可知後句履佛行
道即已出離
覺道滿故

爾時勇猛幢菩薩承佛神力普觀十方而說
頌言

第三西方菩薩淨心智力見佛盡源等一
切佛故名勇猛

譬如明淨眼因日觀衆色淨心亦復然佛力
見如來如以精進力能盡海源底智力亦如
是得見無量佛

十頌分二前六明感應道交見佛聞法後

六八

三

四令捨偽求真拂見聞相故此一段總顯
如來見聞弘益之德前中前五各上半喻
下半合通分為二初二見佛後四聞法前
中初偈雙明感應淨心如淨眼為見之因
佛力如日為見之緣如來如色為見之境
如人入闇則無所見斯則獨因不見也如
明淨日瞽者莫見獨緣不見也此辨因緣
和合方能見也
此辨因緣者正同金剛經云如人有目日光明照見種種色但彼以般若為目佛法中明心不住法則內心自有因緣不同佛力為目也
後偈偏舉於感以因奪緣如出現品云此
非如來威神之力等
如出現品者謂佛光即念言此是如來威神之力佛便報言此非如來威神之力若一衆生於如來所不種善根能得如來少分智慧無有是處是也
譬如良沃田所種必滋長如是淨心地出生
諸佛法如人獲寶藏永離貧窮苦菩薩得佛

法離垢心清淨譬如伽陀藥能消一切毒佛法亦如是滅諸煩惱患真實善知識如來所稱讚以彼威神故得聞諸佛法

後聞法中四偈分三初偈顯因能生法次

二顯得法之益前偈得權智能離所知心

六

七

垢後偈有根本智能除煩惱之患三一偈

顯緣令聞法故上文云佛法無人說雖慧

莫能了

設於無數劫財寶施於佛不知佛實相此亦不名施無量衆色相莊嚴於佛身非於色相中而能見於佛如來等正覺寂然恒不動而能普現身徧滿十方界譬如虛空界不生亦不滅諸佛法如是畢竟無生滅

後四令捨僞求真中二前一示僞令捨住相施故以色見佛行邪道故後三顯真令

求初二偈顯真佛前偈即相非相故非色能見後偈即寂而應故不可以寂取末偈顯真法真法無生亦無滅故

爾時光明幢菩薩承佛神力普觀十方而說
頌言

第四北方菩薩以大悲力運智慧光朗彼重昏無所不至名光明幢又以智慧令諸善根無所不至故

人間及天上一切諸世界普見於如來清淨妙色身

此頌中多顯如來即體化用周普之德十頌分三初一化用廣亦明化處次七化用深亦明化依後二雙結釋化

譬如一心力能生種種心如是一佛身普現一切佛菩提無二法亦復無諸相而於二法

中現相莊嚴身了法性空寂如幻而生起所
行無有盡導師如是現三世一切佛法身悉
清淨隨其所應化普現妙色身

化依中分四初四雙明能所依次一拂其
能化心次一拂其所依體後一雙融自在

十六

十四

亦拂能依今初初偈總明一多無礙依一
總心變多王所於一實佛應化多端故無
礙也次一相二無礙無相現相無二現二
體絕能所故云無二相依身有是即二也
然相二相對應成四句畧舉其一無二現
二即於一現多乃至百千亦名二故次偈
顯依性起起不異性故如幻無盡後偈從
法身流舉三世佛以顯道同

如來不念言我作如是身自然而示現未嘗
起分別

二拂能化心中謂如摩尼珠無私成事故
法界無差別亦無所依止而於世間中示現
無量身

三一偈拂所依謂上無二無相法性法身
即是法界法界本自無差亦無定有爲化

依止由無依無別故爲依爲別故下文云
虛空雖無所依能令三千世界而得安住
如空無色而能顯現一切諸色

佛身非變化亦復非非化於無化法中示有
變化形

十六

十五

四一偈雙融自在言非非化者此有二義
一假非化以遣化非謂是非化則上半約
體絕待下半依體起用二不礙化故然真
化無二融爲一身不壞體用名依真起依
真起者則報亦依真非謂三身獨一是化

非謂是非化者此一向是遮即拂跡入玄耳故昔人云我言非有者但言非是有非謂是非有如人夜見於枕謂之為人智者告言此非是人但非其心中計人愚人聞之便謂此非起故為惑耳故下釋云上半絕待則化與非化兩亡二不礙化故者即重釋亦復非非化此即化遠於非化則上句非變化者即是真身故亦復非非化者有化用故前釋上半是體下半是用今此上半自具體用依於後義廣釋經文於中二先總明然約三身自有多義一法報合為真身應化合為化身二法身以為真身報應皆為化身今依此義故云非謂三身獨一且依真起化畧有二門一開義二融合且依真下第初中真應各有二義真中一不變義謂雖化而常湛然初句顯之二隨緣義謂不守自性無不現故云亦復非非化二約化中一無體即空義謂攬緣無性故云於無化法中二從緣幻有義故云示有變化形初開義中言各二義者各有二義更無別也如前已釋但前通相說真如依他今就佛身以說二義謂攬緣

無性者則知報身亦緣成義二融合中亦二義一真化別合二真化融通初中由真中隨緣即不變故是故亦真亦非真非不真名真法身化中體空即幻有故是故亦化亦非化非化非不化名為佛化身二融通者謂由真不變顯化體空此真不無化不有以爲法身而不無化用以有化中空義故又由真隨緣顯化幻有此是化不無真不有以爲化身而不無真理以有真中隨緣義故又由隨緣幻有不異不變體空故是故現化紛然未嘗不寂真性湛然未曾不化真化鎔融爲一無礙清淨法界宜審思之二融合等者真化別合者即真如上二義自合依他上二義自合耳各成四句且真中四者一真二非真三俱四泯以前二義易故不明又是合故不聞但明後二化中二義亦然融通者即將真如二義與依他二義互相權攝耳文有四節前二節明四

義交絡相融三復融上二四真化鎔融下
結成一味法界四中一取真如不變義與
依他體空義合由在緣不變故顯體空
空即真如此即真理事故真不無不變
體空即是真空化不有者依他全體空故
二又由真隨緣下取真上隨緣與依他幻
有合此即真理事成事門故化不無以能成
事故真不有舉體隨緣故又上二義第一
合得事能顯理門故云不無化用以有化
中空義故由化即空故能顯第二義中兼
得事能隱理門故故云不無真理但隨緣
耳又由下三總融上二以前別合中二義
已融今復真
化互合故

正覺不可量法界虛空等深廣無涯底言語
道悉絕如來善通達一切處行道法界衆國
土所往皆無礙

第三二偈雙結釋中前偈結歸於體謂智
冥真境等法界故深無底等虛空故廣無
涯皆絕言道爲不可量後偈舉因釋成所
以法界無礙者智行徧故

爾時智幢菩薩承佛神力普觀十方而說頌

十六

十七

言

第五東北方於佛寂用之境決斷無礙故
又智導萬行出生無盡故名智幢故
若人能信受一切智無礙修習菩提行其心
不可量

頌中多歎如來應現出生無盡無礙之德
十頌分二初一標章勸信信有修行之益
一切國土中普現無量身而身不在處亦不
住於法

後九所信勝德於中分二初一總餘八別
總中上半用而無盡下半寂而無住不著
應處不住法體即本末雙寂也通爲寂用
無礙

一一諸如來神力示現身不可思議劫算數
莫能盡三世諸衆生悉可知其數如來所示

現其數不可得

別中二初二明無盡一一衆生前能現無盡身故衆生可知佛不可數

或時示一二乃至無量身普現十方刹其實無二種譬如淨滿月普現一切水影像雖無量本月未曾二如是無礙智成就等正覺普現一切刹佛體亦無二非一亦非二亦復非無量隨其所應化示現無量身

後六明無礙於中三初四一異無礙亦是本末無礙一法二喻三合四釋

佛身非過去亦復非未來一念現出生成道及涅槃

次一偈延促無礙

如幻所作色無生亦無起佛身亦如是示現無有生

土

大

後一偈性相無礙

爾時寶幢菩薩承佛神力普觀十方而說頌言

第六東南方菩薩以圓淨智照平等理不礙應現隨順一切如摩尼寶故名寶幢

佛身無有量能示有量身隨其所應觀導師如是現佛身無處所充滿一切處如空無邊際如是難思議

頌中多顯平等超世之德十頌分二前五總顯難思後五迥超時數前中初二正明前一超量現量後一超處徧處故出現品云譬如虛空徧至一切色非色處等如是難思雙結上二

非心所行處心不於中起諸佛境界中畢竟無生滅如翳眼所覩非內亦非外世間見諸

佛應知亦如是饒益衆生故如來出世間衆生見有出而實無興世

後三展轉釋成初云何以難思若身若處非生滅心行之境故何以非心境佛自不起心故何以不起體無生滅故若爾何以

十六

十九

現見次偈釋云病眼所覩取色分齊勿謂爲實次疑云若爾豈無如來出現世耶次偈釋云自機見耳上三句以應就感衆生謂出末句旣因物感出卽非出名實不出故諸法無行經云如來不出世亦不度衆生衆生強分別作佛度衆生旣無有出安有沒耶上三亦初一超心行次一超内外後一超出沒

不可以國土晝夜而見佛歲月一剎那當知悉如是

後五偈迴超時數而現時數於中初一偈結前標後國土結前處故

衆生如是說某日佛成道如來得菩提實不繫於日如來離分別非世超諸數三世諸導師出現皆如是譬如淨日輪不與昏夜合而說某日夜諸佛法如是三世一切劫不與如來合而說三世佛導師法如是

後四別顯超時初偈立宗上半牒妄情下半正立菩提是有法定不繫時是宗法次偈立三因一智無分別故二三世不遷故

三體非有爲之數故次偈舉同喻謂日體常明故不合昏夜後偈合結上半合下半結合中語倒若順應云一切諸如來不與三世合又若以超時現時爲宗者則上宗中四句皆宗應云菩提是有法定不繫日

隨機說日是宗法因云體非三世等不礙
三世等故同喻云如日輪不合昏夜以山
映故說有日夜合云佛無三世以不應見
機之所映故而說三世是則上三句皆合
下一句結

六

二十

合為宗言有法者由於前陳為所依故能
有後陳故有法但是持自性法無有軌義
後陳具二謂由不計時知是常法如無常
知是有為等作初偈量云日體無分別不
與昏夜合如來無分別不與三世合著提
是有法定不繫時是宗法日云無分別故
同喻如日輪與偶合之日體無分別等也
二約非世為因著提是有法定不繫時是
宗法因云體非三世故同喻如日輪以倡
合云日不屬於時不與昏夜合佛非世法
故不與三世合三約超諸數釋著提是有
法定不繫時是宗法因云非有為故同喻
如日輪偶云日輪無出沒不與昏夜合如
來非有為不與三世合又若以超時現時
等四句皆宗者若依前釋上二句標妄情
今將上二句合在下半成經偈云如來得
菩提實不繫於日而隨眾生說某日佛成
道著提是有法定不繫日隨機說日是宗
法因云體非三世不礙三世故同喻如日
輪日體恒明隨映見殊不合昏夜佛體湛

然隨機應已起三世說三世故疏云定不
繫日隨機說日是宗法而出因云體非三
世不礙三世等者等取無分別不礙分別
非有為不礙有為合等可知著提是有法
定不繫日隨機說日是宗法因云體無分
別不礙分別故同喻如日輪日輪分別隨
時殊不合昏夜說至佛無分別隨機應
已離分別說分別著提至宗法因云日非
體非有為不礙有為故同喻如日輪日非
有合隨時殊不合昏夜說至佛非有為

隨機珠已起有為說有為若作偈五言云
日明映山故無時說晝夜佛體不礙用常
住說三世七言云日體恒明隨映殊不合
昏夜說昏夜佛體湛然隨機應已起三世
說三世對上三因亦應云日離分別
隨映殊佛無分別隨機應皆可意得

爾時精進幢菩薩承佛神力普觀十方而說

頌言

六

主

七西南方勤觀如來真應皆同故能平等

隨順一切眾生名精進幢

一切諸導師身同義亦然普於十方刹隨應

種種現

十頌顯此同義文分為二初一總標餘九

別釋前中上半正標下半略顯同相言身同者三身十身皆悉同故義亦然者此含多意一且約三身體依聚義無不同故所覺能覺覺他同故又義名所以所以得名佛者正覺真智力無畏等無不具故得名爲佛佛佛皆然故義同也又應用利樂無不同故故攝論第十云諸佛法身應知恒時能作五業等二十一種功德之中名爲逮得一切佛平等性所依意樂作業無差別故義亦然者下出三意一釋三身及與佛義體即法身依是報身聚是化身所覺下所覺是法身能覺是報身覺他是化身又義名所以者明成佛所以即具衆德故問明云十方諸如來同共一法身一心一智慧力無畏亦然諸佛法身者即應化法身言五業者攝論云第一救濟有情災橫爲業於暫時見便能救濟盲聾狂等諸災橫故二救濟惡趣爲業拔諸有情出不善處置善處故三救濟非方便爲業令諸外道捨非方便求解脫行置於如來聖教中故四救濟薩遮耶見爲業授之能起

三界道故五救濟諸乘爲業拯拔欲趣餘乘諸菩薩及不定性諸聲聞等安置善處令修大乘行故於此五業應知諸佛業用平等若梁攝論當第十五二十一指上品所依智等三事佛佛平等二約十身釋義等無性亦明是利他德同者皆通三世間彼此互望無差別故種種利樂居然是同此有三因一行海齊滿二大願齊具三同一法性故非唯相似亦一即一切互相融故餘如問明品說下半同相略舉應用同以應即真故非應之外別明法身是同然普有二義一約諸佛謂無有佛不徧十方故二約一佛謂無一方而不現故土八汝觀牟尼尊所作甚奇特充滿於法界一切悉無餘佛身不在內亦復不在外神力故顯現導師法如是隨諸衆生類先世所集業如是種種身示現各不同諸佛身如是無量不

可數唯除大覺尊無有能思議

後九別釋中分二先四頌正釋後五頌轉
釋前中初偈釋前普於十方無餘二義一
無處不徧故二一切皆佛身故諸佛本師
二頌影略次偈釋前現義謂有感方現故
云非內神力能現故云非外次偈釋前隨
應種種義一隨物類則十法界等萬類殊
應二於一類中隨其先業各見不同如金
色塗灰等後偈釋前身同之義結成難思
佛身皆同無數量故在除大覺者佛佛同
證故

如以我難思心業莫能取佛難思亦爾非心
業所現如剎不可思而見淨莊嚴佛難思亦
爾妙相無不現譬如一切法衆緣故生起見
佛亦復然必假衆善業譬如隨意珠能滿衆

六

三

生心諸佛法如是悉滿一切願無量國土中
導師興於世隨其願力故普應於十方

後五轉釋中從後向前釋上四偈前四兼
喻後一唯法於中初二釋第四無能思議
一以我爲喻謂如妄計之我本無所有故
不可思此以妄計情有理無非聖智境以
況法身理有情無非下位測後偈以剎爲
喻喻雖絕相難思而不礙相次一偈釋第
三隨業異現所以要隨業者同一切法必
假緣故此以總喻別次一偈釋第二非內
外義如珠現物雖非內外能滿物心後偈
釋充滿法界義所以能滿者本願普周故
爾時離垢幢菩薩承佛神力普觀十方而說
頌言

第八西北方菩薩真如體淨能成白法復

淨世間故名離垢

真如體淨第八迴向中義復淨世間即今偈意

如來大智光普淨諸世間世間既淨已開示諸佛法設有人欲見衆生數等佛靡不應其心而實無來處

十頌多歎如來淨德前六淨他後四自淨

前中前二總明後四別釋今初前偈智淨

妄惑既寂真智不無開示無我知見性相

故名爲法後偈身淨謂拂應顯真

妄惑既寂等者

揀異斷空開示已下即法華開示悟入意也

以佛爲境界專念而不息此人得見佛其數

與心等成就白淨法具足諸功德彼於一切

智專念心不捨導師爲衆生如應演說法隨

於可化處普現最勝身佛身及世間一切皆

無我悟此成正覺復爲衆生說

後別釋中前二釋第二偈後二釋初偈前

十六

舌

中初偈正明欲見諸佛應專佛境隨念隨現故名心等又了心境即佛真性迷則不知念則便現次偈轉釋專念之義無漏具德故能專念

隨念隨現者此有二意一隨念多少佛亦等之如稱一口

有一化佛等二隨念淺深佛應稱之見有優劣又了心境下約觀心釋即心即佛之

義後二中前偈釋普淨世間說法現身而

能淨故後偈釋開示佛法示其所悟二無

我故

一切人師子無量自在力示現念等身其身

各不同世間如是身諸佛身亦然了知其自

性是則說名佛如來普知見明了一切法佛

法及菩提二俱不可得導師無來去亦復無

所住遠離諸顛倒是名等正覺

後四自淨中初一已淨差別之用後三內

淨三德一見性成佛自開法身稱性現應

次偈無得成佛自開般若佛法所覺菩提
能覺必能所相因故俱得無所得者則
得菩提後偈離妄成佛自開解脫不動無
住故妄倒斯寂名真解脫

爾時星宿幢菩薩承佛神力普觀十方而說

六

重

頌言

第九下方菩薩解佛徧應法界之身而不
離法性若彼星宿粲然羅空不可縛著故
以爲名

如來無所住普住一切剎一切土皆往一切
處咸見佛隨衆生心普現一切身成道轉法
輪及以般涅槃諸佛不思議誰能思議佛誰
能見正覺誰能現最勝

十頌顯佛此德分爲三別初三總顯即體
之應次六別釋體應自在後一拂去自在

之迹前中初偈約處顯身之徧謂法性身
則無所住約自受用則無所不住名爲普
住約他受用及變化身有感則往故云一
切土皆往若約十身無處非佛故云一切
處咸見謂法性身者此初一偈上三句約
四身說徧第四句約十身說徧此
十身正說衆生國土等十身故則有虛空
處即虛空身有國土處即國土身等故無
非佛次偈約機顯身之多故云一切及八
相事皆由物感後偈結歎難思初句總標
下三句顯相二句約感不能思惟約心
見通心眼下句約應難思云誰能現

一切法皆如諸佛境亦然乃至無一法如中
有生滅衆生妄分別是佛是世界了達法性
者無佛無世界如來普現前令衆生信喜佛
體不可得彼亦無所見

次六別釋中初三順釋後三反釋今初初

偈釋前誰能現義謂現即同如無生滅故
次偈釋前誰能思義謂起心而思是妄分
別有依有正法性之中能所斯寂後偈釋
前誰能見義謂能應隨緣體本自無能感
之機竟何所見

若能於世間遠離一切著無礙心歡喜於法
得開悟神力之所現即此說名佛三世一切
時求悉無所有若能如是知心意及諸法一
切悉知見疾得成如來

後三反釋中謂由無思見等方能思等則
反顯前有思見等不了佛境於中初偈無
思思要無著無礙故次偈無現現神力之
現體即虛故後偈明無見見躡前無所有
爲見前稱實之見非唯見佛亦得疾成
言語中顯示一切佛自在正覺超語言假以

廿八

二十六

語言說

三一偈拂自在之迹者上明自在尚假言
詮正覺超言故拂言迹超言亦假應忘契
之

爾時法幢菩薩承佛神力普觀十方而說頌

言

第十上方菩薩知真實之法普入法界則
所修行皆無分量故名法幢知法名佛故
先讚見佛之益

寧可恒具受一切世間苦終不遠如來不覩
自在力

廿八

七

十頌雙顯佛法難聞於中分二前四讚佛
勸人聞見後六讚法勸物聞求前中初一
正令甘苦近佛

若有諸衆生未發菩提心一得聞佛名決定

成菩提若有智慧人一念發道心必成無上尊慎莫生疑惑如來自在力無量劫難遇若生一念信速證無上道

後三釋其所以畧舉三事初偈聞名益次偈發心益後偈生信益既受苦得聞成斯勝益受樂不覩不免長淪故應甘苦而近佛也

設於念念中供養無量佛未知真實法不名爲供養若聞如是法諸佛從此生雖經無量苦不捨菩提行一聞大智慧諸佛所入法普於法界中成三世導師雖盡未來際徧遊諸佛刹不求此妙法終不成菩提衆生無始來生死久流轉不了真實法諸佛故興世諸法不可壞亦無能壞者自在大光明普示於世間

後六中已遇良醫復須法藥於中初二由聞實法能成行法前反後順次二由聞理智成於果法前順後反後二以感應釋成前偈佛興由生迷實後偈說法示於真實不動真際建立諸法則性不可壞不壞假名而說實相則相不可壞斯則天魔外道等皆法印故無能壞餘如十藏品上十菩薩之偈應以六相圓融上十菩薩下總結佛德二別則十種德殊三同則同明佛德四異則十德互望不同五成則共成佛德六壞則各住自性所以偈後無結通者爲顯法界兜率讚德異故猶彼處處文殊偈各別顯佛德無盡故所以偈後下彰無結意此後一設前二會無此後例前亦是三賢之最後故

大方廣佛華嚴經疏鈔會本第二十三之一
音釋

也似槩而長	軌	居消切
郎古切進舟具	法也	
切澆	殄	徒典切
灌也	滅也	
巨	普火切	
不可也	施	待可切
船木也	正	
櫓	沃	鳥
	酷	
膝輪	膝息七切	歷
膝輪	謂歷	膝之中也
聞	齒善切	
顯明也	沃	鳥
沃	酷	

大方廣佛華嚴經疏鈔會本第二十三之三 土九

唐于闐國三藏沙門實叉難陀 譯

唐清涼山大華嚴寺沙門澄觀撰述

迴向品第二十五

初來意者當會序分已彰正宗宜顯故又
已總示所依佛智次別顯能依行位故次
來也

二釋名者迴者轉也向者趣也轉自萬行
趣向三處故名迴向迴向不同有其十種
然十之別名本分當釋迴向通稱今當重
明隨境所向義有衆多以義通收不出三
處謂衆生菩提及以實際上二皆隨相實
際即離相

開三爲十一迴自向他故初迴向云若有
善根不欲饒益一切衆生不名迴向

二迴少向多故下文云善根雖少普攝衆
生以歡喜心廣大迴向又云隨一善根普
以衆生而爲所緣乃名迴向

三迴自因行向他因行故第三迴向云菩
薩以諸善根迴向佛已復即以此善根迴
向一切菩薩所謂願未滿者令得願滿心
未淨者令得清淨

四迴因向果此復二種一向自果下文云
修諸善根迴向阿耨菩提故深密瑜伽梁
攝論等大同此說二迴向他果第三迴向

云願以我今所種善根令諸佛樂轉更增
勝故
故深密等者深密第四觀自在菩薩
白佛言何因緣故波羅蜜多名波羅
蜜多佛告觀自在五因緣故一無染著二
無領戀三無罪過四無分別五正迴向乃
至云正迴向者謂以如是所作所集波羅
蜜多迴求無上大菩提果是也言瑜伽者
卽三十七云云何菩薩無倒迴向謂諸菩
薩三門積集所有善根卽善修事業一方

便善巧二饒益於他三去來今世一切攝
取以純一味淨妙信心迴求無上正等菩
提終不用此所集善根希求世間餘果異
熟唯除無上正等菩提梁攝論第十云由
般若迴向無前六度為得大菩提故施等無
盡故般若為利便又釋方便波羅蜜中
云內欲為利便諸眾生故所作善根功德
悉迴向無上菩提言等者無性世親皆同
此說無性釋云若以此善根求無上正等
菩提者為證無上佛菩提故世親釋云所
有善根皆悉迴向無上菩提作諸有情
一切義利釋曰以文易故疏但略指 五
迴劣向勝謂隨喜凡夫二乘之福迴向無
上菩提故

六迴比向證經文非一 六迴比向證者以
若取現證即前第三中心未淨者令得清
淨清淨即淨心地淨心地即初地未淨即
此是迴他比今他得證七迴事向理故不
亦是自比今他得證等 七迴事向理故不
壞迴向云與諸法性相應迴向入無作法
成所作迴向第六迴向云永離依處到於
彼岸故名迴向永絕所作至於彼岸故名
迴向

主九

二

八迴差別行向圓融行故如第九迴向廣
說八迴差別等者初列懺悔等五門善根
為差別善根一一迴向中皆願成普賢
行故 九迴世向出世故下文云所有善根
皆悉隨順出世間法教化成熟一切眾生
心常迴向出世之道第六迴向云永出諸

蘊到於彼岸故名迴向等

十迴順理事行向理所成事故廣如第八

迴向所說 十迴順理事等者謂初積集資

勇猛無畏等事行植般若德本深心不動

心實成就等即順理行言向理所成事者

謂百門真如況所 前十義中初三皆迴向

成行即理所成也 主九

眾生次三皆迴向菩提次二迴向實際後

二義通於果及與實際若依總云十迴向

即帶數釋若準梵本晉經皆云金剛幢菩

薩十迴向品則人法雙舉或人之法法之

人人有法通二釋也

三宗趣者以無邊行海順無盡大願爲宗
成就普賢法界德用爲趣

爾時金剛幢菩薩承佛神力入菩薩智光三昧

四釋文者文有十分一三昧分二加分三
起分四本分五說分六瑞應分七結通分
八證成分九偈讚勸修分十校量功德分
初中金剛幢入者是衆首故表歸向高出
等義故不異名說承佛神力彰入定緣入
菩薩智光三昧者顯所入名揀異果定故
云菩薩智即是體謂根本智光有三義一
是證智前相如明得定等此約寄位在賢
終故二光即根本智用對治無明故如大
乘光明定等三光即後得了所緣故二智
無礙朗照法界此約剛幢自體釋也

入是三昧已十方各過十萬佛剎微塵數世
界外有十萬佛剎微塵數諸佛皆同一號號
金剛幢而現其前

第二八是下加分有三一總顯能加二辨
加所爲三正顯加相今初有二一明佛現
二明讚善今初有五一標所因謂入是三
昧已故十住中云以三昧力二十方下佛
來近遠三有十下佛數多少上二顯位過
行故云十萬四皆同下顯佛名同五而現
下正明佛至餘如前說

咸稱讚言善哉善哉善男子乃能入此菩薩
智光三昧善男子此是十方各十萬佛剎微
塵數諸佛神力共加於汝亦是毗盧遮那如
來往昔願力威神之力及由汝智慧清淨故
諸菩薩善根增勝故令汝入是三昧而演說

法

二威稱讚下明佛讚善於中初標稱善次別歎得定後顯得定所因先別顯五因一伴佛神力二主佛宿願三主佛現威四說者智淨五聽者善根十住無聽者善根十行缺說者自力此則具二理應徧具而影略者表住初自悟行則捨已利他今則悲兼自他俱無障礙故也所以要此五力者因果主伴皆具足故謂法因久遠願遂將化故主伴加威非器不傳明因主自力非感不應顯因伴善根餘之差當如第三會後令汝下結前生後因果主伴者因主即金剛幢力因伴即聽者善根果主即遮那二力果伴即十方佛加謂法因下出五因之由法因久遠願遂將化是遮那本願主伴加威即及威神力為主加威十方佛加威為伴加威為令諸菩薩得清淨無畏故具無礙辯才故

中九

五

入無礙智地故住一切智大心故成就無盡善根故滿足無礙白法故入於普門法界故現一切佛神力故前際念智不斷故得一切佛護持諸根故

第二為令下辨加所為有二十二句分二前二十一別明所為後一結為所屬前中初十標所成後十一明所作亦猶十地前十自利後十利他亦猶十地者自利即同所成利他即同所作前中初九內德後一外加謂得佛護持信等根故前中前八橫具諸德後一豎繼不斷從前所成明記決斷故前中前七法體後一大用佛神力者非神境通離世間品神力神通義有異故通謂無壅力謂幹能通多就外力多約內就前七中前六別明後一總說謂一門之中具於多門總攝福

智重重無盡名普門法界故就前六中前五所具後一離過謂所具福智不與二礙有漏相應故前五中前四智慧後一福德就智慧中前三自分後一勝進住佛智故就自分中前二說教後一入證謂入緣起

法界相即自在智故前中無畏則於緣無懼辯才常說不斷上來從後禪疊已釋所成

以無量門廣說衆法故聞悉解了受持不忘故攝諸菩薩一切善根故成辦出世助道故不斷一切智智故開發大願故解釋實義故了知法界故令諸菩薩皆悉歡喜故修一切佛平等善根故護持一切如來種性故

二以無量下明其所作於中初一總謂廣說故後十別於中初一約法次三約位一

攝地前二安地上三照佛果次三約修一土九令開發十向大願二令解實際三令知迴向廣大與法界等後三約人一稱根令喜二喜故學三世佛迴向三救護一切衆生故不斷佛種

所謂演說諸菩薩十迴向

後一總結所屬者謂若說十向前益皆成故加所爲即說所爲六相融攝如理應思然約行布地約說地此爲迴向故與下不同況彼義皆次第今復反此然約行布下結釋明非全取十地中義以釋今文故疏上云亦猶十地猶者如也但云如彼二利其中句義則全不同言地約說地此約迴向者彼云如實說菩薩十地差別相故此云所謂說菩薩十迴向居然自別況彼義者彼中次第顯於地前地上等謂彼云緣念一切佛法故修習分別無漏法故此即地前次經云善選擇觀察大智光明巧莊嚴故即是見道次經云善入無量智門故下六句辨修

八地至佛地則自淺至深地前地上見修
究竟次第不亂故今更反此者明不依彼
次如今經文無彼地前地上見修等次文
之與義俱不全同故但可云如彼不可依
彼次第釋也上之十句
所成亦然但可類耳

佛子汝當承佛威神之力而演此法得佛護
念故安住佛家故增益出世功德故得陀羅

尼光明故入無障礙佛法故大光普照法界

故集無過失淨法故住廣大智境界故得無
障礙法光故

第三佛子下正顯加相於中三初語業勸
說以增辯二意業冥加以益智三身業摩

頂以增威今初口加承語便故文有十句
初總餘別總云說此法者有二種力一者
他力如經得佛護念故此亦名果力亦名
增上緣力二者自力即下八句亦名因位
力亦是因緣力是故此法要自他因果親

疎融合方得有說自力八中初三明有作

淨法力一總謂既住佛家理宜宣法以行

家業下二別一長無漏功德二入總持智

慧故在佛家次二句無作淨法力一離所

淨障謂無二障礙二得所淨智謂事理普

照後三顯身淨力即三種盡一二乘不同

盡謂雙集悲智離於捨悲入寂過失故二

菩薩盡謂離心意識唯依大智法身境故

三者佛盡無障礙智是佛法故

取論勢而句多少所用不同彼十句中初
總餘別別中初句他力下八自力自力中

初一句有作善法淨經云普淨法界故次

一句教化衆生淨攝爲三種盡等今則有作

六句皆名身淨攝爲三種盡等今則有作

有三句無作有二身淨有三又關教化衆

生者以依次無故攝在初有作淨中而言

四淨者以因中有四義故一有力能作二

無力作三具二能引生四攝攝前三稱
理成德如次配前四淨餘廣如彼以句開
合不同亦此是地前三盡者一圓教普
可類取

賢位融攝故二約金剛幢內德位已極故
又前加所爲中住行但有十句正口加中
唯有一句今並過前者表位增故隣於地
故多同地經又前加下亦辨三賢望於十地事須差別不可全同也

爾時諸佛即與金剛幢菩薩無量智慧與無

主九

八

留礙辯與分別句義善方便與無礙法光明
與如來平等身與無量差別淨音聲與菩薩
不思議善觀察三昧與不可沮壞一切善根
迴向智與觀察一切法成就巧方便與一切
處說一切法無斷辯

二爾時下意加中二先正明加相二何以
下釋偏加所以前中十句初總餘別然此
十句大同地經唯五六前却餘如彼次然
十句者比前諸段彼不全同今爲大同既
唯一句前却故得全引彼釋所以此多同
者以與智辨令其有說則得大同前就所
說故小異耳此中十句須觀下十地經疏

不可具引後別中一不著辯才說法不斷
隨要略引無留礙故二堪辯才以善淨堪智有四種
謂緣法作成故云分別句義三任放辯才
說不待次言辭不斷處處隨意不忘名義
故云無礙法光忘不隨意則有礙故四即

第五不雜辯才三種同智常現在前者慧
身平等知三相故故彼云與徧至一切處
智五即第四能說辯才有淨音故六教出
辯才靜鑒雙流故七不畏辯才智不可壞
何有畏哉或六七前却思之八即無量辯

主九

九

才謂一切法智隨順宣說修多羅等六種
正見故九即同化辯才得一切佛無畏身
等三種教化隨所度者顯示殊勝三業神
變化故三種智者即自相共相及不二相
自相者色心等殊同相者同無我
等不二相者即一實理也或六七前却者
六即不畏辯才以經云不思議善觀察三

昧同彼如來無所畏故七是教出辨才以不可沮壞一切善根是教出故大因地經成道自在力故六種正見者一真實智正見二行正見三教正見四離二邊正見五不思議正見六根欲正見

何以故入此三昧善根力故 爾時諸佛各以右手摩金剛幢菩薩頂 金剛幢菩薩得摩頂已即從定起

次釋偏加及爾時下身加并第三金剛幢下起分並如前後說

告諸菩薩言佛子菩薩摩訶薩有不可思議大願充滿法界普能救護一切衆生所謂修學去來現在一切佛迴向

第四告諸菩薩下本分中分二先總顯體相後佛子菩薩摩訶薩迴向有幾下別示名相今初若直就經文應分爲三初句總標願體難思希求名願即具攝普賢無盡

願海深廣難思二充滿下顯難思相謂體充法界故難思議用普救護故稱爲大又約體深不思議約用廣不思議又深廣無礙名不思議又體相用三並充法界隨所徧處無不救護實難思議三所謂下釋成

難思以行同佛故

二充滿下釋第二句自

議以用釋大二雙約體用釋三體用雙融釋不思議四約三大相融釋不思議

然總論品內一一難思別示其相略申

十種一體深二用廣如上已辨三攝德無盡四出生衆行五餘不能壞此三充滿法

主九

界中攝六都不自爲七忍苦無倦八背恩

十

不轉九逆順多端十盡窮來際此五普能救護中攝此之十句一一超於言念皆不思議

故收前後有三種體一所依體即智光三

昧二約尅性即上大願三約總舍通有六法一定二智三願四悲五所依法界六通慧作用即不思議解脫以爲體性而圓融無礙爲迴向體

若取論勢亦初句是總下三句別一充滿法界即是勝願以是一切佛根本故二普救一切即是大願順作利益故三所謂學佛迴向是不怯弱願決定入佛大願故亦未入地故無觀相及真實願大悲增故加前行住大願利益而住行中有無常愛果因今此缺者大悲既增惟願救護不欲自求菩提果故

佛子菩薩摩訶薩迴向有幾種

第二別示名相文分四別一舉名徵數

佛子菩薩摩訶薩迴向有十種三世諸佛咸

十九

十一

共演說

十九

十一

二佛子下標數顯勝諸佛共說故三何等下徵數列名四佛子是爲下結數引證何等爲十一者救護一切衆生離衆生相迴向二者不壞迴向三者等一切諸佛迴向四者至一切處迴向五者無盡功德藏迴向六者入一切平等善根迴向七者等隨順一切衆生迴向八者真如相迴向九者無縛無著解脫迴向十者入法界無量迴向

三中先徵後列十迴向義略以五門分別一釋名二義相三體性四定位五行法差

初中先總名已見品初後別名今當略釋然通相而辨有其二意一迴向二字皆是能迴之願救護等名皆是所迴之行故皆

依主受名二救護等名皆迴向之別相迴向二字皆別相之通名當名相望救護等即迴向若互相揀是救護之迴向非不壞之迴向則通依主隨其義便不可局定第一救護等者大悲廣濟名為救護一切衆生大智無著故云離衆生相即是廣大不顛倒心迴向是行謂以善根迴成救生離相之行故名迴向從所向立名故下文云願此善根普能饒益一切衆生明知救護非是所迴自以十度爲所迴向耳又唯以離衆生相爲能迴者則迴向中無隨相也將墜者護已墜者救救令脫苦護令息惡並以善根願能成此二於三寶等得不壞信以此善根用將迴向三學三世佛所作迴向名等諸佛四菩薩令其善根至一切

處五由迴向十九故能成無盡功德之藏六順

理修善事理無違入於平等七以善根等

心順益衆生八善根合如以成迴向九不

爲相縛不於見著作用自在故名解脫如

不思議解脫等十稱性起用謂以法界善

根迴向法界故至隨文中當更開顯即是

者四心之二至第八迴向當引釋救護衆

生即廣大心離衆生相即不顛倒心上釋

救護等竟迴向是行以下以第一別名對總

迴向以辨得名明知下結彈古義以救護

言爲所迴向故將墜下別釋救護一字第

二不壞迴向從所迴善根得名三通能所

迴悉皆等佛四從所迴向立名五從所成

德六從所迴七通能所八通能所善根皆

同如故九從能迴向心得名十第二顯義

亦通能所迴及所向法界立名相者先別後通別中前七隨事行後三稱

理行前中初一悲智不住明行本次四明

行相於中一者起行心堅二約佛辨廣三

約法顯徧四約德顯多下二行成一智行

成二悲行成後三中一正與理合顯體深
廣二明依體起無方大用三顯體用無礙
圓明自在二通論一一中皆有三種迴向
謂以善根迴向衆生菩提實際此三各有
二義故成迴向一以菩薩善根必由衆生
而成是衆生之分故還向彼由餘二成餘
二流故菩提分故稱實際故法爾向彼二
凡是菩薩必爲度生不爾同二乘故必求
無上菩提是家法故不爾同凡小故必證
實際背無明故照二空故所以要須三者
義乃無邊略申十意謂依三法故滅三道
故淨三聚戒顯三佛性成三寶會三身具
三德得三菩提證三涅槃安住三種祕密
藏故一依三法者謂真性觀照及與資成
即起信論體相用也實際依體菩提依相

衆生依用二滅三道者見苦實際方能滅
苦照煩惱空即得菩提迴結縛業爲利生
業三淨三聚者謂向實際故律儀離過向
菩提故廣攝衆善向衆生者即是攝也四
顯三佛性者實際正因菩提了因向衆生
者即是緣因五成三寶者實際成法菩提
成佛向彼衆生成同體僧六會三身者謂
法報化七具三德謂斷智恩八得三菩提
謂實相菩提實智菩提方便菩提菩提樹
下示成佛故九證三涅槃者謂性淨涅槃
圓淨涅槃方便淨涅槃謂薪盡火滅若依
地論唯有上二者則真極之成寧殊示滅
菩提亦爾上四皆如次配迴向實際菩提
衆生可以意得十安住三種祕密藏者由
向實際則住法身佛以法爲身清淨如虛

空故由向善提能成般若菩提朗鑒居極
照故由向衆生能成解脫自既無累令他
解脫隨機應現亦無礙解脫也以斯十義
立三迴向若立三種菩提之心亦依此十
又此十內舉一爲首展轉相由又此三者
成二行故向善自利向生利他菩提通二
又向實護煩惱向生護小乘菩提通二護
又爲成悲智智照理事故有三也又隨舉
悲智亦具此三悲中三者令彼衆生知其
實際同證菩提故智中三者照生相盡即
同實際證菩提故又此三者其必相資一
即具三方成其一爲證實際故迴向衆
生以化衆生成其自利斷障證實故亦向
菩提速證菩提具一切智斷於二障方窮
實故二爲救衆生故迴向實際速證實際

十九

十四

於惑自在方能化故故淨名云若自有縛
能解彼縛無有是處亦向善提速證菩提
方能廣利故地經云欲度衆生不離無障
礙解脫智三爲得菩提故迴向衆生不化
衆生不證果故亦向實際不證實際豈得
菩提故此三事相資成立非唯三事自互
相資隨一一事具攝法界德用即入無礙
方名真實迴向三事此三各有二義者第一
二成三之因言必由
衆生者若無衆生菩薩不修行故即由上
義故此修善屬於衆生是彼之分如父資
財而子有分言餘二流故者同上必由衆
生而成爲菩提故爲實際故而修其善即
是二流菩提分故下同上是衆生之分一
切萬行皆菩提分分亦因義皆稱實物即
實際分二凡是菩薩下前就境明此就人
說又前以人從法此則攝法從人又前是
順釋此是反顯一依三法者下釋也三法
即智論意亦三般若及三大也文中但出
三大真性實際即實相般若若觀照即觀照
般若資成即是眷屬般若以不同三般若
名又不攝五名故畧不配二滅三道即三
雜染謂煩惱道業道苦道也三淨三聚者

故法集經云若菩薩捨於三聚迴向之心
善薩不應與彼共住四顯三佛性即涅槃
意以第一義空是正因性故了見佛性故緣
行成於善提究竟了故了見佛性故緣
因亦通萬行成於善提今以菩提照了故
以向生為緣五成三寶諸佛所師所謂法
也以法真常體性離故以眾生同體故我
向之次四但列不釋下但云如次配之六
法身即所證之實際故報身即巧證善提
故化身為眾生故七證實無礙故為斷德
善提是智化生是恩不在言也八言實相
善提者下經云譬如世界有成壞而其虛
空不增減一切諸佛成善提成與不成無
差別台中上句即實智善提下句即實相
善提淨名云善提者不可以身得不可以
心得寂滅是善提滅諸相故等若依地論
下結彈地論地論但說淨性淨及方便淨即
真淨今明真淨淨即圓淨淨萬德俱圓相累俱
寂故云圓淨淨迹盡雙樹機盡應移故是方
便淨十安住三種下此義深難又復最後
故偏釋之釋解脫中具有三義一自解脫
二解脫他若自有轉能解他轉無有是處
三化衆生即作用解脫餘如前後說若立
三種下例釋先例三善提心即起信云信
成就發心者發於三心一心一直心正念真如
法故即向實際二者深心樂修一切善行
故即向善提三者大悲心救護一切苦衆
生故即向衆生則亦明此十而成彼三又
此十內下展第三體性者有總有別總如
轉相成成百

前說謂大願等別在說分隨位顯之
第四定位者若約資糧等五諸說不同一
云此迴向位是修大乘順解脫分資糧位
終從十信來皆資糧故十迴向後別立加
行故莊嚴論說行盡一僧祇長養信令增
上增上修達分善根又成唯識第九云初
無數劫福智資糧順解脫分既圓滿已為
入見道住唯識性復修加行雜集十一亦
同此說有云此十迴向是加行位復有二
說一云四順決擇分中是後二攝謂十解
為煖十行為頂前九迴向為忍第十迴向
為世第一法成唯識云此四善根亦勝解
行攝此文為證雖不分明玄奘三藏意存
此釋一云四加行中世第一攝故真諦翻
攝大乘云如須陀洹道前有四方便菩薩

亦爾有四方方便謂四十心若依此釋則無
五位地前四十心皆加行故餘約四位十
三住等並如十住品明上來多是大乘初
門接引二乘擬議彼立四善根故有說三
賢總爲趣聖方便不分資糧加行遠近此
據終說有言一切行位都不可說此約頓
顯真性而說若依當部一位之中頓攝諸
位不礙前後而位滿處即是因圓約圓教
說然與前教相參應成四句一唯約相如
前諸教二唯約自體如前頓說三以體從
相四以性融相此二即當今文謂以性隨
相性不差而位歷然以性融相相不壞而
常相即故下一一位中具一切位非但融
因亦常融果融果之因方是真因莊嚴論
說即第
七論得云行盡一僧祇長信令增上衆善
隨信集亦具如海滿長行釋云若諸菩薩
主九

行行來一阿僧祇初爾時長養於信方至
上品於信增時一切衆善隨信聚成爲
具足如大海水轉證唯識及上二文雜集
莊嚴後引雜集轉證唯識及上二文雜集
論云何諸菩薩依瑜伽地方便修證無
所得謂過諸善已善集福智慧二
種資糧通達真如無等法如理作意發
已隨順等五位之義十住畧明廣在十地
今但定位是資糧位信至迴向皆資糧故
有云二下明是加行四加行義亦如初地
然有云二下明是加行四加行義亦如初地
但云四四是勝解行攝勝解行位即通指地
前設以四善根未入地故一云四加行等者
攝以四善根未入地故一云四加行等者
即真諦意雜集亦云願樂行人自有四種
謂十信十住十行十迴向爲菩薩聖道有
四方便或十人如須陀洹道前有四種
修得此圓滿亦於地名樂行於第一阿僧祇
則無五位餘約下二畧指而言等者彼有
十門故一約五位二約四位三約三位
四約二位五約一位六約二位七約一位
約五位十二位八約四位九約三位十約
性十約四位十二位八約四位九約三位
合於楞伽無復次位並指如前第五行
法差別者行隨位別亦有圓融及寄法差
別若對前教亦成四句準位應知有以十

向配於十度隨勝受名雖位位所迴皆具

諸度以名收之亦有理在

第五行法差別中先正釋圓融

則一迴向行具攝諸迴向行二行布如向

所釋別名義中有以十向配於十度者即

北京李長者意以名收之亦有理在者一

救護衆生離衆生相似施二不壞似戒三

等佛似忍四至一切處似進進故周遍五

無盡功德藏似禪攝德故六隨順堅固

順般若故七等隨順衆生同方便故八真

如相入故欲顯多途不壞行布四十位中

多分相似故爲此收而一位中多列諸

度又如第六廣說於施故

非正義故云亦有理在

佛子是爲菩薩摩訶薩十種迴向過去未來

現在諸佛已說當說今說

四結數引證可知

佛子云何爲菩薩摩訶薩救護一切衆生離

衆生相迴向

第五佛子云何下說分說十迴向爲十段

一一段中皆先長行後明偈頌長行中各

十九

二初位行後位果有不具者至文當知位

行中各三初牒名徵起二依徵廣釋三依

釋結名文處可見今初迴向文缺位果於

位行中先牒名者具如本分又本業云常

以無相心中常行六道而入果報不受而

受諸受迴易轉化故名救護等

又本業云下初標以

空淡有即先明離衆生相後救護衆生也

言不受而受諸受者受即五陰及與六受

由了無相故不受諸法爲物現在見聞覺

知故而受也又已超五陰現生五陰也故

淨名云以無所受而受諸受未具佛法亦

不滅受而取證也迴易轉化者救護非一

故

佛子此菩薩摩訶薩行檀波羅蜜淨尸波羅

蜜修羼提波羅蜜起精進波羅蜜入禪波羅

蜜住般若波羅蜜大慈大悲大喜大捨修如

是等無量善根

二廣釋中二先明所迴善根後修善根時

下正明迴向今初古人名此以爲行體若順前名救護衆生是悲離衆生相爲智則以悲智爲其行體以是初行故將總體以爲別體若以爲欲迴向故修諸善根即彼善根亦得稱體古義依此

以是初行下通妨妨云何以將

總體爲別體

十九

十九

修善根時作是念言願此善根普能饒益一切衆生皆使清淨至於究竟永離地獄餓鬼畜生閻羅王等無量苦惱

後正明迴向中二先明隨相迴向後我應如日下明離相迴向前即迴向衆生及與菩提釋救護衆生後即迴向實際釋離衆生相前中二先總明令物離苦至究竟菩提即雙明慈悲及二迴向

菩薩摩訶薩種善根時以已善根如是迴向

後菩薩摩訶薩下別顯文分爲四一利樂救護二佛子菩薩於非親友下受惱救護三佛子菩薩見諸衆生下代苦救護四佛子菩薩以諸善根正迴向下迴拔救護初中三一總標二我當下別顯三佛子下總結今初晉無菩薩等言而有復作是念之語彌顯前已迴向

我當爲一切衆生作舍令免一切諸苦事故爲一切衆生作護悉令解脫諸煩惱故爲一切衆生作歸皆令得離諸怖畏故爲一切衆生作趣令得至於一切智故爲一切衆生作安令得究竟安隱處故爲一切衆生作明令得智光滅癡暗故爲一切衆生作烟破彼一切無明暗故爲一切衆生作燈令住究竟清淨處故爲一切衆生作導師引其令入真實

法故爲一切衆生作大導師與其無礙大智
慧故

二別顯中文有十句初離苦果二離苦因
三通因果五怖畏中含三道故上三通於
深淺後七唯約究竟四得菩提五得涅槃

十九

二十

六滅煩惱之源根本不覺若滅此者如天
之大明七滅所知之闇故云一切無明即
觸事不了者若滅於此如人執炬委悉而
照八令得解脫故涅槃云澄淨清淨即真
解脫已脫重昏故云燈也九令證法身故

言眞法十令成般若無二礙智亦是權實

無礙之智

五怖畏中含三道者惡道怖畏苦也惡名是煩惱大衆威德是

業若舉其因五皆煩惱又死及不活煩惱爲因餘少功德即是業也根本不覺者即起信文即最初無明

佛子菩薩摩訶薩以諸善根如是迴向平等

饒益一切衆生究竟皆令得一切智

三結中以前十句有通淺深故令究竟得

一大事

一大事義已如初會

佛子菩薩摩訶薩於非親友守護迴向與其
親友等無差別何以故菩薩摩訶薩入一切

法平等性故不於衆生而起一念非親友想
設有衆生於菩薩所起怨害心菩薩亦以慈
眼視之終無恚怒普爲衆生作善知識演說
正法令其修習

第二受惱救護中二先明受惱之相後佛

十九

二十

子菩薩摩訶薩以諸佛法下明迴向之相

前中亦二先法後喻法中有標徵釋可知

譬如大海一切衆毒不能變壞菩薩亦爾一
切愚蒙無有智慧不知恩德瞋恨頑毒憍慢
自大其心盲瞽不識善法如是等類諸惡衆

生種種逼惱無能動亂

後喻中有二喻先大海不變喻喻遇惡緣
不變本心海喻菩薩器量大故衆毒喻惡
衆生不變喻菩薩不亂

譬如日天子出現世間不以生盲不見故隱
而不現又復不以乾闥婆城阿修羅手閻浮
提樹崇巖邃谷塵霧煙雲如是等物之所覆
障故隱而不現亦復不以時節變改故隱而
不現

二日輪普照喻喻遇惡不息利益於中三
初喻次合後徵釋喻中略有其二先日輪
具德後遇緣不息有十一惡緣

菩薩摩訶薩亦復如是有大福德其心深廣
正念觀察無有退屈爲欲究竟功德智慧於
上勝法心生志欲法光普照見一切義於諸

法門智慧自在常爲利益一切衆生而修善
法曾不誤起捨衆生心

合中具合先合具德舉其十德以合於日
影顯於日亦具十德一福德之輪已圓二
智用深廣難測三正念游空無有高下四

慈風運用不退不疲五圓福智輪顯照空
法六三乘山谷普照無私七使目覩萬像
了真俗之義八使居自乘業以智成辦九
常爲利益晝夜無休十無器生盲亦不誤

拾一福德等者每句之中法喻具足一如

唯智一字是法餘通法喻日輪廣者周鐵
圓故深者不分而徧等故難測者通上二
義六三乘山谷者十大山王如菩薩乘黑
山爲緣覺高原爲聲聞谷兼衆生少分可
生者餘
可思準

不以衆生其性弊惡邪見瞋濁難可調伏便
即棄捨不修迴向但以菩薩大願甲冑而自

莊嚴救護衆生恒無退轉不以衆生不知報恩退菩薩行捨菩提道不以凡愚共同一處捨離一切如實善根不以衆生數起過惡難可忍受而於彼所生疲厭心

後不以衆生下合非緣不阻於中有四不以具合十一事初一不以通合生盲先正合後但以下反合故出現品云無信無解毀戒毀見等皆名生盲若別合者弊惡合生盲邪見合乾城令人妄謂爲實故瞋濁合脩羅手日爲帝釋先鋒彼瞋故覆障次

不知恩合間浮樹崇巖邃谷次不以凡愚下合前塵霧烟雲以彼能徧空猶彼凡愚同一處住後不以衆生數起下合前時節改變謂頻起過惑乍善乍惡如彼晝夜陰陽失度等

何以故譬如日天子不但爲一事故出現世間主

三何以以下徵釋中先徵意云何以惡不厭捨釋意云悲智均故文中二初喻後合菩薩摩訶薩亦復如是

二合中二初總合

不但爲一衆生故修諸善根迴向阿耨多羅三藐三菩提普爲救護一切衆生故而修善根迴向阿耨多羅三藐三菩提

後不但下別合於中二初以大悲合日惡是其境本爲一切豈獨揀於惡人如日普益寧復棄於槁木

如是不但爲淨一佛刹故不但爲信一佛故不但爲見一佛故不但爲了一法故起大智願迴向阿耨多羅三藐三菩提爲普淨一切

佛刹故普信一切諸佛故普承事供養一切諸佛故普解一切佛法故發起大願修諸善根迴向阿耨多羅三藐三菩提

二如是已下以智合日善惡均照故

佛子菩薩摩訶薩以諸佛法而爲所緣起廣大心不退轉心無量劫中修集希有難得心寶與一切諸佛悉皆平等

第二明迴向之相中二先辨迴向之心後佛子下辨迴向之願前中依悲智心行迴向故於中二先緣境廣大上等佛心即以圓覺因果之法爲所緣境圓明可貴所以稱寶

菩薩如是觀諸善根信心清淨大悲堅固以甚深心歡喜心清淨心最勝心柔軟心慈悲心憐愍心攝護心利益心安樂心普爲衆生

真實迴向非但口言

十九

二十

後菩薩如是下悲成利樂下救物心於中先牒前起後生二種心一於上等佛得淨信心二下與衆生同大悲體由依此二成甚深等十心一契理故二自慶慶他故三離過故四超二乘故五定樂相應故餘五可知普爲已下結其所用心順口故名爲真實

佛子菩薩摩訶薩以諸善根迴向之時作是念言以我善根願一切趣生一切衆生皆得清淨功德圓滿不可沮壞無有窮盡常得尊重正念不忘獲決定慧具無量智身口意業一切功德圓滿莊嚴

第二正辨迴向之願文中二先願衆生令成法器

又作是念以此善根令一切衆生承事供養一切諸佛無空過者

二又作下令得法圓滿於中四一總舉遇緣得法

於諸佛所淨信不壞聽聞正法斷諸疑惑憶

主九

主五

持不忘如說修行於如來所起恭敬心身業

清淨安住無量廣大善根永離貧窮七財滿足

二於諸佛下成自分德滿七財者即十藏

前七

上辨十藏前七者一信二戒三慚四愧五聞六施七慧故

於諸佛所常隨修學成就無量勝妙善根平等悟解住一切智以無礙眼等視衆生衆相嚴身無有玷缺言音淨妙功德圓滿諸根調伏十力成就善心滿足無所依住

三於諸佛所常隨下勝進德圓

令一切衆生普得佛樂得無量住住佛所住

四令一切下明得果滿先標佛樂下二句

釋故第三迴向略明十種樂謂不可思議

佛所住樂等

第三迴向等者疏文有一等取餘九二無有等比佛三昧

樂三不可限量大慈悲樂四一切諸佛解脫之樂五無有邊際大神通樂六最極尊

重大自在樂七廣大究竟無量力樂八離諸知覺寂靜之樂九住無礙住恒正定樂

十行無二行不變異樂

又不思議法品略明十種無

量住謂常住大悲等

又有一等餘二住種身作諸佛事三住平等意轉淨法輪四住

四辯才說無量法五住不思議一切佛法六住清淨音徧無量土七住不可說甚深

法界八住現一切最勝神通九住能開示無有障礙究竟之法滅數十耳

大方廣佛華嚴經疏鈔會本第二十三之二

音釋

淳音提梵語也此云忍辱又

不聽盲瞽盲莫耕切目無童子也

從也盲瞽公戶切目但有眼曰替

深幽之山谷也弊惡弊毘祭切

鎧甲兜鍪也玷缺玷都念切瑕玷也

大方廣佛華嚴經疏鈔會本第二十三之三 土十

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩見諸衆生造作惡業受諸重苦以是障故不見佛不聞法不識僧便作是念我當於彼諸惡道中代諸衆生受種種苦令其解脫菩薩如是受苦毒時轉更精勤不捨不避不驚不怖不退不怯無有疲厭何以故如其所願決欲荷負一切衆生令解脫故

第三代苦救護中文分爲三初總明代苦迴向二復作是念我所修行下別明迴向之心三佛子菩薩摩訶薩以諸善根如是迴向所謂隨宜下總結成益今初分二初明先救重苦後菩薩爾時作是念言下念

徧救諸苦今初有二先見苦與悲心堅不

退堅有七相謂不捨所行不避苦事不驚

忽至不怖迷倒不退大悲多苦不怯長苦

無厭二何以下徵以釋成徵有二意一云

生自造苦何干菩薩而欲代之二云劇苦

難堪何爲不厭釋意云本願荷故逢苦若

厭焉能荷負

菩薩爾時作是念言一切衆生在生老病死

諸苦難處隨業流轉邪見無智喪諸善法我

應救之令得出離

二念徧救諸苦中二先救八苦八難等苦

故有諸言隨業流轉是業繫苦邪見無智

是愚癡苦我應已下起救之心先救八苦

二老三病四死五五成陰六求不得七怨憎會八愛別離八難下當廣釋

又諸衆生愛網所纏痲蓋所覆染著諸有隨

逐不捨入苦籠檻作魔業行福智都盡常懷
疑惑不見安隱處不知出離道在於生死輪
轉不息諸苦淤泥恒所沒溺菩薩見已起大
悲心大饒益心欲令衆生悉得解脫以一切
善根迴向以廣大心迴向如三世菩薩所修
迴向如大迴向經所說迴向願諸衆生普得
清淨究竟成就一切種智

二又諸衆生下救迷四諦苦文中分二初
念苦境二菩薩見下正興悲救今初於中
先不知集謂癡愛爲本是煩惱道染著已
下明其業道爲有造行故名染著隨業入
苦如彼鳥獸因食愛故入於籠檻作魔業
行明有惡業福智都盡明無善業次常懷
疑惑無生道見滅之因故不見安隱圓寂
不知出離道諦在於生死苦諦二興悲救

中起大悲心者令脫苦集故大饒益心者
令得清淨滅道故故用善根迴向大迴向
經者賢首云如圓教所說普賢迴向故然
藏內有大迴向經此教最初不應指彼若
結集從簡於理可然

復作是念我所修行欲令衆生皆悉得成無
上智王不爲自身而求解脫但爲救濟一切
衆生令其咸得一切智心度生死流解脫衆
苦

第二別明代苦迴向之心中有五復念前
三明代苦之心後二明迴向之心今初即
分爲三初明一向普救無自爲心次衆苦
備受無懈怠心三決志保護無虛妄心初
文可知

復作是念我當普爲一切衆生備受衆苦令

其得出無量生死衆苦大塵我當普爲一切衆生於一切世界一切惡趣中盡未來劫受一切苦然常爲衆生勤修善根何以故我寧獨受如是衆苦不令衆生墮於地獄我當於彼地獄畜生閻羅王等險難之處以身爲質救贖一切惡道衆生令得解脫

二中復二先正明後徵釋今初言大壑者如尾閭壑飲縮衆生無暫已故後徵釋中先徵意云何以獨爲衆生備受衆苦復勤修耶釋云一身之苦令多解脫故願自受

顯悲之深

尾閭壑義出現品當明

問衆生之苦自業

所招自心所變云何菩薩而能代耶答通論代苦有其七義一以苦自要增悲念故瑜伽四十九問云菩薩從勝解行地隨入淨勝意樂地時云何超過諸惡趣等此問

菩薩云何自離惡趣下答文廣意云謂菩薩於世間清淨靜慮已善積資糧於多苦有情修習哀愍無餘思惟由此修習故得哀愍意樂及悲意樂爲利惡趣有情誓處惡趣如已舍宅設住惡趣能證菩提亦能忍受爲除物苦願身代受令彼惡業永不現行一切善業常得現行由此悲願力故一切惡趣諸煩惱品所有羸重於自所依皆得除遣得入初地釋曰約此但有悲願意樂身不能代由悲決定自獲勝益二約菩薩本爲利生求法苦行已名爲代後能爲物爲增上緣亦名代受三約菩薩留惑同事受有苦身爲生說法令不造苦因因亡果喪亦名代受四設有衆生欲造無間等業菩薩化止不從遂斷其命菩薩自受

惡趣苦報令彼得免無間大苦名為代受
此依梁攝論第十一說涅槃仙預國王亦
同此義非唯意樂而已五由菩薩初修正
願為生受苦至究竟位願成自在常在惡
趣救代衆生如地藏菩薩及現莊嚴王等

十

乃至飢世身為大魚皆其類也或以光明
照觸或神力冥加其事非一六由菩薩此
願契同真如彼衆生苦即同如性以同如
之願還潛至即真之苦依此融通亦名代
也七由普賢以法界為身一切衆生皆是

法界即衆生受苦常是菩薩故名為代上
來七義初但意樂次二但約為增上緣四
五二義實能身代六七二義理觀融通依
梁攝論者本論云甚深差別者若菩薩由
如此方便勝智行殺生等十事無染濁過
失生無量福德速得無上菩提勝果釋論
曰如菩薩能行如所堪行方便勝智今顯

此二義若菩薩能行知如此事五
作無間等惡業菩薩了知此心無別方便
可令離此惡行捨命必生善道若不捨命
此惡又知此人捨命必生善道若不捨命
決行此業隨極苦處長時受苦菩薩知此
事已作如是念我若行此殺業必墮地獄
願我為彼受此苦報當今此人於現在世
受少輕苦於未來世久受大樂譬如良醫
治有病者先加輕苦後除重病菩薩所行
亦復如是於菩薩道無非福德故離染濁
過失因此生長無量福德故能疾證無上
善提如是方便最為甚深行盜等行亦復
如是涅槃仙預國王若第十六經梵行品
因說一子地迦葉難云若諸菩薩住一子
地者云何如來昔為國王若諸菩薩住一
絕爾所婆羅門命下佛廣答先說慈悲竟
末云菩薩常思以何因緣能令衆生發起
信心隨其方便要當為之諸婆羅門命終
之後生阿鼻地獄即有三念一者自念我
從何處而來生此即便自知從入道中來

二者自念我今所生為何所即便自知
是阿鼻地獄三者自念我何業緣而來生
此即便自知我謗方等大乘經典不信因
緣為國王所殺而來生此念是事已即於
大東方等經典生信敬心尋時命終生甘
露鼓如來世界於彼壽命具足十劫善男
子以是義故我嘗為與是問若依四五二
人十劫壽命云何名殺問若依四五二
義應能普代何故猶有衆生受苦答此有

三義一有緣無緣故與菩薩有緣則可代也二業有定不定故不定者可代二若受苦有益菩薩令受方能究竟得離苦故如父母教子付嚴師令治如是密益非凡小所知

復作是念我願保護一切衆生終不棄捨所言誠實無有虛妄

第三決志保護中二先正明

何以故我爲救度一切衆生發菩提心不爲自身求無上道

後徵釋微意云云何不捨何名不虛釋有

二意一異小乘不自爲故

亦不爲求五欲境界及三有中種種樂故修菩提行

二亦不爲下明異凡夫著欲過故文中三

初正明不求

何以故世間之樂無非是苦衆魔境界愚人所貪諸佛所呵一切苦患因之而起地獄餓鬼及以畜生閻羅王處忿恚鬪訟更相毀辱如是諸惡皆因貪著五欲所致耽著五欲遠離諸佛障礙生天何況得於阿耨多羅三藐三菩提

二徵釋所以所以不求者見多過故文中體即是苦復能生苦近障天樂況大菩提或習雙亡今言婬欲即是道者善須得意

近障天樂者釋曰此即大品經意第二經云菩薩摩訶薩行般若波羅蜜增進六波羅蜜時諸善男子善女人各各生歡喜意念言我等常爲是人作父母妻子親族知識爾時四天王天乃至阿迦尼吒天皆大歡喜各各念言我等常作方便令是菩薩離於婬欲從初發意常作童真莫使與色欲苦會若受五欲障生梵天何況阿耨多羅三藐三菩提以是義故舍利弗菩薩摩訶薩斷婬欲出家者應得阿耨多羅三藐

三菩提非不斷欲今言姪欲下誠勸得
意之義前已曾有法界品中更當廣釋

菩薩如是觀諸世間貪少欲味受無量苦終
不爲彼五欲樂故求無上菩提修菩薩行但
爲安樂一切衆生發心修習成滿大願斷截
衆生諸苦罣索令得解脫

三菩薩如是下結成前義

十

七

佛子菩薩摩訶薩復作是念我當以善根如
是迴向令一切衆生得究竟樂利益樂不受
樂寂靜樂無依樂無動樂無量樂不捨不退
樂不滅樂一切智樂

第二有二復念明迴向之心即分二初念
令彼得樂後念身爲保護今初乘前欲苦
故令得樂文有十句初總餘別別中前八
涅槃後一菩提於涅槃中一住涅槃能建
大事名爲利益二滅心數三證無爲四無

能所五相不能遷六廣無分量七生死真
性即是涅槃故無所捨智冥真理是以不
退八一得永常湛然不滅依解節經說有
五樂一出家樂脫家難故二遠離樂以斷
欲得初禪故三寂靜樂二禪爲首覺觀息
故四菩提樂於法如實覺故五涅槃樂息
化入無餘故彼通人天今唯究竟會釋可

知依解節經說有
五樂初會已具

復作是念我當與一切衆生作調御師作主
兵臣執大智炬示安隱道令離險難以善方
便俾知實義又於生死海作一切智善巧船
師度諸衆生使到彼岸

二保護中初示安隱道令得菩提名知實
義後又於下令度生死海得大涅槃名到
彼岸

佛子菩薩摩訶薩以諸善根如是迴向所謂
隨宜救護一切衆生令出生死承事供養一
切諸佛得無障礙一切智智捨離衆魔速惡
知識親近一切菩薩善友滅諸過罪成就淨
業具足菩薩廣大行願無量善根

第三總結成益中初總標所謂下別顯別
中初句救護餘皆成益

佛子菩薩摩訶薩以諸善根正迴向已作如
是念不以四天下衆生多故多日出現但
日出悉能普照一切衆生又諸衆生不以自
身光明故知有晝夜遊行觀察興造諸業皆
由日天子出成辦斯事然彼日輪但一無二
第四迴拔救護謂孤標大志普爲衆生而
無真望文中二先喻後合喻中有二一獨
照喻二又諸下成益喻

菩薩摩訶薩亦復如是修集善根迴向之時
作是念言彼諸衆生不能自救何能救他唯
我一人志獨無侶

法合亦一先合獨照

修集善根如是迴向所謂爲欲廣度一切衆
生故普照一切衆生故示導一切衆生故開
悟一切衆生故顧復一切衆生故攝受一切
衆生故成就一切衆生故令一切衆生歡喜
故令一切衆生悅樂故令一切衆生斷疑故
後修習下合前成益即正顯迴向初之一

句通其二勢一成前二標後所謂下別顯

文有十句初總餘別照謂照機顧復之義
見於毛詩餘文可了

顧復之義見於毛詩云父兮生我母兮鞠我拊我畜我長我育我顧我復我出入腹我鄭玄箋云顧視也復反也言子離雖近猶步步反顧今菩薩於諸衆生亦爾

佛子菩薩摩訶薩復作是念我應如日普照一切不求恩報衆生有惡悉能容受終不以此而捨誓願不以一衆生惡故捨一切衆生但勤修習善根迴向普令衆生皆得安樂

第二大段我應如日普照一切下離相迴向於中二先以忘機之智導前大悲令成無緣後安置下正明大智離衆生相今初功高二儀而不仁明踰日月而彌昏故於中先正明無私不求恩故能容受惡爲普照故不以一惡而捨衆多設盡背恩尚無嫌恨豈況一耶今初功高等者即肇論中不仁以萬物爲萬物聖人不仁以百姓爲萬物狗即道經道冲而用之章注云不仁者不爲仁恩也萬物有二河二公云萬草狗畜即二物也御注云結萬爲狗不恃其警吠也大意明天地聖人無心恃其仁德也今菩薩亦然菩薩功高而不恃般若觀空故而彌昏者若無所知也言高二儀者二儀覆而不載載而不覆菩薩然之及但覆

身不能覆心及萬善等言明逾日月者日月之明不兼晝夜大悲菩薩長燭幽昏日月照身不能照心菩薩智慧反此無法不照故下文云不求恩報即不仁等義也
善根雖少普攝衆生以歡喜心廣大迴向若有善根不欲饒益一切衆生不名迴向隨一善根普以衆生而爲所緣乃名迴向

後善根雖少下顯成廣大大智導悲能普緣故如聲入角小亦遠聞

安置衆生於無所著法性迴向見衆生自性不動不轉迴向於迴向無所依無所取迴向不取善根相迴向不分別業報體性迴向不著五蘊相迴向不壞五蘊相迴向不取業迴向不求報迴向不染著因緣迴向不分別因緣所起迴向不著名稱迴向不著處所迴向不著虛妄法迴向

第二正明離相迴向謂向實際然一隨

相皆具如下諸句離相說有前後行在一
心然一一隨相等者且如上一向一眾生即
安置眾生無所著法性迴向等諸句又
如大般若隨一離相徧歷八十餘科之相
如一清淨徧歷色等今不欲繁文故各併
一文分爲二先正明離相後菩薩如是下
總結成益前中義雖總通且取文便略分
爲二先會前迴向衆生明入實際後以如
是等下會前迴向菩提明入實際然入實
際即事理無礙故前段亦明不離蘊等後
段亦明離我我所前中二先廣明離善根
迴向之相二解一切下雙結二相前有
二十一迴向分四初十四句離所取相次
二句離能取想三一句離能詮名言四有
四句顯如如理由離妄想成正智故令前
名相皆即如如初十四句等者此中即具
五法一相二妄想五名四
如其正智舍
在離妄之中今初初總餘別總謂令所

向衆生契同十一所向實際故名安置實際即
法性性自無著性自無著者揀非修成無
著修成文在安置之中
別中二前十入理後三離過今初初句遣
所向衆生了自性故不著凝然不動隨緣
不變二遣能迴悲願不依於悲不取願相
三遣所迴善根四遣所獲果報五六二句
雙明起行之身及所向衆生之相即真故
不著即俗故不壞七遣所成業行八遣所
得報相上四遣體九總顯諸事能成因緣
十總明前事從緣所起明上迴向不出前
十由後二句故無性無性故即法性故無
所著了自性者自性即真如具不變隨緣
故九總顯等者諸事即能迴向等
皆從緣生故明上等者即總結也由後等
者二句即能成因緣及緣所起以從緣起
故無性也無性者結歸總句安置衆生
於無所著法性迴向也以總結別故皆無
著也後三離過一不著虛名二不著報處三

不著敬養等名虛妄法

不著衆生相世界相心意相迴向不起心顛
倒想顛倒見顛倒迴向

二離能取相中初句對所說能後句別無
三倒謂於前諸事起心分別常無常等名

爲心倒於常等境取分齊相名爲想倒於相執實名爲見倒翻背正信立以倒名翻上名爲不起三倒

故大品十七彌勒語須菩提言新發意菩薩隨喜諸佛及佛弟子善根已迴向菩提云何不墮想心見倒須菩提言於彼善根心不生想用此心迴向菩提於此迴向心亦不生心想如是迴向則非想倒心倒見倒若取相迴向爲想心見倒光明覺品云若於一切智發生迴向心見心無有生當

獲大名稱此亦無三倒也若依大般若第

十

十二

二會隨喜迴向品意則上諸事皆盡滅離

變此中何者是諸事耶若菩薩知此一切

乃至菩提皆無所有而復能行隨喜迴向

則非想心見倒以無所得爲方便故

品故
下大

卽隨喜迴向品引文小略若具經云爾時
 彌勒菩薩語須菩提若新發意菩薩念諸
 佛及佛弟子諸善根隨喜功德最上第一
 最妙無上無與等者隨喜已應迴向菩提
 云何菩薩不隨想顛倒心顛倒見顛倒須
 菩提言若菩薩念諸佛及僧於中不生佛
 想不生僧想不生善根想用是心迴向菩
 提心中亦不生心想菩薩如是迴向想不
 顛倒心不顛倒見不顛倒若菩薩念諸佛
 及僧善根取相取相已迴向菩提名爲想
 顛倒心顛倒見顛倒智論釋云須菩提答
 言若是菩薩以般若波羅蜜方便力故能
 於諸佛不生佛想及弟子諸善根中不生
 善根想一切法從和合生無有自性故無
 有實法名爲佛是不生佛等想是迴向心
 亦不生心想是故菩薩不墮顛倒三若依
 大般若第二會正當別行大品文辭小異
 大旨無別而大品所引經末亦云若菩薩
 摩訶薩用是心念諸佛及僧諸善根是心
 念時卽知盡滅法若盡滅法是不可得迴

向心亦是盡滅相所迴向處及法亦如是相而人謂二經金別故疏影略引之皆明性空耳然小乘或說想心見三次第而起或說一時義分前後心想非倒由見亂故立以倒名雖諸說不同皆六識建立若大乘中亦有多說一云依七識心義分三倒謂七識妄心性是非理顛倒之法名為心倒依是心故便有一切妄境界生如依夢心有夢境起即於彼境妄取其相說為想倒於所取法執實分明說為見倒依此三倒於為無為境起常無常等八種顛倒諸宗異說恐厭繁文然小乘或說下第三釋二初即分別論者說想心見次第起謂初發微想常無常等次重起心緣前之想取為定實後見成就於所取中執見分明此即三心俱是倒也若釋名者想謂取境分齊之相見謂推求心謂積集此中想等體即是倒皆持紫釋或說一時者即法教論師心想見三同時義分唯見是倒餘二非倒與見相應為見所亂名之為倒見故見

唯持業餘二依主俱舍論主正扶此義頌云四顛倒自體謂從三見生唯倒推增故想心隨見力釋曰初兩句出體第三句廢立第四句通經初出體者謂邊見中唯取淨見以為常倒於身見中唯取我見以為淨倒淨倒於身見中唯取我見以為淨倒唯倒推增故者廢立也此舉三因以立四妄增益故餘或無此三因謂戒禁取非一向倒執有漏道得淨涅槃雖非究竟斷惑經滅而非妄增益時離染證滅緣為淨故斷見邪見非妄增益無所轉故餘貪瞋等不能推度非見性故是故諸惑非顛倒體言想心隨見力者通經也謂有問云若唯見是倒何故經言於非常有想計常有想見三倒於苦不淨非我亦有想計常有想見三倒唯見是倒想心隨見亦立倒名與見相應故行相同常樂我淨三十四二故此十二倒依婆沙師預流永斷見及相應見所斷故餘如彼說依此釋名想謂取境分齊見謂推求心謂積集若大乘下雖標多說但出其一意通性相宗在文可知又有釋云若細分別想心二倒可通七識見是執著局於六識者即下三藏意七識既有四威中有我見豈無見耶諸宗等者不欲繁文然上已有三宗之義其薩婆多更有一釋想謂於無常苦不淨中妄想分別見謂即於彼所分別中忍可欲樂建立執著心謂心非心王也既以王為所煩惱皆即心所名

無生無滅迴向亦如是

第二雙結者一句結所迴善根善根可以獨修但云種植一句結迴向行迴向必有所能所故觀無二如此則德本不生惑本不滅又惑累寂然不生真德湛然不滅如此則德

本不生若此是真有本有湛然不生妄惑本空空無可滅又惑累寂然不生翻上惑不滅為不生真德湛然不滅翻上真不生為不滅前惑空無可滅今空則寂然故不生以前以真無初故不生今以真無後故不滅

以如是等善根迴向修行清淨對治之法所有善根皆悉隨順出世間法不作二相

第二會前迴向菩提入實際者又前明隨相次辨離相欲顯此二同時故雙非即離文中二初結前生後二非即下法喻釋成三離我下結成迴向又前明隨相者上判會善提入實即是離相中義今以小異分之則可為三第一隨相迴向第二以前會衆生入實為離相第

三以今文為今初由前離相所行清淨故

順出世無上菩提而言二者善根迴向世

與出世若有若無若即若離皆名為二今

並無之而皆二善根迴向等者此有四

即向言善根亦如是迴向亦如是總收

前二故二者世與出世為一二即今經以

善根隨順出世則能隨順是世故三若有

若無為一二即前妄空真有是四若即若

離為一二此曲有二一即隨相為即離相

為離二隨離不同為離此二不一為即此

四種二今並無之無

之所以即下釋成

非即業修習一切智非離業迴向一切智一

切智非即是業然不離業得一切智以業如

光影清淨故報亦如光影清淨報如光影清

淨故一切智智亦如光影清淨

二釋成中先法後喻法中二對初以所迴

善根對能迴行願辨非即離明因中無二

初句業非迴向能所別故次句不離離業

無可迴故亦同淨名布施迴向一切智爲
二布施性即是迴向一切智性故不離斯
爲不二非即故無不二也後對因果相望
初句果不即因後句離因無果文影略耳
理應因果各有非即離義

亦同淨名等者
即無盡意菩薩

其卽是迴向一切智性下經云如是持戒
忍辱精進禪定智慧迴向一切智爲二智
慧性卽是迴向一切智性於其中入一相
者是爲入不二法門釋曰但知初度餘例
可知故不廣引斯爲不二者結彼經文以
釋今經謂以今經不離是彼一性故不二
以今經非卽重遣不二則如又殊離諸問
答乃至爲真不二文影略者亦合云業非
一切智然不離一切智而別有業故
云理應因果各有非卽非離之義 後喻

中乘光發影及水月之影皆緣生無性非
即非離故云清淨初二句以因對報報通
十地故後二句以報對果

離我所一切動亂思惟分別如是了知以
諸善根方便迴向

十七

三結成迴向者能迴之我所迴之所若隨
若離並稱動亂今照而常寂故離斯分別
而不壞相故名方便

菩薩如是迴向之時度脫衆生常無休息不
住法相雖知諸法無業無報善能出生一切
業報而無違諍如是方便善修迴向菩薩摩
訶薩如是迴向時離一切過諸佛所讚佛子
是爲菩薩摩訶薩第一救護一切衆生離衆
生相迴向

第二總結成益者由隨離不二故成無礙
離過之益及第三結名文並可知

爾時金剛幢菩薩觀察十方一切衆會暨于
法界入深句義以無量心修習勝行大悲普
覆一切衆生不斷三世諸如來種入一切佛
功德法藏出生一切諸佛法身善能分別諸

衆生心知其所種善根成熟住於法身而爲
示現清淨色身承佛神力即說頌言

第二爾時下重頌分二先叙儀意於中初
後二句說儀入深句義者說依以無量下
亦是說依依此說故亦說所爲爲此說故

不思議劫修行道精進堅固心無礙爲欲饒
益群生類常求諸佛功德法

調御世間無等人修治其意甚明潔發心普
救諸含識彼能善入迴向藏

勇猛精進力具足智慧聰達意清淨普救一
切諸群生其心堪忍不傾動

心善安住無與等意常清淨大歡悅如是爲
物勤修行譬如大地普容受

不爲自身求快樂但欲救護諸衆生如是發
起大悲心疾得入於無礙地

十方一切諸世界所有衆生皆攝受爲救彼
故善住心如是修學諸迴向

後正陳偈詞二十八偈分二前八偈半頌
所迴善根前六四等一慈二悲一偈半喜
一偈半捨如地無心故一偈結其普遍

修行布施大欣悅護持淨戒無所犯勇猛精
進心不動迴向如來一切智

其心廣大無邊際忍力安住不傾動禪定甚
深恒照了智慧微妙難思議十方一切世界
中具足修治清淨行

後二偈半明六度

如是功德皆迴向爲欲安樂諸含識大士勤
修諸善業無量無邊不可數如是悉以益衆
生令住難思無上智

後如是下十九偈半頌迴向行分二前七

偈半頌隨相初一偈半頌利樂迴向

普爲一切衆生故不思議劫處地獄如是曾
無厭退心勇猛決定常迴向

不求色聲香與味亦不希求諸妙觸但爲救
度諸群生常求無上最勝智

十

九

智慧清淨如虛空修習無邊大士行如佛所

行諸行法彼人如是常修學

大士遊行諸世界悉能安隱諸群生普使一
切皆歡喜修菩薩行無厭足

除滅一切諸心毒思惟修習最上智不爲自

已求安樂但願衆生得離苦

此人迴向得究竟心常清淨離衆毒三世如
來所付囑住於無上大法城

後六頌代苦迴向餘略不頌

餘略不頌即
不頌受惱迴

拔二教
護也

未曾染著於諸色受想行識亦如是其心永

出於三有所有功德盡迴向

佛所知見諸衆生盡皆攝取無有餘誓願皆

令得解脫爲彼修行大歡喜

其心念念恒安住智慧廣大無與等離癡正

念常寂然一切諸業皆清淨

彼諸菩薩處於世不著內外一切法如風無

礙行於空大士用心亦復然

所有身業皆清淨一切語言無過失心常歸

向於如來能令諸佛悉歡喜

未曾下十二偈頌前離相於中二前五頌

正明離相

十方無量諸國土所有佛處皆往詣於中觀

見大悲尊靡不恭敬而瞻奉

心常清淨離諸失普入世間無所畏已住如

來無上道復爲三有大法池

精勤觀察一切法隨順思惟有非有如是趣

於真實理得入甚深無諍處

以此修成堅固道一切衆生莫能壞善能了

達諸法性普於三世無所著

二十

如是迴向到彼岸普使群生離衆垢永離一

切諸所依得入究竟無依處

一切衆生語言道隨其種類各差別菩薩悉

能分別說而心無著無所礙

菩薩如是修迴向功德方便不可說能令十

方世界中一切諸佛皆稱歎

後十方下七偈頌前成益文並可知

大方廣佛華嚴經疏鈔會本第二十三之三

音釋

籠檻

籠虛紅切零也 闕訟 闕都豆切競也 檻戶簡切圍也 訟似用切爭也

念恚 念方問切怒也恚 胃 古法切 拊 雙父切與 同 葛 寬寄切 艾 革也

大方廣佛華嚴經疏鈔會本第二十四之一會一

唐于闐國三藏沙門實叉難陀譯

唐清涼山大華嚴寺沙門澄觀撰述

佛子云何爲菩薩摩訶薩不壞迴向

第二不壞迴向長行中二先位行後位果

會

位行中三謂牒釋結今初牒名徵起謂於

諦寶等十種勝境界深信堅固得不壞名然

十表無盡信通事理故本業云觀一切法

但有用但有名念念不住故名不壞是知

善根迴向皆通事事無礙方真不壞耳

故本

業云下證通事理但有名用事也念念不

住故名不壞者單取不住即是剎那無常

合是壞義以無所住故名不住則是理

不壞義耳準下供具等皆通事事無礙

佛子此菩薩摩訶薩於去來今諸如來所得

不壞信息能承事一切佛故於諸菩薩乃至

初發一念之心求一切智得不壞信誓修一

切菩薩善根無疲厭故於一切佛法得不壞

信發深志樂故於一切佛教得不壞信守護

住持故於一切衆生得不壞信慈眼等觀善

根迴向普利益故於一切白淨法得不壞信

普集無邊諸善根故於一切菩薩迴向道得

不壞信滿足殊勝諸欲解故於一切菩薩法

師得不壞信於諸菩薩起佛想故於一切佛

自在神通得不壞信深信諸佛難思議故於

一切菩薩善巧方便行得不壞信攝取種種

無量無數行境界故

第二佛子下依徵廣釋中三初舉所迴善

根二辨迴向之行三明迴向所爲今初分

二先明起不壞信後佛子下依信種善今

初十句不出三寶四信初句佛寶次句僧

寶餘皆法寶於中初句是總兼合理法餘

七句別別中初一教法次四行法一大悲

行二惡止善行行亦攝於戒三迴向行四

近友行次一果法後一重舉行法意欲總

包其中理法即信真如不出三寶四信者

一然二文不同若起信論即是真如故彼

論修行信心分云畧說信有四種一者信

根本所謂樂念真如法故二者信佛有無

量功德常樂親近供養恭敬發起善根願

求一切智故三者信法有大利益常念修

行諸波羅蜜故四者信僧能正修行自利

利他常樂親近諸菩薩眾求學如實行故

故下疏云其中理法即信真如二若準環

路下卷四不壞信前三是實四是正戒

云從今時盡未來際歸依佛歸依法歸依

賢聖僧歸依戒法如是言說故疏云二惡

止善行行亦攝於戒意取戒為第四信故

四既不
為十何與

佛子菩薩摩訶薩如是安住不壞信時於佛

菩薩聲聞獨覺若諸佛教若諸眾生如是等

種種境界中種種善根無量無邊令菩提心

轉更增長慈悲廣大平等觀察隨順修學諸

佛所作攝取一切清淨善根入真實義集福

德行行大惠施修諸功德等觀三世

第二依信種善根中二先種善根後令菩

提下長菩薩道有十句初總餘別可知

菩薩摩訶薩以如是等善根功德迴向一切

智願常見諸佛親近善友與諸菩薩同共止

住念一切智心無暫捨受持佛教勤加守護

教化成熟一切眾生心常迴向出世之道供

養瞻侍一切法師解了諸法憶持不忘修行

大願悉使滿足

三

第二菩薩摩訶薩以如是等善根下明迴

向行中二先將善根迴向後將勝報迴向

前中即雙向眾生菩提文中又二初正明

迴向後菩薩如是積集下結成今初先總

明迴向菩提之果願常下別明迴向成得

果之因文有十句初三行緣次二行因後

五所成之行初成利他行即迴向衆生意

次三自利後一通二利

前中即變向等者以初云迴向一切智故是菩提次下教化調伏一切衆生等即向衆生故下疏云即迴向衆生意

菩薩如是積集善根成就善根增長善根思

惟善根繫念善根分別善根愛樂善根修習

善根安住善根

二結成中九句前三通顯收攝亦是聞慧

一積一至多二令至究竟三隨一使增次

四皆思慧後二修慧起行爲修習相應爲

安住

菩薩摩訶薩如是積集諸善根已以此善根

所得依果修菩薩行

二菩薩摩訶薩如是積集諸善根已下將

勝報迴向謂依迴向得報復將迴向通向

三處文中二先明所迴善根二如是修習
無量功德下顯迴向行今初又二先結前
生後

於念念中見無量佛如其所應承事供養

後於念念下正明供佛善根於中又二先

總標後以阿僧祇下廣顯今初言如其所

應者有二義一隨何所要如應即供二稱

佛境界所應之供謂不以稱法界之供不

能供稱法界之佛故

以阿僧祇寶阿僧祇華阿僧祇鬘阿僧祇衣

阿僧祇蓋阿僧祇幢阿僧祇幡阿僧祇莊嚴

具阿僧祇給侍阿僧祇塗飾地阿僧祇塗香

阿僧祇末香阿僧祇和香阿僧祇燒香阿僧

祇深信阿僧祇愛樂阿僧祇淨心阿僧祇尊

重阿僧祇讚歎阿僧祇禮敬

二廣顯中四一廣列供事二明供佛三顯

供意四結分齊今初廣列供事有六十七句爲六初二十句雜門明內外之供下皆

純門

阿僧祇寶座阿僧祇華座阿僧祇香座阿僧

會一

祇髮座阿僧祇栴檀座阿僧祇衣座阿僧祇

金剛座阿僧祇摩尼座阿僧祇寶繒座阿僧

祇寶色座

二座

阿僧祇寶經行處阿僧祇華經行處阿僧祇

香經行處阿僧祇髮經行處阿僧祇衣經行

處阿僧祇寶間錯經行處阿僧祇一切寶繒

絲經行處阿僧祇一切寶多羅樹經行處阿

僧祇一切寶欄楯經行處阿僧祇一切寶鈴

網彌覆經行處

三經行處

會一

五

阿僧祇一切寶宮殿阿僧祇一切華宮殿阿

僧祇一切香宮殿阿僧祇一切髮宮殿阿僧

祇一切栴檀宮殿阿僧祇一切堅固妙香藏

宮殿阿僧祇一切金剛宮殿阿僧祇一切摩

尼宮殿皆悉殊妙出過諸天

四宮殿

阿僧祇諸雜寶樹阿僧祇種種香樹阿僧祇

諸寶衣樹阿僧祇諸音樂樹阿僧祇寶莊嚴

具樹阿僧祇妙音聲樹阿僧祇無厭寶樹阿

僧祇寶繒絲樹阿僧祇寶璫樹阿僧祇一切

華香幢幡鬘蓋所嚴飾樹如是等樹扶踈蔭

映莊嚴宮殿

五樹

其諸宮殿復有阿僧祇軒檻莊嚴阿僧祇窓

牖莊嚴阿僧祇門闥莊嚴阿僧祇樓閣莊嚴
阿僧祇半月莊嚴阿僧祇帳莊嚴阿僧祇金
網彌覆其上阿僧祇香周帀普熏阿僧祇衣
敷布其地

六嚴宮殿亦純雜無礙可知

佛子菩薩摩訶薩以如是等諸供養具於無
量無數不可說不可說劫淨心尊重恭敬供
養一切諸佛恒不退轉無有休息

二佛子下明供佛中二先供現佛

一一如來滅度之後所有舍利悉亦如是恭

敬供養

後一一下明供舍利

爲令一切衆生生淨信故一切衆生攝善根
故一切衆生離諸苦故一切衆生廣大解故
一切衆生以大莊嚴而莊嚴故無量莊嚴而

會二

六

莊嚴故諸有所作得究竟故知諸佛興難可
值故滿足如來無量力故莊嚴供養佛塔廟
故住持一切諸佛法故

三爲令一切下明供意有十一句可知

如是供養現在諸佛及滅度後所有舍利其
諸供養於阿僧祇劫說不可盡

四如是供養現在下結供分齊謂非唯如
上所列故云不可盡

如是修集無量功德皆爲成熟一切衆生無
有退轉無有休息無有疲厭

第二如是修集下顯迴向行中三初迴向
之心二迴向之相三迴向行成前中有三
初不離大悲兼迴向衆生之意

無有執著離諸心想無有依止永絕所依遠
離於我及以我所如實法印印諸業門得法

無生住佛所住觀無生性印諸境界

次無有執著下離妄契真即離相之意

諸佛護念發心迴向

後諸佛下結前生後

與諸法性相應迴向入無作法成就所作方

七

便迴向捨離一切諸事想著方便迴向住於
無量善巧迴向永出一切諸有迴向修行諸
行不住於相善巧迴向普攝一切善根迴向
普淨一切菩薩諸行廣大迴向發無上菩提
心迴向與一切善根同住迴向滿足最上信
解心迴向

二與諸法性下迴向之相兼顯迴向菩提
於中十有一句前六離相後五隨相

佛子菩薩摩訶薩以諸善根如是迴向時

三佛子下迴向行成於中三初隨相行成

二以清淨下離相行成三菩薩如是善巧

下雙結二行無礙今初有三初牒前由前

離相非唯不礙隨相亦能成此隨相非唯不礙

等者不礙者如空不礙萬象能成者如無水即無可為波亦如無空不能生起雲霞煙霧不礙即相徧門能成即和成門即理成事以有空義故一切法得成也

雖隨生死而不改變求一切智未曾退轉在
於諸有心無動亂悉能度脫一切衆生不染
有爲法不失無礙智菩薩行位因緣無盡世
間諸法無能變動具足清淨諸波羅蜜悉能
成就一切智力

次雖隨下正顯文有十句一由前法性相
應故隨生死而不變二以入無作成所作
故求一切智未曾退轉三由捨離想著故
諸有不動四住多善巧能度衆生五永出
諸有故不染有爲六修行不住相故不失

無礙智七普攝善根故因緣無盡八普淨
大願故世法不動九發菩提心故具修諸
度十由善根同住故具足十力如次配上
由前法性者正辯離相成隨相也此句
由與法性相應故是離相故法性即是直
如真如隨緣故能成事不大不變故而
改下九例然細尋前十一一相對可知

菩薩如是離諸癡暗成菩提心開示光明增
長淨法迴向勝道具足衆行

後菩薩如是下結前生後即由前最上信
解心生

以清淨意善能分別了一切法悉隨心現知
業如幻業報如像諸行如化因緣生法悉皆
如響菩薩諸行一切如影出生無著清淨法
眼見於無作廣大境界證寂滅性了法無二
得法實相具菩薩行於一切相皆無所著善
能修行同事諸業於白淨法恒無廢捨離一

切著住無著行

二明離相行成由前事不礙理故觸境了
如由前等者前之十句離相成於隨相者
如由理不礙事故今成離相由前事不礙
理上總於中初一句總了一切下別別中
釋意初唯心觀成次知業下緣生無性觀成次

出生下法眼了真具菩薩下妙行無著亦

如次配前一了心性故亦如次配前者
前與諸法性相應迴向入無作法成成就所
作迴向等十句而前隨相行成舉前迴向
離相為能成隨相為所成故前云由前法
性相應故隨生死流而不變等今此則舉
前隨相不礙成此離相若事礙理不即離
故近躡前事亦遠躡前離相謂由前迴向
與法性相應故今二業無作故二由前入
成了心性之行三不起想故三由前捨離
成就所作故成三不起想故一切諸事想
此知業如幻等四行善巧故四由住於
著故成此中出生四行善巧故四由住於
無著清淨法眼等四行善巧故四由住於
故成此具五諸有緣生故五由前未出一
菩薩行六行無住故六由前修有故成此
於一切相六行無住故六由前修有故成此
皆無所著

善能修行七普攝無著故七由前普攝一切善根故成此

同於白淨法八諸行廣大故八由前普淨一切善根故成此

恒無廢捨九了菩提性無有二唯一實

大迴向故著九了菩提性無有二唯一實

此離一切著九了菩提性無有二唯一實

故九由前發無上菩提心故成此離一切

著此句難解故疏云了菩提性無有二

實故一十由與善根同住故能具菩薩行十由

前與一切善根同十一由最上信解故於

住故住無著行十一由最上信解故於

無漏白法無有廢捨若通由前則易可知

十一由最上信解等即前第十一句中

對前文小不次而白淨法兩重用之第七

已用

故

菩薩如是善巧思惟無有迷惑不違諸法不

壞業因明見真實善巧迴向知法自性以方

便力成就業報到於彼岸智慧觀察一切諸

法獲神通智諸業善根無作而行隨心自在

三雙結二行無礙以成迴向中初總明不

迷理惑事故名善巧思惟後不違下別皆

理事無礙可知

菩薩摩訶薩以諸善根如是迴向為欲度脫

一切眾生不斷佛種永離魔業見一切智無

有邊際信樂不捨離世境界斷諸雜染亦願

眾生得清淨智入深方便出生死法獲佛善

根永斷一切諸魔事業以平等印普印諸業

發心趣入一切種智成就一切出世間法

第三菩薩摩訶薩以諸善根如是迴向下

迴向所為初句總明後不斷下別顯於中

前離魔業通一切惡後魔事業通一切相

但違法印皆魔事故故下釋云以平等印

普印諸業則離魔也餘句可知

佛子是為菩薩摩訶薩第二不壞迴向

菩薩摩訶薩住此迴向時得見一切無數諸

佛成就無量清淨妙法普於眾生得平等心

於一切法無有疑惑一切諸佛神力所加降
伏衆魔永離其業成就生貴滿菩提心得無
礙智不由他解善能開闡一切法義能隨想
力入一切刹普照衆生悉使清淨菩薩摩訶
薩以此不壞迴向之力攝諸善根如是迴向

第二位果亦如十地調柔等果文中初牒
得時次得見下正辨果相後菩薩下總結
所屬

爾時金剛幢菩薩承佛神力觀察十方即說
頌言

菩薩已得不壞意修行一切諸善業是故能
令佛歡喜智者以此而迴向
供養無量無邊佛布施持戒伏諸根爲欲利
益諸衆生普使一切皆清淨

第二偈頌二十五偈分三初二頌所迴善

會
根及第一節迴向次十八偈頌所成供行
復將迴向後五偈頌迴向所爲

一切上妙諸香華無量差別勝衣服寶蓋及
以莊嚴具供養一切諸如來
如是供養於諸佛無量無數難思劫恭敬尊
重常歡喜未曾一念生疲厭
專心想念於諸佛一切世間大明燈十方所
有諸如來靡不現前如目覩
不可思議無量劫種種布施心無厭百千萬
億衆劫中修諸善法悉如是

彼諸如來滅度已供養舍利無厭足悉以種
種妙莊嚴建立難思衆塔廟
造立無等最勝形寶藏淨金爲莊嚴巍巍高
大如山王其數無量百千億
淨心尊重供養已復生歡喜利益意不思議

劫處世間救護衆生令解脫

了知衆生皆妄想於彼一切無分別而能善別衆生根普爲群生作饒益

二中亦二前八頌所迴善根

菩薩修集諸功德廣大最勝無與比了達體性悉非有如是決定皆迴向

以最勝智觀諸法其中無有一法生如是方便修迴向功德無量不可盡

以是方便令心淨悉與一切如來等此方便力不可盡是故福報無盡極

發起無上菩提心一切世間無所依普至十方諸世界而於一切無所礙

後十頌迴向之行文中三初四頌迴向之心

一切如來出世間爲欲啓導衆生心如其心

會

主

性而觀察畢竟推求不可得

會

主

一切諸法無有餘悉入於如無體性以是淨眼而迴向開彼世間生死獄

次二頌迴向之相

雖令諸有悉清淨亦不分別於諸有知諸有性無所有而令歡喜意清淨

於一佛土無所依一切佛土悉如是亦不染著有爲法知彼法性無依處

以是修成一切智以是無上智莊嚴以是諸佛皆歡喜是爲菩薩迴向業

菩薩專心念諸佛無上智慧巧方便如佛一切無所依願我修成此功德

後四頌迴向行成

專心救護於一切令其遠離衆惡業如是饒益諸群生繫念思惟未曾捨

住於智地守護法不以餘乘取涅槃唯願得

佛無上道菩薩如是善迴向

不取衆生所言說一切有爲虛妄事雖復不

依言語道亦復不著無言說

十方所有諸如來了達諸法無有餘雖知一

切皆空寂而不於空起心念

以一莊嚴嚴一切亦不於法生分別如是開

悟諸群生一切無性無所觀

頌迴向所爲可知

佛子云何爲菩薩摩訶薩等一切佛迴向

第三等一切佛迴向長行亦二先位行後

位果前中亦三初標名者若準次文但等

三世諸佛迴向之道準下一等善根故文

云如過去佛所行一切善根我亦如是故

本業亦云三世諸佛善一切時行兼顯無

間故下文云與妻子俱未曾暫捨菩提之

心此從所等立名即等一切佛之迴向以

深入法性行普門善而爲其性兼顯無間者上引本

業但證等善根以云一切時行故云無間此從所等下結得名從以深入下出體性

佛子此菩薩摩訶薩隨順修學去來現在諸

佛世尊迴向之道

二依徵廣釋中二先總標舉即釋名也

如是修學迴向道時見一切色乃至觸法若

美若惡不生愛憎心得自在無諸過失廣大

清淨歡喜悅樂離諸憂惱心意柔順諸根清

涼

後如是下廣釋亦二先顯迴向後明成益

前中又二先等隨相後等離相前中復二

先明對境善根以將迴向後總攝萬善以

將迴向前中又二初所迴善根後佛子下

正顯迴向今初謂學佛修時於六境違順
成四淨心一於順違成就行捨不爲境牽
名心自在二異於凡小以悲智廣大淨諸
惑故三離憂過故有喜樂捨無憂苦惱四
禪定輕安故心意柔輒不妄取境故諸根
清涼

佛子菩薩摩訶薩獲得如是安樂之時復更
發心迴向諸佛作如是念

第二正迴向中迴向五乘之境文分五段
一佛二菩薩三有善衆生四二乘五有惡

衆生初中二先牒前起後

願以我今所種善根令諸佛樂轉更增勝所
謂不可思議佛在住樂無有等比佛三昧樂
不可限量大慈悲樂一切諸佛解脫之樂無
有邊際大神通樂最極尊重大自在樂廣大

會一

十四

究竟無量力樂離諸知覺寂靜之樂住無礙
任恒正定樂行無二行不變異樂

後願以我下正顯所願初總願樂增然佛
德已圓今願增者尊重荷恩展誠敬故亦
猶獻芹於上香華奉佛非彼須待

然佛德已圓下

顯文意亦是通難先出難從尊重荷恩下
釋亦猶獻芹者即外典中事野老美之而
獻於君君
豈美之所謂下別文有十句初句望九

亦是總句具下諸住故由此名不思議二
即天住謂海印等三即梵住四即聖住謂
無邊解脫等五種類俱生無作行通

即天住等

者智論云天住謂四禪聖住謂三解脫梵
住謂四無量皆通三乘今皆約一乘果位
故皆無量五種類等者即三種意生身中
第三從十地得至佛亦同但增勝耳而非
生死但取變化身耳三
種之義第六迴向當辨
自在我八自在我者即涅槃二十經云
塵身滿三千界三能以滿三千界身舉飛
過二十恒河沙等世界而無障礙四心自

在故而得自在云何自在如來一心安住
不動身化無量類形等五根自在一根見
色聞聲等六以自在故得七智用無邊七
一切法謂無得而得等
自在故謂說一偈八離覺圓寂八如來徧
義經無量劫等
處猶如虛空之性不可得見廣釋如彼皆
明無得無作而有所成故云自在今但畧
列而九大用恒湛十二行永亡者即上二

十一種功德第
一已如前辨

佛子菩薩摩訶薩以諸善根迴向佛已復以
此善根迴向菩薩

二佛子下迴向菩薩亦二初結前生後
所謂願未滿者令得圓滿心未淨者令得清
淨諸波羅蜜未滿足者令得滿足安住金剛
菩提之心於一切智得不退轉不捨大精進
守護菩提門一切善根

後所謂下正顯有十前六自行後四利他
前中通有三義一通相辨隨願行等而滿

故二究竟滿故三從次滿三從次滿者此
義談下諸句即
次第初信中隨緣之願如淨行品二淨十
住解心故晉經云未淨直心者三成十行
四成十向故菩薩戒名十金剛五得初地
已上證不退故六得八地已上無功用行

名大精進任運了一切法名護菩提門善

根初句信滿二十住滿故晉經云未淨直
云心未得淨
者今得清淨
能令衆生捨離我慢發菩提心所願成滿安

住一切菩薩所住獲得菩薩明利諸根修習

善根證薩婆若

後四利他中初令證發心離二我故二徧
安諸地三通得地中之德四令證佛果

佛子菩薩摩訶薩以諸善根如是迴向菩薩
已復以迴向一切衆生願一切衆生所有善

根乃至極少一彈指頃見佛聞法恭敬聖僧
彼諸善根皆離障礙念佛圓滿念法方便念
僧尊重不離見佛心得清淨獲諸佛法集無
量德淨諸神通捨法疑念依教而住

三佛子下迴向有善衆生亦是迷真實義

會一

十六

愚衆生有於少善但爲求有處人天乘今

令住佛乘以成十益初三令念三寶次三

念已成德後三由德成益各如次配佛法

僧寶念佛三昧能發通故

各如次配者如云不離見佛即

由前念佛圓滿所成等淨諸神通即是常見佛益由此句似隱故疏釋云念佛三昧

能發通故

如爲衆生如是迴向爲聲聞辟支佛迴向亦
復如是

四如爲下迴向二乘然衆生於佛法易反
復故先迴向之二乘終竟迴心故亦不捨

會

七

例前成益

於佛法易反復者即淨名第二凡夫於佛法有反復而聲聞無也以聲聞斷結故下云終竟迴心揀異定性下當廣引

又願一切衆生永離地獄餓鬼畜生閻羅王
等一切惡處增長無上菩提之心專意勤求
一切種智永不毀謗諸佛正法得佛安樂身

心清淨證一切智

五又願下爲於有惡謂不遺闡提亦是迷

異熟愚衆生不見苦果故初令離苦果成

善因後永不下令離惡因成當果

亦是迷異熟愚

衆生者對前迷勝義愚亦如前釋上來五段初一迴向菩

提餘四迴向衆生

佛子菩薩摩訶薩所有善根皆以大願發起

正發起積集正積集增長正增長悉令廣大

具足充滿

第二佛子菩薩摩訶薩所有善根下總攝

萬善迴向中二先總顯其相後佛子下歷事別陳今初所有善根即所發起等也皆以大願即能發起等也別有三句一未生善根以大願方便發起令生故晉經以發起爲行二亦以大願積集令多三隨已生善一一增勝令充佛地而皆有重句云正發起等者謂隨發起積集增進必向三處不餘趣求離諸過失名之爲正悉令已下總結成益由正發等故令稱悲智故名廣大由發起積集故諸善具足由增長故一充滿法界等於如來無善不爾故云悉令而晉經譯正爲等以梵本云三通正及等然等有二義一者等佛謂以菩薩之行等佛之行二者等餘謂以一行等餘諸行然古德將爲結上雖穿鑿非一並未會下

文若以等爲平等與正相近亦攝義不周並非今用然古德等者賢首云三結數相行等行者結樂與佛成證道行積聚等積聚者結法與善成住道遠公云證心遊理者結與衆生成一門中各攝一切名等長聚名一備一切名等行助道漸滿名爲漸增名爲長養一門中各攝一切名等長養軌法師云但起一行名之爲行總衆多行名爲積聚增進勝前名爲長養由是前行異名顯耳善薩所行行既無量不可備舉但等言之故皆云等也正法師云善根等者施等善也以大願攝取者願大故行大也行者二利也等行者等行一切行也積聚者積行成德也等積聚者成一切德也長養者從行生行也等長養者生一切行也辨法師云行者是佛於願樂位中所行菩薩以大願攝同彼行故云等行積聚者是佛功用位修積聚善薩同修名等積聚長養者是佛無功用位修善薩同修名等長養是故上云如佛迴向開化一切菩薩迴向亦復如是此之謂也賢首云今更釋善根攝成勝行諸行齊行故云等行又此善根攝此善根所成諸行令不散失故云積聚有行斯積故云等積聚又由願力攝此善根所積衆行復生諸行名等長養是故皆一行中一切諸行名等長養是故皆

由願力令此善根皆悉廣大具足充滿也
靜法云釋行及積集增長義則無違而以
等字勝正謂取等佛之義則不見正字之
意又亦同古以為結前故俱非也所以疏
云雖穿鑿非一並未會下文下文積集增
長皆有文故若以等為平等者但得迴向
實際意耳向餘二處
及離過等皆不具也

佛子菩薩摩訶薩在家宅中與妻子俱未曾

會

九

暫捨菩提之心正念思惟薩婆若境自度度
彼令得究竟以善方便化已眷屬令入菩薩
智令成熟解脫雖與同止心無所著以本大
悲處於居家以慈心故隨順妻子於菩薩清
淨道無所障礙

第二歷事別陳諸善非一略舉一兩以顯
隨緣攝善皆成迴向文中二初顯增長迴
向後佛子菩薩爾時下明積集迴向其發
起迴向通在二處前段亦是大悲隨順後
段以明大悲深重此約善根若據迴向前

明迴向菩提為衆生故後迴向衆生令得
菩提皆是綺互欲顯一時迴向三處耳
等者此中通有三意一約所迴善根即如
向科此下第二能迴悲願三從若據迴向
下約所迴向皆是綺互者正是迴向三處二兼
向佛亦向生故故云一時迴向三處二兼
明上大悲隨順及大悲深重
亦是綺互綺互亦是影畧
今初增長中

分二先別明後菩薩如是下總結前中三
初明隨染無汙迴向以慈故隨染以智故
居清淨道念薩婆若

菩薩摩訶薩雖在居家作諸事業未曾暫捨
一切智心所謂若著衣裳若嗽滋味若服湯

藥澡漱塗摩迴旋顧視行住坐卧身語意業
若睡若寤如是一切諸有所作心常迴向薩
婆若道繫念思惟無時捨離

二菩薩摩訶薩下動與道合迴向徧而無
間

爲欲饒益一切衆生安住菩提無量大願攝
取無數廣大善根勤修諸善普救一切

三爲欲下總顯迴向之相正顯前文大願
發起增長之義文中二先總明初句標意
安住下即能發起願攝取下所起所增善

會

干

根普救一切即結成正義

永離一切憍慢放逸決定趣於一切智地終
不發意向於餘道常觀一切諸佛菩提永捨
一切諸雜染法修行一切菩薩所學於一切
智道無所障礙住於智地愛樂誦習以無量
智集諸善根心不戀樂一切世間亦不染著
所行之行專心受持諸佛教法

二永離下別顯文有十句一離惑故二正
趣向故三不取餘道故四正觀故五捨雜
染故六具修因故七於菩提因捨二障故

八持誦智地九以智集善十不染世行受
出世法十皆自德能向菩提若以上普救
一切貫之則十皆爲生令得此善謂離惑
故者即

永離一切憍慢放逸放逸衆惑之根憍爲
染法所依慢能長淪生死故離此三諸惑
皆離餘
可思準

菩薩如是處在居家普攝善根令其增長迴
向諸佛無上菩提

二總結中以此文證釋增長義理甚分明
佛子菩薩爾時乃至施與畜生之食一搏一
粒

會

主

第二明積集迴向中二初別明後菩薩摩
訶薩如是下總結前中二初明微細積集
後菩薩初發下長時積集前中亦二先明
所積善根下至一搏一粒其福至微施與
畜生其田至劣積此微善亦以大願令正

發起成迴向行

咸作是願當令此等捨畜生道利益安樂究竟解脫永度苦海永滅苦受永除苦蘊永斷苦覺苦聚苦行苦因苦本及諸苦處願彼衆生皆得捨離菩薩如是專心繫念一切衆生以彼善根而爲上首爲其迴向一切種智

二咸作下明迴向行先總明離苦得樂次永度已下別彰離苦文有九句初總顯深廣次八別明苦相受即苦之自性蘊即苦依謂五盛陰苦覺謂苦相亦攝怨會受離等覺聚謂生老病死三苦八苦行即罪業因即諸惑本即貪欲處即三塗乃至變易所依皆得捨離通後五句後菩薩如是下總結令得菩提

初總顯深廣者爲苦海故
華第二云諸苦
所因貪欲爲本

菩薩初發菩提之心普攝衆生修諸善根悉以迴向欲令永離生死曠野得諸如來無礙快樂出煩惱海修佛法道慈心徧滿悲力廣大普使一切得清淨樂守護善根親近佛法出魔境界入佛境界斷世間種植如來種住於三世平等法中

第二長時積集者從初發心即積集故文中二先總標善根迴向後欲令下明迴向意即是迴向之相以欲令之言是心願故文有十三句前十二爲六對得隨相益後一句入平等理益前中一離苦果得滅樂二出集因修正道三具悲智成上修道四護善近佛則出煩惱海餘二對共成初對菩薩摩訶薩如是所有已集當集現集善根悉以迴向

第二總結中一搏一粒等即現集也初發心來即已集也當即之善雖則未起願力逆要起必任運注向三處況依此教九世圓融

復作是念如過去諸佛菩薩所行恭敬供養一切諸佛度諸衆生令永出離勤加修習一切善根悉以迴向而無所著

第二復作是念如過去下等佛離相迴向者即向實際統於前二說有前後行在一心文中二初等過去後佛子下等於現未前中二先舉所等後如彼下顯於能等前中三初標隨相即有離相故末句云而無所著次所謂下別顯離相之相三如是深入下結其無礙

所謂不依色不著受無倒想不作行不取識

一

三

捨離六處不住世法樂出世間

二中先離妄契止初蘊次處不住世法即十八界有根境識是世間故不依不著即是出世

知一切法皆如虛空無所從來不生不滅無有真實無所染著遠離一切諸分別見不動不轉不失不壞住於實際無相離相唯是一相

後知一切下釋前不著所以不著者由見實成觀故初句是喻無所從下文舍法喻但觀所喻能喻可知皆由從緣無性故無來等五句展轉相釋故上文云一切法無來是故無有生等遠離已下結其成觀心無分別故寂然不動外緣不轉不失於照不壞於止故與實際相應實際謂何即是

無相何名無相體離十相唯是一相一相
謂何即是無相又無相約理本自無故離
相約智離取相故唯是一相心境冥故一切
法無來等者此上半以無來釋無生而言
等者等取下半云以生無有故滅亦不可
得此以無生釋無滅也不滅故無有真實
有實則有可滅故無實故無染譬如雲霧
不能染空故云五句展轉相釋何名無相
等者涅槃三十一云大般涅槃名為無相
師子吼問何名無相善男子無相故何
等為十所謂色相聲相香相味相觸相生
住壞相男相女相是名十相無如是相故
名無相又無相約理下上之四義展轉相
承唯明一體此下分能所證以為無相離
相能所契合以為一相則實際為總下三
明別

如是深入一切法性常樂習行普門善根悉
見一切諸佛衆會

三結無礙者既稱法性修隨相故一攝一
切名普門善悉見諸佛略辨成益

如彼過去一切如來善根迴向我亦如是而

會一

語

爲迴向

二顯能等中二先牒所等總顯能等

解如是法證如是法依如是法發心修習不
違法相知所修行如幻如影如水中月如鏡
中像因緣和合之所顯現乃至如來究竟之
地

二解如是下別顯等相初二句願等佛解
證次二句依之修行不違已下顯修行相
至究竟地即是修果

佛子菩薩摩訶薩復作是念如過去諸佛修
菩薩行時以諸善根如是迴向未來現在悉
亦如是

第二等現未中分三初牒所等即舉過去
例於現未

我今亦應如彼諸佛如是發心以諸善根而

爲迴向

次我今下總顯能等

第一迴向勝迴向最勝迴向上迴向無上迴
向無等迴向無等等迴向無比迴向無對迴
向尊迴向妙迴向平等迴向正直迴向大功
德迴向廣大迴向善迴向清淨迴向離惡迴
向不隨惡迴向

三第一下別明等相通能所等前過去章
中已廣顯離相今此文內直歎殊勝義存
影略不欲繁文有十九句晉經具二十句
謂廣大下有明淨迴向今譯謂同清淨故
缺此一於中初九形對辨勝初總明首出
故名第一二越凡小故三超因位故四獨
出故五無加過故六無與齊故七唯至極
無二者可齊等故八無匹故九無敵故後

十約自體顯勝一尊可貴重故二妙者言
思不及故三稱理無差故四不餘趣向故
五攝德故六周法界故舊云大願七離無
記故八離垢染故九自無惡行故十不隨
惡緣故上來正顯迴向竟

大方廣佛華嚴經疏鈔會本第二十四之一
音釋

璫都郎切充 門闥闥他達切官 毀謗毀虎
璫耳珠也 門闥中門曰闥 毀謗委切
璫也 薩婆梵語也此云一 噉徒藍
也澡漱 澡子皓切洗手也 寤寐覺也
也澡漱 澡子皓切洗手也 寤寐覺也

大方廣佛華嚴經疏鈔會本第二十四之三 會二

唐于闐國三藏沙門實叉難陀 譯

唐清涼山大華嚴寺沙門澄觀撰述

菩薩如是以諸善根正迴向已成就清淨身語意業住菩薩住無諸過失修習善業離身

會二

語惡心無瑕穢修一切智住廣大心知一切法無有所作住出世法世法不染分別了知無量諸業成就迴向善巧方便求拔一切取著根本

第二明迴向成益文顯可知

佛子是爲菩薩摩訶薩第三等一切佛迴向菩薩摩訶薩住此迴向深入一切諸如來業趣向如來勝妙功德入深清淨智慧境界不離一切諸菩薩業善能分別巧妙方便入深法界善知菩薩修行次第入佛種性以巧方

便分別了知無量無邊一切諸法雖復現身

於世中生而於世法心無所著

第二位果略辨十種勝德一因修佛業以等佛迴向故迴向衆生是佛業故又如離世間品十種佛業二趣佛果德向菩提故

三智入深理向實際故餘可知

又如離世間者即五

十八經云所謂隨時開導是佛業今正修行故夢中今見是佛業覺音善根故爲他演說所未聞經是佛業令生智斷疑故等恐繁且止

爾時金剛幢菩薩承佛神力普觀十方即說

頌言

彼諸菩薩摩訶薩修過去佛迴向法亦學未來現在世一切導師之所行

第二偈頌二十四偈分三初二十一頌頌

前位行次二位果後一結歎前中二初一

頌總標釋名

於諸境界得安樂諸佛如來所稱讚廣大光明清淨眼悉以迴向大聰哲

菩薩身根種種樂眼耳鼻舌亦復然如是無量上妙樂悉以迴向諸最勝

後二十偈頌上廣釋亦二先十九頌正明

迴向後一頌成益前中隨相離相雙頌文

中亦二初六頌對境所生善根迴向於中

初二偈頌所迴善根兼迴向佛樂

一切世間衆善法及諸如來所成就於彼悉

攝無有餘盡以隨喜益衆生

世間隨喜無量種今此迴向爲衆生人中師

子所有樂願使群萌悉圓滿

一切國土諸如來凡所知見種種樂願令衆

生皆悉得而爲照世大明燈

菩薩所得勝妙樂悉以迴向諸群生雖爲群

生故迴向而於迴向無所著

後四頌迴向衆生令得佛安樂

菩薩修行此迴向興起無量大悲心如佛所修迴向德願我修行悉成滿

如諸最勝所成就一切智乘微妙樂及我在

世之所行諸菩薩行無量樂

示入衆趣安隱樂恒守諸根寂靜樂悉以迴

向諸群生普使修成無上智

非身語意即是業亦不離此而別有但以方

便滅癡冥如是修成無上智

二有十三偈頌總攝萬善迴向分三初四

頌增長迴向

菩薩所修諸行業積集無量勝功德隨順如

來生佛家寂然不亂正迴向

十方一切諸世界所有衆生成攝受悉以善

根迴向彼願令具足安隱樂
不爲自身求利益欲令一切悉安樂未曾暫
起戲論心但觀諸法空無我

二有三偈頌積集迴向

十方無量諸最勝所見一切真佛子悉以善
根迴向彼願使速成無上覺
一切世間含識類等心攝取無有餘以我所
行諸善業令彼衆生速成佛
無量無邊諸大願無上導師所演說願諸佛
子皆清淨隨其心樂悉成滿

普觀十方諸世界悉以功德施於彼願令皆
具妙莊嚴菩薩如是學迴向

三六偈却頌上對境善根迴向善薩迴文
前却初四隨相

心不稱量諸二法但恒了達法無二諸法若

二若不一於中畢竟無所著

十方一切諸世間悉是衆生想分別於想非
想無所得如是了達於諸想

後二離相於中初偈達法際二與不二相
待皆寂後偈了妄源以想遣境境盡想亡

非想遣想相待俱寂寂而常照方名了想

彼諸菩薩身淨已則意清淨無瑕穢語業已
淨無諸過當知意淨無所著

頌成益

一心正念過去佛亦憶未來諸導師及以現

在天人尊悉學於其所說法

三世一切諸如來智慧明達心無礙爲欲利
益衆生故迴迴菩提集衆業

頌位果

彼第一慧廣大慧不虛妄慧無倒慧平等實

慧清淨慧最勝慧者如是說

結歎可知

佛子云何爲菩薩摩訶薩至一切處迴向

第四至一切處迴向長行亦二先位行後

位果前中亦三謂牒釋結今初牒名徵起

會二

至是能至善根及其供具一切處即所至

供境謂以大願令此善根供具徧至一切

時處隨所應供供諸福田本業云以大願

力入一切佛國中供養一切佛故然準下

文若因若果皆至一切略舉十事一法身

至一切處如來藏身普周徧故二法身至

故智身至三智身至故大願至四大願至

故供具善根至五則見佛聽聞至六則現

身開悟至七則無來無去至八則不出一

毛孔而能至九則一身一毛等一切身毛

至十則一念等一切劫至若尅陳別體則

以供佛善根及勝解心爲體通則該於法

界謂以大願下總示其相文有三節兩重

上二皆能至三一切處是所至然準下文

下總明能至有其十種前四展轉以爲能

生從第五已去通出上四令此六種皆悉

能至五六約事至七約理八事理無礙九

佛子此菩薩摩訶薩修習一切諸善根時作

是念言願此善根功德之力至一切處

第二依徵廣釋中三初迴向衆生菩提二

迴向實際三結歎成益前中二初略明後

廣顯前中三謂法喻合法中謂以願力及

善根力此二相資故能徧至

譬如實際無處不至至一切物至一切世間

至一切衆生至一切國土至一切法至一切

虛空至一切三世至一切有爲無爲至一切

語言音聲

次譬如下喻況中實際者即一切法真實之際故無不在一切物者謂凡是有形故晉經中名一切有餘並可知此與如相及法界迴向有差別者此據善根迴向成供具至一切處第八約善根迴向同如體相業用第十約所迴向行廣多無量故無濫也

願此善根亦復如是徧至一切諸如來所供養三世一切諸佛

第三願此善根下以法合中先總

過去諸佛所願悉滿未來諸佛具足莊嚴現在諸佛及其國土道場衆會徧滿一切虛空法界

後過去下別明於中二先舉三世合所至

處能事已畢過云願滿修因已圓未云具足現成正化故云國土道場願以信解大威力故廣大智慧無障礙故一切善根悉迴向故以如諸天諸供養具而爲供養充滿無量無邊世界

後願以信下明能至供於中先成供因因有三種一以勝解則隨心轉變二以大智了無障礙三以善根迴向稱願而成以如諸下辨所成供可知

佛子菩薩摩訶薩復作是念諸佛世尊普徧一切虛空法界種種業所起十方不可說一切世界種世界不可說佛國土佛境界種種世界無量世界無分齊世界轉世界側世界仰世界覆世界

第二佛子菩薩摩訶薩復作是念下廣明

於中二先約十方佛明其徧至後約常住
佛明其徧至前中分三初總明供處二如
是一切下別明供養三以此善根下通顯
迴向之心今初先約處顯多次種種業所
起約因顯多十方已下約數顯多種種世

界約形類顯多義通受用及變化土

如是一切諸世界中現住於壽示現種種神
通變化

二別明供養中二初供現在佛後若佛形
像下供住持佛前中二先所供田後佛子
下明能供行前中二初實報田

彼有菩薩以勝解力爲諸衆生堪受化者於
彼一切諸世界中現爲如來出興於世以至
一切處智普徧開示如來無量自在神力法
身徧徃無有差別平等普入一切法界如來

藏身不生不滅善巧方便普現世間證法實
性超一切故得不退轉無礙力故生於如來
無障礙見廣大威德種性中故

二彼有下辨權應田於中三初現身次說
法言以至一切處智者意明今此位菩薩

亦能爾也此即本下迹高若佛爲菩薩則

本高迹下或俱高俱下因果交徹思之

或俱

高俱下者略成四句佛化爲佛本迹俱高
菩薩化爲菩薩本迹俱下就菩薩中以位
相望亦有

三法身下釋權佛所由初之三
高下可知

句顯與果佛平等同性起故一得法性身
同徧徃故二等有智身入法界故三普賢
自體如來藏身不生滅故由上三義故能
善巧普現世間若爾衆生豈無如來藏身
故下三句復釋成前義一證法實故得同
法身二有無礙智力故普入法界三佛種

中生故得如來藏身之用謂絕三障權實

無礙是如來見廣大威德是如來用菩薩

隨順悟入是生彼種性之中故出現品云

若得聞此如來無量不思議無障礙智慧

法門聞已信解隨順悟入當知此人生如

來家廣如彼說得斯後三因位尚即爲果

況應現耶上亦供行所因上亦供行所因者即上釋權化

所由以如來藏等力故令供行至故爲所因

佛子菩薩摩訶薩以其所種一切善根願於

如是諸如來所以衆妙華及衆妙香鬘蓋幢

旛衣服燈燭及餘一切諸莊嚴具以爲供養

若佛形像若佛塔廟悉亦如是

二明供行及供住持佛等文並可知

以此善根如是迴向所謂不亂迴向一心迴

向自意迴向尊敬迴向不動迴向無住迴向

無依迴向無衆生心迴向無躁競心迴向寂

靜心迴向

三通顯迴向之心中初句總牒善根迴向

後所謂下別顯行相謂前以善根迴向成

供供諸田時如是用心文有十句一不生

妄念二專注正境三不由他悟四於田殷

重五違順不動六不住於法七不依於境

八知我空九心行安審十正順涅槃

復作是念盡法界虛空界去來現在一切劫

中諸佛世尊得一切智成菩提道無量名字

各各差別於種種時現成正覺悉皆住壽盡

未來際一一各以法界莊嚴而嚴其身道場

衆會周徧法界一切國土隨時出興而作佛

事

第二約常住佛明徧至者謂三世住壽盡

未來際應亦常也三身十身融無礙故不同前文有塔廟等文中有三初以善根迴向供佛二願令一切下以供佛善迴向衆生三譬如下總願善根普攝迴向初中二先所供境後如是一切下顯能供行今初盡空法界明處無不徧去來現劫時無不窮諸佛世尊總該真應得一切下明真極之成於種種時下明應現成成即有始應乃無終故皆住壽盡未來際真應無二故一一各以法界莊嚴主伴圓通故道場衆會皆周法界出非在我故曰隨時興必利生名作佛事

三身十身融故者出應亦常所以若法相說應雖名常是不斷常今法性宗同是一常若別說者法身無始無終報身有始無終化身有始有終今化即法故即無始終況報同法亦無有始十身融義居然可知

如是一切諸佛如來我以善根普皆迴向

二顯能供行中三初結前生後二願以下所成供具三以如是下結成供行願以無數香蓋無數香幢無數香幡無數香帳無數香網無數香像無數香光無數香燄無數香雲無數香座無數香經行地無數香所住處無數香世界無數香山無數香海無數香河無數香樹無數香衣服無數香蓮華無數香宮殿

二中三初以香爲蓋等二十事

無量華蓋廣說乃至無量華宮殿無邊鬘蓋廣說乃至無邊鬘宮殿無等塗香蓋廣說乃至無等塗香宮殿不可數末香蓋廣說乃至不可數末香宮殿不可稱衣蓋廣說乃至不可稱衣宮殿不可思寶蓋廣說乃至不可思寶宮殿不可量燈光明蓋廣說乃至不可量

燈光明宮殿不可說莊嚴具蓋廣說乃至不可說莊嚴具宮殿不可說不可說摩尼寶蓋不可說不可說摩尼寶幢如是摩尼寶幡摩尼寶帳摩尼寶網摩尼寶像摩尼寶光摩尼寶燄摩尼寶雲摩尼寶座摩尼寶經行地摩尼寶所住處摩尼寶剎摩尼寶山摩尼寶海摩尼寶河摩尼寶樹摩尼寶衣服摩尼寶蓮華摩尼寶宮殿皆不可說不可說

次無量華蓋下以華鬘等九例於前香各具二十香等離蓋等更無別體故有二百香等離蓋等者如初以香等為二十事但有二十無二十一以香等為二十故如刻梅檀為二十事豈別有梅檀後華等九事各為二十亦然如是——諸境界中各有無數欄楯無數宮殿無數樓閣無數門闥無數半月無數却敵無數牕牖無數清淨寶無數莊嚴具

十一

十二

後如是——下隨彼蓋幢等中若總相說皆有楯等九事成一千八百并前本門總有二千是則香等成蓋等蓋等有楯等從無數無量如是漸增且至不可說理實皆等法界難可稱也然——諸言定通香等

不全通於蓋等以衣及光明何有門闥樓閣等耶是則都數未必二千但通相言一

一諸境界也如是——下釋此第三段釋前第三段中增數之相三然——諸言

下揀定言定通香等者香等十事為成體故得定通不全通於蓋等者蓋是所成所成有二十事如以香為宮殿則有楯等香為光明何有楯等況燈光明為能成類前亦成蓋等以燈光明成燈光明此之光上難具楯等故云不全通於蓋等以能成中有燈光明所成之中復有燈光明故略舉燈光以示無楯等例且如香河河裏如何安前楯等明知總相則有別相或無思之可見

以如是等諸供養物恭敬供養如上所說諸

佛世尊

三結成供行可知

願令一切世間皆得清淨一切衆生咸得出離住十力地於一切法中得無礙法明

第二以供佛善根迴向衆生者正顯迴向之願然前段供後有不亂等心今此供後明清淨等願者文有影略義實相通文分爲二初總顯所爲謂令得果感淨智明

令一切衆生具足善根悉得調伏其心無量等虛空界徃一切刹而無所至入一切土施諸善法常得見佛植諸善根成就大乘不著諸法具足衆善立無量行普入無邊一切法界成就諸佛神通之力得於如來一切智智後令一切下別顯願得因圓果滿初明二利因圓成就已下智用果滿

三

七

譬如無我普攝諸法

第三總願善根普攝迴向者以上來三段別明善根但說成供供佛今欲顯此善根無所不成故復明此於中二初喻謂二無我理普攝理事無不周故

我諸善根亦復如是普攝一切諸佛如來咸悉供養無有餘故普攝一切無量諸法悉能悟入無障礙故普攝一切諸菩薩衆究竟皆與同善根故普攝一切諸菩薩行以本願力皆圓滿故普攝一切菩薩法明了達諸法皆無礙故普攝諸佛大神通力成就無量諸善根故普攝諸佛力無所畏發無量心滿一切故普攝菩薩三昧辯才陀羅尼門善能照了無二法故普攝諸佛善巧方便示現如來大神力故普攝三世一切諸佛降生成道轉正

法輪調伏衆生入般涅槃恭敬供養悉周徧
故普攝十方一切世界嚴淨佛刹咸究竟故
普攝一切諸廣大劫於中出現修菩薩行無
斷絕故

二我諸下法合有二十句前十二句攝成

自利德

會三

十三

普攝一切所有趣生悉於其中現受生故普
攝一切諸衆生界具足普賢菩薩行故普攝
一切諸惑習氣悉以方便令清淨故普攝一
切衆生諸根無量差別成了知故普攝一切
衆生解欲令離雜染得清淨故普攝一切化
衆生行隨其所應爲現身故普攝一切應衆
生道悉入一切衆生界故普攝一切如來智
性護持一切諸佛教故
後八成利他並顯可知

佛子菩薩摩訶薩以諸善根如是迴向時用
無所得而爲方便

第二佛子至以諸善根下實際迴向中二
初總標二不於下別顯今初用無所得爲
方便者略有二義一以無所得導前隨相
則涉有不迷於空爲入有之方便二假無
得以入有不存無得即此無得亦是方便
此爲入空之方便也今文正用前意義兼
於後欲顯隨相離相無前後故然略云無
得準大般若亦以無生無滅無住等皆爲
涉有之方便也此爲入空之方便者真空
相等者釋上正用前意也欲將離相無得
導前隨相之有故言義兼於後者前意是
結前此意是生後亦不住於離相故準大
般若下例釋無得爲方便如清淨歷一切
法則以清淨爲方便也若云無生即云行
般若波羅蜜時知一切法無生所謂色無
生受想行識無生眼耳鼻舌身意無
生等今此猶是略舉能入方便廣更有多

故復有等言等取無依無作清淨不增不減不垢不淨不可取不可見不可動不可壞等

不於業中分別報不於報中分別業

二別顯中三初正顯觀心一菩薩如是了達下明觀成之相三菩薩如是觀一切下

明觀成益初中十句義有四節初一會事

歸理謂事法既虛相無不盡理無不現故

業果皆空業空故無體可能招報況謂因

中而有果耶報空故無體可以酬因况謂

果中而有因耶若約觀心名會用歸寂

空業

下見顯此有二意一正以緣生即空破權

酬因二兼破外道因中有果等彼計因中

有果者如乳是酪因乳中有酪成酪之後

約法理通境及智今約觀心但一非即

名為寂亦無心於事理方稱爲寂不失

雖無分別而普入法界雖無所作而恒住善

金三

十四

根雖無所起而勤修勝法不信諸法而能深入不有於法而悉知見

次五句明理不礙事約心則寂不礙用於

中初句理無能所分別而不礙有能入之

智所入法界次句無作而造作次句無起

而修起次句無能所信而能即事入玄此

與初句但事理之異大般若云若信一切

法則不信一切法以不信一切法名信一

切法此約不信是真信今約不信不礙信

末句不有能所見而不礙能所見

此與初句者初

句約理無入而入今約事上無能入以諸

法即事而能深入故云即事入玄大般若

下引此文者揀義不同謂般若意却是即

用而寂同上須彌山頂偈云無見即是見

能見一切法於法若有見是則無所見此

偈則先正後反大般若則先反後正今此

中意明理不礙事故意別也末句不有能

所見者以文言不有於法通能所見也

何以得知法是能所見以下句云悉

知見故即同金剛如來悉知悉見

若作不作皆不可得知諸法性恒不自在

三有二句事理雙絕約心則止觀兩亡初

句正釋作事也不作理也待對假言故皆

不可得下句釋成法從緣起不能不生諸

緣離散不能不滅從緣生滅不能不有緣

生無性不能不空故諸法性無暫自在何

有性相而可得耶待對者出絕事理之意

待理說事如因長有短短不可得等二云

假言者諸法寂滅本絕名言今云事理皆

假名耳故皆雙絕上是疏
雖悉見諸法而無所見普知一切而無所知

四有二句明事理無礙約心則寂照雙流

良以事虛攬理無不理之事理實應緣無

不事之理所以寂而常照照而常寂故終

日知見而無知見也良以事虛下出事理

十門中相即門是三義
中無礙義也廣如上說上四句初則會有

歸空有未曾損次依空立有有未始存次

空有兩亡無隱無顯後空有無礙存沒同

時四句鎔融方名離相實際觀也上四句

前四言有未曾損者法即是有相虛故無隱無

顯者有存則空隱空存則有隱今由兩亡

故非隱顯存沒同時者空不礙有故存有

不礙空故沒然隱顯皆就理明存沒並約

唯離於隨相亦離離相

真無礙也真實際也
菩薩如是了達境界知一切法因緣為本見

於一切諸佛法身至一切法離染實際解了

世間皆如變化明達衆生唯是一法無有二

性不捨業境善巧方便於有為界示無為法

而不滅壞有為之相於無為界示有為法而

不分別無為之相

二觀成之相然此段文更有二意一前是

即觀之止後明即止之觀前雖云知意明

無知二以後段釋成前文由知因緣等故
不於業中分別報等雖有此二觀成相顯
於中分二初句結前生後由依如前了達
心境故能成下如是知見後知一切下正
顯其相文有八句初總餘別總中由上觀
故能知因緣何等因緣謂一切法若漏無
漏爲無爲等皆以因緣而爲其本云何爲
本謂因緣故有因緣故空因緣故不有因
緣故不空因緣故流轉因緣故還滅乃至
一切皆由因緣故中論云未曾有一法不
從因緣生有爲緣生無爲緣顯因有有爲
則有無爲又形奪相盡是真無爲因緣故有者然
通相說總有四義一緣生故有二無性故
空三緣生故空四無性故有今但取因緣
二句謂法從緣生安得言無二從緣無性
故名爲空上二即空有二門從因緣故不
有者即明中道亦從因緣謂既從緣有有
即不有既從緣空空即不空合前二句即

亦空亦有四門之理皆從因緣十七緣故流
轉下辨生死涅槃亦皆因緣乃至一切下
結例上明義略舉綱要耳故中論云下
引證皆從因緣然此偈前有一偈云因緣
所生法我說即空亦爲是假名亦是中
道義未曾有一法不從因緣生是故一切
法無不是空者前偈亦得證前四句成三
觀義而後偈釋前偈故但引之而論略結
云是故一切法無不是空者亦合云未曾
有一法不從因緣生是故一切法無不是
假者又是故一切法無不是中者今此但
取一切法從緣之義耳有爲緣生下通妨
妨云涅槃云我觀諸行悉皆無常云何知
耶以因緣故若一切法從緣生者則如無
常是諸外道無有一法不從緣生是故無
常虛空如來佛性不從緣生是故名常則
無爲非因緣何言爲無爲法皆從因緣故
今答云從緣有二一從緣生有無常義二
約緣顯何得非緣故說佛性了因所了豈
非因緣此是一義因有有爲下相待門釋
待於有爲即從緣義後云又形奪相盡下
者要待形奪相盡故真無爲亦是從緣
別有七句釋成上義由觀因緣得見佛等
是故因緣爲諸法本一見法身因緣無住
無住之本即是法身經云佛以法爲身故
中論云若見因緣法則爲能見佛二見法

實際因緣性雖為法實故三無性緣生故
如化似有四理外無事故唯一法皆如來
藏事事皆虛故無二性尚無有二何況有
五五緣性無礙故於業境皆得善巧以業
攝報境必對心則內外因果皆善巧也六
即事顯理而不壞事故云於有為等七即
理成事而不隱理故云於無為等若滅壞
有為則失有為本空若分別無為即壞無
為之性是以若約相即為即無為無可滅
壞無為即為亦無可分別若約無礙則事
能顯理而非理理能成事而非事事理相
即性相歷然故為無為體非一異示謂顯
示有為界分無為界性故中論云者上偈及此皆四諦品下
句云見苦集滅道亦可證第一句尚無有
二等者結攝五性以業攝報等者以經但
云業境今業攝報故有因果境必對心故
有內外六即事等者有為事也無為理也

事能顯理故云於有為界示無為法事即
是理故不壞事故壞於事成斷滅故下句
反此可知若滅壞下反成上二是一相約
相即下結成正義於中略有三門一相即
門二約無礙下即相成門又云而非理而
非事即不相是門即是事理無礙十門中
六門一真理即事門二事法即理門三依
理成事門四事能顯理門五具理非事門
六事法非理門七又前有形奪相盡即真
理奪事門八事能隱理門通辦無礙即事
編於理理偏於事八門非真非一異示謂
非一故疏結云為與無為體非一異示謂
顯示下隨

難別釋

菩薩如是觀一切法畢竟寂滅成就一切清
淨善根而起救護眾生之心智慧明達一切
法海常樂修行離愚癡法已具成就出世功
德不更修學世間之法得淨智眼離諸癡翳
以善方便修迴向道

三觀成之益文顯可知

佛子菩薩摩訶薩以諸善根如是迴向稱可
一切諸佛之心嚴淨一切諸佛國土教化成

就一切衆生具足受持一切佛法作一切衆生最上福田爲一切商人智慧導師作一切世間清淨日輪一一善根充徧法界悉能救護一切衆生皆令清淨具足功德佛子菩薩摩訶薩如是迴向時能護持一切佛種能成

會

十九

熟一切衆生能嚴淨一切國土能不壞一切諸業能了知一切諸法能等觀諸法無二能徧徃十方世界能了達離欲實際能成就清淨信解能具足明利諸根

第三佛子至稱可下結歎成益上來近明

離相之益今則通辨一迴向益文中二先明自分二利益初句上稱佛心餘句自成二利二佛子下勝進二利益文兼體用並顯可知

佛子是爲菩薩摩訶薩第四至一切處迴向

菩薩摩訶薩住此迴向時得至一切處身業普能應現一切世界故得至一切處語業於一切世界中演說法故得至一切處意業受持一切佛所說法故得至一切處神足通隨衆生心悉徃應故得至一切處隨證智普能了達一切法故得至一切處總持辯才隨衆生心令歡喜故得至一切處入法界於一毛孔中普入一切世界故得至一切處徧入身於一衆生身普入一切衆生身故得至一切處普見劫一一劫中常見一切諸如來故得至一切處普見念一一念中一切諸佛悉現前故佛子菩薩摩訶薩得至一切處迴向能以善根如是迴向

第二大段菩薩下位果中三初勝得時二得至下正顯所得文有十句初三三業體

徧次三三業用徧後四願用自在三佛子

下總結

爾時金剛幢菩薩承佛威力普觀十方而說
頌言

內外一切諸世間菩薩悉皆無所著不捨饒

益衆生業大士修行如是智

十一

二十

第二重頌有十一偈分三初七頌迴向衆
生及菩提次三偈半頌迴向實際後半頌
成益前中二初一偈頌前略明至一切處
但頌法說所修善根

十方所有諸國土一切無依無所住

後六頌前廣明於中初半偈通頌前所至
處

不取活命等衆法亦不妄起諸分別普攝十
方世界中一切衆生無有餘觀其體性無所

有至一切處善迴向

次一偈半頌前迴向衆生

普攝有爲無爲法不於其中起妄念如於世
間法亦然照世燈明如是覺

菩薩所修諸業行上中下品各差別悉以善

根迴向彼十方一切諸如來

菩薩迴向到彼岸隨如來學悉成就恒以妙
智善思惟具足人中最勝法

清淨善根普迴向利益群迷恒不捨悉令一
切諸衆生得成無上照世燈

十一

十二

後四頌前普攝迴向餘可知

未曾分別取衆生亦不妄想諸法雖於世
間無染著亦復不捨諸含識

菩薩常樂寂滅法隨順得至涅槃境亦不捨
離衆生道獲如是等微妙智

菩薩未曾分別業亦不取著諸果報一切世
間從緣生不離因緣見諸法深入如是諸境
界不於其中起分別

一切衆生調御師於此明了善迴向

大方廣佛華嚴經疏鈔會本第二十四之二

音釋

穢於廢切躁躁則到切競競渠敬切
汗穢也 躁競謂急噪爭競也

大方廣佛華嚴經疏鈔會本第二十五之一 會三

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何爲菩薩摩訶薩無盡功德藏迴向

第五無盡功德藏迴向長行中亦二先明

位行中亦三今初牒名徵起由緣無盡境

行迴向故成無盡善根功德之行得十無

盡藏之果從能迴及果行受名或無盡功

德之藏或即藏通二釋以迴向望行迴向

爲能藏無盡功德是所藏以因望果亦然

並有財釋本業云常以三寶授與前人故

名無盡功德藏此義亦通所迴善根即以

五門善根迴向而爲其性

第二依徵廣釋中三初明所迴善根二明

迴向之行三結行成德今初文有八句初

三可知四聞法修證屬於勸請以對佛親

請必聞法故後四皆隨喜然依離垢慧所

問禮佛法經總有八重一供養佛二讚佛

德三禮佛餘即五悔或合禮讚或略供養

或但爲五以發願迴向但總別之異如十

住婆沙今文依此迴向在於下文故此有

四或但爲三故智論云菩薩晝夜三時各

行三事謂懺悔勸請隨喜行此三事功德

無量轉近得佛若依善戒經但有二事謂

懺悔迴向皆隨時廣略初三可知者即經

禮敬三勸請四隨喜五迴向迴向在後然

昔有別章六門分別一說多少二釋名三

出體四釋相五明益六問答今並具之但

略出體總分爲三初明開合餘彼多少二

釋文即釋名辨和三料揀舍餘別門今初

初爲八行然依離垢等者唯一卷經大旨

如常可知二或合禮讚即七禮讚俱

是所依懺主故三或略供養即但爲六供

養亦屬佛故四或但爲五以迴向發願但

總別之異者二俱是願迴向是總發願是

別別發願故如十付毗婆沙者即第三初明至第四方懺悔即今晨朝前四悔是第五發願即涅槃經闍王發願後人安之五論第七也七若依善戒即合為二以禮讚是懺所依依人德故迴向攝願亦攝隨善勸請故結云隨時廣略又隨時者看臨其時應用廣略然晝夜三時不宜開也

佛子此菩薩摩訶薩以懺除一切諸業重障

會三

二

所起善根

然懺名陳露先罪悔名改往修來除惡業障故須懺也然懺有二種若犯遮罪先當依教作法悔之若犯性罪應須起行此復二種一事行如方等經及禮佛名等二依

理觀謂觀諸法空如淨名說當直除滅勿擾其心等若依普賢觀及下隨好品皆具

事理無礙之懺至下廣明

然懺名下第二釋文即釋名辨

相四事即為四段今初釋懺悔先釋名懺懺二字古有二釋今疏即天台釋亦通漢梵一者今釋即半梵半漢懺者梵云懺廣此云請忍悔即此方體是惡作厭先過失

求請三寶忍受悔過單云悔者非是六釋合二即是依主除惡業者此辨懺益亦懺意也然懺有二下即辨相也如方等者經中令先嚴淨道場香泥塗地及室內外作圓壇彩畫懸五色幡燒海岸香然燈數高座請二十四尊像多亦無妨設鋪鋪盡心力須新淨衣鞋履無新洗故出入脫著令無參雜七日長齋日三時洗浴初日供養僧隨意多少別請一明了內外律者為師受二十四戒及陀羅尼呪對師說罪要月八日十五日當以七日為一期此不可減若能更進隨意堪任十人已還不得出此俗人亦得須辦單經三衣備佛法式旋連一百二十布却却生思惟等廣如經說佛名經常所見聞如淨名即優波離章波離白佛憶念昔時有言二比丘犯律行以為恥不敢問佛來謂我言我等犯律誠以為恥不敢問佛願解疑悔得免斯咎我即為其如法解說此二比丘罪當直除滅勿擾其心無重增此二比丘罪當直除滅勿擾其心彼罪性不在內不在外不在中問如佛心垢故眾生在垢心淨故眾生在淨心亦不在外不在中問如佛心法亦然不在中問如佛心淨亦然不在中問如佛心脫時寧有垢不我言不也維摩詰言一切眾生心相無垢亦復如是唯優波離妄想是垢無妄想是淨取我是淨顛倒是垢不顛倒是淨一切法亦如是如夢如幻如水中月如鏡中像以妄想生其知此者是名善解等

即一向理觀以何事也若普賢觀者初今
晝夜六時對十方佛普賢菩薩徧觀六根
即事懺也復令觀心令此空慧與心相應
即是理懺如前釋毗盧遮那已引經竟今
時常用一切業障海皆從妄想生等即彼
經後總偈皆事理雙明隨好品意至下當
知

禮敬三世一切諸佛所起善根

言禮敬者除我慢障起信敬善故勒那三
藏說七種禮今加後三以成圓十一我慢
禮謂依次位立無敬心故二唱和禮高聲
喧雜故此二非儀三恭敬禮五輪著地捧
足殷重故四無相禮入深法性離能所故
五起用禮雖無能所而禮不可禮之三寶
一一佛前皆影現故六內觀禮但禮身中
法身佛故七實相禮無內無外同一實故
八大悲禮前雖有觀未顯為生今一一禮
普代衆生故九總攝禮總攝前六為一觀

故十無盡禮入帝網境若佛若禮重重無

盡故

言禮敬者此勝第二行經文除我慢

敬今據我慢山即是除惡起信敬善即是
成德三皆行益故勒那下即辨相也前七
是三藏意後三疏以義加略無釋名以易
知故然三恭敬禮云五輪著地者離垢慧
經云一一發願初總願云代今五輪於佛
作禮為斷五道離於五蓋願諸衆生常得
安住不壞五通具足五願願我右膝著地
之時令諸衆生得正覺道願我左膝著地
之時令諸衆生於外道法不起邪見悉得
安立正覺道中願我右手著地之時猶如
世尊坐金剛座右手指地震動現瑞證大
菩提我今亦爾共諸衆生同證覺道願我
左手著地之時令諸衆生離諸外道難調
伏者以四攝法而攝取之令入正道願我
首頂著地之時令諸衆生離憍慢
心悉得成就無見頂相餘義可思

勸請一切諸佛說法所起善根聞佛說法精

勤修習悟不思議廣大境界所起善根

言勸請者名為祈求除謗法障起慈善根

故聲聞自度但懺已罪菩薩愍衆故須勸

請但勸如來普雨法雨則自必霑洽此文

略云勸佛說法智論復加請佛住世占察經中亦請菩薩速成正覺次句因聞法故起悟入善言修習者瑜伽八十三云修者了相作意習者勝解作意故又修者於所知事而發趣故習者無間殷重修加行故

言勸請者此牒第三行也下疏解釋除謗法下生明成蓋聲聞自度下來意智論復加者如十住毗婆沙亦請住世云十方一切佛現在成道者我請轉法輪安樂諸衆生十方一切佛若欲捨壽命我今頭面禮勸請令久住占察經者經具五懺悔勸請云唯願十方一切菩薩未成正覺者願速成正覺已成正覺者願常住世轉正法輪不入涅槃釋曰即具三也次句因聞下印經自辯勸請成益了相作意等即七作意

義如三
地釋

於去來今一切諸佛一切衆生所有善根皆生隨喜所起善根去來今世一切諸佛善根無盡諸菩薩衆精勤修習所得善根三世諸佛成等正覺轉正法輪調伏衆生菩薩悉知

發隨喜心所生善根三世諸佛從初發心修菩薩行成最正覺乃至示現入般涅槃般涅槃已正法住世乃至滅盡於如是等皆生隨喜所有善根

言隨喜者爲慶悅彼故除嫉妬障起平等

善然十住智論皆有三位一諸佛善二二

乘善三人天善今文四句初一總明具於

三善二乘正是所訶故不別舉而含在一

切衆生之中次三句別其第二句別明三

善結一隨喜後一隨喜諸佛因果

言隨喜者此明

第四行也爲慶下先釋行名然十住下三辯相然智論多同十住婆沙論云所有布施福持戒修禪定從身口意生去來今所有習學三乘人具足一乘者一切凡夫福皆隨而歡喜釋曰其大品隨喜品明大千海水一毛破爲百分滴取海水可知其數隨喜之福不可知數法華展轉第五十人

尚難校量況初隨喜此據隨喜如來權實

功德其福更多大品隨喜下重示隨喜成

品即第十七法華展轉即第六經隨喜功

德品第十八爾時彌勒菩薩白佛言世尊

若有聞是法華經隨喜者為得幾所福經

答文廣今當略引謂有人於會中聞是法

華經隨喜已從法會出至於餘處轉為人

說是第二人聞已復轉為第三人說如是

展轉至第五十共第五十善男子善女人

所得功德今當說之若四百萬億阿僧祇

世界六趣四生充滿其中有人求福一

衆生與滿閻浮金銀瑠璃寶珠七寶樓閣

瓊珀乃至象馬車乘奴婢人民七寶樓閣

等比第五十人聞法華經隨喜功德百分

不及一乃至算數譬喻所不能知下結云

何況最初於會中聞而隨喜者釋曰此顯

功德多此據等者疏出得多所以大品但

通明隨喜之福今就所隨喜中分共勝劣

勝境隨喜其福更多言權實功德者即是
法華經故經云此法華經開方便門顯
真實相續如來智慧甚深無量其智慧
門難解難入如來一佛乘分別說三從
後要當說真實實也佛以方便力示以
乘教權也故二十八品三周之文但顯
來權實知見昔人云此華不有則已
華實雙含此經不說則已說則權實
明知法華不出權實功德耳既窮終極

難信難解今能隨喜故德難量最初聞人

近復六根清淨遠則速成佛果故云其福

多然佛是除罪勝緣故與懺悔前後無在

既淨身器次希法雨復攝他同已迴向三

處不墮三界及與二乘然禮等五果通得

菩提別則懺得依正具足禮則尊貴身器

具足勸請得慧隨喜得大眷屬并大財福

迴向離邪常遇佛世常能修行約教不同

可以思準然佛是下第三科揀於中由有

二辨果報約教下三約教揀定言可思者

如前禮佛十重初二非儀令其知非故顯

之耳三通權小四始教順空義故五足

終教通事理故六七顯教但禮心佛無禮

禮故八通終教同教一乘故後三合成圓

教八是能禮一具一切故九融深淺事隨

理融事無礙故而言攝前六者二非儀

故十重直無量故下經云一毛孔中悉明

見不思議數無量佛一切毛孔皆如是普

禮一切世間燈舉身次第恭敬禮如是無
邊諸最勝亦以言辭普稱讚窮盡未來一
切功一如來所供養具其數無量等衆生
又普賢行云於一微塵中見一切諸佛菩
薩衆圍繞法界塵亦然一一如來所一切

所建立顯辯大宮殿中論曰此顯如來住處圓滿謂佛淨土由十八圓滿淨事故說各圓滿次列十八圓滿竟下結云如是十八圓滿所莊嚴宮殿名佛淨土佛住如是大宮殿中說此契經釋曰下隨說釋依今經次釋義即彼論廣文

如過去世無邊際劫一切世界一切如來所行之處所謂無量無數佛世界種種佛智所知

菩薩所識大心所受莊嚴佛刹

二如過去世下別顯嚴相於中亦二先舉三世土嚴二願成彼嚴令初亦二先別明二總結前中三世即爲三別謂過未現在而爲其次今初分二先總明後別顯今初先舉時辨處次所謂下總標世界種者即方處間列如初會說無量者無分量故無數者數多故佛智所知者淨識所現唯佛窮故菩薩所識者登地分見故大心所受者地前能受故莊嚴佛刹者即正顯示此雖

義當形色意是總該今初下於總中數多者佛所莊嚴廣大刹等於一切微塵數故其中已有圓滿之相如方處間列即方處圓滿無分量即分量圓滿淨識所現者謂願耶淨識現自受用土第七淨識現他受用土餘五淨識現變化土唯佛窮者八識轉智唯佛窮故登地分見見他受用故雖含有別意皆是總

清淨業行所流所引應衆生起如來神力之

所示現諸佛出世淨業所成普賢菩薩妙行所興

二清淨下別明有二圓滿初辨因圓滿謂出過三界淨土亦有出過之因然上世界成就品中起具因緣總有十種生佛兼說

有淨穢故今此唯五欲同佛淨故略衆生九

初辨圓滿初句亦總亦別總明三土之因皆無漏業故云清淨自受用土淨行所流萬行生故他受用土及變化土淨業所引隨業現故別則唯約受用因緣所流增上

緣所引故佛地論云如來藏識中無漏善
根爲因而生有義但是增上緣生以外法
故有義亦是因緣而生親能生故若不爾
者應無因緣外法相望非因緣故意以後
義爲正言亦是者通二緣故有云感報淨
土以四塵種子而爲正因親感土故六度
萬行而爲緣因助成土故或以自利後得
而爲緣因依此經宗以一切波羅蜜行隨
其所應依正二果互爲二因互相資辨以
皆是法性相應善根成故常融常別餘如
世界成就品下四唯別初二變化土因初
句約爲緣義後句約爲因義次句是自受
用因故云出世淨業後句義兼自他受用
土因登地已上皆修普賢之妙行故又此
妙行即圓融因融上諸土無障礙故

初句亦總

下別別有五句初句亦總亦別即清淨業
行所流他行亦總下中自利行業親招爲
所隨業現故此業即是所化者業以菩薩
衆生之業爲因親感他受用變化之土如
來利他之業爲增上緣隨他衆生之業成故
云引也泉能成池名爲所流鑿池引水水
名所引正同前世界品引生公義行致淨
約下釋上亦別之造於土者衆生類矣則唯
緣親生曰流增上緣疎爲引故佛地論下
二成立二因之義此有三義一唯立因緣
此已合二法一如來識二無漏善合二爲
際亦同多聞熏習與阿賴耶中解性合之
爲因也然引論猶略若具應云謂大宮殿
用出世間無分別智後得智善根爲因而
得生起非是無因非大自在等而爲其因
乃至云此用本來無分別智後得無漏善
法種子三無數劫修令增廣爲此淨土變
現生因此佛淨土如來識中無漏善根爲
因而生則具修生本有二法合爲因緣二
云有義下出所以云以外法故謂以識生
識可是因緣外生淨土那是因緣外土即
爲增上果故是增上緣三云有義下雙立
非謂但取因緣亦取增上亦取因緣故云
親能生故出因緣義若不下反難成立一
切外法皆因內法熏習爲因明有因緣故
云不爾應無因緣無則非理外法相望故
正成上義第二師義難第一師汝已外法
故唯增上緣外法則不得立於因緣今謂

外假內熏明有因緣若爾內熏其外既非
自類何名因緣緣境全變即八識相分亦
不離心亦因緣矣意以後義為正四疏家
斷取也兼顯是通二義有云感報下出二
因體四塵種子全在識中即八識中相分
種也或以自利後得者上言六度萬行則
通二利此依唯識別義以利他後得為他
受用變化土緣故用自利後得為自受用
土緣也依此經宗下正於前文唯取自利
為自受用緣故二利之行同取他受用上
以皆下出互通所以故指如世界
品問明品中亦已明餘可思準

一切諸佛於中成道示現種種自在神力

二一切下事業圓滿自能現作一切有情

一切義利故如來雖即是主意取義利能

現作者即佛地論文但略其要具足論云
如其淨土住持圓滿作何事業烟作諸眾
生一切義利顯教總謂於此中能現作一
切有情一切義利或一切有情自作義利
等然十八圓滿皆初假問生起次引經答
三以論釋文皆約官殿上明今之所明乃
通說耳以問易知故並不出

盡未來際所有如來應正等覺徧法界住當
成佛道當得一切清淨莊嚴功德佛土

會三

十一

第二盡未來下舉未來土嚴文中二初總標

盡法界虛空界無邊無際無斷無盡

二盡法界下別顯有九圓滿文分為五一

分量圓滿此通二土謂約自受用從初得

佛盡未來際相續無變橫周法界故無邊

際約他受用為於地上隨宜而現勝劣大

小改變不定但地前不測言無邊際登地

常見亦無斷盡此文兼明方所圓滿以方

所有二一自受用周徧法界於三界處不

即不離故二他受用處下文當辨從初得

識文然論云相續變為絕淨佛土今無變
字乃是義釋謂雖復相續變化不同他受
用土前後改轉故不云變橫周法界者即
唯識論前所引論後云周圓無際佛地經
中同佛地論又云無際者謂無長短等分
齊相難測故下說他受用並如世界品

皆從如來智慧所生

二皆從如來智慧生者即果圓滿自受用

土圓鏡智生他受用土平等智生

即果下引鏡智

等即世界品佛地論云以佛自在淨識為相

無量妙寶之所莊嚴所謂一切香莊嚴一切

華莊嚴一切衣莊嚴一切功德藏莊嚴一切

諸佛力莊嚴一切佛國土莊嚴

三無量下依持圓滿故佛地經云無量功

德眾所莊嚴大寶華王是為依持

佛地經下三會

佛地經然彼論先問起云如是淨土門既圓滿如餘宮殿應有所依故次須說依持所處主歸姓今疏引經云為所依持者以

先問後不引釋故但結歸名今文中先總標妙寶所謂

下別列初三事嚴中有蓮華次二德嚴初

即無量功德佛力即是能持後一即是所

持之國佛地唯據於事但云蓮華今通事

理故云佛力功德莊嚴亦通事理

後會彼論於中

二先出論意以論廣釋但約華故論云謂如地等依風輪等或如世間宮殿依地如是淨土無量功德眾善所嚴大寶紅蓮華王眾所建立即紅蓮華大寶所成如是大寶無量功德眾善所起於眾寶中勝故名大此寶紅蓮華於諸華中最為殊勝故名華王或此寶華望諸菩薩善根所起紅蓮華最勝故名為王又此寶華極難得故名為大寶華中最勝故名華王又此大華非一或華藥多故名為眾釋曰此即唯據事也以將功德莊嚴屬佛故若將無量功德通理則佛地亦有佛力任持故疏云功德亦通事理

如來所都

四明主圓滿

如來所都者全同佛地經論釋曰謂大官殿諸佛世尊為

主非餘以殊勝故唯屬世尊或唯屬世尊位持攝受非餘所能故

不可思議同行宿緣諸清淨眾於中止住未

來世中當成正覺一切諸佛之所成就非世

所觀菩薩淨眼乃能照見此諸菩薩具大威

德宿植善根知一切法如幻如化普行菩薩

諸清淨業入不思議自在三昧善巧方便能

作佛事放佛光明普照世間無有限極

五不可思下輔翼圓滿復兼四種文中分

二初總顯則兼眷屬圓滿眷屬謂人天八

部然皆菩薩化作示淨土不空故今但云

諸清淨眾則兼之矣輔翼圓滿佛地論云

會三

十三

應有輔翼主必攝受輔翼者故彼經云諸大菩薩眾所雲集論云謂大宮殿有無數大菩薩僧所共雲集諸來朝者名為輔翼既有如是菩薩僧常來輔翼故無怨敵能為違害諸聲聞等無如是事眷屬圓滿佛地經云無量天龍人非人等常所翼從今文無此故以諸眾攝之然皆菩薩化作示淨土不空即彼論釋妨云云何淨土超過三界所行之處而有天等以為眷屬天等皆是三界攝故答云淨土如是攝受變現為嚴淨土故不相違礙也或為成熟所化有情示現如是變化種種類即阿彌陀經云是諸眾鳥皆是阿彌陀佛欲令法音宣流變化所作論云或諸菩薩化作無量天龍等身住淨土中供養佛故釋也或自化身為天龍等翼從如來是故無過釋也四義皆後未來下別顯勝德兼三圓

滿初明方所圓滿佛地經云超過三界所

行之處今云一切諸佛之所成就通於自

他受用非世所觀即是超過菩薩能見是

他受用受用方所或說淨居或說西方等

是初明方所圓滿此即標名論云如是淨土分量圓滿為同三界為不爾耶則起

過三界所行之處終論釋云謂大宮殿處所方域超過三界所行之處非如三界自

地法愛執為已有所緣相應二縛隨增是

彼異熟及增上果如是淨土非三界愛所

執受故離天縛故非彼異熟增上果故如

涅槃等超過三界異熟果地乃至云如是

淨土為與三界同一處所為各別耶則有

義別有處說在淨居天亦有處說在西方

等有義同處淨土周圍無際徧法界故如

實義者實受用土周圍法界無處不有

可說言離三界處亦不可說即三界處若

隨菩薩所宜現諸或有在色界淨居天上

或西方等處所不定釋曰今二此諸菩薩

具大威下皆門圓滿以三三昧為所入門

此中初句顯門之因知一切下是空門相

行菩薩業是無相門相善巧方便下是無

作門相入不思議三昧通該前後以三三昧者即

義引也彼經云大空無相無願解脫為所
入門故疏以下經配三門相三昧通該前
後者該前明空等為不思議三昧又此淨
昧故該後以三昧等為攝益故
業即攝益圓滿以離煩惱纏垢等為攝益
故名為清淨三又此淨業下辨攝益相彼
論云謂於此中遠離一切煩惱纏垢及諸
災橫即諸煩惱名為纏垢如是即名諸災
橫因煩惱纏垢此中無故所作災橫此中
亦無釋曰離此煩惱等即名攝益又現證
得解脫煩惱災橫纏垢殊勝福智故
名攝益故疏指上淨業名為攝益

大方廣佛華嚴經疏鈔會本第二十五之一

音釋

楯食尹切 餽膳饋何交切 膳戰切 具食也

大方廣佛華嚴經疏鈔會本第二十五之二 會四

唐于闐國三藏沙門實叉難陀 譯

唐清涼山大華嚴寺沙門澄觀撰述

現在一切諸佛世尊悉亦如是莊嚴世界無量形相無量光色悉是功德之所成就無量

會

香無量寶無量樹無數莊嚴無數宮殿無數

音聲隨順宿緣諸善知識示現一切功德莊嚴無有窮盡所謂一切香莊嚴一切鬘莊嚴

一切末香莊嚴一切寶莊嚴一切幡莊嚴一切寶繒綵莊嚴一切寶欄楯莊嚴阿僧祇金

網莊嚴阿僧祇河莊嚴阿僧祇雲雨莊嚴阿僧祇音樂奏微妙音

第三現在下舉現在嚴中亦二初總標類

同過未云亦如是二無量下別顯有三圓

滿一者形相即形色圓滿

無量形相者彼論雙問云如是

淨土顯色圓滿形相云何引經答形色云無量方所妙色間列論釋云謂大宮殿妙所間列言無量方所或大宮殿無量妙方慧為光安布為飾是故說名妙飾二無量間列釋曰無量相貌間列即形色二無量光色即顯色圓滿悉是已下總以因結無光色者彼經云最勝光曜七寶莊嚴故最勝光明普照一切無遠世間論釋云謂大官殿用最勝光曜七寶莊嚴或寶嚴故最勝光曜於此所重且言七寶其實淨土無量妙寶綺飾莊嚴非世所識故經云無量光色又論釋放大光明等云謂大宮殿放大光明普照一切無邊世界或大宮殿其體周徧無邊世界故放大光普照一切釋曰彼經有其二句今經云無量光色則已攝二無量光者是彼放無邊光句無量色者即初最勝三無量香下住處圓滿於中有光曜等

三初總明住處次隨順下別顯處因即他受用因故云示現後所謂下廣顯處嚴以超過一切菩薩及餘住處名處圓滿住處彼經云過諸莊嚴如來莊嚴之所依處論釋云謂於此中佛所住處勝過一切菩薩及餘莊嚴住處唯是如來妙飾莊嚴為所住處由勝彼一切莊嚴住處是故說名住

處圓滿以超過一切菩薩下即
彼論文經顯處嚴在文極顯

如是等無量無數莊嚴之具莊嚴一切盡法
界虛空界十方無量種種業起佛所了知佛
所宣說一切世界其中所有一切佛土所謂
莊嚴佛土清淨佛土平等佛土妙好佛土威

德佛土廣大佛土安樂佛土不可壞佛土無
盡佛土無量佛土無動佛土無畏佛土光明
佛土無違逆佛土可愛樂佛土普照明佛土
嚴好佛土精麗佛土妙巧佛土第一佛土勝
佛土殊勝佛土最勝佛土極勝佛土上佛土
無上佛土無等佛土無比佛土無譬喻佛土

第二如是等下總結三世嚴具及土於中
二初總結能所最後所謂下別顯所嚴有
二十九種隨體德用立名不同亦可并前
總標通結上來十八圓滿隨勝立土如理

應思亦可并前等者上來過去有二未來

有五事業分佛菩薩遠即重出除重十八

云何攝耶今總標文為主圓滿以言佛土

故別中二十九句有十七圓滿一莊嚴二

清淨三為因圓滿佛地經云超出世間善根

所生今以清淨故為出世以其莊嚴為所

起嚴萬善嚴故三四事業平等妙好故五

即是路大念慈行為威德故六七住處廣

大安樂八即輔翼同壞九眷屬無盡十分

量無量十一依持不動十二無長名同十

三顯色光明十四無違十五可愛皆攝益

圓滿無煩惱災橫之遠故可愛也十六照

明十七嚴好皆果最極清淨為其相故十

八精麗十九妙巧二十第一皆依持無量

功德眾所莊嚴大寶華王眾所建立故二

十一二三四皆門圓滿三解脫門為最勝

等故二五五六皆乘大止妙觀為無上等

二十七無等二十八無比二十九無譬喻

皆方所以偏法界性不並真無比對故經

旨多含畧為此配未必要
爾故疏畧示今如理思

如是過去未來現在一切佛土所有莊嚴菩
薩摩訶薩以已善根發心迴向願以如是去
來現在一切諸佛所有國土清淨莊嚴悉以
莊嚴於一世界如彼一切諸佛國土所有莊

嚴皆悉成就皆悉清淨皆悉聚集皆悉顯現
皆悉嚴好皆悉住持

第二如是過去下願成彼嚴於中二先嚴
一界

如一世界如是盡法界虛空界一切世界悉
亦如是三世一切諸佛國土種種莊嚴皆悉
具足

後如一世界下例嚴普周顯嚴分齊今法
界土皆具三世一切莊嚴既一佛土即具
無盡莊嚴則一嚴一切嚴亦顯一圓滿即

一切圓滿重重無盡方是華嚴淨土圓滿
佛子菩薩摩訶薩復以善根如是迴向願我
所修一切佛刹諸大菩薩皆悉充滿

第二佛子菩薩至復以善根下人寶爲嚴
同十大願中第七願也亦即是前輔翼圓

滿文中三初總願所成二共諸下別顯願
相三願令如是下結以嚴刹

其諸菩薩體性真實智慧通達

二中文二先願德齊後願業廣前中亦二
先正顯德後結德嚴土前中有二十句初

二總明體實智圓

善能分別一切世界及衆生界深入法界及
虛空界捨離愚癡成就念佛念法真實不可
思議念僧無量普皆周徧亦念於捨法日圓
滿智光普照見無所礙從無得生生諸佛法

爲衆勝上善根之主發生無上菩提之心住
如來力趣薩婆若破諸魔業淨衆生界

後善能下十八句別顯於中先明智慧後
深入下明體實今初即路圓滿大念慧行
爲所游路路即道之異名

大念慧行爲所
遊路即佛地經

文言路即道之異名者是彼論釋彼論具云謂此中大念大慧及以大行為所遊履故名遊路是道異名聞所成慧名為大念聞已記持無離義故思所成慧名為大慧依理審思得決定故修所成慧名為大行由修習力緣真理故大者念等緣大乘法而生起故彼所攝故領三妙慧淨土往還故名遊路此說菩薩因三妙慧得入淨土故名文中初明大慧分別是權深入是實

此是慧體離癡慧業成就念下即大念也

七念之中略舉前四七念如離世間品後

法日下即是大行行即修慧故七念等者加念衆生

深入法性永離顛倒善根大願皆悉不空

後釋體實亦是行攝

如是菩薩充滿其土生如是處有如是德

二結德嚴土中初句總次生如是處指前

淨土有如是德即指向文

常作佛事得佛菩提清淨光明具法界智現

神通力一身充滿一切法界

會

五

第二常作佛事下願業廣中分四即四圓

滿初明事業圓滿上辨佛業今菩薩業上辨

佛業者佛地經但云作諸衆生一切義利論先問云如是淨土任持圓滿作何事業即引向經論云謂於此中能現作一切有情一切義利或令一切有情自作一切

義利等今經云一切諸佛於中成道故是佛業今明菩薩常作佛事故是菩薩業

得大智慧入一切智所行之境善能分別無

量無邊法界句義於一切刹皆無所著而能

普現一切佛土心如虛空無有所依而能分

別一切法界善能入出不可思議甚深三昧

二得大智下即乘圓滿大止妙觀以爲乘

故大止妙觀者即佛地經文論釋云止謂奢摩他觀謂般若大義如前大念中緣大乘故此二等運故名所乘乘

前道路止與觀隨其所應行

趣薩婆若住諸佛刹得諸佛力開示演說阿

僧祇法而無所畏

三趣薩婆下無畏圓滿內無災患外無畏

故無畏圓滿彼經云遠離衆魔論云謂以此中遠離一切煩惱蘊死及以天魔或令他人遠離四魔如是四種是怖畏因由是能生諸怖畏故此中無彼故名無畏

隨順三世諸佛善根普照一切如來法界悉能受持一切佛法知阿僧祇諸語言法善能

演出不可思議差別音聲入於無上佛自在
地普遊十方一切世界而無障礙行於無諍
無所依法無所分別修習增廣菩提之心得
善巧智善知句義能隨次第開示演說

四隨順三世下即任持圓滿論云諸佛菩

薩後得無漏能說能受大乘法味生喜樂

故文中二前明能受後知阿僧祇下能說

即任持圓滿者彼經文云廣大法味喜樂
所持踐即論釋也此文猶畧具云謂於此
中大乘法味喜樂所持食能令住住是持
義乃至云此淨土中諸佛後得無漏之智
能說能持受大乘法味生大喜樂又正體
智受真如味生大喜樂能任持身命不斷

壞故長養善法名
爲食也在文可知

願令如是諸大菩薩莊嚴其國充滿分布隨
順安住

第三結以嚴刹中初總彰人徧

熏修極熏修純淨極純淨恬然宴寂

次熏修下結行德深謂以止以觀唯智唯

悲熏修身心無有間斷名極熏修現感不

生故云純淨種習不起名極純淨恬和也

宴安也恬和安寂即照寂之相也亦一乘

也亦一乘者以大止
妙觀爲熏修故

於一佛刹隨一方所皆有如是無數無量無

邊無等不可數不可稱不可思不可量不可

說不可說不可說諸大菩薩周徧充滿如一

方所一切方所亦復如是如一佛刹盡虛空

徧法界一切佛刹悉亦如是

後於一佛刹下別示徧相兼顯數多於中
三節一刹中一方有多數量次以方例刹
後以刹例法界一方所言義兼大小準下
僧祇品於一微細毛端處則有不可說諸
普賢也言如是者如前具德也

會四

七

佛子菩薩摩訶薩以諸善根方便迴向一切
佛刹方便迴向一切菩薩方便迴向一切如
來方便迴向一切佛菩提方便迴向一切廣
大願方便迴向一切出要道方便迴向淨一
切衆生界方便迴向於一切世界常見諸佛
出興於世方便迴向常見如來壽命無量方
便迴向常見諸佛徧周法界轉無障礙不退
法輪

第二佛子至方便迴向下總攝迴向非唯
但向佛淨土故文有十句初三結前已說

後七辨所未明言出要者小乘出要唯有
四種謂進念定慧三十七品不離此故今
亦兼有大乘出要唯有三科謂四攝四等
及與十度三乘切要唯止與觀一乘切要
唯智與悲故十地皆云大悲爲首智慧增
上餘並可知

佛子菩薩摩訶薩以諸善根如是迴向時普
入一切佛國土故一切佛刹皆悉清淨普至
一切衆生界故一切菩薩皆悉清淨普願一
切諸佛國土佛出興故一切法界一切佛土
諸如來身超然出現

第二佛子至如是迴向下結行成益總收
三種世間

佛子菩薩摩訶薩以如是等無比迴向趣薩
婆若其心廣大猶如虛空無有限量入不思

議知一切業及以果報皆悉寂滅心常平等
無有邊際普能徧入一切法界

第二佛子至以如是等下離相迴向即向
實際文中二先明見實智冥實際後彰離
妄德合實際此之二段反覆相成今初初

會

句牒前迴向菩提其心已下正顯離相寂

然無涯爲入不思議即是契真故常平等

由此故能徧入若事若理無礙法界名爲

一切此之二段反覆相成者由見實故離
一切妄如見机則不見鬼由離妄故見實

若無鬼見
是見木故

佛子菩薩摩訶薩如是迴向時不分別我及
以我所不分別佛及以佛法不分別刹及以
嚴淨不分別衆生及以調伏不分別業及業
果報不著於思及思所起不壞因不壞果不
取事不取法不謂生死有分別不謂涅槃恒

寂靜不謂如來證佛境界無有少法與法同
止

二佛子下彰其離妄文有十對初六遮妄
執有以緣成無性故皆前迴向之法思所
起者謂身語業餘文可知思所起者謂身
語業者俱含云

分別由業生思及思所作思即是
意業所作謂身語故九地廣明次一對

遮妄執空以即真故不礙存故不壞假名

說實相故不壞因果以即真故下此有三
義釋不壞因果初同

淨名色即是空非色滅空故此約空觀二
不礙存故即假觀三不壞假名說實相故

二義雙照後三對雙遮空有初遮事理法

會

即理法互相即故不可定取

九

次遮生死涅槃離向背相通有二義一約

離相謂生死涅槃相待而有俱空巨得二

約體融以緣就實生死即涅槃故無妄分

別以實從緣涅槃即生死故非真寂靜故

中論云涅槃之實際及與世間際如是二際者無毫釐差別而晉經云生死非雜亂涅槃非寂靜言異義同

俱空匠得即上云有靜說生死無靜

說涅槃生死及涅槃二俱不

可得此約性空下約顯實後對即遮能所證既二際無差唯佛能證故復拂之上

句標下句釋亦通二意一約離相能證相離不能證於佛境所證體空故無少法與能證智同止相契故楞伽云遠離覺所覺二約體融佛即法界不應以法界更證法界故文殊問經云若以法界證法界則是諍競如智一體如外無少智為能證智外無少如為所證故無可同止次下文云無有少法為智所入亦無少智而入於法影公云法性不並真聖賢無異道即斯意也

故楞伽云遠離覺所覺前已引竟故文上殊問云下亦前已引影公即中論疏

來三節皆約遮邊前來契實已辨雙照則四門備矣

佛子菩薩摩訶薩如是迴向時以諸善根普施衆生決定成熟平等教化無相無緣無稱量無虛妄遠離一切分別取著

第二佛子下迴向衆生中初總明謂即前迴向菩提時便以善根迴向衆生故云如是迴向時也次決定下別顯行相有七句二句隨相一無放捨心二無怨親相五句離相一不見衆生相二不取化緣三不稱量根性四無能度我人末句總結

菩薩摩訶薩如是迴向已得無盡善根所謂念三世一切諸佛故得無盡善根念一切菩薩故得無盡善根淨諸佛刹故得無盡善根淨一切衆生界故得無盡善根深入法界故

得無盡善根修無量心等虛空界故得無盡善根深解一切佛境界故得無盡善根於菩薩業勤修習故得無盡善根了達三世故得無盡善根

第三菩薩至如是迴向已下結行成德有

會四

四佛子兼此爲五一成無盡善根德二成二空智慧德三成境界清淨德四成福智無盡德五成福智廣大德就此五中初一雙明次二離相後二隨相今初由隨一行發無盡心故成無盡德文有十句初總

所謂下別於中前四隨相所成初二因果後二依正次二離相所成顯其深廣次二解行通於隨相及與離相後二通顯上來迴向同三世故

佛子菩薩摩訶薩以一切善根如是迴向時

十二
了一切衆生界無有衆生解一切法無有壽命知一切法無有作者悟一切法無補伽羅了一切法無有念靜觀一切法皆從緣起無有住處知一切物皆無所依了一切利悉無所住觀一切菩薩行亦無處所見一切境界悉無所有

第二佛子下成二空智慧益中十句初四我空一無衆生離衆生垢故二無壽命離生死故三無作者亦名無我離我垢故四無數取趣前後際斷故餘如十行說後六

法空文亦可知一無衆生垢故者多同淨說法者當如法說法無衆生離衆生垢故法無有我離我垢故法無壽命離生死故法無有前後際斷故釋曰上四句我空故疏取之此四即金剛無我無人無衆生無壽者今經辨次不同二經皆明無定前後也名亦小異以作者當我以補特伽羅富人若釋義者人我等相十行已具空之所以亦如前辨今取彼經意案今文釋一

法無衆生者已無衆生爲法故遠公云正
明理無其所無有三一無橫計神我二於
假名衆生無有定性三無假名衆生之相
此等皆是虛妄分別相有理無餘門類爾
離衆生垢者破情顯理取我之心名衆生
垢生公亦云若得見理垢情必盡以離垢
驗之知無衆生也二法無壽命正明理無
離生死故釋成上義壽命謂色心連持從
生至死本無生死何有壽命又壽命爲生
死之果若有實者不合得離今有本離之
人明本無矣三無有我者理本無也離我
垢故釋成上義一同初句四數取趣淨名
爲人智論云能達善惡行人法故取於諸
趣三際輪迴本無數取者何有前後際耶
又若定有者不應聖人斷前後際
今聖有斷明無有人能數取也

佛子菩薩摩訶薩如是迴向時眼終不見不
淨佛刹亦復不見異相衆生無有少法爲智
所入亦無少智而入於法解如來身非如虛
空一切功德無量妙法所圓滿故於一切處
今諸衆生積集善根悉充足故

第三佛子成境界清淨德一刹淨者畧有
三義一了穢即空故二如螺髻等穢處見

金四

十二

淨故三雖觀淨穢無見相故二衆生淨同
一空故同如來藏故無見相故三法淨對
法辨智義便故來此亦二義一空無能所
故二同一如故舉一全收智外無如爲智
所入如外無智而入於如法性寂然故名
爲如寂而常照故名爲智何有異耶亦同
上來無法同住後一佛淨爲破執有說佛
如空若同空無此見非淨今明二利德圓
非如虛空一向無也螺髻亦是淨名前
已引竟餘即可知
佛子此菩薩摩訶薩於念念中得不可說不
可說十力地具足一切福德成就清淨善根
爲一切衆生福田此菩薩摩訶薩成就如意
摩尼功德藏隨有所須一切樂具悉皆得故
隨所遊方悉能嚴淨一切國土隨所行處令
不可說不可說衆生皆悉清淨攝取福德修

治諸行故

第四佛子福智無盡德初上攝佛智謂十力智地有不可說用故念念得多福具足下自爲福田此菩薩下福智無盡

佛子菩薩摩訶薩如是迴向時修一切菩薩

會

十三

行福德殊勝色相無比威力光明超諸世間魔及魔民莫能瞻對善根具足大願成就其心彌廣等一切智於一念中悉能周徧無量佛刹智力無量了達一切諸佛境界於一切佛得深信解住無邊智菩提心力廣大如法界究竟如虛空

第五佛子福智超勝德中初句總顯福智之因次福德下正顯勝相初明福勝其心已下顯智超勝

佛子是名菩薩摩訶薩第五無盡功德藏迴

向

菩薩摩訶薩住此迴向得十種無盡藏

第二菩薩下辨位果中四謂標徵釋結

何等謂十所謂得見佛無盡藏於一毛孔見阿僧祇諸佛出興世故得入法無盡藏以佛智力觀一切法悉入一法故得憶持無盡藏受持一切佛所說法無忘失故得決定慧無盡藏善知一切佛所說法秘密方便故得解義趣無盡藏善知諸法理趣分齊故得無邊悟解無盡藏以如虛空智通達三世一切法故得福德無盡藏充滿一切諸衆生意不可盡故得勇猛智覺無盡藏悉能除滅一切衆生愚癡翳故得決定辯才無盡藏演說一切佛平等法令諸衆生悉解了故得十力無畏無盡藏具足一切菩薩所行以離垢縉而繫

其頂至無障礙一切智故

三中有十句皆先標名後釋義於中初六
自利初一見佛約微細門一毛之義前文
頻釋今重發揮謂心性本無大小悟之成
智身土皆爲智影智淨影明故大小無礙

一多即入次五見法即相入門一證理法
二持教法三慧知客意謂以實覆權等四
義窮意趣謂四意趣等亦是窮於性相五
聞藏義兼修證次三利他一福滿他意二
智滅他惑三辯教平等後一攝行成果比
上多有同十藏品可以意得

是爲十佛子菩薩摩訶薩以一切善根迴向
時得此十種無盡藏

四結可知

爾時金剛幢菩薩普觀十方而說頌言

會四

十四

菩薩成就深心力普於諸法得自在以其勸
請隨喜福無礙方便善迴向

第二應頌二十五偈分二初一頌所迴善
根文並具舍

三世所有諸如來嚴淨佛刹徧世間所有功
德靡不見迴向淨刹亦如是

三世所有諸佛法菩薩皆悉諦思惟以心攝
取無有餘如是莊嚴諸佛刹

盡於三世所有劫讚一佛刹諸功德三世諸
劫猶可盡佛刹功德無窮盡

會四

十五

如是一切諸佛刹菩薩悉見無有餘總以莊
嚴一佛土一切佛土悉如是

餘二十四偈雙頌前迴向善根及結行成
益於中二先有十一偈頌二段隨相後十
三偈頌二段離相今初分三初八頌向菩

提於中亦三初四頌上嚴刹

有諸佛子心清淨悉從如來法化生一切功

德莊嚴心一切佛刹皆充滿

彼諸菩薩悉具足無量相好莊嚴身辯才演

說徧世間譬如大海無窮盡

菩薩安住諸三昧一切所行皆具足其心清

淨無與等光明普照十方界如是無餘諸佛

刹此諸菩薩皆充滿

次三偈半頌人寶莊嚴

未曾憶念聲聞乘亦復不求緣覺道

後半偈頌總攝迴向

菩薩如是心清淨善根迴向諸群生普欲令

其成正道具足了知諸佛法

二菩薩如是下一偈頌迴向衆生

十方所有衆魔怨菩薩威力悉摧破勇猛智

慧無能勝決定修行究竟法

菩薩以此大願力所有迴向無留礙入於無

盡功德藏去來現在常無盡

三十方下二偈頌結行成德五段通頌

菩薩善觀諸行法了達其性自在既知諸

法性如是不妄取業及果報

無有色法無色法亦無有想無無想有法無

法皆悉無了知一切無所得

一切諸法因緣生體性非有亦非無而於因

緣及所起畢竟於中無取著

一切衆生語言處於中畢竟無所得了知名

相皆分別明解諸法悉無我

如衆生性本寂滅如是了知一切法三世所

攝無有餘刹及諸業皆平等

以如是智而迴向隨其悟解福業生此諸福

相亦如解豈復於中有可得

如是迴向心無垢永不稱量諸法性了達其性皆非性不住世間亦不出

第二菩薩善觀下頌二段離相中二初七

頌前菩提離相與前見實及離妄相參而

會四

十六

頌顯此二相成故

一切所行衆善業悉以迴向諸群生莫不了

達其真性所有分別皆除遣

所有一切虛妄見悉皆棄捨無有餘離諸熱

惱恒清涼住於解脫無礙地

次二頌衆生離相

菩薩不壞一切法亦不滅壞諸法性解了諸

法猶如響悉於一切無所著

了知三世諸衆生悉從因緣和合起亦知心

樂及習氣未曾滅壞一切法

後四頌結行成德離相中初二頌境界清

會四

十七

淨德

了達業性非是業而亦不違諸法相又亦不壞業果報說諸法性從緣起

了知衆生無有生亦無衆生可流轉無實衆

生而可說但依世俗假宣示

後二頌二空智慧德第五迴向竟

大方廣佛華嚴經疏鈔會本第二十五之二

音釋

恬然恬徒兼切補伽羅梵語也或云補特

謂數數往來諸趣也伽求伽切

大方廣佛華嚴經疏鈔會本第二十三 會五

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何爲菩薩摩訶薩隨順堅固一切善根迴向

會五

十八

第六隨順堅固一切善根迴向長行中亦二謂位行位果行中亦三謂牒釋結今初牒名徵起謂所修事善皆悉順入堅固法性故下文云則爲隨順真實住本分名入一切平等善根入即隨順平等即堅固平等之理不可壞故若順等理則順諸善根故下文云則爲隨順佛住等又本業云習行相善無漏善而不二故名隨順平等一切善根此則不唯事順於理理事相順受平等名如此平等方名堅固此約所迴善

根及所向實際以立斯名亦可名爲堅固之善根堅固即善根若以隨順望堅固善根亦通二義即以無礙善根而爲其性

佛子此菩薩摩訶薩或爲帝王臨御大國

第二依徵廣釋中二先明行所依身二具

足下依身起行前中後二先明得位後顯

具德今初菩薩行檀之身隨宜萬類故置

或言而偏語王者一則在家是施位故二

難捨能捨舉勝策劣故三者菩薩多爲王

故以菩薩位唯有二種一者法王二者人

王法王教化人王攝化具菩薩戒處處爲

王故發號施令無敢違故具能施物遂所

求故帝者主也王者王也臨者治也御亦

主領千乘之國即稱爲大下言爲轉輸王

則以一洲已去可稱爲大

千乘之國者古以一城出革車

一乘千乘之國其地千城也乘即車乘謂以皮累車革即皮也生曰革穀曰韋每乘管卒七十二人一洲已去者輪王有四鐵輪即王一州故

威德廣被名震天下凡諸怨敵靡不歸順發號施令悉依正法執持一蓋薄蔭萬方周行率土所向無礙以離垢繒而繫其頂於法自在見者咸伏不刑不罰威德從化以四攝法攝諸衆生爲轉輪王一切周給

二威德下顯具德中二先統領自在德後菩薩下正報殊倫德今初有十二句初二句總有威則下必畏之有德則下必懷之故今名振次凡諸下十句別初句釋威祖父之讎曰怨四夷有土曰敵由威被故敵歸怨順次發號下釋上有德依正施令物可則也執持一蓋等兼釋臨御一蓋有三一則無私萬物故二等教十善故下施蓋

會五

二

中云爲令衆生得自在蓋能持一切諸善法故三慈悲蓋大光王云如諸菩薩爲高蓋慈心普蔭諸衆生故以離垢繒釋爲帝義於法自在釋爲王義不刑已下雙顯威德謂不以刑戮微罰之威但令威德從化則威而不猛也又加苦曰刑削奪爲罰導之以德義莫敢不服則庶人無刑齊之以禮樂莫敢不敬則大夫無罰次以四攝下顯是菩薩揀異世王爲轉輪王結成有位一切周給結有大財即財位果

二
等教者
夫輪王十

善化
世故

菩薩摩訶薩安住如是自在功德有大眷屬不可沮壞離衆過失見者無厭福德莊嚴相好圓滿形體支分均調具足獲那羅延堅固之身大力成就無能屈伏得清淨業離諸業

障

二正報殊倫德初句結前義兼生後有大眷屬下具七種果一宗族果二離眾過失不亢不驕發言誠實見者無厭有慈有慧人所信順即信言果三福德已下顯大色果四獲那羅延堅固之身顯壽命果五大成就等顯大力果六得清淨業謂得大念慧成就總持曾事不忘未萌先覺由斯有上名振天下即聲譽果七離諸業障顯人性果有業報障非丈夫故兼上財位具八異熟是增上生如是自在是大勢生

具八

異熟者即瑜伽論三十六淨行品已辨

車調良象馬悉皆嚴飾歡喜布施或有來乞王所處座若蓋若傘幢幡寶物諸莊嚴具頂上寶冠髻中明珠乃至王位皆無所吝若見眾生在牢獄中捨諸財寶妻子眷屬乃至以身救彼令脫若見獄囚將欲被戮即捨其身以代彼命或見來乞連膚頂髮歡喜施與亦無所吝眼耳鼻舌及以牙齒頭頂手足血肉骨髓心腎肝肺大腸小腸厚皮薄皮手足諸指連肉爪甲以歡喜心盡皆施與或爲求請未曾有法投身而下深大火坑或爲護持如來正法以身忍受一切苦毒或爲求法乃至一字悉能徧捨四海之內一切所有恒以正法化導群生令修善行捨離諸惡若見眾生損敗他形慈心救之令捨罪業若見如來成最正覺稱揚讚歎普使聞知或施於地造立

僧坊房舍殿堂以爲住處及施僮僕供承作役或以自身施來乞者或施於佛爲求法故歡喜踊躍爲衆生故承事供養或捨王位城邑聚落宮殿園林妻子眷屬隨所乞求悉滿其願或捨一切資生之物普設無遮大施之

會

第二依身起行中三一明隨相迴向二明離相迴向三釋迴向名初即迴向菩提及向衆生次即迴向實際後段通二又初是廣大迴向次甚深迴向後兼深廣今隨相

中分三初總相標列善根迴向二佛子菩薩摩訶薩隨所施下依標廣顯善根迴向三佛子菩薩摩訶薩隨諸衆生下總結多門善根迴向今初亦三一系列所施物二其中下辨所施田三佛子下顯行所依心今

重

五

初初句總或施下別別中若望下迴向應爲六十若直就文數都八十事初從飲食至牀座爲一十以牀座但通是一牀下文別施座故次房舍至蓋爲二十傘至頂髻爲三十以王位爲重爲明外財施竟故結云乃至王位下文自有王位後迴向中此次後無故次眼至足爲四十血至腸爲五十厚皮至救損他形爲六十示佛興至邑爲七十從聚落至終爲八十救獄囚中雖有妻等四事但爲一救囚之行耳

於中前二十七事是外財施次救獄囚一兼於內外代囚命下二十九事唯明內財下諸門中或兼內外或但是外可以意得

二內外料揀卽一切施中二門明義

又前二十七施無樂者是爲慈行救囚代命等爲大悲行餘或通

二行若通相辨皆兼二行

三四等料揀喜捨二行在總句

中又代命救殘害男形是無畏施斷殺有

二若望所殺是無畏施若望能殺令持五

戒是爲法施告示佛興即是法施財施可

知又此等既並是法門俱通三施

四三施料揀卽

一切施也

其中衆生種種福田或從遠來或從近來或

賢或愚或好或醜若男若女人與非人心行

不同所求各異等皆施與悉令滿足

二所施田中等皆施與者不揀賢愚等故

悉令滿足者隨所求故

佛子菩薩摩訶薩如是施時發善攝心悉以

迴向

三顯能施迴向之心者望前是能施之心

故云如是施時發善攝心望後是能迴向

心故云發善攝心悉以迴向故下諸門迴

向之內皆以此心貫之文中二先總明

所謂善攝色隨順堅固一切善根善攝受想

行識隨順堅固一切善根善攝王位隨順堅

固一切善根善攝眷屬隨順堅固一切善根

善攝資具隨順堅固一切善根善攝惠施隨

順堅固一切善根

後所謂下別顯於中所攝有五總收上來

能施所施及以施物言善攝者釋隨順義

謂此菩薩若行於施迴向之時於自他五

會五

六

蘊等心無住著不令馳散故云善攝如此

則與實際相應便能隨順堅固善根謂捨

住著故隨順施善無異求故隨順戒善忍

深理故隨順忍善離色相故隨順進善不

馳散故隨順定善了無生故隨順慧善如

是乃至一切由順實際任運順於一切稱

性之善

三隨順善根略舉
六度總結萬行

第二依標廣顯

中麤相望前略有五異一傘二頂前有後
無舍宅一種前無後有即有無異也二前
以法導化即後禁殺令住五戒即名字異

會三

也三承事供養前合後開象馬等事前開
後合即開合異也四後文舌舌牙齒之後
眷屬居妻子之前骨居腸下飲於食後即
前後異五前略後廣其文非一也餘皆大
同然其都門但有六十由開合故謂十二

段二二相合一象馬二幢幡三寶冠明珠
四耳鼻五牙齒六手足七髓肉八厚薄皮
九手足指十僮僕十一園林十二妻子復
有二段各五事合謂一腸腎肝肺四事及
大小腸合一迴向二王位邑聚落宮殿合

一迴向故下文云國土一切諸物即斯五
事都十四門合二十事雖缺二事而加二
事謂舍宅及開承事與供侍別故有六十
門昔光統師以後都門東前標中亦唯六
十成一百二十門皆有十善成千二百以
七施乘之成八千四百一一具十迴向成
八萬四千言七施者隨相有六謂心有三
種即三時喜事有三種即是三輪入理有
一即照三輪空又以七聖財乘之亦得如
一施行有八萬四千餘一一行皆亦如是
此上且約法門非無有理若散說者行相
無量如施資具及大會等不可言一故次
標云無量無邊後都結云阿僧祇物實則
皆是法界大緣起門普賢無礙自在之行
故以一切所有施於一田一切皆爾一微

塵處即施一切衆生徧法界皆爾一刹那中頓成此行盡前後際亦爾此一菩薩滿法界身備起此行仍有純雜若以純門於一施眼徧上時處唯見施眼十方無邊初後無祭餘門如虛空雜則隨一施眼具足諸門餘亦如是純雜無礙重重無盡故知六十八十乃舉其大綱耳然其都門下正以開合有無故二出其本意以皆成事事無礙重重之行佛子菩薩摩訶薩隨所施物無量無邊以彼善根知是迴向

文中二初總標施行成迴向行無量之義已如上辨

所謂以上妙食施衆生時其心清淨於所施物無貪無著無所顧恪具足行施

第二所謂下一一別顯六十門內一一皆

會五

四一施行二迴向行三雙結二行四迴向所爲若缺所爲則但有三亦可合後二段爲雙結所爲此科宜記下有廣略至文當知若具四段門前多不科判今第一施食以食爲世命貴賤同依故首明之文但有三先明施行言其心清淨者離施過故謂不求名利果報及怖畏等而行施故不貪著者是無貪思無顧恪者是無慳思又施時無貪著施已無顧恪隨所施行與衆生共兼於事理名爲具足此心在初亦貫下

會五

九

諸段

願一切衆生得智慧食心無障礙了知食性無所貪著但樂法喜出離之食智慧充滿以法堅住攝取善根法身智身清淨遊行哀愍衆生爲作福田現受搏食

二願一切下迴向行然其所願正為衆生
令得成佛即向菩提也下皆準之然阿舍
唯識等說世間食總有四種一觸二思三
識四段說出世食有其五種一禪悅二願
三念四解脫五法喜今翻四成五然阿舍
唯識食

等說者唯識第四云謂契經說食有四種
段食即分段義變壞為相謂欲界繫香
味觸三於變壞時能為食事但觸所得由
此色處非段食攝以變壞時色無用故父
壞不益色處著眼根故又此三為與眼相
離方能有用不與眼合故非是食也問食
為對自根亦對餘根答先資身根為資養
已後資餘根以發識明利二觸食觸境為
相即心所觸為此食體謂有漏觸繞取境
時攝受喜等能為此食事此正顯也此觸雖
與諸識相應七八觸境細故不攝喜樂等
故屬六識者食義偏勝故三思食希望為相
樂及順益捨資養勝故三思食希望為相
唯取與欲俱思謂有漏思與欲俱轉希可
愛境能為食事此思雖與諸識相應應屬意
識者食義偏勝意識於境希望勝故四識
食執持為相謂有漏識由段觸思勝力增
長能為食事此識雖通諸識自體而第八
識食義偏勝一類相續執持勝故釋曰此
三食勢增長此識亦長養諸根大種能為

食事由是集論說彼四食三蘊五處十一
界攝釋曰段食是色觸思是行識食如名
段是香味觸三處思是法處識是意處段
攝三界觸思法界識七心界論云此四能
持有情身命令不斷壞故名為食餘如彼
論而列段食居其後者前三有漏通於三
界段唯欲界故又順經翻最在後故說出
世食者然上云阿舍即離阿舍連說九食
前四世間後五出世一禪悅食者禪定資
神輕安適悅即為食義然其五食既云出
世通資法身二願力任持出世之法法身
增長即為食義三念力明記聖道現前故
四解脫除障居然資益一翻思食成智慧
食即是念食念慧隣故二無所貪下翻於
觸食以成法喜觸以攝受喜等能為食事
故但願法喜其出離食即解脫食總離四
故三智慧充下翻於識食以成禪悅禪則
不動故以法堅住引生功德故攝取善根
能除煩惱故二身清淨並如識食能執持
故四哀愍下大悲願力現受段食今云搏
者尚依古譯一翻前思成第三念以經之
智釋成於念念慧隣故出其

所以亦如四念慧為體故隣近名念二翻
觸成第五兼於第四三翻識成第一四翻
段成第二願食言搏者尚依古譯今以飲
水等亦是段食不可搏握故譯為段形段
分段而食故

是為菩薩摩訶薩布施食時善根迴向

三是為下雙結二行

會五

十

佛子菩薩摩訶薩若施飲時

第二施飲中亦三

初施行

以此善根如是迴向

一以此下迴向行於中先牒前起後

所謂願一切眾生飲法味水精勤修習具菩
薩道斷世渴愛常求佛智離欲境界得法喜
樂從清淨法而生其身常以三昧調攝其心
入智慧海興大法雲霑大法雨

後所謂願一切下別顯願相下皆倣此然

會五

土

望食雖異不離五食望水雖異多同水用

故所願事或翻或順或敵體相似或流類

以明不全剋定文中一如飲無間易得充

足飲法精勤速具大道餘並可知

即敵體相似斷世渴愛常求佛智即或翻
也得法喜樂等即順也入海雲雨即同水

義也下諸門中體
勢亦爾隨時解釋

是為菩薩摩訶薩布施飲時善根迴向

三雙結

佛子菩薩摩訶薩布施種種清淨上味所謂
辛酸鹹淡及以甘苦種種諸味潤澤具足能
令四大安隱調和肌體盈滿氣力彊壯其心
清淨常得歡喜咽咀之時不欸不逆諸根明
利內藏充實毒不能侵病不能傷始終無患
永得安樂

第三施味文四加所為故初施行可知

以此善根如是迴向所謂願一切衆生得最上味甘露充滿願一切衆生得法智味了知一切諸味業用願一切衆生得無量法味了達法界安住實際大法城中願一切衆生作大法雲周徧法界普雨法雨教化調伏一切衆生願一切衆生得勝智味無上法喜充滿身心願一切衆生得無貪著一切上味不染世間一切諸味常勤修習一切佛法願一切衆生得一法味了諸佛法悉無差別願一切衆生得最勝味乘一切智終無退轉願一切衆生得入諸佛無異法味悉能分別一切諸根願一切衆生法味增益常得滿足無礙佛法

二以此下迴向行中十願初願晉經得上味相則是三十二相之一經說佛大牙後

有甘露泉但食入口悉爲甘露約法亦即涅槃爲甘露不死之味餘文並顯經說佛大牙等者卽涅槃十四其施食等亦皆發願各是一事與此大同不能繁引是爲菩薩摩訶薩布施味時善根迴向

三雙結

爲令一切衆生勤修福德皆悉具足無礙智身故

四所爲

佛子菩薩摩訶薩施車乘時以諸善根如是迴向所謂願一切衆生皆得具足一切智乘

會五

上

乘於大乘不可壞乘最勝乘最上乘速疾乘大力乘福德具足乘出世間乘出生無量諸菩薩乘是爲菩薩摩訶薩施車乘時善根迴向

第四施車乘分三初施行者義通馬等以

第十六別施車故迴向十願皆約代步初

一唯果餘兼通因然乘體性通於理智隨

義立名一體性包含二不可廢立三超劣

四無過五不歷三祇六十力普運七兼五

度萬行八無漏相應九發心趣者即名菩

薩

義通馬等者以梵語通呼車乘云野蘇切囊若別呼車云奢羯吒若呼車略云

下第十六卽單是車以梵云奢羯吒故

佛子菩薩摩訶薩布施衣時以諸善根如是

迴向所謂願一切衆生得慙愧衣以覆其身

捨離邪道露形惡法顏色潤澤皮膚細軟成

就諸佛第一之樂得最清淨一切種智是爲

菩薩摩訶薩布施衣時善根迴向

第五衣中瑜伽施衣能感妙色以衣禦寒

令顏色潤澤故人新衣成暫持獻佛得無

量福若要期日數未滿而取成取佛物

佛子菩薩摩訶薩常以種種名華布施所謂

微妙香華種種色華無量奇妙華善見華可

喜樂華一切時華天華人華世所珍愛華甚

芬馥悅意華以如是等無量妙華供養一切

現在諸佛及佛滅後所有塔廟或以供養說

法之人或以供養比丘僧寶一切菩薩諸善

知識聲聞獨覺父母宗親下至自身及餘一

切貧窮孤露布施之時

第六施華文四初施行中先列施物後供

養下明所施田下至自身者身爲福田是

法器故依之進道故施自身勝施外道

無量

以諸善根如是迴向所謂願一切衆生皆得

諸佛三昧之華悉能開敷一切諸法願一切

衆生皆得如佛見者歡喜心無厭足願一切

衆生所見順愜心無動亂願一切衆生具行
廣大清淨之業願一切衆生常念善友心無
變異願一切衆生如阿伽陀藥能除一切煩
惱衆毒願一切衆生成滿大願皆悉得爲無
上智王願一切衆生智慧日光破愚癡暗願
一切衆生菩提淨月增長滿足願一切衆生
入大寶洲見善知識具足成就一切善根

迴向十願前七可知八赤蓮華等不遇日
光賢死無疑菩薩之行必資乎智涅槃第
九云譬如蓮華爲日所照無不開敷九月
開青蓮佛智照行涅槃二十云譬如月光
能令一切優鉢羅華開敷鮮明十約寶華
涅槃第九下卽如來性品廣歎涅槃之德
疏但舉喻彼合文云一切衆生亦復如是
若得見聞大涅槃自未發心者皆悉發心
爲菩提因是故我說大涅槃光所入毛孔
必爲妙因彼一聞提維有佛性而爲無量
罪垢所纏不能得出如蚕處繭以其合文

第一疏已用今但要喻耳九月開青蓮者
卽梵行品香婆爲閻王說因世尊八月愛
三昧放光照王王問其故香婆答云此是
如來八月愛三昧放光王問云何等名爲
月愛三昧香婆答言譬如月光明能令一切
優鉢羅華開敷鮮榮月愛三昧亦復如是
能令衆生善心開敷下卽廣說今但取
月開青蓮耳合以佛智爲月行爲蓮開
是爲菩薩摩訶薩布施華時善根迴向爲令
衆生皆得清淨無礙智故

後二段可知

佛子菩薩摩訶薩布施髮時以諸善根如是
迴向所謂願一切衆生人所樂見見者欽歎
見者親善見者愛樂見者渴仰見者除憂見
者生喜見者離惡見者常得親近於佛見者
清淨獲一切智是爲菩薩摩訶薩布施髮時
善根迴向

第七施鬘者貫華如環而爲首飾或以纓
身故未見則樂見正見則愛樂

或以纓身
者在身曰

纓在首曰髮纓乃髮類
皆結華成因便故來

佛子菩薩摩訶薩布施香時以諸善根如是
迴向

第八施香中準下塗香十度萬行皆香此
偏語戒者翻破戒之穢故

願一切衆生具足戒香得不缺戒不雜戒不
汙戒無悔戒離纏戒無熱戒無犯戒無邊戒
出世戒菩薩波羅蜜戒願一切衆生以是戒
故皆得成就諸佛戒身

願有十二初一總標次十別顯少同十藏
多同智論隨宜不同但案文釋一具持三
聚二不雜外道三無染心涅槃經中乃至
染環釧聲亦名汙菩薩戒四不犯重故犯
重之人多生悔恨五設有誤犯深慙愧故
如其故犯數犯不生慙愧深愛著犯見犯

是福名之爲纏六七定共相應故無惑熱
常持如初八九道共相應離斷常邊成出
世行十遠離二乘圓修十度方名不犯菩
薩律儀是智所讚戒末句結因成果謂五
分之一

是爲菩薩摩訶薩布施香時善根迴向爲令
衆生悉得圓滿無礙戒蘊故

佛子菩薩摩訶薩施塗香時以諸善根如是
迴向所謂願一切衆生施香普熏悉能惠捨
一切所有願一切衆生戒香普熏得於如來
究竟淨戒願一切衆生忍香普熏離於一切
險害之心願一切衆生精進香普熏常服大
乘精進甲冑願一切衆生定香普熏安住諸
佛現前三昧願一切衆生慧香普熏一念得
成無上智王願一切衆生法香普熏於無上

法得無所畏願一切衆生德香普熏成就一切大功德智願一切衆生菩提香普熏得佛十力到於彼岸願一切衆生清淨白法妙香普熏永滅一切不善之法是爲菩薩摩訶薩施塗香時善根迴向

會五

十六

第九塗香十度皆有熏發資長菩提心義辟除蔽障俱得稱香

佛子菩薩摩訶薩施牀座時以諸善根如是迴向

第十施牀座中初舉施行下第十八別明施座故晉譯此以爲牀敷深允當也

所謂願一切衆生得諸天牀座證大智慧願一切衆生得賢聖牀座捨凡夫意住菩提心願一切衆生得安樂牀座永離一切生死苦惱願一切衆生得究竟牀座得見諸佛自在

會五

七

神通願一切衆生得平等牀座恒普熏修一切善法願一切衆生得最勝牀座具清淨業世無與等願一切衆生得安隱牀座證真實法具足究竟願一切衆生得清淨牀座修習如來淨智境界願一切衆生得安住牀座得善知識常隨覆護願一切衆生得師子牀座常如如來右脇而卧

迴向行中十願一即第一義天大智證故二菩提心是賢聖依三涅槃解脫四首楞嚴定名爲究竟如四禪座能發神通餘六可知

是爲菩薩摩訶薩施牀座時善根迴向爲令衆生修習正念善護諸根故佛子菩薩摩訶薩施房舍時以諸善根如是迴向所謂願一切衆生皆得安住清淨佛刹

精勤修習一切功德安住甚深三昧境界捨離一切住處執著了諸住處皆無所有離諸世間住一切智攝取一切諸佛所住住究竟道安樂住處恒住第一清淨善根終不捨離佛無上住處是爲菩薩摩訶薩施房舍時善

根迴向爲欲利益一切衆生隨其所應思惟救護故

十一房舍中攝取一切諸佛所住謂聖天梵等後言不捨佛最上住者住大寂室餘取事類例可以虛求

佛子菩薩摩訶薩施住處時以諸善根如是迴向所謂願一切衆生常獲善利其心安樂願一切衆生依如來住依大智住依善知識住依尊勝住依善行住依大慈住依大悲住依六波羅蜜住依大菩提心住依一切菩薩

會五
道住是爲菩薩摩訶薩施住處時善根迴向爲令一切福德清淨故究竟清淨故智清淨故道清淨故法清淨故戒清淨故志樂清淨故信解清淨故願清淨故一切神通功德清淨故

十二住處謂僧坊等

佛子菩薩摩訶薩施諸燈明所謂酥燈油燈寶燈摩尼燈漆燈火燈沉水燈栴檀燈一切香燈無量色光燈施如是等無量燈時爲欲利益一切衆生爲欲攝受一切衆生

十三施燈一明施行於中列其施物寶燈者如夜光之類沉水栴檀用和酥油無量色者然膏色白然漆色赤然油色黃然檀色綠如是種種如是等下明其施意

以此善根如是迴向所謂願一切衆生得無

量光普照一切諸佛正法願一切衆生得清
淨光照見世間極微細色願一切衆生得離
翳光了衆生界空無所有願一切衆生得無
邊光身出妙光普照一切願一切衆生得普
照光於諸佛法心無退轉願一切衆生得佛
淨光一切刹中悉皆顯現願一切衆生得無
礙光一光徧照一切法界願一切衆生得無
斷光照諸佛刹光明不斷願一切衆生得智
幢光普照世間願一切衆生得無量色光照
一切刹示現神力

二以此下迴向行於中先正願迴向願後
辨迴向意前中十願然準瑜伽賢首皆明
施燈得淨眼報然燈功德經燒燈供養大
能滅罪生福令發願言當以大海爲油須
彌爲炷然大燈明徧佛刹海供養無休又

願法門之燈大願爲炷等今文願中具身
智光並可思準然準瑜伽等者瑜伽文廣
事亦可知賢首偈云又放
先名眼清淨能令盲者見衆色以燈施佛
及佛塔是故得成此光明然燈功德經者
亦名施燈功德唯有一卷前廣說施燈所
獲功德近後偈云於彼佛塔施燈已其人
身光如日照年尼牛王清淨眼以好燈明
照彼塔得於無漏無上道其身光明照十
方見四真諦具十力不共之法亦究竟得
徧見眼成善逝此果皆由布施燈釋曰此
明至極功德次有偈校量云設令一切諸
衆生昔曾供養無量佛具大威德見實義
德劫來成緣覺道十方所有諸世界悉布
燈明無有餘以是修供養於無量劫常不
斷若人一人燈供養佛得福過前無有量燈
油譬如大海水其炷猶如須彌山有人能
然如是燈徧照一切諸世界是人深心唯
敬信其志唯求緣覺道十方徧置如是燈
一心恭敬而供養若人發於菩提心手執
草炬暫供佛是人得福過於彼我見實義
作是說釋曰案上經文以佛德難思故舉
廣供辟支不及佛塔非今發願今取下七
十八大願爲炷大悲爲油等例之應廣發
願令其事理
皆廣大耳

菩薩如是施燈明時爲欲利益一切衆生安

樂一切衆生故以此善根隨逐衆生以此善根攝受衆生以此善根分布衆生以此善根慈愍衆生以此善根覆育衆生以此善根故護衆生以此善根充滿衆生以此善根緣念衆生以此善根等益衆生以此善根觀察衆生

食

辛

後菩薩如是下顯迴向意

是爲菩薩摩訶薩施燈明時善根迴向

三是爲下雙結

如是迴向無有障礙普令衆生住善根中

四如是下迴向所爲其迴向意諸文應具

大同所爲故略不明

佛子菩薩摩訶薩施湯藥時以諸善根如是迴向

十四湯藥中三一施行施藥近果得無病

報如薄俱羅遠得藥王樹身等如十大願中辨

所謂願一切衆生於諸蓋纏究竟得出願一切衆生永離病身得如來身願一切衆生作大良藥滅除一切不善之病願一切衆生成阿伽陀藥安住菩薩不退轉地願一切衆生成如來藥能拔一切煩惱毒箭願一切衆生親近賢聖滅除煩惱修清淨行願一切衆生作大藥王永除衆病不令重發願一切衆生作不壞藥樹悉能救療一切衆生願一切衆生得一切智光出衆病箭願一切衆生善解世間方藥之法所有疾病爲其救療

食

主

二迴向行言不重發者經云世醫所療治雖差還復生如來所治者畢竟不復發餘可知

世醫所療治雖差還復生即知涅槃經第五地中當廣引說

菩薩摩訶薩施湯藥時爲令一切衆生永離
衆病故究竟安隱故究竟清淨故如佛無病
故拔除一切病箭故得無盡堅固身故得金
剛圍山所不壞身故得堅固滿足力故得圓
滿不可奪佛樂故得一切佛自在堅固身故
以諸善根如是迴向

三菩薩下雙辨二行所爲言金剛圍山所
不能壞者如不思議法品十種大那羅延
幢勇健法中第一說堅固滿足力亦是彼
品中十力第七名堅固力不可奪樂者是
常樂故自在堅固身者即金剛身金剛爲
內照之實非唯金色故云自在即金剛身
者涅槃第
三有金剛身品金剛爲內照之實即生公
釋言非唯金色亦不全遮意通內外耳前
已引

佛子菩薩摩訶薩悉能惠施一切器物所謂

黃金器盛滿雜寶白銀器盛衆妙寶瑠璃器
盛種種寶玻璃器盛滿無量寶莊嚴具碑磬
器盛赤真珠瑪瑙器盛滿珊瑚摩尼珠寶白
玉器盛衆美食栴檀器盛天衣服金剛器盛
衆妙香無量無數種種寶器盛無量無數種
種衆寶

十五施器中文四初施行中三一所施物
或施諸佛信佛福田不思議故或施菩薩知
善知識難值遇故或施聖僧爲令佛法久住
世故或施聲聞及辟支佛於諸聖人生淨信
故或施父母爲尊重故或施師長爲恒誘誨
令依聖教修功德故或施下劣貧窮孤露大
慈大悲愛眼等視諸衆生故專意滿足去來
今世一切菩薩檀波羅蜜故以一切物普施
一切終不厭捨諸衆生故

二或施下對田顯施聖僧通三乘

如是施時於其施物及以受者皆無所著

三如是下成波羅蜜

菩薩摩訶薩以如是等種種寶器盛無量寶而布施時以諸善根如是迴向所謂願一切衆生成等虛空無邊藏器念力廣大悉能受持世出世間一切經書無有忘失願一切衆生成清淨器能怡諸佛甚深正法願一切衆生成無上寶器悉能受持三世佛法願一切衆生成就如來廣大法器以不壞信攝受三世佛菩提法願一切衆生成就最勝寶莊嚴器位大威德菩提之心願一切衆生成就功德所依處器於諸如來無量智慧生淨信解願一切衆生成就趣入一切智智究竟如來無礙解脫願一切衆生得盡未來劫菩薩行

器能令衆生普皆安住一切智力願一切衆生成就三世諸佛種性勝功德器一切諸佛妙音所說悉能受持願一切衆生成就容納盡法界虛空界一切世界一切如來衆會道場器爲大丈夫讚說之首勸請諸佛轉正法輪

二菩薩下明迴向行十願一廣二深三高四堅五勝六淨七果八悲九聞熏納教十攝法上首然隨施一器即發多願未必一器以對一願

是爲菩薩摩訶薩布施器時善根迴向爲欲普令一切衆生皆得圓滿普賢菩薩行願器故

三結四所爲可知

大方廣佛華嚴經疏鈔會本第二十五之三

音釋

搏 度官切音團
以手圍食也
溲 滂古切廣也
溲於禁坻也覆也

戮力竹切也
腎水時忍切
肝木占寒切
腸吐直良切

僮僕
隸也謂供給走使之人也
僮徒紅切僕蒲木切僮僕奴
咽咀於咽

咀切吞也咀慈語切
 嚼也又含味也
 效苦蓋切
 氣逆也
 芬馥
 芬敷切

馥方六切芬馥謂華頁夷愜詰叶切快也

第芳香氣馥郁也川州順
其皮黎梵語也亦云塞頰
恆恆謂從順快
圭

戶佳切
錫
居謁
格
魯故切
萌
吉典切
曾
慈

切音情

Table 1 Demographic characteristics of participants

大方廣佛華嚴經疏鈔會本第二十六之一 會六

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩以種種車衆寶嚴飾

十六施車中二先標列財田後佛子菩薩

食

摩訶薩以如是下隨田別顯前中三一總

標所施

奉施諸佛及諸菩薩師長善友聲聞緣覺如是無量種種福田乃至貧窮孤露之者此諸人衆或從遠來或從近來或承菩薩名聞故來或是菩薩因緣故來或聞菩薩往昔所發施願故來或是菩薩心願請來

二奉施下別舉福田於中先辨類後此諸人下彰其來意因緣故來者往昔有緣應受施故

菩薩是時或施寶車或施金車悉妙莊嚴鈴網覆上寶帶垂下或施上妙瑠璃之車無量珍奇以爲嚴飾或復施與白銀之車覆以金網駕以駿馬或復施與無量雜寶所莊嚴車覆以寶網駕以香象或復施與栴檀之車妙寶爲輪雜寶爲蓋寶師子座敷置嚴好百千姝女列坐其上十萬丈夫牽御而行或復施與玻瓈寶車衆雜妙寶以爲嚴飾端正女人充滿其中寶帳覆上幢幡侍側或復施與碼瑙藏車飾以衆寶熏諸雜香種種妙華散布莊嚴百千姝女持寶瓔珞駕馭均調涉險能安或復施與堅固香車衆寶爲輪莊嚴巨麗寶帳覆上寶網垂下種種寶衣敷布其中清淨好香流芬外徹其香美妙稱悅人心無量諸天翼從而行載以衆寶隨時給施或復施

與光明寶車種種諸寶妙色映徹眾妙寶網
羅覆其上雜寶瓔珞周匝垂下散以末香內
外芬潔所愛男女悉載其上

三菩薩是時下別列所施以明施行問瑜
伽三十九云若有眾生來求種種能引戲

會六

二

樂能引無義所施之物不應施與今施美
色豈不相違又云施妻子時不應施與怨
家惡人藥又羅刹凶暴業者今云種種福
田豈皆施與答能有二謂必知能為損惱
不施無咎若不委知但作利安之心施亦
無咎況菩薩能知無染又同行之女必不
生物染又女能以法而化彼故攝論中
有利有染無利無染有染無利此三菩薩
不行有利無染菩薩乃行問瑜伽等者即
不應施中總有二十三類今當其一不應
施與下更有論云何以故若施彼時雖暫

今彼於菩薩所心歡喜而復令彼廣作
種種不饒益事謂因施故今彼多行僞作
惡行身壞之後墮諸惡趣從今施美色下
疏以論難經又云施妻子時不應施與怨
家亦是此論次文其凶暴業者論具云又
諸菩薩於自妻子奴婢僕使親戚眷屬若
不先以正言曉喻今其歡喜終不強逼令
其憂惱施來乞者雖復先以曉喻令其歡
喜生樂欲心而不施與怨家惡友藥又羅
刹凶暴業者不以妻子形容輕弱族姓男
女施來求者今作奴婢論次又云菩薩若
有上品過惱眾生樂行種種惡業者來
求王位終不施與若彼惡補特伽羅先
居王位善施有力尚應廢黜況當施與釋
曰此皆不應施又從今云種種下疏以論
難經答能施有二下答中先正答後引證
前有三意一善薩善知不知皆得二知女
無染三知翻利益故攝論中者即無性論
第八兩本世親皆是義引彼論先併舉本
今依無性然是義引彼論先併舉本論四
句後更釋今便舉便得本論云若諸菩
薩成就如是增上尸羅增上質多增上般若
若功德圓滿於諸財位得大自在何故現
見有諸有情匱乏財位釋曰上即問也釋
論今解本論答云見彼有情於財位有
重業障故無性先總明答意云今當願說
由是因緣菩薩雖有財位自在而不施他
釋向初答云謂諸菩薩見彼有情於財
位有重業障故亦不能受何用施為如有
果該復施彼亦不能受何用施為如有須

云如母乳嬰兒一經月無倦嬰兒若開
乳母欲何為解曰此即第一無利無染以
一向不能受何利何染二本論云見彼有
情若施財位障生善法故釋論云謂諸菩
薩見彼有情雖多放逸不起善業障而彼若
得財位復現世少時貧賤勿令來生多時貧
惟寧復現世少時貧賤勿令來生多時貧
賤故三本論云謂諸菩薩見彼有情若乏
現前故釋論云謂諸菩薩見彼有情若乏
財位散生死心便現在前求欲出離若得
富貴即生放逸故不施彼所有財位作是
思惟寧彼貧賤不離生死心常現前勿復
富貴愛樂放逸不起善法解曰此亦成上
有染無利四本論云見彼有情若施財位
即為積集不善法因故釋論云謂諸菩薩
見彼有情若當施彼滿足財位即便放逸
積集種種惡不善業故不施彼所有財位
如有須云寧使貧乏於財位速離惡趣諸
惡行勿被富貴亂諸根令感當來眾苦器
解曰亦有染無利五本論云見彼有情若
施財位即便作餘無量有情損惱因故釋
論云謂諸菩薩見彼有情若得富貴即便
損惱無量有情故不施彼所有財位作如
是念寧彼一身受貧窮苦勿令損惱餘多
有情解曰亦有染無利也故本論結云是
故現見有諸有情匱乏財位此中有領見
業障現前積集煩惱故現見諸有情不感
善薩施釋曰上云五重但見二句初一無
利無染餘四皆有染無利而義不同一障

生善法二不生散離三自積不善四損惱
於他其有利有染損益雙具故亦不施為
損過微論畧不
說餘可知也

佛子菩薩摩訶薩以如是等眾妙寶車奉施
佛時

第二隨田別顯約五類田則分為五一

段中文皆具四今初施佛先施行可知

以此善根如是迴向所謂願一切眾生悉解

供養最上福田深信施佛得無量報願一切

眾生一心向佛常遇無量清淨福田願一切

眾生於諸如來無所恡惜具足成就大捨之

心願一切眾生於諸佛所修行施行離二乘

願逮得如來無礙解脫一切智智願一切眾

生於諸佛所行無盡施入佛無量功德智慧

願一切眾生入佛勝智得成清淨無上智王

願一切眾生得佛徧至無礙神通隨所欲往

靡不自在願一切衆生深入大乘獲無量智
安住不動願一切衆生皆能出生一切智法
爲諸天人最上福田願一切衆生於諸佛所
無嫌恨心勤種善根樂求佛智願一切衆生
任運能往一切佛刹一刹那中普周法界而

會六

無懈倦願一切衆生速得菩薩自在神通分
身徧滿等虛空界一切佛所親近供養願一
切衆生得無比身徧往十方而無厭倦願一
切衆生得廣大身飛行迅疾隨意所往終無
解退願一切衆生得佛究竟自在威力一刹

那中盡虛空界悉現諸佛神通變化願一切
衆生修安樂行隨順一切諸菩薩道願一切
衆生得速疾行究竟十力智慧神通願一切
衆生普入法界十方國土悉盡邊際等無差
別願一切衆生行普賢行無有退轉到於彼

岸成一切智願一切衆生升於無比智慧之
乘隨順法性見如實理

會六

五

迴向行中有二十願初十約所施佛田立
願後十約所施車立願並願可知

但云修安樂行者法華安樂行品說四安

樂行一畢竟空行經名行處近處已入於
理而履行之名爲行處故經云又復於法
無所行而觀諸法如實相等雖未入理能
遠諸惡親而近之名親近處故經云不親
近國王及外道等爲遠惡也觀一切法空

爲近理也二名身口無過失行三者心無

嫉妬行四大慈悲行廣如彼說法華等者

初一會諸師義後三全同生公生公初一
但名行處近處意是總明遠惡近理下三
別耳寶林基公第一空行二名離憍慢
三四同生公南嶽云一名無著正慈二明
口不說過三敬上接下四同生公大乘法
師一正身行二正語行三心離諸惡自利

行四心修善法利他行天台云止觀慈悲
導三業及誓願初身有止故離身羸業有
觀故不得身業不得身能離無所得故不墮
凡夫有慈悲故勤修身業廣利一切不墮
二乘有止行故著忍辱衣有觀行故坐如
來座有慈悲故入如來室止行離過即成
斷德觀行無著即成智德慈悲利他即成
思德思德資成智德智德能通達斷德名
身安樂行餘口意誓願亦如是釋曰此即
通辨三法為能導其所導即初一足身二
是口三足意四足誓願大乘法師傍以立
此名然諸師立皆從多分增勝以分通用
三法理則玄妙不彰四別今取生公之意
合身口在第二取行處近處及南嶽寶林
共立一名名畢竟空行寶林但語一空似
約於境南嶽云無著慧但語於心今云畢
竟空心境兩亡空有雙會故生公云近處
明達惡近理行處而為履行之宗在畢竟
空耳此為大智四為大悲悲智相導於中
二三業天台之意亦不失也又初後成德
中二離過離過即斷德初智後悲三德備
矣雖義俱通從多故別是以第一經中但
名行處近處意在近理行理耳已入於下
寂照雙流為行疏引經證既云無行而觀
亦不行不分別釋此自而有二意一謂上
行而觀皆是不分別今又不行則寂照兩
亡也二但對上而觀諸法如實相恐從
行起觀今明正觀時亦不行此觀不分
此觀就行約心詣於理觀約照達於理今

心行不行觀無分別即觀無觀是寂照雙
流故下偈云又復不行上中下法有為無
為實不實法即不知不行也亦不分別是
女不得問若以入理為行住忍辱地等豈
分別也問若以入理為行住忍辱地等豈
忍辱心亦所住處柔順即柔順忍而不卒
暴心忍辱地即如來室雖未入理下亦生
座以此導悲即如來室雖未入理下亦生
公之意遠諸惡下引經證先證遠諸惡言
及外道等為損害緣二不近邪人法謂外
謂國王等為損害緣二不近邪人法謂外
道梵志等為損害緣二不近邪人法謂外
戲者是壞亂緣四又不親近諸有凶
惡業緣五不親近求聲聞等即離劣友緣
六又文殊師利等不應於女人身取能生
欲想相而為說法等即長樂緣七亦復不
近五種不男之為人即非器緣八不離非
家即譏訶緣九若為女人說法下離非執
緣天台云八離怨害九離穢嫌十不樂富
年少弟子沙彌小兒等即散亂緣十一不
應親近下云常好生禪下明所應親近上
為親近之始為初親近實相云復次菩薩
摩訶薩觀一切法空如實相以觀想未除
近處為親近之終正明近理以觀想未除
故名親近二身口無過失者經云若口宣
說若讀經時不樂說人及經典過長行多
唯辨口傷中則說於身以油塗身澡浴塵
穢亦兼身共三心無嫉妬者經云於後未

世法欲滅時受持讀誦是經典者無懷嫉妬諂誑之心等四云於在家出家人中生大悲心於非菩薩人中生大悲心等廣如彼經然安樂者略有二意一涅槃之果名為安樂此行能趣即安樂之行二住此四行則身靜神定身靜神定則外苦不干故稱安樂又常見外道因

會六

七

果俱苦斷見外道因樂果苦析法二乘因苦果樂唯有菩薩因果俱樂故涅槃云定苦行者謂諸凡夫苦樂行者謂聲聞緣覺定樂行者謂諸佛菩薩因果俱樂名安樂行然安樂下釋安樂行名初釋以果名因二因即安樂亦生公意又常見等即天台意常見外道因果俱苦者計我常故修於苦行以期妙果所修是邪還招苦果斷見外道不信當報恣意行惡受五欲樂當受苦果析法二乘無常拙度加功苦到此名因苦得入涅槃故云果樂菩薩如實巧度故為因樂證大菩提常涅槃樂故涅槃下引證即二十七經經云善男子不見中道者凡有三種一定樂行二定苦行三苦樂行一定樂行者所謂菩薩憐愍一切諸眾生故雖復處在阿鼻地獄如三禪樂二

定苦行者所謂凡夫三苦樂行者所謂聲聞緣覺聲聞緣覺行於苦樂作中道想以是義故雖有佛性而不能見下經文廣不釋凡夫而說道有三種謂下中上下者梵天無常謬見是常等後說生死本際凡有二種一者無明二者有愛是二中間即有生老病死等者是定苦行也

是為菩薩摩訶薩以眾寶車奉施現在一切諸佛及佛滅後所有塔廟善根迴向為令眾生得於如來究竟出離無礙乘故

三結文中加及佛滅後所有塔廟塔安舍利廟置佛像塔者正云窣堵波此云高顯亦曰歸宗之所言所有者不局佛塔故長

阿含說四種人應可起塔一佛二辟支佛三阿羅漢四輪王十二因緣經云八種人應起塔一佛其露盤八層已上餘七謂菩薩緣覺四果輪王次第減一層輪王唯一層見一層塔不應禮拜非聖人故僧祇律

說凡僧亦許起塔然不得安露盤令在屏
處謂一持律二法師三營事四德望今造
塔者宜審此文汎論起塔總有六意一爲
表人勝二爲令生淨信三令標心有在四
令供養生福五爲報恩行畢六生福滅罪
若造佛塔近招梵福遠脫生死故無上依
經供佛舍利如芥子許悉得究竟脫生死
苦長阿含十二因緣經僧祇律造塔事未
檢故無上依經者經有兩卷今當第一
因阿難隨佛乞食見一新城樓閣心念有
人以此勝閣布施四方僧并具四事若如
來滅後取佛舍利如芥子大安立塔中起
塔如阿摩羅子大戴刹如針大露盤如葉
葉大造佛如麥子大此二功德何者爲勝
問佛讚廣爲引喻校量初舉滿闍浮提
如稻麻竹葦四果及辟支佛有人盡形四
事供養滅後起大塔供養佛問功德多不
阿難答多次舉西瞿陀尼次舉東弗婆提
次舉北鬱單越皆量漸廣供事如前比所
造閣如帝釋所處問於阿難阿難皆答甚
多佛告阿難若有善男子善女人佛涅槃
後取舍利如針大露盤如葉大造佛如麥子
戴刹如針大露盤如葉大造佛如麥子

會六

大此功德比前所說百分不及一千分不
及一億分不及一乃至算數譬喻所不能
及阿難若此功德不迴向阿耨多羅三藐
三菩提此功德聚所獲福報盡染婆世界
微塵數作他化自在天王化樂天王兜率
陀天王夜摩天王三十三天王况復轉輪
聖王釋曰據此但云福
多若加迴向必至究竟
佛子菩薩摩訶薩以衆寶車施菩薩等善知
識時以諸善根如是迴向所謂願一切衆生
心常憶持善知識教專勤守護令不忘失願
一切衆生與善知識同一義利普攝一切與
共善根願一切衆生近善知識尊重供養悉
捨所有願可其心願一切衆生得善志欲隨
逐善友未嘗捨離願一切衆生常得值遇諸
善知識專意承奉不違其教願一切衆生樂
善知識常不捨離無間無雜亦無誤失願一
切衆生能以其身施善知識隨其教命靡有
違逆願一切衆生爲善知識之所攝受修習

會九

九

大慈遠離諸惡願一切衆生隨善知識聽聞
諸佛所說正法願一切衆生與善知識同一
善根清淨業果與諸菩薩同一行願究竟十
力願一切衆生悉能受持善知識法逮得一
切三昧境界智慧神通願一切衆生悉能受
持一切正法修習諸行到於彼岸願一切衆
生乘於大乘無所障礙究竟成就一切智道
願一切衆生悉得上於一切智乘至安隱處
無有退轉願一切衆生知如實行隨其所聞
一切佛法皆得究竟永無忘失願一切衆生
普爲諸佛之所攝受得無礙智究竟諸法願
一切衆生得無退失自在神通所欲往詣一
念皆到願一切衆生往來自在廣行化導令
住大乘願一切衆生所行不空載以智乘到
究竟位願一切衆生得無礙乘以無礙智至

一切處

二施菩薩中有二十願前十約所施田發
相似願後十約所施車發相似願並顯可
知

是爲菩薩摩訶薩施善知識種種車時善根
迴向爲令衆生功德具足與佛菩薩等無異
故

佛子菩薩摩訶薩以衆寶車布施僧時起學
一切施心智善了心淨功德心隨順捨心僧
寶難遇心深信僧寶心攝持正教心住勝志
樂得未曾有爲大施會出生無量廣大功德
深信佛教不可沮壞

三施僧初施行中顯十施心一財無不捨
田無所揀二了事可不受畜不淨不應施
故三淨三輪故四順檀行故五因佛有僧

佛難遇故六依僧知佛故七依僧知教故

八應景慕九不局一僧十由教說僧故

以諸善根如是迴向所謂願一切衆生普入

佛法憶持不忘願一切衆生離凡愚法入賢

聖處願一切衆生速入聖位能以佛法次第

開誘願一切衆生舉世宗重言必信用願一

切衆生善入一切諸法平等了知法界自性

無二願一切衆生從於如來智境而生諸調

順人所共圍繞願一切衆生住離染法滅除

一切煩惱塵垢願一切衆生皆得成就無上

僧寶離凡夫地入賢聖衆願一切衆生勤修

善法得無礙智具聖功德願一切衆生得智

慧心不著三世於諸衆中自在如王願一切

衆生乘智慧乘轉正法輪願一切衆生具足

神通一念能往不可說不可說世界願一切

衆生乘虛空身於諸世間智慧無礙願一切

衆生普入一切虛空法界諸佛衆會成就第

一波羅蜜行願一切衆生得輕舉身殊勝智

慧悉能徧入一切佛刹願一切衆生獲無邊

際善巧神足於一切刹普現其身願一切衆

生得於一切無所依身以神通力如影普現

願一切衆生得不思議自在神力隨應可化

即現其前教化調伏願一切衆生得入法界

無礙方便一念徧遊十方國土

二迴向行中有二十願亦前十約田後十

約車其十三云乘虛空身者當其無有車

之用故當其無有車之用者即老子道經云三十輻共一轂當其無有車之

用注云此明無有用相資而成又下結云有之以爲利無之以爲用意明假輪

輪等以成於車車中不虛則無所用故約形質麤有之利以明妙無之有用今借此

語萬行緣成之乘其內無性即中空矣若不涉有無以利物若不入空無以道行以

有空義故一切法
得成故爲大用也

是爲菩薩摩訶薩施僧寶車善根迴向爲令
衆生普乘清淨無上智乘於一切世間轉無
礙法智慧輪故佛子菩薩摩訶薩以衆寶車
布施聲聞獨覺之時起如是心所謂福田心
尊敬心功德海心能出生功德智慧心從如
來功德勢力所生心百千億那由他劫修習
心能於不可說劫修菩薩行心解脫一切魔
繫縛心摧滅一切魔軍衆心慧光照了無上
法心

四施二乘中亦四初施行中言如來勢力
生者設是獨覺亦由過去曾習佛法後道
成無佛世故六七翻彼三生百劫故翻三
生百
劫者羅漢三生修福緣覺百劫
今今百千億那由他劫修等故
以此施車所有善根如是迴向所謂願一切

衆生爲世所信第一福田具足無上檀波羅
蜜願一切衆生離無益語常樂獨處心無二
念願一切衆生成最第一清淨福田攝諸衆
生令修福業願一切衆生成智慧淵能與衆
生無量無數善根果報願一切衆生住無礙
行滿足清淨第一福田願一切衆生住無諍
法了一切法皆無所作無性爲性願一切衆
生常得親近最上福田具足修成無量福德
願一切衆生能現無量自在神通以淨福田
攝諸含識願一切衆生具足無盡功德福田
會六
十二
能與衆生如來十力第一乘果願一切衆生
爲能辦果真實福田成一切智無盡福聚願
一切衆生得滅罪法悉能受持所未曾聞佛
法句義願一切衆生常勤聽受一切佛法聞
悉解悟無空過者願一切衆生聽聞佛法通

達究竟如其所聞隨順演說願一切眾生於
如來教信解修行捨離一切九十六種外道
邪見願一切眾生常見賢聖增長一切最勝
善根願一切眾生心常信樂智行之士與諸
聖哲同止共歡願一切眾生聽聞佛名悉不
唐捐隨其所聞咸得目見願一切眾生善分
別知諸佛正教悉能守護持佛法者願一切
眾生常樂聽聞一切佛法受持讀誦開示照
了願一切眾生信解佛教如實功德悉捨所
有恭敬供養

二以此下迴向行中亦二十願多翻劣顯
勝前十多翻緣覺樂獨善寂等故無諍有
二一人嫌我行我則長立等二觀緣無性
無乖違故
後十翻聲聞一翻彼小乘非究竟滅罪之

法彼犯律儀容可懺滅犯四重禁爲不可
救大乘至教無所不滅佛名經說一聞佛
名滅無量劫生死重罪涅槃第十云若犯
四禁及五逆罪若爲邪鬼毒惡所持聞是
經典所有諸惡悉皆消滅又云犯四重禁
不還生者無有是處如是等文處處皆有
犯重得佛聞大經力故二聲聞雖從佛聞
未悟深理故三不能廣傳故四望於大乘
猶是邪故所以諸處多說九十五種別有
九十五種外道邪論經今言九十六者自
有二義一依薩婆多律說外道六師各有
十六種所學法一法自學餘十五種各教
十五弟子師徒合論有九十六二者外道
有二一外外道即佛法外二内外道此復
三種一附佛法外道起自犢子方廣自以

聰明讀佛經書而生一見附佛法起故得此名犢子讀舍利弗毗曇自別制義言我在四句外第五不可說藏中佛說此人不異外道諸論皆推不受名外道也又方廣道人自以聰明讀佛十喻自作義云不生

會六

十四

不滅如幻如化空幻爲宗龍樹斥言此非佛法方廣所作亦邪人法也二學佛法成外道謂執佛教門而生煩惱不得入理故智論云若不得般若意入阿毗曇即墜有中等三以大斥小故七卷楞伽第一云大慧云何爲外道惡見謂不知境界自心分別現於第一義見有見無而起言說又第二云復有說言見一切法因作者有此是涅槃大慧彼無解脫以未能見法無我故此是聲聞及外道種性於未出中生分離

想應勤修習捨此惡見故諸大乘訶彼二乘同於外道非奪方便之意今合後三總爲一類成九十六依此義故發願永離七中得目見者非聞見故餘可例知涅槃等法資人除惑有十復次今是其一經云若比丘比丘尼優婆塞優婆夷及諸外道有能受持如是經典讀誦通利復爲他人分別演說若自書寫令他人書寫斯等皆是菩提因緣若犯四禁及五逆罪若爲邪見惡所持聞是經典所有諸惡悉得除滅如見良璧惡鬼遠去當知是人是真菩薩摩訶薩也何以故暫得聞是大涅槃故亦以生念如來常故若暫聞者尚得如是何況書寫受持讀誦釋曰是則雖但舉中又云犯四重者即第五經云又解脫者名爲虛寂無有不定有不定者如一關提究竟不移犯重禁者不成佛道無有是處何以故是人若於佛法中心得淨信爾時即便滅一關提若復得作優婆塞者亦得斷滅於一關提犯重禁者滅此罪已則得成佛若言畢竟不成佛道無有是處如是等文老第六又云是大涅槃微妙經典不可消伏甚奇甚特若有聞者聞已信受能信如來是常住法如是有聞之人甚爲希有如優曇華我涅槃後若有得聞如是是大乘微妙經典生信敬心當知是等於未來世百千億

劫不墮惡道第九經初又云譬如日出衆霧悉除此大涅槃微妙經典亦復如是出與于世若有衆生一經於耳悉能滅除一切諸惡無間罪業其餘大乘文亦廣多二學佛法成外道若不得般若意入阿毗曇則三藏所譯然十卷楞伽者七卷即實又難陀中而文又潤疏所引經具足經文引意明此呼二乘以爲外道何以得知是二乘耶以此前有經云大慈此是過去未來現在一切如來應正等覺覺法自性第一義心以此心成就如來世出世間最上之法以聖慧眼入自共相種種安立其所安立不與外道惡見共故次即是疏所引之文謂前是佛法言不與外道共早兼二乘況出相不知境界自心分別等即二乘見又四卷云大慈云何外道論惡見共所謂自境界妄想見不覺識自心所現分齊大通大慈愚癡凡夫性無性自性第一義作二見論釋曰此則皆二乘見故同外道又第二云者亦彼七卷經外道二乘同義更顯疏所引經一字無關以斯二段明呼二乘同外道也

有出相下義

是爲菩薩摩訶薩施聲聞獨覺種種車時善根迴向爲令衆生皆得成就清淨第一智慧神通精進修行無有懈怠獲一切智力無畏

故

佛子菩薩摩訶薩以衆寶車施諸福田乃至貧窮孤獨者時隨其所求一切悉捨心生歡喜無有厭倦仍向彼人自悔責言我應往就供養供給不應勞汝遠來疲頓言已拜跪問訊起居凡有所須一切施與或時施彼摩尼寶車以閻浮提第一女寶充滿其上或復施與金莊嚴車人間女寶充滿其上或復施與妙瑠璃車內宮妓女充滿其上或施種種奇妙寶車童女充滿如天姝女或施無數寶莊嚴車寶女滿中柔明辯慧或施所乘妙梅檀車或復施與玻瓈寶車悉載寶女充滿其上顏容端正色相無比袿服莊嚴見者欣悅或復施與碼碯寶車灌頂王子身載其上或時施與堅固香車所有男女悉載其中或施一

會六

十六

切寶莊嚴車載以難捨親善眷屬佛子菩薩
摩訶薩以如是等無量寶車隨其所求恭敬
施與皆令遂願歡喜滿足

五施諸田初施行中有悲境故加以拜跪
等言以有劣田重舉妙物最下乞人等如
來故言袷服者大盛玄黃之服也

大方廣佛華嚴經疏鈔會本第二十六之一

音釋

駿馬 駿子峻切馬之 駕馭 馭牛倨切駕馭
馳驅 材良者曰駿 稱悅 稱昌孕切稱悅謂
也 恆稱喜悅人意也 翼從 翼與職
也 從疾用 愜惜 愜良刀切慙愜也
切侍從也 絹切袷服謂 腎水藏也 窄 蘇骨
好衣盛服也 轂 古祿切輻所 轅 員輞也
轂 奏者爲轂 不具 比云信 闡提 闡提
梵語也

大方廣佛華嚴經疏鈔會本第二十六之二 會七

唐于闐國三藏沙門實叉難陀 譯

唐清涼山大華嚴寺沙門澄觀撰述

以此善根如是迴向所謂願一切衆生乘不退轉無障礙輪廣大之乘諸不可思議菩提

會七

樹下願一切衆生乘清淨因大法智乘盡未

來劫修菩薩行永不退轉願一切衆生乘一

切法無所有乘永離一切分別執著而常修

習一切智道願一切衆生乘無諂誑正直之

乘往諸佛刹自在無礙願一切衆生隨順安

住一切智乘以諸佛法共相娛樂願一切衆

生皆乘菩薩清淨行乘具足菩薩十出離道

及三昧樂願一切衆生乘四輪乘所謂住好

國土依止善人集勝福德發大誓願以此成

滿一切菩薩清淨梵行願一切衆生得普照

十方法光明乘修學一切如來智力願一切衆生乘佛法乘到一切法究竟彼岸願一切衆生載衆福善難思法乘普示十方安隱正道願一切衆生乘大施乘捨慳慳垢願一切衆生乘淨戒乘持等法界無邊淨戒願一切衆生乘忍辱乘常於衆生離瞋濁心願一切衆生乘大精進不退轉乘堅修勝行趣菩提道願一切衆生乘禪定乘速至道場證菩提智願一切衆生乘於智慧巧方便乘化身充滿一切法界諸佛境界願一切衆生乘法王乘成就無畏恒普惠施一切智法願一切衆生乘無所著智慧之乘悉能徧入一切十方於真法性而無所動願一切衆生乘於一切諸佛法乘示現受生徧十方利而不失壞大乘之道願一切衆生乘一切智最上寶乘滿

足普賢菩薩行願而無厭倦

二以此下迴向行亦二十願施田非一故
但就車發相似願其中亦兼所施女等可
以意得

六云十出離道者即是十地以十度行出

十重障離十羸故

七乘四輪乘者文中自列然莊嚴論第六

名四種不放逸輪先辨相者各具五種因

緣一住好國土輪者彼名勝土輪言五緣

者一者易求謂四事易故二善護王如法

故三善地處調和故四善伴同戒見故五

善寂無喧聲故

莊嚴論第六名四種不放逸輪者一勝土輪二善人其相經住好國土者論有伺云易求及善護善地亦善伴善寂此勝土菩薩則往生今疏即長行釋但小略耳云一者易求謂四事供身不難得故三善地處所調和無惡人盜賊不得住故

疾癘故四善伴同見同戒為伴信 二依止

善人輪五緣者一多聞二見諦三巧說四

憐愍不貪利故五不退無疲倦故

經依止云多聞及見諦巧說亦憐愍不退此丈夫苦薩勝依止下釋即論前三易故不釋論具云一多聞成就阿舍故二者見諦得聖果故三者巧說分別法故四憐愍不貪利

故五者不退無疲倦故

三集勝福德輪者彼當第四

名先福輪一可樂由住勝世為因故二無

難由值善人為因故三無病四三昧五智

慧此三以自正輪為因

經三集勝福德偈云可樂及無難無病與寂靜觀察此五種宿植善根故釋云一可樂二無難三者無病四三昧五智慧

第一事由住勝土為因第二事由值善人為因後三事由自正成就為因釋曰疏中將後出便因

四發大誓願彼當第三名自

正輪故成實論名自發正願輪一善緣妙

法為緣故二善聚具福智故三善修止觀

諸行相應修故四善說無求利故五善出

所有上法恭順修故經四發大誓願下彼
善聚善修及善說善出此五種是名自正
勝彼釋云一者善緣妙法為緣故下四步
同一兩字異二者善聚福智具足故三者
善修止觀諸行相應時修故四者全同五
順字是敬字耳上云成論名自發正願者
論第二四法品云又經中說人天四輪能
增善法一住善處二依善人三自發正願
四宿植善根次即明推八難次下當知

然前二就果立稱後二從因立名雖俱通
因果影略五顯前二外緣後二內因願是
智因福是福因

此四何因受輪之稱依成實論以四輪能
摧八難故謂初住善處能除五難即三塗
北洲及長壽天次依善人除佛前後難三
發大誓願除世智辯聰四宿植善根除生
盲聾瘡前五是惡處六是惡時七是惡因
八是惡果已知四輪云何總名為乘喻如
論說住好國土謂得人天身出諸難處以

為車體二由集勝福諸根完具如車轂軸
釭鋼可施脂膏三發大願如良牛引重致
遠四依善人謂佛菩薩如善御者由具此
四成大涅槃故云成滿一切清淨梵行因
圓必至果也若依此經國土即十國土海

善人即十身如來勝福即性起功德大願
即普賢願海共成無盡大法界緣起車也

餘並可知

三得名二先明得
輪名即成實論文

是為菩薩摩訶薩以眾寶車施諸福田乃至
貧窮孤露之人善根迴向為令眾生具無量

智歡喜踊躍究竟皆得一切智乘故

佛子菩薩摩訶薩布施眾寶其性調順七支
具足年齒盛壯六牙清淨口色紅赤猶如蓮
華形體鮮白譬如雪山金幢為飾寶網羅覆
種種妙寶莊嚴其鼻見者欣玩無有厭足超

步萬里曾不疲倦或復施與調良馬寶諸相
具足猶如天馬妙寶月輪以爲光飾真金鈴
網羅覆其上行步平正乘者安隱隨意所往
迅疾如風遊歷四洲自在無礙菩薩以此象
寶馬寶或奉養父母及善知識或給施貧乏
苦惱衆生其心曠然不生悔悵但倍增欣慶
益加悲愍修菩薩德淨菩薩心

以此善根如是迴向所謂願一切衆生住調
順乘增長一切菩薩功德願一切衆生得善
巧乘能隨出生一切佛法願一切衆生得信
解乘普照如來無礙智力願一切衆生得發
趣乘能普發興一切大願願一切衆生具足
平等波羅蜜乘成滿一切平等善根願一切
衆生成就寶乘生諸佛法無上智寶願一切
衆生成就菩薩行莊嚴乘開敷菩薩諸三昧

七

五

華願一切衆生得無邊速疾乘於無數劫淨
菩薩心精勤思惟了達諸法願一切衆生成
就最勝調順大乘以善方便具菩薩地願一
切衆生成最高廣堅固大乘普能運載一切
衆生皆得至於一切智位

十七施象馬二事合有十願一如性調順
二如隨意所往三似彼威壯四如超步萬
里五猶行步平正六如彼象寶七似彼如
華八即迅疾如風九上云調順通顯增於
功德今云具菩薩地名最勝調象馬各有
調義故分二願十似彼上立金幢

是爲菩薩摩訶薩施象馬時善根迴向爲令
衆生皆得乘於無礙智乘圓滿究竟至佛乘
故

佛子菩薩摩訶薩布施座時或施所處師子

之座其座高廣殊特妙好瑠璃爲足金縷所成柔輦衣服以敷其上建以寶幢熏諸妙香無量雜寶莊嚴之具以爲莊校金網覆上寶鐸風搖出妙音聲奇珍萬計周帀填飾一切臣民所共瞻仰灌頂大王獨居其上宣布法

化萬邦遵奉其王復以妙寶嚴身所謂普光明寶帝青寶大帝青寶勝藏摩尼寶明淨如日清涼猶月周帀繁布譬如衆星上妙莊嚴第一無比海殊妙寶海堅固幢寶奇文異表種種莊嚴於大衆中最尊最勝閻浮檀金離垢寶繒以冠其首享灌頂位王閻浮提具足無量大威德力以慈爲主伏諸怨敵教令所行靡不承順時轉輪王以如是等百千萬億無量無數寶莊嚴座施於如來第一福田及諸菩薩真善知識賢聖僧寶說法之師父母

會七

六

宗親聲聞獨覺及以發起菩薩乘者或如來塔乃至一切貧窮孤露隨其所須悉皆施與以此善根如是迴向所謂願一切衆生坐菩提座悉能覺悟諸佛正法願一切衆生處自在座得法自在諸金剛山所不能壞能悉摧伏一切魔軍願一切衆生得佛自在師子之座一切衆生之所瞻仰願一切衆生得不可說不可說種種殊妙寶莊嚴座於法自在化導衆生願一切衆生得三種世間最殊勝座廣大善根之所嚴飾願一切衆生得周徧不可說不可說世界座阿僧祇劫歎之無盡願一切衆生得大深密福德之座其身充滿一切法界願一切衆生得不思議種種寶座隨其本願所念衆生廣開法施願一切衆生得善妙座現不可說諸佛神通願一切衆生得

一切寶座一切香座一切華座一切衣座一切鬘座一切摩尼座一切瑠璃等不思議種種寶座無量不可說世界座一切世間莊嚴清淨座一切金剛座示現如來威德自在成最正覺

十八施座迴向中言三種世間會七義如常釋

辨法師云地前爲願樂世間初地至七地名功用世間八至等覺名無功用世間有云西域相傳衆生界中有三世間一地下世間龍修羅等二人中世間三天上世間

若依智論三世間者即衆生五蘊及器爲

三於彼顯勝義皆無失餘並可知

是爲菩薩摩訶薩施寶座時善根迴向爲令衆生獲離世間大菩提座自然覺悟一切佛法故

佛子菩薩摩訶薩施諸寶蓋此蓋殊特尊貴所用種種大寶而爲莊嚴百千億那由他上妙蓋中最爲第一衆寶爲竿妙網覆上寶繩金鈴周帀垂下摩尼瓔珞次第懸布微風吹動妙音克諧珠玉寶藏種種充滿無量奇珍悉以嚴飾梅檀沉水妙香普熏閭浮檀金光明清淨如是無量百千億那由他阿僧祇衆妙寶物具足莊嚴以清淨心奉施於佛及佛滅後所有塔廟或爲法故施諸菩薩及善知識名聞法師或施父母或施僧寶或復奉施一切佛法或施種種衆生福田或施師僧及諸尊宿或施初發菩提之心乃至一切貧窮孤露隨有求者悉皆施與

十施蓋中本行經說編草爲蓋七寶蓋隨況衆寶嚴功報何極

本行經者賢愚經第八說過去有王

名為金剛夫人有胎身上恒有七寶大蓋
及生太子身紫金色相好具足蓋在其上
名蓋事王七寶自至王四天即下即是佛身
佛言阿難因過去久遠仙人山有群文佛
涅槃後有長者起塔以
蓋蓋其上故獲斯報

以此善根如是迴向所謂願一切衆生勤修
善根以覆其身常為諸佛之所庇廕願一切

會七

衆生功德智慧以為其蓋永離世間一切煩
惱願一切衆生覆以善法除滅世間塵垢熱
惱願一切衆生得智慧藏令衆樂見心無厭
足願一切衆生以寂靜白法而自覆蔭皆得
究竟不壞佛法願一切衆生善覆其身究竟
如來清淨法身願一切衆生作周徧蓋十力
智慧徧覆世間願一切衆生得妙智蓋出過
三世無所染著願一切衆生得應供蓋成勝
福田受一切供願一切衆生得最上蓋獲無
上智自然覺悟是為菩薩摩訶薩布施蓋時

善根迴向

為令一切衆生得自在蓋能持一切諸善法
故為令一切衆生能以一蓋普覆一切虛空
法界一切刹土示現諸佛自在神通無退轉
故為令一切衆生能以一蓋莊嚴十方一切
世界供養佛故為令一切衆生以妙幢幡及
諸寶蓋供養一切諸如來故為令一切衆生
得普莊嚴蓋徧覆一切諸佛國土盡無餘故
為令一切衆生得廣大蓋普蓋衆生皆令於
佛生信解故為令一切衆生以不可說衆妙
寶蓋供養一佛於不可說一一佛所皆如是
故為令一切衆生得佛菩提高廣之蓋普覆
一切諸如來故為令一切衆生得一切摩尼
寶莊嚴蓋一切寶瓔珞莊嚴蓋一切堅固香
莊嚴蓋種種寶清淨莊嚴蓋無量寶清淨莊

會七

九

嚴蓋廣大寶清淨莊嚴蓋寶網彌覆寶鈴垂
下隨風搖動出微妙音普覆法界虛空界一
切世界諸佛身故爲令一切衆生得無障無
礙智莊嚴蓋普覆一切諸如來故又欲令一
切衆生得第一智慧故又欲令一切衆生得
佛功德莊嚴故又欲令一切衆生於佛功德
生清淨欲願心故又欲令一切衆生得無量
無邊自在心寶故又欲令一切衆生滿足諸
法自在智故又欲令一切衆生以諸善根普
覆一切故又欲令一切衆生成就最勝智慧
蓋故又欲令一切衆生成就十力普徧蓋故
又欲令一切衆生能以一蓋彌覆法界諸佛
刹故又欲令一切衆生於法自在爲法王故
又欲令一切衆生得大威德自在心故又欲
令一切衆生得廣大智恒無絕故又欲令一

切衆生得無量功德普覆一切皆究竟故又
欲令一切衆生以諸功德蓋其心故又欲令
一切衆生以平等心覆衆生故又欲令一切
衆生得大智慧平等蓋故又欲令一切衆生
具大迴向巧方便故又欲令一切衆生獲勝
欲樂清淨心故又欲令一切衆生得善欲樂
清淨意故又欲令一切衆生得大迴向普覆
一切諸衆生故

四所爲中有十爲令二十又欲皆令衆生
因圓果滿觸理皆蓋方顯菩薩悲智深妙
可謂隨順一切善根並可虛求法門浩大
不可具釋

佛子菩薩摩訶薩或施種種上妙幢幡衆寶
爲竿寶繒爲旛種種雜綵以爲其幢寶網垂
覆光色徧滿寶鐸微搖音節相和奇特妙寶

形如半月閤浮檀金光踰暎日悉置幢上隨諸世界業果所現種種妙物以爲嚴飾如是無數千萬億那由他諸妙幢幡接影連輝遞相間發光明嚴潔周徧大地充滿十方虛空法界一切佛刹菩薩摩訶薩淨心信解以如是等無量幢幡或施現在一切諸佛及佛滅後所有塔廟或施法寶或施僧寶或施菩薩諸善知識或施聲聞及辟支佛或施大衆或施別人諸來求者普皆施與

以此善根如是迴向所謂願一切衆生皆能建立一切善根福德幢幡不可毀壞願一切衆生建一切法自在幢幡尊重愛樂勤加守護願一切衆生常以寶繒書寫正法護持諸佛菩薩法藏願一切衆生建高顯幢然智慧燈普照世間願一切衆生立堅固幢悉能摧

會七

十一

殄一切魔業願一切衆生建智力幢一切諸魔所不能壞願一切衆生得大智慧那羅延幢摧滅一切世間慢幢願一切衆生得智慧日大光明幢以智日光普照法界願一切衆生具足無量寶莊嚴幢充滿十方一切世界供養諸佛願一切衆生得如來幢摧滅一切九十六種外道邪見

二十幢幡二事合一迴向十中初二幢幡合願一建善翻惡二重法翻慢次一唯就幡幡書字故後七皆就幢辨

是爲菩薩摩訶薩施幢幡時善根迴向爲令一切衆生得甚深高廣菩薩行幢及諸菩薩神通行幢清淨道故

佛子菩薩摩訶薩開衆寶藏以百千億那由他諸妙珍寶給施無數一切衆生隨意與之

心無慊惜

以諸善根如是迴向所謂願一切衆生常見
佛寶捨離愚癡修行正念願一切衆生皆得
具足法寶光明護持一切諸佛法藏願一切
衆生能悉攝受一切僧寶周給供養恒無厭

足願一切衆生得一切智無上心寶淨菩提
心無有退轉願一切衆生得智慧寶普入諸
法心無疑惑願一切衆生具足菩薩諸功德
寶開示演說無量智慧願一切衆生得於無
量妙功德寶修成正覺十力智慧願一切衆
生得妙三昧十六智寶究竟成滿廣大智慧
願一切衆生成就第一福田之寶悟入如來
無上智慧願一切衆生得成第一無上寶王
以無盡辯開演諸法

二十一開藏施寶迴向行中言十六智寶

者辨法師云地前明得明增印順無間等
四定地上光明集福德王賢首健行等四
定此八各有自分勝進依此發智爲十六
智寶有云佛地四智智各有四故爲十六
以果位自在互融通故地上光明集福德
王賢首等如出現
品四智之義亦具上文今依賢首即是八
忍八智然此有二一依觀能所取以立十
六一苦法智忍觀三界苦真如正斷三界
見苦所斷分別隨眠二苦法智謂忍無間
觀前真如證前所斷煩惱解脫三苦類智
忍謂智無間無漏慧生於法忍智各別內
證言後聖法皆是此類四苦類智謂此無
間無漏智生審定印可苦類智忍前二觀
如後二觀智苦下有四三諦亦然爲十六
智今依賢首者且依唯識釋之即論釋相
見道中緣安立諦有十六心見道一苦

法智忍苦即苦諦法者即彼能證之教
智忍苦即苦諦法者即彼能證之教
忍忍前苦法智也此苦法智忍苦者無漏
能斷三界見道二十八種分別隨眠欲
苦有十上二界苦各九以除瞋故三界合
有二十八也二苦法智苦法智忍苦如能緣
苦如之智名苦法智三苦法智忍苦如能緣
法智無間無漏慧生等意云此第三心於
一利那各別內證法忍法智謂二心後乃
至無學一切聖法從此二心彼得生故故
云皆是此類四苦類智此智但緣第三
苦類智忍苦難集云於苦類智忍內證印
可故名苦類智前二等者謂法二依觀
忍法智觀如類忍類智觀智
上下諦境別立謂觀欲苦有法忍法智初
即無間道後即解脫道次觀上二界苦爲
類忍類智類同欲故如苦既然餘三亦爾
爲十六智廣如唯識雜集第九所明二
者論云二者依觀上下諦境別立法類十
六種心謂觀現前不現前界苦等四諦各
有二心一現觀忍二現觀智釋曰欲界名
下是現前界色無色名上是不現前界十
六心者謂觀欲界四諦別立法忍法智八
種依觀上二界四諦別立法忍法智八種
然論但舉欲界苦諦以爲法也一現觀忍
是無間道二現觀智是解脫道餘可準知

如其所應法真見道無間解脫見分觀諦
斷見所斷百一十二分別隨眠名相見道
釋曰今疏以略配而不作此觀證者彼疏云
以於前十六心後而不作此觀證者彼疏云
謂觀智即法自證既不作此觀證者彼疏云
百一十二者欲界四諦不觀智故不非法耳
各除瞋故八諦減八故百一十二餘可如
如苦既斷下類釋餘三一諦有四故有十
六皆斷然下類釋餘三一諦有四故有十
論云如於苦諦有四種心集滅道諦應知
亦爾此十六心八觀真如八觀正智可知
法真見道無間解脫見自證分差別建立
名相見道釋曰謂法忍法真無間道見分
法智法真解脫道見分法忍法真無間道見分
證分類智法解脫道見分法忍法真無間道見分
分印前智故差別立也 第十願言無上
寶王者佛爲法寶之主故
是爲菩薩摩訶薩施衆寶時善根迴向爲今
一切衆生皆得成滿第一智寶如來無礙淨
眼寶故
佛子菩薩摩訶薩或以種種妙莊嚴具而爲
布施所謂一切身莊嚴具令身淨妙靡不稱
可菩薩摩訶薩等觀一切世間衆生猶如一

子欲令皆得身淨莊嚴成就世間最上安樂
佛智慧樂安住佛法利益衆生以如是等百
千億那由他種種殊妙寶莊嚴具勤行布施
行布施時以諸善根如是迴向所謂願一切
衆生成就無上妙莊嚴具以諸清淨功德智

十一

十四

慧莊嚴人天願一切衆生得清淨莊嚴相以
淨福德莊嚴其身願一切衆生得上妙莊嚴
相以百福相莊嚴其身願一切衆生得不雜
亂莊嚴相以一切相莊嚴其身願一切衆生
得善淨語言莊嚴相具足種種無盡辯才願
一切衆生得一切功德聲莊嚴相其音清淨
聞者喜悅願一切衆生得可愛樂諸佛語言
莊嚴相令諸衆生聞法歡喜修清淨行願一
切衆生得心莊嚴相入深禪定普見諸佛願
一切衆生得總持莊嚴相照明一切諸佛正

法願一切衆生得智慧莊嚴相以佛智慧莊
嚴其心

二十二施莊嚴具中十願初一利他後九
自利於中初三約身次三約語後三約意
其中言百福相前文已引涅槃二十四說
依瑜伽五十三名百福行故論云復由百
行所攝律儀謂少分離殺乃至邪見爲一
十二多分離殺等三全分離四少時離五
多時離六盡壽離七自離八教人離九以
無量門稱揚讚述離十見離殺等深心慶
悅生大歡喜十門各十總說爲百行所生
福量亦爾此且就同教三十二相化身而
說若依此經十身相海隨一一相無盡因
成故上普興雲幢主水神偈云清淨慈門
剎塵數共生如來一妙相等故餘可知

依
喻

伽五十三百福行即決擇分中文相甚顯
少分者經部許有分受或多或多全由彼根
性有劣中上差別及時有多時少時等少
時從一日至十日多時謂一年已去未
命終時耳然其十種分爲四類初三十據
事以分次三十依時有別次之二十約自
他明後之二十依讚說立正約行時名爲
百行約所生福則爲百福若就十惡名爲
百非此且就同教者第一會中已廣分
別即師子吼品二十八經南本一十六

是爲菩薩摩訶薩惠施一切莊嚴具時善根
迴向爲令衆生具足一切無量佛法功德智
慧圓滿莊嚴永離一切憍慢放逸故
佛子菩薩摩訶薩以受灌頂自在王位摩尼
寶冠及髻中珠普施衆生心無憊惜常勤修
習爲大施主修學施慧增長捨根智慧善巧
其心廣大給施一切
以彼善根如是迴向所謂願一切衆生得諸
佛法之所灌頂成一切智願一切衆生具足
頂髻得第一智到於彼岸願一切衆生以妙

智寶普攝衆生皆令究竟功德之頂願一切
衆生皆得成就智慧寶頂堪受世間之所禮
敬願一切衆生以智慧冠莊嚴其首爲一切
法自在之王願一切衆生智慧明珠繫其頂
上一切世間無能見者願一切衆生皆悉堪
受世間頂禮成就慧頂照明佛法願一切衆
生首冠十力莊嚴之冠智慧寶海清淨具足
願一切衆生至大地頂得一切智究竟十力
破欲界頂諸魔眷屬願諸衆生得成第一無
上頂王獲一切智光明之頂無能映奪

十七

十六

二十三施寶冠及髻珠二事合一迴向六
智慧明珠等者體圓德備鑒徹惑亡爲智
明珠極果所宗故名頂上是祕是妙無能
見者亦以權隱實名在髻中開權顯實故
名解髻文無解義因便故來若不明解佛

有祕藏前後可知

知體圓德備等者釋智明

上體圓者顯是圓智即智性也德備者能
成一切眾德故即是智相鑒微即明照無
遺或亡即所知障盡略舉珠之四德二融
於理智為涅槃三德一體圓即法身二鑒
微即般若三威亡為解脫德備通於三德
亦別屬法身具足三德方名圓智亦以權
隱實者上直就佛智以明今就法華經意
兼彰於教以權隱覆實理即昔開三三即
為譬隱一果皆從開權下即會三歸一文
無已下成上開義後若不明解下出因便
明之義所以反顯佛無秘藏故涅槃說如
來但有密語而無密藏如秋月十五日欲
令同見豈有秘藏眾生不了謂之為密上
言如來有秘藏者約下位不測耳有約
法體無約佛心
佛心無恡故

是為菩薩摩訶薩施寶冠時善根迴向為令

眾生得第一智最清淨處智慧摩尼妙寶冠
故

佛子菩薩摩訶薩見有眾生處在牢獄黑暗
之處桎械枷鎖檢繫其身起坐不安眾苦競
集無有親識無歸無救裸露饑羸酸劇難忍

會

十七

菩薩見已捨其所有一切財寶妻子眷屬及
以自身於牢獄中救彼眾生如大悲菩薩妙
眼王菩薩既救度已隨其所須普皆給施除
其苦患令得安隱然後施以無上法寶令捨
放逸安住善根於佛教中心無退轉

二十四施妻子等救獄囚者上來皆明外
施此下二段明無畏施初一兼於內外之
財內財為難故佛本行經說昔五百長者
子各捨珍寶等施有一貧人問求何願云
欲求佛道自念貧無以資塗身塚間而捨
天帝試之心安不動知求佛果而稱讚之
汝此勇猛過彼五百菩薩所施百千億倍
當先作佛彼貧人者即我身是故知難中
之難施行有三初覩境與悲二如大悲下
指同先例大悲即觀自在也以其偏主此

門故下文引例皆準此知後既救度下施

以財法迴向行十願準思易了

故佛本行經等者具

足經云過去有五百長者子各出珍寶象馬車乘衣服飲食隨乞悉與有一貧人見而問之曰汝等欲求何等耶答願欲求佛道又問何謂佛道答中廣歎佛德貧人問已自念我今欲習學此願度一切復念貧窮無財行施當持已身而用惠施念已

索密編塗其身臥於冢間我今以身施與一切若有須血肉頭目髓腦悉以與之持是功德用求佛道廣度一切作是願已應時三千大千世界而大震動諸天惶惶帝釋天眼見於菩薩臥於冢間以身布施帝來欲試化作眾狗鳥獸欲食菩薩見有欲來嗽身心便歡喜無有退轉傾動之意天帝復形讚問所求為求輪王帝釋梵王答云不爾唯求佛道廣度眾生帝釋諸天同讚善哉語菩薩言汝此勇猛過彼五百菩薩所施百千萬億不可計倍當先作佛時貧人者今我身是五百長者子者今此彌勒五百菩薩是也我以精進勇猛力人起諸菩薩所作功德而先成佛

佛子菩薩摩訶薩於牢獄中救眾生時以諸

善根如是迴向所謂願一切眾生究竟解脫

貪愛纏縛願一切眾生斷生死流升智慧岸

重

六

願一切眾生除滅愚癡生長智慧解脫一切煩惱纏縛願一切眾生滅三界縛得一切智究竟出離願一切眾生永斷一切煩惱結縛到無煩惱無障礙地智慧彼岸願一切眾生離諸動念思惟分別入於平等不動智地願一切眾生脫諸欲縛永離世間一切貪欲於三界中無所染著願一切眾生得勝志樂常蒙諸佛為說法門願一切眾生得無著無縛解脫心廣大如法界究竟如虛空願一切眾生得菩薩神通一切世界調伏眾生令離世間住於大乘是為菩薩摩訶薩救度牢獄苦眾生時善根迴向為令眾生普入如來智慧地故

佛子菩薩摩訶薩見有獄囚五處被縛受諸苦毒防衛驅逼將之死地欲斷其命捨閻浮

提一切樂具親戚朋友悉將承訣置高碁上以刀屠割或用木槍豎貫其體衣纏油沃以火焚燒如是等苦種種逼迫菩薩見已自捨其身而代受之如阿逸多菩薩殊勝行王菩薩及餘無量諸大菩薩爲衆生故自捨身命

會七

十九

受諸苦毒菩薩爾時語主者言我願捨身以代彼命如此等苦可以與我如治彼人隨意皆作設過彼苦阿僧祇倍我亦當受令其解脫我若見彼將被殺害不捨身命救贖其苦則不名爲住菩薩心何以故我爲救護一切衆生發一切智菩提心故

佛子菩薩摩訶薩自捨身命救衆生時以諸善根如是迴向所謂願一切衆生得無斷盡究竟身命永離一切災橫逼惱願一切衆生依諸佛住受一切智具足十力菩提記荊願

一切衆生普救合識令無怖畏永出惡道願一切衆生得一切命入於不死智慧境界願一切衆生永離怨敵無諸厄難常爲諸佛善友所攝願一切衆生捨離一切刀劍兵仗諸惡苦具修行種種清淨善業願一切衆生離諸怖畏菩提樹下摧伏魔軍願一切衆生離大衆怖於無上法心淨無畏能爲最上大師子吼願一切衆生得無障礙師子智慧爲諸世間修行正業願一切衆生到無畏處常念救護諸苦衆生是爲菩薩摩訶薩自捨身命救彼臨刑諸獄囚時善根迴向爲令衆生離生死苦得於如來上妙樂故

二十五捨身代死囚一向內財文四可知

大方廣佛華嚴經疏鈔會本第二十六之二

大方廣佛華嚴經疏鈔會本第二十七之一 會八

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩布施乞者連膚頂髻

二十六連膚頂髻卽肉髻也施行中三初

總標施行

如寶髻王菩薩勝妙身菩薩及餘無量諸菩薩等

二如寶髻下指物同修

菩薩是時見乞者來心生歡喜

三菩薩是時下正明施行於中六一觀乞

生欣住種性故

而語之言汝今若須連膚頂髻可就我取我此頂髻閻浮提中最爲第一作是語時心無動亂不念餘業捨離世間志求寂靜究竟清

淨精勤質直向一切智

二而語下語意清淨離二障故

便執利刀割其頭上連膚頂髻右膝著地合十指掌一心施與

三便執下身業正捨事業勝故

正念三世一切諸佛菩薩所行發大歡喜增上志樂

四正念下欣慕上流意樂勝故

於諸法中意善開解不取於苦了知苦受無相無生諸受互起無有常住

五於諸法下巧安諦理無相攝故

是故我應同去來今一切菩薩修行大捨發深信樂求一切智無有退轉不由他教善知識力

六是故下決志思齊依止勝故此及迴向

有七最勝成波羅蜜前後諸施文多略無
菩薩摩訶薩作是施時以諸善根如是迴向
所謂願一切衆生得無見頂成就菩薩如塔
之髻願一切衆生得紺青髮金剛髮細軟髮
能滅衆生一切煩惱願一切衆生得潤澤髮
密緻髮不侵鬢額髮願一切衆生得柔軟髮
盡於鬢額而生髮願一切衆生得如卍字髮
螺文右旋髮願一切衆生得佛相髮永離一
切煩惱結習願一切衆生得光明髮其光普
照十方世界願一切衆生得無亂髮如如來
髮淨妙無雜願一切衆生得成應供頂塔之
髮令其見者如見佛髮願一切衆生皆得如
來無染著髮永離一切暗翳塵垢
二菩薩下迴向行中十願一無見頂者縱
窮上界亦有餘故言如塔者菩薩敬故二

堅無中斷故五中靜法云準梵本令得二
相髮調室利鞞蹉塞縛悉底迦相髮義如
前說六云得佛相髮準梵本却是右旋餘
可知

是爲菩薩摩訶薩施連膚髻時善根迴向

爲令衆生其心寂靜皆得圓滿諸陀羅尼究
竟如來一切種智十種力故

迴向所爲中總結諸髮成髻圓滿故云爾
也

佛子菩薩摩訶薩以眼布施諸來乞者如歡

喜行菩薩月光王菩薩及餘無量諸菩薩等

所行惠施

二十七施眼智論十四說施有三種飲食
爲下珍寶爲中頭目五臟爲上廣如彼說
文中施行內有四一標章引例

經云及餘
無量菩薩

者賢愚經第六快目王施眼說過去阿僧祇劫有王名爲快目其目徹過牆壁見四里王八萬四千國性善好施有邊國王名波羅陀拔彌不賓王化治正失度快目王舉兵往伐彼王有臣云快目王好施令一盲婆羅門從其乞眼快目便許之七日後施臣佐悲諫太子請以眼代快目王廣爲說法令劍一眼置於掌中廣發大願後置婆羅門眼中彼即得視復剋一瞽帝釋匡中亦即得視大地震動諸天下諸帝釋問王施眼何求答惟求佛道問有悔心不答言無悔若不悔者令我如故尋便平復婆羅門迴奏報彼王彼王聞已心裂而死

菩薩摩訶薩布施眼時起清淨施眼心起清淨智眼心起依止法光明心起現觀無上佛道心發迴向廣大智慧心發與三世菩薩平等捨施心發於無礙眼起不壞淨信心於其乞者起歡喜攝受心

二菩薩摩訶薩下發起勝心

爲究竟一切神通故爲生佛眼故爲增廣大菩提心故爲修習大慈悲故爲制伏六根故

於如是法而生其心

三爲究竟下明行心所爲可知

佛子菩薩摩訶薩布施眼時於其乞者心生愛樂爲設施會增長法力捨離世間愛見放逸除斷欲縛修習菩提隨彼所求心安不動不違其意皆令滿足而常隨順無二捨行

四佛子下彰施儀式

以此善根如是迴向所謂願一切衆生得最勝眼示導一切願一切衆生得無礙眼開廣智藏願一切衆生得淨肉眼光明鑒徹無能蔽者願一切衆生得淨天眼悉見衆生生死業果願一切衆生得淨法眼能隨順入如來境界願一切衆生得智慧眼捨離一切分別取著願一切衆生具足佛眼悉能覺悟一切諸法願一切衆生成就普眼盡諸境界無所

障礙願一切衆生成就清淨離癡翳眼了衆
生界空無所有願一切衆生具足清淨無障
礙眼皆得究竟如來十力

二迴向行願成十眼與離世間大同小異
願成十眼等者今畧會之彼十眼者一
謂肉眼見一切色故二天眼見一切衆生
心故三慧眼見一切衆生諸根境界故四
法眼見一切衆生實相故五佛眼見如來
十力故六智眼見諸法故七光明眼見
佛光明故八出生死眼見涅槃故九無礙
眼所見無齊故十一智眼見普門法界
故若會今文一即第八導衆生令出生
死得涅槃證爲最勝故二即第九名義全
同次五即五眼用小有異多同尋常五眼
八即第十名同所見從能見智是佛一切
智雙就能所故名普眼九即光明眼從其

能照名爲光明身智二光照生性空就其
離過名淨離瞽十即智眼如來十力方見
諸法故然彼約菩薩此願得佛因果小異
故用小殊大旨同也故疏云大同小異

是爲菩薩摩訶薩布施眼時善根迴向爲令
衆生得一切智清淨眼故

佛子菩薩摩訶薩能以耳鼻施諸乞者如勝

行王菩薩無怨勝菩薩及餘無量諸菩薩等

二十八施耳鼻中二事合明施行別顯迴

向而文但三今初施行有二一標章引例

布施之時親附乞者專心修習諸菩薩行具

佛種性生如來家念諸菩薩所修施行常勤

發起諸佛菩提清淨諸根功德智慧觀察三

有無一堅固願常得見諸佛菩薩隨順憶念

一切佛法知身虛妄空無所有無所貪惜菩

薩如是施耳鼻時心常寂靜調伏諸根勉濟

衆生險惡諸難生長一切智慧功德入大施

海了達法義具修諸道依智慧行得法自在

以不堅身易堅固身

二布施之時下安住勝心一具佛種性卽

安住最勝二念諸下事業最勝三常勤下

依止最勝四隨順下清淨最勝五免濟下

意樂最勝六生長下巧便最勝

具佛種性者謂具七

最勝成波羅蜜如第一會

佛子菩薩摩訶薩布施耳時以諸善根如是迴向所謂願一切衆生得無礙耳普聞一切說法之音願一切衆生得無障耳悉能解了

一切音聲願一切衆生得如來耳一切聰達無所壅滯願一切衆生得清淨耳不因耳處生分別心願一切衆生得無聾瞶耳令蒙昧識畢竟不生願一切衆生得徧法界耳悉知一切諸佛法音願一切衆生得無礙耳開悟一切無障礙法願一切衆生得無壞耳善知諸論無能壞者願一切衆生得普聞耳廣大清淨爲諸耳王願一切衆生具足天耳及以佛耳

二迴向行中先耳十願初及第七俱名無

會八

六

礙者準梵本初名無著瞶者從生即聾故爲耳王者聞與不聞皆自在故

是爲菩薩摩訶薩布施耳時善根迴向爲令衆生皆悉獲得清淨耳故

佛子菩薩摩訶薩布施鼻時

後施鼻迴向中有四初牒起

如是迴向所謂願一切衆生得隆直鼻得隨好鼻得善相鼻得可愛樂鼻得淨妙鼻得隨順鼻得高顯鼻得伏怨鼻得善見鼻得如來鼻

二正顯中有二願前一願得十鼻言隨好者兩孔不現故善相者相海品云如來鼻有大人相名一切神通智慧雲故隨順鼻者隨宜所現故

願一切衆生得離恚怒面得一切法面得無

障礙面得善見面得隨順面得清淨面得離過失面得如來圓滿面得徧一切處面得無量美好面

後一願得十面鼻居面中好醜由起故相從立願一切法者正向諸法故

是爲菩薩摩訶薩布施鼻時善根迴向

是爲下結

爲令衆生究竟得入諸佛法故爲令衆生究竟攝受諸佛法故爲令衆生究竟了知諸佛法故爲令衆生究竟住持諸佛法故爲令衆生究竟常見諸如來故爲令衆生皆悉證得佛法門故爲令衆生究竟成就無能壞心故爲令衆生皆能照了諸佛正法故爲令衆生普悉嚴淨諸佛國土故爲令衆生皆得如來大威力身故

四爲令下迴向所爲有十以鼻香氣所入故攝受香故了知故住於覺故如眼見色故合中知故不壞鼻根故不邪分別故香氣嚴潔故五分法身香故

是爲菩薩摩訶薩施耳鼻時善根迴向

佛子菩薩摩訶薩安住堅固自在於地中能以牙齒施諸衆生猶如往昔華齒王菩薩六牙象王菩薩及餘無量諸菩薩等

二十九施牙齒初施行中安住堅固自在位者登地已上故智論十四云象王施牙

是法身菩薩事廣如彼及十輪第四

論云

迦文佛曾爲六牙白象獵者伺便以毒箭射之諸象競至欲求踏殺獵者白象以身捍之擁護其人慙之如子曉喻殷勤遮止羣象徐問獵人何故射我答曰我須汝牙即以六牙內石孔中血肉俱出以鼻舉牙授與獵者雖曰象身用心如是當知此象非畜生行報阿羅漢法中都無此心當知此爲法身菩薩及十輪者經云若有苾芻

於諸根本性重罪中隨犯一罪雖名破戒
惡行如犯其餘諸小過罪是故不許
尚應如是況犯其輕者猶罰所以者何
國王大臣諸在家者輕者罰王名曰梵授
善男子乃至過去有迦耆國王名曰梵授
勅五旃陀羅有去名青蓮華六牙且
足往雪山邊汝可往彼取牙來若不得
者汝等五人定無活義時旃陀羅為護身
命執持弓箭被赤裝現於沙門威儀形
相往雪山邊至象王所彼母象遙見人來
執持弓箭驚怖馳走詣象王所白言大天
今見有人張弓挾箭徐行現視來趣我等
將非我等欲害耶象王聞已舉目觀見
剗除鬚髮著袈裟人即為母象而說偈言
被琬如沙等諸佛法幢相觀此雖惡心必
不害衆生時彼母象以頌答曰雖知惡法
服而執於弓箭是惡旃陀羅樂惡無悲愍
時大象王復說頌曰見袈裟一相知是惡
悲本此必歸佛者愍念諸衆生汝勿懷疑
慮宜應速攝心被此法衣人欲度生死海
時旃陀羅即以毒箭響弓審射中象王心
母象見之悲號叫哭聲哀咽以頌白言
被此法衣人應定歸佛威儀雖寂靜而
懷毒惡心應速踏彼身令其命根斷滅此
怨令盡以射天身故時大象王以頌答曰
寧速捨身命不應生惡心彼雖懷詐心猶
似佛弟子智者非為命而壞清淨心為度
諸有情當習菩薩行時大象王曰欲須汝
徐問人言汝習何所須彼人答曰欲須汝
象王歡喜即自拔牙施旃陀羅而說頌曰

我以白牙今施汝無忿恨無貪惜願以
施福當成佛滅除衆生煩惱病善男子當
觀如是過去象王雖受如是傍生趣身為
求阿耨多羅三藐三菩提故而能棄捨身
命無憾恭敬尊重著袈裟人雖彼為怨而
不加報然未來世有利帝利旃陀羅王率
官居士長者沙門婆羅門等歸於我法而
出家者若是法器若非法器弟子諸所惱
亂呵罵或已鞭杖楚撻其身或閉牢獄乃
至斷命此於一切過去未來現在諸佛記
諸大罪決定當趣無間地獄斷滅善根焚
燒相續一切智者之所遠離莊嚴論十三
亦云昔釋迦牟尼為菩薩時作六牙白象
王時王夫人於象有怨即募人取與一梓
象別處而住獵師服袈裟懷挾弓箭屏樹
徐行符象語象王答云何所怖畏亦說偈
着袈裟象王答云何所怖畏亦說偈云如
是之幢相不害於外物內有慈悲心常獲
於一切慈悲何人即射毒箭符象乃云大
天云有慈悲何人即射毒箭符象乃云大
脫服煩惱之所作遠離於慈悲悉非衣服
過符象欲害王言何不治結使復說偈云
如人鬼入心癡狂毀罵鬻鬻師治於鬼不
責病苦人草象尋來王恐傷之向彼獵師
安之腹下遠去羣象獵師感之悲泣流淚
象王撫之問為何來獵師答云王遣取牙
象王命取云不敢取象王遂以鼻紋取牙
象而取出血大流出痛苦戰掉有天說偈
心當堅安住莫為愚癡問當觀苦惱衆云
何可濟拔復有天云弟子反牙苦悲念於

地獄拔已而住獵師思惟將無悔耶象王
知念說偈勸取以鼻擊牙而授與之釋曰
緣起小異大意皆同而牙有
出沒又爲難行故重重引證

菩薩摩訶薩施牙齒時其心清淨希有難得
如優曇華所謂無盡心施大信心施步步成
就無量捨心施調伏諸根心施一切悉捨心

施一切智願心施安樂衆生心施大施極施

勝施最勝施輟身要用無所嫌恨心施

菩薩爾時以諸善根如是迴向所謂願一切

衆生得銛白牙齒成最勝塔受天人供願一

切衆生得齊平牙齒如佛相好無有疎缺願

一切衆生得調伏心善趣菩薩波羅蜜行願

一切衆生口善清淨牙齒鮮白分明顯現願

一切衆生得可憶念莊嚴牙齒其口清淨無

可惡相願一切衆生牙齒成就具滿四十常

出種種希有妙香願一切衆生意善調伏牙

齒鮮潔如白蓮華文理迴旋卅字成就願一
切衆生口脣鮮淨牙齒潔白放無量光周徧
照耀願一切衆生牙齒堅利食無完粒無所
味著爲上福田願一切衆生於牙齒間常放
光明授諸菩薩第一記別

二菩薩下迴向行十願唯第三單約心說

謂智能調惑趣於彼岸如牙調食以資法

身餘皆約牙齒說萬字成就者若梵本但

云右旋及有樂耳放無量光者即如相海

品說

食八

是爲菩薩摩訶薩施牙齒時善根迴向爲令

衆生具一切智於諸法中智慧清淨故

佛子菩薩摩訶薩若有人來從乞舌時於乞

者所以慈悲心軟語愛語猶如往昔端正面

王菩薩不退轉菩薩及餘無量諸菩薩等佛

子菩薩摩訶薩於諸趣中而受生時有無量百千億那由他衆生而來乞舌菩薩爾時安置其人在師子座以無害心無害心無恨心大威德心從佛種性所生心住於菩薩所住心常不濁亂心住大勢力心於身無著心於語無著心兩膝著地開口出舌以示乞者慈心軟語而告之言我今此身普皆屬汝可取我舌隨意所用令汝所願皆得滿足

菩薩爾時以諸善根如是迴向所謂願一切衆生得周普舌悉能宣示諸語言法願一切衆生得覆面舌所言無二皆悉真實願一切衆生得普覆一切佛國土舌示現諸佛自在神通願一切衆生得軟薄舌恒受美妙清淨上味願一切衆生得辯才舌能斷一切世間疑網願一切衆生得光明舌能放無數萬億

光明願一切衆生得決定舌辯說諸法無有窮盡願一切衆生得普調伏舌善能開示一切祕要所有言說皆令信受願一切衆生得普通達舌善入一切語言大海願一切衆生得善說一切諸法門舌於言語智悉到彼岸三十施舌願中初卽相海品廣長舌相餘可知

是爲菩薩摩訶薩布施舌時善根迴向爲令衆生皆得圓滿無礙智故

佛子菩薩摩訶薩以頭布施諸來乞者如最勝智菩薩及大丈夫迦尸國王等諸大菩薩所行布施

三十一施頭初施行中三初標章引證引迦尸國王者又本行經說月光王報恩第五名大光王施頭與婆羅門具說如彼

尸迦

國王未見名同月光王緣十藏品
已引菩薩本緣經亦有大同小異

爲欲成就入一切法最勝智首爲欲成就證
大菩提救衆生首爲欲具足見一切法最第
一首爲得正見清淨智首爲欲成就無障礙
首爲欲證得第一地首爲求世間最勝智首
欲成三界無能見頂淨智慧首爲得示現普
到十方智慧王首爲欲滿足一切諸法無能
破壞自在之首

次爲欲下顯施所爲爲有十種皆約佛智
隨義不同一入理二導悲三見事四離障

五融事理六爲所依七超劣八見無初相
九現用自在十卽事而真故不可壞

佛子菩薩摩訶薩安住是法精勤修習則爲
已入諸佛種性學佛行施於諸佛所生清淨
信增長善根令諸乞者皆得喜足其心清淨

慶悅無量心淨信解照明佛法發菩提意安
住捨心諸根悅豫功德增長生善樂欲常好
修行廣大施行

後佛子下正顯施行亦具最勝可以意得
菩薩爾時以諸善根如是迴向所謂願一切
衆生得如來頭得無見頂於一切處無能映
蔽於諸佛刹最爲上首其髮右旋光淨潤澤
卍字嚴飾世所希有具足佛首成就智首一
切世間最第一首爲具足首爲清淨首爲坐
道場圓滿智首

會八

十二

二菩薩下迴向行等可知

是爲菩薩摩訶薩布施頭時善根迴向爲令
衆生得最勝法成於無上大智慧故
佛子菩薩摩訶薩以其手足施諸衆生如常
精進菩薩無憂王菩薩及餘無量諸菩薩等

於諸趣中種種生處布施手足

三十二施手足二事合願文但有三初施行亦三初標章引證

以信爲手起饒益行往反周旋勤修正法願得寶手以手爲施所行不空具菩薩道常舒

六

十三

其手擬將廣惠安步遊行勇猛無怯以淨信力具精進行除滅惡道成就菩提

次以信下標因祈果信爲手因果能兩寶行爲足因果普遊步等

佛子菩薩摩訶薩如是施時以無量無邊廣

大之心開淨法門入諸佛海成就施手周給十方願力任持一切智道住於究竟離垢之心法身智身無斷無壞一切魔業不能傾動依善知識堅固其心同諸菩薩修行施度後佛子下淨心正施於中初施手心願力

已下明施足心如足住地能持身故願住智地能成智身離心垢故能顯法身法身湛然故不可壞智證永續故無有斷

佛子菩薩摩訶薩爲諸衆生求一切智施手足時以諸善根如是迴向所謂願一切衆生具神通力皆得寶手得寶手已各相尊敬生福田想以種種寶更相供養又以衆寶供養諸佛興妙寶雲徧諸佛土令諸衆生互起慈心不相惱害遊諸佛刹安住無畏自然具足究竟神通

二佛子下明迴向行文二初廣辨一用手能兩寶足能遊刹

又令皆得寶手華手香手衣手蓋手華鬘手末香手莊嚴具手無邊手無量手普手得是手已以神通力常勤往詣一切佛土能以一

手徧摩一切諸佛世界以自在手持諸衆生
得妙相手放無量光能以一手普覆衆生成
於如來手指網縵赤銅爪相菩薩爾時以大
願手普覆衆生願一切衆生志常樂求無上
菩提出生一切功德大海見來乞者歡喜無
厭入佛法海同佛善根

次又令下略舉諸手之用

是爲菩薩摩訶薩施手足時善根迴向

佛子菩薩摩訶薩壞身出血布施衆生如法

業菩薩善意王菩薩及餘無量諸菩薩等

三十三壞身出血施文亦唯三施行引例

及下施髓並如智論十四中說

及下施髓並在智論

者論云月光太子出行遊觀癩人見之要
車自言我身重病辛苦懊惱太子嫌遊獨
自厭耶大慈愍念願見教療太子聞之以
問諸醫醫言當須從生長大無瞋之人血
髓塗而飲之如是可愈太子念言設有此
人貪生惜壽云何可得自除我身無可得

處即命旃陀羅令除身肉破
骨出髓以塗病人以血飲之

於諸趣中施身血時起成就一切智心起欣
仰大菩提心起樂修菩薩行心起不取苦受
心起樂見乞者心起不嫌來乞心起趣向一
切菩薩道心起守護一切菩薩捨心起增廣
菩薩善施心起不退轉心不休息心無戀已
心

以諸善根如是迴向所謂願一切衆生皆得
成就法身智身願一切衆生得無勞倦身猶
如金剛願一切衆生得不可壞身無能傷害

會八

十五

願一切衆生得如變化身普現世間無有盡
極願一切衆生得可愛樂身淨妙堅固願一
切衆生得法界生身同於如來無所依止願
一切衆生得如妙寶光明之身一切世人無
能映蔽願一切衆生得智藏身於不死界而

得自在願一切衆生得寶海身見皆獲益無空過者願一切衆生得虛空身世間惱患無能染著

是爲菩薩摩訶薩施身血時以大乘心清淨心廣大心欣悅心慶幸心歡喜心增上心安樂心無濁心善根迴向

佛子菩薩摩訶薩見有乞求其身體肉歡喜軟語謂乞者言我身體肉隨意取用如饒益菩薩一切施王菩薩及餘無量諸菩薩等

三十四施身體肉中二事合願初施行中

三初標章引證

於諸趣中種種生處以其體肉施乞者時歡喜廣大施心增長同諸菩薩修習善根離世塵垢得深志樂以身普施心無有盡具足無量廣大善根攝受一切妙功德寶如菩薩法

受行無厭心常愛樂布施功德一切周給心無有悔審觀諸法從緣無體不貪施業及業果報隨所會遇平等施與

次於諸趣下正顯行相

佛子菩薩摩訶薩如是施時一切諸佛皆悉現前想之如父得護念故一切衆生皆悉現前普令安住清淨法故一切世界皆悉現前嚴淨一切佛國土故一切衆生皆悉現前以大悲心普救護故一切佛道皆悉現前樂觀如來十種力故去來現在一切菩薩皆悉現前同共圓滿諸善根故一切無畏皆悉現前能作最上師子吼故一切三世皆悉現前得平等智普觀察故一切世間皆悉現前發廣大願盡未來劫修菩提故一切菩薩無疲厭行皆悉現前發無數量廣大心故

後佛子下彰施現益

佛子菩薩摩訶薩施髓肉時以此善根如是迴向

所謂願一切衆生得金剛身不可沮壞願一切衆生得堅密身恒無缺減

願一切衆生得意生身猶如佛身莊嚴清淨

二迴向十願三云意生身者七卷楞伽第

二云譬如意去速疾無礙名意生身此乃

意是舉喻

此乃等者彼經意生身下便云大慧譬如心意於無量百千由旬外憶先所見種種諸物念念相續疾諸於彼非是其身及山河石壁所能爲礙意

是故云喻也然此身類有其三種一三

昧樂二覺法自性三種類俱生無作行

此然

身類下二顯別類三列名今依七卷若依四卷初明三昧樂正受第二名中有重性字然三段俱是七卷第四卷依四卷即當第三今更引四卷對決四卷地位便在釋相之中最初列竟即云修行者初者楞了知初地上增進相得三種身

伽第四云謂入於三昧離種種心寂然不

動心海不起轉識波浪了境心現皆無所

有楞伽下第二釋相即七卷若第四但畧結名及地位耳地位一何四卷留待辨

位明故初身四卷云大慧云何三昧樂正

受故意生身謂第三第四第五地三昧樂正

受故種種自心寂靜安住心海起浪識相

不生知自心現非境界性是名三昧樂正

受意生身釋曰斯則七卷文簡而顯然四

卷疏意云從初至七皆觀三界心意識境

界妄想是故須入三昧滅心意識以起意

生法身經隱前二沒後二地畧舉中間從

種種自心下出體亦有解云初二約位未

得定故不說意生身六七已得般若常在

無相故屬第二身今疏依云何覺法自性

此故下約位云五地前云何覺法自性

謂了法如幻皆無有相心轉所依依如幻

定及餘三昧能現無量自在神通如華開

敷速疾如意如幻如夢如影如像非四大

造與造相似一切色相具足莊嚴普入佛

無漏業為因有阿羅漢緣覺自在菩薩二
種意生身西域自有三說羅漢緣覺迴
二依無上信仍本名故為三乘至迴向
心至十信在菩薩即初地已上對前二位故
終名自在菩薩已上迴向終方名一
名自在初地已上迴向終方名一
云羅漢緣覺直往菩薩初地已上名自在菩薩
羅漢緣覺亦有三種意生身一云聲聞緣覺
同第二釋從二乘有學迴心至迴向終名
自在菩薩對未發心得名自在三身得同
前二解二據無上依隨三乘人即為三身
前二迴心至等覺位名菩薩意生身釋曰後
後一初地至等覺意生身三若成唯識第八
乘人皆得三意生身耳
名為意成隨意願成故意明但轉變成非
新生故故論又云亦名變化身無漏定力
轉令異本如變化故若成唯識下三彰異
死名云由悲願力改轉身命無定齊限故
名變易無漏定願正所資感妙用難測名
不思議或名意成身隨意願成故彼釋云
隨大悲意之所成耳意明已下是疏釋論
然此異名總有其三一名不思議變易身
二名變化身三名意成身若出體者總有
三說一云悲願為體二云定願為性三云
無明住地感無漏有分別業為性若問答

者問若所依身隨地有別可說短長而命
如燈焰念念生滅非如分段一期等事
何說彼無定齊限答玄裝三藏解云理實
命根無別分限隨所依身微細分限諸
依悲願而感此身故留煩惱此後何用諸
法留不答云七地已上雖受變易而與聖道
故留不答云七地已上雖受變易而與聖道
不相違故所以不斷又解八地已上變易
生死還相假藉故留不斷由此感力資別
業力得受用身非如無學迴心大者唯依
一業問若所知障助業能感生死二乘定
性應不永入無餘涅槃釋曰小乘問也二
乘既有所知障則常感生死不入涅槃論
主答云如諸異生拘礙者心樂趣寂為此
煩惱不趣涅槃故不趣寂者心樂趣寂為此
心拘礙不趣涅槃故不趣寂者心樂趣寂為此
異生為煩惱相不趣涅槃故不趣寂者心樂趣寂為此
感苦釋曰以無漏有分別業即何道諸實能
答云誰言實感不爾如何下論主答無漏
定願資有漏業令得果相續長時展轉
增勝假說名感如是感時由所知障為緣
助力非獨能感然所知障不障解脫無能
發業潤生用故釋曰謂第四禪無漏勝定
資色無色已感異熟諸有漏業令所得果
相續增長無漏資勝假說能感非無漏業
實能感若又此能感由所知障助故所知
障不感若者不此能感由所知障助故所知
彼復何須執所知障助論答云既未圓證無
由發起猛利悲願餘可畧也
上皆通因

妙為二隨好順益國清為一隨好兩類圖
滿善安其所為二隨好妙為二隨好其異二
妙為二隨好妙為二隨好妙為二隨好
孔並皆殊妙為二隨好妙為二隨好
好角一隨好耳並皆殊妙為二隨好
妙為一隨好耳並皆殊妙為二隨好
好總合說為八十隨好若依無已上二十隨
有八十與大般若同恐繁不引然釋此
相喻如之中乃有二門一列名二辨釋初
中上瑜伽但列名而已二辨釋中論更有
五門一相好起位二相好之因三相好位
差四相好廢立五相好優劣初起位者論
云如是諸相及諸隨好若諸菩薩入淨勝
意樂地時以殊勝清淨二明因者大相淨
展轉獲得殊勝清淨二明因者大相淨
前疏已引三位差別者論云當知如是三
十二相八十隨好菩薩在勝解地唯修種
子依身而住若菩薩在勝解地唯修種
彼能得方便若在清淨增上意樂地中乃
名為得若在諸般上地如是相好轉勝有
淨若在如來到究竟地當知相好善淨無
上四廢立者論云如是諸相是有色故劣
中勝品諸有清淨易了知故餘有一切不
共佛法皆得名為大丈夫相唯立此為大
丈夫相又即如是三十二種大丈夫相由
所依性為任持故釋曰此三十二與餘功
德為所依故偏得立名餘不得名下辨好
劣者至隨好妙令端嚴故說名隨好五優
品當廣分別

願一切衆生得如來身究竟清淨不可限量
願一切衆生得堅固身一切魔怨所不能壞
願一切衆生得一相身與三世佛同一身相
願一切衆生得無礙身以淨法身徧虛空界
願一切衆生得菩提藏身普能容納一切世
間
十云菩提藏身者如出現品如來成正覺
時於其身中普見一切衆生成正覺等故
普見一切等者等有二義一尋下文云乃
至普見一切衆生入涅槃皆同一性所謂
無性無何等性所謂是無相性無造性無
生性無滅性等二等取次下經云佛子菩
薩應知如來身一毛孔中有一切衆生數
等諸佛身亦即身藏之義上則普含衆生
此則但合諸佛上全身舍今一毛
舍通法界毛當知亦爾故身為藏
是為菩薩摩訶薩求一切智施髓肉時善根
迴向為令衆生皆得如來究竟清淨無量身
故

佛子菩薩摩訶薩以心布施諸來乞者如無悔厭菩薩無礙王菩薩及餘無量諸大菩薩

三十五施心初施行

以其自心施乞者時學自在施心修一切施心習行檀波羅蜜心成就檀波羅蜜心學一

切菩薩布施心一切悉捨無盡心一切悉施慣習心荷負一切菩薩施心正念一切諸佛現前心供養一切諸來乞者無斷絕心菩薩摩訶薩如是施時其心清淨爲度一切諸衆生故爲得十力菩提處故爲依大願而修行故爲欲安住菩薩道故爲欲成就一切智故爲不捨離本誓願故

二迴向行中先辨意後顯願有二十心

以諸善根如是迴向所謂願一切衆生得金剛藏心一切金剛圍山等所不能壞

初云金剛藏者藏即名堅其猶樹藏金剛亦堅即佛地智世法莫壞如不思議品十種勇健法中第一法說藏即名堅者此即十地初釋金剛藏論文如不思議品者經云謂一切諸佛身不可壞命不可斷乃至云八部天龍畜其勢力而大金剛山如須彌山及鐵圍山過於三千大千世界一時俱下不能令佛心

有驚怖乃至一毛亦不搖動

願一切衆生得已相莊嚴金剛界心

二中外標已相表萬德吉祥內智契如名金剛界界者性也由契性故堅如金剛不可損壞由成智故利如金剛壞難壞惑故

會八

三十四

十地受職分內名金剛莊嚴臆德相不思議法品及離世間皆有此心名大同也第九迴向及離世間又名金剛界根金剛焰根亦即此名以清淨心王於無分別智有所依增上義故立以根稱

得無能動搖心得不可恐怖心得利益世間
常無盡心得大勇猛幢智慧藏心

其大勇猛幢取降伏義

得如那羅延堅固幢心

言堅固幢取不爲他壞義

會八

三

得如衆生海不可盡心得那羅延藏無能壞
心得滅諸魔業魔軍衆心得無所畏心得大
威德心得常精進心得大勇猛心得不驚懼
心得被金剛甲胄心

被金剛甲是大誓義

得諸菩薩最上心得成就佛法菩提光明心
得菩提樹下坐安住一切諸佛正法離諸迷
惑成一切智心得成就十力心

餘並可知

是爲菩薩摩訶薩布施心時善根迴向

爲令衆生不染世間具足如來十力心故
佛子菩薩摩訶薩若有乞求腸腎肝肺悉皆
施與如善施菩薩降魔自在王菩薩及餘無
量諸大菩薩

三十六施腸腎肝肺四事合一迴向前有
大小二腸今合爲一腸

行此施時見乞者來其心歡喜以愛眼觀爲
求菩提隨其所須悉皆施與心中不悔觀察
此身無有堅固我應施彼取堅固身復念此
身尋卽敗壞見者生厭狐狼餓狗之所噉食
此身無常會當棄捨爲他所食無所覺知佛
子菩薩摩訶薩作是觀時知身無常穢汗之
極於法解悟生大歡喜敬心諦視彼來乞者
如善知識而來護想隨所乞求無不惠施以
不堅身易堅固身

躡 徒合切音通又適音
切音躡持也 躡也
高也拓也 思廉切聲
蒼入音閣 隙音乞空
並黠也 黠音烏舍

大方廣佛華嚴經疏鈔會本第二十七之三 會九

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩布施乞者支節諸骨如法

藏菩薩光明王菩薩及餘無量諸大菩薩施

會九

其身分支節骨時見乞者來生愛樂心歡喜

心淨信心安樂心勇猛心慈心無礙心清淨

心隨所乞求皆施與心

三十七支節諸骨前云骨髓髓已前明而

加支節諸骨若合者但是一事謂支節之

骨若開支節自是一事如節節支解等即

前列所無

菩薩摩訶薩施身骨時以諸善根如是迴向

所謂願一切衆生得如化身不復更受骨肉

血身願一切衆生得金剛身不可破壞無能

勝者願一切衆生得一切智圓滿法身於無

縛無著無繫界生

迴向行中言無繫界者即涅槃界

願一切衆生得智力身諸根圓滿不斷不壞

願一切衆生得法力身智力自在到於彼岸

願一切衆生得堅固身其身貞實常無散壞

願一切衆生得隨應身教化調伏一切衆生

願一切衆生得智熏身具那羅延支節大力

言具那羅延支節大力者如涅槃校量

羅延者即涅槃北經第十一南本第十現

病品因佛現臥迦葉怪問如來已離病惱

何故倚臥便校量佛力云十小牛力不如

一大牛力不如一凡象力十凡象力不如一野

象力次四牙象次雪山白象次香山象次

青象次黃象次赤象次白象次山象次優

鉢羅象次芬陀利象次一力士次鉢健提

次八臂那羅延次十住菩薩一節之力皆

佛力不可思議

願一切衆生得堅固相續不斷絕身永離一切疲極勞倦願一切衆生得大力安住身悉能具足精進大力願一切衆生得徧世間平等法身住於無量最上智處願一切衆生得福德力身見者蒙益遠離衆惡願一切衆生得無依處身皆得具足無依著智願一切衆生得佛攝受身常爲一切諸佛加護願一切衆生得普饒益諸衆生身悉能徧入一切諸道願一切衆生得普現身普能照現一切佛法

言普照現身者如淨明鏡無不現故餘可知

願一切衆生得具足精進身專念勤修大乘智行願一切衆生得離我慢貢高淸淨身智常安住無所動亂願一切衆生得堅固行身

會九

二

成就大乘一切智業願一切衆生得佛家身永離世間一切生死是爲菩薩摩訶薩施身骨時善根迴向

爲令衆生得一切智永淸淨故

所爲中言得智者智爲萬德之骨故

佛子菩薩摩訶薩見有人來手執利刀乞其身皮心生歡喜諸根悅豫譬如有人惠以重恩逢迎引納敷座令坐曲躬恭敬而作是念此來乞者甚爲難遇斯欲滿我一切智願故來求索饒益於我歡喜和顏而語之言我今

會

三

此身一切皆捨所須皮者隨意取用猶如往昔淸淨藏菩薩金脇鹿王菩薩及餘無量諸大菩薩等無有異

三十八施身皮引例中淸淨藏菩薩未見同名智論十六中如毒龍受一日戒被剝

五色皮忍而施之云云言金脇鹿王者智

論及菩薩本緣集經第三說金脇鹿救於

溺者彼人背恩告王取鹿大例名同而非

施皮智論者論云問曰已知尸羅相云何

失身波羅蜜答曰有人言菩薩持戒寧自

陀摩王經中所說不惜身命以全禁戒如

菩薩本身曾作大力毒龍若衆生在前身

力弱者眼視便死身力強者氣往而死是

龍曾受一日禁戒出家求靜入林樹間思

惟坐久疲憊而睡龍法睡時後形如蛇身

有文綵七寶雜色獵者見之驚言曰此

乃希有難得之皮獻上國王以爲服飾不

亦宜乎便以杖按其頭以刀剝其皮龍自

念言我力如意傾覆此國其如反掌此人

小物豈能困我今以持戒不計此身當

從佛語於是自忍眠目不視聞氣不息憐

忘此人爲持戒故一心受剝不生悔意既

以失皮赤肉在地時日大熱宛轉土中欲

趣大水見諸小蟲來食其身爲持戒故不

復敢動自思惟言我今此身以後成佛時

佛道故今以肉施以充其身後成佛時

以法施以益其心如是誓已身乾命終即

生第二切利天上爾時毒龍即今我身釋

迦佛是時獵者提婆達多等六師是諸

小蟲輩釋迦佛初轉法輪八萬諸天得道

者是菩薩護戒不惜身命決定不悔其事

如是名尸羅波羅蜜釋曰雖本明戒正是

施皮耳菩薩本緣經亦有此緣其事更廣

先爲大龍有大力威化身爲人爲與諸

龍女共相娛樂至毗陀山幽邃之處金翅

欲食欲來諸山碎壞泉池令其枯涸諸龍

龍女化爲女人來附此龍龍爲金翅說慈

心法令反本宮後爲諸龍說慈心法亦令

行慈後捨就靜山間齋戒多日因乏暫

卧止息後遇惡人餘同上智論及菩薩本

緣經者經云菩薩過去墮畜生中而爲鹿

身兩脇金色脊似瑠璃餘處雜種難

名體如碑礪角如金瑠璃其身莊嚴如七寶

藏身色光燄如日初出諸天敬重爲立名

字名金色鹿善解人語爲諸羣鹿宣說正

法爲大利益下取意略引至一河邊暴水

泛溢損壞樹岸見一溺人投水救之其人

得濟白鹿王言我無所須是我再生父母何以

報德鹿王言我無所須是我再生父母何以

見當嘿汝言知恩之人具多功德不知恩

者多受苦報此人背恩還白王知王即命

駕令此溺人引至鹿所鹿王正睡有鳥啄

耳覺已瞻望見王兵已近乃安撫羣鹿云

王爲我來汝勿驚怖尋至王所溺者指言

此是鹿王兩手墜落王見是事下馬詣鹿

鹿却慰王勿令驚怖我施一切衆生無畏

王遂讚言汝雖獸身非實畜也王語鹿言

既施一切衆生無畏爲何令此溺人兩手

墮落鹿王答言如人犯官重法自招其咎

此人自作自受非我使然王便長跪叉手

白鹿我從今日長相歸依鹿白王言若能

爾者願賜此人無畏如赤子想此人必墮地獄故可憐惡王益稱敬願長為弟子普施諸鹿令得無畏勅令國內不得遊獵殺害眾生廣如彼說更有九色鹿經事緣一同但云九色又王夫人夜夢託病王為求之許分半國貪利見王言知鹿處當即面癩後結會云鹿即我身是王即父王夫人即先陀利烏即阿難溺人即調達餘皆同也釋曰金色義同非正捨皮云大例相似

菩薩爾時以諸善根如是迴向所謂願一切

眾生得微細皮猶如如來色相清淨見者無

厭願一切眾生得不壞皮猶如金剛無能壞

者願一切眾生得金色皮如閻浮檀上妙真

金清淨明潔願一切眾生得無量色皮隨其

心樂現清淨色願一切眾生得淨妙色皮具

足沙門善軟清淨如來色相願一切眾生得

第一色皮自性清淨色相無比願一切眾生

成就如來清淨色皮以諸相好而自莊嚴願

一切眾生得妙色皮放大光明普照一切願

會見

五

一切眾生得明網皮如世高幢放不可說圓滿光明願一切眾生得潤澤色皮一切色相悉皆清淨

願中云相好皮者謂金色等

相好者相謂三十二相中

第十五身皮金色好者八十種好中第十

著故疏云等

是為菩薩摩訶薩施身皮時善根迴向為令

眾生皆得一切嚴淨佛刹具足如來大功德

故

所為云淨佛刹者皮為外相故

佛子菩薩摩訶薩以手足指施諸乞者如堅

精進菩薩閻浮提自在王菩薩及餘無量諸

大菩薩菩薩爾時顏貌和悅其心安善無有

顛倒乘於大乘不求美欲不尚名聞但發菩

薩廣大之意遠離慳嫉一切諸垢專向如來

無上妙法

三十九施手足指

佛子菩薩摩訶薩如是施時攝諸善根悉以

迴向

迴向十願

願一切衆生得纖長指與佛無異

纖長者量

纖長者直就事說若約相好纖長是相卽三十二中第三相

願一切衆生得臚圓指上下相稱

臚圓者形

圓臚是第二好

願一切衆生得赤銅甲指其甲隆起清淨鑒

徹

赤銅者色

赤銅是第一好

願一切衆生得一切智勝丈夫指悉能攝持

一切諸法

能攝者力此以智爲指

能攝者持法界故亦第五十三好

願一切衆生得隨好指具足十力

隨好者妙言十力者隨一一指能持一切

世界等

隨好者總指由此一句故別名云爲力爲色等亦瑜伽二十指皆殊

妙爲二十隨好也

願一切衆生得大人指纖臚齊等

齊等者不參差

齊等者不參差卽第三隨好云各等無差

願一切衆生得輪相指指卽圓滿文相右旋

輪相等者準梵本云願一切衆生得十指

端裏面皆有千輻輪相所餘卽中裏面皆

有本那伽吒及以塞縛悉底迦相相間莊

會九

嚴準此則圓滿之言應云滿餅右旋之言

應云有樂若準觀佛三昧海經一一一指卽

端有十二輪相現

輪相等卽第八十隨好上說八十世尊手足及

胃臍前俱有吉祥喜旋德相文同綺畫色

類丹珠裏面皆有本那伽吒者此云滿餅

塞縛悉底迦此云有樂故云圓滿之言應

難提迦物多若準等
者即第一經觀相品

願一切衆生得如蓮華卍字旋指十力業報
相好莊嚴

八中準梵本願得大蓮華難提迦物多相

指却是右旋十力業報者亦十種大那羅

延幢勇健法也相即纖等好卽殊妙有云

卍字旋者約中文也準三昧海經指端各

有萬字相萬字點間有千輻輪相

願一切衆生得光藏指放大光明照不可說

諸佛世界願一切衆生得善安布指善巧分

布網縵具足

網縵者經云歛指不現張時即現如真珠

網分明可愛餘可知

是爲菩薩摩訶薩布施指時善根迴向爲令

衆生一切皆得心清淨故

所爲云得清淨心者得指由心故

佛子菩薩摩訶薩請求法時若有人言汝能

施我連肉爪甲當與汝法菩薩荅言但與我

法連肉爪甲隨意取用如求法自在王菩薩

無盡菩薩及餘無量諸大菩薩爲求法故欲

以正法開示演說饒益衆生一切皆令得滿

足故捨連肉爪甲與諸乞者

菩薩爾時以此善根如是迴向所謂願一切

衆生皆得諸佛赤銅相爪願一切衆生得潤

澤爪隨好莊嚴願一切衆生得光淨爪鑒徹

第一願一切衆生得一切智爪具大人相願

一切衆生得無比爪於諸世間無所染著願

一切衆生得妙莊嚴爪光明普照一切世間

願一切衆生得不壞爪清淨無缺願一切衆

生得入一切佛法方便相爪廣大智慧皆悉

清淨願一切衆生得善生爪菩薩業果無不淨妙願一切衆生得一切智大導師爪放無量色妙光明藏

四十施連肉爪中言赤銅相者即是小相五無比者事爪則不染塵垢智爪則不染

境相言善生者善業生故有云西域方言

謂善生爲端正餘可知赤銅者卽第一隨好事爪則不染者

亦第一好第一好云一世專指爪狹長薄潤光潔解淨如赤銅色故具此二

是爲菩薩摩訶薩爲求法故施連肉爪甲時善根迴向爲令衆生具足諸佛一切智爪無礙力故

礙力故

所以求法偏語施爪者一則以引例中有

現事故下入火求法亦準此通二有所表

以爪能觸取順求義故下入火求者表難

取故故智論云般若波羅蜜猶如火聚

會九

四邊不可取無取亦不取故般若波羅蜜
卽龍樹讚般若至勝熱處當廣引釋
佛子菩薩摩訶薩求佛法藏恭敬尊重生難得想有能說者來語之言若能投身七仞火坑當施汝法菩薩聞已歡喜踊躍作是思惟

我爲法故尚應久住阿鼻獄等一切惡趣受

無量苦何況纔入人間火坑卽得聞法奇哉

正法甚爲易得不受地獄無量楚毒但入火

坑卽便得聞但我說我入火坑如求善法

王菩薩金剛思惟菩薩爲求法故入火坑中

會九

四十一求法入火施行中言七仞者一仞

七尺也求法入火者三地有文又賢愚經云又復世尊過去久遠無量阿僧祇劫此闍浮提有大國王名曰梵天王有太子字曇摩鉗好樂正法四方求法周遍不獲愁悶懊惱者釋化爲婆羅門來詣王所王請就座爲說妙法婆羅門言學之甚難云何便說太子審問答言若能作大火坑今深十丈滿中熾火自投於中爲供養

會九

者吾乃與法太子如教羣臣諫喻今慙我等婆羅門曰吾不相逼若不爾者吾不說法王知意定今使乘八千里象宣告一切太子却後七日求法入火諸小王等遠近皆集悲哀勸喻太子告言我於久遠生死之中喪身無數人中爲貪更相殘害天上壽盡失欲憂苦地獄之中火燒湯煮等受無量苦未曾爲法吾今以此奧穢之身爲法供養云何止我將欲投火先請說法時婆羅門爲說偈云常行於慈心除去患害

想大悲愍衆生矜傷爲雨淚修行大喜心同已所得法救護以道意乃應菩薩行闍說法已便投火坑帝釋梵天王各執一手而歎之言一切生類憐太子安何爲投火喪他父母太子答言爲無上道不惜身命繞投於火火變華池太子安然坐蓮華臺諸天雨華沒至千膝爾時梵天王者淨飯王是

菩薩爾時以此善根如是迴向所謂願一切

衆生住佛所住一切智法永不退轉無上菩提願一切衆生離諸險難受佛安樂願一切衆生得無畏心離諸恐怖願一切衆生常樂求法具足喜樂衆法莊嚴願一切衆生離諸惡趣滅除一切三毒熾火願一切衆生常得

安樂具足如來勝妙樂事願一切衆生得菩薩心永離一切貪恚癡火願一切衆生悉得菩薩諸三昧樂普見諸佛心大歡喜願一切衆生善說正法於法究竟常無忘失願一切衆生具足菩薩神通妙樂究竟安住一切種智

迴向行中初及第九約求法爲願餘約入火爲願

是爲菩薩摩訶薩爲求正法投火坑時善根迴向爲令衆生離障礙業皆得具足智慧火

故

佛子菩薩摩訶薩爲求正法分別演說開菩薩道示菩提路趣無上智勤修十力廣示一切智心獲無礙智法令衆生清淨住菩薩境界勤修大智護佛菩提時以身具受無量苦

惱如求善法菩薩勇猛王菩薩及餘無量諸
大菩薩為求法故受無量苦乃至攝取誹謗
正法惡業所覆魔業所持極大惡人彼所應
受一切苦惱以求法故悉皆為受

四十二為求法護法受眾苦者如香城粉

骨雪嶺忘軀其類非一如香城粉骨等下

大般若大般若文廣今依大品二十七略
引經云佛告須菩提菩薩摩訶薩求般若
者當如薩陀波闍此云常啼欲求般若若不
惜身命聞空中聲汝但東行莫憚勞苦即
當得聞菩薩聞已作是念言令我東行何
時何處當聞般若即住立啼泣經于七日
空中有佛即語之言從此東行五百由旬
有城名眾香彼有菩薩名曇無竭此云法

尚日中三時宣說般若波羅蜜心念欲往
即得無量三昧法門諸佛慰喻忽然不現
欲見法尚自念貪無以何供養遂欲賣身
中路有城以魔蔽故並無人聞賣身之聲
唯有城中長者女聞帝釋化為婆羅門云
我不受人唯要人血髓用祀天神菩薩遂
刺左臂出血割右髀肉復當破骨出髓時
長者女樓上遙見下問其故答云我欲供
養法尚求聞般若女遂止之許供所須與
共同往帝釋即時復天身云我相試耳欲

求何願答云會九與我無上菩提帝釋言是佛
境界非我所能更何所求答云無所求帝
釋乞令其身如故菩薩許之平復如故釋
曰此即粉骨言香城者彼眾香城七重欲
往彼故又至彼城刺血灑地故言雪嶺忘
軀者即涅槃第十四聖行品明世尊昔在
雪山修行為求菩提帝釋化為羅刹去其
不遠遂說半偈云諸行無常是生滅法菩
薩忽聞堅髮舉視迷見羅刹初疑其人苦
聞此偈不合受此可畏之身又思或於過
去佛所曾聞尋往問言汝於何處得是過
去離怖畏者所說半偈半如意珠耶羅刹
言曰我饑調言菩薩請言汝所說者義味
不盡為我說終我當終身為汝弟子供給
所須又言我今饑苦終不能說菩薩問言
汝須何食羅刹答言我所飲者唯人熱血
我所食者唯人暖肉我飛行處處而不能
得菩薩請言但為我說我聞偈已以身奉
施羅刹又言誰當信汝菩薩答言釋提桓
因大梵天王得他心者諸佛菩薩以為證
明次脫衣服以敷高座羅刹坐已說餘半
偈云生滅滅已寂滅為樂羅刹又言偈已
說竟當施我身菩薩是時深思此義若石
若壁若樹若道書寫此偈後昇樹上投身
而下未至於地虛空之中發種種聲稱歎
菩薩上至阿迦尼吒天釋復本身接之安
置平地稱讚善哉真是菩薩必成正覺願
見二劫在先成佛而去因此乃起彌勒菩薩
緣經說度闍那黎王受樂正法廣召賢達

有婆羅門應召而至今王刺身于燈經停
七日廣集眷屬逮刻于燈燈如錢大添滿
油竟請說偈法婆羅門說偈言常者皆盡
高者亦隨合會有誰生必有死聞竟然燈
又發願言願成菩提然大法燈照於一切
帝釋問云得無悔耶答言不悔若不虛者
平復如故言畢于復賢恩經第一亦有此
緣名度閻婆黎又有釘身于道涅槃二十
二亦有賣身重法之緣恐繁不引八十經
中普賢自說求法因緣第三地中亦說求

法內外
無依

以此善根如是迴向所謂願一切衆生永離
一切苦惱逼迫成就安樂自在神通願一切
衆生永離諸苦得一切樂願一切衆生永滅
苦蘊得照現身恒受安樂願一切衆生超出
苦獄成就智行願一切衆生見安隱道離諸
惡趣願一切衆生得法喜樂永斷衆苦願一
切衆生永拔衆苦互相慈愛無損害心願一
切衆生得諸佛樂離生死苦願一切衆生成
就清淨無比安樂一切苦惱無能損害願一

切衆生得一切勝樂究竟具足佛無礙樂
是爲菩薩摩訶薩爲求法故受衆苦時善根
迴向爲欲救護一切衆生令離險難住一切
智無所障礙解脫處故

佛子菩薩摩訶薩處於王位求正法時乃至
但爲一文一字一句一義生難得想能悉罄
捨海內所有若近若遠國土城邑人民庫藏
園池屋宅樹林華果乃至一切珍奇妙物宮
殿樓閣妻子眷屬及以王位悉能捨之於不
堅中求堅固法爲欲利益一切衆生勤求諸
佛無礙解脫究竟清淨一切智道如大勢德
菩薩勝德王菩薩及餘無量諸大菩薩勤求
正法乃至極少爲於一字五體投地正念三
世一切佛法愛樂修習永不貪著名聞利養
捨諸世間自在王位求佛自在法王之位於

世間樂心無所著以出世法長養其心永離

世間一切戲論住於諸佛無戲論法

四十三求法捨海內所有即捨王位所統也

菩薩爾時以諸善根如是迴向所謂願一切

身

心

衆生常樂惠施一切悉捨願一切衆生能捨

所有心無中悔願一切衆生常求正法不惜

身命資生之具願一切衆生悉得法利能斷

一切衆生疑惑願一切衆生得善法欲心常

喜樂諸佛正法願一切衆生爲求佛法能捨

身命及以王位大心修習無上菩提願一切

衆生尊重正法常深愛樂不惜身命願一切

衆生護持諸佛甚難得法常勤修習願一切

衆生皆得諸佛菩提光明成菩提行不由他

悟願一切衆生常能觀察一切佛法拔除疑

箭心得安隱

迴向行中言疑箭者如涅槃說人中毒箭

應速拔之若妄分別未究而終故

是爲菩薩摩訶薩爲求正法捨國城時善根

迴向爲令衆生知見圓滿常得住於安隱道

故

佛子菩薩摩訶薩作大國王於法自在普行

教命令除殺業閭浮提內城邑聚落一切屠

殺皆令禁斷無足二足四足多足種種生類

普施無畏無欺奪心廣修一切菩薩諸行仁

慈莊物不行侵惱發妙實心安隱衆生於諸

佛所立深智樂常自安住三種淨戒亦令衆

生如是安住菩薩摩訶薩令諸衆生住於五

戒永斷殺業

四十四爲王斷殺等施行中自住三聚淨

戒令他住於五戒是爲法施五戒殺初故
此偏語若望所殺是無畏施

以此善根如是迴向所謂願一切衆生發菩
薩心具足智慧永保壽命無有終盡願一切
衆生住無量劫供一切佛恭敬勤修更增壽
命願一切衆生具足修行離老死法一切災
毒不害其命願一切衆生具足成就無病惱
身壽命自在能隨意住願一切衆生得無盡
命窮未來劫住菩薩行教化調伏一切衆生
願一切衆生爲壽命門十力善根於中增長
願一切衆生善根具足得無盡命成滿大願
願一切衆生悉見諸佛供養承事住無盡壽
修習善根願一切衆生於如來處善學所學
得聖法喜無盡壽命願一切衆生得不老不
病常住命根勇猛精進入佛智慧

會九

十四

是爲菩薩摩訶薩住三聚淨戒永斷殺業善
根迴向爲令衆生得佛十力圓滿智故
佛子菩薩摩訶薩見有衆生心懷殘忍損諸
人畜所有男形令身缺減受諸楚毒見是事
已起大慈悲而哀救之令閻浮提一切人民
皆捨此業

四十五救於形殘初施行中具足三施於
中三初觀境興悲

菩薩爾時語其人言汝何所爲作是惡業我
有庫藏百千萬億一切樂具悉皆充滿隨汝
所須盡當相給汝之所作衆罪由生我今勸
汝莫作是事汝所作業不如道理設有所獲
於何可用損他益已終無是處如此惡行諸
不善法一切如來所不稱歎
次菩薩爾時下以法諫喻

寬

十五

作是語已即以所有一切樂具盡皆施與復以善語爲說妙法令其歡悅所謂示寂靜法令其信受滅除不善修行淨業互起慈心不相損害彼人聞已永捨罪惡

後作是語下財法雙救財救所害之現苦

法救能害之當苦示寂靜滅修淨業道滅

集因故俱舍論說昔有黃門救五百牛毀

形之事善根力故男形具足

俱舍論說等者與西域記

第一全同彼云是屈支國舊曰龜茲國城西門外路之左右各立佛像高九十餘尺五年修設一大會西北渡河至阿耨理戴伽藍唐言奇特相傳云昔此國先王崇敬三寶將欲遊方觀禮聖迹乃命母弟攝知留事其弟受命竊自割勢防未萌也封之金函持以上王王曰斯何謂也對曰駕迴之日乃可開發即付執事隨軍掌護王之還也果有構禍者白王王命監國姪亂中宮王聞震怒欲置嚴刑第曰不敢逃責願開金函王遂發而觀之乃斷勢也口斯何異物欲何發明對曰王昔遊方命知留事懼有護禍割勢自明今果有徵願垂照鑒王深敬異情愛彌隆出入後庭無所禁礙

王弟於後行遂遇一夫擁五百牛欲事刑腐見而懷念引類增懷我今形虧豈非宿業即以財寶贖此羣牛以慈善力男形漸具以形具故遂不入宮王怪而問之乃陳其始末王以爲奇特也遂建伽藍式旌美迹傳芳後葉從此立名

菩薩爾時以此善根如是迴向所謂願一切

衆生具丈夫形成就如來馬陰藏相願一切

衆生具男子形發勇猛心修諸梵行願一切

衆生具勇猛力恒爲主導住無礙智永不退

轉願一切衆生皆得具足大丈夫身永離欲

心無有染著願一切衆生悉得成就善男子

法智慧增長諸佛所歎願一切衆生普得具

於大人之力常能修習十力善根願一切衆

生永不失壞男子之形常修福智未曾有法

願一切衆生於五欲中無著無縛心得解脫

厭離三有住菩薩行願一切衆生成就第一

智慧丈夫一切宗信伏從其化願一切衆生

具足菩薩丈夫智慧不久當成無上大雄

二迴向行中修諸梵行未必制心後離欲

心必無身過具男子形但異女身具大丈夫

夫必心懷道德

是為菩薩摩訶薩禁絕一切毀敗男形善根

會九

十六

迴向為令眾生具丈夫形皆能守護諸善丈夫

先生賢聖家智慧具足常勤修習丈夫勝行

有丈夫用巧能顯示七丈夫道具足諸佛善

丈夫種丈夫正教丈夫勇猛丈夫精進丈夫

智慧丈夫清淨普令眾生究竟皆得

四所為中初令得果後常勤下令得起行

丈夫行者涅槃十八云一切男女若具四

法即名丈夫一近善知識二聽聞正法三

思惟其義四如說修行又四相品具四相

故名為丈夫

會九

四如說修行者此下餘經云

十七

謂名丈夫若有男子無此四法即不得名為丈夫也何以故身雖丈夫行同畜生如來調伏若男若女是故佛號調御丈夫也又四相品即南經北經即如來性品卷當第四言四相者一者自正二者正他三者能隨問答四者善解因緣義前亦已引意云自正者明信三寶常住不移寧以利刀割斷其舌終不說言如來法僧是無常也二正他者意云隨機受法智小未堪說無常等智大堪化乃可具說常無常等三能隨問答者意云善知如來制聽之意隨問而說如有問言云何不施一錢得大施名佛言不食酒肉施以酒肉不飾香華施以香華無費一毫施名流布迦葉因言食肉之人不應受施便為廣說斷肉之制昔開三種乃為漸損其貪耳四善解因緣義者意云知佛有何因緣初不說深不廣制戒後方說之知未堪聞故先未說未有過失故不廣制隨過補之然此四相將為眾生開大涅槃禁為能開德通是利他若別說者初一自利自行非邪故名為止後三利他今離邪過故名正他此一正是利他行體後二化德能隨問答明知法藥自在隨問巧答四達根性善知隨機授化因緣上說就能開以說若就所開四者經云復次自丘說言如來常存不變隨問答者迦葉因汝問故得廣為菩薩摩訶薩比丘比丘尼優婆塞優婆夷說是甚深微妙義理因緣義者聲聞緣覺不解如是甚深之義不聞

伊字三點而成解脫涅槃訶般若成秘密藏我今於此開揚分別爲諸聲聞開發慧眼等餘廣如彼經此中又云雖是女人但取知其四事名丈夫耳信即自身有佛性者即是丈夫故男子不信即是女人顯示七丈夫道即丈夫用道字梵本名爲揭底此云事業晉本云丈夫趣與道相近然七丈夫總有多說一約世間瑜伽丈夫有其七義一長壽久住二妙色端嚴三無病少惱四非僕非女非半擇迦五智慧猛利六發言威肅七有大宗葉具此七法名爲丈夫道即是彼之因也即下所列六句小有開合可以思準前令具丈夫形即非女等也二依小乘有七丈夫即七賢聖一隨信行二隨法行三信解四見至五身證六慧解脫七俱解脫離世間品當說此應不願成彼小乘三依大乘瑜

會六

十八

伽七地即七賢聖如十住品初說四依瓔珞六位及信即上生賢聖家復有說言即七善知謂知法知義知時知足知自知衆知尊卑故佛丈夫種所謂大悲成十力等爲佛丈夫丈夫正教即內三藏及外五明

餘文易了

雖是女人下亦即涅槃第九經末前廣說女人之過竟便云善

男子以是義故諸善男子善女人等聽是大乘般若經常應呵責女人之相求於男子何以故是大乘經典有丈夫相所謂佛性若人不知是佛性者我說是等名爲女人若能自知有佛性者我說是人爲丈夫相若有女人能知自身定有佛性當知是等即是男子釋曰以此文證宗五性者都非丈夫若具四德不揀男女即丈夫矣然七丈夫者疏出其五一依瑜伽七丈夫即八異熟中除財位果以屬外故八異熟義即當瑜伽第三十六此迴向初已具引竟淨行品中亦以略出依小乘者如俱舍賢聖品離世間亦出七善知如梵行品引

大方廣佛華嚴經疏鈔會本第二十七之二

鉸丙音不屬 鉸屬持也 鉸鉸物 鉸鉸力至切 鉸鉸物也 鉸鉸角北
切遂 遂深也 遂遂切 遂遂切 遂遂切 遂遂切 遂遂切
也骨 骨骨切 骨骨切 骨骨切 骨骨切 骨骨切 骨骨切
腐扶雨切 腐腐切 腐腐切 腐腐切 腐腐切 腐腐切 腐腐切
去勢宮刑也 去勢宮刑也 去勢宮刑也 去勢宮刑也 去勢宮刑也 去勢宮刑也 去勢宮刑也

會

十九

大方廣佛華嚴經疏鈔會本第廿八之 會十

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩若見如來出興於世開演正法

會十

四十六歎佛出世如上大威光童子偈聲
普告等初施行者即法施行於中三一見
佛興世二以大下法施益生三爾時下結
所成益

以大音聲普告一切如來出世如來出世令
諸衆生得聞佛名捨離一切我慢戲論復更
勸導令速見佛令憶念佛令歸向佛令攀緣
佛令觀察佛令讚歎佛復爲廣說佛難值遇
千萬億劫時乃一出衆生由此得見於佛生
清淨信踊躍歡喜尊重供養復於佛所聞諸

佛名轉更值遇無數諸佛植諸善本修習增長

二中四初令聞名離惑益二復更下見身
起行益三復爲下讚希增敬益四復於下
展轉增長益

爾時無數百千萬億那由他衆生因見佛故
皆得清淨究竟調伏彼諸衆生於菩薩所皆
生最上善知識想因菩薩故成就佛法以無
數劫所種善根普於世間施作佛事

三結益可知

佛子菩薩摩訶薩開示衆生令見佛時以諸
善根如是迴向所謂願一切衆生不待勸誘
自往見佛承事供養皆令歡喜願一切衆生
常樂見佛心無廢捨願一切衆生常勤修習
廣大智慧受持一切諸佛法藏願一切衆生

隨所聞聲皆悟佛法於無量劫修菩薩行願
一切衆生安住正念恒以智眼見佛出興願
一切衆生不念異業常憶見佛勤修十力願
一切衆生於一切處常見諸佛了達如來徧
虛空界願一切衆生皆得具足佛自在身普
於十方成道說法願一切衆生遇善知識常
聞佛法於諸如來得不壞信願一切衆生悉
能稱歎諸佛出興令其見者普得清淨

二迴向可知

是爲菩薩摩訶薩歎佛出世善根迴向爲令
衆生見一切佛供養承事於無上法究竟清
淨故

佛子菩薩摩訶薩捨於大地或施諸佛造立
精舍或施菩薩及善知識隨意所用或施衆
僧以爲住處或施父母或施別人聲聞獨覺

種種福田乃至一切貧窮孤露及餘四衆隨
意悉興令無所乏或施造立如來塔廟於如
是等諸處之中悉爲辦具資生什物令隨意
用無所恐懼

四十七施大地中但通相言也初施行中
略列諸田實通一切言別人者謂有資財

人非敬非悲故菩薩通於一切善知識要

在益我

言別人者即不思議境界經番賢云又復菩薩爲獲三昧隨法施時

不嫌福田怨親善惡持戒破戒富貴貧賤又復思惟施於富者雖無所用然我自應修習施行釋曰即於中佛塔菩薩知識父有財爲別人也

會十

三

母是恩田亦敬田衆僧二乘是德田亦敬
田貧孤是悲田亦苦田此等皆能生福如
世之田於中佛塔下第二科揀諸田有若四一總立五田謂恩敬德悲若若
敬田有病即亦敬亦悲乃成四句故智論
十四云一憐愍施謂於貧窮下賤及畜生

二恭敬施謂於佛及法身菩薩等三憐愍

恭敬施謂於老病貧窮阿羅漢辟支佛等

二若敬田下辨其義通言智論十四者論云復次三事因緣生體一者信心清淨二者財物三者福田心有三種若憐愍若恭敬若憐愍恭敬施貧窮下賤及諸畜生是憐愍施佛及諸法身菩薩是為恭敬施若施諸老病貧窮阿羅漢辟支佛是為恭敬

憐愍施釋曰論唯此三句今總收為二謂有非恭敬非憐愍即上別人

悲與敬其非敬非悲亦悲田攝無德可恭

敬故三總收為二者謂悲然此二田以理田攝若敬田攝恩德

御心則等無優劣故淨名云最下乞人猶

如如來福田無異無所分別等于大悲若

直就境論則敬強悲劣以恩深德厚故如

校量功德經說若就於心即悲田為勝親

引悲故故敬則田強而悲心弱悲則田弱

而悲心強各有其美俱為良田若等是敬

田恩則勝德故校量經云供百羅漢不及

一生身父母阿含中說供養父母共一生

補處功德齊等若同是恩田在家人則父

母恩勝出家則師僧恩勝如舍利弗請問

經說或約生色身及主法身則優劣可知

矣等是德田別不如普故梵網經說別請

五百羅漢菩薩僧不如僧次一凡夫僧又

由主財田異感報勝劣種種不同恐繁不

載然此二田下四彰其優劣一約智二約初成上以理御初融心境故云以理御心今而有分別即淨名第一善德長者子章中長者子自於父舍故大施會供養一切沙門婆羅門及諸外道貧窮下賤孤獨乞人

期滿七日時維摩詰入會阿云當為法施

之會何用是財施會為問曰何謂法施之

會答云法施會者無前無後一時供養一

切眾生是名法施之會後廣為說法施長

者子教心解身理瑤價直百千上之不肯

取再請受之分作二分一分施此會中最

下乞人持一分奉彼難勝如來一切眾會

皆見光明國土難勝如來又見瑤瑤在彼

佛上變成四柱寶臺四面嚴飾分明不相

障蔽時維摩詰現神變已復作是言若施

主等心施一最下乞人猶如來福田之
相無所分別等于是大悲不求果報是則名
為具足法施釋曰既云無所分別即以理
御心等于是大悲亦同體悲矣又云施主等
敬勝言校量功德經者經云施主得百
倍福施外道得千倍福等前已引竟又甚
希有經云以七寶等供滿四洲四果聖人
及滅度後廣起塔廟不如造變麥等佛塔
功德乃至算數譬喻非比釋曰此即四果
尚不及佛明敬田勝也若就於心下第三
約悲心說然探玄記引像法決疑經中乃
至施佛菩薩聲聞衆生不如有人施畜生
一口飯食等此是偽經故疏不引但取親
引於悲悲是菩薩根故慈為菩薩體故若
無大悲則非菩薩故淨名亦云等于大悲故
故敬則田強下即羅什法師釋淨名等于
大悲之言而獻公不許但以心等故等即
前第一義耳今取雙成後二故云各有其
美若等是敬田下第二但就敬中以論優

劣以恩德田皆敬田故於中三一敬恩分
別若同是恩下二恩中道俗分別如舍利
弗請問經者經唯一卷問云何故如來說
父母恩大不可報又言師僧之恩不可量
其誰為最佛言夫在家者孝事父母在
膝下莫以報生養等以生育恩深故
言大也若從師學開發知見此恩大也夫
出家者捨其父母生身之法門中受
微妙法是師之力也生身之法門中受
養智慧命功莫大也連其所生乃次之耳

釋曰若據經意前疏順前意各自為重以
二相望則出家為勝故言或約生色身等
則優劣可知即順經後意也三等是德田
下就德田中普別分別引梵網經即菩薩
戒云若佛子有出家菩薩在家居士及一
切檀越請僧福田求願之時應入僧坊問
知事人今欲次第諸者即得十方賢聖之
僧而世人別請五百羅漢及菩薩僧不如
僧次一凡夫僧若別請者是外道法七佛
無別請法不順孝道若故別請者犯輕垢
罪又由主財田等者俱舍論云由主財田
異故施果差別此即約分別門就於三輪
皆具優劣主謂重心輕心等財謂然今此
好物惡物等田謂若敬若悲等

中菩薩施心悲智齊於虛空事物窮乎法
界施田凡聖盡於十方故三事性空深無
底三事殊特勝無比三事廣大徧無涯三
事相融俱無礙然今此中下第三結示經
深即約理融有二義一融於上
事理二以理融事重重無盡
菩薩摩訶薩隨何方所布施地時以諸善根
如是迴向所謂願一切衆生具足清淨一切
智地悉到普賢衆行彼岸願一切衆生得總

持地正念受持一切佛法願一切衆生得住
持力常能守護一切佛教願一切衆生得如
地心於諸衆生意常清淨無有惡念願一切
衆生持諸佛種成就菩薩諸地次第無有斷
絕願一切衆生普爲一切作安隱處悉令調
伏住清淨道願一切衆生同諸如來利益世
間普使勤修安住佛力願一切衆生普爲世
間之所愛樂悉令安住無上佛樂願一切衆
生獲善方便住佛諸力無畏法中願一切衆
生得如地智自在修行一切佛法

二迴向行中初一果地餘九因地各相似
義如理應思

是爲菩薩摩訶薩施大地時善根迴向爲令
衆生皆得究竟一切如來清淨地故

佛子菩薩摩訶薩布施僮僕供養一切諸佛

會十

六

菩薩真善知識或施僧寶或奉父母尊勝福
田或復給施病苦衆生令無闕乏以存其命
或復施與貧窮孤露及餘一切無瞻侍者或
爲守護如來塔廟或爲書持諸佛正法以百
十億那由他僕使隨時給施其諸僕使皆聰
慧善巧性自調順常勤精進無有懈惰具質
直心安樂心利益心仁慈心恭恪心無怨恨
心無讎敵心能隨受者方俗所宜於彼彼中
作諸利益又皆從菩薩淨業所感才能技藝
工巧算數靡不通達善能供侍悅可其心

四十八施僮僕少美曰僮以擬瞻侍執守
曰僕以備勞役然不放之從良而施與人
還令成僕者以菩薩行海無善不修若唯
放從良有三義缺一行海不具二彼僕本
願不滿三佛果缺此應機之德餘可知

菩薩爾時以諸善根如是迴向所謂願一切衆生得調順心一切佛所修習善根願一切衆生隨順供養一切諸佛於佛所說悉能聽受願一切衆生得佛攝受常觀如來更無餘念願一切衆生不壞佛種勤修一切順佛善

章

七

根願一切衆生常勤供養一切諸佛無空過時願一切衆生攝持一切諸佛妙義言詞清淨遊行無畏願一切衆生常樂見佛心無厭足於諸佛所不惜身命願一切衆生得見諸佛心無染著離世所依願一切衆生但歸於佛永離一切邪歸依處願一切衆生隨順佛道心常樂觀無上佛法

是爲菩薩摩訶薩施僕使時善根迴向爲令衆生遠離塵垢淨治佛地能現如來自在身故

佛子菩薩摩訶薩以身布施諸來乞者布施之時生謙下心生如地心生忍受衆苦無變動心生給侍衆生不疲厭心生於諸衆生猶如慈母所有衆善悉迴與心生於諸愚險極惡衆生種種侵陵皆寬宥心安住善根精勤給事

四十九施自身爲給侍

菩薩爾時悉以善根如是迴向所謂願一切衆生隨其所須常無闕乏修菩薩行恒不間斷不捨一切菩薩義利善住菩薩所行之道了達菩薩平等法性得在如來種族之數住真實語持菩薩行令諸世間得淨佛法深心信解證法究竟令諸衆生出生清淨增上善根住大功德具一切智又以此善根令一切衆生常得供養一切諸佛解一切法受持讀

誦不忘不失不壞不散心善調伏不調令調
以寂靜法而調習之令彼衆生於諸佛所住
如是事又以此善根令一切衆生作第一塔
應受世間種種供養令一切衆生成最上福
田得佛智慧開悟一切令一切衆生作最上
受者普能饒益一切衆生令一切衆生成最
上福利能使具足一切善根令一切衆生成
第一好施處能使獲得無量福報令一切衆
生於三界中皆得出離令一切衆生作第一
導師能爲世間云如實道令一切衆生得妙
總持具持一切諸佛正法令一切衆生證得
無量第一法界具足虛空無礙正道
二迴向行中有二十願前十進善後十住
持
是爲菩薩摩訶薩施自己身善根迴向爲令

衆生皆得應供無量智身故

佛子菩薩摩訶薩聞法喜悅生淨信心能以
其身供養諸佛欣樂信解無上法寶於諸佛
所生父母想讀誦受持無礙道法普入無數
那由他法大智慧寶諸善根門心常憶念無
量諸佛入佛境界深遠義理能以如來微密
梵音興佛法雲雨佛法雨勇猛自在能分別
說一切智人第一之地具足成就薩婆若乘
以無量百千億那由他大法成滿諸根佛子
菩薩摩訶薩於諸佛所聞如是法歡喜無量
安住正法自斷疑惑亦令他斷心恒怡暢功
德成滿善根具足意恒相續利益衆生心常
不匱獲最勝智成金剛藏親近諸佛淨諸佛
刹常勤供養一切如來

五十聞法喜悅捨身供佛初施行者即財

法二供文中三初標行體二欣樂下別顯
行相初自利行後能以如下利他行三佛
子下結行成益

菩薩爾時以諸善根如是迴向所謂願一切
衆生皆得圓滿最勝之身一切諸佛之所攝
受願一切衆生常近諸佛依諸佛住恒得觀
仰未曾遠離願一切衆生皆得清淨不壞之
身具足一切功德智慧願一切衆生常勤供
養一切諸佛行無所得究竟梵行願一切衆
生得無我身離我我所願一切衆生悉能分
身徧十方刹猶如影現而無來往願一切衆
生得自在身普徧十方無我無受願一切衆
生從佛身生處在如來無上身家願一切衆
生得法力身忍辱大力無能壞者願一切衆
生得無比身成就如來清淨法身願一切衆

生成就出世功德之身生無所得清淨法界
是爲菩薩摩訶薩以身供佛善根迴向爲令
衆生永住三世諸佛家故
佛子菩薩摩訶薩以身布施一切衆生爲欲
普令成就善根憶念善根

五十一以身普施一切衆生施行中亦具
事法二施初總標

菩薩摩訶薩自願其身爲大明燈普能照耀
一切衆生爲衆樂具普能攝受一切衆生爲
妙法藏普能任持一切衆生爲淨光明普能
開曉一切衆生爲世光影普令衆生常得觀
見爲善根因緣普令衆生常得值遇爲眞善
知識令一切衆生悉蒙教誘爲平坦道令一
切衆生皆得履踐爲無有上具足安樂令一
切衆生離苦清淨爲明淨日普作世間平等

利益

後菩薩下別顯若約事則身為日月光明
河池井泉以施於物以三種世間身得自
在故若約法施則法燈照耀法日利益等
文中或法或事而義實兩兼

菩薩爾時以諸善根如是迴向所謂願一切
衆生常親近佛入佛智地願一切衆生得隨
順智住無上覺願一切衆生常處佛會意善
調伏願一切衆生所行有則具佛威儀願一
切衆生悉得涅槃深解法義願一切衆生具
知足行生如來家願一切衆生捨無明欲住
佛志樂願一切衆生生勝善根坐菩提樹願
一切衆生殺煩惱賊離怨害心願一切衆生
具足護持一切佛法

二迴向行中上之施行以身就生等翻願

會

十二

衆生以身近佛等隨義思之

是爲菩薩摩訶薩以身布施一切衆生善根
迴向爲欲利益一切衆生令得無上安隱處
故

佛子菩薩摩訶薩自以其身給侍諸佛於諸
佛所念報重恩如父母想於諸如來起深信
樂以清淨心護佛菩提住諸佛法離世間想
生如來家隨順諸佛離魔境界了達一切諸
佛所行成就一切諸佛法器

五十二施身給侍諸佛初施行亦有身侍

心侍

菩薩爾時以此善根如是迴向所謂願一切
衆生得清淨心一切智寶而自莊嚴願一切
衆生住善調伏遠離一切諸不善業願一切
衆生得不可壞堅固眷屬普能攝受諸佛正

法願一切衆生爲佛弟子到於菩薩灌頂之地願一切衆生常爲諸佛之所攝受永離一切不善之法願一切衆生隨順諸佛修行菩薩最勝之法願一切衆生入佛境界悉皆得授一切智記願一切衆生與諸如來皆悉平等一切佛法無不自在願一切衆生悉爲諸佛之所攝受常能修行無取著業願一切衆生常爲諸佛第一侍者一切佛所修智慧行

二廻向行亦依二侍立願

是爲菩薩摩訶薩給侍諸佛善根廻向爲欲證得諸佛菩提爲欲救護一切衆生爲欲出離一切三界爲欲成就無損惱心爲得無量廣大菩提爲欲成就照佛法智爲欲常蒙諸佛攝受爲得諸佛之所護持爲欲信解一切佛法爲欲成就與三世佛平等善根爲欲圓

會十

十二

滿無悔恨心證得一切諸佛法故

佛子菩薩摩訶薩布施國土一切諸物乃至

王位悉亦能捨

五十三施國所有乃至王位初施行中先

明事捨

於諸世事心得自在無繫無縛無所戀著遠離惡業饒益衆生不著業果不樂世法不復貪染諸有生處雖住世間非此處生心不執著蘊界處法於內外法心無依住常不忘失諸菩薩行未曾遠離諸善知識持諸菩薩廣大行願常樂承事一切善友

後於諸下明其心捨自在是總下十句別現棄萬乘猶如脫屣何繫縛哉餘義見十藏品

菩薩爾時以此善根如是廻向所謂願一切

衆生爲大法王於法自在到於彼岸願一切
衆生成佛法王摧滅一切煩惱怨賊願一切
衆生住佛王位得如來智開演佛法願一切
衆生住佛境界能轉無上自在法輪願一切
衆生生如來家於法自在護持佛種永使不

會

十三

絕願一切衆生開示無量法王正法成就無
邊諸大菩薩願一切衆生住淨法界爲大法
王現佛出興相繼不斷願一切衆生於諸世
界作智慧王化導群生無時暫捨願一切衆
生普爲法界虛空界等諸世界中一切衆生
作法施主使其咸得住於大乘願一切衆生
得成具足衆善之王與三世佛善根齊等是
爲菩薩摩訶薩布施王位善根迴向爲欲令
彼一切衆生究竟住於安隱處故
佛子菩薩摩訶薩見有人來乞王京都嚴麗

大城及以關防所有輪稅盡皆施與心無吝
惜專向菩提發大誓願

五十四施王都城可知

住於大慈行於大悲志意歡悅利益衆生以
廣大智解了深法安住諸佛平等法性發心
爲求一切智故於自在法起深樂故於自在
智求證得故淨修一切諸功德故住於堅固
廣大智故廣集一切諸善根故修行一切佛
法願故自然覺悟大智法故安住菩提心無
退故修習一切菩薩行願一切種智盡究竟
故而行布施以此善根如是迴向所謂願一
切衆生悉能嚴淨無量刹土奉施諸佛以爲
住處願一切衆生常樂居止阿蘭若處寂靜
不動願一切衆生永不依止王都聚落心樂
寂靜永得究竟願一切衆生永不樂著一切

世間於世語言常樂遠離願一切衆生得離
貪心施諸所有心無中悔願一切衆生得出
離心捨諸家業願一切衆生得無恚心常行
惠施願一切衆生得不著心離居家法願一
切衆生得離衆苦除滅一切災橫怖畏願一

會

十四

切衆生嚴淨十方一切世界奉施諸佛是爲
菩薩摩訶薩布施王都善根迴向爲令衆生
悉能嚴淨諸佛刹故

佛子菩薩摩訶薩所有一切內宮眷屬妓侍
衆女皆顏貌端正才能具足談笑歌舞悉皆
巧妙種種衣服種種華香而以嚴身見者歡
喜情無厭足如是寶女百千萬億那由他數
皆由菩薩善業所生隨意自在敬順無失盡
以布施諸來乞者而於其中無愛樂心無願
戀心無耽著心無繫縛心無執取心無貪染

心無分別心無隨逐心無取相心無樂欲心
五十五施內宮眷屬初施行中二一女麗
具德二而於下明施心清淨

菩薩爾時觀諸善根爲欲令一切衆生咸得
出離故迴向得佛法喜故迴向於不堅固中
而得堅固故迴向得金剛智不可壞心故迴
向入佛道場故迴向到於彼岸故迴向得無
上菩提心故迴向能以智慧了達諸法故迴
向出生一切善根故迴向入三世諸佛家故
迴向

會

十五

二菩薩爾時下明迴向行文分爲二初迴
向意二正顯迴向今初以歷事將終文勢
稍展此一段文貫於前後然晉經迴向二
字皆在句初則是迴向菩提意也今經在
於句末則是迴向之意然迴向意與迴向

所爲大同小異小異云何謂有此意故所以迴向今迴向者爲成此故又意則多通諸行所爲別約施行言大同者意爲此故就文又二初正顯迴向之意文有十句

佛子菩薩摩訶薩住如是法生如來家增長諸佛清淨勝因出生最勝一切智道深入菩薩廣大智業滅除一切世間垢惱常能供施功德福田爲諸衆生宣說妙法善巧安立令其修習諸清淨行常勤攝取一切善根

後佛子下重牒前意欲將迴向初句總指上意故云住如是法生如來家下從後倒牒亦有十句一牒入佛家二勝因即出世善次五可知八善巧者謂不堅易堅九修習者是得法喜十常攝善根爲今出離西域文勢義多如此反騰前辭義多如此者即五失本中

之一如
初會說

菩薩爾時以諸善根如是迴向所謂願一切衆生常得無量三昧眷屬菩薩勝定相續不斷願一切衆生常樂見佛悉入諸佛莊嚴三昧願一切衆生成就菩薩不思議定自在遊戲無量神通願一切衆生入如實定得不壞心願一切衆生盡獲菩薩甚深三昧於諸禪定而得自在願一切衆生得解脫心成就一切三昧眷屬願一切衆生種種三昧皆得善巧悉能攝取諸三昧相願一切衆生得勝智

拿

十六

三昧普能學習諸三昧門願一切衆生得無礙三昧入深禪定終不退失願一切衆生得無著三昧心恒正受不取二法

二菩薩爾時下正明迴向文有十願隨一願具前十意十願皆云三昧者禪定輕

安身心柔輒猶彼女故故善財偈云定女
常供侍

是為菩薩摩訶薩布施一切內宮眷屬時善
根迴向為欲令一切眾生皆得不壞清淨眷
屬故為欲令一切眾生皆得菩薩眷屬故為

欲令一切眾生悉得滿足佛法故為欲令一
切眾生滿足一切智力故為欲令一切眾生
證於無上智慧故為欲令一切眾生得於隨
順眷屬故為欲令一切眾生得同志行人共
居故為欲令一切眾生具足一切福智故為

欲令一切眾生成就清淨善根故為欲令一
切眾生得善和眷屬故為欲令一切眾生成
就如來清淨法身故為欲令一切眾生成就
次第如理辯才善說諸佛無盡法藏故為欲
令一切眾生永捨一切世俗善根同修出世

會十

十七

清淨善根故為欲令一切眾生淨業圓滿成
就一切清淨法故為欲令一切眾生一切佛
法皆悉現前以法光明普嚴淨故

三結四所為並可知

佛子菩薩摩訶薩能以所愛妻子布施猶如
往昔須達拏太子現莊嚴王菩薩及餘無量
諸菩薩等

五十六施妻子二事合願初施行中二先
標章引例須達拏者此云善愛或云好愛
事如彼經現莊嚴王如大莊嚴經說又如

菩薩本緣經說一切持王子施二子等

須達

尊者此云善愛或云好愛經唯一卷說事
甚廣今當引阿難請問佛說過去不可
說劫有一大國名為樂波王號濕波無子
禱神後乃有子內外歡喜號須達太子
五六無憂不通納妃名曼連生一男一女
太子廣行惠施施王敵國行蓮華白象與
其怨國大臣瞋懼白王攘太子於檀特山
太子出門一切皆施無棟車馬亦為他乞

太子負男其妃抱女至其山所山有道人
名阿蘭陀太子遂問道人云何可居止答
云山是福地無處不可乃遣草庵而居有
持留國十二醜婆羅門年四十方娶妻
求乞初遇師太子欲殺之云王遣迎太子
遂放之見太子動左手復拜恐太子不安
母不在母目太子不應復問方答云我已
速歸三問太子不應復問方答云我已施
訖其妻問絕良久乃魅放聲大哭太子言
汝憶過去提和竭佛時我為婆羅門子汝
為女賣華我以五百金錢買汝五華汝寄
二華以上於佛願為我妻我時要汝莫違
我意汝答可爾今何亂我善施心耶帝釋
知其心堅復化為婆羅門亦十二醜就其
乞妻太子即施却來寄太子所太子怪問
方答云我是天帝故來相試遂復天身今
其求願妻有三願一願賣我子還至本國
二願我子不至饑苦三願我及太子早還
本國帝釋曰如汝所願太子發願言願一
切眾生皆得度脫生老病死之苦帝釋歎
言大哉是願非我所能更求何願又願言
今且願大富常行布施又願國王大臣皆
思見我帝釋言如意婆羅門將子歸婦
何用王種別求奴婢遂外國賣子帝釋
無買者遂至本國國人識之白王王欲抱
之啼不肯就問賣男子先言男銀錢一千
特牛百頭女銀錢二千特牛二百王問何
以女貴男賤答言王之後宮與王無親出
自微賤而受榮寵王唯一子逐之深山曾

菩薩爾時乘薩婆若心行一切施淨修菩薩
布施之道其心清淨無有中悔罄捨所珍求
一切智令諸眾生淨深志樂成菩提行觀菩
薩道念佛菩提住佛種性

不吝念明知女貴男賤王遂令人追太子
還付以寶藏恣其布施遂致得佛父即淨
飯母即摩耶妃即瞿夷男即羅睺女即現
羅復成利母婆羅門即調達妻即旃遮那
摩山上道人即目連師即阿難又如菩
薩本緣若經有三卷今當第一一半向後
至第二卷一半向前然其緣起全似須大
拏但彼施一男一女此施二子皆男又加
乞眼畧無王請歸餘多同也更復畧引一
切持王好施施王白象行蓮華上力能敵
國國人皆悉恐懼又慮敵國來侵遂
令撰王于雪山山中施二子與醜婆羅
門婆羅門賣之至本國祖王驚歎後帝釋
化為婆羅門乞妻于太子施之便云汝妻端
正恐為賊劫且寄於汝我要當取王子聞
已默然受之復化婆羅門從之乞眼王子
欲挑復止之云我今未用且寄汝處我要
當取王子云我云何受二種寄付釋知心
堅復還天身云妻及目二物是我所有今
且寄汝勿復施人飛空而去雨華稱讚必
證善
會十
十八

二菩薩爾時下明能施心於中初自分所依

菩薩摩訶薩成辦如是布施心已決定志求如來之身自觀己身繫屬一切不得自在又以其身普攝衆生猶如寶洲給施一切未滿

會十

十九

足者令其滿足菩薩如是護念衆生欲令自身作第一塔普使一切皆生歡喜欲於世間生平等心欲爲衆生作清涼池欲與衆生一切安樂欲爲衆生作大施主智慧自在了一切菩薩所行之行而能如是大誓莊嚴趣一切智願成無上智慧福田普念衆生常隨守護而能成辦自身利益智慧光明普照於世常勤憶念菩薩施心恒樂觀察如來境界

後菩薩摩訶薩下勝進所爲初結前生後次自觀下觀身不堅況於妻子後又以下

而修堅固二利之法

佛子菩薩摩訶薩以無縛無著解脫心布施妻子所集善根如是迴向所謂願一切衆生住佛菩提起變化身周徧法界轉不退輪願一切衆生得無著身願力周行一切佛刹願一切衆生捨愛憎心斷貪恚結願一切衆生爲諸佛子隨佛所行願一切衆生於諸佛所生自己心不可沮壞願一切衆生常爲佛子從法化生願一切衆生得究竟處成就如來自在智慧願一切衆生證佛菩提永離煩惱願一切衆生能具演說佛菩提道常樂修行無上法施願一切衆生得正定心不爲一切諸緣所壞願一切衆生坐菩提樹成最正覺開示無量從法化生諸善男女

二佛子下明迴向行有十一願初一依於

施心欲令普徧故次二依妻立願次三及後一依子立願生自己心如已骨肉等故餘通依上三立願

然所施化實應成四句一乞者是化所施為實如賢愚經說毗沙門化作夜叉從王

乞子等此破菩薩執故

然所施下第二料

沙門等者即第一經因梵王請佛說法佛辭衆生垢蔽不如速滅梵王遂引昔緣勸佛普無數劫爲生求法乃至一偈以身心婁子而用施與何不念昔而欲棄生過去久遠於闍浮提有大國王號修樓婆領此世界八萬四千小國初以財施後思以堅實法施遂募說者毗沙門王見欲往試變作夜叉色貌青黑眼赤如血鉤牙外出頭髮悉豎諸王官門云我能說法請入官欲請說法彼云先以所愛夫人及所愛子與我食者乃與汝法王即以所愛夫人及兒中勝者與之夜叉食竟爲王說偈云一切行無常生者皆有苦五陰空無相無有我我所王聞歡喜書寫流布無有悔恨毗沙門遠復本身讚云奇特夫人及子猶存如故王者佛是實乞者是化此破菩薩執曰此即妻子是實乞者是化此破菩薩執者如淨名云十方世界中作魔王者多是

住不思議解脫菩薩以方便力現作魔王故云破菩薩執

二乞者是實所施是化如攝論說毗荀陀

王捨子與婆羅門是化無惱以菩薩方便

滿乞意故

二乞者是實者引第十一樂攝論云或現種種本生由通惱他

及通惱怨對令他相愛利益安樂心釋論曰爲化邪見衆生不信因果令得正法離

惡修善故化現種種本生如毗荀陀王捨

兒與婆羅門非是通惱他此兒是化作何

以故菩薩無通惱此人生彼人安樂故又

如樂藏菩薩令屬稀王與毗提訶王相逼

惱此亦是化作後慈令相愛利益安樂心

菩薩行如是事有何利益論曰生他信心

爲先後於三乘聖道中彼善根

成熟是名菩薩甚深制差別

三者俱化

旁誓衆生

可知

始行者欲將施時再三本問故瑜伽三十

九說施妻子時先當曉喻令喜終不强逼

令其憂惱於來乞者雖以正言曉喻不施

怨家等二根熟者其所施人多與菩薩同

下經云生生行施處願常以我施

四俱實者如一

切施王施免與婆羅門婆羅門鞭打而持去至一樹下更欲打之樹神手擬婆羅門婆羅門即倒神欲斷彼命奪王子送還王子告神請勿害之我若再還令我父王擅行不足即為不孝之子神遂放之此即要子同行也尚須自捨身命直有辭苦而退言生生行施處者即七十五釋迦女瞿波昔緣中事當時妙德童女欲事太子太子

要云恐為其障修菩薩道彼女意云我無染心請為主者偈白太子中有偈云無量劫頂戴廣大金剛山若能奉納我甘心受此苦無並生死海以我身肉施汝得法王處願令我亦然若能奉納我與我為主者生生行施處願常以我施釋曰斯皆根熟者之

是為菩薩摩訶薩布施妻子善根迴向為令

衆生皆悉證得無礙解脫無著智故

佛子菩薩摩訶薩莊嚴舍宅及諸資具隨有乞求一切施與行布施法於家無著遠離一切居家覺觀厭惡家業資生之具不貪不味心無繫著知家易壞心恒厭捨都於其中無

所愛樂但欲出家修菩薩行以諸佛法而自莊嚴一切悉捨心無中悔常為諸佛之所讚歎舍宅財物隨處所有悉以惠施心無戀著見有乞求心生喜慶

五十七施宅舍可知

菩薩爾時以此善根如是迴向所謂願一切衆生捨離妻子成就出家第一之樂願一切衆生解脫家縛入於非家諸佛法中修行梵行願一切衆生捨離慳垢樂一切施心無退轉願一切衆生永離家法少欲知足無所藏積願一切衆生出世俗家住如來家願一切衆生得無礙法滅除一切障礙之道願一切衆生離家屬愛雖現居家心無所著願一切衆生善能化誘不離家法說佛智慧願一切衆生身現在家心常隨順佛智而住願一切

衆生在居家地住於佛地普令無量無邊衆生發歡喜心

是爲菩薩摩訶薩布施舍宅時善根迴向爲令衆生成就菩薩種種行願神通智故

佛子菩薩摩訶薩布施種種園林臺榭遊戲

快樂莊嚴之處作是念言我當爲一切衆生

作好園林我當爲一切衆生示現法樂我當

施一切衆生歡喜之意我當示一切衆生無

邊喜樂我當爲一切衆生開淨法門我當令

一切衆生發歡喜心我當令一切衆生得佛

菩提我當令一切衆生成滿大願我當於一

切衆生猶如慈父我當令一切衆生智慧觀

察我當施一切衆生資生之具我當於一切

衆生猶如慈母生長一切善根大願

五十八施園林等施行中二先標起念

會十

三三

佛子菩薩摩訶薩如是修行諸善根時於惡衆生不生疲厭亦不誤起棄捨之心設滿世間一切衆生悉不知恩菩薩於彼初無嫌恨不生一念求反報心但欲滅其無量苦惱於諸世間心如虛空無所染著普觀諸法真實之相發大誓願滅衆生苦永不厭捨大乘志願滅一切見修諸菩薩平等行願

後佛子下離過成德餘可知

大方廣佛華嚴經疏鈔會本第二十八之一

音釋

懈情懈古監切怠也 憒憒古各切 技藝技夜切 方術方徒卧切慢也 憒憒古各切 祭切才藝魚 寬宥宥于救切謂寬之 怡暢怡戈交切怡悅也 匱匱求位切 履踐履力紙 踐才緣踐凡亮切通暢也 阿蘭若阿蘭若梵語也此云閑靜處若爾者切 摩訶衍語切踰也 也此云大乘 展所綺切 變古猛切 睺舒目 動以淺切 瘁余兩切瘁 甦孫租切死 也瘁欲接也 甦而更生也

大方廣佛華嚴經疏鈔會本第二十八之二盟

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩如是觀察已攝諸善根悉以迴向所謂願一切衆生念念滋生無量善

法成就無上園林之心願一切衆生得不動

法見一切佛皆令歡喜願一切衆生樂法園

苑得諸佛刹園苑妙樂願一切衆生得淨妙

心常見如來神足園林願一切衆生得佛戲

樂常善遊戲智慧境界願一切衆生得遊戲

樂普詣佛刹道場衆會願一切衆生成就菩

薩解脫遊戲盡未來劫行菩薩行心無疲倦

願一切衆生見一切佛充滿法界發廣大心

住佛園林願一切衆生悉能徧往一切佛刹

一一刹中供養諸佛願一切衆生得善欲心

清淨莊嚴一切佛刹

是爲菩薩摩訶薩布施一切園林臺榭善根

迴向爲令衆生見一切佛遊戲一切佛園林

故

佛子菩薩摩訶薩作百千億那由他無量無

數廣大施會

五十九設大施會初施行中初總標

一切清淨諸佛印可終不損惱於一衆生普

令衆生遠離衆惡淨三業道成就智慧

次一切下離過成德擇薪而爨瀉水而用

不强乞求名不惱衆生今多反此豈成大

益

開置無量百千億那由他阿僧祇清淨境界

積集無量百千億那由他阿僧祇資生妙物

次開置下畧顯儀式

發甚難得菩提之心行無限施令諸衆生住清淨道初中後善生淨信解隨百千億無量衆生心之所樂悉令歡喜以大慈悲救護一切承事供養三世諸佛爲欲成就一切佛種修行布施心無中悔增長信根成滿勝行念念增進檀波羅蜜

次發甚難得下顯施所依心成波羅蜜

菩薩爾時以諸善根如是迴向所謂願一切衆生發大乘心悉得成就摩訶衍施願一切衆生皆悉能行大會施盡施善施最勝施無上施最無上施無等等施超諸世間施一切諸佛所稱歎施願一切衆生作第一施主於諸惡趣勉濟衆生皆令得入無礙智道修平等願如實善根得無差別證自境智願一切衆生安住寂靜諸禪定智入不死道究竟一

切神通智慧勇猛精進具足諸地莊嚴佛法到於彼岸永不退轉願一切衆生設大施會終不疲厭給濟衆生無有休息究竟無上一切種智願一切衆生恒勤種植一切善根到於無量功德彼岸願一切衆生常蒙諸佛之

所稱歎普爲世間作大施主功德具足充滿法界徧照十方施無上樂願一切衆生設大施會廣集善根等攝衆生到於彼岸願一切衆生成最勝施普令衆生住第一乘願一切衆生爲應時施永離非時大施究竟願一切衆生成就善施到佛丈夫大施彼岸願一切衆生究竟常行大莊嚴施盡以一切諸佛爲師悉皆親近興大供養願一切衆生住清淨施集等法界無量福德到於彼岸願一切衆生於諸世間爲大施主誓度羣品住如來地

是爲菩薩摩訶薩設大施會善根迴向

爲令衆生行無上施究竟佛施成就善施不可壞施供諸佛施無恚恨施救衆生施成一
切智施常見諸佛施善精進施成就一切菩
薩功德諸佛智慧廣大施故

佛子菩薩摩訶薩布施一切資生之物心無
貪惜不求果報於世富樂無所希望離妄想
心

六十施資具者以別說諸門不可盡故末
後總說一切資具文但有二一施行二迴
向行以隣後都結故缺後二今初有四一
施時離過

善思惟法爲欲利益一切衆生審觀一切諸
法實性

二善思惟下辨施所依

隨諸衆生種種不同所用所求各各差別成
辦無量資生之具所有嚴飾悉皆妙好行無
邊施行一切施盡內外施

三隨諸衆生下正明施行

行此施時增志樂力獲大功德成就心寶常
能守護一切衆生皆令發生殊勝志願初未
曾有求反報心所有善根等三世佛悉以圓
滿一切種智

四行此施下顯所成德

佛子菩薩摩訶薩以此布施所有善根迴向

衆生

二佛子下明迴向行中二先牒前起後後

願一切下正顯

願一切衆生清淨調伏願一切衆生滅除煩
惱嚴淨一切諸佛刹土願一切衆生以清淨

心於一念中周徧法界願一切衆生智慧充滿虛空法界願一切衆生得一切智普入三世調伏衆生於一切時常轉清淨不退法輪願一切衆生具一切智善能示現神通方便饒益衆生願一切衆生悉能悟入諸佛菩提盡未來劫於十方世界常說正法曾無休息令諸衆生普得聞知願一切衆生於無量劫修菩薩行悉得圓滿願一切衆生於一切世界若染若淨若小若大若麤若細若覆若仰或一莊嚴或種種莊嚴所可演說在世界數諸世界中修菩薩行靡不周徧願一切衆生於念念中常作三世一切佛事教化衆生向一切智

願中十願資生多種願亦類別一施洗滌資具願二施掃拭資具願餘可準思又資

五

具總明願亦總發未必別配上來依標別顯善根迴向竟

佛子菩薩摩訶薩隨諸衆生一切所須以如是等阿僧祇物而爲給施

第三從佛子菩薩摩訶薩隨諸衆生下總結多門善根迴向別不可盡故此總明文分二別先結善根即前施行後佛子下結前迴向今初分三一結所施物謂菩薩所施非止六十故等以僧祇二爲令下結施所爲三時十方下結能施心

爲令佛法相續不斷大悲普救一切衆生安住大慈修菩薩行於佛教誨終無違犯以巧方便修行衆善不斷一切諸佛種性隨求悉與而無患厭一切悉捨未曾中悔常勤迴向一切智道

二中文舍二意以初貫後即是所爲若依大悲等而行布施是施所依所爲即通爲自他所依則自心所住瑜伽三十九云又諸菩薩於諸有怨以慈意樂而行惠施於諸有苦以悲意樂於諸有德以喜意樂於諸有恩親善同意以捨意樂而行惠施當知亦名菩薩巧慧而行布施文中初句總後大悲下別顯不斷之相謂以四等心而行萬行爲相續不斷初悲次慈不斷一切下明其大捨後段廣明大喜又下離相亦是起捨

時十方國土種種形類種種趣生種種福田皆來集會至菩薩所種種求索菩薩見已普皆攝受心生歡喜如見善友大悲哀愍思滿其願捨心增長無有休息亦不疲厭隨其所

聖二

六

求悉令滿足離貧窮苦

三結能施心中四初對多田生喜離過時諸乞者心大欣慶轉更稱傳讚揚其德美聲遐布悉來歸往菩薩見已歡喜無量

二時諸乞下明其田彌多其喜彌廣

假使百千億那由他劫受帝釋樂無數劫受夜摩天樂無量劫受兜率陀天樂無邊劫受善變化天樂無等劫受他化自在天樂不可數劫受梵王樂不可稱劫受轉輪王王三千樂不可思劫受徧淨天樂不可說劫受淨居天樂悉不能及

三假使下校量顯廣畧舉十王所受之樂不及菩薩喜樂之心其中色天缺於光音若依瓔珞十五輪王則二禪王當第十三應言王二千樂若王三千即當第十四覺

德光相輪作三界王當等覺菩薩也又依

十大數不可思後有不可量今文缺此則

似梵本脫於二禪四禪已上雖捨受相應

地無報樂而有定樂凡是禪定皆有輕安

適悅之樂故又五那舍分有解脫樂故無

色界中報非顯現故此不言若依大丈夫

行論中菩薩喜樂過於世間及二乘涅槃

今但過世間者淨居天中兼二乘樂若依

者即三賢十聖等妙二覺至隨好品當廣

分別此中即是三禪梵三若依大丈夫行

論論有二卷或單云大丈夫論廣說世間

勝樂之事皆不及菩薩見乞歡喜未舉解

脫之樂亦不能

及即過二乘也

菩薩摩訶薩見乞者來歡喜愛樂欣慶踊躍

信心增長志樂清淨諸根調順信解成滿乃

至增進諸佛菩提

四菩薩摩訶薩下結喜廣深何等菩薩見

乞生喜謂施行熱故施障盡故言施障者

瑜伽三十九云又諸菩薩於施障及對治

如實了知施障有四一先未慣習二施物

鮮缺三就著上妙物四欣樂當來具足財

果云何對治若現有施物乞者現前而施

心不發應觀此心由往習故今若不施後

世之中定背施行故應勵力思擇而行惠

施二觀宿業過今受饑渴乏少之苦尚應

亡軀況有少活命而不行施三應觀妄樂

能生當苦四應觀當果是邪果報速滅離

散求大菩提喻伽三十九云等者於中有

二具論文對治中略取論意耳然論文繁

廣收義無遺論後結云如是菩薩四種施

障當知四種能對治智對治於彼一者覺

悟二者忍受眾苦三者徧知顛倒四者見

一切行性不堅牢是諸菩薩由前二種能

對治智決定堪能正行惠施由後一種能

知亦名菩薩巧慧而行布施

佛子菩薩摩訶薩以此善根爲欲利益一切衆生故迴向爲欲安樂一切衆生故迴向爲令一切衆生得大義利故迴向爲令一切衆生悉得清淨故迴向爲令一切衆生悉求菩提故迴向爲令一切衆生悉得平等故迴向

是二

爲令一切衆生悉得賢善心故迴向爲令一切衆生悉入摩訶衍故迴向爲令一切衆生悉得賢善智慧故迴向爲令一切衆生悉具普賢菩薩行願滿十力乘現成正覺故迴向
第二結前迴向迴向隨義已具上文今但結其迴向所爲則顯前來別別迴向不出於此可知

佛子菩薩摩訶薩以諸善根如是迴向時身口意業皆悉解脫無著無繫

大文第二佛子菩薩摩訶薩以諸善根如

是迴向時下離相迴向即向實際行稱涅槃此彰行深前彰行廣深廣同時言不並耳文分爲二先正明離相後菩薩如是觀察下不礙隨相前中三初畧標二無衆生下別顯三何以故下徵釋今初二句解脫是總不著於解不繫於縛是真解脫

無衆生想無命者想無補伽羅想無人想無童子想無生者想無作者想無受者想

二別顯中分二一內絕想念故無縛解二佛子下觸境離染故無縛解今初分二先

是二

九

明絕想後如是下彰其行成前中又二先

絕我想但法上妄執故具如前釋

先絕我者即歡

中行

無有想無無想無今世後世想無死此生彼想無常想無無常想無三有想無無三有想

非想非非想

後無有想下絕其法想前段以法奪我今則以我除法既無有我則無我所故法我無礙文有六對一不於法體起增減想二於法時離三世想三於分位離流轉想四於法義離斷常想五於影像離依處想六於法本遣心非心想一不於法體者一切則增益定無則損減四於諸法者就一有上即有常無常義從緣而有即是無常不從緣有即名為常五三有器界唯識頓變名為影像為生所依想即是心非想非心六於法本遣心非心想以上諸句皆有心言一切諸法皆想所持通是有心之義心為法本故忘心即為非想今並遣之故云六於法本遣心非心想耳無知所以經自釋今且畧明初對為總言無有想者有即空故二空一味等無差故言無無想乃有五意一以事例無有法觸目尚不生想無法無物安可念耶二者

相無來去故謂有本自無非有去無來即以此義則無可無也故無無想三者有即非有不可謂之為有沉得言無則言思道斷四者假非有以遣有非謂有於非有故復遣之五者以是法無我理非是斷無必不礙有故無無也故下釋云非有非非有矣有無既寂俱及俱非豈當有寄餘對例知有即空故者約緣有明二空一味等無知差故約真如說皆無有義然法相所立依他緣有圓成性有今明緣有故非有二空為性性即非有言無無想者初一遣無物之無如虛空龜毛兔角等二明緣有即無故淨名云色即是空非色滅空色性自空明有即無故此明非減色之十空也三明遣無為有四遣無為非有三四俱遣以空為有義五者上四遣病明非有此句顯實明非有不礙有故故下釋云非有非非有矣引證也此非非有即是非非但言非無含義則少言非非有含義則多但言非無得前二義後之二義言非非有方始攝也然第一義即古人云我言非非有者但言非是有非謂是非有五明有即空故非有非即有故非非有上之五句但順經文以為

二句此下總達四句合上即俱句相奪末
即俱非有無之本既無俱句非俱何立末
對總結前有無等想總名為想一切都絕
是曰無想假非想以遣想非有非想故云
非非想餘義例知末對釋結句非非想中
唯取第四意耳亦可兼
於第五不
礙想耳

如是非縛迴向非縛解迴向非業迴向非業
報迴向非分別迴向非無分別迴向非思迴
向非思已迴向非心迴向非無心迴向

二顯行成文有五對初對為總由絕如是
我法想故無有縛解謂非想故非縛非非
想故非解下四對別初對唯語於縛但因
果之異由無作者及受者故次對雙顯縛
解由無有無等想故即顯上來有分別業
無分別業二皆絕故次雙顯二業行俱為
思行後為思已後對亦雙明縛解即思所

四一

士

依王有心則生死波浪無心則同乎外道
又以無心為是則未免於有故皆非之次對
雙顯者以分別為縛無分別為解也次對
雙顯二業者即思及思已而為二也後對
亦雙明縛解者有心則生死波浪故非心
迴向無心則同乎外道故非無心迴向此
則無不礙有義又以無心下拂迹以明前
意言有心為非有者有起動也言無心為
非者無觀照也此則寂不失照
後意則寂乎唯寂二皆有理

佛子菩薩摩訶薩如是迴向時不著內不著
外不著能緣不著所緣不著因不著果不著
法不著非法不著思不著非思

第二觸境離染無縛解者文分為三初明
無著次辨不縛後明不解心染於境故名
為著由境纏心故名為縛楞伽云心縛於
境界覺想智隨轉此之謂也離於心境故
名為解今初無著中初牒前起後謂內無
想念迴向之時則於諸境心無所著文有

十六句初十句五對顯界處空故不染著
內謂六入外謂六塵次對兼前即十八界
能緣是識所緣通於內外因果一對即界
處爲緣所生之法法與非法總顯諸法通
其三義一則有無二則善惡三則性相已
如上辨末後一對別語業體性相

不著色不著色生不著色滅不著受想行識
不著受想行識生不著受想行識滅

後之六句顯不著蘊大般若中觀色等有
三一相二生滅三無生滅今不著前二即
契無生滅不著色者即是色相知色緣成
如聚沫故不著生滅者生無所來滅無所
至故由此則入無生滅理後之四蘊但相
有異餘二並同已遣三科則無所遺矣

佛子菩薩摩訶薩若能於此諸法不著則不

三

三

縛色不縛色生不縛色滅不縛受想行識不
縛受想行識生不縛受想行識滅

二佛子下明其不縛縛著雖異義不出前
若能於此諸法不縛則亦於諸法不解

三若能下明其不解若本無縛其誰求解

離縛取解未免於縛故復遣之遣之又遣

以至無遺儻然無寄理自玄會矣若本無縛其誰

求解者卽聞用淨名不二法門中寶印手

菩薩曰樂涅槃樂不樂世間爲二若不樂涅槃

則有解若本無縛其誰求解無縛無解則

言出聲公百論序彼有二法門儻然無寄者此

也言而無當破而無報儻然靡據而事不

失眞蕭焉無寄而理自玄會反本之道著

乎茲矣釋曰此通說論旨前對不失事後

對不失理雖不據說於事理而契當於事

理今疏合其二對但取不失於理以是離

相迴向故儻者儻儻廣雅云儻者卓異

也謂無所依據卓異繫象而瞻與理會矣

何以故

三徵釋中先徵意云設我假立法體不無
今無念著其故何耶

無有少法若現生若已生若當生無法可取
無法可著一切諸法自相如是無有自性自
性相離

後釋意云法性爾故文分為二初總顯法

體離相後非一下別彰所離今初先顯法

體無生故不可取著即般若中第三義也

三世求生不可得故從無而有故名爲生

已生已有不可名生如母已有不名生故

未生未有亦不名生若未生名生衆生菩

提應名爲生諸未生法悉應名生現在之

法剎那不住恒屬已未離於已未無別現

故爲生之理不出三世三世既無生將安

寄既無有生則亦無滅無生無滅則無境

可取於何執著三世求生者即總顯文意
故名爲生者立生之理下別出三世求不
得生相已生未生正生爲三已未不生理
易彰顯現在正生之理隱故以不住故過
未分之則無現在之正生也正同淨名若
過去生過去生已滅若未來生未來生未
至若現在生現在生無住以無住故即屬
已未從爲生之次應問云生是能生之相
理下結成無生

可許推無所相法體豈應非有故復釋云

一切諸法自相如是離生滅外有爲法體

不可得故從緣而生相即無相故生即無

生故此顯相空次應問云法從緣生相可

觸目云何言無故復釋云從緣而生無自

性故此顯性空自性相離雙結上二又顯

法本自離非推之使離

非一非二非多非無量非小非大非狹非廣

非深非淺非寂靜非戲論非處非非處非法

非非法非體非非體非有非非有

二別彰所離者上但云離爲離何相謂一
二等文有十對初二約數次二約量外望
論大小內望論廣隘次二約理智淺深約
事理靜論語識智次二約教法處非處者
邪正教相對法非法者善惡相對後二約
體相初對約體色心之體不可得故離色
心外非體之法亦叵得故後對約相爲法
之相不出有無設非有非無若有此者亦
不出有若無此句亦不出無但遣有無萬
法斯寂由離性相故觸法斯非靜論語識
智者然依
智不依識識是戲論智是寂靜今並雙非
則不可以智知不可以識識矣卽法四依
四依之義
下文當釋
菩薩如是觀察諸法則爲非法於言語中隨
世建立非法爲法不斷諸業道不捨菩薩行
求一切智終無退轉了知一切業緣如夢音

溫一

十四

聲如響衆生如影諸法如幻而亦不壞因緣
業力了知諸業其用廣大解一切法皆無所
作行無作道未嘗暫廢

第二菩薩如是觀察下不礙隨相者凡情
封執觸言生滯聞於離相則謂乖前隨相
之言失於業果菩提之行故此畧爲雙會
二文言隨相者約隨俗說言離相者約勝
義說諸佛依二諦爲衆生說法此之謂也
諸佛依二諦者卽中論四諦品下更偈云
一以世俗諦二第一義諦若人不能知分
別於二諦則於深佛法
不知真實義前已引竟然俗是真俗則不
壞假名而說實相故云觀察諸法則爲非
法真是俗真故不動真際而建立諸法故
云於言語中隨世建立非法爲法由建立
故不斷諸業道則不壞世間不捨下不壞
出世因果次了知下却釋觀察諸法則爲

非法初了俗即真而不壞俗謂依他業緣等皆如夢幻無真實故俗即爲真由即俗而真故不壞因果本來自真不假壞故不妨了業其用廣大謂業雖如幻一念幻惡長劫沉淪一念幻善遠階佛果故云廣大次解一切下明了俗即真不礙修真無作真道尚須修行若不修行不契真故況不壞俗寧無修證隨相離相準此應知此二無礙異於凡小

然俗是其俗下融上二諦成無礙義

佛子此菩薩摩訶薩住一切智若處非處普皆迴向一切智性於一切處皆悉迴向無有退轉

大文第三佛子此菩薩摩訶薩住一切下釋迴向名文分爲二初總釋後以何下別釋今初住一切智是自善根由此能成下

諸義故若處已下釋平等隨順義若約對境處即是善非處爲惡若約自行處即隨相非處離相處非處殊皆向智性於一切處悉皆迴向是隨順一切善根義迴向智性是迴向義無有退轉是堅固義又向智性亦堅固義

以何義故說名迴向永度世間至於彼岸故名迴向永出諸蘊至於彼岸故名迴向度言語道至於彼岸故名迴向離種種想至於彼岸故名迴向永斷身見至於彼岸故名迴向永離依處至於彼岸故名迴向永絕所作至於彼岸故名迴向永出諸有至於彼岸故名迴向永捨諸取至於彼岸故名迴向永出世法至於彼岸故名迴向

二別釋中三初假徵起釋迴向義二佛子

下釋隨順義三又佛子釋堅固一切善根
義今初然隨相之名以堅固心修諸善行
皆願衆生向菩提果不言自顯而離相受
稱非釋不知所以偏明故徵起云離相之
中無能所殊以何義故說名迴向下隨順

等例此可知

然隨相之名下疏

畧顯十義

雖一離相得成迴向謂但能離相順一切

智則自度世等至於彼岸豈非迴向義耶

二略顯十義下正明離相受迴向名一過

前即假徵此下解釋於中有二先總一過

世八法至不動岸隨所趣立彼岸別今初

利衰毀譽稱識苦樂此之八法二度我我

所至解脫岸二依蓮計我故有二我三離

尋伺至實際岸三尋伺即言語道四滅

盡諸想至實智岸四念想觀除五離煩惱

本至有餘岸五身見以為煩惱障本六離

苦依身至無餘岸六苦依身即為依處智
也七出一切業至施等岸七施等即是八
出三界至無住涅槃岸八苦蘊出有八無
岸九盡有漏至法身岸九證於法身十出
生住滅見至自覺聖智岸十生住異滅即

法覺心現量生滅流注無有

佛子菩薩摩訶薩如是迴向時則為隨順佛

住隨順法住隨順智住隨順菩提住隨順義

住隨順迴向往隨順境界住隨順行住隨順

真實住隨順清淨住

二釋隨順然下二段兼顯益相正為釋名

亦應徵云實際之內誰是能隨誰是所隨

故此釋云但能如是離相迴向自然隨順

佛法智等以佛法等實為體故

佛子菩薩摩訶薩如是迴向則為了達一切

諸法則爲承事一切諸佛無有一佛而不承事無有一法而不供養無有一法而可滅壞無有一法而可乖違無有一物而可貪著無有一法而可厭離不見內外一切諸法有少滅壞違因緣道法力具足無有休息

三釋堅固一切善根亦合徵云實際非相何名堅固實際無差何名一切此釋意云如是離相迴向方名堅固凡是有相可破壞故但能離相自成諸善諸善皆以實際而爲體故於中一不了法無相不名爲了故二佛以法爲身心詣於法爲事佛故三若身承事則有事不事若事於理則一事一切事佛無二體故四如理修行眞供養故五相即無相不須滅壞六無非無相不可乖違七八染淨皆空無貪無厭九世間

常住故無少滅壞隨緣起滅故不違因緣十究此根源法力方具又由無礙故名具足

佛子是爲菩薩摩訶薩第六隨順堅固一切善根迴向

第三依釋結名可知

菩薩摩訶薩住此迴向時常爲諸佛之所護念堅固不退入深法性修一切智隨順法義隨順法性隨順一切堅固善根隨順一切圓滿大願具足隨順堅固之法一切金剛所不能壞於諸法中而得自在

十一

十八

大文第二菩薩摩訶薩住此迴向時下明位果隨離無二招斯十果

爾時金剛幢菩薩觀察十方觀察衆會觀察法界已入於字句甚深之義修習無量廣大

之心以大悲心普覆世間長去來今佛種性
心入於一切諸佛功德成就諸佛自在力身
觀諸衆生心之所樂隨其善根所可成熟依
法性身為現色身承佛神力而說頌言

第二應頌先說因緣有十二句初一總辨

重二

十九

儀式後一總明所依前文屢釋中間十句

別顯二義初三儀式一觀所被二微事理

上觀察言通心及眼下辨所依一依教智

次下三句依廣大心初句為總大悲普覆

即上廣心長佛種性即前大心次二句上

依果德一依說德二依說身次二依權智

觀樂觀宜後句依體起用

菩薩現身作國主於世位中最無等福德威

光勝一切普為羣萌興利益

其心清淨無染著於世自在咸遵敬弘宣正

法以訓人普使衆生獲安隱

現生貴族升王位常依正教轉法輪稟性仁

慈無毒虐十方敬仰皆從化

智慧分別常明了色相才能皆具足臨馭率

土靡不從摧伏魔軍悉令盡

堅持淨戒無違犯決志堪忍不動搖永願闕

除忿恚心常樂修行諸佛法

後正顯偈四十一頌長分為三初五偈頌

行所依身次飲食下三十偈半頌依身起

行後隨順下有五偈半頌釋名中隨順等

義兼頌位果

飲食香鬘及衣服車騎牀褥座與燈菩薩悉

以給濟人并及所餘無量種

為利益故而行施令其開發廣大心於尊勝

處及所餘意皆清淨生歡喜

菩薩一切皆周給內外所有悉能捨必使其心永清淨不應暫爾生狹劣

或施於頭或施眼或施於手或施足皮肉骨髓及餘物一切皆捨心無悵

菩薩身居大王位種族豪貴人中尊開口出

舌施羣生其心歡喜無憂戀

以彼施舌諸功德迴向一切諸衆生普願藉

此勝因緣悉得如來廣長舌

或施妻子及王位或施其身作僮僕其心清

淨常歡喜如是一切無憂悔

隨所樂求咸施與應時給濟無疲厭一切所

有皆能散諸來求者普滿足

爲聞法故施其身修諸苦行求菩提復爲衆

生捨一切求無上智不退轉

以於佛所聞正法自捨其身充給侍爲欲普

三一

二十

救諸羣生發生無量歡喜心

彼見世尊大導師能以慈心廣饒益是時踊

躍生歡喜聽受如來深法味

菩薩所有諸善根悉以迴向諸衆生普皆救

護無有餘永使解脫常安樂

菩薩所有諸眷屬色相莊嚴能辦慧華鬘衣

服及塗香種種莊嚴皆具足

此諸眷屬甚希有菩薩一切皆能施專求正

覺度羣生如是之心無暫捨

菩薩如是諦思惟備行種種廣大業悉以迴

向諸含識而不生於取著心

主

菩薩捨彼大王位及以國土諸城邑宮殿樓

閣與園林僮僕侍衛皆無悵

彼於無量百千劫處處周行而施與因以教

導諸羣生悉使超升無上岸

無量品類各差別十方世界來萃止菩薩見

已心欣慶隨其所乏令滿足

如三世佛所迴向菩薩亦修如是業調御人
尊之所行悉皆隨學到彼岸

二中分兩先十九偈頌隨相迴向於中初

一頌標後三頌結中間皆頌廣顯標顯二

文影畧不具

菩薩觀察一切法誰為能入此法者云何為

入何所入如是布施心無住

菩薩迴向善巧智菩薩迴向方便法菩薩迴

向真實義於其法中無所著

心不分別一切業亦不染著於業果知菩提

性從緣起入深法界無違逆

不於身中而有業亦不依止於心住智慧了

知無業性以因緣故業不失

心不妄取過去法亦不貪著未來事不於現

在有所住了達三世悉空寂

後菩薩觀察下十一偈半頌離相迴向文

分四別第一五偈頌內絕想念於中初句

總顯觀力次句人空餘皆法空知菩提等

者菩提性淨不礙從緣淨法為緣有菩提

起起即無性不違法界是性起菩提菩提性淨

下有二菩提一性淨二圓淨從緣起者即

是圓淨圓淨復二一明緣起萬行為緣故

二明性起全是真如性淨功德之所顯故

又緣起無性即性淨故廣如出現此亦法

華云諸佛兩足尊知法常無性佛種

從緣起是故說一乘義耳前已廣引若業

依身有則不由心若住心中則有心皆業

既許有心無業則業假緣生其性安有若業

依身下釋不於身中而有業偈菩薩已到色彼岸受想行識亦如是超出世

間生死流其心謙下常清淨

諦觀五蘊十八界十二種處及已身於此一

一求菩提體性畢竟不可得

二菩薩已到下二偈頌觸境離染由到不

可得岸故無所著

不取諸法常住相於斷滅相亦不著法性非

三一

二三

有亦非無業理次第終無盡

不於諸法有所住不見衆生及菩提十方國

土三世中畢竟求之無可得

三有二偈頌前徵釋

若能如是觀諸法則如諸佛之所解雖求其

性不可得菩薩所行亦不虛

菩薩了法從緣有不違一切所行道開示解

說諸業跡欲使衆生悉清淨是爲智者所行

道一切如來之所說

四二偈半頌不礙隨相餘並可知

四

三

隨順思惟入正義自然覺悟成菩提諸法無

生亦無滅亦復無來無有去

不於此死而生彼是人悟解諸佛法了達諸

法真實性而於法性無分別

知法無性無分別此人善入諸佛智法性徧

在一切處一切衆生及國土三世悉在無有

餘亦無形相而可得

一切諸佛所覺了悉皆攝取無有餘雖說三

世一切法如是等法悉非有

如諸法性徧一切菩薩迴向亦復然如是迴

向諸衆生常於世間無退轉

大方廣佛華嚴經疏鈔會本第二十八之二

音釋

萃

然之

聚也

伺

相更切

察也

倣

他歷切

濾

良據切

去澤也

儻

他曩切

或

儻

他曩切

或

大方廣佛華嚴經疏鈔會本第二十九之一盟二

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何為菩薩摩訶薩等隨順一切衆生

迴向

第七等隨順一切衆生迴向長行中亦二

先位行後位果初中亦三今初牒名徵起

謂以善根等心順益故等即平等通於能

所所順衆生無相平等能隨順心智照平

等此從迴向受名等即隨順故本業云以

觀善惡父母無二一相一合相故名隨順

觀一切衆生迴向名無等字釋有等義有

云善惡即怨親此二平等俱生法身皆名

父母應云善父母者方便般若也惡父母

者無明貪愛也不滅癡愛起於明脫故無

二相智契無二名一合相即以無貪等善

根而為其性應云下正釋義般若方便即

下當廣釋惡父母者無明貪愛即楞伽第

三經云爾時大慧菩薩白佛言世尊如世

尊說若男子女人行五無間業不入無間

地獄世尊云何男子女人行五無間業不

入無間地獄佛告大慧白佛言善哉世尊唯然

之吾為汝說大慧白佛言善哉世尊唯然

受教佛告大慧五無間業所謂殺父母及

害羅漢破壞僧眾受身貪食喜俱如緣母立

何衆生父母謂愛更受身貪食喜俱如緣母立

無明為父入處聚落斷二根本名害父母

彼諸使不現如見聚落斷二根本名害父母

漢云何破僧謂異相誑陰和合積聚究竟

斷彼名為破僧謂異相誑陰和合積聚究竟

現量七識身以三解脫無漏惡想空梵斷

彼七識佛名為惡心出佛身血若男子女

人行此無間者名五無間事亦名無間等

偈言貪愛名為母無明以為父覺境識為

佛諸使為羅漢陰集名為僧無間次第斷

是謂五無間不墮無間獄釋曰言如鼠毒

發者西方有鼠嚙人甚毒毒在身中其毒

雖差忽遇雷聲其毒還發使亦如之忽遇

境雷則還動發餘可知不滅癡愛下釋一

合相義即淨名須菩提章二乘之人滅癡

得明滅愛則脫今了一性故不滅之體即

明脫知理無二即是契

合合無合相方是其合

佛子此菩薩摩訶薩隨所積集一切善根所謂小善根大善根廣善根多善根無量善根種種善根微塵數善根阿僧祇善根無邊際善根不可思善根不可量善根

第二佛子下依徵廣釋中二先明迴向後

三

二

佛子菩薩摩訶薩修行如是迴向之時下辨所成益初中亦二先辨所迴善根後佛子菩薩摩訶薩以淨志下攝將迴向前中復二先正修善根後佛子菩薩摩訶薩於此善下因修成德亦可初是行體後明行

用前中有三十一句分爲三段初十一句明善根分齊次十善所依緣後十善根體性然其前十一一徧從中十中十一一能生後十後十一一容具前十前十一一該後二十思之自顯

然其前十下料揀言前十一一徧從中十者從

佛境界生小等從法境生小等從餘八亦然二中等十一一能生後十者從一佛境能生檀等十度從法生十度餘八亦然三後十一一容具前十者謂布施等有小有大或一或二或三或四或具足十不必皆具故云容具戒等九度於前十亦然四前十十一該後二十者謂從佛境起小戒或從佛境起大戒等或於佛境起小戒或從佛境起大成等理即昭然云思之自顯今初十一句即增數十

也於中初三約分量如小心施名爲小善爲菩提施名之爲大爲利他施名之爲廣餘之九度例此可知又從佛境所生之施有此小等從九境生亦有小等如施既爾餘九亦然此三既爾下八例知次三約類謂有多色類乃至無量種種不同未至無量但可名多三五相望亦名種種餘五約數明多於中後二亦顯甚深難思傍無分量

佛境界善根法境界善根僧境界善根善知

識境界善根一切衆生境界善根方便善巧
境界善根修諸善心境界善根內境界善根
外境界善根無邊助道法境界善根

二佛境下中十句內前五爲緣境前四智
境後一悲境後五造修境初一能修智次
一能修心次二所觀境後一所修法因觀
此法能起十度等

勤修一切捨善根立勝志究竟持淨戒善根
一切捨無不受堪忍善根常精進心無退善
根以大方便入無量三昧善根以智慧善觀
察善根知一切衆生心行差別善根集無邊
功德善根勤修習菩薩業行善根普覆育一
切世間善根

三勤修下後十中前七可知八願心積德
九念力習行辨力說法以爲業行十由智

自在故能覆育

佛子菩薩摩訶薩於此善根修行安住趣入
攝受積集辦具悟解心淨開示發起時

二因修成德中二先牒已修後顯成德初
有十句初總餘別一住作意二加行趣入
三攝行屬已四漸集成多五假緣資助六
照其事理七惑障不生此上自修後二轉
教八開顯指示九勸如說行隨修一善則
有斯十

得堪忍心閉惡趣門善攝諸根威儀具足遠
離顛倒正行圓滿堪爲一切諸佛法器能作
衆生福德良田爲佛所念長佛善根住諸佛
願行諸佛業心得自在等三世佛趣佛道場
入如來力具佛色相超諸世間不樂生天不
貪富樂不著諸行一切善根悉以迴向

後得堪忍下正顯成德文分爲二初成自利德後爲諸衆生下成利他德前中十對皆舍因果一得忍息惡二攝根具戒三離倒行正四上受下資五佛護善增六住願起業七心等諸佛行詣道場八內入佛力星二外相超世九不樂當報不貪現樂十不著諸行而修迴向此雖有迴向之言意取所迴之善十中前八成德後二離過九離凡十離小

爲諸衆生功德之藏住究竟道普覆一切於虛妄道中拔出衆生令其安住一切善法徧諸境界無斷無盡開一切智菩提之門建立智幢嚴淨大道普能示現一切世間今除垢染心善調伏生如來家淨佛種性功德具足作大福田爲世所依安立衆生咸令清淨常

星二

五

勤修習一切善根

後利他中先總明悲智雙運爲究竟道於虛妄下別顯文並易知常勤修下一句總結

佛子菩薩摩訶薩以淨志願菩提心力修諸善根時作是念言此諸善根是菩提心之所積集是菩提心之所思惟是菩提心之所發起是菩提心之所志樂是菩提心之所增益皆爲憐愍一切衆生皆爲趣求一切種智皆爲成就如來十力作是念時善根增進永不退轉

第二攝將迴向中二初念修善根本因法應迴向後佛子下正將迴向今初先經叙念時次此諸下正陳所念初之五句總顯諸善由菩提心多聞積集思惟義理發起

修行志樂無厭唯深唯廣皆爲下三句顯菩提心三迴向義種智證於實際即是菩提三心迴向三處也後作是下結

佛子菩薩摩訶薩復作是念願我以此善根果報盡未來劫修菩薩行悉以惠施一切衆生悉以迴向一切衆生普徧無餘

第二正將迴向中文爲三別初向衆生及向菩提二佛子菩薩摩訶薩如是迴向時不著業下明向實際三佛子菩薩摩訶薩以此善根普施世間下總結三種迴向今初分二初迴已修善願成資具以施衆生二佛子菩薩摩訶薩以所集善根於念念下復迴此施願令衆生具足財法今初亦二先總顯要期二願令下別彰施行今初所以偏願成施行者一則自具行緣故云

四二

六

修菩薩行二則衆生現益故云惠施一切三則檀爲行首舉一例餘四則此一施行具一切行

願令阿僧祇世界珍寶充滿阿僧祇世界衣服充滿阿僧祇世界妙香充滿阿僧祇世界莊嚴具充滿阿僧祇世界無量摩尼寶充滿阿僧祇世界妙華充滿阿僧祇世界上味充滿阿僧祇世界財貨充滿阿僧祇世界牀座充滿蓋以寶帳數以妙衣阿僧祇世界種種莊嚴寶冠充滿

二別彰中先願成外施後佛子菩薩摩訶薩復作是念下願成內施以情非情而爲內外今初分四一顯施廣大各僧祇故假使一人盡未來劫常來求索以此等物而惠施之未曾厭倦而有休息如於一人於一

切衆生悉亦如是

二假使下辨施無限長時多田隨求無狀故

佛子菩薩摩訶薩如是施時無虛僞心無希望心無名譽心無中悔心無熱惱心但發專求一切智道心一切悉捨心哀愍衆生心教化成熟心皆令安住一切智智心

三佛子下明施殊勝離過順理故文有十句前五離過追悔不已則生熱惱後五順理前二大智後三大悲

佛子菩薩摩訶薩以諸善根如是迴向盡未來劫常行惠施住一切智智心

四又佛子結成二行謂由迴向行以成施行

佛子菩薩摩訶薩復作是念我爲一衆生故

欲令阿僧祇世界寶象充滿七支具足性極調順上立金幢金網彌覆種種妙寶而爲莊嚴以用布施願令阿僧祇世界寶馬充滿如龍馬王種種衆寶莊嚴之具而嚴飾之持用布施願令阿僧祇世界妓女充滿悉能敷奏種種妙音持用布施願令阿僧祇世界男女充滿持用布施願令阿僧祇世界已身充滿發菩提心而用布施願令阿僧祇世界已頭充滿起不放逸心而用布施願令阿僧祇世界已眼充滿而用布施願令阿僧祇世界已身血肉及以骨髓充滿其中心無顧戀持用布施願令阿僧祇世界自在王位充滿其中持用布施願令阿僧祇世界奴僕作使充滿其中持用布施

第二內施文四初對一田顯施廣大謂一

衆生即施多事各僧祇故

菩薩摩訶薩以如是等種種諸物盡未來劫
安住廣大一切施心施一衆生如一衆生盡
衆生界一切衆生皆如是施

二菩薩下以一例餘彰施無限先舉人例
人

佛子菩薩摩訶薩於一世界盡未來劫修菩
薩行以是等物施一衆生如是給施一切衆
生皆令滿足如於一世界於盡虛空徧法界
一切世界中悉亦如是大悲普覆終無間息
普加哀愍隨其所須供給供養不令施行遇
緣而息乃至不於一彈指頃生疲倦心

佛子下舉處例處總收其義有六無限一
物二時三心四田五施六處三大悲下結
成所作該六無限一處徧法界故普覆二

三

時盡未來故無息三田盡生界而加哀四
施隨所求而滿足五物該種種行不息六
心住大施而無疲

佛子菩薩摩訶薩如是施時生於此心所謂
無著心無縛心解脫心大力心甚深心善攝
心無執心無害者心善調伏心不散亂心不
妄計心具種種寶性心不求果報心了達一
切法心住大迴向心善決諸義心令一切衆
生住無上智心生大法光明心入一切智智
心

三

九

四佛子下顯施殊勝離過成德有二十心
初一牒前起後後所謂下正顯一十九心
一不染施行二不爲施縛三由遮前二故
得解脫四違緣不傾五詣甚深理六無相
善攝上六皆巧便殊勝

上六皆巧便殊勝
者通卽七種最勝

成波羅蜜初會已具然最勝亦名殊勝前雖已釋為對經文須知總意言巧便殊勝者彼當第五云要無相智所攝故故上六句皆無相智次五清淨殊勝初句總總無二執故下四別初句無我執餘三無法執一不取法相故二了唯心性故三見性空故

言次五清淨最殊勝者彼當第七云謂要不為

二障間雜別中一無法執及了唯心離所知障三見性空無煩惱障次有三

心即安住殊勝初句為總菩薩種性萬行齊修皆可貴故二心為別無瑕而明故

次有

三心即安住殊勝者彼當第一謂要安住菩薩種性次有二心即迴

向殊勝善決諸義具三迴向故

次有二心即殊勝者

迴向彼當第六謂要迴向無上菩提今言善法諸義具三迴向者決智決悲決實際

故次有一心即意樂殊勝悲愍一切故

次有一心即意樂殊勝者彼當第三謂要悲愍一切眾生後之二心依止

殊勝依善提心故初句因後句果

後之二心依止

殊勝者彼當第二謂上顯施中廣大無限要依止大菩提心

即事業殊勝具上七勝檀度行成

上顯施中即事

業殊勝者彼當第四謂要具行一切事業具上七下結成前義故唯識云要七最勝之所攝受方可建立波羅蜜案多以上釋經文同符契

佛子菩薩摩訶薩以所集善根於念念中如是迴向所謂願一切眾生財寶豐足無所乏

少願一切眾生成就無盡大功德藏願一切

眾生具足一切安隱快樂願一切眾生增長

菩薩摩訶薩業願一切眾生成滿無量第一

勝法願一切眾生得不退轉一切智乘願一

切眾生普見十方一切諸佛願一切眾生永

三

離世間諸惑塵垢願一切眾生皆得清淨平

等之心願一切眾生離諸難處得一切智

第二迴上施行願令眾生具足財法中文

分為三第一慈悲迴向二又勸眾生下勸

物迴向三又以諸善如是迴向下究竟迴

向今初分三初正明迴向二佛子菩薩摩訶薩如是迴向時發歡喜心下明迴向所爲三佛子菩薩摩訶薩如是悲愍下結其成益今初先總標後所謂下別顯十願初一豐財以財施故餘皆具法積善本故文

意總顯

佛子菩薩摩訶薩如是迴向時發歡喜心

第二迴向所爲中二先牒前起後

爲令一切衆生得利益安樂故爲令一切衆生得平等心故爲令一切衆生住能捨心故爲令一切衆生住一切施心故爲令一切衆生住歡喜施心故爲令一切衆生住永離貧窮施心故爲令一切衆生住一切財寶施心故爲令一切衆生住無數財寶施心故爲令一切衆生住普施無量施一切施心故爲令

一切衆生住盡未來劫無斷施心故爲令一切衆生住一切悉捨無悔無惱施心故爲令一切衆生住悉捨一切資生之物施心故爲令一切衆生住隨順施心故爲令一切衆生住攝取施心故爲令一切衆生住廣大施心故爲令一切衆生住捨無量莊嚴具供養施心故爲令一切衆生住無著施心故爲令一切衆生住平等施心故爲令一切衆生住如金剛極大力施心故爲令一切衆生住如日光明施心故爲令一切衆生住攝如來智施心故

後爲令下隨義別顯總有一百一十句文分爲二前七十二句令成行布修因至果後三十八句令成圓融因圓果滿此二無礙爲迴向意亦是前自分後勝進前中六

初二十一句爲令修善趣賢首位之行然
純明施行末云攝如來智施行者照三輪
空離諸分別同菩提故

善趣賢首位之行
者圓融十信位也

爲令一切衆生善根眷屬具足故爲令一切
衆生善根智慧常現在前故爲令一切衆生

得不可壞淨心圓滿故爲令一切衆生成就

最勝清淨善根故爲令一切衆生於煩惱睡

眠中得覺悟故爲令一切衆生滅除一切諸

疑惑故爲令一切衆生得平等智慧淨功德

故爲令一切衆生功德圓滿無能壞者故爲

令一切衆生具足清淨不動三昧故爲令一

切衆生住不可壞一切智智故

二爲令一切善根下十句成種性位中修

行

種性即
十住

爲令一切衆生成滿菩薩無量清淨神通行

故爲令一切衆生修集無著善根故爲令一

切衆生念去來今一切諸佛心清淨故爲令

一切衆生出生清淨勝善根故爲令一切衆

生滅除一切魔所作業障道法故爲令一切

衆生具足無礙清淨平等功德法故爲令一

切衆生以廣大心常念諸佛無懈廢故爲令

一切衆生常近諸佛勤供養故爲令一切衆

生廣開一切諸善根門普能圓滿白淨法故

爲令一切衆生無量心廣大心最勝心悉清

淨故

星二

土

三有十句令成解行位中修行第十云無

量者四等也

解行雖通三賢今正取行向
二位故故解行發心在於十

行方發迴
向心故

爲令一切衆生成就清淨等施心故爲令一

切衆生奉持諸佛尸波羅蜜等清淨故爲令

一切衆生得大堪忍波羅蜜故爲令一切衆生住精進波羅蜜常無懈怠故爲令一切衆生住無量定能起種種神通智故爲令一切衆生得知一切法無體性般若波羅蜜故爲令一切衆生圓滿無邊淨法界故爲令一切衆生生成滿一切神通清淨善根故爲令一切衆生住平等行積集善法悉圓滿故爲令一切衆生善入一切諸佛境界悉周徧故

第二

十三

四從成就清淨等施心下令成十地位中修十度行七云滿無邊淨法界此通事理

故曰無邊是方便度也八成滿神通即是大願九住平等方可名力十入佛境是謂智圓

爲令一切衆生身口意業普清淨故爲令一切衆生善業果報普清淨故爲令一切衆生

了達諸法普清淨故爲令一切衆生了達實義普清淨故爲令一切衆生修諸勝行普清淨故爲令一切衆生成就一切菩薩大願普清淨故爲令一切衆生證得一切功德智慧普清淨故爲令一切衆生成就一切同體善根迴向出生一切智乘普圓滿故爲令一切衆生嚴淨一切諸佛國土普圓滿故爲令一切衆生見一切佛而無所著普圓滿故

五有十句令成等覺位中修行故皆有普言

爲令一切衆生具諸相好功德莊嚴普圓滿故爲令一切衆生得六十種音聲發言誠諦皆可信受百千種法而以莊嚴如來無礙功德妙音悉圓滿故爲令一切衆生成就十力莊嚴無礙平等心故爲令一切衆生得一切

佛無盡法明一切辯才普圓滿故爲令一切衆生得無上無畏人中之雄師子吼故爲令一切衆生得一切智轉不退轉無盡法輪故爲令一切衆生了一切法開示演說普圓滿故爲令一切衆生以時修習清淨善法普圓滿故爲令一切衆生成就導師無上法寶等清淨故爲令一切衆生於一莊嚴無量莊嚴大莊嚴諸佛莊嚴普圓滿故爲令一切衆生等入三世所有境界悉周徧故

六從具諸相好下有十一句令成佛果位中行言六十種音者第十迴向有而不具至文當知密迹力士經第二具說莊嚴論亦引此經而云百千種法而以莊嚴者不思議法品云如來具足六十種音聲一一音有五百分一一分有無量百千清淨之

音以爲嚴好即其事也復有處說六十四音以聲有八轉謂體業具爲從屬於呼是八轉聲各具八德所謂調和聲柔轉聲諦了聲易解聲無錯謬聲無雌小聲廣大聲深遠聲八八則有六十四種密迹力士經迴向明之莊嚴論亦引此經者論當第六偈云菩薩自成就如前義應知聲有六十種是說如來事長行釋中具引佛秘密經佛秘密經即密迹經耳並至下明復有處說者瑜伽等說八轉者疏文但舉唐言之今兼顯梵音西域國法若欲尋讀內外典籍要解聲論此八轉聲方知文義分齊一補盧沙此是直指陳聲如人所樹指說其人即今體聲二補盧衫是所作業聲如所作斫樹故云業也三補盧息是所作具聲如由斧斫故云具也四補盧沙耶是所爲聲如爲人所斫故云爲也五補盧沙額丁可所從聲如因人造舍等故云從也從即所因故六補盧殺婆是所屬聲如奴屬主故云屬也七補盧鐵頭是所於聲如客依主故云於也八補盧沙耶是所上七種爲七例句以是起義瑜伽第二有梵語聲論八轉更加補盧沙是呼石之聲故云呼也然此八聲各有三種一男聲二女聲三非男非女聲此上且約男聲

說之以梵名丈夫爲盧沙也是八轉聲者即八梵音賢首品已明今當重說一調和者謂大小得中故二乘轉者言無礙故三諦了者亦云易了言辭辯了故五無錯謬者亦云不誤言無錯誤故六無雌小者亦云不女其聲雄朗故七廣大者亦云尊慈言無戰懼故八深遠者勝輪發生故如來具此八四云無盡法明者第八地云如來八之音

法明有無量轉等第十云一莊嚴者無二相故以一莊嚴嚴一切故無量莊嚴者衆多差別故大莊嚴者稱法界故若依若正皆具此嚴

爲令一切衆生悉能往詣一切佛刹聽受正法無不徧故爲令一切衆生智慧利益爲世所宗與佛等故爲令一切衆生以一切智知一切法普圓滿故爲令一切衆生行不動業得無礙果普圓滿故爲令一切衆生所有諸根咸得神通能知一切衆生根故爲令一切

衆生得無差別平等智慧於一相法普清淨故爲令一切衆生與理無違一切善根悉具足故爲令一切衆生於一切菩薩自在神通悉明達故爲令一切衆生得一切佛無盡功德若福若智悉平等故爲令一切衆生發菩提心解一切法平等一相無遺缺故

第二悉能往詣下三十八句明圓融行因圓果滿明位位中有佛義故若將此下屬前佛果則令果中有修菩薩行遇善知識便達正理文分爲四初十句令衆生於種性位因行圓滿四云行不動業得無礙果者毀譽不動則觸境無礙有云其因有四一就機法施二無障礙願三悲心亡已爲物受生四修法性鎔融行感三業皆無功用盡衆生界同時普應無所障礙

若將此下屬前

佛果下會異釋卽判定記釋二段皆屬於佛果故今明修菩薩行及近善友非屬佛耳

爲令一切衆生了達正法爲世最上福德田故爲令一切衆生成就平等清淨大悲爲諸施者大力田故爲令一切衆生堅固第一無

三

十六

能沮壞故爲令一切衆生見必蒙益無能摧伏故爲令一切衆生成滿最勝平等心故爲令一切衆生善能了達一切諸法得大無畏故爲令一切衆生放一光明普照十方一切世界故爲令一切衆生普修一切菩薩精進行無懈退故爲令一切衆生以一行願普滿一切諸行願故爲令一切衆生以一妙音普使聞者皆得解故

二從了達正法下十句令解行位中因圓果滿二云大力田者謂於其中種少善根

能壞大惑故三云堅固第一者悲智大願無能壞故

三

十七

爲令一切衆生悉能具足一切菩薩清淨心故爲令一切衆生普得值遇諸善知識咸承事故爲令一切衆生修菩薩行調伏衆生不休息故爲令一切衆生以妙辯才具一切音隨機廣演無斷盡故爲令一切衆生能以一心知一切心以一切善根等迴向故爲令一切衆生常樂積集一切善根安立衆生於淨智故爲令一切衆生得一切智福德智慧清淨身故爲令一切衆生善知一切衆生善根觀察迴向普成就故

三從悉能具足一切菩薩清淨心下八句令十地位中因行圓滿晉經第一名直心平等卽初證真如此約離障故云清淨二

云見善知識生大歡喜正順初地得見多

佛故云咸事

爲令一切衆生得一切智成等正覺普圓滿
故爲令一切衆生得具足神通智於一處出
興一切諸處皆出興故爲令一切衆生得普
莊嚴智嚴淨一衆會一切衆會皆嚴淨故爲
令一切衆生於一佛國土普見一切佛國土
故爲令一切衆生以一切莊嚴具不可說莊
嚴具無量莊嚴具無盡莊嚴具莊嚴一切諸
佛國土普周徧故爲令一切衆生於一切法
悉能決了甚深義故爲令一切衆生得諸如
來最上第一自在神通故爲令一切衆生得
非一非異一切功德自在神通故爲令一切
衆生具足一切平等善根普爲諸佛灌其頂
故爲令一切衆生悉得成滿清淨智身於諸
有中最尊勝故

四從令得一切智成等正覺下十句令成

佛果圓滿八云非一非異等者即十通中

無體性無作神通以了一切爲無爲等非

一異故於一切染淨自他等境轉變自在

相即相作而非一異業用無礙又非一異

應成四句如十忍品說

非一異義以了一切下出非一異是神通

相若一向非一各互相礙不能相作若一

句非異無二可得將何相作以非異故一

理融通非一事故得相作等又非一異者

異四非亦一亦異十忍當說

望一一位各有所由恐厭繁文舉其大略

耳又行布圓融無礙不可定執

佛子菩薩摩訶薩如是悲愍利益安樂一切

衆生

第三結其成益中二先結前生後

大方廣佛華嚴經疏鈔會本第二十九之一

音釋
斫 職略切 巖 所皆切 頰 丁可切 鍛 所戒切 鑛 古猛切 鐵 朴切 石 也

里二

十九

大方廣佛華嚴經疏鈔會本第二十九之三 盟三

唐于闐國三藏沙門實叉難陀 譯

唐清涼山大華嚴寺沙門澄觀撰述

咸令清淨遠離慳嫉受勝妙樂具大威德生
大信解永離瞋恚及諸翳濁其心清淨質直

盟三

柔輒無有諂曲迷惑愚癡行出離行堅固不
壞平等之心永無退轉白淨法力具足成就
無惱無失善巧迴向常修正行調伏衆生滅
除一切諸不善業修行苦行一切善根

後咸令下別顯益相文有十三句顯二

生攝一切德初三句顯勝妙生二句爲因
一句爲果清淨者戒受人天身離慳者施
有大財位人天財位即勝妙生有大威德
後之十句顯功德生功德生者即決定勝
道有人天中具大財位無信解等非功德

生一生大信解揀異邪小二永離三毒障
翳即癡濁即是貪亦兼餘障故致諸言三
其心下即離毒之德初句爲總質直下別
由離瞋故質直柔輒由離貪故無有諂曲
由離癡翳故無有迷惑愚癡四修真定慧
爲出離道五運同體悲爲平等心六入無
漏因爲白淨法七由離前過不惱衆生自
行無失兼能迴向八自他兼利九滅除惡
因十修行善本

初之三句者即前十度章中引唯識釋前三爲增上生道感大財體及眷屬故其勝妙生即增上生名異義同後三決定勝道

又勸衆生今其修習普爲含識具受衆苦以
大智眼觀諸善根知其悉以智慧爲性方便
迴向一切衆生
第二勸物迴向中二先令悲智雙行而成
迴向

爲今一切衆生悉得安住一切清淨功德處
故爲今一切衆生悉能攝受一切善根知諸
功德性及義故爲今一切衆生普淨一切諸
善根故爲今一切衆生於福田境界中種諸
善法心無悔故爲今一切衆生普能攝受一
切衆生一一皆今趣一切智故爲今一切衆
生普攝一切所有善根一一皆與平等迴向
而相應故

後爲今下明迴向意意通能所約能菩薩
爲此故教約所教其當如是爲文有六句

二中性即體性義即所以通於理事

又以諸善根如是迴向所謂願一切衆生究
竟安隱願一切衆生究竟清淨願一切衆生
究竟安樂願一切衆生究竟解脫願一切衆
生究竟平等願一切衆生究竟了達願一切

三

二

衆生究竟安住諸白淨法願一切衆生得無
礙眼願一切衆生善調其心願一切衆生具
足十力調伏衆生

第三又以下究竟迴向上來展轉迴向以
隨宜故或通因果世及出世今迴向既終
惟願得成究竟之果安隱者無障惱故安
樂者唯寂滅故

佛子菩薩摩訶薩如是迴向時不著業不著
報不著身不著物不著刹不著方不著衆生
不著無衆生不著一切法不著無一切法

三

三

第二迴向實際中先牒前隨相後不著下
正顯離相十句五對一已業因果二自己
身財三起行方便四所化衆生五所迴行
法亦通一切不著一切法者了法空故不
著無一切者空亦空故

佛子菩薩摩訶薩如是迴向時以此善根普施世間願一切衆生成滿佛智得清淨心智慧明了內心寂靜外緣不動增長成就三世佛種

第三佛子已下總結三種迴向近仍前起謂即上離相不礙隨相遠結上文普施世間即向衆生願生成佛即向菩提得清淨心下即向實際成就三世佛種即總結三種迴向之能

佛子菩薩摩訶薩修行如是迴向之時超出一切無能過者一切世間所有言詞悉共稱讚亦不可盡普修一切菩薩諸行悉能往詣一切佛土普見諸佛無所障礙又能普見一切世界菩薩所行以善方便爲諸衆生分別諸法甚深句義得陀羅尼演說妙法盡未來

劫無有斷絕爲衆生故念念於不可說不可說世界猶如影像普現其身供養諸佛念念嚴淨不可說不可說諸佛國土悉令周徧修行嚴淨佛刹智慧而無厭足念念令不可說不可說百千億那由他衆生清淨成就平等滿足於彼一切諸國土中勤修一切諸波羅蜜攝取衆生成就淨業得無礙耳於不可說不可說諸佛世界一如來所轉法輪聽聞受持精勤修習不生一念捨離之心住無所得無依止無作無著菩薩神通於一剎那一彈指頃分身普詣不可說諸佛世界與諸菩薩等同一見

大文第二迴向成益即此行所成廣大之德有四佛子即爲四段第一佛子成因位廣大德第二佛子果位清淨德三會違自

在德四相盡平等德前之二段即隨相益後之二段即離相益又初一現成德次一當成德此二因果一對三是會相德四是得實德此二會違攝法對今初先牒成益之時顯正修時即成此益後超出下正顯顯有十二句初二為總初句顯深無能過故後句顯廣歎不盡故後十句別攝為五對初二所行所見對行中初行行後詣刹所見中初見果後見因二說法深廣對事理善巧故法義甚深總持廣包辭辯無斷三為衆生下現身嚴刹對於嚴刹中先果後因四念念令下成就攝生對初成就後於彼下攝取五得無礙下遠聽速往對初明遠聽聽必修行後住無得下速往往皆無得不假靜慮故曰無依不起加行故云

五

五

無作不染通境故云無著依此無依故能刹那頓現等同一見者詣刹雖多道風無異

佛子菩薩摩訶薩如是修習菩薩行時尚能成滿無量不可說不可說清淨功德憶念稱讚所不能盡況復得成無上菩提

第二果德清淨文分為二一牒現況當謂結前因德尚爾無盡況當成果德豈可量耶

一切佛刹平等清淨一切衆生平等清淨一切身平等清淨一切根平等清淨一切業果平等清淨一切衆會道場平等清淨一切圓滿行平等清淨一切法方便智平等清淨一切如來諸願迴向平等清淨一切諸佛神通境界平等清淨

二一切佛刹下懸解當相謂成果之狀略舉此十前六果相圓備後四舉因顯果謂此果滿由因圓故皆言清淨者無染不盡云平等者無理不證染淨皆虛故云平等淨符乎理但云清淨此上因果德用若非

圓教諸位相攝何容地前得斯無礙

佛子菩薩摩訶薩如是迴向時得一切功德清淨歡喜法門無量功德圓滿莊嚴

第三會違自在德中二初結前生後此結有二一近結上果德果德無邊上言不盡故云一切功德清淨二通結因果以隨相益竟欲明得隨相益即有離相故總結云得一切功德乃至圓滿莊嚴由此故有不違等也

如是迴向時衆生不違一切刹刹不違一切

衆生刹衆生不違業業不違刹衆生思不違心心不違思思心不違境界境界不違思心業不違報報不違業業不違業道業道不違業

二如是迴向時下正顯會違之益有十五對大分爲四初十一對法法相望無違次二對世世無違次一對世法無違後一因果無違即是總結前中分三初六對事事無違次法性下二對事理無違三刹平等下三對理理無違

今初一依正二業果三王所四心境五業報二是引業此是滿業六正助無違行前之思方便造業但名爲業思之所起身口意行名爲業道以是思之所遊履故晉經名業迹迹即道也此之事事所以無違者

隨性融故緣起相由故同一緣起義故亦

由後二段令此無違六正助無違者即經

業道俱舍業品云俱得名尸羅一妙行二

業三律儀四唯初表無表名別解脫五業

道六釋曰此有六名今此即當第六彼疏

釋云又此初念亦名業道第六名也本求

戒思今曰究竟依業暢義立業道名謂戒

前之思名之為業初念戒體名之為道思

所發故業家之道故名業道故初剎那名

別解脫初業惡故亦得名為別解脫律儀

能防非故亦得名為根本業道暢思起故

第二念等不名業道非暢思故名為後起

根本後故今疏全依俱舍論文故不更引

古來異釋此之事下出無違之因

峇出三因一法性融通門二緣起相由門

上二即事無礙義三直語同一緣起通

事通理非無礙義如觀一葉落知天下秋

矣亦由後二者後二即事理無違及理

無違由此故今事事無違謂既同一味事

復即理由事即理理融於事故得事事無

礙故無違也

法性不違相法相不違性法生不違性法性

不違生

次二對理事無違者初對約所相之法論

性相無違後對約能相四相辨性相無違

略舉一生耳性不違相者理能成事故相

不違性者事能顯理故不動真際建立諸

法故不壞假名說實相故

剎平等不違衆生平等衆生平等不違剎平

等一切衆生平等不違一切法平等一切法

平等不違一切衆生平等離欲際平等不違

一切衆生安住平等一切衆生安住平等不

違離欲際平等

三理理無違三對一依正二人法三能所

證離欲際即所證理衆生安住即能證智

智冥於理故二無違

然上三段無違初後二段唯約異類相望

由後段中以事取理有多平等故中間事

理無違則有二義一自類相望如剎望剎

理無違則有二義一自類相望如剎望剎

平等二異類相望如剎望衆生平等平等
即無性之理也

然上三段下重總料揀於中有二一同異類料揀

開此則有四句若細論則有五重四句第一四句者一剎二衆生三剎無性理四衆生無性理此四爲本第二四者一剎即剎

三

無性以事不存故二不即以不壞事故三

無性即剎以不守自性故四不即剎以性

不變故第三四者衆生與無性亦同剎說

上二四句各初及第三是第二段性相無

違中自類相望各二及四雖非無礙亦不

相違義如上說第四者一剎無性即衆

生無性以無二故二不即以無可即故三

剎即衆生以無性是衆生剎既無性即衆

生故四剎不即衆生以不礙兩存故此中

初二句是第三段理理無違以無可即亦

無可違故第三句是第一段事事無違第

四句雖非無礙亦不相違第五四句者一

剎即衆生無性二不即三衆生即剎無性

四不即此中初及第三句是第二段理事

無違中異類事理相望二四兩句雖不壞

性相亦不相違然爲門不同有多差別理

實諸句無不融通

二開此則有下句數料揀但就剎衆生以成諸

句初根本四句二剎上理事成四句三約

衆生上理事成四句上二二三兩四句但是

事理無礙四以剎事對生理爲四五以衆

生事望剎理成四此後二四方成事理無

礙上二等者以事理相望唯就同類即得

成故言各二及四雖非無礙亦不相違義

如上說者以二四皆是不即故非無礙亦

不相違者由上一同緣起故由不壞之事

不變之性皆同一緣起故此中初二句是

理理無違者一剎無性即衆生無性二理

同故以無可即亦無可違者釋第二句是

非無礙而亦同是一緣起故及第五四句

中亦不相違皆同前三句是異類事理相望者

違此中初及第三句是異類事理相望者

以將剎望衆生無性衆生與剎是異類也

過去不違未來未來不違過去過去未來不違現在現在不違過去未來

二約世世

世平等不違佛平等佛平等不違世平等

三約世法

菩薩行不違一切智一切智不違菩薩行

四約因果文並可知

佛子菩薩摩訶薩如是迴向時得業平等得報平等得身平等得方便平等得願平等得一切衆生平等得一切刹平等得一切行平等得一切智平等得三世諸佛平等

第四相盡平等德文分爲二初得平等離相益

得承事一切諸佛得供養一切菩薩得種一切善根得滿一切大願得教化一切衆生得

了知一切業得承事供養一切善知識得入一切清淨衆會道場得通達一切正教得成滿一切白法

二得承事一切佛下明得不壞諸相益

佛子是爲菩薩摩訶薩第七等隨順一切衆生迴向

第三依釋結名可知

菩薩摩訶薩成就此迴向則能摧滅一切魔怨拔諸欲刺得出離樂住無二性具大威德救護衆生爲功德王神足無礙往一切刹入寂滅處具一切身成菩薩行於諸行願心得自在分別了知一切諸法悉能徧生一切佛刹得無礙耳聞一切刹所有音聲得淨慧眼見一切佛未嘗暫捨於一切境界成就善根心無高下於一切法得無所得菩薩摩訶薩

以一切善根等隨順一切衆生如是迴向

大文第二辨位果與益異者成益約於位

中得果就其位滿有二十一句初一牒前

後一總結中間十九攝爲九果一斷染果

降魔究謂止惡緣拔欲刺斷惡因也二入

證三

+

證果得出離樂正證住無二性證因三益

生果具大威德即護生之因四內外超勝

果謂內德外用五往一切下寂用無礙果

六具一切下行願廣大果七分別下智通

殊勝果八得無礙下見聞自在果九於一

切境下修行具足果初成就後無得

爾時金剛幢菩薩承佛神力普觀十方而說

頌言

菩薩所作諸功德微妙廣大甚深遠

第二重頌二十一偈分三初十一偈頌迴

向次九偈頌成益後一偈結讚今初分二

證三

十二

初半偈頌所迴善根

乃至一念而修行悉能迴向無邊際

菩薩所有資生具種種豐盈無限億香象寶

馬以駕車衣服珍財悉殊妙

或以頭目并手足或持身肉及骨髓悉徧十

方無量剎普施一切令充徧

無量劫中所修習一切功德盡迴向爲欲救

度諸群生其心畢竟不退轉

餘頌攝將迴向於中三初三偈半頌迴已

修善願成資具以施衆生

菩薩爲度衆生故常修最勝迴向業普令三

界得安樂悉使當成無上果

菩薩普興平等願隨其所集清淨業悉以迴

施諸群生如是大誓終無捨

菩薩願力無限礙一切世間咸攝受如是迴
向諸群生未曾暫起分別心

普願衆生智明了布施持戒悉清淨精進修
行不懈廢如是大誓無休息

菩薩迴向到彼岸普開清淨妙法門智慧同
於兩足尊分別實義得究竟

次菩薩爲度下五偈頌復迴此施願令衆
生具足財法

菩薩言詞已通達種種智慧亦如是說法如
理無障礙而於其中心不著

常於諸法不作二亦復不作於不二於二不
二並皆離知其悉是語言道

三菩薩言詞下二偈頌迴向實際

知諸世間悉平等莫非心語一切業衆生幻
化無有實所有果報從茲起

一切世間之所有種種果報各不同莫不皆
由業力成若滅於業彼皆盡

二知諸世間下頌成益中三初二頌因德
廣大

菩薩觀察諸世間身口意業悉平等亦令衆
生住平等猶如無等大聖尊

菩薩善業悉迴向普令衆生色清淨福德方
便皆具足同於無上調御士

菩薩利益諸群生功德大海盡迴向願使威
光特超世得成雄猛大力身

三

上

凡听修習諸功德願使世間普清淨諸佛清
淨無倫匹衆生清淨亦如是

菩薩於義得善巧能知諸佛最勝法以衆善
業等迴向願令庶品同如來

次五頌果德清淨

菩薩了知諸法空一切世間無所有無有造作及作者衆生業報亦不失

諸法寂滅非寂滅遠離此二分別心知諸分別是世見入於正位分別盡

後二頌相盡平等略不頌會違上已委具

三

十三

然頌三段勢少異前前直語益今兼顯迴

向之因

如是真實諸佛子從於如來法化生彼能如是善迴向世間疑惑悉除滅

大方廣佛華嚴經疏鈔會本第二十九之三

音釋

暢丑亮切
通也

大方廣佛華嚴經疏鈔會本第三十一 盟四

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子何者是菩薩摩訶薩真如相迴向

第八真如相迴向長行中二先廣明後結

盟

示前中亦二先明位行後辨位果前中亦

三今初標名善根合以成迴向從所依立

名義通能所故本業云常照有無二諦一

切法一合相故若梵本中具名真如相自

性迴向相即德相性即體性以二非即離

所以雙舉多說德相唐本單名即以法界

印而爲其性此與前後異者謂第七明會

事向理故云平等此明事盡理現故行等

同如第九明從體起用第十明用同體同

體而用餘如第四迴向會釋從所依立名者但言真如

相即是所依善根合如故義通能所常照
者以有能所况一合相復有二義一有無
不二即一合相以同如故二智與境冥絕
能所故則通能所爲如相矣即以此法界下
四出體能所契合爲法界故此與前後下
五揀蘊前即第七以平等隨順衆生故後
即九十九即離於能所縛著故十入法界
亦契合故其四名多分相蘊疏揀可知
餘如第四迴向者彼以善根如於實際故
至一切處前對此揀竟故今不對第四揀
之

佛子此菩薩摩訶薩正念明了其心堅住遠

離迷惑專意修行深心不動成不壞業趣一

切智終不退轉志求大乘勇猛無畏植諸德

本普安世間生勝善根修白淨法大悲增長

心寶成就常念諸佛護持正法於菩薩道信

樂堅固

第二依徵廣釋中三初明隨相迴向二佛

子菩薩摩訶薩以此善根下離相迴向三

佛子此菩薩摩訶薩如是迴向時得一切

下迴向成益初中分二先積善迴向後佛
子菩薩摩訶薩若見下觸境迴向前中亦
二先明所迴行體後菩薩爾時慧眼下攝
將迴向前中亦二先積集資糧後成就無
量下結德成就

今初文有十句初一爲總謂正念堅明下
九爲別文有三節初三正念菩提一遠離
迷惑是明了義專意修行即爲正念正念
是定明了是慧定慧雙運爲道之源二契
理不動故曰深心緣不能沮成不壞業即
自分堅住三求佛不退即勝進堅住次四
句正念化生初句爲總勇求兼濟爲大法
故下三句別一悲智雙運爲明了般若爲
衆德之本故二進善去漏爲正念三悲增
智圓爲堅住後三正念三寶一念佛二護

法三信僧上有正念下句堅固影畧該攝
成就無量淨妙善根勤修一切功德智慧爲
調御師生衆善法以智方便而爲迴向

二結德成就文有四句前三結前一非止
上十故云無量二三統而收之不出福智

大悲末句生後迴向

菩薩爾時慧眼普觀所有善根無量無邊

第二攝將迴向中二先觀察善根本期迴
向二以諸善根下正明迴向今初有三初

總標

三四

三

其諸善根修習之時若求緣若辦具若治淨
若趣入若專勵若起行若明達若精審若開
示

次其諸善下別顯

如是一切有種種門種種境種種相種種事

種種分種種行種種名字種種分別種種出生種種修習

三如是下總結於中二先結種類多門有十句謂隨前求緣等有多差別一通遊非一故如一趣入爲用有門爲用空門乃至無量故慈行童女云諸佛各以異門令我入此普莊嚴門二隨其一門緣何爲境爲佛爲法等三隨一境上相貌不同四相所依事謂色心等五隨一事上有多分位六施等萬行七能詮名字八分別決擇九生多知見十若定若慧上中下修

其中所有一切善根悉是趣向十力乘心之所建立皆悉迴向一切種智唯一無二

後其中下結修本意本意既然寧不迴向以諸善根如是迴向所謂願得圓滿無礙身

業修菩薩行願得清淨無礙口業修菩薩行願得成就無礙意業安住大乘願得圓滿無障礙心淨修一切諸菩薩行願起無量廣大施心周給無邊一切衆生願於諸法心得自在演大法明無能障蔽願得明達一切智處發菩提心普照世間願常正念三世諸佛諦想如來常現在前願住圓滿增上志樂遠離一切諸魔怨敵願得安住佛十力智普攝衆生無有休息

第二正明迴向分二初向菩提二佛子菩

聖四

薩摩訶薩如爲已身下迴向衆生前中有二十願分三初十願願成智行即菩提因果

願得三昧遊諸世界而於世間無所染著願住諸世界無有疲厭教化衆生恒不休息願

起無量思慧方便成就菩薩不思議道願得諸方不迷惑智悉能分別一切世間

二得三昧下四願周徧利生即化用因果一化所依二化時處三知藥治四識病宜願得自在神通智力於一念中悉能嚴淨一

切國土願得普入諸法自性見一切世間悉皆清淨願得生起無差別智於一刹中入一切刹願以一切刹莊嚴之事顯示一切教化無量無邊衆生願於一佛刹中示無邊法界一切佛刹悉亦如是願得自在大神通智普能往詣一切佛土

三得自在下六願普嚴佛刹即淨土因果一神通智嚴淨事土二入理智嚴法性土亦非嚴嚴故三事理無礙智嚴帝網土四以前三嚴用化衆生上四因圓後二果滿

佛子菩薩摩訶薩以諸善根願得莊嚴一切佛國願得周徧一切世界願得成就智慧觀察如爲己身如是迴向如是而爲一切衆生第二迴向衆生文三初牒前起後即從後倒牒前之三段

所謂願一切衆生永離一切地獄畜生閻羅王趣願一切衆生除滅一切障礙之業願一切衆生得周普心平等智慧願一切衆生於怨於親等心攝受皆令安樂智慧清淨願一切衆生智慧圓滿淨光普照願一切衆生思慧成滿了真實義願一切衆生以淨志樂趣求菩提獲無量智願一切衆生普能顯示安隱住處

二所謂下正顯迴向文有八句初二願離三障障礙之言義兼煩惱次四成四智後

二結二果謂菩提涅槃菩提不唯四智故云無量

佛子菩薩摩訶薩恒以善心如是迴向爲令一切衆生遇清涼雲雲法雨故爲令一切衆生常值福田勝境界故爲令一切衆生皆能善入菩提心藏自護持故爲令一切衆生離諸蓋纏善安住故爲令一切衆生皆獲無礙神通智故爲令一切衆生得自在身普示現故爲令一切衆生成就最勝一切種智普興利益無空過故爲令一切衆生普攝群品令清淨故爲令一切衆生皆能究竟一切智故爲令一切衆生心不動搖無障礙故

三佛子下總結所爲

佛子菩薩摩訶薩見可愛樂國土園林草木華果名香上服珍寶財物諸莊嚴具或見可

樂村邑聚落或見帝王威德自在或見住處離諸諠雜見是事已以方便智精勤修習出生無量勝妙功德爲諸衆生勤求善法心無放逸廣集衆善猶如大海以無盡善普覆一切爲衆善法所依之處以諸善根方便迴向而無分別開示無量種種善根智常觀察一切衆生心恒憶念善根境界以等真如平等善根迴向衆生無有休息

第二觸境迴向大同淨行對境發願於中
五一系列所見境二見是事下觀境成德謂
增悲智三以諸善根下總明迴向亦是迴向之德四菩薩爾時下別明迴向五佛子下迴向成益前三可知

菩薩爾時以諸善根如是迴向所謂願一切衆生得諸如來可愛樂見見法真性平等平

等無所取著圓滿清淨願一切衆生見諸如
來甚可愛樂圓滿供養願一切衆生往生一
切無諸煩惱甚可愛樂清淨佛刹願一切衆
生得見諸佛可愛樂法願一切衆生常樂護
持一切菩薩可愛樂行願一切衆生得善知
識可愛樂眼見無所礙願一切衆生常見一
切可愛樂物無有違逆願一切衆生證得一
切可愛樂法而勤護持願一切衆生於一切
佛可樂法中得淨光明願一切衆生修諸善
薩一切能捨可愛樂心願一切衆生得無所
畏能說一切可愛樂法願一切衆生得諸善
薩極可愛樂甚深三昧願一切衆生得諸善
薩甚可愛樂陀羅尼門願一切衆生得諸善
薩甚可愛樂善觀察智願一切衆生能現菩
薩甚可愛樂自在神通願一切衆生能於諸

佛大衆會中說可愛樂甚深妙法願一切衆
生能以方便開示演說甚可愛樂差別之句
願一切衆生常能發起甚可愛樂平等大悲
願一切衆生念念發起甚可愛樂大菩提心
常令諸根歡喜悅豫願一切衆生能入一切
甚可愛樂諸如來家願一切衆生得可愛樂
能調伏行調伏衆生無有休息願一切衆生
得諸菩薩甚可愛樂無盡辯才演說諸法願
一切衆生於不可說不可說劫住於一切可
樂世界教化衆生心無厭倦願一切衆生以
無量方便普能悟入甚可愛樂諸佛法門願
一切衆生得可愛樂無礙方便知一切法無
有根本願一切衆生得可愛樂離貪欲際知
一切法畢竟無二斷一切障願一切衆生得
可愛樂離貪欲際知一切法平等真實願一

切衆生具足成滿一切菩薩甚可愛樂無戲
論法願一切衆生得金剛藏精進之心成可
愛樂一切智道願一切衆生具可愛樂無礙
善根摧伏一切煩惱怨敵願一切衆生得可
愛樂一切智門普於世間現成正覺

四中初句總標標將說別上起行中云以
諸善根方便迴向未知迴向其相云何故
云爾時如是迴向後所謂下別顯顯如是
言三十一願皆言令得可愛樂者由見可
愛樂境起可愛樂善故願成可愛樂德釋
此諸願通有二意一橫對上境發等流願
二豎配地位以彰總願總者隨見一境即
發多願該因果故言橫對者初之十願對
上國土一若見國土當願衆生見法性土
二土之供具三通受用變化淨土餘皆土

三四

中之事可以意得對此一境發十願者以
一例諸皆應有多不欲繁文下漸從畧三
受用者但言清淨變化亦有淨故無諸煩
惱則是受用既衆生往生故皆通也餘皆
是土中之事者四法即法門流布五行即
菩薩修行六即天眼常喜世界生者天眼
微見十方七則水鳥樹林華池次得無畏
寶閣八護法九證法十心無著

下三願對上園林無漏法林無所畏故總

持三昧爲園苑故

無漏法林等即淨名佛
道品無漏法林樹總持

之園苑下經三
昧爲園苑故

次一願對上草木善觀五

乘三草二木智差別故

對上草木者三草
二木即法華藥草

喻品初會已引五乘差別但由
智異故將善觀察智以對草木

次三對華

神通等法如華開敷處衆開演皆華敷故

果之一種留在後明

從發大悲下一願以對一境謂大悲熏心
以對上香令根喜悅如彼上服生如來家
得珍寶分以調伏行爲聖財物無礙辯說

爲莊嚴具可樂世界猶如於村悟入多門
等彼城邑無礙無本如彼聚落畢竟無二
若國無二王證離欲際方得自在無戲論
法爲離誼雜後三句即對前果

二賢配地位者文分爲二前顯因圓後三
果滿前中分三初七未入法者令得入法
即是地前一最初發心同佛見理二行法
供養此二十信三生諸佛前四解心見法
此二十住五如說行即是十行六同善友
見七觸境無違此二十向

二證得下十七願已入法者令得入地初
三初地一證如理二得教光三成施行次
一二地行不慮誤犯故無所畏愛語偏多
故能說法次二三地行習諸禪定求多聞
故次有三願如次三地謂焰慧觀道品難

勝具神通現前深般若次方便下二願七
地行謂方便偏多故雖善修空無相而慈
悲不捨衆生故云平等大悲次二八地行
謂諸佛勸起利他大心無間現前常悅豫
故得無生忍真生家故次二九地行善知
稠林能調伏故四十無礙辯善說法故次
二十地行得入劫智入微塵世界等廣利
樂故能受如來大法雨故

三有四願已入地者成普賢位一一切境
中得無礙見覺法本源無根本故二得無
二住斷二障故三住真實際等如來故四
得寂滅忍無戲論故

第二三願明果滿者即是三德亦初金剛
智而爲能斷次離二礙以爲所斷此二爲
無間道後一解脫道證成出現智周法界

故用前二釋文旨有據次第無差金剛幢

之巧談非說者之穿鑿也

第二三願者能斷是般若所斷

是解脫智周法界即法身取所證故又初智德次即斷德後即思德思德故能現世間故涅槃三德釋中云如來之身亦非涅槃通色身故

佛子菩薩摩訶薩修習如是諸善根時得智

顯四

十

慧明爲善知識之所攝受如來慧日明照其心永滅癡冥勤修正法入諸智業善學智地流布善根充滿法界以智迴向盡諸菩薩善根源底以智深入大方便海成就無量廣大善根

第五迴向成益中先明得時後得智下正顯十句攝爲五對一以因感緣由智內明外爲友攝二以緣感因外蒙慧照內滅癡冥此除障益三由勤修入三慧業此明學益四上學證智自善普充此證入益五盡

顯四

十一

善福源入實智海此成二嚴益即爲向實際之本以智窮入故

佛子菩薩摩訶薩以此善根如是迴向所謂不著世間不取衆生其心清淨無所依止正念諸法離分別見不捨一切佛自在慧不違三世一切諸佛正迴向門隨順一切平等正法不壞如來真實之相

第二離相迴向即向實際此與前諸迴向小異前多攝相歸性少有依性起相今此多顯性相無礙以爲如相故上諸標文皆躡前隨相之時今不要對前以成無礙故無時字文分爲二初直明迴向後譬如下對如廣辯今初分二初順如之行二於諸佛法下順如之益前中亦二先約心明則止觀雙運不著有無後雖善下別約行明

則權實雙行不違性相今初復二一止寂
妄取不違體用二等觀下觀達空有信智
雙圓前中初二句標次其心下二句釋上
句無所取故下句離能取故不捨下明其
不違一不違因二不違法三不違果所以
不違者不著無故

等觀三世無衆生相善順佛道善說於法深
了其義入最勝地悟真實法智慧圓滿信樂
堅固

觀中初觀真空善順下觀其妙有

雖善修正業而知業性空了一切法皆如幻
化知一切法無有自性觀一切義及種種行
隨世言說而無所著除滅一切執著因緣知
如實理觀諸法性皆悉寂滅了一切法同一
實相知諸法相不相違背與諸菩薩而共同

止修行其道善攝衆生入去來今一切菩薩
迴向之門

二權實雙行中初句立宗以無礙爲宗次
句同喻如幻相有體即虛故後知一切下
合及出所因一法無性故二觀一切下觀
無著故上二順於空如三知如實下知一

實故則順不空如四知諸法下結成無違

五與諸下結成所作謂能橫入一道豎入

一門

初句立宗者即雖善修正業而知業性空量云正業是有法空有無礙是宗法因云緣成即無性故同喻云如幻幻法從緣生空有不相礙正業從緣生同彼

幻法不相礙

於諸佛法心無驚怖以無量心令諸衆生普
得清淨於十方世界不起執取我我所心於
諸世間無所分別於一切境界不生染著勤
修一切出世間法於諸世間無取無依於深

妙道正見牢固離諸妄見了真實法

二順如益中十句五對令四心彌固一上
安深法下淨衆生即廣大心二我不生
世見斯絕即不顛倒心三於境無染出世
勤修四不依世間正道唯固上二即第一

心無住涅槃爲第一故五妄見斯寂了實

體同即常心常不捨離同體悲故

天親般若論中答住問也若依無著即當

第一發心住處然無著十八住處住皆

答三問伏泰經關修何住應云何修行應

云何降伏者經佛告須菩提若生若胎

伏其心所有一切衆生之類若卵生若胎

生若濕生若化生若有色若無色若若

若無想若非有想若非無想若我皆今

入無餘涅槃而滅度之如是我滅度無

量無數無邊衆生實無衆生得滅度者

也何以故實菩提若菩提薩埵有相人相衆

生相壽者相即非菩提薩埵也論云廣

度之是廣大心令入無餘涅槃是第一心
二乘尚有餘第一四涅槃中無住涅槃方
種涅槃今言無餘即彼疏科上二心有三
為第一今言無餘耳彼疏科上二心有三
涅槃故不言無餘論云如是取衆生如我身
行住言常心者論云如是取衆生如我身
常不捨離是名常論云如是取衆生如我身
謂度衆生常不離大悲同體如我之心故
名常矣疏科此心為修定言不顛倒心示
者疏科為折散心言不顛倒者論云此示

現離依止身見衆生等相故依身執我名
為身見有我等四即非菩薩是名顛倒今
離此四即是我等四即非菩薩是名顛倒今
即根本智前大智大悲是後得智由根本智
離我見故前大智大悲是後得智由根本智
就又大雲解實無衆生得滅度者總有五
義一衆生性空故無可滅二菩薩後得智
同體大悲離自身故無別衆生即無他體
於根本智必先自離我見之相即自無體
既無自他實無衆生得滅度矣三一一切衆

十本來寂滅不更滅故四順法性法性無
念心若起念即違法性故五解法界不度
衆生天親解云平等法界衆生陰即衆生
以衆生名解云平等法界衆生陰即衆生
衆生與佛同一法界豈於此理度衆生哉
故淨名云佛同法界亦如也至於彌勒亦如
也若彌勒得受記者一切衆生亦應受記
以此同解如謂教地上學佛平等法界觀
盡證真如今地上學佛平等法界觀矣而

今天親即解此文大慈同體是教地前學
地上觀故為此釋天親妙意今日曉矣釋
曰上皆暉公之意今謂不然且問寂滅與
空為一為異若言一者則初三不別若言
異者異相云何豈不詮言法性本空寂耶
又寂滅言但是豈相為顯實耶若是顯實
即同第五同一法界又同體悲寧殊同
法界又五法界與法性復何差別非無
念智不名真解是知論明法界生佛相望
論明同體菩薩望生故不應二則上五解
唯應為二其無念義應合在不則上五解
經唯舉我以為顛倒執不亡豈非顛倒
故不顛倒約止絕妄想同體常心觀冥真
理是故經文以不顛倒釋上常心云何以
故由無妄故方能契實由契理故方得無
妄二義相成故無眾生得滅度者一契空
如性空寂滅故無可度二契不空者一契
性法性平等故無可度足顯玄妙皆就諸
佛菩薩觀心非獨約理故今經證天親解
意便為正解復順今經以今經證天親解

經妙符 第二對如廣辯如相迴向生此段
聖旨 文畧以五門分別一釋名真謂真實顯非
虛妄如謂如常表無變易此法相宗若法
性宗云不變為真順緣曰如由不變故與
有為法有非一義由順緣故與有為法有

非異義而起信云無遣曰真無立曰如唯
就遮詮頓彰真理 順緣曰如者即隨緣義
隨故今謂如隨於法無能隨故以此如性空
方能隨緣成一切故而起信下此論解釋
分中初釋真如門正舉法體有二一正顯
如一體二會執釋如名初門論云心真如者
不是一法界大總釋法唯依妄念而有差別
心念則無一切境界之相是故一切法從
本以來離言說相離名字相離心緣相畢
竟平等無有變異不可破壞唯是一心故
名真如二釋曰此上論文自破壞唯是
名真如二釋曰此上論文自破壞唯是
結真離妄此三皆是正顯如體即離妄
為真離妄此三皆是正顯如體即離妄
具足論云以一切言說假名無有相隨
念不可得故言此真如者亦無有相隨
之極因言遺言此真如者亦無有相隨
切法悉皆真故亦無可立以一切法皆同
如故當知一切法不可說不可說故當知
真如釋曰此上論文中二先釋後當知
切下結前中分三初正會執恐有執言上
言離名字相何故復立真如之極下約名釋
真如名亦是假說二言說之極下約名釋
疑疑云若但假立何故不立餘名而立真
如釋云真如者言說之極不立餘名而立
故攝論中謂真如者言說之極不立餘名
言遣言立此極名若無此名無以遣名若

存此名亦不遺名三此真如體亦無可遺
下約相釋遺古有多釋今並不依今謂此
即非安立真如若安立說遺安曰真顯理
為如同唯識意今正拂此二無法非真何
有妄可遠耶則真非真矣斯則無遣無立為
理可顯耶故如非如矣疏結二明種類或唯
云唯就遮詮頓彰真理

一味無有差別或分為二即生空真如法

空真如又安立非安立二又空不空二並

如常釋或分為三約三性辨如瑜伽等或

分為七謂一流轉真如即諸行流轉實性

二實相真如謂思惟諸法無二我性三唯

識真如即唯識性四安立五邪行六清淨

七正行上四即如次四諦體性如顯揚說

或分為十十地當明或有百門十十無盡

如今經辨則上來所列皆是其中一義設

言通一切法亦一義耳

二明種類總有六門謂一二三十七

及百為六類一中有三及六真如并八真如總有十義餘如十藏及前諸會已說唯

七真如今當說之即顯揚論第三卷攝事
品第一之三論曰真如作意相者謂緣七
種徧滿真如作意廣說如經一流轉真如
作意謂已見諦諸菩薩以增上法行善修
治作意於染淨法時思惟無因見及不平等
流轉實性既思惟已離無因見及不平等
見二實相真如作意謂如前說乃至於染
淨法因思惟一切身見及思惟分別眾相
性既思惟已復現行三唯識真如作意謂如前
作意不復現行三唯識真如作意謂如前

說乃至於染淨法所依思惟諸法唯識之
性既思惟已如實了知唯心染故眾生染
唯心淨故眾生淨四安立真如作意謂如
前說乃至於染淨法體思惟真如作意
已欲令知故為有情說五邪行真如作意
謂如前說乃至於染淨法體思惟真如作意
斷故為有情說六清淨法體思惟真如作意
說乃至於清淨法體思惟真如作意
欲令證故為有情說七正行真如作意謂
如前說乃至於清淨法體思惟真如作意

已欲令修故為有情說釋曰作意之義三
即菩薩觀餘可知疏但列名畧囑而已

辨德用一成依持用與一切法而為所依

此能持故二成觀境謂為賢聖證觀境故

亦是百門之一德耳起信說有三大一者

體大謂真如平等不增減故二相大謂具

足無量性功德故三用大能成一切世間
出世間善因果故然彼依心說於三大真
如乃是其一以一統二二皆屬如然違真
名惡契如則滅順真為善稱如則大約善
順義故說如為善因然違順雖殊離如則

星四

十六

無可違故惡亦以如為體若會此經百門
之內或體或相或用或兼實則一一皆通
體等故為百門融通理事使重重無盡猶
如帝網一依持用者即唯識論真如為
迷悟依如四轉依義中廣辨十地
再辯起信等者疏文有四一引論三大全
是論文而體大中一者體大下欠一切法
言耳斯即立義分中彼疏釋體云真性深
廣而凡聖染淨皆以為依故受大名隨流
加染而不增反流除染而不減又反流如
淨而不增隨流不淨而減良以染淨之
所不虧始終之所不易故云平等不增減
也二相大論云謂如來藏具足無量性功
德故疏釋云二種藏中不空如來藏也今
疏畧無如來藏言但約真如以說相故謂
不異體之德故云性功德也如謂隨淨業
異於水三用大全同彼疏釋云謂隨淨業

盟四

約自然大用報化二身盡細之用令諸眾
生始成世善終成出世善故彼論下文具
顯用相然彼依心下第二對會今經亦是
解妨妨云彼論依一心法而立三大真如
乃是其一何得真如具三大耶故彼立義
分中云摩訶衍者總說有二種一者法二
者義所出法者謂眾生心是心則攝一切
世間出世間法依於此心顯示摩訶衍義
所言義者則有三種一者體大等通局既
異何得引耶故下通云以一統二二皆屬
如故下解釋分中分為三門真如即是一
法界大總相法門體又此二門不相離故
故如必相用二也然違真下三釋用大
義以必相用亦名解妨云真如既為一切
法體隨流成法何得不言能生惡因果耶
故為此通是以環珞經云善背第一義諸
緣順第一義諦名之為善背第一義諸名
之為惡約違義違不順雖殊下釋為惡體藏
和生惡所以違真故不得離真以違真故非
其用也故今疏云離如則無可違故不離
也如波連水離水無波若會此經下第四
會釋經文具四約教不同可以思準四約
同者小乘但知四約教即立二空及六
七等不即於事終教則即事即如頓教多
用非安立義圖教即五釋文者然此百門
是百門重重無盡五釋文者然此百門
古釋非一一英法師十分之如次配於

十位中如一賢首位二十住三十行四十
向五淨心地六行迹地七決定地八究竟
地九等覺地十佛地更有諸德各分十門
賢首並皆不許遠公分三初十配地前次
八十八句配地上後二句佛地中如理皆

難通佛地何以無前如德如第二門真實
爲性何以不得通於諸位若取隨位之德
以立如名如十地十如理則可通然又不
出其相實則百門之德必貫之一如能如
之德豈無異相異相難見且從不分分亦

無過故末句云究竟清淨義同於果理皆通
下二辯順達於中二意初奪分者次若取
下縱成分義責不出相貌後實則縱成二
義今且十十科之以配十地十如今且十
中今正解上辯順達二皆初徧一切及無
有理後有究竟分則理長初徧一切及無
相爲相等即徧滿真如之義初徧一切及無
別顯即爲十

段依唯識第九前雖隨地別釋今爲對文
類例併舉今初徧一切處及無相爲一法
徧滿真如謂此真如二空所顯無有一法
而不在故世親釋云謂此法界徧無一切
以無少法非無我故今言二空無有一法
非二空故今疏云徧滿一切徧滿義彰無
相爲相即二中無能測量無有比對即最
勝義二中等者唯識釋最勝真如云謂此
莊嚴故今無測無對即最勝義三於
法無破爲衆法眼即勝流義三於論釋
謂此真如所流教法於餘教法最爲勝故
注由得三慧照大乘法觀此法教根本真
如名勝流真如或證此如說法勝故今云
於法無礙即教法等爲衆法眼亦勝流矣
四中無著無住等即無攝受義論云四無
攝受真如謂此真如無所繫屬非我執等
所依取故世親解云於此如中無計我所
無攝我所如北洲人無繫屬故應說此如
非我執我慢我愛無明達見我所見等所
依取故今無著五中畢竟無盡無有變易
即類無別義五中下論云五類無別真如
等類有異故注云謂此真如死涅槃二皆平
等故無差別今竟無盡豈有別耶六

中無有分別體性無生即無染淨義

六中下論

云大無染淨真如謂此真如本性無染亦

不可說後方淨故中邊釋云由六地觀十

二因緣知緣起法無染淨非謂如也由

真如故法無染淨此真如為無染淨今

無有分別七中無所不在住有無法即法

何有染淨

無別義

七中下論云七法無別真如謂此真如雖多教法種種安立而無異

故注雖諸教法依如建立如無異故今無

所不在何有別耶有無同如法豈別耶

八中體性清淨體性平等即不增減義

八中下論云八不增減真如謂此真如離增減

下論云八不增減真如謂此真如離增減

執不隨染淨有增減故即此亦名相土自

在所依真如謂若證得此真如已現相現

土俱自在故注謂凡位不減聖位不增故

今清淨平等

豈有增減

九中徧一切法是佛境界即

智自在義

九中下論云九智自在真如謂

自在故注謂此真如已於無礙解得

今徧一切智何不知是佛境界真自在也

十中住一切地成就一切諸佛菩薩等即

業自在義其中餘義可以類取

十中下論

在真如謂若證得此真如已普於一切神

通作業持定門皆自在故今住一切地

成佛菩薩業自在矣然此十如約詮辯體

若不爾者且如非先不徧今者方徧若不

約詮說徧何法上來畧取文中各有二義

以成其名餘各八義取類本名可以意得

隨地別顯唯說十如一具一切十成百

欲顯如德無量無邊

隨地別顯下第二解

百不同妨謂有妨云彼唯十如中說百

何要將百以同十耶故疏釋云為顯十地

且說十如理實真如具無盡德十融攝

且說百門百十皆是一周圓數順無盡耳

地前通修等覺徧等如來窮證

地前通修

前後無如妨云將百門如配十地如地

前等妙應無如矣故為通云地前通修十

如等覺徧等十如妙覺窮證

然異從義別

體本常融但契一如自舍眾德非由作意

順差別如能同迴向亦融攝無礙

然異從

通如觀難成妨云十地菩薩一地之內

唯觀一如如行既成方證其一今羅百數

成觀何出況一味之如何由契合故今答

云約行布說別證十如就圓融修一合眾

妙加行有異說十不同正證相應本唯一

味隨門入理畧有百門若契一門自舍眾

妙如海一滴味具百川章衣一角全體來

矣故唯識云雖真如性體無差別而隨勝

德假立十種十既假立百門亦然德用多
門非體不一言能同迴向者由如融攝行
順於如亦融攝矣故初地中徧稱如起行
達十如隨能證行後後建立
體即是如但人信如德尚迷迴向故以如
德喻迴向德若取文義便者應云真如體
相徧一切處善根迴向以同如故亦徧一
切無邊際等又徧一切方得同如稱如起
四通通向非如妨妨云夫如普徧無法非
如何有如外別有迴向以為所喻通意有
二一以其所信喻所不信二若
取文義下立為體式則無前難
百門之內
各有二句上即所同之如德下善根下能
同迴向之德百門之內下第三釋
文於中有二先總

大方廣佛華嚴經疏鈔會本第三十一

音釋

稠除留切穿鑿鑿疾各昨躡尼輒切麤倉胡切
客也 詔屑病切 精也辨別物名

大方廣佛華嚴經疏鈔會本第三十二 盟五

唐于闐國三藏沙門實叉難陀 譯

唐清涼山大華嚴寺沙門澄觀撰述

譬如真如徧一切處無有邊際善根迴向亦復如是徧一切處無有邊際譬如真如真實

盟五

爲性善根迴向亦復如是了一切法真實爲性譬如真如恒守本性無有改變善根迴向亦復如是守其本性始終不改譬如真如以一切法無性爲性善根迴向亦復如是了一切法無性爲性譬如真如無相爲相善根迴向亦復如是了一切法無相爲相譬如真如若有得者終無退轉善根迴向亦復如是若有得者於諸佛法永不退轉譬如真如一切諸佛之所行處善根迴向亦復如是一切如來所行之處譬如真如離境界相而爲境界

善根迴向亦復如是離境界相而爲三世一切諸佛圓滿境界譬如真如能有安立善根迴向亦復如是悉能安立一切衆生譬如真如性常隨順善根迴向亦復如是盡未來劫隨順不斷

最初十中初門顯在緣中故無不徧二明不變故云真實三明隨緣即不變云恒守本性四示其性五示其相此五一向就以辨次二對智以說故爲智境八顯真如非境爲境謂要忘境方契如境故如之本性非安立故九即安立如十即如常之義餘可思準逐難當解後最初下別既依十如則十十科之譬如真如無能測量善根迴向亦復如是等虛空界盡衆生心無能測量譬如真如充滿一切善根迴向亦復如是一剎那中普周法

界

十二云充滿一切者謂若色若心若大若小等極微剎那亦皆圓滿非分滿故如不可分分則多過即由此義及下四十不離諸法故諸法隨如徧一塵中故下果中得

五

二

此門故一毛容納一切剎等

譬如真如常住無盡善根迴向亦復如是究竟無盡譬如真如無有比對善根迴向亦復如是普能圓滿一切佛法無有比對

十四無比對者法性不並真故

譬如真如體性堅固善根迴向亦復如是體性堅固非諸惑惱之所能沮譬如真如不可破壞善根迴向亦復如是一切衆生不能損壞

十五惑不能壞十六人不能壞

譬如真如照明爲體善根迴向亦復如是以普照明而爲其性

十七寂而常照智即如用故

譬如真如無所不在善根迴向亦復如是於一切處悉無不在譬如真如徧一切時善根迴向亦復如是徧一切時譬如真如性常清淨善根迴向亦復如是住於世間而體清淨譬如真如於法無礙善根迴向亦復如是周行一切而無所礙譬如真如爲衆法眼善根迴向亦復如是能爲一切衆生作眼

五

三

二十二既以照明爲體何無照矚之眼又由見如成法眼故大般若云三世諸佛皆以性空而爲佛眼

大般若者見性爲佛眼故

譬如真如性無勞倦善根迴向亦復如是修行一切菩薩諸行恒無勞倦譬如真如體性

甚深善根迴向亦復如是其性甚深譬如真如無有一物善根迴向亦復如是了其性無有一物譬如真如性非出現善根迴向亦復如是其體微妙難可得見譬如真如離衆垢翳善根迴向亦復如是慧眼清淨離諸癡翳譬如真如性無與等善根迴向亦復如是成就一切諸菩薩行最上無等譬如真如體性寂靜善根迴向亦復如是善能隨順寂靜之法譬如真如無有根本善根迴向亦復如是能入一切無根本法

三十云無根本者前無所依故即無住本故

譬如真如體性無邊善根迴向亦復如是淨諸衆生其數無邊譬如真如體性無著善根迴向亦復如是畢竟遠離一切諸著譬如

如無有障礙善根迴向亦復如是除滅一切世間障礙譬如真如非世所行善根迴向亦復如是非諸世間之所能行譬如真如體性無住善根迴向亦復如是一切生死皆非所住譬如真如性無所作善根迴向亦復如是一切所作悉皆捨離譬如真如體性安住善根迴向亦復如是安住真實

三十七云安住者由無所住安住真實故譬如真如與一切法而共相應善根迴向亦復如是與諸菩薩聽聞修習而共相應譬如真如一切法中性常平等善根迴向亦復如是於諸世間修平等行譬如真如不離諸法善根迴向亦復如是盡未來際不捨世間譬如真如一切法中畢竟無盡善根迴向亦復如是於諸衆生迴向無盡

四十一畢竟無盡者雖在諸法諸法盡而體常又正在法中取不可盡如芥子之空故

譬如真如與一切法無有相違善根迴向亦復如是不違三世一切佛法譬如真如普攝

五

諸法善根迴向亦復如是盡攝一切衆生善根譬如真如與一切法同其體性善根迴向亦復如是與三世佛同一體性譬如真如與一切法不相捨離善根迴向亦復如是攝持一切世出世法譬如真如無能映蔽善根迴向亦復如是一切世間無能映蔽譬如真如不可動搖善根迴向亦復如是一切魔業無能動搖譬如真如性無垢濁善根迴向亦復如是修菩薩行無有垢濁譬如真如無有變易善根迴向亦復如是愍念衆生心無變易

五

五

譬如真如不可窮盡善根迴向亦復如是非諸世法所能窮盡譬如真如性常覺悟善根迴向亦復如是普能覺悟一切諸法

五十一性常覺悟者能內熏發起厭求故譬如真如不可失壞善根迴向亦復如是於諸衆生起勝志願永不失壞

五十二不可失壞者在於生死染而不染故

譬如真如能大照明善根迴向亦復如是以大智光照諸世間

五十三即大智光明徧照法界義故

譬如真如不可言說善根迴向亦復如是一切言語所不可說

五十四離言真如

譬如真如持諸世間善根迴向亦復如是能

持一切菩薩諸行譬如真如隨世言說善根
迴向亦復如是隨順一切智慧言說譬如真
如徧一切法善根迴向亦復如是徧於十方
一切佛刹現大神通成等正覺譬如真如無
有分別善根迴向亦復如是於諸世間無所
分別譬如真如徧一切身善根迴向亦復如
是徧十方刹無量身中譬如真如體性無生
善根迴向亦復如是方便示生而無所生譬
如真如無所不在善根迴向亦復如是十方
三世諸佛土中普現神通而無不在

六十一無所不在者上徧一切即無邊際
今隨一一法皆全在中

譬如真如徧在於夜善根迴向亦復如是於
一切夜放大光明施作佛事

六十二在晝夜乃至盡未來者一念長劫

各各收如各各依如故得念劫互收互入
譬如真如徧在於晝善根迴向亦復如是悉
令一切在晝衆生見佛神變演不退輪離垢
清淨無空過者譬如真如徧在半月及以一
月善根迴向亦復如是於諸世間次第時節
得善方便於一念中知一切時譬如真如徧
在年歲善根迴向亦復如是住無量劫明了
成熟一切諸根皆令圓滿譬如真如徧成壞
劫善根迴向亦復如是住一切劫清淨無染
教化衆生咸令清淨譬如真如盡未來際善
根迴向亦復如是盡未來際修諸菩薩清淨
妙行成滿大願無有退轉譬如真如徧住三
世善根迴向亦復如是令諸衆生於一刹那
見三世佛未曾一念而有捨離譬如真如徧
一切處善根迴向亦復如是超出三界周徧

一切悉得自在譬如真如住有無法善根迴向亦復如是了達一切有無之法畢竟清淨

七十住有無者理無惑計有無常實故無理

惑計者即生公十四科實相義中具云大惑情所封則兩端斯失失理皆宗所計皆虛理無惑計則有無並實實則說空可以祛滯有者之惑明有可以釋守空者之迷

斯則空有二教皆俱得實釋曰此中有三初約情非二約理是三約教真令當其中但用理是

譬如真如體性清淨善根迴向亦復如是能以方便集助道法淨治一切諸菩薩行譬如真如體性明潔善根迴向亦復如是令諸菩薩悉得三昧明潔之心

七十二性覺爲明離念爲潔

譬如真如體性無垢善根迴向亦復如是遠離諸垢滿足一切諸清淨意譬如真如無我我所善根迴向亦復如是以無我我所清淨

之心充滿十方諸佛國土譬如真如體性平等善根迴向亦復如是獲得平等一切智智照了諸法離諸癡翳譬如真如超諸數量善根迴向亦復如是與超數量一切智乘大力法藏而同止住與徧十方一切世界廣大法雲譬如真如平等安住善根迴向亦復如是發生一切諸菩薩行平等住於一切智道譬如真如徧住一切諸衆生界善根迴向亦復如是滿足無礙一切種智於衆生界悉現在前譬如真如無有分別普住一切音聲智中善根迴向亦復如是具足一切諸言音智能普示現種種言音開示衆生譬如真如永離世間善根迴向亦復如是普使衆生永出世間譬如真如體性廣大善根迴向亦復如是悉能受持去來今世廣大佛法恒不忘失勤

修一切菩薩諸行譬如真如無有間息善根迴向亦復如是爲欲安處一切衆生於大智地於一切劫修菩薩行無有間息譬如真如體性寬廣徧一切法善根迴向亦復如是淨念無礙音攝一切寬廣法門譬如真如徧攝

群品善根迴向亦復如是證得無量品類之智修諸菩薩真實妙行譬如真如無所取著善根迴向亦復如是於一切法皆無所取除滅一切世間取著普令清淨譬如真如體性不動善根迴向亦復如是安住普賢圓滿行願畢竟不動譬如真如是佛境界善根迴向亦復如是令諸衆生滿足一切大智境界滅煩惱境悉令清淨譬如真如無能制伏善根迴向亦復如是不爲一切衆魔事業外道邪論之所制伏譬如真如非是可修非不可修

善根迴向亦復如是捨離一切妄想取著於修不修無所分別

八十九非可修者無所得故非不可修者爲聖境故

譬如真如無有退捨善根迴向亦復如是常見諸佛發菩提心大誓莊嚴永無退捨譬如真如普攝一切世間言音善根迴向亦復如是能得一切差別言音神通智慧普發一切種種言詞譬如真如於一切法無所希求善根迴向亦復如是令諸衆生乘普賢乘而得出離於一切法無所貪求譬如真如住一切地善根迴向亦復如是令一切衆生捨世間地住智慧地以普賢行而自莊嚴譬如真如無有斷絕善根迴向亦復如是於一切法得無所畏隨其類音處處演說無有斷絕譬如

真如捨離諸漏善根迴向亦復如是令一切
衆生成就法智了達於法圓滿菩提無漏功
德

九十五捨離諸漏者準梵本云阿那薩羅
嚩此云無漏今言捨者性本捨故猶心體

離念

譬如真如無有少法而能壞亂令其少分非
是覺悟善根迴向亦復如是普令開悟一切
諸法其心無量徧周法界

九十六云無有少法而能壞亂令其少分

非覺悟者如徧非情則有少分非是覺悟
況經云佛性除於瓦石論云在非情數中
名爲法性在有情數中名爲佛性明知非
情非有覺性故應釋言以性從緣則情非
情異爲性亦殊如涅槃等況緣從性則非

覺不覺本絕百非言亡四句若二性互融
則無非覺悟起信云以色性即智性故說
名智身以智性即色性故說名法身徧一
切處論云菩提菩提斷俱名爲菩提說智
及智處俱名爲般若亦可證此既二性相

即緣復即性故無少分非覺悟者況心爲

總相又融攝重重哉無有少下文三意

下該難三故應釋云下會通然此段疏爲
遮妄執一切無情有佛性義就計此義自
有淺深一謂精神化爲土木金石象貌負
塊以成於子情變非情非情變情斯爲邪
見不異外道衆生計生草木有命故不可
也若說無情同一性故則稍近宗亦須得
意彼本立意約於真如自體徧故真實之
性無有二故涅槃經說第一義空爲佛性
故一切法中有安樂性攝境從心無非心
故色性智性體無二故如是等文諸經具
有今謂此釋太即太過失情無情壞於性
相若以涅槃第一義空該通心境涅槃何
以揀於瓦礫言無性耶廣如別破今直顯
正義謂性與相非一非異情與非情亦非
一非異故應釋言以性從緣等一如涅槃
者揀去牆壁瓦礫等故二無覺不覺者真

性之中無心境故三無非覺悟以無情性
融覺性故引起信文畧一句然其此義
前已引竟今此復要彼論通問云若指
佛法身離於色相者云何能現種種色相
答即此法身是色體故能現於色所謂從
本已來色心不二以色性即智性故色體
無形說名智身以智性即色性故說名法
身徧一切處今取二性相即互融之義說
耳論云等者引證非正證前故云亦可證
此可爲握者智及智處同般若故既二性

丁結釋經文況心爲總相下舉況以釋前
結一性義今結唯心義總相則無所不攝
又融攝重重即本經意隨舉一塵
即舍法界何令色境非一性耶

譬如真如過去非始未來非末現在非異善
根迴向亦復如是爲一切衆生新新恒起菩
提心願普使清淨永離生死

九十七云過去非始等者過去初際所以
名始未來爲終故稱爲末現在似有已未
分之無暫住時故名爲異今明真如雖徧
三世之中體絕三世初中後相故並言非
迴向亦爾雖爲衆生新新起願同彼真如

卷五

十一

徧三世中而令永離三世生死之相方名
清淨而晉本云過去非同未來非故現在
非異若以今文會取非同過去之始雖在
未來非是性本故有又晉經誤將後門三
世無分別同入此門致今百數缺一紛然
異解繁不敘之

譬如真如於三世中無所分別善根迴向亦
復如是現在念念心常覺悟過去未來皆悉
清淨

言三世無分別者前約遮詮不同三世今
約顯詮常無分別意旨相似故晉本合之
耳又上不同三世總顯非新今無分別亦
明非故而性相互融能新能故新故雙絕
矣

譬如真如成就一切諸佛菩薩善根迴向亦

復如是發起一切大願方便成就諸佛廣大智慧譬如真如究竟清淨不與一切諸煩惱俱善根迴向亦復如是能滅一切衆生煩惱圓滿一切清淨智慧

佛子菩薩摩訶薩如是迴向時得一切佛刹平等普嚴淨一切世界故得一切衆生平等普爲轉無礙法輪故得一切菩薩平等普出生一切智願故得一切諸佛平等觀察諸佛體無二故得一切法平等普知諸法性無易故得一切世間平等以方便智善解一切語言道故得一切菩薩行平等隨種種善根盡迴向故得一切時平等勤修佛事於一切時無斷絕故得一切業果平等於世出世所有善根皆無染著成究竟故得一切佛自在神通平等隨順世間現佛事故佛子是爲菩薩

聖王

十二

摩訶薩第八真如相迴向

第三迴向成益及結名並顯可知

菩薩摩訶薩住此迴向證得無量清淨法門能爲如來大師子吼自在無畏以善方便教化成就無量菩薩於一切時未曾休息得佛無量圓滿之身一身充徧一切世界得佛無量圓滿音聲一音開悟一切衆生得佛無量圓滿之力一毛孔中普能容納一切國土得佛無量圓滿神通置諸衆生於一塵中得佛無量圓滿解脫於一衆生身示現一切諸佛境界成等正覺得佛無量圓滿三昧一三昧中普能示現一切三昧得佛無量圓滿辯才說一句法窮未來際而不可盡悉除一切衆生疑惑得佛無量圓滿衆生具佛十力盡衆生界示成正覺

大文第二菩薩住此下明位果初牒得因後證得下正顯所得文有十句初總餘別皆云無量者同如廣大無盡故皆云得佛者同佛所證故作佛事故

佛子是爲菩薩摩訶薩以一切善根順真如

聖五

十三

相迴向

大文第二佛子下總以結示

爾時金剛幢菩薩承佛威力普觀十方而說頌言

第二應頌二十九偈分四

菩薩志樂常安住正念堅固離癡惑其心善
輒恒清涼積集無邊功德行

菩薩謙順無違逆所有志願悉清淨已得智
慧大光明善能照了一切業

初六頌隨相於中先二所迴行體

菩薩思惟業廣大種種差別甚希有決意修行無退轉以此饒益諸群生

諸業差別無量種菩薩一切勤修習隨順眾生不違意普令心淨生歡喜

已升調御人尊地離諸熱惱心無礙於法於

義悉善知爲利群生轉勤習

菩薩所修衆善行無量無數種種別於彼一

切分別知爲利群生故迴向

後四迴向之行

以妙智慧恒觀察究竟廣大真實理斷諸有

處悉無餘如彼真如善迴向

譬如真如徧一切如是普攝諸世間菩薩以

此心迴向悉令衆生無所著

菩薩願力徧一切譬如真如無不在若見不

見念悉周悉以功德而迴向

夜中隨住晝亦住半月一月亦隨住若年若劫悉住中真如如是行亦然

所有三世及剎土一切衆生與諸法悉住其中無所住以如是行而迴向

譬如真如本自性菩薩如是發大心真如所在無不在以如是行而迴向

譬如真如本自性其中未曾有一法不得自性是真性以如是業而迴向

如真如相業亦爾如真如性業亦爾如真如性本真實業亦如是同真如

譬如真如無邊際業亦如是無有邊而於其中無縛著是故此業得清淨

二有十六偈頌離相迴向於中先九頌對如廣辯

如是聰慧真佛子志願堅固不動搖以其智

四五

十四

力善通達入於諸佛方便藏

覺悟法王真實法於中無著亦無縛如是自

在心無礙未曾見有一法起

如來法身所作業一切世間如彼相說諸法

相皆無相知如是相是知法

菩薩住是不思議於中思議不可盡入此不

可思議處思與非思皆寂滅

如是思惟諸法性了達一切業差別所有我

執皆除滅住於功德無能動

菩薩一切業果報悉爲無盡智所印如是無

盡自性盡是故無盡方便滅

十五

菩薩觀心不在外亦復不得在於內知其心

性無所有我法皆離永寂滅

後七却頌約法直明菩薩住是不思議等

宜善思之

彼諸佛子如是知一切法性常空寂無有一法能造作同於諸佛悟無我

了知一切諸世間悉與真如性相等見是不可思議相是則能知無相法

若能住是甚深法常樂修行菩薩行爲欲利

益諸群生大誓莊嚴無退轉

是則超過於世間不起生死妄分別了達其心如幻化勤修衆行度群生

菩薩正念觀世間一切皆從業緣得爲欲救度修諸行普攝三界無遺者

了知衆生種種異悉是想行所分別於此觀察悉明了而不壞於諸法性

三彼諸佛子下六偈頌迴向成益

智者了知諸佛法以如是行而迴向哀愍一切諸衆生令於實法正思惟

四一偈結迴向意並可知

大方廣佛華嚴經疏鈔會本第三十之二

音釋

祛丘於切音擢擢擢朗可切臬臬臬吁騷
慶區却也切擢擢擢朗可切臬臬臬吁騷
切礫小石也切擢擢擢朗可切臬臬臬吁騷
也輓市究切謙苦煎切欠平聲敬也讓也

大方廣佛華嚴經疏鈔會本第三十一之一 盟六

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何爲菩薩摩訶薩無著無縛解脫迴向

觀六

第九無著無縛解脫迴向長行中亦先明

位行後顯位果前中亦三

今初牒名徵起謂理智無依不爲能所見

著相惑所縛由此即名解脫此約行體釋

之故本業云以諸法無二般若無生二諦

平等三世一合相故又解脫者亦作用自

在如不思議等此約行用由攝善根皆用

迴向普賢三業無邊自在德用故今初等

釋無縛著引證中諸法無二所見無著若無生能見無著二諦平等通上所結諸

法即無二般若即無生三世一合相無著一合相言文在三世義通前三一者

一切法無二二者般若無知三者上二契合

於何無縛著耶謂心等十以自身有心身

口業果及所作佛事有世界佛刹衆生法

智等故不爲何等所縛著耶略如上說別

有十事五對一由離凡故不縛生死以出

小乘不著二乘二離六識取不縛外境離

第七執不著於內三離現行縛無種子著

四不取有縛不執空著五無惑障縛無智

障著皆縛麤著細若約一事由著故縛義

如總中或縛著一義於何已下三約解釋

一生死爲能縛由離凡故不縛言不縛生

死者不爲生所縛耳此即相不縛不縛著

二乘即所見不著二境相不縛能見不著

三現惑不縛所見不著種子即所見故四

有不能縛所見空不能著五惑不能縛見

智不著故雖十事不出相惑及能所見也

著之解脫若望心等亦是無縛著之心即
上體用並爲其性

佛子是菩薩摩訶薩於一切善根心生尊重
所謂於出生死心生尊重於攝取一切善根
心生尊重於希求一切善根心生尊重於悔

諸過業心生尊重於隨喜善根心生尊重於
禮敬諸佛心生尊重於合掌恭敬心生尊重
於頂禮塔廟心生尊重於勸佛說法心生尊
重於如是等種種善根皆生尊重隨順忍可

第二廣釋中分三一明所迴善根二佛子

下能迴向行三菩薩摩訶薩如是迴向時

如三世下明迴向成益今初先總標尊重

以一毫之善皆佛因故無非佛所流故次

所謂下別顯後於如是下總結並可知一

毫下即生公解法華一毫之善發跡顯佛
舉手低頭皆已成佛言無非佛流即涅槃

意乃至外道典籍亦佛法流沉內法
耶大小等教皆從如來大悲所流故

佛子菩薩摩訶薩於彼善根皆生尊重隨順
忍可時究竟欣樂堅固信解自得安住令他
安住勤修無著自在積集成勝志樂住如來
境勢力增長悉得知見

第二迴向行中二先仍前進修擬將迴向

二以諸下正明行願今初亦二先總牒前

後究竟下別顯修相文有十句前五修前

即釋尊重等言謂一欣樂故尊重二信解

故忍可三自隨順四今他順五總顯無著

以該上四後五進修一積集勝進二志樂

普賢無方德用三上入佛境四善根增勢

五知見逾明

以諸善根如是迴向所謂以無著無縛解脫

心成就普賢身業以無著無縛解脫心清淨

普賢語業以無著無縛解脫心圓滿普賢意業以無著無縛解脫心發起普賢廣大精進

第二正明願行中義有十門文分爲二第一廣顯其相二佛子菩薩摩訶薩以彼善根如是迴向所謂心無縛下總結多門前中分二先明衆生及菩提迴向後佛子菩薩摩訶薩以無著無縛解脫心迴向不分別下實際迴向前明廣大後顯甚深廣大迴向有六十一門甚深之內有二十門并前尊重進修復二十門總有百一門顯圓融無盡深廣無礙爲大迴向就廣大六十一門廣顯普賢自在德用大分爲二初之四門總顯餘皆別明今初前三成三業以下諸門不出三業故後一精進通策萬行故於中無著無縛解脫心是能迴之心成

就普賢身業正是所向他皆倣此前諸善根即是所迴故以諸善根之言下流八十門內此一迴向不願成佛願成普賢者以普賢通於位前及以位後得道不捨因行窮盡生界利樂有情故願成普賢兼二迴

向下別顯中一一門內皆攝法界自在德

用或理或行或智或境或自行或化生或

體或用或因或果或人或法皆各總攝一

切法故不可相從

願成普賢者位後普賢是佛卽向菩提等覺位

前卽向衆生

廣大

四

以無著無縛解脫心具足普賢無礙音聲陀羅尼門其聲廣大普徧十方以無著無縛解脫心具足普賢見一切佛陀羅尼門恒見十方一切諸佛以無著無縛解脫心成就解了一切音聲陀羅尼門同一切音說無量法以

無著無縛解脫心成就普賢一切劫住陀羅尼門普於十方修菩薩行

別科略分爲二初二十三門顯普賢自分究竟即位中普賢後三十四門顯普賢勝進究竟即位後普賢二分無礙是普賢德前即因圓果滿後即得道不捨因行故二段中皆含因果今初分三初四成普賢總持德二有十二願成普賢自在力用三有七願願成普賢行然諸門德多約三業今初總持亦具三業初一語業總持二身業見佛三意業解了後一三業用之時處標名約時辨用就處文互顯耳

以無著無縛解脫心成就普賢自在力於一衆生身中示修一切菩薩行盡未來劫常無間斷如一衆生身一切衆生身悉亦如是以

五

無著無縛解脫心成就普賢自在力普入一切衆道場普現一切諸佛前修菩薩行以無著無縛解脫心成就普賢佛自在力於一門中示現經不可說不可說劫無有窮盡令一切衆生皆得悟入以無著無縛解脫心成就普賢佛自在力於種種門中示現經不可說不可說劫無有窮盡令一切衆生皆得悟入其身普現一切佛前以無著無縛解脫心成就普賢自在力念念中令不可說不可說衆生住十力智心無疲倦以無著無縛解脫心成就普賢自在力於一切衆生身中現一切佛自在神通令一切衆生住普賢行以無著無縛解脫心成就普賢自在力於一一衆生語言中作一切衆生語言令一切衆生一一皆住一切智地以無著無縛解脫心成就普

賢自在力於一一衆生身中普容納一切衆生身令皆自謂成就佛身以無著無縛解脫心成就普賢自在力能以一華莊嚴一切十方世界

第二力用中復二初九願一多攝入自在文有三業化時處等可知

以無著無縛解脫心成就普賢自在力出大音聲普徧法界周聞一切諸佛國土攝受調伏一切衆生以無著無縛解脫心成就普賢自在力盡未來際不可說不可說劫於念念中悉能徧入一切世界以佛神力隨念莊嚴以無著無縛解脫心成就普賢自在力盡未來際所住之劫常能徧入一切世界示現成佛出興於世

後三廣大自在可知

五六

六

以無著無縛解脫心成普賢行一光普照盡虛空界一切世界以無著無縛解脫心成普賢行得無量智慧具一切神通說種種法以無著無縛解脫心成普賢行入於如來盡一切劫不可測量神通智慧以無著無縛解脫心成普賢行住盡法界諸如來所以佛神力修習一切諸菩薩行身口意業曾無懈倦

第三成普賢行中分二初四願成神通

以無著無縛解脫心成普賢行不違於義不壞於法言詞清淨樂說無盡教化調伏一切衆生令其當得一切諸佛無上菩提以無著無縛解脫心修普賢行入一法門時放無量光照不思議一切法門如一法門一切法門皆亦如是通達無礙究竟當得一切智地以無著無縛解脫心住菩薩行於法自在到於

普賢莊嚴彼岸於一一境界皆以一切智觀察悟入而一切智亦不窮盡

二有三願願成四辯初一總具四辯次二別顯法義初法後義即顯果滿究竟

以無著無縛解脫心始從此生盡未來際住

聖六

七

普賢行常不休息得一切智悟不可說不可說真實法於法究竟無有迷惑以無著無縛解脫心修普賢業方便自在得法光明於諸菩薩所行之行照了無礙以無著無縛解脫心修普賢行得一切方便智知一切方便所

謂無量方便不思議方便菩薩方便一切智方便一切菩薩調伏方便轉無量法輪方便不可說時方便說種種法方便無邊際無畏藏方便說一切法無餘方便

第二始從此生下明勝進究竟而言因者

乃果中之因於中分三初有九門攝法廣大自在德次有十五門相即相入重重德後有十門明微細容持甚深德初中分六初三願成智前一實智後二方便智初是照行方便後一照方便之方便

以無著無縛解脫心住普賢行成就身業令一切衆生見者歡喜不生誹謗發菩提心永不退轉究竟清淨以無著無縛解脫心修普賢行得了一切衆生語言清淨智一切言詞具足莊嚴普應衆生皆令歡喜

二有二願成利益不空三業

以無著無縛解脫心住普賢行立殊勝志具清淨心得廣大神通廣大智慧普詣一切廣大世間廣大國土廣大衆生所說一切如來不可說廣大法廣大莊嚴圓滿藏

三有一願廣大三業廣大衆生者具大心故

以無著無縛解脫心成滿普賢迴向行願得一切佛清淨身清淨心清淨解攝佛功德住佛境界智印普照示現菩薩清淨之業善入

一切差別句義示諸佛菩薩廣大自在爲一切衆生現成正覺

四一願成清淨三業

以無著無縛解脫心勤修普賢諸根行願得聰利根調順根一切法自在根無盡根勤修一切善根根一切佛境界平等根受一切菩薩不退轉記大精進根了知一切佛法金剛界根一切如來智慧光照金剛猊根分別一切諸根自在根安立無量衆生於一切智根無邊廣大根一切圓滿根清淨無礙根

五一願諸根三業別有十四根皆以勝用增上光顯義故立以根名初聰利等三根約眼等六兼五受根聰利者領覽敏疾故調順者內無剛強故自在者外境不牽故餘約信等五根初一信根信心無盡故亦

兼命根次一進次一念唯念佛平等故次

一定及精進以不退轉是定義故餘七皆

慧別有十四根者按經文數有十四義合

者彼論解根有二義此依薩婆多宗故彼

論云最勝自在光顯名根由此總成根增

上義解云根體勝故爲最勝根用勝故名

爲自在體用雙彰名爲光顯由有最勝自

在光顯名爲增上將增上義以釋根也論

云此增上義誰望於誰釋曰謂二十二根

望誰增上頌曰傳說五於四四根於二種

五八染淨中各別爲增上釋曰傳說五於

四者眼等五根於其四事能爲增上一莊

嚴身二導養身三生識等四不共事釋曰

初盲聾等非莊嚴故二眼見耳聞避險難

故香味觸三是段食性能受用故三識

等等取心所四不共事眼唯見等言四根

種而得增上男女於二得增上者一有情
異端男女類二一能續過去衆同分二
房等別命根二者一能續過去衆同分二
能持現在衆同分意根二者一能續過去衆同分二
二自在隨行謂經云心能導一世間即自後有
義心能徧攝受即隨行義如是一世間即自後有
自在隨行等五八染淨中者五謂樂等五
受八謂信等八根順清淨法隨生長故論次
毒染信等八根順清淨法隨生長故論次
敏異說云了自境增上總立於六根論次

增上根名從身立二根女男性能增上
同住雜染清淨增上故應知命增上
立為根釋曰謂下二句由上二句得增上
義故立以根名謂命根於分住得增上
等五受於根法得增上信等分住得增上
伏諸煩惱引聖道故大前解頌云未知
當知根具知根亦爾於得後道淫樂等
增上根見言亦爾者類顯一各能爲根
未知根是見道已知根是有修增上用見
無學道未知於已知根是有修增上用見
引修故知已於具知增上用引無
學故具知若解脫方證涅槃故已具知
得之脫具知是解脫方證涅槃故已具知
異說未具知是解脫方證涅槃故已具知
於現法樂住得增上已通斷惑後更知
二現法樂住得增上已通斷惑後更知
兼受根中略云身無男女二根義所立
悅名樂根及三定心悅名苦根義所立
心悅名樂根及三定心悅名苦根義所立

悅名憂中捨二無別中非若修學
道依九立三根者釋曰九謂喜捨信
等五根若在見道依此九立未當知根
修三及無學亦依此九立未當知根
是行轉故何而立謂在見道有未當知
知十轉故何而立謂在見道有未當知
道苦諦名忍七智如苦法忍與疑得俱
未知苦諦名忍七智如苦法忍與疑得俱
名為未知當知根如苦忍既爾諸餘七忍
亦然故忍總名未知當知中間七智雖能
正知良由知諦未遍中起故亦名未知
當知故說彼在見道未遍中起故亦名未知
論云若在修道復數知是故斷除餘
隨眠故即於彼道境復數知是故斷除餘
爲已知修釋曰從道境復數知是故斷除餘
定皆名修道若在修道境復數知是故斷除餘
竟無未修道若在修道境復數知是故斷除餘
慢四隨眠故於四諦境復數知是故斷除餘
已知又論云在無學道境復數知是故斷除餘
知此已知此已知此已知此已知此已知
名爲具知此已知此已知此已知此已知
已成性者名爲具知此已知此已知此已知
智無生智故如實自知我徧知苦不復更
知乃至廣說釋曰實自知我徧知苦不復更
根體四諦之上各有盡無生義故云乃至
論彼所未知等行者身中當知根等此名
謂彼等也餘如俱舍根明品說以不退轉
前疏已釋命根之義問明品說以不退轉

者以精進言經文自有定但有義故金剛
以不退當之進謂進趣定謂不動故金剛
界根者義兼定慧金剛三昧即是定故金
剛正智即是慧故界即是性智了心性名
上定故亦即未知當知根現觀位中得不
壞故金剛界根者釋此一根疏文有二一
正釋二傍通今初有一一雙標定慧
二金剛三昧下示定三金剛正智下示慧
四界即是性釋於界言通定慧義智了心
性者智了即慧契性不動是定然此根體
通智通心二俱名根故第六迴向施心中
云願一切衆生得萬字相莊嚴金剛界心
心體性堅即金剛心智符心王同不可壞
心智俱能壞感壞成亦即利義受金剛名
金觀心性義含王所亦即未知者二傍通
也金剛定慧即等妙覺今欲具三無漏根
故以此當未知根未知根正在見道何有
金剛之義故言現觀位中得不壞故現觀
即見道諦現觀也現觀之義十地廣釋
金剛斷者斷通事理及能所故即已知根
已成智故離世間品云如金剛根證知一
切諸法性故即此界根又云金剛光斷根
普照一切佛境界故佛境有二一所觀境

通於事理二分齊境即能觀智亦得稱境
金剛斷下文中有二一正釋金剛發斷金
剛如燈發燄如教故雙了事理言及能所
者照境爲所亦照於能觀智也即已知
根者通照事理如修道中故二離世間下
引證雙證前二根初證界根知法性故二
又云金剛光斷根即證前根雙照之義
先舉經後佛境有二下釋同一所知中已
通事理二分齊境有能觀智故前釋云
通事理及能所故後二具知根三無漏根
具矣然心名根清淨心王於無分別智有
所依增上義故二智名根即於後後道涅
槃得增上故如前論釋大小乘說六八等
殊三得成根義類相相似故得
引於俱舍又證人常了故
二果圓惑淨即具知根也
以無著無縛解脫心修普賢行得一切菩薩
神力所謂無量廣大神力無量自在智神
力不動其身普現一切佛刹神力無礙不斷
自在神力普攝一切佛刹置於一處神力一
身徧滿一切佛刹神力無礙解脫遊戲神力
無所作一念自在神力住無性無依神力一

毛孔中次第安立不可說世界徧遊法界諸佛道場示諸衆生皆令得入大智慧門神力

六一願神力三業文雖缺語義亦兼具

以無著無縛解脫心入普賢門生菩薩行以自在智於一念頃普入無量諸佛國土一身

鹽六

十一

容受無量佛刹獲能嚴淨佛國土智恒以智慧觀見無邊諸佛國土永不發起二乘之心以無著無縛解脫心修普賢方便行入智慧境界生如來家住菩薩道具足不可說不可說無量不思議殊勝心行無量願未曾休息了知三世一切法界以無著無縛解脫心成就普賢清淨法門於一毛端量處悉包容盡虛空徧法界不可說不可說一切國土皆使明見如一毛端量處徧法界虛空界一一毛端量處悉亦如是

第二即入重重德中分六初三入普賢門

一行門二智門三法門

以無著無縛解脫心成就普賢深心方便於一念心中現一衆生不可說不可說劫念心如是乃至現一切衆生爾許劫念心以無著無縛解脫心入普賢迴向行方便地於一身中悉能包納盡法界不可說不可說身而衆生界無所增減如一身乃至周徧法界一切身悉亦如是以無著無縛解脫心成就普賢大願方便捨離一切想倒心倒見倒普入一

鹽六

十一

切諸佛境界常見諸佛虛空界等清淨法身相好莊嚴神力自在常以妙音開示演說無礙無斷令其聞者如說受持於如來身了無所得

二有三願成普賢方便一深心方便以契

理深心故於一心能現多心二迴向方便
一身悉包一切但向一身已向一切故云
方便三大願方便以無得心入佛境故

以無著無縛解脫心修普賢行住菩薩地於
一念中入一切世界所謂入仰世界覆世界

聖六

三

不可說不可說十方網一切處廣大世界以
因多羅網分別方便普分別一切法界以種
種世界入一世界以不可說不可說無量世
界入一世界以一切法界所安立無量世界
入一世界以一切虛空界所安立無量世界

入一世界而亦不壞安立之相悉令明見

三有二願入普賢位初一始入於地故能
入刹無礙

以無著無縛解脫心修習普賢菩薩行願得
佛灌頂於一念中入方便地成滿安住衆行

智寶悉能了知一切諸想所謂衆生想法想
剎想方想佛想世想業想行想界想解想根
想時想持想煩惱想清淨想成熟想見佛想
轉法輪想聞法界了想調伏想無量想出離
想種種地想無量地想菩薩了知想菩薩修
習想菩薩三昧想菩薩三昧起想菩薩成想
菩薩壞想菩薩歿想菩薩生想菩薩解脫想
菩薩自在想菩薩住持想菩薩境界想劫成
壞想明想暗想晝想夜想半月一月一時一
歲變異想去想來想住想坐想睡想覺想如
是等想於一念中悉能了知而離一切想無
所分別斷一切障無所執著一切佛智充滿
其心一切佛法長其善根與諸如來等同一
身一切諸佛之所攝取離垢清淨一切佛法
皆隨修學到於彼岸

後一終成故得灌頂成智於中三初標能所知次所謂下列所知想有五十二其業行界解根等皆十力智所知如初會釋餘亦攝在其內持謂執持善惡地謂斷證分齊菩薩成者解行正命菩薩壞者戒見邪

命餘皆可

知其業行界下疏以十力攝五十二於文有二先知衆生後

知菩薩前中有十七想衆生是總十力皆是化生事故餘即明十力所知初有五想首處非處於佛法等相應爲不相應者名非處故二業力三行即攝定行四界力五解力六根力七時即宿住八持即偏趣行偏持善惡至諸趣故九煩惱下三想即漏盡力十見佛想即天眼智力想取其相皆了知故從法輪想下知菩薩亦不出十

力所知恐繁不配

後如是等想下結能知德謂離

四過失具五功德

謂離四過等者從一切佛智下即具五功德

以無著無縛解脫心爲一切衆生修普賢行生大智寶於一一心中知無量心隨其依止隨其分別隨其種性隨其所作隨其業用隨

其相狀隨其思覺種種不同靡不明見以無著無縛解脫心成就普賢大願智寶於一處中知於無量不可說處如於一處於一切處悉亦如是以無著無縛解脫心修習普賢行業智地於一業中能知無量不可說不可說

業其業各以種種緣造明了知見如於一業於一切業悉亦如是以無著無縛解脫心修習普賢知諸法智於一法中知不可說不可說法於一切法中而知一法如是諸法各各差別無有障礙無違無著

聖六

主

四有四願成普賢智一成行智無機不知以化衆生爲其行故二大願智無處不知願徧化故三窮業智了因緣故四知法智知化法故

以無著無縛解脫心住菩薩行得具普賢無

聖六

十四

礙耳根於一言音中知不可說不可說言音
無量無邊種種差別而無所著如於一言音
於一切言音悉亦如是以無著無縛解脫心
修普賢智起普賢行住普賢地於一一法中
演說不可說不可說法其法廣大種種差別
教化攝受不可思議方便相應於無量時於
一切時隨諸衆生所有欲解隨根隨時以佛
音聲而爲說法以一妙音令不可說道場衆
會無量衆生皆悉歡喜一切如來所無量菩
薩充滿法界立殊勝志生廣大見究竟了知
一切諸行住普賢地隨所說法於念念中悉
能證入一剎那頃增長無量不可說不可說
大智慧聚盡未來劫如是演說於一切剎修
習廣大虛空等行成就圓滿
五有二願願成普賢聽說初耳無不聽次

舌無不演

以無著無縛解脫心修習普賢諸根行門成
大行王於一一根中悉能了知無量諸根無
量心樂不思議境界所生妙行

六有一願成知根德一攝一切於中言大
行王者以徧知根於化行自在故一根知
一切根者有二義一約理融二約事別謂
如一人有多乘根性一一乘中有無量品
如聲聞中有信行法行等此二通有退思
護住等上中下根隨於一品復有信等種
種善根之異如聲聞等此二通有退思護
有六謂退至不動前五信解生總名時解
脫後不時解脫從前見至生釋曰契經說
有六阿羅漢一者退法謂退少緣便退所
得二者思法謂懼退失恒思自害三者護
法謂於所得喜自防護四安住法無勝退
緣雖不自護亦能不退無勝加行亦不增
進五堪達法謂性堪能好修練根速達不
動六不動法不爲煩惱所退動故前五種

母胎等通於二義十門即爲十段第一明

世間法微細瑜伽云色微細性有三一損

減微細性即析至極微二種類微細性謂

如風等色中有色三心自在轉微細性即

色無色界色如經說有天住一毛端量地

處展轉無礙此三即難知微細也餘之難

知類此各有異義文中分三初標得所依

一準無性者即第一論釋阿陀那識甚微

細言論意云深揀世智細揀聲聞故論釋

甚深云諸聲聞對難了知是故不爲聲聞

等開示此識彼不求微細一切智故釋曰

本論雖但云細釋有微細之言辯公亦云

此等並難知故衍法師云所知之事幽微

故能知之智微細亦難知義也

得色甚微細智身甚微細智刹甚微細智劫

甚微細智世甚微細智方甚微細智時甚微

細智數甚微細智業報甚微細智清淨甚微

次得色下列所得法

大方廣佛華嚴經疏鈔會本第三十一之一

音釋

欣樂樂五切疲倦疲倦音疲勞乏也誹謗誹謗尾切

非議也誹謗尾切誹謗誹謗尾切數數數數尾切

廣切誦也誹謗尾切倣倣效也倣倣效也倣倣效也

類類也類類也拈拈同析分也拈拈同析分也拈拈同析分也

盟六

十八

大方廣佛華嚴經疏鈔會本第三十二之三 盟七

唐于闐國三藏沙門實叉難陀 譯

唐清涼山大華嚴寺沙門澄觀撰述

如是等一切甚微細於一念中悉能了知而

心不恐怖心不迷惑不亂不散不濁不劣其

心一緣心善寂定心善分別心善安住

後如是等下結能知之德不怖甚深不迷

理事亂謂錯謬散謂不專濁謂垢染劣無

堪任今皆反此上明離過下顯成德一緣

謂專注一境故不散善寂謂心境兩亡故

不亂即定而知名善分別故不迷即照而

止名善住故不怖此能知之德以在初門

義通下九皆應爾知

此一緣謂專注者釋曰此下成德翻上諸過而小不次一緣成上不散以善寂成上不怖以善分別成上不迷以善住成上不怯

以無著無縛解脫心住菩薩智修普賢行無

有懈怠能知一切衆生趣甚微細衆生死甚

微細衆生生甚微細衆生住甚微細衆生處

甚微細衆生品類甚微細衆生境界甚微細

衆生行甚微細衆生取甚微細衆生攀緣甚

微細如是等一切甚微細於一念中悉能了

知

第二知衆生趣微細智住謂住壽餘並可

知

以無著無縛解脫心立深志樂修普賢行能

知一切菩薩從初發心爲一切衆生修菩薩

行甚微細菩薩住處甚微細菩薩神通甚微

細菩薩遊行無量佛刹甚微細菩薩法光明

甚微細菩薩清淨眼甚微細菩薩成就殊勝

心甚微細菩薩往詣一切如來道場衆會甚

微細菩薩陀羅尼門智甚微細菩薩無量無畏地一切辯才藏演說甚微細菩薩無量三昧相甚微細菩薩見一切佛三昧智甚微細菩薩甚深三昧智甚微細菩薩大莊嚴三昧智甚微細菩薩法界三昧智甚微細菩薩大自在神通三昧智甚微細菩薩盡未來際廣大行住持三昧智甚微細菩薩出生無量差別三昧智甚微細菩薩出生一切諸佛前勤修供養恒不捨離三昧智甚微細菩薩修行一切甚深廣博無障無礙三昧智甚微細菩薩究竟一切智地住持行智地大神通地決定義地離翳三昧智甚微細如是等一切甚微細悉能了知

第二知菩薩行德微細智列所得中有二十句前十別類後十同明三昧

以無著無縛解脫心修普賢行

第四知菩薩位德大用智於中三初標所修

悉知一切菩薩安立智甚微細菩薩地甚微細菩薩無量行甚微細菩薩出生迴向甚微細菩薩得一切佛藏甚微細菩薩觀察智甚微細菩薩神通願力甚微細菩薩演說三昧甚微細菩薩自在方便甚微細菩薩印甚微細菩薩一生補處甚微細

次悉知下列所得有四十一種初十一事

位行成滿

菩薩生兜率天甚微細菩薩住止天宮甚微細菩薩嚴淨佛國甚微細菩薩觀察人中甚微細菩薩放大光明甚微細菩薩種族殊勝甚微細菩薩道場衆會甚微細菩薩徧一切

世界受生甚微細菩薩於一身示現一切身
命終甚微細菩薩入母胎甚微細菩薩住母
胎甚微細菩薩在母胎中自在示現一切法
界道場衆會甚微細菩薩在母胎中示現一
切佛神力甚微細菩薩示現誕生事甚微細

菩薩師子遊行七步智甚微細菩薩示處王
宮巧方便智甚微細菩薩出家修調伏行甚
微細菩薩菩提樹下坐道場甚微細菩薩破
魔軍衆成阿耨多羅三藐三菩提甚微細如
來坐菩提座放大光明照十方界甚微細如
來示現無量神變甚微細如來師子吼大涅槃
甚微細如來調伏一切衆生而無所礙甚
微細如來不思議自在力如金剛菩提心甚
微細如來普護念一切世間境界甚微細如
來普於一切世界施作佛事盡未來劫而無

休息甚微細如來無礙神力周徧法界甚微
細如來於盡虛空界一切世界普現成佛調
伏衆生甚微細如來於一佛身現無量佛身
甚微細如來於去來今三世中皆處道場自
在智甚微細

後生兜率下三十事明位滿大用現八相
等其中有菩薩佛名因果之異皆是用中
之事耳其微細之事離世間品及不思議
法品廣明

如是等一切微細悉能了知成就清淨普能
示現一切世間於念念中增長智慧圓滿不
退善巧方便修菩薩行無有休息成就普賢
迴向之地具足一切如來功德永不厭捨菩
薩所行出生菩薩現前境界無量方便皆悉
清淨普欲安隱一切衆生修菩薩行成就菩

薩大威德地得諸菩薩心之樂欲獲金剛幢
迴向之門出生法界諸功德藏常爲諸佛之
所護念入諸菩薩深妙法門演說一切真實
之義於法善巧無所違失起大誓願不捨衆
生於一念中盡知一切心非心地境界之藏
於非心處示生於心遠離語言安住智慧同
諸菩薩所行之行以自在力示成佛道盡未
來際常無休息一切世間衆生劫數妄想言
說之所建立神通願力悉能示現

三如是下結能知德謂成普賢自在行德

德亦名益此德通從諸智而生亦可別配
恐厭繁文於中云心非心等者以識緣境
名爲心地以智了境名非心地識所了境
通於善惡善唯有漏智所了境唯無漏善
漏無漏境心能舍之心即名藏故晉經云

究竟了知思議不思議地諸功德藏言於
非心處示生於心者即非心量之心量也
由此故能離言語道安住智等故晉經云
於不思議出生思議示諸法門離言語道
上經云菩薩住是不思議於中思議不可

盡入此不可思議處思與非思俱寂滅即
斯義也以心與非心生滅真如非即離故
不爲此釋令人誤解謂使無情有心設令
無情有心既云示生於理無失餘文可知
識所了境者無分別是智有分別是識故
晉經下證成上義思議是心地不思議非
地也此中心地不同心地法門於非心下
於中有二初正釋二揀盡言即非心量之
心量者此有二義若楞伽云非心爲心量
我說爲心量者此拂迹入主謂以非心量
爲違心量若以非心量爲是斯即心量二
者不同上意謂非心量即不思議之心量
者不礙心量故引第八迴向證之住不思
議即非心量思議不可盡即之心量以二
相即奪故有下半俱寂滅也以心與非心
下引義證成不爲此釋下第二揀盡人多

誤解情作非情非情作情故下又縱云設言於非心處示生於心是非情爲情者既言示生非真無情爲有情矣

以無著無縛解脫心修普賢行

第五知衆生界智其第二知衆生趣即十力中自業智境此知生界即是性異十力之中種種界智境故晉經云入衆生性微細也文中亦三初標德所依

得一切衆生界甚微細智所謂衆生界分別甚微細智衆生界言說甚微細智衆生界執著甚微細智衆生界異類甚微細智衆生界同類甚微細智衆生界無量趣甚微細智衆生界不思議種種分別所作甚微細智衆生界無量雜染甚微細智衆生界無量清淨甚微細智

次得一切下列所得智於中十句初總所

謂下別別言衆生界分別等者亦可言衆生分別界等一分別者自性強思起邪見等二言說界者依邪師教名言熏習等三謂戒見等四五可知六欲求趣天有求趣靜慮邪梵行求趣無色無想各謂爲涅槃故七謂諸行界諸求衆生行各異故隨一邪求有裸形等種種殊故八多貪瞋等雜染異故九聞一乘三乘無量乘等皆清淨故又染淨二句通前七句謂有染分別淨分別等又通有四義故甚深微細一顛倒即空故二理有真實故三緣成離念故四相入無羈故

如是等一切衆生界境界甚微細於一念中能以智慧皆如實知廣攝衆生而爲說法開示種種清淨法門令修菩薩廣大智慧化身

無量見者歡喜以智日光照菩薩心令其開悟智慧自在

三如是下結能知德業初結德後廣攝下明作業亦有通別思以配之

以無著無縛解脫心爲一切衆生於一切世界修普賢行得盡虛空界法界一切世界甚微細智

第六知世界智文三初總標

所謂小世界甚微細智大世界甚微細智雜染世界甚微細智清淨世界甚微細智無比世界甚微細智種種世界甚微細智廣世界甚微細智狹世界甚微細智無礙莊嚴世界甚微細智徧一切世界佛出現甚微細智徧一切世界說正法甚微細智徧一切世界普現身甚微細智徧一切世界放大光明甚微

細智盡一切世界示現諸佛自在神通甚微細智盡一切世界以一音聲示一切音甚微細智入一切世界一切佛刹道場衆會甚微細智以一切法界佛刹作一佛刹甚微細智以一佛刹作一切法界佛刹甚微細智知一切世界如夢甚微細智知一切世界如像甚微細智知一切世界如幻甚微細智

次所謂下別顯有二十一智初九直語器界次九明其受用其一多相作亦是菩薩受用後三正知無取著故

如是了知出生一切菩薩之道入普賢行智慧神通具普賢觀修菩薩行常無休息得一切佛自在神變具無礙身住無依智於諸善法無所取著心之所行悉無所得於一切處起遠離想於菩薩行起淨修想於一切智無

取著想以諸三昧而自莊嚴智慧隨順一切法界

三如是下顯能知德於中亦有通別別可思之

以無著無縛解脫心入普賢菩薩行門

第七知法界智此顯即理之事法界故云一切法界即事之理復云不生等亦初標所修

得無量法界甚微細智演說一切法界甚微細智入廣大法界甚微細智分別不思議法界甚微細智分別一切法界甚微細智一念徧一切法界甚微細智普入一切法界甚微細智知一切法界無所得甚微細智觀一切法界無所礙甚微細智知一切法界無有生甚微細智於一切法界現神變甚微細智

次得無量下辨所得初句總餘十別

如是等一切法界甚微細以廣大智皆如實知於法自在示普賢行令諸衆生皆悉滿足不捨於義不著於法出生平等無礙之智知無礙本不住一切法不壞諸法性如實無染猶若虛空隨順世間起於言說開真實義示寂滅性於一切境無依無住無有分別明見法界廣大安立了諸世間及一切法平等無二離一切著

後如是下結能知之德唯就通說於中初

聖七

九

標二利滿足後不捨下釋成滿義普賢行滿不出二種一證道二化道初離二邊顯證道滿不捨於義此離空邊不著於法此離有邊故得平等無礙之智言知無礙本即是所證次不住下雙照二諦明化道滿

可知

以無著無縛解脫心修普賢行生諸劫甚微細智

第八知入劫智初標

所謂以不可說劫爲一念甚微細智以一念爲不可說劫甚微細智以阿僧祇劫入一劫甚微細智以一劫入阿僧祇劫甚微細智以長劫入短劫甚微細智以短劫入長劫甚微細智入有佛劫無佛劫甚微細智知一切劫數甚微細智知一切劫非劫甚微細智一念中見三世一切劫甚微細智

次所謂下列

如是等一切諸劫甚微細以如來智於一念中皆如實知得諸菩薩圓滿行王心入普賢行心離一切分別異道戲論心發大願無懈

息心普見無量世界網無量諸佛充滿心於諸佛善根諸菩薩行能聞持心於安慰一切衆生廣大行聞已不忘心能於一切劫現佛出世心於一一世界盡未來際行不動行無休息心於一切世界中以如來身業充滿菩薩身心

後如是等下結能知德亦是益相先結後益可知

以無著無縛解脫心修普賢行成不退轉得一切法甚微細智

第九知法智初標

所謂甚深法甚微細智廣大法甚微細智種種法甚微細智莊嚴法甚微細智一切法無有量甚微細智一切法入一法甚微細智一切法入一切法甚微細智一切法入非法甚微

細智無法中安立一切法而不相違甚微細智入一切佛法方便無有餘甚微細智

次所謂下列文有十句義有四重一法體具德二一切入一等明法用即入三八非法等明理事相即亦有無相即以非法有三義一非善法故二非即是無如兔角等三非即是理今是後二次云無法亦即非法晉本名非今譯以非通二義故互明之依第二義則法本自無因緣生諸故云安立若依第三則從無住本立一切法故不

相違四入方便無餘是體用善巧今譯等者一非法是不善二是不法今言無法則非不善但有無義無義自有二意依第二義者是上非即無物則法本自無因緣生諸者全是仁王下卷經然有二義一本來自空從緣生故則同第三義若準唯識等從無至有曰生自有還無稱滅則法本從無因緣生諸今依第二義異第三亦復彼經須臾巨海俱為灰燼二儀尚須國有何常生必

滅義若依第三者無住即實相異名

如是等一切世界一切言說所安立法諸微細智與彼同等其智無礙皆如實知得入無邊法界心於一一法界深心堅住成無礙行以一切智充滿諸根入諸佛智正念方便成就諸佛廣大功德徧滿法界普入一切諸如來身現諸菩薩所有身業隨順一切世界言詞演說於法得一切佛神力所加智慧意業出生無量善巧方便分別諸法薩婆若智後如是下結德可知

以無著無縛解脫心修普賢行出生一切甚微細智

第十得總知一切盡無餘微細智故晉經十句皆有無餘之言文中分四初總標所謂知一切剎甚微細智知一切衆生甚微

細智知一切法果報甚微細智知一切衆生
心甚微細智知一切說法時甚微細智知一
切法界甚微細智知一切盡虛空界三世甚
微細智知一切語言道甚微細智知一切世
間行甚微細智知一切出世行甚微細智

二所謂下別列即牒前十門名或小變次

或不等會意皆同

名或小異者今當會之
一剎即第六世界二衆

生即第二衆生趣三一切法界報即第九
法四衆生心即第五衆生界五一切說法
時即第八劫六法界即第七法界七盡
虛空界一切三世亦屬第八劫八語言
道即第四菩薩位德位但假名故九世間
行即第一世間法十出世間行即第三菩

薩行德甚微細十句結於九門故一
重明而劫即長時三世即短時耳

乃至知一切如來道一切菩薩道一切衆生
道甚微細智修菩薩行住普賢道若文若義
皆如實知

三乃至下結所不說

生如影智生如夢智生如幻智生如響智生
如化智生如空智生寂滅智生一切法界智
生無所依智生一切佛法智

四生如影下顯知之德亦有通別通從前
生別則次第對前十句一外剎是心之影
像故今能知剎則知影像二衆生想現故
云如夢三者果報緣生故如幻四心性寂
然緣感成異故云如響五說時如化六即
空界七言語本寂八即法界九世間無依
十出世間行即是佛法

佛子菩薩摩訶薩以無著無縛解脫心迴向
不分別若世間若世間法不分別若菩提若
菩提薩埵不分別若菩薩行若出離道不分
別若佛若一切佛法不分別若調伏衆生若
不調伏衆生不分別若善根若迴向不分別

若自若他不分別若施物若受施者不分別
若菩薩行若等正覺不分別若法若智

第二迴向實際文有十對初假實對二即
人法求菩提故名菩提薩埵三即體用亦
名能所梁攝論云於分別依他起性不見
所行行及能行道即此義也三謂證智能行
則出離故第九因果等正覺者約人契法
異前菩提三中雖有菩薩行意取所行此
約爲因故不重也十法即教法教智相對
餘並可知

佛子菩薩摩訶薩以彼善根如是迴向所謂
心無著無縛解脫身無著無縛解脫口無著
無縛解脫業無著無縛解脫報無著無縛解
脫世間無著無縛解脫佛刹無著無縛解脫
衆生無著無縛解脫法無著無縛解脫智無

著無縛解脫

第二佛子下總結多門由心無縛令身等
皆無縛著也

菩薩摩訶薩如是迴向時如三世諸佛爲菩
薩時所修迴向而行迴向學過去諸佛迴向
成未來諸佛迴向住現在諸佛迴向安住過
去諸佛迴向道不捨未來諸佛迴向道隨順
現在諸佛迴向道勤修過去諸佛教成就未
來諸佛教了知現在諸佛教滿足過去諸佛
平等成就未來諸佛平等安住現在諸佛平
等行過去諸佛境界住未來諸佛境界等現
在諸佛境界得三世一切諸佛善根具三世
一切諸佛種性住三世一切諸佛所行順三
世一切諸佛境界

第三菩薩下行成利益初牒後顯顯有十

句初總餘別別中一迴向者正起修行二道者常遊法徑三迴向教四平等智五所緣境六功行絕修是佛善根七了見本源成如來性八無礙悲智是佛所行如出現品九無盡體用是分齊境

是七

十四

佛子是爲菩薩摩訶薩第九無著無縛解脫心迴向

第三結名從初廣說故有心言

菩薩摩訶薩住此迴向時一切金剛輪圍山所不能壞於一切衆生中色相第一無能及者悉能摧破諸魔邪業普現十方一切世界修菩薩行爲欲開悟一切衆生以善方便說諸佛法得大智慧於諸佛法心無迷惑在在生處若行若住常得值遇不壞眷屬三世諸佛所說正法以清淨念悉能受持盡未來劫

修菩薩行常不休息無所依著普賢行願增長具足得一切智施作佛事成就菩薩自在神通

第二位果成三種果一現成果於中先自利後爲欲下利他二在在下成當得果初自利後盡未來下兼於自他三普賢下明終成果因果無礙

爾時金剛幢菩薩承佛神力普觀十方而說頌言

普於十方無等尊未曾一起輕慢心隨其所修功德業亦復恭敬生尊重

是七

十五

所修一切諸功德不爲自己及他人恒以最上信解心利益衆生故迴向未嘗暫起高慢心亦復不生下劣意如來所有身等業彼悉請問勤修習

第二應頌五十一偈分二先頌位行後二位果前中三初三頌所迴善根二所修下四十四頌頌迴向行三過去下二頌頌行成利益今初云不爲自己等者照理大智無私自他同體大悲利益迴向

所修種種諸善根悉爲利益諸含識安住深心廣大解迴向人尊功德位

二頌迴向中但頌廣大略不頌甚深以徧在廣大中故文二初一偈頌普賢自分究竟

世間所有無量別種種善巧奇特事麤細廣大及甚深靡不修行皆了達
世間所有種種身以身平等入其中於此修行得了悟慧門成就無退轉
世間國土無量種微細廣大仰覆別菩薩能

以智慧門一毛孔中無不見

餘頌勝進究竟於中前長行有三一攝法廣大德二即入重重德三微細容持德今通頌之但顯微細於中分十第一有三偈頌世間微細智

衆生心行無有量能令平等入一心以智慧門悉開悟於所修行不退轉

二一偈頌衆生趣趣由行別故

衆生諸根及欲樂上中下品各不同一切甚深難可知隨其本性悉能了

衆生所有種種業上中下品各差別菩薩深入如來力以智慧門普明見

三有二偈超頌第五衆生界界即根性故不可思議無量劫能令平等入一念如是見已徧十方所行一切清淨業

過去未來及現在亦知其相各不同而亦不違平等理是則大心明達行

世間衆生行不同或顯或隱無量種菩薩悉知差別相亦知其相皆無相

四有三偈頌第三菩薩行德菩薩亦受衆

四七

十六

生之稱神通等行名顯三昧等行名隱餘義細詳

十方世界一切佛所現自在神通力廣大難可得思議菩薩悉能分別知

五十方下二十七偈頌第四位德大用於

中三初一總

一切世界兜率中自然覺悟人師子功德廣大淨無等如其體相悉能見

或現降神處母胎無量自在大神變成佛說法示滅度普徧世間無暫已

四七

十七

人中師子初生時一切勝智悉承奉諸天帝釋梵王等靡不恭敬而瞻侍

十方一切無有餘無量無邊法界中無始無末無遐邇示現如來自在力

人中尊尊現生已遊行諸方各七步欲以妙

法悟羣生是故如來普觀察

見諸衆生沉欲海盲闇愚癡之所覆人中自在現微笑念當救彼三有苦

大師子吼出妙音我爲世間第一尊應然明淨智慧燈滅彼生死愚癡闇

人師子王出世時普放無量大光明令諸惡道皆休息永滅世間衆苦難

或時示現處王宮或現捨家修學道爲欲饒益衆生故示其如是自在力

如來始坐道場時一切大地皆動搖十方世

界悉蒙光六趣衆生成離苦

震動一切魔宮殿開悟十方衆生心昔曾受

化及修行皆使了知真實義

十方所有諸國土悉入毛孔無有餘一切毛

孔刹無邊於彼普現神通力

一切諸佛所開演無量方便皆隨悟設諸如

來所不說亦能解了勤修習

徧滿三千大千界一切魔軍與闕諍所作無

量種種惡無礙智門能悉滅

如來或在諸佛刹或復現處諸天宮或在梵

宮而現身菩薩悉見無障礙

佛現無量種種身轉於清淨妙法輪乃至三

世一切劫求其邊際不可得

寶座高廣最無等徧滿十方無量界種種妙

相而莊嚴佛處其上難思議

諸佛子衆共圍繞盡於法界悉周徧開示苦

提無量行一切最勝所由道

諸佛隨宜所作業無量無邊等法界智者能

以一方便一切了知無不盡

諸佛自在神通力示現一切種種身或現諸

趣無量生或現娑女衆圍繞

或於無量諸世界示現出家成佛道乃至最

後般涅槃分布其身起塔廟

如是種種無邊行導師演說佛所住世尊所

有大功德誓願修行悉令盡

聖七

十八

以彼善根迴向時住於如是方便法如是修

習菩提行其心畢竟無厭怠

次二十三別頌因果八相等

如來所有大神通及以無邊勝功德乃至世

間諸智行一切悉知無不盡

如是一切人中主隨其所有諸境界於一念中皆了悟而亦不捨菩提行諸佛所有微細行及一切剎種種法於彼悉能隨順知究竟迴向到彼岸

後三頌能知之德

有數無數一切劫菩薩了知即一念於此善

入菩提行常勤修習不退轉

六有數下一偈頌第八知劫智

十方所有無量剎或有雜染或清淨及彼一切諸如來菩薩悉能分別知

七一偈頌第六世界智

於念念中悉明見不可思議無量劫如是三世無有餘具足修治菩薩行於一切心平等入一切法亦平等盡空佛剎斯亦然彼最勝行悉了知

八二偈頌第七法界智

出生衆生及諸法所有種種諸智慧菩薩神力亦復然如是一切無窮盡

九一偈頌第九知法智以法與法界性相互舉前分二門義必相通偈居一處

諸微細智各差別菩薩盡攝無有餘同相異相悉善知如是修行廣大行

十方無量諸佛剎其中衆生各無量趣生族類種種殊住行力已悉能知

十有二偈頌一切法智

過去未來現在世所有一切諸導師若人知此而迴向則與彼佛行平等

若人能修此迴向則爲學佛所行道當得一切佛功德及以一切佛智慧

一切世間莫能壞一切所學皆成就常能憶

念一切佛常見一切世間燈

菩薩勝行不可量諸功德法亦如是已住如

來無上行悉知諸佛自在力

成益位果二段可知

大方廣佛華嚴經疏鈔會本第三十二之三

音釋

翳於計切狹侯夾切薩婆梵語也此云一

翳堅溪切音薩埵梵語也此云成衆生也

音摧昨回切劣力輟切盲闇無童子也闇

烏紺切闕諍闕都豆切競也厭怠厭於豔切足也

急徒耐颺餘亮切風殞羽敏切

切情也颺飛物也殞墜也

大方廣佛華嚴經疏鈔會本第三十二之一 盟八

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子云何爲菩薩摩訶薩等法界無量迴向
第十等法界無量迴向於長行中先位行

星八

後位果前中亦三初牒名徵起次依徵廣
釋後依釋結名今初謂稱法界起大用故
然等者入義故本分中名入法界法界無
量即是所入何法能入略有其四一所迴
行法謂法施之行稱法界施故二所行行
體廣大無邊故三能迴之智四所向之德
謂以稱法界之大智迴等法界之善根向
同法界之大用成法界之行體此則位滿
至極故標法界之名當法受稱等何法界
此通四義一等理法界故經云如法界一

性如法界自性清淨善根迴向亦復如是
其文非一二等事法界經云欲見等法界
無量諸佛調伏等法界無量衆生或願起
等法界無量行或願成等法界無量德或
願得等法界無量果皆即理之事也三等
理事無礙法界經云願一切衆生作修行
無相道法師以諸妙相而自莊嚴則相無
相無礙皆其類也四等事事無礙法界故
經云一佛刹中現一切佛刹等然其四事
全等四種法界融而無二故此能等即是
所等非有二物而可依之故上稱入無
所入本業但云法界無等入言即斯意也
彼釋云覺一切法第一義諦中道無相一
切法皆一相照故第一中道即是所入皆
一相照即是能入此二無二即是法界故

不可但以事法界爲名

故不可下結彈古

能等迴向行法界無量是所等事謂盡十方虛空所攝事法界無可限量今迴法施等善根令成無漏體德及用顯彼數量等彼數量等彼事法界故故令彈之所等有

二安局言無量者亦有二義一無分量即

事耶理法界二無數量即事法界前迴句明依

體起用此明體用無礙圓極自在即以法

施及諸相應普賢自在大善巧德爲其位

體

佛子此菩薩摩訶薩以離垢繒而繫其頂住

法師位

第二佛子已下依徵廣釋文分爲三初明

所迴善根二以此善根下攝將迴向三佛

子菩薩摩訶薩如是迴向時安住下迴向

成德初中二先明行依身位第二廣行下

依位起行今初如第十地得離垢三昧受

智職位內得此定灌心首故外示表彰白

繒繫頂法從喻稱名離垢繒但有此相知

得彼定表位成滿方能雲雨說法以益群

生名法師位然斯位滿總有五重一約信

滿如賢首品說便得灌頂而升位等二約

解滿如灌頂住及海幢處說三約行滿如

第十行入因陀羅網法界等四善巧願滿

如此位辨五約證滿如十地說此五重內

隨一成處必具理行內相應故皆名位滿

然信解等殊故不相濫若約圓融但一位

滿即因究竟更不待餘又若得一即得餘

位總一法界受職之位隨門差別五位不

同法體融通全攝無礙不同餘教

廣行法施起大慈悲安立衆生於菩提心常

行饒益無有休息以菩提心長養善根爲諸

衆生作調御師示諸衆生一切智道爲諸衆生作法藏日善根光明普照一切於諸衆生其心平等修諸善行無有休息心淨無染智慧自在不捨一切善根道業作諸衆生大智商主普令得入安隱正道爲諸衆生而作導首令修一切善根法行爲諸衆生作不可壞堅固善友令其善根增長成就

二依位起行中二先明起行後佛子下顯其行成又前即利他後明自利又前明自分後顯勝進今初十一句初總餘別別謂慈等皆是法施夫法施者生解之妙方起行之根本入聖道之階漸越苦海之津梁古德云此經中託人以弘道多歎法師之勝德寄行以表法每引普賢爲末篇故知法施之功過財施之難喻

夫法施者亦古德意然各二句

今各舉一彼云一則發之以智慧爲生解之妙方二則化之以多人作津濟之弘獨三則爲起行之根本實倚仗之良途四則爲入聖之階漸標引道之要津疏畧以摘其語用故不指古於中十句一慈悲安物於菩提心二益物無息上二即廣大心三大心長善揀非餘爲四究竟調御御以佛道上二即第一心五法日普照六等勸修善普經云欲使衆生修諸善根上二即常心常愛衆生同於已故名爲平等七心淨無礙即不顛倒心顛倒有二一心染能所之化今不生於化其化大焉名智自在二見無能所便趣寂滅今不捨善業無滯事理八示果寶渚故云商主安隱正道俱通因果果即涅槃菩提因即八正萬行九導以萬行之因上二即作義利亦第一心也十增長不壞爲護念也初令發心終令成

就有始有卒其唯聖人然廣等四心般若

雖當發心住中位位皆用今不生於化者

云若化衆生無生於化不生無化其化大

焉上兩句遮過下兩句成德今但要成德

耳八示果實者即法華化城喻品云譬

如五百由旬險難惡道曠絕無人怖畏之

處若有多衆欲過此道至珍寶處有一導

師聰慧明達善知險道通塞之相將導衆

人欲過此難釋曰五百由旬衆釋云云今

依生公三界途阻二乘路此五百是菩

薩惡道甚難過也衆人即發菩提心欲求

佛智以爲寶者如來以況導師故下經云

我亦復如是爲一切導師既知是息已引

入於佛慧佛慧即寶亦喻涅槃於理無失

以會相門菩提涅槃無二體故故疏雙合

果道即菩提涅槃有始有卒者即論語第

十以世人靡不有初鮮克有終唯聖人能

有始終耳亦由乾卦知進退存亡而不失

其正者其唯聖人乎然廣等四心

下解妨可知四心已見第八迴向

佛子此菩薩摩訶薩以法施爲首發生一切

清淨白法攝受趣向一切智心殊勝願力究

竟堅固成就增益具大威德依善知識心無

諂誑思惟觀察一切智門無邊境界

第二行成中二初牒前晉經云菩薩行法

施等一切善法後攝受下正顯成相文顯

可知

以此善根如是迴向願得修習成就增長廣

大無礙一切境界

第二攝將迴向文小異前諸段通下總有

二十一門若通將上十句法施善根共成

諸段理無間然今且分三初九門別對十

二句善根以明迴向即自分迴向次四門

通顯迴向之意三有八門更以異門別明

迴向即勝進迴向今初即爲九段第一願

聞法見佛修二利行對前二句於中二初

一願總明餘皆別顯今初初句牒前起後

願得已下正顯願辭一切境者文局初段

義總該於二十一段迴向皆一切境此一

切境廣大如法界理事事皆無障礙如此之境皆得增長成就

願得於佛正教之中乃至聽聞一句一偈受持演說

後別顯中二初願聞法受持即成上文廣

行法施之義

願得憶念與法界等無量無邊一切世界去來現在一切諸佛既憶念已修菩薩行

二願念佛修行成上饒益無休於中亦二初正明念佛之行

又願以此念佛善根爲一衆生於一世界盡未來劫修菩薩行如於一世界盡法界虛空界一切世界皆亦如是如爲一衆生爲一切衆生亦復如是以善方便一一皆爲盡未來劫大誓莊嚴終無離佛善知識想常見諸佛

現在其前無有一佛出興於世不得親近

次又願下迴念佛善成二利行於中亦二先總爲一切徧於時處修菩薩行

一切諸佛及諸菩薩所讚所說清淨梵行誓願修行悉令圓滿

後一切諸佛下別明修行梵行爲萬行之本故偏明之於中三初總舉所願二所謂下列所修之行三佛子下通難釋成

所謂不破梵行不缺梵行不雜梵行無玷梵行無失梵行無能蔽梵行佛所讚梵行無所

顯六

依梵行無所得梵行增益菩薩清淨梵行三

世諸佛所行梵行無礙梵行無著梵行無諍梵行無滅梵行安住梵行無比梵行無動梵行無亂梵行無患梵行

二中有二十梵行與智論所列十戒多同

所謂不缺不破不穿不雜隨道無著智所讚自在隨定具足

二中文有二十梵行下疏文有四初列十戒

通用性戒而為根本

二通用下出體今開為二十

一不破在初者謂持四重十重若犯此者猶破器無用故二不缺者謂持僧殘殘如

盟八

七

器缺猶可修補三持方便若念破戒事染

心共語聞環釧聲皆名為雜四持波逸提

如白珪之玷雖則可磨亦不為也五定心

相應乃至吉羅亦不誤失六緣不能壞上

三皆不穿戒穿如漏器不堪受道前六皆

律儀七即智所讚謂事理無違契聖心故

八不依名利果報九不得能持所持由有

此二雖秉御自他於世間中得自在也次

三皆隨道戒十揀小道十一顯是佛行十

二兼能通達非道故云無礙皆隨中道也

十三無著即見真成聖次四即具足戒謂

觀中道具事理故一事理無違二順理而

行則常不滅三心能詣理四對餘超勝無

動已下皆隨定戒謂隨首楞嚴定不起滅

定現諸威儀雖示十法界像無戒不行而

寂然不動順境不能亂違境而無恚

三今開下

釋文並智論文開為二十若並經文東為十戒皆用智論釋十戒文以會今經八九

即自在戒十三即無著戒餘文可知又安住無比即住大慈

悲無動無亂即捨心常現無恚即喜是四

等心亦名梵行

四又安住下收為四等

佛子菩薩摩訶薩若能為已修行如是清淨

梵行則能普為一切眾生令一切眾生皆得

安住令一切眾生皆得開曉令一切眾生皆

得成就令一切眾生皆得清淨令一切眾生

皆得無垢令一切眾生皆得照明令一切眾

生離諸塵染令一切衆生無諸障翳令一切衆生離諸熱惱令一切衆生離諸纏縛令一切衆生永離諸惡令一切衆生無諸惱害畢竟清淨

第三通難釋成者有伏難云菩薩期心先

照八

人後已今先自行豈不相違故下釋云但

八

自修行便能益物此亦成上安立衆生於菩提心及以菩提心長養善根文中分二初正明二重徵釋今初先總明後令一切下別顯有十二句總顯持犯前六明有持德安住者通住諸戒二開曉者明閑持犯三善行四惡止五心無垢六智能照後六明無犯過一不起心過故無塵染二不犯身口故無業報障照明開曉不翳於理三由不犯則二世清涼四離無慙及悔纏所

縛五離惡因惡果六不自惱惱他成波羅蜜

何以故菩薩摩訶薩自於梵行不能清淨不能令他而得清淨自於梵行而有退轉不能令他無有退轉自於梵行而有失壞不能令他無有失壞自於梵行而有遠離不能令他常不遠離自於梵行而有懈怠不能令他生懈怠自於梵行不立信解不能令他心生信解自於梵行而不安住不能令他而得安住自於梵行而不證入不能令他心得證入自於梵行而有放捨不能令他恒不放捨自於梵行而有散動不能令他心不散動

照八

九

二徵釋中二初正徵反釋後重徵順釋今

初徵意云自他行異如何自行便是爲他釋意云自身不正其令不從故上自行便

爲爲物淨名云若自有縛能解彼縛無有是處攝論云若自住邪行設欲正他非是人終不能制止他過失文有十句例上可口攝論云等即果論第七引契經說若無自性攝論當第五句小異云如契經言若自住邪行便受他譏謗是人終不能制止他過失又云若諍訟分諍他所犯以非利並非方便故言不威肅他轉違背起諸邪行如有須云慈憐如一子誨舉他所犯決定令受持後不復當犯

何以故菩薩摩訶薩住無倒行說無倒法所言誠實如說修行淨身口意離諸雜染住無礙行滅一切障菩薩摩訶薩自得淨心爲他演說清淨心法自修和忍以諸善根調伏其心令他和忍以諸善根調伏其心自離疑悔亦令他人永離疑悔自得淨信亦令他得不壞淨信自住正法亦令衆生安住正法
二重徵意云石雖不利而能利刀自雖不

行何妨化物今云不能益者其故何耶釋意云若自犯教他便成顛倒菩薩無倒必言行相符故要如說而行方能如行而說文中先總明後菩薩下別顯初門竟
佛子菩薩摩訶薩復以法施所生善根如是迴向

第二復次願得法廣演以益自他亦成上文爲調御師示一切智道文分爲三初牒前起後次所謂下正明三是爲下總結所謂願我獲得一切諸佛無盡法門普爲衆生分別解說皆令歡喜心得滿足摧滅一切外道異論

二中二願初一願總明得法文有四節一得法二解說三益機四摧滅下成自德願我能爲一切衆生演說三世諸佛法海

二一願別明演法釋前四段故晉經異論

之下無願我之言文分爲五初總明

於一一法生起一一法義理一一法名言一
一法安立一一法解說一一法顯示一一法
門戶一一法悟入一一法觀察一一法分位

悉得無邊無盡法藏

二於一一下明得法

獲無所畏具四辯才廣爲衆生分別解說窮
未來際而無有盡

三獲無所畏下能演

爲欲令一切衆生立勝志願出生無礙無謬
失辯爲欲令一切衆生皆生歡喜爲欲令一
切衆生成就一切淨法光明隨其類音演說
無斷爲欲令一切衆生深信歡喜住一切智
辯了諸法俾無迷惑

四

四爲欲令下明所爲機並可知

十二

作是念言我當普於一切世界爲諸衆生精
勤修習得徧法界無量自在身得徧法界無
量廣大心具等法界無量清淨音聲現等法
界無量衆會道場修等法界無量菩薩業得
等法界無量菩薩住證等法界無量菩薩平
等學等法界無量菩薩法住等法界無量菩
薩行入等法界無量菩薩迴向

五作是念言下自修成德即爲物勤修自
成已德成十種德初二云徧徧於事理餘
八云等兼等無礙影略其文其中云住者
即聖天梵等

是爲菩薩摩訶薩以諸善根而爲迴向爲令
衆生悉得成就一切智故

第三總結中上成自德亦爲攝生故復重

云爲令衆生成一切智

佛子菩薩摩訶薩復以善根如是迴向所謂爲欲見等法界無量諸佛調伏等法界無量衆生住持等法界無量佛刹證等法界無量菩薩智獲等法界無量無所畏成等法界無量諸菩薩陀羅尼得等法界無量諸菩薩不思議住具等法界無量功德滿等法界無量利益衆生善根

第三復次願得二利行圓成上作法藏日獲智見佛等皆普照故文中二先通二利又願以此善根故令我得福德平等智慧平等力平等無畏平等清淨平等自在平等正覺平等說法平等義平等決定平等一切神通平等如是等法皆悉圓滿如我所得願一切衆生亦如是得如我無異

後又願下別明二利即成上文於諸衆生其心平等初以自等於理後如我所得下令物等自

佛子菩薩摩訶薩復以善根如是迴向所謂如法界無量善根迴向亦復如是所得智慧終無有量如法界無邊善根迴向亦復如是見一切佛無有其邊如法界無限善根迴向亦復如是詣諸佛刹無有齊限如法界無際善根迴向亦復如是於一切世界修菩薩行無有涯際如法界無斷善根迴向亦復如是住一切智永不斷絕如法界一性善根迴向亦復如是與一切衆生同一智性如法界自性清淨善根迴向亦復如是令一切衆生究竟清淨如法界隨順善根迴向亦復如是令一切衆生悉皆隨順普賢行願如法界莊嚴

善根迴向亦復如是令一切衆生以普賢行而爲莊嚴如法界不可失壞善根迴向亦復如是令諸菩薩永不失壞諸清淨行

第四復次願行稱法界成上心淨無染及智慧自在以動合法界故無所染是以未

思八

十三

云永不失壞諸清淨行此章多同理法界也如智因理發故同法界餘皆準之即向實際意也

佛子菩薩摩訶薩復以此善根如是迴向所謂願以此善根承事一切諸佛菩薩皆令歡喜願以此善根速得趣入一切智性願以此善根徧一切處修一切智願以此善根令一切衆生常得往觀一切諸佛願以此善根令一切衆生常見諸佛能作佛事願以此善根令一切衆生恒得見佛不於佛事生怠慢心

願以此善根令一切衆生常得見佛心善清淨無有退轉願以此善根令一切衆生常得見佛心善解了願以此善根令一切衆生常得見佛不生執著願以此善根令一切衆生常得見佛了達無礙願以此善根令一切衆生常得見佛成普賢行願以此善根令一切衆生常見諸佛現在其前無時暫捨願以此善根令一切衆生常見諸佛出生菩薩無量諸力願以此善根令一切衆生常見諸佛於切法永不忘失

第五復次有十四願願得見佛解法成上大智商主初三自成智性是商主德餘爲衆生是商主事

佛子菩薩摩訶薩又以諸善根如是迴向所謂如法界無起性迴向如法界根本性迴向

如法界自體性迴向如法界無依性迴向如法界無忘失性迴向如法界空無性迴向如法界寂靜性迴向如法界無處所性迴向如法界無遷動性迴向如法界無差別性迴向第六復次願解法界即理法界豈以此文

而名隨相然此中云如晉經云解解契於理故名爲如即是成前安隱正道文有十句一不隨緣變二不守自性故爲法本三如亦復如是其自體故晉經中名爲如如四非是能依五不暫離如六隨緣無性即是如性七無性亦無本來寂靜八無二性離能所故九不隨三世十一味平等

佛子菩薩摩訶薩復以法施所有宣示所有開悟及因此起一切善根如是迴向所謂願一切衆生成菩薩法師常爲諸佛之所護念

願一切衆生作無上法師方便安立一切衆生於一切智願一切衆生作無屈法師一切問難莫能窮盡願一切衆生作無礙法師得一切法無礙光明願一切衆生作智藏法師能善巧說一切佛法願一切衆生成諸如來自任法師善能分別如來智慧願一切衆生作如眼法師說如實法不由他教願一切衆生作憶持一切佛法法師如理演說不違句義願一切衆生作修行無相道法師以諸妙相而自莊嚴放無量光善入諸法願一切衆生作大身法師其身普徧一切國土興大法雲雨諸佛法願一切衆生作護法藏法師建無勝幢護諸佛法令正法海無所缺減願一切衆生作一切法日法師得佛辯才巧說諸法願一切衆生作妙音方便法師善說無邊

故二十唯有說法能安世間

大方廣佛華嚴經疏鈔會本第三十二之一

音釋

繒疾陵切 玷都念切 恚於避切 謬靡効切 俾卑
并弭切 齊齊在詣切 限量也 覲渠遼切 躅切
使也 跡也

八

十六

法界之藏願一切衆生作到法彼岸法師以
智神通開正法藏願一切衆生作安住正法
法師演說如來究竟智慧願一切衆生作了
達諸法法師能說無量無盡功德願一切衆
生作不誑世間法師能以方便令入實際願
一切衆生作破諸魔衆法師善能覺知一切
魔業願一切衆生作諸佛所攝受法師離我
我所攝受之心願一切衆生作安隱一切世
間法師成就菩薩說法願力

第七復次願衆生成法師即成上而作導
首導首即是法師上爲他作今令他作仁
王經說十三法師如來滅後流化不絕亦
名法師如法華菩薩藏經各有其品今此
多就極勝而說於中有二十法師七云如
眼者現證非聞見故九無相之相是妙相

大方廣佛華嚴經疏鈔會本第三十二之二 盟九

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩復以諸善根如是迴向所謂不以取著業故迴向不以取著報故迴向不以取著心故迴向不以取著法故迴向不以取著事故迴向不以取著因故迴向不以取著語言音聲故迴向不以取著名句文身故迴向不以取著迴向故迴向不以取著利益衆生故迴向

第八復次不取著迴向即向實際此及第九成上作不可壞堅固善友此之一段明堅固緣文顯可知

佛子菩薩摩訶薩復以善根如是迴向所謂不爲耽著色境界故迴向不爲耽著聲香味

觸法境界故迴向不爲求生天故迴向不爲求欲樂故迴向不爲著欲境界故迴向不爲求眷屬故迴向不爲求自在故迴向不爲求生死樂故迴向不爲著生死故迴向不爲樂諸有故迴向不爲求和合樂故迴向不爲求可樂著處故迴向不爲懷毒害心故迴向不壞善根故迴向不依三界故迴向不著諸禪解脫三昧故迴向不住聲聞辟支佛乘故迴向

第九離過成德迴向先十七句離過即離可壞緣後但爲下成德明其所爲爲不可壞堅固善友今初前五事護煩惱行於中初二不耽現境次一不求當報餘通二世後一護小乘行其第十六若解脫三昧唯小乘因諸禪三昧通生死因未得不求

已得不著誰復求死所謂求生生必死故

求和合者除涅槃樂皆有合故沙彌求龍

是懷毒迴向願為魔王即壞善迴向

沙彌求龍者智論云昔有羅漢居近龍池每至食時皆請羅漢入池供養羅漢神通安坐繩牀忽然而去有一沙彌於一日中臨至食時密在牀下繫繩牀羅漢不知如常運通

至龍池中從牀下出龍王怪問此未離欲

何以將來以天甘露以供養羅漢以人間

味而饒沙彌沙彌潑鉢駭其香味恨師念

龍兼貪龍女與心欲奪龍得他心知沙彌

意復兼頭痛求其謝過沙彌心志毒願不

息加切精誠後足下水出尋至池邊以衣

覆頭便化為龍遂入池內咬殺其龍奪其

官殿妻子眷屬報龍已畢即與風雲震雷

降雹拔倒寺宇淨無所有國王知其復為

立寺復被毀滅國王大怒遂要其龍若更

為害當填此池龍遂謝過謂其師曰自今

已後不敢為惡然是龍身性多瞋毒恐後

還發若見池上有黑雲生即是弟子起於

惡心當令鳴鐘念摩訶般若經若惡心則息後

如其言每有雲起即念般若經若鳴鐘擊磬雲

則散滅釋曰此沙彌為龍具有二意一為

貪色味二為瞋

志而皆是毒

一切智智故迴向但為得無礙智故迴向但

為得無障礙清淨善根故迴向但為令一切

衆生超出生死證大智慧故迴向但為令大

菩提心如金剛不可壞故迴向但為成就究

竟不死法故迴向但為以無量莊嚴莊嚴佛

種性示現一切智自在故迴向但為求菩薩

一切法明大神通智故迴向但為於盡法界

虛空界一切佛刹行普賢行圓滿不退被堅

固大願鎧令一切衆生住普賢地故迴向但

為盡未來劫度脫衆生常無休息示現一切

智地無礙光明恒不斷故迴向

後顯成德亦是所求在文易了

佛子菩薩摩訶薩以彼善根迴向時以如是

心迴向所謂以本性平等心迴向以法性平

等心迴向以一切衆生無量平等心迴向以

無諍平等心迴向以自性無所起平等心迴向以知諸法無亂心迴向以入三世平等心迴向以出生三世諸佛種性心迴向以得不退失神通心迴向以生成一切智行心迴向大文第二四門總顯迴向之意故初不云復以善根但云以彼善根迴向時居然揀別四門即爲四別初一門明應向實際及向衆主第二門明應向菩提第三門明應離過第四門明有成益初門爲二初明應向實際後又爲令下明應向衆生今初本性即不變性法性即隨緣性衆生是入即無分量無諍是法理事不乖自性則起無所起諸法則橫該本寂三世則豎入無差以知法性爲緣則生起佛種依性依用無退失時照斯實際實智行立

又爲令一切衆生永離一切地獄故迴向爲令一切衆生不入畜生趣故迴向爲令一切衆生不往閻羅王處故迴向爲令一切衆生除滅一切障道法故迴向爲令一切衆生滿足一切善根故迴向爲令一切衆生能應時轉法輪令一切歡喜故迴向爲令一切衆生入十力輪故迴向爲令一切衆生滿足菩薩無邊清淨法願故迴向爲令一切衆生隨順一切善知識教菩提心器得滿足故迴向爲令一切衆生受持修行甚深佛法得一切佛智光明故迴向爲令一切衆生修諸菩薩無障礙行常現前故迴向爲令一切衆生常見諸佛現其前故迴向爲令一切衆生清淨法光明常現前故迴向爲令一切衆生無畏大菩提心常現前故迴向爲令一切衆生菩薩

單九

四

不思議智常現前故迴向爲令一切衆生普
救護衆生令清淨大悲心常現前故迴向爲
令一切衆生以不可說不可說勝妙莊嚴具
莊嚴一切諸佛刹故迴向爲令一切衆生摧
滅一切衆魔闢諍羅網業故迴向爲令一切
衆生於一切佛刹皆無所依修菩薩行故迴
向爲令一切衆生發一切種智心入一切佛
法廣大門故迴向

後應向衆生中有二十所爲七云十力輪
者圓滿摧伏故十四云無畏菩提心者不

畏生死長遠衆生難度轉依難證萬行難

修菩提曠遠故

不畏等者即三種練磨心
唯識第九資糧位中偈云

乃至未起識求住唯識性於二取隨眠猶
未能伏滅長行釋未能伏滅中云此位二
障雖未能滅修勝行時有三退屈而能三
事練磨其心於所證修勇猛不退一聞無
上正等菩提廣大深遠心便退屈引他已
證大菩提者練磨自心勇猛不退注云第

一菩提廣大五屈引他況已練廣者無邊大
者無上深者難測遠者長時由此退屈引
他已證我同彼類何故退耶攝論頌云一
方世界諸有情念念速成善逝果彼既丈
夫我亦爾諸不應自輕而退屈二聞施等波
羅蜜多甚難可修心勇猛不退屈省已意樂能
修施等練磨自心勇猛不退屈注云第二萬
行難修屈省已增修練得云汝已惡道經
多劫無益受苦尚能起今修少善得菩提
大利不應生退屈三聞諸佛圓滿轉依極
難可證心勇猛不退屈引他羣善況已妙因練
磨其心勇猛不退屈即第三轉依難證屈引
羣況妙練如行施等尚感樂況我所修
清淨妙善而無果耶論偈云博地凡夫初
發心尚擬遠趣菩提果我已精進經多劫
不應退屈却沉淪論云由斯三事練磨其
心堅固熾然修諸勝行今疏初不畏生死
長遠衆生難度即通說也轉依難證下即
到勝三種練磨之心故總說
云不畏無性攝論當其第六

佛子菩薩摩訶薩又以此善根正念清淨迴

向智慧決定迴向盡知一切佛法方便迴向

爲成就無量無礙智故迴向爲欲滿足清淨

殊勝心故迴向爲一切衆生住大慈故迴向

爲一切衆生住大悲故迴向爲一切衆生住

大喜故迴向爲一切衆生住大捨故迴向爲永離二著住勝善根故迴向爲思惟觀察分別演說一切緣起法故迴向爲立大勇猛幢心故迴向爲立無能勝幢藏故迴向爲破諸魔衆故迴向爲得一切法清淨無礙心故迴向爲修一切菩薩行不退轉故迴向爲得樂求第一勝法心故迴向爲得樂求諸功德法自在清淨一切智智心故迴向爲滿一切願除一切諍得佛自在無礙清淨法爲一切衆生轉不退法輪故迴向爲得如來最上殊勝法智慧日百千光明之所莊嚴普照一切法界衆生故迴向爲欲調伏一切衆生隨其所樂常令滿足不捨本願盡未來際聽聞正法修習大行得淨智慧離垢光明斷除一切憍慢消滅一切煩惱裂愛欲網破愚癡闇具足

無垢無障礙法故迴向爲一切衆生於阿僧祇劫常勤修習一切智行無有退轉一一令得無礙妙慧示現諸佛自在神通無有休息故迴向

第二應向菩提者有二十二迴向前三無爲字欲成二十故於中前二十迴向明因圓果滿後二明得果不捨因窮未來際以化物

佛子菩薩摩訶薩以諸善根如是迴向時不應貪著三有五欲境界何以故菩薩摩訶薩應以無貪善根迴向應以無瞋善根迴向應以無癡善根迴向應以不害善根迴向應以離慢善根迴向應以不諂善根迴向應以質直善根迴向應以精勤善根迴向應以修習善根迴向佛子菩薩摩訶薩如是迴向時得

淨信心於菩薩行歡喜忍受修習清淨大菩薩道具佛種性得佛智慧捨一切惡離衆魔業親近善友成已大願請諸衆生設大施會
第三明應離過中有標徵釋及第四成益
文並易知

異

七

佛子菩薩摩訶薩復以此法施所生善根如是迴向所謂令一切衆生得淨妙音得柔軟音得天鼓音得無量無數不思議音得可愛樂音得清淨音得周徧一切佛刹音得百千那由他不可說功德莊嚴音得高遠音得廣大音得滅一切散亂音得充滿法界音得攝取一切衆生語言音得一切衆生無邊音聲智得一切清淨語言音聲智得無量語言音聲智得最自在音入一切音聲智得一切清淨莊嚴音得一切世間無厭足音得究竟不

繫屬一切世間音得歡喜音得佛清淨語言音得說一切佛法遠離癡翳名稱普聞音得令一切衆生得一切法陀羅尼莊嚴音得說一切無量種法音得普至法界無量衆會道場音得普攝持不可思議法金剛句音得開示一切法音得能說不可說字句差別智藏音得演說一切法無所著不斷音得一切法光明照曜音得能令一切世間清淨究竟至於一切智音得普攝一切法句義音得神力護持自在無礙音得到一切世間彼岸智音又以此善根令一切衆生得不下劣音得無怖畏音得無染著音得一切衆會道場歡喜音得隨順美妙音得善說一切佛法音得斷一切衆生疑念皆令覺悟音得具足辯才音得普覺悟一切衆生長夜睡眠音

大文第三有八門更以異門別明迴向即是勝進文分四別第一二門迴向衆生二有二門迴向菩提三有二門總顯所爲四有一門迴向實際今初分二前門願得圓音後門總令具德今初以法師位故欲令

八

八

物同得圓音演法要故有四十五種音聲即密迹經中六十種音但數不足次多不同名或小異彼第一名吉祥與此淨妙義同名異二名柔輭次第與名全同三可樂即此第五四悅意即此第二十一歡喜音五清淨即此第六六離垢即此二十三遠離癡翳七顯耀即此第三十一一切法光明照耀音乃至第六十宣諸德音即此第二十九能說不可說字句差別智藏音

密迹下第二會他經於中有四一會同異二會無三會通教旨四會他經意然密跡

經即太寶積經中金剛力士會第三之三卷當第十爾時寂意菩薩復問金剛力士如來有幾事祕要答有三種一曰身密二曰意密三曰口密口密中說六十種音廣讚如來無思無想無言之言竟即云如來從口敷演如一言詞出六十品各異音聲何謂六十種音曰然經直列今加次第一吉祥音二柔輭音三顯耀音七微妙音八明德音五離垢音六顯耀音七微妙音八明德音九無亂音十無憤音十一師父音十二無剛硬音十三無虛弱音十四善順音十五安重音十六身所吉利音十七隨心隨時音十八如如悅意音十九天愛安想音二十無熱惱音二十一正音二十二識遠音二十三親近音二十四意好音二十五歡悅音二十六和雅音二十七曉了音二十八精勤音二十九忍音三十重了音三十一其響音三十二應師子音三十三龍鳴音三十四好雨音三十五海雷龍王音三十六真陀羅伎音三十七哀鸞音三十八鷹鵠音三十九鷄鳴音四十者域音四十一英鳥音四十二雷震音四十三不卒音四十四不暴音四十五普入響音四十六去非時音四十七無乏音四十八無怯音四十九悅豫音五十通暢音五十一戒禁音五十二甘美音五十三進行音五十四廣普音五十五具足音五十六諸根無障音五十七不輕疾音五十八無住音五十九響聲音六十宣諸德音密跡金剛力士謂寂意菩薩言是爲

如來六十梵音其如來音普徧十方諸佛
世界悅可一切衆生心行釋曰已具列六
十今經但四十五欠於十五次下當明然
密跡經但列不釋莊嚴論第六亦引彼經
而兼有釋論偈云菩薩自成就如前義應
知聲有六十種不可思議如來事長行釋云如
來有六十種不可思議如來事長行釋云如
中說寂靜慧如來具足六十種聲語所謂
潤澤柔輒可意樂清淨如是廣說攝持
翻下此中潤澤聲者衆生善根能攝持

故系輒聲者現前聞法得樂觸故可意聲
者由善義故意樂聲者由善字故清淨聲
者無上出世後得故無后聲者諸惑習氣
者具足功德破諸外道惡邪見故樂聞聲
者信順出離故不絕聲者一切外道無能
斷故調伏聲者貪等煩惱能治故無刺
聲者制戒善調聲者教化三摩提故心
得正念故善調聲者教化三摩提故心
亂心對治故身倚聲者能引三摩提故心
了聲者能引毗鉢舍那故心喜聲者善斷
疑故喜樂生聲者決定按邪故無熱惱聲
者信受不悔故能持聲者成就思因智依止故
依止故能持聲者成就思因智依止故
不隱覆聲者不惱而說故可受聲者令得
自利果故渴仰聲者已得衆人深願樂故
教勸聲者不思議法正說故令解聲者思
議法正說故相應聲者不違聽故有益聲
者如其所應教示導故衆王聲者振大故
故師子聲者怖外道故衆王聲者振大故

雷聲者深遠故龍聲者今信受故緊那羅
聲者歌音美妙故迦陵頻伽聲者韻清亮
故梵聲者出遠去故命命鳥聲者初得吉
祥一切事成就故天王聲者讚毀不高下故
入一切聲者入毗伽羅論一切種相故離
不正聲者憶不忘故應時聲者教化事一
切時起故無著聲者不依利養故不怖聲
者離慚羞故歡喜聲者聞無厭故隨捨聲
者一切明處善巧入故善友聲者一切衆

生離成就故常流聲者相續不斷故嚴飾
聲者種種顯現故滿足聲者一音無量聲
說法故衆生根喜聲者一語無量義顯現
故不毀時量聲者如所立義信順故不增減
聲者應時量說故不躁急聲者不疾疾說
故徧一切說聲者遠近諸衆同依止故一
切種成就聲者世間法義皆譬喻令解故
上依論牒釋亦欠其一與彼經亦少不火
其佛秘密經然彼無天鼓今此缺彼師子
卽密迹經

聖元

十

龍鳴好雨海雷龍王真陀羅伎哀鷲鷹暢
鶴鳴等以從喻說此畧不論然彼無下第
乃是名變論釋亦有此欠十五疏中但列
其九餘更欠六應添一耆婆二英鳥三雷
震震與海雷龍王別故此亦喻故更此
添四師父五親近六明德方爲六十又此
所明顯德廣大如彼但云晉入衆會音此

則云普至法界無量衆會道場等

又此所明下第

三會通教

法有所本不可不知名言不同

無俟全會

法有所本下第四會他經意兼欲盡其論釋

中間云

音聲智者在心爲智宣吐稱音皆應具二影略而說第八云不可說功德莊嚴者大

悲芬陀利經說以三千界衆生功德爲一

聚更增十倍不及如來一毛功德展轉乃

至無見頂前一切功德總爲一聚更增百

千萬億那由他阿僧祇倍不及如來胸中

大種所發音聲一聲功德彼約總說即此

別明然六十種中不出有二一約具德如

柔軟等二約無失如不下劣等故不下劣

初有又以此善之言通言音聲者聲謂四

聲爲音之依音謂五音依五行別木聲墜

其音角火聲熾其音徵土聲寬其音宮金

聲清其音商水聲濁其音羽若一音之義

第九

廣在下文

佛子菩薩摩訶薩復以諸善根如是迴向所謂願一切衆生得離衆過惡清淨法身願一切衆生得離衆過惡清淨妙功德願一切衆生得離衆過惡清淨妙相願一切衆生得離衆過惡清淨業果願一切衆生得離衆過惡清淨一切智心願一切衆生得離衆過惡無量清淨菩提心願一切衆生得離衆過惡了知諸根清淨方便願一切衆生得離衆過惡清淨信解願一切衆生得離衆過惡清淨勤修無礙行願願一切衆生得離衆過惡清淨正念智慧辯才

第二總令衆生具德中十句前五果滿後

五因圓

佛子菩薩摩訶薩復以諸善根爲一切衆生如是迴向願得種種清淨妙身所謂光明身離濁身無染身清淨身極清淨身離塵身極離塵身離垢身可愛樂身無障礙身

第二三門迴向菩提分三初一門得正果

次一二果因圓後一依報果滿今初然上衆生得果有其十句各應有多今但廣初一身則餘可例取文中三初明得身次顯身用後結所成前中初總相所謂下別相身是同相餘是異相成壞可知然此十身通法通智一光明者身光智光無不照故二體無間障能鑒徹故三體不染若彼潤玉涅而不緇四淨德內充如玉無瑕翳五非時淨揀異下流上三就體辨次三對境以明六不爲塵空對上清淨七極微

不著對極清淨八垢穢無汙對上不染若就內德即煩惱障盡名爲離塵習氣亦亡名極離塵所知不住名離心垢九具相具德十形充法界智徧十方山河事理不能障礙

若彼等者涅者水中黑泥緇者黑色謂若玉在泥中千載不黑

於一切世界現諸業像於一切世間現言說像於一切宮殿現安立像如淨明鏡種種色像自然顯現示諸衆生大菩提行示諸衆生甚深妙法示諸衆生種種功德示諸衆生修行之道示諸衆生成就之行示諸衆生菩薩行願示諸衆生於一世界一切世界佛興於世示諸衆生一切諸佛神通變化示諸衆生一切菩薩不可思議解脫威力示諸衆生成滿普賢菩薩行願一切智性

二於一切下依身起用前四色身用前三

羅一身於法界後一收萬像於一身次示諸下五句智身用後示菩薩行願下通二身用

菩薩摩訶薩以如是等微妙淨身方便攝取一切衆生悉令成就清淨功德一切智身

後菩薩下總結所成

聖九

十三

佛子菩薩摩訶薩復以法施所生善根如是迴向願身隨住一切世界修菩薩行衆生見者皆悉不虛發菩提心永無退轉順真實義不可傾動於一切世界盡未來劫住菩薩道而無疲厭大悲均普量同法界知衆生根應時說法常不休息於善知識心常正念乃至不捨一剎那頃一切諸佛常現在前心常正念未曾暫懈修諸善根無有虛僞置諸衆生於一切智令不退轉具足一切佛法光明持

大法雲受大法雨修菩薩行

第二門願二果因圓中二初即理起用行後入一切下即事入立行今初初成行緣身隨住故次衆生見下利他不空後於善知識下兼通二利

入一切衆生入一切佛刹入一切諸法入一切三世入一切衆生業報智入一切菩薩善巧方便智入一切菩薩出生智入一切菩薩清淨境界智入一切佛自在神通入一切無邊法界於此安住修菩薩行

後入立中智契名入無邊法界通身智入大方廣佛華嚴經疏鈔會本第三十二之二

音釋

耽 丁含切 鎧 可亥切 憍 憍舉切 慳 慳切 也 樂也 甲也 慢 慢切 也 裂 良薛切 柔 軟乳切 頃 頃切 也 破也 亦柔也 檄 刑狄切 也 切 膳上濱切 滌 亭歷切 也 亂 具食也 也 僞 于腫切 也 詐 也 切 也 憤 古對切 心

大方廣佛華嚴經疏鈔會本第三十三 盟十

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩復以法施所修善根如是

迴向

畢

第三門願成依果文分爲二先總明後其

一一下別顯今初十句一牒前起後

願一切佛刹皆悉清淨以不可說不可說莊

嚴具而莊嚴之一一佛刹其量廣大同於法

界純善無礙清淨光明諸佛於中現成正覺

一佛刹中清淨境界悉能顯現一切佛刹如

一佛刹一切佛刹亦復如是

後正顯願相一願清淨二願莊嚴三分量

普周四純善五無障礙六具淨光七有佛

現八融攝九舉一例餘一刹之展量同法

界一刹之卷顯現無餘展卷無礙是一佛

刹如一佛刹刹刹皆然準上華藏及後人

嚴塵塵尚然況復刹刹

其一刹悉以等法界無量無邊清淨妙寶

莊嚴之具而爲嚴飾

第二別顯中分二先顯寶嚴後如寶莊嚴

下類顯餘嚴今初分三初總標次所謂下

別顯三是爲菩薩下總結

所謂阿僧祇清淨寶座敷衆寶衣阿僧祇寶

帳寶網垂布阿僧祇寶蓋一切妙寶互相映

徹阿僧祇寶雲普雨衆寶阿僧祇寶華周徧

清淨阿僧祇衆寶所成欄楯軒檻清淨莊嚴

阿僧祇寶鈴常演諸佛微妙音聲周流法界

阿僧祇寶蓮華種種寶色開敷榮曜阿僧祇

寶樹周布行列無量妙寶以爲華果阿僧祇

寶宮殿無量菩薩止住其中阿僧祇寶樓閣
廣博崇麗延袤遠近阿僧祇寶却敵大寶所
成莊嚴妙好阿僧祇寶門闥妙寶瓔珞周帀
垂布阿僧祇寶牕牖不思議寶清淨莊嚴阿
僧祇寶多羅形如半月衆寶集成

二中復二先通顯寶嚴後佛子下別明人
寶嚴前中以阿僧祇數但有九十四數以
晉經皆云無量阿僧祇初有數事但云無
量則阿僧祇言非是數中之一但是無數
之言若定是數便爲限局今就九十四內
寶樹之中有無量妙寶以爲華果爲一宮
殿中有無量菩薩爲二初段顯因之後有
無數寶藏爲三一瓔珞中百千菩薩上
妙莊嚴爲四下寶枝中有不思議鳥爲五
寶華中有無量菩薩爲六足滿百數文中

分二初十八事略明顯勝初略明

如是一切悉以衆寶而爲嚴飾離垢清淨不
可思議無非如來善根所起具足無數寶藏
莊嚴

如是一切下舉因顯勝

復有阿僧祇寶河流出一切清淨善法阿僧
祇寶海法水盈滿阿僧祇寶芬陀利華常出
妙法芬陀利聲阿僧祇寶須彌山智慧山王
秀出清淨阿僧祇八楞妙寶寶線貫穿嚴淨
無比阿僧祇淨光寶常放無礙大智光明普
照法界阿僧祇寶鈴鐸更相扣擊出妙音聲
阿僧祇清淨寶諸菩薩寶具足充滿阿僧祇
寶繒綵處處垂下色相光潔阿僧祇妙寶幢
以寶半月而爲嚴飾阿僧祇寶幡悉能普雨
無量寶幡阿僧祇寶帶垂布空中莊嚴殊妙

阿僧祇寶敷具能生種種微細樂觸阿僧祇
妙寶旋示現菩薩一切智眼阿僧祇寶瓔珞
一一瓔珞百千菩薩上妙莊嚴阿僧祇寶宮
殿超過一切妙絕無比阿僧祇寶莊嚴具金
剛摩尼以爲嚴飾阿僧祇種種妙寶莊嚴具
常現一切清淨妙色阿僧祇清淨寶珠形異
彩光鑒映徹阿僧祇寶山以爲垣牆周匝圍
繞清淨無礙阿僧祇寶香其香普熏一切世
界阿僧祇寶化事一一化事周徧法界阿僧
祇寶光明一一光明現一切光

後復有下八十二事廣顯於中分五第一
二十四事唯以外寶爲嚴其間三兩亦標
以事名釋以法門且從多判

復有阿僧祇寶光明清淨智光照了諸法復
有阿僧祇無礙寶光明一一光明周徧法界

有阿僧祇寶處一切諸寶皆悉具足阿僧祇
寶藏開示一切正法藏寶阿僧祇寶幢如來
幢相迥然高出阿僧祇寶賢大智賢像具足
清淨阿僧祇寶園生諸菩薩三昧快樂阿僧
祇寶音如來妙音普示世間阿僧祇寶形其

一一形皆放無量妙法光明阿僧祇寶相其
一一相悉超衆相阿僧祇寶威儀見者皆生
菩薩喜樂阿僧祇寶聚見者皆生智慧寶聚
阿僧祇寶安住見者皆生善住寶心阿僧祇
寶衣服其有著者生諸菩薩無比三昧阿僧
祇寶袈裟其有著者纔始發心則得善見陀
羅尼門

二復有阿僧祇寶光明下有十五事標以
事名釋以法門欲顯即事成法門故

阿僧祇寶修習其有見者知一切寶皆是業

果決定清淨阿僧祇寶無礙知見其有見者
得了一切清淨法眼阿僧祇寶光藏其有見
者則得成就大智慧藏

三寶修習下三事唯約法門顯即法可貴
非要託事

第十

阿僧祇寶座佛坐其上大師子吼阿僧祇寶
燈常放清淨智慧光明阿僧祇寶多羅樹次
第行列繚以寶繩莊嚴清淨其樹復有阿僧
祇寶幹從身聳擢端直圓潔阿僧祇寶枝種
種衆寶莊嚴稠密不思議鳥翔集其中常吐

妙音宣揚正法阿僧祇寶葉放大智光徧一
切處阿僧祇寶華一一華上無量菩薩結跏
趺坐徧遊法界阿僧祇寶果見者當得一切
智智不退轉果阿僧祇寶聚落見者捨離世
聚落法阿僧祇寶都邑無礙衆生於中盈滿

第十一

五

阿僧祇寶宮殿王處其中具足菩薩那羅延
身勇猛堅固被法甲冑心無退轉阿僧祇寶
舍入者能除戀舍宅心阿僧祇寶衣著者能
令解了無著阿僧祇寶宮殿出家菩薩充滿
其中阿僧祇寶珍玩見者咸生無量歡喜阿
僧祇寶輪放不思議智慧光明轉不退輪阿
僧祇寶跋陀樹因陀羅網莊嚴清淨阿僧祇
寶地不思議寶間錯莊嚴阿僧祇寶吹其音
清亮充滿法界阿僧祇寶鼓妙音克諧窮劫
不絕

四寶座下二十二事約於事實能成法門
或顯依中有正明雜莊嚴

阿僧祇寶衆生盡能攝持無上法寶阿僧祇
寶身具足無量功德妙寶阿僧祇寶口常演
一切妙法寶音阿僧祇寶心具清淨意大智

願寶阿僧祇寶念斷諸愚惑究竟堅固一切
智寶阿僧祇寶明誦持一切諸佛法寶阿僧
祇寶慧決了一切諸佛法藏阿僧祇寶智得
大圓滿一切智寶阿僧祇寶眼鑒十力寶無
所障礙阿僧祇寶耳聽聞無量盡法界聲清

淨無礙阿僧祇寶鼻常嗅隨順清淨寶香阿
僧祇寶舌能說無量諸語言法阿僧祇寶身
徧遊十方而無罣礙阿僧祇寶意常勤修習
普賢行願阿僧祇寶音淨妙音聲徧十方界
阿僧祇寶身業一切所作以智爲首阿僧祇
寶語業常說修行無礙智寶阿僧祇寶意業
得無障礙廣大智寶究竟圓滿

五寶衆生下十八事顯於內身六根三業
皆名爲寶並圓明可貴故此上諸事或純
或雜或依正無礙皆以事事無礙法門因

所感故若將一因各對一事如以寂忍爲
因所感寶衣等恐繁不顯觀者思之復將
一因成一切果四句融通義如常說

佛子菩薩摩訶薩於彼一切諸佛剎中於一
佛剎一方一處一毛端量有無量無邊不可
說數諸大菩薩皆悉成就清淨智慧充滿而
住如一佛剎一方一處一毛端量如是盡虛
空徧法界一一佛剎一一方一一處一一毛
端量悉亦如是

二人寶嚴者法華云彼國何故名曰大寶
莊嚴其國中以菩薩爲大寶故所以楚魏
之朝亦不以金玉爲珍而以賢臣爲寶徧
法界微塵之處有多菩薩可謂大心嚴剎
也法華云者即第二經譬喻品中授舍利
弗記云其劫名大寶莊嚴何故名曰大
寶莊嚴其國中以菩薩爲大寶
故所以楚魏等者其文出國語

是為菩薩摩訶薩以諸善根而為迴向普願一切諸佛國土悉具種種妙寶莊嚴

三結成寶嚴可知

如寶莊嚴如是廣說如是香莊嚴華莊嚴鬘莊嚴塗香莊嚴燒香莊嚴末香莊嚴衣莊嚴

畢

蓋莊嚴幢莊嚴幡莊嚴摩尼寶莊嚴次第乃

七

至過此百倍皆如寶莊嚴如是廣說

二類顯餘嚴有十一事一一皆有上之百
事并前一百則一千二百言次第乃至過
此百倍者若言嚴事過者則不應言皆如

寶嚴若準晉經云衣蓋幢幡乃至百事莊
嚴即以香等為百過此倍之三字譯者不
妙若別理通者以前寶嚴但列百事非止
唯百應過百倍則百為萬表圓融萬行
則應迴文云摩尼寶嚴皆如寶莊嚴如是

廣說次第乃至過此百倍理則無違

若言嚴事

過者然嚴事即是所成謂座幡幢蓋等百
事其寶香華鬘等即是能成能成如金銀
銅鐵及泥木等所成如以金為佛菩薩華
鬘等百事以銀為百事亦然能成有十一
各各能成所成百事今云若嚴事已過者
則不應言皆如寶莊嚴者寶嚴有百事今
過百倍即成一如寶莊嚴者寶嚴有百事
事耳下引晉經即是能成百如金銀銅
鐵等為百事故云即以香等為百事等是
能成故言過此倍等者謂但列香等百事
何要過此百倍之言以無可過故若過寶
嚴事百倍則有可過次云若別理通者為
順今經故欲令過前嚴事百倍則有萬矣
而亦文不便故應迴過此百倍向寶莊嚴
下則能成唯十一所成各萬則成十
一萬兼前一百有十一萬一百嚴事

佛子菩薩摩訶薩以法施等所集善根為長

養一切善根故迴向為嚴淨一切佛刹故迴
向為成就一切眾生故迴向為令一切眾生
皆心淨不動故迴向為令一切眾生皆入甚
深佛法故迴向為令一切眾生皆得無能過
清淨功德故迴向為令一切眾生皆得不可

壞清淨福力故迴向爲令一切衆生皆得無盡智力度諸衆生令入佛法故迴向爲令一切衆生皆得平等無量清淨言音故迴向爲令一切衆生皆得平等無礙眼成就盡虛空徧法界等智慧故迴向爲令一切衆生皆得

畢十

清淨念知前際劫一切世界故迴向爲令一

八

切衆生皆得無礙大智慧悉能決了一切法藏故迴向爲令一切衆生皆得無限量大菩提周徧法界無所障礙故迴向爲令一切衆生皆得平等無分別同體善根故迴向爲令一切衆生皆得一切功德具足莊嚴清淨身語意業故迴向爲令一切衆生皆得同於普賢行故迴向爲令一切衆生皆得入一切同體清淨佛刹故迴向爲令一切衆生悉觀察一切智皆趣入圓滿故迴向爲令一切衆生

皆得遠離不平等善根故迴向爲令一切衆生皆得平等無異相深心次第圓滿一切智故迴向爲令一切衆生皆得安住一切白法故迴向爲令一切衆生皆於一念中證一切智得究竟故迴向爲令一切衆生皆得成滿

清淨一切智道故迴向

第三二門迴向所爲中初一門應爲衆生後門應爲菩提今初有二十三句初之二句文雖在初義通二處第三成就衆生是爲總句下皆是別始自信心終成種智其

畢

九

文並顯

佛子菩薩摩訶薩以諸善根普爲一切衆生如是迴向已復以此善根欲普圓滿演說一切清淨行法力故迴向欲成就清淨行威力得不可說不可說法海故迴向欲於一一法

海具足無量等法界清淨智光明故迴向欲
開示演說一切法差別句義故迴向欲成就
無邊廣大一切法光明三昧故迴向欲隨順
三世諸佛辯才故迴向欲成就去來現在一
切佛自在身故迴向為尊重一切佛可愛樂
無障礙法故迴向為滿足大悲心救護一切
衆生常無退轉故迴向欲成就不思議差別
法無障礙智心無垢染諸根清淨普入一切
衆會道場故迴向欲於一切若覆若仰若麤
若細若廣若狹小大染淨如是等諸佛國土
常轉平等不退法輪故迴向欲於念念中得
無所畏無有窮盡種種辯才妙法光明開示
演說故迴向為樂求衆善發心修習諸根轉
勝獲一切法大神通智盡能了知一切諸法
故迴向欲於一切衆會道場親近供養為一

切衆生演一切法咸令歡喜故迴向

二應向菩提中明因圓果滿大用無盡亦
顯可知

佛子菩薩摩訶薩又以此善根如是迴向所
謂以住法界無量住迴向以住法界無量身
業迴向以住法界無量語業迴向以住法界
無量意業迴向以住法界無量色平等迴向
以住法界無量受想行識平等迴向以住法
界無量蘊平等迴向以住法界無量界平等
迴向以住法界無量處平等迴向以住法界
無量內平等迴向以住法界無量外平等迴
向以住法界無量發起平等迴向以住法界
無量深心平等迴向以住法界無量方便平
等迴向以住法界無量信解平等迴向以住
法界無量諸根平等迴向以住法界無量初

中後際平等迴向以住法界無量業報平等迴向以住法界無量深淨平等迴向以住法界無量衆生平等迴向以住法界無量佛刹平等迴向以住法界無量法平等迴向以住法界無量世間光明平等迴向以住法界無量諸佛菩薩平等迴向以住法界無量菩薩行願平等迴向以住法界無量菩薩出離平等迴向以住法界無量菩薩教化調伏平等迴向以住法界無量法界無二平等迴向以住法界無量如來衆會道場平等迴向

第四迴向實際有二十九句皆云法界者理事無礙法界也皆云住者智契即事之理無所住故住即入義以安住故法界無二即是等義初云無量住者一切善根皆是所住今以無住之住便同法界無量他

皆做此

佛子菩薩摩訶薩如是迴向時安住法界無量平等清淨身安住法界無量平等清淨語安住法界無量平等清淨心安住法界無量平等諸菩薩清淨行願安住法界無量平等清淨衆會道場安住法界無量平等爲一切菩薩廣說諸法清淨智安住法界無量平等能入盡法界一切世界身安住法界無量平等一切法光明清淨無畏能以一音盡斷一切衆生疑網隨其根欲皆令歡喜住於無上一切種智力無所畏自在神通廣大功德出離法中

第三迴向成益文有十句皆言安住者由上智契故能得安也身等即差別事法今即平等清淨平等清淨即是法界無盡法

界清淨即是所得智能安住全同法界由
八安住成後二用一一音普斷物疑二上
住佛德佛德雖多略舉其四謂十力四無
畏十自在六神通名廣大德對上種智爲
佛二嚴是出離法

佛子是爲菩薩摩訶薩第十住等法界無量
迴向

三佛子下依釋結名

菩薩摩訶薩以法施等一切善根如是迴向
時

大文第二菩薩下位果分三初標得因次
成滿下列其所得三如是等下結得之相
成滿普賢無量無邊菩薩行願悉能嚴淨盡
虛空等法界一切佛刹令一切衆生亦得如
是具足成就無邊智慧了一切法

二中略顯三種果滿一因果利益滿
於念念中見一切佛出興於世於念念中見
一切佛無量無邊自在力

二於念念下見佛自在滿初總標

所謂廣大自在力無著自在力無礙自在力
不思議自在力淨一切衆生自在力立一切
世界自在力現不可說語言自在力隨時應
現自在力住不退轉神通智自在力演說一
切無邊法界俾無有餘自在力出生普賢菩
薩無邊際眼自在力以無礙耳識聞持無量
諸佛正法自在力一身結跏趺坐周徧十方
無量法界於諸衆生無所迫隘自在力以圓
滿智普入三世無量法自在力

後所謂下別顯皆以體用理量俱無障礙
是佛自在

皆以體用等若理量即如理智
如量智佛地論第三亦名二修

又得無量清淨所謂一切衆生清淨一切佛

如理修二如量修世間所知唯二種
人二法若能通達此二空者則永證得
真如實際是故名爲理量二種
不壞人法如是人法本來寂靜爲性
故無增無減離有離無寂靜者清淨法
本來無生淨心不執名爲滅諦是心有自
性清淨及煩惱惑障如此兩法無漏界中
善心惡心獨自行故於一念中兩心不相
應故乃至如此而知名如理智
如量修者究竟窮達一切境界名如量智
若見一切衆生乖如境智則成生死若符
境智則得涅槃以是義故名爲如量智
二智至初地菩薩得此二智以通達偏滿
法界理故生死涅槃二法俱知不由他得
此兩智是自證知見由自得解不由他得
但自得證知名自證知見明自證又此二
智有二種相一名自證知見明自證又此二
者見衆生界自性清淨名爲無著是如理
智相言無礙者能通達觀無量無邊界是
如量智相相繼又此二智復有二義如理
智爲因如量智爲果言如理爲因者能作
生死及涅槃因如量智爲果者由此智故
知於如是真俗等法具足成就綢繆又如
理智是清淨因如量智是圓滿因清淨因
者由如理智三惑寂滅圓滿因者由如量
智三德圓滿不願釋曰前文頻有理量二
廣釋此方

剎清淨一切法清淨一切處徧知智清淨徧
虛空界無邊智清淨得一切差別言音智以
種種言音普應衆生清淨放無量圓滿光普
照一切無邊世界清淨出生一切三世菩薩
行智清淨一念中普入三世一切諸佛衆會
道場智清淨入無邊一切世間令一切衆生
皆作所應作清淨

三又得下清淨果滿由淨惑障見性淨故
亦先標所謂下別文顯可知

如是等皆得具足皆得成就皆已修治皆得
平等皆悉現前皆悉知見皆悉悟入皆已觀
察皆得清淨到於彼岸

三結能得之相平等者離能所知故餘並
易了

爾時佛神力故十方各百萬佛剎微塵數世

界六種震動所謂動徧動等徧動起徧起等徧起踊徧踊等徧踊震徧震等徧震吼徧吼等徧吼擊徧擊等徧擊

大文第六從爾時佛神力下瑞應分於中
二先動地生信

佛神力故法如是故爾衆天華天鬘天末香天諸雜香天衣服天珍寶天莊嚴具天摩尼寶天沉水香天梅檀香天上妙蓋天種種幢天雜色幡阿僧祇諸天身無量百千億不可說天妙法音不可思議天讚佛音阿僧祇天歡喜音咸稱善哉無量阿僧祇百千那由他諸天恭敬禮拜無數天子常念諸佛希求如來無量功德心不捨離無數天子作衆妓樂歌詠讚歎供養如來百千阿僧祇諸天放光明普照盡虛空徧法界一切佛刹現無量

阿僧祇諸佛境界如來化身出過諸天

後佛神力故下興供表行於中三一供因
二外事供三阿僧祇下內事三業供
如於此世界兜率陀天宮說如是法周徧十方一切世界兜率天宮悉亦如是

大文第七如於此世界下結通十方以是通方之說故準上諸會或結瑞應今此結說故別開章

爾時復以佛神力故十方各過百萬佛刹微塵數世界外各有百萬佛刹微塵數諸菩薩

三十

十五

而來集會周徧十方咸作是言善哉善哉佛子乃能說此諸大迴向佛子我等皆同一號名金剛幢悉從金剛光世界金剛幢佛所來詣此土彼諸世界悉以佛神力故而說是法衆會眷屬文辭句義皆亦如是不增不減我

等皆承佛神力從彼土來爲汝作證如我來
此衆會爲汝作證十方所有一切世界兜率
天宮寶莊嚴殿諸菩薩衆來爲作證亦復如
是

大文第八爾時復以佛神力下證成分云
百萬者位過前故

爾時金剛幢菩薩承佛神力觀察十方一切
衆會暨于法界已善知文義增廣大心大悲
普覆一切衆生繫心安住三世佛種善入一
切佛功德法成就諸佛自在之身觀諸衆生
心之所樂及其所種一切善根悉分別知隨
順法身爲現清淨妙色之身即於是時而說
頌曰

大文第九爾時金剛下偈讚勸修分於中
二先序意

菩薩成就法智慧悟解無邊正法門爲法光
明調御師了知無礙真實法
菩薩爲法大導師開示甚深難得法引導十
方無量衆悉令安住正法中

菩薩已飲佛法海法雲普雨十方界法日出
現於世間闡揚妙法利群生

常爲難遇法施主了知入法巧方便法光清
淨照其心於世說法恆無畏

善修於法自在心悉能悟入諸法門成就甚
深妙法海普爲衆生擊法鼓

第十

十六

宣說甚深希有法以法長養諸功德具足清
淨法喜心示現世間佛法藏
諸佛法王所灌頂成就法性智藏身悉能解
了法實相安住一切衆善法
菩薩修行第一施一切如來所讚喜所作皆

蒙佛忍可以此成就人中尊

菩薩成就妙法身親從諸佛法化生爲利衆
生作法燈演說無量最勝法

後正說偈於中亦二先明第十迴向偈後
歎勝勸修前中三十六偈分三初九偈頌

所迴善根

隨所修行妙法施則亦觀察彼善根所作衆
善爲衆生悉以智慧而迴向

所有成佛功德法悉以迴施諸群生願令一
切皆清淨到佛莊嚴之彼岸

次七偈頌迴向行後二十偈頌位果二中

分三初二偈總頌前文九段迴向

十方佛刹無有量悉具無量大莊嚴如是莊
嚴不可思盡以莊嚴一國土

次一偈頌迴向嚴刹

聖

十七

如來所有清淨智願令衆生皆具足猶如普
賢真佛子一切功德自莊嚴

成就廣大神通力往詣世界悉周徧一切衆
生無有餘皆使修行菩薩道

諸佛如來所開悟十方無量諸衆生一切皆
令如普賢具足修行最上行

諸佛菩薩所成就種種差別諸功德如是功
德無有邊願使衆生悉圓滿

後四偈頌二段中迴向所爲

菩薩具足自在力所應學處皆往學示現一

切大神通普詣十方無量土

三菩薩具足下頌位果中三初一偈頌見
佛自在由已自在方見佛自在

菩薩能於一念頃觀等衆生無數佛又復於
一毛端中盡攝諸法皆明見

世間衆生無有量菩薩悉能分別知諸佛無量等衆生大心供養咸令盡種種名香上妙華衆寶衣裳及幡蓋分布法界咸充滿發心普供十方佛一毛孔中悉明見不思議數無量佛一切毛孔皆如是普禮一切世間燈舉身次第恭敬禮如是無邊諸最勝亦以言辭普稱讚窮盡未來一切劫一如來所供養具其數無量等衆生如是供養一如來一切如來亦復然供養讚歎諸如來盡彼世間一切劫世間劫數可終盡菩薩供養無休懈一切世間種種劫於爾所劫修諸行恭敬供養一如來盡一切劫無厭足如無量劫供一佛供一切佛皆如是亦不分

別是劫數於所供養生疲厭法界廣大無邊際菩薩觀察悉明了以大蓮華徧布中施等衆生無量佛寶華香色皆圓滿清淨莊嚴甚微妙一切世間無可喻持以供養人中尊衆生數等無量刹諸妙寶蓋滿其中悉以供養一如來供一切佛皆如是塗香無比最殊勝一切世間未曾有以此供養天人師窮盡衆生數等劫末香燒香上妙華衆寶衣服莊嚴具如是供養諸最勝歡喜奉事無厭足十等衆生數照世燈念念成就大菩提亦以無邊徧稱述供養人中調御者如衆生數佛世尊皆修無上妙供養如衆生數無量劫如是讚歎無窮盡十八

如是供養諸佛時以佛神力皆周徧悉見十方無量佛安住普賢菩薩行

次十七偈頌得清淨中一念中普入二世一切諸佛衆會道場智清淨上云入者必在供養故此廣顯此是力能不可頌前願

成所爲

第十

十九

過去未來及現在所有一切諸善根令我常修普賢行速得安住普賢地

一切如來所知見世間無量諸衆生悉願具足如普賢爲聰慧者所稱讚

後過去下二偈總結第十迴向然上且依麤相而分菩薩縱任辯才體勢包攝大旨無異故不委論

此是十方諸大士共所修治迴向行諸佛如來爲我說此迴向行最無上

十方世界無有餘其中一切諸衆生莫不咸令得開覺悉使常如普賢行

如其迴向行布施亦復堅持於禁戒精進長時無退怯忍辱柔和心不動

禪定持心常一緣智慧了境同三昧去來現在皆通達世間無有得其邊

菩薩身心及語業如是所作皆清淨一切修行無有餘悉與普賢菩薩等

譬如法界無分別戲論染著皆永盡亦如涅槃無障礙心常如是離諸取

第二此是下歎勝勸修通於十向於中九偈分二先六偈舉人就行以歎勝謂是菩薩所行如來所說六度隨相等行法界離相等行故是超勝

智者所有迴向法諸佛如來已開示種種善

根悉迴向是故能成菩薩道

佛子善學此迴向無量行願悉成滿攝取法

界盡無餘是故能成善逝力

若欲成就佛所說菩薩廣大殊勝行宜應善

住此迴向是諸佛子號普賢

後智者所有下三偈結歎勸修

盟十

二十

一切衆生猶可數三世心量亦可知如是普

賢諸佛子功德邊際無能測

一毛度空可得邊衆刹爲塵可知數如是大

仙諸佛子所住行願無能量

大文第十末後二偈校量功德德既無限

宜可修行然此顯德深勝高遠者一圓融

教故二約殊勝願力故登地已上寄位階

差故每結云若以殊勝願力復過於此不

可數知勿謂此深便言地劣第五會竟

大方廣佛華嚴經疏鈔會本第三十三

音釋

欄楯

欄音蘭楯音食尹切檻也

延表

表其候切且長也

芬陀利

梵語

也此云白蓮華芬音分

瓔珞

瓔於盈切珞盧各切

聳擢

聳息拱切

高也

擢直迥

迥

戶茗切

繚繚

繚繚切

繚繚

繚繚切

大方廣佛華嚴經疏鈔會本第三十四之一 何一

唐于闐國三藏沙門實叉難陀譯

唐清涼山大華嚴寺沙門澄觀撰述

十地品第二十六

初來意者為答普光十地問故夫功不虛

何一

設終必有歸前明解導行願賢位因終今

明智冥真如聖位果立故有此會來也前

是教道此是證道教為證因證即證前三

心之教故無性攝論云此聞熏習雖是有

漏而是出世心種子性即斯義也然會來

即是品來一會之中唯一品故故釋名宗

趣亦品會無差晉經此會有十一品則名

等皆別初來意等者文分為五一總明答

後果義次第故解即十住行即十行願即

十向故為賢終親證十如故名聖位先賢

後聖亦次第故前是教道者辨定法門即

九種教證中地前地上相對言證前三心

者謂直深大悲三菩提心三賢別增此中
青證故無性下引論證成前為此因即第
三論具云此聞熏習種子下中上品應知
亦是法身種子與阿賴耶相違非何賴耶
所攝是出世間最淨法界等流性故雖未
世間而是出世心種子性又出世心雖未
生時已能對治諸險惡趣已作一切有漏
惡業根壞對治又能隨順樂事一切諸佛
菩薩雖足世間應知初修樂事一切諸佛
法身攝釋論中云雖是世間者以有漏故
而是出世心種子性者無漏心資糧性
故在文可知然會來下辨其通別一會一
品來意即通晉經闕十定品重會普光次
故十地他化中說十一品則會品意別次
釋名者會名有三一約人名金剛藏會釋
三初約二約處名他化自在天會謂他化
人可知二約處名他化自在天會謂他化
作樂具自得受用表所入地證如無心不
礙後得而起用故事理存泯非即離故因
他受用而有所作非自事故自他相作皆
自在故將證離欲之實際故不處化樂者
表凡聖隔絕故二約處名他化等者分三
表法三不處化樂下通妨二中二先釋他
化自在後釋第六天前中三一約二智二

約事理三約自他今初證如無心若自不
化後得起用如他為化事理存互為非即離
故者不自化存釋然為化言非即離者自他
混如別如事理非即他化自受如二非離
他既通有四句一存理混事猶根本證如
然其通有兩句一存理混事猶根本證如
二存事混理如後得觀法二俱存如齊照
四俱混如兩亡既事互為自他則亦應
言他無心我為彼化而自望他上他亦之
化故但云他化又應唯就證如之上亦有
自他一於境無心唯能證智如他無心我
為他化即存自他二絕能證智如他無心我
故如自無心他為我化即存自他三不
壞能所俱無執故云都無所得即俱存義
四取都無所得即俱存義
所作非無事者三約自他釋然曲有
義一自他隱顯義二自他相作義前中語
則是一義乃有二約見他受用身土名
而有所作非是受用之自事故二者大
為首一向利他非由自己而有其事二
他下明自他相作義如第八地十身相
經云此菩薩能隨作衆生心之所樂聞
身作國土身衆生身業報身聲聞身緣
身作他身如來身法身智身虛空身此
自作他身也又隨衆生心之所樂聞
身作他身也又隨衆生心之所樂聞
土身等亦有以他作自也若令衆生
之義然自他如自作他如無作自他
他化作樂具又自他如無作自他
他作自他如無作自他如無作自他

作皆自在故將證離欲下二通釋第六天
義以是欲界之頂隣梵天故色界梵天即
是離欲如於佛位今明十地如三約法名
在第六希欲將昇隣極證故
十地會即同品名所以得此名者本業云
地名爲持持百萬阿僧祇功德亦名生成
一切因果故名爲地本論云生成佛智住
持故即斯義也唯識第九云與所修行爲
勝依持令得生故者但語其因關生果義
三約法下就法釋名分二一得名二十是
一周下釋名前中一先解本名後擇別目
今初本業有三義一持二生三成本論開
爲四義住持爲二故一持二生三成本論開
生果二成者成就亦通因果又以因望果
始起名生終滿名成又爲因名生爲緣名
住故第三名何住住亦住處故龍樹十住毗
婆沙云十住皆住處名之爲地又因滿分毗
婆沙云十住皆住處名之爲地又因滿分毗
應不退名之爲住住即不動義故初地云
以不動相應故四持者通望因果如彼初
地能持自地一切功德復持二地乃至佛
果所有功德若無初地餘不成故若合住
持但是三義則同本業爲功德依地能持
故能持三義則同本業爲功德依地能持
離佛智爲能持如修行由佛智而成就地
則佛智爲能持如修行由佛智而成就地

於海海喻佛智若不修十地不得成佛則佛智功德皆是所持十地能持今約此義下會唯識云以與所修行為勝依持故關生果義本論云生成佛智佛智已舍因果論及經中皆名地智為佛智故況住有別持中不唯佛智無盡功德皆依持故有別行譯本名十住經住是地中一義故仁王無明云入理般若名為住住生功德稱為地而下經又名集一切智智法門亦兼因果復有別譯名漸備一切智德經以後後過前前故名為漸備漸備即是集義若名十地就義約喻以受其名若云十住唯就法稱有別行下二釋異名言名十住經即藏中大小十住經以古譯十地為十注故十住毗婆沙亦是十地言仁王兼明者有住地二字言入理般若者入證也據於地前未證真理所有般若不得名住住字亦有二義一者以無住住二者安住不動十是一周圓數十十無盡皆帶數釋後之二釋皆是依主一切智智之法門故漸備一切智之德故十之別名見於本分

三宗趣者先總後別總有二義一以地智斷證寄位修行為宗以顯圓融無礙行相為趣二前二皆宗為成佛果為趣三宗趣有三初正明宗趣二別示體性三問答料揀言總有二義者前義以行布為宗圓融為趣然總含別義謂證即初二初證契合二即所證故智即第三斷即第四修行即五六寄位即七九證及修行共為第八其攝要宗不出上九亦含在總中後別者別於上總略有十義後別中下疏文有以義收束三一約本唯是果海不可說性結成宗趣一約本唯是果海不可說性以離能所證故雖通一部此品正明今初本唯是果海者此義即示說分齊中論經云我但說一分論解云是地所攝亦有二種一因分二果分說者為解釋一分者是因分以於果分為一分故然因果二言畧有二意一唯就十地以明以證智為果分方便寄法等並為因分此復二義一以修證相對則方便造修為因分息修契實為果分二以詮表相對則以寄法顯地為因分真實證智為果分二約究竟佛果對昔賢因說義通一部謂此證智冥同果海為果分地相之因同普賢因便為因分然論唯前意就究竟果說乃是古德義取論意

疏存二義故云雖二約所證是離垢真如
通一約此品正明三者約智謂根本後得
出障故云離垢已
亦通方便智以後九方便即後得故初地
方便未是地故如欲入二地起於十心是
住初地後得智中進修此十所謂正直柔
緩堪能調伏寂靜純善不雜無顧戀廣心
大心此十若滿即入二地二地入三等皆
準此知初地加行若未圓滿正屬地前四
加行但今言亦通者後九方便望於本地
雖是後得望起後地為方便初地則此會
在十地會明非通向位故屬初地則此會
中亦有未入地四約所斷謂離二障種現
行之方便也
四約所斷一者分別謂邪師邪教及邪思
惟入初地時便能永斷二者俱生而便
有此於修道地斷之此又二種一者現
行二者種子若俱生所如種現地地斷之
若煩惱現行亦地地斷俱生煩五約所修
備種子直至金剛無間道斷
初地修願行二地戒行三禪行四道品行
五四諦行六緣生行七菩提分行八淨土
行九說法行十受位行五約所修者所修
品等起六約修成有四行謂初地信樂行
行各別

二戒行三定行四地已上皆慧行於中四
五六地是寄二乘慧七地已去是菩薩慧
六所成者七約寄位行十地各寄一度約七
唯成四故七約寄位行十地各寄一度約七
寄位行者下論名為別地行相一地一度
顯位別故此中寄位唯就大衆顯位差別
不同二乘寄位近法等故一地說行畧有
四別一十地差別行如第五門二約三學
行如第六門三約二利行如第八門三進
品行故四約十度行即如此門然十度行
曲復有三初別地門如今文二約增勝門
則初地成三初別地門如今文二約增勝門
已得故乃至十地加智十度即圓謂前已
得後不失故三約圓修門地地之中皆修
十度初心菩薩尚自圓修豈況登地唯施
無戒等耶明知具足今顯地差故言各一
八者約法有三德謂證德阿含德及不住
道是十地之德故八約法有其二德者若
經本義要唯三一所說教道之行一顯
證道三所表地法言所說者一切地前因
分之隨相造修可以言說故曰所說言
所顯者一切地中果分修相顯標真德故
相離言但可寄彼因分修相顯標真德故
說斯德以為所顯言所表者向雖顯德意
不在事為欲寄彼諸佛菩薩離相淨證表
彰地法以為所表良以地法衆生自實情

倒謬解處而不覺今欲即情拂妄顯實令
入趣入即長辨真在理難彰故寄淨經以
表法也若就論說宗要有四一是所釋經
本言教二是所成教道之行三是所顯離
相證道四是所表地之法體今疏就約經
中如不住道成真德故畧無地法地法即
是所證十如及與果海之所攝故既不
別釋經論不同故不存於論之四釋九
約寄乘法謂初二三地寄世間人天乘四

五六七寄出世三乘八地已上出出世間

是一乘法故以諸乘爲此地法九約寄乘者謂初地

明施復應人王即是人乘二地十善生天
是欲天乘三地八定是色無色乘故以初
三爲人天乘四地初斷俱生身見觀於道
品同須陀洹五地四諦理終寄阿羅漢六
地觀緣寄於緣覺七地一切菩提分法方
便涉有故寄三乘之中大乘菩薩八地已

上既是一乘故不云寄十者撮要謂六決定宗辯此

故十撮要者於此十中二三四八十通於

圓融行布初一雙非餘皆行布多約寄法

顯淺深故若以圓融融彼行布則無不圓

融故以別從總皆十地宗若別中之別則

地地別宗別論其趣不異總趣六於此十中

義收束不出圓融行布如二中所證十如

若約十如各異即行布門若約一約二約

如十如之德各互相收即圓融門三約中約

十親證淺深之異即行布門若約證即證

智如既圓融智無異相一證一初證即證

融義四中若約所斷十障即行布門皆隨

所知一斷一行布門以教同證並皆無住即

地不同即行布門以教同證並皆無住即

是圓融十中六決定不出證智等例前可

知故通二相初一雙非者以離言故若就

圓融未免於言言地地別宗者如初地以

施爲宗二地以戒爲宗餘非不修不成宗

故別論其趣不異總趣者第三結成宗趣

也上十別宗初明相異分二不同後圓融

融之十皆具二一一行布爲宗則圓融論

爲趣若具二爲宗則一行布爲宗則圓融論

其體性多不出前爲成干故小有加減一

即離言體二所證體梁攝論云出離真如

爲地體故三能證體無性論云法無我智

分地位故此論亦名爲智地故其所斷約

離故非地體若取離惑所顯又即真如四

合能所證以爲地體獨不立故梁攝論云

如如及如如智獨存故五收五六七及其
第九爲隨相體此等皆爲成地法故六取
光明三昧即證入體正相應故論云三昧
是法體故七就德體即教證不住三道爲
體入隨要體謂六決定九總攝體成唯識
云總攝一切有爲無爲功德爲自性故十
唯因體取其別相異果海故收此十體不
出三體一總含體二剋實體謂智與證三
離言體配屬可知上二即因下一爲果因
果非即離言慮雙絕以爲地體論其體性下第二示
體性也於中亦二先別示十體後以總收
別今初然解上十宗體可例知但有開合
取捨之異耳六取光明三昧即證入體者
上說如智合明但雙舉能所證法今以人
就法正明三昧則藏以如智合如如理
云正相應收此十體下第二以總收別言
配屬可知者十中初一即離言體二三問
四六皆赴實體五七八九十皆總含體
何爲地前顯圓融德地上行布彰淺劣耶

答顯一乘故云何顯耶三乘之位地前行
布地上圓融今一乘位地前地上俱有行
布圓融若俱雙辯則前後不異若地前行
布地上圓融則全同三乘前淺後深又似
行布圓融各別教行不知法性教行非即
非離故於地前但顯圓融已過三乘地二
多明行布以顯超勝勝相云何謂賢位始
終已圓融自在登地已去則甚深甚深言
所不至若不寄位何以顯深不包三乘何
以顯廣故虛空鳥迹迹迹合空大海十德
德德皆海地地之中具攝一切諸地功德
文文之內皆云若以殊勝願力復過於此
不可數知故剛藏侯五請而方說世親以
六相而圓融意在於斯矣又此一會文唯
一品關於方便及勝進者正表斯義所以

闕方便者有二義故一表證法無二離方便故二總攝三賢皆爲入地之方便故闕進趣者亦有二義一十地如佛更無趣故二以十定等品即此勝進故若爾何以別會說耶舍二義故一開此勝進成等覺故二勝進趣佛行深遠故若別立方勝進即不得包攝前後顯地圓融十地甚深良在於此地前乃我地之前安得云深異於地上此解尤妙學者應思問何為地前下先問深淺後各明彼顯一乘有標徵釋釋中有六一示三之相二若俱下反舉非理

三故於地前下順各其難四故虛空下引證一鳥跡即示說分齊中二大海是地影像中三即第一經云菩薩住於一地具攝一切諸地功德四文文之內即說分中辯五結深如下明又此一會下六以文成立於中二先標由無方便進趣故知攝前後故為甚深後所以釋於中四初正明二若爾下解妨三若別立下反舉立過四十地甚深

下結酬

第四釋文一品分二初長行散說

後偈頌總攝偈中雖有第十地偈以後有
總攝之偈前隔結通等文故從文便科之
中間諸頌攝在當地初長行中二先正說
十地後爾時復以下菩薩證成前中亦二
先顯此界所說後如此世界下結通十方
齊說第四釋文下然下用論小異於古護
釋經後復釋論後人多取遠公釋論之文
不觀前文釋經之處故多闕畧今省對會
二處釋文為一異也二昔人或釋經竟後
牒論釋或復牒論而後釋論今則經中易
者則直用論為疏釋之或令義顯加一兩
字若經文難則先釋經後引論釋若論難
者先牒論文後方疏釋或先取論意以解
經文後引論證為二異也三晉經論經及
何
今唐本三經不同賢首釋晉遠公釋論後
人但取以釋今經若不善會時有差失今
同則不明異則通會為三異也四古德隨
難釋論而不具用意令經論相對而講故
無論本釋經不盡後人則多牒論又不委
釋論語既難對於論本講之尤難今則難
易皆牒難者則釋設有引彼論易了故
有論無論講皆無滯為四異也已知文意
次正釋文疏文分二先總科判後隨文釋
前中若準遠公就經分判有其二義一寄

人顯德二就法分別初中復二一約化主
二約助化此二各具體相用二化主三者
佛成正覺顯證法體次七日思惟以彰德
相下論云思惟因緣顯不共法後金剛藏
入三昧下彰其德用二就金剛藏助化三
者初下三昧顯證法體諸佛同加顯德勝
相故下諸佛相與讚歎乃能入是大乘三
昧起分已下是其德用釋曰此上各二深
有所以分以非釋法故畧不釋今疏科文即
是就法分別耳疏文分二先傍論依經科
後為四十八下依論約義科前中又二先
正科判後明次第前中復二先攝疊科從
後攝之則有三重若從前數應為四段一
此界說地二結通十方三菩薩證成四總
攝總前中或總為一十地法門前中或總
增數展轉科微明此十須知論中初地八
分謂一序分二三昧分三加論中初地八
本分六請分七說分八較量或為二分謂
勝分下文開合多涉此八

初正說後動地等顯實證成

或為三分謂序正流通然教證不同三分

亦異就教三者初至起分是其由致以發

起正說故二本分已去是其正宗正說地

故三地利益分以為流通益末代故二就

證三者序分為序三昧分為正宗因入此
定顯實證故故論云三昧是法體故也加
分已去皆是流通由說自所得令信行菩
薩證入地故言加分已去皆是流通者以
若約顯法益及末代則屬或為四分於正
教攝信行菩薩以下當明

說中初法說顯地影像分喻顯地故教證
準前或為四分者具列應云一序分二法
言教證準前若約約教道即正宗開二已
如前列若約約教道即流通開出應云一序
分二正宗分三法說流通分四喻說流通
分然下釋文但就教道故疏但云於正說
中或為五分序為遠序三昧已下是近序

故言或分為五者亦準約教道就序分二
序後三同或為六分隨行德分初至起分
起化之由為生物信二本分中略說讚勝
起眾樂欲三請分中彰地超言令生正解
四說分中廣明修相令物起行五影像分

寄喻顯德六利益分明德成證實感化斯

現言或分爲六者即於前五分合初二序
名者一起化由致分二畧說讚勝分三彰
地起言分四廣明修相分五寄喻顯德分
六德成證實分然其義意下又廣明今當
畧釋故於疏中皆有一句如初分云爲生
物信者佛法大海信爲能入初分顯六成
就明信可知三昧分信其親證起分信其
將說第二分云起衆樂欲者示體舉名讚
是三世諸佛同說故生樂欲第三分今正
解者則藏今知心地無我今聞空中風畫
之相示其深玄不許隨識今隨智解諸佛
加請令開勝義廣智妙行入住展轉修習
之相復示分齊義說二大同行不同相超言
絕慮故生正解第四分今起行可知第五
分言顯德者說於四喻顯教證德寶珠大
海顯證深玄十山河彰教深廣故名顯
德第六分言德成證實感化斯現者此段
意龍下文結說證成地利益故菩薩證成
即是證實現瑞證成即感化斯現餘如下
說或爲七分從初至請分爲六說分徧通
於十地故問論云初地所攝八分第七說
分八校量勝分明知說分唯說初地如何
得通答若不許通何爲初地獨受說名故

知標於總稱即受初地別名若以論云初
地所攝便定局者則前六分亦不應通是
知八中前七皆通後一方局又下說分雖
言自此已後正說初地既有初地說分則
有二地乃至十地說分或分爲七者於中
中後二爲說通十地故後問論云下解妨
難先難可知後答於中五一反詰以成謂
十地皆說何以初地獨受說名二故知初
正示通義五塵皆色色獨受名初地在初
論偏名說三若以論云下引例反成論主
既云初地所攝有八分前六既通七何
不通若前六不通應獨爲初地入定不應
通舉十地名體不通應五諸應唯請初前六
既通七通何與四知八中下結示正義
後一即校量勝分五又下說下重遮外難
恐有難云下文論云已說請分自此已下
正說初地明說局從既有初地說分下是
疏通難以論釋初地有說地地有說復
應更有難云若許說通則此一品唯有九
分無四十八亦應答云隨地別科或爲八
分開地利益異正說故或分爲八分者謂說
八地利或爲九分影像望前法喻別故或
益分

九分者即於前八說分中開應云 或爲十
七法說分八喻說分九利益分 或爲十
分即是十地或於前九加後偈頌 或爲十
十地即是論意因便故來下是疏意既加
偈攝則現瑞證成結通十方皆屬地利益
攝此十次第有其三義一就化相通爲起
說二就化意通爲顯證三隨宗要教證雙
辨初之一義隨文釋中論自具之今當略
辨一起說由致故有序分二顯證能說有
三昧分三示說不虛故有加分四定無言
說故有起分五起先略陳故有本分六聞
名渴仰故有請分七正爲廣陳故有說分
上七依論次第第八別說難曉以喻總明有
影像分九爲說既竟顯勝勸修有利益分
十散說難知有偈頌分二顯證者初分爲
顯證由致餘九正顯證相於中前三就相
顯證一寄入顯證二因加顯證由得加故

顯證不虛三寄出顯證不起無言不能顯
寂故次四就說顯證謂本分略說顯證請
分拂相顯寂說及影像寄修相以表德但
法喻不同次一分就益顯證後一重述證
德三雙辨者初一爲由後九正顯教證之
相於中三昧顯證後八顯教從加已去即
有說故八中次第同初門說 此十次第者
次第先標三章說即教道證即證道三即
合二後初之一義下隨章別釋初教可知
二顯證中言請分拂相顯寂者剛藏三昧
顯證深寂令亡情相相知心無我悟於地智
本寂然故言寄修相以表德者此言有二
一通二別別則七爲修相八爲表德通則
可知三雙 或爲四十八分謂初地十地各
攝八分二地二分三四與九各攝四分五
六各三七地五分八地七分故四十八 或
四十八下第二依論約義料於中二先正
科後問答今初先且依論具列對疏可知
論曰十地法門初地所攝八分一序分二
三昧分三加分四起分五本分六請分七

說分八較量勝分二地即第四論云如是說證正位依出世間道因清淨戒說第
 二菩薩離垢地此清淨戒有二種一發起
 淨二自體淨三地即第五論云依第三
 明地差別有四一起獸行分二獸行分三
 獸分四獸果分四地即第六論云第四
 敬慧地依彼淨三昧間持如實智中顯示
 此地差別有四分一清淨對治修增長
 因分二清淨分三對治修增長分四彼
 果分五地即第七論云第五地中分別
 有三一勝慢對治二不住道行勝三彼果
 勝六地即第八論云如五地中三分一
 差別勝慢對治二不住道行勝三彼果勝
 六地亦如是應知轉勝七地即第九論
 云第七地中有五種相勝七地即第九
 對治二彼障對治三雙行差別四前上
 勝差別五彼果差別八地即第十論云
 八地中有七種相差別一總明方便集
 地分二得淨忍分三得勝行分四淨佛
 土分五得自在分六大勝分七釋名分
 地即第十一論云九地中有四分差別
 一法師方便成就二智成就三入行成
 四說成就十地即第十二論云菩薩九
 地中以作淨佛國土及化眾生第十地
 修行令智覺滿足此是勝故此十地中
 分差別一方便作滿足地分二得三昧
 三得受位分四八大盡分五釋名分六
 神通力有上無上分七地影像分八地
 益分已列四十八分類問初地八中前
 例不次而引對論可知

十地八中後二義該十地何爲論判屬初
十耶答地論科文有其四例一以後攝前
例以前序等近初地故判屬於初二以前
攝後例後二近於十地故法雲攝非謂不
通三當相分文例如中間諸分四顯地該
收例謂顯十地是陀羅尼法故諸地中文
雖隱顯義必全收一一地中皆四十八如
初六分屬於初地許該餘九類顯餘分無
所不通問初不說戒無彼二淨不說禪枝
無起獸等如何諸分地地皆通答明言義
通那引文局豈不經說地地之中具足一
切諸地功德寧許初地不持戒等已略料
揀問初第八中前七下第二問答料揀於
中有二問答初問論科通局後問初不
說戒下釋通外難前中先問後答可知二
答中二先詞問非以文難義故後豈不下
示正
可知

爾時世尊在他化自在天王宮摩尼寶藏殿

次正釋文若依十地即爲十段初歡喜地

文有八分七如前明第八名爲校量勝分

文之分齊至下明顯今初序分論經別行

具六成就今攝在大部故闕信聞但有餘

四謂一時二主三處四衆雖有四事而論

但云時處等校量顯示勝故此法勝故在

於初時及勝處說而不言主衆勝者意明

主衆餘經容有故若以相從主既十身衆

不可說亦得名勝故論有等言言雖有四事等者引

論釋局意二而不下出論
局意三若以下將論義通今初爾時者時

勝以是初時得名爲勝故論云婆伽婆成

道未久第二七日故論經別行故標二七

今經攝在大部但云爾時即是初會始成

正覺時也且依論明若以初表勝初七最

初何故不說論云思惟行因緣行故因者

能說之智緣者所化之機欲將所得妙法

以逗物機故云思惟行行故法華云我所

得智慧微妙最第一思惟因也衆生諸根

鈍等思惟緣也論云本爲利他成道何故

七日思惟不說顯示自樂大法樂故此問

意云在法身地見機堪化方應成佛何用

更思今答意云非是思而後知自爲受法

樂故大法樂者即所得智慧寂靜樂也論

云何故顯已法樂爲令衆生於如來所增

長愛敬心故復捨如是妙樂悲愍衆生爲

說法故何故惟行因緣行耶顯示不共法

故謂窮智究竟照機無遺除佛一人無能

及者名不共法又因緣亦即所證深理唯

佛窮故以是初時下疏文有三初畧釋勝
義二論經別行下會今無二七之

言並可知論云何故顯已法樂下第三微
釋受樂之意成上為利衆生非已自要受
樂三且依論下徵釋初勝前初有多云且
依論於中有四重徵釋一明初七不說義
為思惟故於中先依論釋後因者下以疏
釋論引法華中然彼以智慧為所說此為
能說小異大意是同故下論釋衆疑何因
何緣論云為因說者不能說耶為緣聽者
不堪聞耶即是義也論云本為下第二微
釋思不說意可知何故唯行因緣行下第
四微釋唯因緣意前段及此俱是論文從
謂窮智究竟下疏釋論於中先順論文釋
其通相審法觀察又因緣下 二世尊者主
唯約所證果海得不共名

勝義如前釋

二主勝可知

三在他化下處勝論

云此處宮殿勝故宮即自在天宮勝下五
天故殿即摩尼寶藏純寶所成勝寶嚴故
他化天宮既表地智無心而成化事摩尼
寶殿亦表慈覆無心出用無盡若以欲頂
為表勝者色界尤勝何不彼說論云此處
感果故謂機感在此故又色界為長壽天
難不能感果能感勝果必是欲界之身故

與大菩薩眾俱

密嚴中明此處十地菩薩常所遊履大乘
同性經云此處有報佛淨土故於此處說
若唯約機感失所表義 三處勝正釋中言
宮即下疏釋論文
若以欲頂下二難成勝義於中三初取意
微起二引論正釋三謂機感下疏釋論文
於中二釋一物機為感佛應為果二又色
界下一向就機能感果報釋下引二經皆
明他化能感勝果若唯約下反成後義言
失所表者失地智無心等故則前正說對
下顯勝後將欲頂對上顯
勝故獨第六得名處勝

四與大下眾勝文分為五一揀定眾類二
住一切下歎其勝德三其名下依德列名

四如是下結數難測五金剛藏下標說法
主今初又三一揀大異小同菩薩故

其諸菩薩皆於阿耨多羅三藐三菩提不退

轉

二其諸下揀尊異卑謂八地已上念不退

轉故彌勒問經云自分堅固名不退勝進
不壞名不轉若準論經又云皆一生得無
上菩提則皆等覺等覺亦通念不退故又
仁王經一生正得下寂滅忍言不退者不
復退入無生忍故顯文雖爾本迹難量多
是諸佛之所化故

悉從他方世界來集

三悉從下揀新異舊他方集故

衆勝五科
中初文分

三揀大異小揀尊異
早揀新異舊並可知

住一切菩薩智所住境入一切如來智所入

處勤行不息

二歎德中有二十句初二略明後二總結
中間廣歎今初略中初句自分行滿謂權
實無礙智住真俗雙融境境智一如無住
住故後句勝進行滿證佛所證則是如來

何一

十七

勤行不息故名菩薩

二歎德畧明中言證
佛所證即是如來者

此明是等覺菩薩故即十定品意舉其十
對以是義故則名為佛以是義故即名菩
薩恐繁不引

善能示現種種神通諸所作事教化調伏一
切衆生而不失時爲成菩薩一切大願於一
切世一切劫一切剎勤修諸行無暫懈怠

二善能下廣歎有十六句分二前十三句

廣自分

後三廣勝進前中亦二初三明行修具足
一神用善巧二調化應時三行願徧於時
處

具足菩薩福智助道普益衆生而恒不匱到
一切菩薩智慧方便究竟彼岸示入生死及
以涅槃而不廢捨修菩薩行善入一切菩薩
禪定解脫三昧三摩鉢底神通明智諸所施

爲皆得自在獲一切菩薩自在神力於一念頃無所動作悉能往詣一切如來道場衆會爲衆上首請佛說法護持諸佛正法之輪以廣大心供養承事一切諸佛常勤修習一切菩薩所行事業

餘十句德用圓備四福智益而不竭五權實智慧雖已究竟六以無住道不捨修行七內證定智通明八外用施爲自在七中若順三乘法相禪即四禪定即四無色定解脫謂八解脫三昧者此云等持平等持心趣一境故即三三昧諸有心定三摩鉢底此云等至由離沈掉至一境故局在定地通無心定謂無想滅定等神通明智即通目一切有心無心定地所引功德今此菩薩皆能善入善引若就一乘釋者禪定

何一

大

即十禪定解脫即不思議等三昧等至各有無量百千通明及智皆各有十十無盡是普賢位菩薩所得九內獲自在幹能十外能一念周徧請法十一護法十二供養十三二利勤修言若順三乘者即瑜伽論釋中明已見上文中大方廣佛華嚴經疏鈔會本第三十四之一

音釋

禪涉切 匱求位切 掉徒了切 幹古尸切
猶指也 匱乏也 掉搖動也 幹枝幹也
顧戀戀龍眷切 撮子括切
戀係慕也 撮稍取也

大方廣佛華嚴經疏鈔會本第三十四之二 何二

唐于闐國三藏沙門實叉難陀 譯

唐清涼山大華嚴寺沙門澄觀撰述

其身普現一切世間其音普及十方方法界心
智無礙普見三世一切菩薩所有功德

何二

後三廣勝進即三業廣大及下結文並顯
可知

悉已修行而得圓滿於不可說劫說不能盡
其名曰金剛藏菩薩寶藏菩薩蓮華藏菩薩
德藏菩薩蓮華德藏菩薩日藏菩薩蘇利耶
藏菩薩無垢月藏菩薩於一切國土普現莊
嚴藏菩薩毗盧遮那智藏菩薩妙德藏菩薩
栴檀德藏菩薩華德藏菩薩俱蘇摩德藏菩
薩優鉢羅德藏菩薩天德藏菩薩福德藏菩
薩無礙清淨智德藏菩薩功德藏菩薩那羅

延德藏菩薩無垢藏菩薩離垢藏菩薩種種
辯才莊嚴藏菩薩大光明網藏菩薩淨威德
光明王藏菩薩金莊嚴大功德光明王藏菩
薩一切相莊嚴淨德藏菩薩金剛皎德相莊
嚴藏菩薩光明皎藏菩薩星宿王光照藏菩
薩虛空無礙智藏菩薩妙音無礙藏菩薩陀
羅尼功德持一切衆生願藏菩薩海莊嚴藏
菩薩須彌德藏菩薩淨一切功德藏菩薩如
來藏菩薩佛德藏菩薩解脫月菩薩

三列名中前三十八同名藏者表於地法

有含攝衆德出生果用故後一名解脫月
者即請法上首脫衆疑闇使得清涼如夜
月故又藏表根本智包含出生月表後得
清涼益物蘇利耶者此云月也俱蘇摩者
悅意也即是華名餘之別名可隨義釋

如是等無數無量無邊無等不可數不可稱不可思不可量不可說諸菩薩摩訶薩衆

四結數可知

金剛藏菩薩而爲上首

五標法主論云何故菩薩說此法門爲令

何三

二

增長諸菩薩力故謂彼同類而能爾故

標五

法主中文有三節第一釋菩薩從謂彼同類而能爾故菩薩衆多何

故唯金剛藏說論答云一切煩惱難壞此

法能破善根堅實猶如金剛故不異名說

此釋金剛謂表地智有堅利二義如金剛

故能壞煩惱即是利義

釋菩薩衆多下第二釋金剛義上句義

生次何故下皆是論文後此釋下疏釋論但釋利義堅義文顯下釋藏義

論先問云何故名金剛藏此問意云爲以

藏攝金剛名金剛藏爲以金剛而爲藏耶

上即有財下即持業而論雙順二句順後

句云藏即名堅其猶樹藏謂如樹心堅密

能生長枝葉華實地智亦爾能生因果此

就能藏名藏次順上句云又如懷孕在藏

是故堅如金剛如金剛藏此謂子孕在胎

藏中善業所持堅不可壞而得生長此就

所藏名藏二喻俱有生長之義論下廣合

云是諸善根一切餘善根中其力最上猶

如金剛亦能生成人天道行諸餘善根所

不能壞故名金剛藏此之一合通上二喻

是諸善根謂無漏善餘諸善根即二乘地

何三

三

前今無漏善於餘善中如孕在於胎藏其

力最上雙合二喻堅義亦能生成通合一

喻生長之義其力最上猶如金剛當體名

堅餘不能壞對他名堅

下釋藏義下第三釋藏然含攝名藏

前已總釋今將金剛問藏從此問意下疏釋問意次而論下生起後答藏即名堅下

論文謂如樹下疏釋言就能藏名藏者金剛即藏持業釋也從又如懷孕下論文從此謂子孕下疏釋所藏名藏即有財釋也從論下廣釋合下論文從此之一合下疏釋論然能藏即地智所藏即因果俱有堅及生長故得通合餘可思準

爾時金剛藏菩薩承佛神力入菩薩大智慧光明三昧

第二爾時下明三昧分爾時者衆已集時金剛藏菩薩者標入定人爲衆首故承佛神力者辨入所依顯定深玄唯佛窮究故推功有在無我慢故菩薩大智慧光明三昧者顯所入定名三昧通稱餘皆別名智慧是體光明就用照二無我證如名慧照事名智此二無礙能破見惑及無明故名曰光明大有二義一揀異凡小二能斷大惑能證大理成大果故彰非果定故云菩薩即照之寂故云三昧智與理冥故稱爲

入第二三昧分疏文有四一釋文二會論慧者即根本智照事即後得智此二通十地故能破見惑初地地證智謂分別隨眠及無明言通於十地地地斷二愚離所知故亦以上二智別對二惑破見惑故斷無明一揀異凡小者地前爲凡不破惑故不證理故不得稱大二乘爲小二乘見道現在前時唯斷煩惱唯照生論經名爲大空故二能斷下當相辨大

乘光明三昧則光明即智此與唯識第九

四定初定名同論經下第二會論則光明

全喻智慧即體合體用言同唯識第九四

定者四定已見第六迴向出現更廣然論

釋云一大乘光明定謂此能發照了大乘

用教行果智光明故即知大乘之言通體

今大宇然其體性不出三種一定二慧三

所證如以具能所證兼寂照故然其體性

體三合爲體所以入者意略有六論但有

非獨定也二一謂表深論云顯示此法非思量境界

故二即以此義顯非證不說故餘四如十

即取意爲第二義耳然非思量境直就法體顯其離言非證不說約人說法言餘四如十住者三示法體故四觀機審法故五上受佛加故六下爲物執故其三昧是法體即次下論文

入是三昧已

第三入是下加分有六一辯加所因二即

時下能加佛現三作如是下讚其得定四

善男子此是下雙辯加定因緣五欲令汝

下辯加所爲六善男子下別顯加相今初

入是三昧已者若未入定佛不加故故下

論云所以偏加金剛藏者得此三昧故十

住會云以三昧力故三加分有六初辨加所因可知

即時十方各過十億佛刹微塵數世界外各

有十億佛刹微塵數諸佛同名金剛藏而現

其前

二能加佛現中有五一佛現時謂正入定

何二

五

時二十方下來處遠近三各有下能加佛

數四同名金剛藏顯名同所加五而現其

前現身生信二能加佛現等者疏上文有二一略消經文上二三

中意明多數勝前位故若爾何以不言無

量世界而云十億刹塵界耶論云方便顯

多佛故謂無量雖多其言猶漫人不謂多

今假以刹塵一塵一刹一刹一佛便謂細

而叵測若爾但趣舉刹塵即已顯多何要

定言十億有二意故一爲說十地故二此

經如是多說十數顯無盡故即由此義不

云無量無量不得顯無盡故何要顯此多

佛加耶論云顯於法及法師增長恭敬心

故又表諸佛皆同說故二上二三下依論釋五段釋文於中

分二先合解二三同顯多故後別釋第四

前中四一舉少顯多二若爾何以釋成

多義先舉論謂無量下疏釋三若爾但趣

舉下釋成十字四何要顯此多下釋多所

以何要同名加論有二意一云本願力故何故如來作如是願顯示多佛故此三昧是法體本行菩薩時皆名金剛藏同說此法今成正覺亦名金剛藏故不異名加此中論意云諸佛因中得定名金剛藏遂發願言我成佛時亦同其名所以同者為顯菩薩所得法體同於多佛明人異道同故論意正爾若以義取亦通遮那本願以佛因中得定說法能加所加同名法爾亦發斯願以顯道同故下經云亦是毗盧遮那如來本願力故第二意論云又是菩薩聞諸如來同已名已增勇悅故前就法理此就化儀何要同名加第二別釋第四段先問意云若顯多佛何不說一切異名佛加豈不更多故論有二答初意中二先舉論然論文有三初標本願二何故如來下釋願所以三本行菩薩時下出願相此中論意云下疏釋論中先順文釋後以

義釋前中二先釋論第三願相後所以同者下釋論第二出願所以然上論文顯是多佛故此三昧是法體者此言稍略合云顯示多佛同依此三昧法體故此明佛得三昧同於多佛反釋論云為顯菩薩所得法體同於多佛從人異道同下結成同意故諸佛等從地門顯皆名金剛藏從迴向願皆名金剛幢等若以義取下第二以義釋前明諸佛本願今願遮那本願引下經證即是次文雙辯加定因緣中

文彼既主佛願加則其願相同多佛也第二意下同已名者然結云前就法理者證金剛智名皆同故此就化儀者謂化儀訪物故言勝悅非金剛體有此悅也約化儀中二儀故悅我一約自行諸佛證窮金剛之智名金剛藏我入此定上造佛境是故悅也二約利他我入此定將演斯法恐物未知今佛自說與已名同眾知金剛藏同佛所證言必信受故踴悅也

作如是言善哉善哉金剛藏乃能入是菩薩大智慧光明三昧

第三同讚得定顯有加因

善男子此是十方各十億佛刹微塵數諸佛共加於汝以毗盧遮那如來應正等覺本願

力故威神力故亦是汝勝智力故

第四雙辨加定因緣中有四因緣一伴佛

同加故二主佛本願故三主佛現威故四

定者智力故第四雙辨加定下疏文有四

彰冥顯加異初之一事唯得定因先由佛

何三

加方能入故故論云彼佛先作是願今復

自加後之三事通於二因此能入定由

此得加故非正加相故論云後餘佛加故

言盧舍那佛本願力故加此論意云後文

方顯諸佛加相即由此中本願力耳則此

是加因初之一事下第二料揀通局然其

已具疏文今先連引論云彼佛先作是願

今復自加後餘佛加故云盧舍那佛本願

力故加疏離開論以釋二因則以論文後

餘佛加爲後加相今主佛願爲後加因細

顯加相但意冥加故即前承佛神力耳若

得定下第三彰冥顯加異所以辨此者由
古人以初伴加爲顯加相後之三因唯是
加因則因與加別爲因義成今既後三皆
通定因今已得定那言非正加相在
後故有此義明加有二一則實加在定
前加今得定二是顯加要得定後方堪受
加是則定因有四加因亦四雖闕伴佛加
因而有得定一因故有四也所以第三會

中後三因初有又是之言四五兩會同云

亦是故不可將前一因爲正作加若此已

作加何用下文正顯加相餘如第三會辨

是則加因下第四定其因數伴佛之加唯

是定因故加因闕一足前得定還成四因

故上云讚其得定顯有加因成立三故不可

明二所以第三會下引例成立三故不可

下結彈古人初文可知二中凡言又亦皆

是其重義上已有一下方言又若初伴佛是

其加相主佛本願初是定因何得言又亦

字同此明知伴加已下是定因何得言又亦

因故云又耳故不可下第三結彈古人先

直非後若此已下出其所以成復重故餘

如第一會辨者彼處顯顯差當故略叙少

轉爲加因亦非定因二初一爲定因後三

與定何先何後若先定後加則不應言汝

能入是三昧此是諸佛共加於汝若先加後定則不應在三昧分後又散心不能受加古人通云加定一時難云爲因不成不同俱有因義加充可分故示正義云加有二種謂真與顯真加在前顯居定後等故云餘如彼疏

欲令汝爲一切菩薩說不思議諸佛法光明故所謂令入智地故攝一切善根故善簡擇

何三

八

一切佛法故廣知諸法故善能說法故無分別智清淨故一切世法不染故出世善根清淨故得不思議智境界故得一切智人智境界故

第五明加所爲故論云何故加然直就經文則應分二初總明後所謂下別顯論無所謂二字故取別中入智地句入初總句總別合明但有二十前十依自利行後十依利他行義雖兼通從多分判欲顯二利差別相故今依論釋初十句中論以二門

解釋一直釋經文二會通本末初門先釋總句彼經云又一切菩薩不可思議諸佛法明說今入智慧地故既將別句入總即經論開合不同論經云明即今經光明但廣略有異彼云明說此云說不思議彼未

迴文即經論方言有異

第五明加所爲等

何故加復云何加以復云何然論有二問云下文重徵故此不釋言義雖兼通者以自利中有善能說法利他中有習無漏法則如善說法亦通云從多利今取自利之能故分二利略有四門一利行體六度等行以爲自利四攝等行以爲利他二利動人修起盡度四等成之在已皆名自利動人修起盡名利他三約修說自他二利自分所成可用化人皆名利他勝進分中一切行德修之未熟未任化他唯可自習名爲自利如下第九地法師方便中說四就義門以分自他諸行皆同一體互相助成自利門說皆成自利通從多說耳文有二十句分二初十依自利後十依利他前中二初直釋經文二通會本末前中二初釋總二既知釋別總中二初會二經同異可知

二經同異次正釋文初欲令汝爲者標舉章門總顯加意意爲何事謂一切菩薩說等此中三義一一切菩薩是所被機二不思議諸佛法光明是所說法二令入智地是說之益

二正釋經文二初總標三義可知

被何等機論

云是中一切菩薩者謂住信行地此通二類一謂地前未證真如但依信心而起行故無著論中亦同此名二通地上如初地加行位中名信行地即地地加行皆名信行以攝論中意言無分別觀通於四位故知地上亦有信行下釋所入智地及別入中皆通十地明知所被不唯地前況下請分中論云未入地者令得淨心已入地者令得十力必通被也

二別釋三義三初所被機中言被何等機者徵也二釋經一切菩薩先舉論可知從此通二類下疏釋然其分位略有二種一

信二證經證方便決定名信正得云證若大位以分地前名信地上名證故下論云已入初地非信地攝即疏初意若通相說地前地上皆有未得名信已得名證今此菩薩爲信非證即疏後意於後意中疏文有二先標舉立理可知以攝論中下引證於中二先引攝論意言之義已見上文卽是意識依名言分別故是地地加行非正證也通四位者五位之中唯除二中說何究竟耳下釋所入下引當論證

法被此有二種一所證法論云不可思議諸佛法者是出世間道品此明十地法體是無漏故名出世間生佛果故名道十位行法類別名品既是佛因是佛所證故云佛法心言路絕名不思議二說能證論云

何二

十

光明者見智得證此謂後得觀事差別名見根本觀理一相名智見達於事名得智契於理名證直語智體故言見智以智合境故言得證地法雖多不出此二見智雖廣此釋正宜故解深密第三云我無量門

宣說智見今當為汝略說其相若緣總法
修奢摩他毗鉢舍那所有妙慧是名為智
若緣別法修奢摩他毗鉢舍那所有妙慧
是名為見即斯義也上云說者令分別上
來能所證法二歎能被法中二初微可知
結釋中此明十地法等者是疏釋論然道
有二義一即證道當相名道二道即因義
即疏中意既是佛因下疏釋經文佛法有
二義故一是一佛因法二是不思議佛所證法同證
如故從心言路絕釋不具然遠公云數勝道斷
心行處滅故前文已具然遠公云數勝道斷
辭也據法望情名不思議以其法外本無
情故其義云何情相之與原由妄想妄取
故便有相生以依相故復起心想隨言說
實即是覺觀依此覺觀便起言說起言說
已復起心想取所說法此即言說以之為
道心以為行於是心想熾然不息今契法
實滅除妄想相即不生相不生故立名心
滅名心滅故名即不生名不生故覺觀不
起覺觀不起故說隨亡言說亡故不復
依言取於所說不取說故言說斷心行
處滅心行滅故名不取說故言說斷心行
不及故不思議今就情望法故不可思議
釋曰言雖繁重亦有理在二說能證下疏釋
釋經光明字先舉論可知從此謂下疏釋

論於中二先正釋可知後地法雖多下結
成於中又二先結成論意謂地法無量門
不出能所二智故將此二以釋光明為至
當也見智雖廣下結成於疏謂見智二字
雖有多見釋此釋正順論意故云正宜故解
深密下引經證成此釋要當緣總法者萬
法雖異一智以貫成此釋要當緣總法者萬
為別法故與疏釋義理合也言見智雖廣
者略示一二如般若論見即是智揀於比
智故云見也揀於眼見故云智也又遠公
云俱是一智隨義立名見智是解得證是
行解有始終見始終智推求名見決斷稱
智行有始終得始終證上之解雖各有
得心冥合如說以為證上之解雖各有
理不如其前解契合論文故云正宜三說
以其二智遍攝諸法故三結可知三說
此何益令入智地論云入者信樂得證此
中信樂即所被機得證即上二智契合入
何法耶所謂智地論云智慧地者謂十地
智如本分中說即上不思議佛法也上說
能所證者意令菩薩以能證智入佛所證
法是此總意三中說此何益下即釋今入
論證可知此中信樂下疏釋論若準遠公
信樂得證皆是入義信樂入始得證入終

於證決定名信信增名樂得已說總句入

地之相次下九句依本開末顯入差別論

云此修多羅中依根本入有九種入此九

種入寄於四位初四願樂位次一見位次

三修位後一究竟位此九種入下是疏解釋先科為四願樂即

是地前近地方便亦屬地故地後勝進趣究

竟故皆十地攝近地方便下通妨謂別九帶入言即入約證地前未證何得屬入究竟非因豈為地智故云近地方便等通前願樂後勝進言九入者一者攝入謂聞慧下通後究竟

中攝一切善根故言九入者一攝入下別釋九入全是論文若有

疏釋自當指出二者思義入思慧於一切

道品中智方便故智方便者即善揀擇道

品即是佛法二思義入者然思慧二句後句思成此句正思思必依義云思義入從智方便者三法相入彼彼義下是疏釋論會就經文

中無量種種知故彼彼即是諸法種種知

即廣知此即所思法成言彼彼即十二入隨所思義名字具足故能善說此知修

慧修通二利菩薩利他即是自成佛法故

入自利中收四中修通二利下通妨謂既言前十自利那明善說通意

知五證入於一切法中平等智見道時中

善清淨故言平等者即無分別無分別智

正證真如離二取相故云平等二我分別

隨眠不生名善清淨最初照理立見道名

五證入者從言平等下即疏釋論此入見

道正證真如故唯識論通達位頌云若時

於所緣智都無所得爾時住唯識離二取

相故釋論曰若時菩薩於所緣境無分別

智都無所得不取種種戲論相故爾時乃

名實住唯識真勝義性即證真如智與真

如平等俱離能取所取相故能取此

取俱是分別有所得心戲論相故能取此

證智及所證如俱離二取又上言不取者

離於能取種種相者離於所取餘可思準

一次論云有義此智相見俱有帶彼相起名緣彼故若無彼相名緣彼者應色等智名

聲等智若無九分應不能緣草可說爲緣
有見分釋曰即破前師義先破無相謂此定
智之上無真之相而能緣如色等智上無如
聲等相應緣聲等後破無見中能緣故三真
性亦是能緣者同無見分而能緣故三真
彼相論云有義此智見有相別說無相取不
取相故雖有見分而無相別說無相取不
取全無相釋曰何名緣彼下論即加七三
文既無相分何名緣彼下論即加七三
相分而可說此帶如相起不離如故變而自
證分緣見分說時不變而得此亦應爾故而
緣者便非親證如後得此智應有分別故應
許此體相有相起故無釋曰謂此緣相智分
如之體相有相起故無釋曰謂此緣相智分
起名緣於如不離今經故釋曰帶相分影帶
論以後義爲正依今經故釋曰帶相分影帶
即俱有能所宛然今經故釋曰帶相分影帶
二無礙方能名證淨然今經故釋曰帶相分
二我下釋善清淨釋平等中但觀上來所
引唯識居然易了若細委配言平等者即
無分別義從無分別智正證真如平等釋
無分別義從無分別智正證真如平等釋
分我別稱平等所以即唯識中清淨者釋
二我別稱平等所以即唯識中清淨者釋
清淨言別意正明見道時清淨者釋
釋清淨後重解見道時清淨者釋
我法我二我爲本而起二障今言二我即
取二障耳故唯識云煩惱障者謂執二我
所執實我薩迦耶見而爲上首一百二十

八根本煩惱及彼等流諸煩惱隨煩惱此
皆欲界四諦各有十或爲四上二界各
曰欲界七十二疑及三見一十二並是見
除之惑然疑及三見一十二並是見
本之惑然疑及三見一十二並是見
欲界唯六上二界除見一十二並是見
見修辨有一百二十八論爲十故修有十
執無明計所執實法薩迦耶見而爲上
障菩提名所知障釋曰見疑已下辯出頭
數與煩惱障同煩惱障有多品類今所
所知障唯是不善有煩惱障有多品類
記所攝故無多顯類又顯法執斷亦異
地煩惱即惑言四所知障者有爲無言
顛倒性者謂真如所知障者有爲無言
前則煩惱障今所知障者有爲無言
之別隨眠者分兩字故二我言即二障
教邪思惟生言隨眠揀於現行即是種子
由上二不生故名隨眠揀於現行即是種子
障分起者見所斷攝任運起者修所斷
攝二乘但能斷煩惱障任運起者修所斷
種難聖道能斷煩惱障任運起者修所斷
是乘復是斷道異現行通有漏道釋曰今
善清淨言最初唯識云加行道者此智生
論見道時中故唯識云加行道者此智生
時體會真如名通達位初照理故亦名見
道釋曰此是彼論釋位名也此智生

相多現行愚七地二者一細相現行愚二
純作意求無相愚八地二者一於無相作
加行愚二於相自在愚九地二者一於無
量所說法無量名句字後後慧辨陀羅尼
自在愚二辯入微細秘密至說分中大地
通二悟入微細秘密至說分中大地
障於佛地謂一於一切所知境極微細著
愚卽是此中第二智障二極微細著
愚卽是此中一切任運煩惱障種八菩

薩盡入於第十地中入一切如來秘密智
故卽下大盡分中入如來十種秘密之智
是也如來秘密下地不測名不思議若入
彼所入是智之境入彼能入卽智是境得
卽是入故歎淨名云諸佛秘藏無不得入
卽大盡分下疏釋論入如來十種秘密者
經云又入如來秘密處所謂身秘密語秘
密心秘密時非秘密授菩薩記秘密攝
衆生秘密種種乘秘密一切衆生根行秘
密業所作秘密得菩薩記秘密如是等皆
如實知故歎淨名云下引證卽問疾品文
殊歎也經云爾時佛告文殊師利汝行請
維摩詰問疾文殊師利白佛言世尊彼上
人者難爲訓對深達實相善說法要辯才
無滯智慧無礙一切菩薩法式悉知諸佛

祕藏無不得入降伏衆魔遊戲神九佛盡
通其慧方便皆已得度今取一句九佛盡
入於一切智入智故上一切智釋一切智
人下智字卽智境界入卽得也上直釋竟
自下論文融會本末初會末歸本謂上九
種入爲欲校量地智差別轉勝之相非根
本入有此行布後明本末無礙欲顯前從
本起末則無別之別次攝末歸本別而無
別故以六相融而無礙自下通會本末
知後明本末無礙中言以六相融者然
遠公四門解釋一立意爲破定執二立依
依初地行例釋三泛就諸法以釋四釋文
三中如一色中同時具足有苦無常等法
義集爲一色爲總相無常色等爲別相無
常等上皆有二門約體是同相無常非苦是
異相成壞二門約體是異相成壞二門以彼
異相得攝爲一故取攝爲成以彼異相苦
多色得攝爲一故取攝爲成以彼異相苦
無常等義不同故一色隨之分成多色故
名爲壞非實成壞如色既爾卽色無常爲
總亦然謂色無常苦無常空無常等別餘
四例知餘同相亦然色體既爾一切法亦
然今疏文中牒論便釋無別釋文又以易

故無別立依但有二門兼取賢首義理分
齊中意故今疏中總有七門一總彰大意
二標舉顯通三彰其立意四列名略釋五
總以喻明六舉例編釋七指廣在餘今初
謂欲六相圓融今本末無礙故從本起末
即前直釋經文中依根本入開為九入根
本無別於中說九故云無別之別言次攝
未歸本者即向會未歸本門九入為別會
歸根本言非根本入有論云一切所說十
此差別者別而無別

句中皆有六種差別相門者此標舉顯通

故云一切皆有論云一切所說下第二標

相義別為門又由此言說解釋應知除事

者此顯立意謂此六相為顯緣起圓融之

法勿以陰界入等事相執取此言說解釋

立意先舉論此顯下疏釋即賢首意為顯
一乘圓教法界緣起無盡圓融自在相即
無礙容持乃至一切斷一證一切證乃至此
義現前一斷一切斷一證一切證乃至此
具普賢圓因十佛境界故此言說者約教
道解釋故後勿以下釋除事之言論中但
云謂陰界入等今疏加執取之言以釋論
意謂不今人隨事執取非陰界體不具六
相故遠公云如陰等色非受想乃至非識
如是一切以其別相無總相故不得將別

對總說成之與壞故曰不具若就體性一

言六相者謂總相別相同相異相成相壞

相此標列也下釋云總者是根本入者以

初一入無不攝故別者餘九入別依止本

滿彼本故者謂依一開九無總別不立故

云依止由別方成總故云滿彼同相者入

故者同名入故異相者增相故者九相漸

增不相似故成相者略說故者攬九緣以

成一略言標顯故壞相者廣說故者分一

作九九外無一此九因緣各住自相不相

成也又云如世界成壞者猶如世界多緣

共成其中事物一一推徵何者是界名壞

言六相者下第四列名略釋先須總識其

相一總相者一含多德故二別相者多德

非一故三同相者多義不相違故四異相

者多義不相相似故五成相者由此諸義緣

起成故六壞相者諸緣各住自性不移動

故列名皆是論文此標下疏參釋之欲分

主客先一時出論云總者是根本入別
者餘九入別依止本滿彼略說同相者入
故異相者增相成壞餘一切言九相隨義
廣說故如其中有疏可以意得言九相漸
知疏釋曰攝入是聞慧思義入是思慧後
後勝前故以漸增為一不相似言九義不
一者成入故無別一分也然九遠公成壞
總入隨之故而有故成是略者以彼異中
門因上異相而有故成是略者以彼異中

聞思修等體不相思是故隨彼九入復成
一入故名為略壞是廣者以彼異中復成
九種義不同故總入隨之分以彼異中復
廣則亦別總則別而別則互成則總為別
同則方成若無異相則不成故如舍梁攬
總皆相似終不成舍壞則唯別各住自性
故此三對歷然不同又云論謂三輪四等
成壞從猶如起攬為娑婆論謂三輪四等
即成利之緣起攬為娑婆論謂三輪四等
分為百億四天下無別娑婆稱之為亦如
壞非如世界二十劫成二十劫壞之為亦如
梁等共成一舍總則一舍別則諸緣同則
互不相違異則諸緣各別成則諸緣辦果
壞即各住自法喻總釋即賢首意餘一切
十句皆應隨義類知舉例遍釋即論文也

別章廣顯^何別章廣顯者即第七指廣在餘

敬與義二別名略釋教義分齊彼唯前三門一
門上已具例法可知明問答寄就一舍之上二
辨其六相問此但知問何等是舍答緣等
舍是總相問能作舍故離何等是舍答緣等
即等是舍獨能作舍故離何等是舍答緣等
元等應即是何說緣若諸緣共出少力不成
無元等應即是何說緣若諸緣共出少力不成
不全作者有斷常過但諸緣少力不成一全

舍故舍則全斷也不成執有是無因常今去
一緣便令此緣亦成緣既爾緣此緣皆緣即
全成便令此緣亦成緣既爾緣此緣皆緣即
是緣舍方善成緣既爾緣此緣皆緣即
起法不別於總故若不別者總為別也問
等諸緣別則無總故若不別者總為別也問
無別時別則無總故若不別者總為別也問
若總即別應無總故若不別者總為別也問
總如緣即別應無總故若不別者總為別也問
相若別不即舍不是緣故若舍不即緣不
是舍外若不即舍不是緣故若舍不即緣不
在總外若不即舍不是緣故若舍不即緣不
答有斷常過無因常故下之四相各有斷
故無斷常過無因常故下之四相各有斷
常可以意得第三同相者緣等諸緣和合
作舍不相違故皆名舍緣非作舍則諸緣
不同者諸緣相背則不同舍向則諸緣
總何別答總相唯望一舍向則諸緣
成力義齊第四異相者緣等諸緣自形

類相等殊方為舍問異應不同答由此與別何異
短相等殊方為舍問異應不同答由此與別何異
別相諸緣別於一舍異則諸緣自成以互相望
第五成相者由不爾二俱不成問現見諸
舍故緣等名緣不爾二俱不成問現見諸
緣各住自性何因得成答由不作舍今由
得成以若作舍失本緣成故舍不得成今由
不作諸緣現在故舍得成又若不作舍相者
不名緣今既名緣明知作舍第六壞相者
緣等諸緣各住自法本不作舍故若作舍者
卽失本法舍則不成由不作舍故得成也
又總卽一舍別卽諸緣同卽互不相違異
則諸緣各別成則諸緣同卽互不相違異
法乃為頌曰一則是多為總相多卽非一
是別相多類自同成於異各體別異顯於
同一多緣起理妙成壞住自法恒不作唯
智境界非事識以此方便會
一乘六相之義略已終矣

大方廣佛華嚴經疏鈔會本第三十四之三

音釋

孕

以證切

攬

魯敢切

分齊

分扶問切齊才

也

伏梁也

音

椽

重圓切

音傳秦謂之椽

大方廣佛華嚴經疏鈔會本第三十四之三何三

唐于闐國三藏沙門實叉難陀譯

唐清涼山大華嚴寺沙門澄觀撰述

又令得菩薩十地始終故如實說菩薩十地差別相故緣念一切佛法故修習分別無漏

何三

法故善選擇觀察大智光明巧莊嚴故善入決定智門故隨所住處次第顯說無所畏故得無礙辯才光明故住大辯才地善決定故憶念菩薩心不忘失故成熟一切衆生界故能徧至一切處決定開悟故

第二又令得下十句依利他行是增數十

經有十二句論經合七八二句故唯十一

第二又令得下十句依利他行疏文分二先總明句數開合言增數十者依大智度論數法有二一小二大以十爲十數狹名小少減名狹數寬少增名寬大七八等名少減十一二等名爲少增今據初句爲大衆名增數十以十二爲十故

總餘十爲別總中始者內起信欲外近善

友聽聞終者憶念任持所聞地法地地皆

爾故云十地始終此約舉正初句爲總下

總句中依論有二解一就教行解二教證相對解前中始於地法決定名信信增名欲欲是信果故依欲起法名爲親近攝法在心故名隱念念法不失故說爲持地法

是其所持言地地皆爾故云十地始終者疏結釋經文非論文也十入約次位始終

約行修位並舉如下經云復應於諸佛善知識所請問第二第三地等相及得果

爲欲成就彼地法故等皆其例也明知地地之內皆有始終問何故自利云入利他

云始終答自利以入證爲本故皆復有阿云入利他令知性相故有始終

含爲始以證爲終則前皆是教復有阿含爲始下第

二教證相對也疏中三初總次別後結今初言阿含者梵言此云淨教既唯以證爲

終而行非是證故前教始行終並此教證名爲始故疏結云則前皆是教

義總有九重一教行相對言聲爲教行德

爲證猶下請中字義二藏此教證義下第

下請中字義二藏者即下如來加請中義偈云佛子當承諸佛力開此法王最勝藏

諸地廣智勝妙行以佛威神分別說論云
就云何義藏有二種一義藏成就二字藏成
論云行者諸菩薩行所謂助道法故妙者
真智故上者神力勝故如是顯示深妙
勝上故釋曰初是助道真智即證道神
力勝是不住道次論云云何字義即證道神
別智地義即今經諸地廣智及分別說謂
十地差別相故論云分別說者說十地差
別故既以分別說為字明是言教三道皆
為義藏明以行德為證
論以字義為教證故 二地前地上相對
如下請中歎眾以地前聞思修等為教淨
地上行德為澄淨 二地前地上相對者遠
已前依教修行名為阿含初地已上離言
合實說之為證言如下請中歎眾以地前
聞思修等為教淨等者即解脫月歎眾堪
聞請中文經云善淨深心此句為總下九
別云善深思念善修諸行善集助道善能
親近百千億佛成就無量功德善根此四
別句名為教淨次云捨離癡惑無有垢染
深心信解於佛法中不隨他教名為證淨
釋曰以前四 三真偽相對即於地中聞思
修慧報生識智緣照之解名曰阿含真智
出言為證下論云聞思修等是則可說地

智離言 三真偽相對等者不與如合隨世
正釋後引證正釋中云即於地中聞思修
慧報生識智緣照之解名曰阿含者此第
三教誣不對地前但就地上而論教誣故
云即於地中總有四法皆名為教三慧及
報生識智下請分中具明謂地上菩薩生
來即有此智故云報生識智非約證如故
皆屬教可宣示故真智出言故名為證論
云下二引證即許說今齊中文而是義引
故云聞思修慧是則可說若具引者即彼
論釋經云智起佛境界非念離心道非蘊
界處門智如意不及之偈論云此偈示現
思慧及報生識智是則可說此智非彼境
以不司故 四修成相對一切地中真偽合
即其文也 修為教捨偽契真為證猶下所明義說二
大四修成相對者引證言義說二大者即
大許說分齊中全意謂如來大仙道等十
二偈分之為二初七偈義大後慈悲及願
力下五偈謂大說大中有證智故云真有
加行後得緣世法故云偽真偽合修義大
唯明證智故云捨偽契真又準下文解脫
月雙歎人法請中此是菩薩最初所行成
就一切佛法故論云最初所行者依阿含
行故成就一切佛法者謂是證智 五相實
釋曰此明依修而證亦修成相對 五相實
相對世間中修得彼證相名教契本實相

爲證猶下所說增上妙法光明法門光明
是教增上是證五相實相對等者其所引
文經云此是菩薩摩訶薩向菩提最上道
亦是清淨法光明門釋曰上句證下句教
論云歎說者於中有二義一者爲說阿含
二者爲證入義其論上句增上勝妙法故
疏云增上妙法論釋證句云大勝妙法者
諸法門中勝故清淨法者即法體光明者
此大乘法顯照一切餘法門故既云照餘
法則得修相既云最上明契本離相故彼
下經自釋二句釋初阿含云所謂說菩薩
諸地釋證句云佛子此處不可思議所謂
諸菩薩隨證智六體德相對就彼離相所
明是相實相對六體德相對就彼離相所
成行中顯本法性爲證依本成德爲教猶
下鍊金金體與劍等六體德相對等者謂
爲教引鍊金喻者十地皆有鍊金之喻且
初地云是菩薩隨所勤修供養諸佛悉以
衆生皆以修智地轉明淨調柔成就隨意
迴向一切智地轉明淨調柔成就隨意
堪用佛子譬如金師善巧鍊金數入火
轉轉明淨調柔成就隨意鍊金數入火
能鍊喻供養佛等金即所鍊喻信心慈悲
捨等如世之金在鑛石中融冶便出喻真
地法與妄和合名曰衆生行人修行至初
入地時出煩惱障今至地滿復更供養教

化衆生如重入火熏發真心令生信等名
爲修行清淨地法至二地時如重以礬石
煮之方得清淨初地之時雖除塵垢微過
猶在至二地時慳嫉破戒並皆遠離如轉
清淨至三地中修習淨戒並皆遠離如轉
兩不減四地中修習淨戒並皆遠離如轉
五地之中以不住道方便起觀修治力故
如碑礪磨瑩轉更明淨六地以觀修治力故
住巧智修治力故更明淨六地以觀修治力故
七地中具修一切菩提分法益更精好如
以衆妙寶間錯莊嚴轉更增勝倍益光明
入地之中無功用修如持金寶冠置間淨
提主聖王頂上一切羣臣諸莊嚴具無與
等者九地轉輪聖王以嚴其首四天下內
作寶冠轉輪聖王以嚴其首四天下內
切小王及諸臣民諸莊嚴具無與等者十
地菩薩業自在修譬如金師以上妙金作
莊嚴具大摩尼寶鈿具其間自在天王身
自服戴其餘人天莊嚴之具所不能及釋
日十地皆具金喻意皆以金喻證顯本性
故成信等德以爲教道是修成故然云金
與劍等者此經無劍之文即嚴身具是
七體用相對前體及德皆證依體起教智
之用爲教下珠放光光喻於教珠體喻證
七體用相對等者引文云下珠放光喻教
珠體喻證者即第四地調柔果中云如摩
尼寶清淨光輪能放光明非諸餘寶之所
能及風雨等緣悉不能壞論云摩尼寶生

先喻者彼證智法明摩尼寶中放阿舍先
明入無量法門智處普照示現以是義故
此地釋名爲鉢八自分勝進相對自分所
地卽其事也

成體德及用皆證進受佛教爲教下歎金

剛藏二力妙智及辯名爲證力堅念教法

爲阿舍入自分勝進相對等者引丈云下歎金剛藏二力妙智如者卽大衆

請中經云上妙無垢智無邊分別辨宜暢

深美言第一義相應念持清淨行謂前四

句歎證念持清淨行歎教論云初偈歎證

力辯才成就第二偈上句歎阿舍力辯成

就所以證力阿舍力故能九約詮就實相對

有所說是故讚歎是也九約詮就實相對

真智之體爲證約言分十爲阿舍猶下迹

處處空喻證空處之迹喻地阿舍下論云

字身住處證智所攝非無地智名句字身

名句字身卽阿舍也九約詮就實相對等者下引論云字身住

處等者卽下示說分齊中鳥跡喻也經云

如空中鳥跡難說難可示如是十地義心

意不能了論云此偈是何義如鳥行空中

跡處不可說相亦不可見何以故虛空鳥

跡相不可分別故非無虛空行跡如是鳥

跡注處名句字身住處菩薩地智所攝不

可得說不可得聞何以故非如聲性故非
無地智名句字身此中深故示義大勝悅
釋曰空處之跡喻教跡處之空喻證也然
上九重教證前五前教後證後四前證後
教又前五教則後後漸寬教則後後漸狹
後四中證則後後漸寬教則後後漸狹

當第四一經之內頻語教證理須通會勿

厭繁文今當第四者第三結示兼遮妨難恐有嫌繁故以論文但云復有阿

舍及證如是次第依初相應知謂令以阿

舍爲始以證爲終故云如是次第依前始

終前始後終云依初相應知何用廣明疏

意恐人教證既多相對文生疑故總併說

豈得次依根本始終有十始終有十始終

爲繁次依根本始終有十始終有十始終

義疏文有四一標指二總科三料揀四釋

文今初謂菩薩利他行該法界隨宜列十

耳前三地前思修利物次一見道餘六修

道前三地前下此阨前入謂初闕聞慧後

無佛盡者理實齊通以此二並非正地前

已說竟故此略無三此狹前入下料揀言

妨若出所以此中一攝始終經云如實說

利他略自所聞一攝始終經云如實說

菩薩十地差別相故謂以思慧智攝持所

聞稱思宣說故云如實一攝始終下四釋
前五句於中初句一標名二牒經三謂以
下釋義此取意釋若具論云思慧智隨所
聞義受持說故謂如經如實說菩薩十地
差別方便故論經加方便之言謂善巧集
成十地之相今經即差別中收然論受持
即釋標中攝義故疏云攝持所聞即自攝
也此上釋論其稱思宣說下以論釋經若
不稱思非如實說故論云思慧智說如實
說者即是攝他前入即以說為修此則以
說為思亦是影略以前說後無修故以說
為修此中說後有二欲始終緣念佛法意
修故以說為思
欲令物證故此即思慧上品求心二欲始
下以論釋經論具云令證一切佛法故今
謂經明緣念非是自念念欲令物證所念
法故論云欲言上品求心者有二三行始
義故一令物證二唯緣佛法故

終以是修慧故名修習言分別無漏法者
於地上無漏道品起意言分別觀行故以
未證故但是觀分之時帶相觀心未覺無
相故云分別三行始終者論釋云觀分時
論中修字釋標名行字依念進修名行行
即此經修習故疏先解修習之言言分別
無漏法下何三牒經解釋即明地前菩薩於地
上法而起觀修但是意識名言分別次以
未證下釋論觀分之時即加行位然觀分
言論後經觀字以論經云觀達分別無
漏法故後帶相下釋經分別字謂帶如相
故論名修覺相也即唯識云現前立少物
謂是唯識性以有所得故非實住唯識後
論釋四加行已云皆帶相故未證實故
說菩薩此四位中猶於現前安立少物謂
是唯識真勝義性以彼空有相未除故帶
相觀心有所得故非實安住真唯識性彼
相滅已方實安住彼疏釋云心上變如名
為少物此非無相故名帶相若證真時彼
相便滅者即是空所執相有依他相名空
有此相未證真理滅空有相方識真義性由
論結云依如是義故有領言菩薩於定位
觀影唯是心義相既滅除審觀唯自相如
是住內心知所取非有次能取亦無後觸
無所得釋曰此則結四加行謂初二句煖
位次二句頂次二句中下惡次一句即上
惡位合上三句為世第一末句見位也
四證始終即見道位大智者即真見道根
本法無我智過小乘故名大治無明故云
光明此智親證真如平等平等離二取相
名善觀察實斷二障分別隨眠名善選擇

巧莊嚴者即相見道是後得智故論名方便方便即巧法真見道種種建立名為莊嚴又莊嚴者即二智成德由得此二善達法界於多百門已得自在故云莊嚴故論云此事中彼時中皆善知故由相見道復

有二種一觀安立諦名此事中二觀非安

立諦名彼時中以法真見道正證如時不

可名事相望前真故名為彼

始終見道時中法無我智方便故如經善

決擇大智慧光明方無我智故大智慧者

過小乘故光明者對治無明故此事中彼

時中皆善知故釋曰此中論有三節初略

釋次引經帖後是中下隨難釋今疏摘

論銷經義無遺矣然經中巧莊嚴字是相

見道上皆真見道疏乃當先釋大智此

二見道即唯識第九今欲釋疏須知根源

先當具引彼論論中先總釋偈意已如上

論云然此見道略有二種一真見道謂即

所說無分別智實證二空所顯真理實斷

等故總名一心釋曰言雖多剎那者此一
心見道以無間解脫并一切勝進故中
多有剎那論云有義此中二空二障漸
漸斷以有淺深羸細異故有義此中二
二障頓證頓斷由意樂力有堪能故釋
加行意樂欲俱斷故論曰二相見道此
有行二觀非安立諦有三品心一內道
有情緣智智能除中品分別隨眠二內
法假緣智智能除中品分別隨眠三過
切有情諸法假緣智能除一切分別隨
前二名法智各別緣故第三名類智總
緣彼彼云即三心見道非安立即真如
也內謂內身假者談其無體先計有清
妄所計但有內心似有情現今能遣之
智之智然此中人法二障各分上下
為上細者為下合為四類然二障者各
除之以智猶弱未雙斷故若上品智方
雙斷此即隨智說為輕等輕者下也初
名輕次智名中勝前劣後起名上能斷
見惑此智最上然初二智未能殊勝
內外若我法假第三心時其智上品
類故論法真見道二空見分自所斷障
問解脫總別建立二名相見道法者
義真見道中雖有二空自證分而見
緣真如所以法之然見分中無間解
隨自所斷障有四見分無間道中斷
故中證理同故人法二見總以法之有
道中證理同故人法二見總以法之有

三心故論云總別建立名相見道論有義
此三即是真見道攝以相見道緣四諦故
有義此三是以義為正故疏但云相見道
釋曰論以後義為正故疏但云相見道
二論云二緣安立諸有十六心等前迴向
品十六智寶處已引但觀位上即見道位
文易了然疏中有二先標位云即見道位
通二見道次大智下先標位云即見道位
釋者大智即是二見道依真見道以立
相故故先明真言即真見道依真見道以立
本法無我智者出體也謂即所說無分別
智然唯識論實證二空今文為揀勝二乘
故標法無我言治無明者根本智用正破
遠理無明從此智親證真如下釋善選擇
大光明言而善字兩用善觀真如從平等
故即上唯識實證二空所顯真如從平等
平等下即前論文正釋論偈無得之言以
能證所證俱離二取故有二平等言離二
取相即平等義若二取非善觀故實斷
二障下即全用唯識論文以釋善選擇語
二障即煩惱所知前入就根本故云二我
今通就能生所知故云二障其分別隨照
已如前釋即相見道下釋相見道中文分
三初正就相見以釋莊嚴二雙就二智以
釋莊嚴三釋本論初中即相見道者辨位
也是後得智者出體也故論名方便者以
論證成是後得義方便即巧者以論會經
言法真見道種種建立者釋莊嚴義具如
上引謂三心十六心故云種種建立又莊
嚴下第二雙就二智以釋莊嚴不同前義

但用後得言由得此二善達法界者法界
有事理二智別能了之亦以無礙二智了
事理無礙法界等也言於多門等者謂
於一念頃得百三昧得見百佛知百佛
力能動百世界能過百佛世界能照百佛
世界能教化百世界能入百法門能示現
知前後際各百劫事能入百法門能示現
百身一門皆由二智得自在也故論云
云於多門皆由二智得自在也故論云
此事中下第三釋本論然古有三釋一云
此事中即真見道彼時中即前觀分之時
二云此事中同前彼時中即後修道位中
亦須善了如下發趣果中須知二地乃至
佛果等三云此事即後得相見道中彼時
中即是根本智真見道皆須善知今以後
義稍正故依傍之而皆屬相見道並是後
得故異昔解以法真見道觀彼正證亦後
得故言相望前真故名爲彼者則相爲此
也

五修道始終論云出世間智智力得入
法義故者以後得了俗由於證真名出世
間智智由證真達俗故名善入智能入法
即名爲門上寄從二地至七地竟五修道
者修道之義已見入中論云出世間智
者出世間智即根本智重言智者即後得
智從以後得下疏釋可知言上寄從二地
至七地者以功用行滿二僧祇滿爲一類

故初地二見道後即是修道 一次下五句
約地分見屬初地故從二說 有五始終寄入八地至於佛地治菩薩於
菩提五障五障在於七地至於等覺經文
但有能治障在文外今初二句即能破邪
論障始終不能破邪論障即是所治隨所
住處者即邪論心住著之處言次第顯說
者以宗因喻現比教量顯已正義隨病治
之上皆論所據言無所畏者即論莊嚴後
句辯才即是論體亦論莊嚴謂語具圓滿
順言敦肅故名辯才又上皆論多所作法
所作有三一善自他宗二勇猛無畏三辯
才不竭配文可知言光明者性不闇故即
論出離謂善觀察得失等故由具上諸義
故不墮負由破此障得入八地次下五句
中言寄從
八地至於佛地者然論但云此處菩薩於
菩提有五障不配地位配即遠公之意而

彼不止等覺即佛地之中治於二障又彼
云寄在八地至於佛地則以最後句以為
佛位便乖後無佛盡之言故疏云寄入八
地等則止在等覺斷第五障當入佛地故
未有佛盡然又有二先寄位釋後約通相
釋以此五障地前即容對治故地地用上
由上已配七地故依遠公先配八地已上
然此五障亦虛亦實謂此障者不得五種
功德名為實障已登地者實無此障假立
顯得名之為虛五中前二是其解障次二
行障後一用障今初解障疏不能破邪論
障即是所治者乖理之言名曰邪論不堪
以正摧邪稱曰不能此一段具有喻伽十
五釋因明中論有七例頌云論體論處所
論據論莊嚴論負論出離論多所作法第
一論體有六一言論二尚論三諍論四毀
謗論五順正論六教道論一尚論謂一切
言說言音言辭是名言論二尚論者謂諸
世間隨所應聞所有言論下取意略引三
諍論謂或依諸欲所起自他下所攝諸欲更
相侵奪等云云或因惡行所起自他惡行
他譏毀等云云或依諸見所起自他毀
謗論者謂懷憤發者以染汙心振發威勢
更相損毀所有言論云云五順正論者謂
於善說法律中為諸有情宣說正法云云
增上心學增上慧學增上戒學等云云最
後二論是真實能引義利所應修習中間
別之第二論處所有六一於王家二於執

理家三於大衆中四於賢哲前五於解法
義沙門婆羅門前六於樂義者則第三
論據即依義所依有十謂所成立義有
一自性二差別三有常無常等能成立
無差別謂有常無常等能成立有無一
立宗二辨因三引喻四同類五異類六
量七比量八正教云云同類謂隨所立
望餘展轉少分相似云云異類謂隨所
不相似六現量有三一非異類望餘少
思應思三非錯亂境云云此下取意釋
初如眼見等二如良醫授藥色香味足
大勢力纔取便成良醫授藥色香味足
爲應思其病若愈名爲良醫授藥色香
作地水等觀建立境界思之亦如瑜珈
者謂想亂觀亂等云云總謂有世間現
量有出世間現量俱已思應思所有境
復有五一相比量現見如煙比知有火
云二體比量謂現見如煙比知有火等
不現見體如以現比過未等又如飲食
服等現見一分得失之相比知一切等
云三業比量謂以作用比知一切等云
物無有動搖鳥居其上比知是机等唯
哮喘比知師子等云四法比量謂以相
隣相屬之法比餘相隣相屬之法如屬
常比知有苦以屬苦故比空無我云五
因果比量謂以因果展轉相比見善作
比至餘方見至餘方云云八正教量者
智所說言教此復三種一不違聖言二
能

治難染三不違法相云云已說論據第四
論莊嚴者略有五種一善自他宗二言具
凡有所說皆以其聲不以非聲具圓滿
德一不鄙陋二不輕易三雄辯四相應
義善相應者謂前後法義相符云云無
可不知孰者謂如有一人待時方說而
曉運是名教肅者謂如有一人待時方
云善不惱於他乃至言語柔軟如一捨
言第五論墮負者謂有三種一捨言二
言屈三言過捨者取意謂辭謝對論者
我不善論等二言屈者爲對論者之所
伏或託餘事方便而退或引外言或現
發或默然等云云義相應者謂雜亂不
辯了無限量非云云第六論出離者先
顯了不相續等云云第七論出離者先
以彼三種觀察論端方與言論或不與
名論出離觀一觀察得失二觀察時衆
觀察善巧及不善巧觀得失者謂我立
無自損他損俱損等耶云云觀時衆有
執耶有正見耶等觀善巧不善巧者謂
觀我於論處據等爲善不善等云云第
七論多所作法有三種一善自他宗二
猛無畏三辯才無竭由有此三能善酬
故名多所作法耳釋曰上所引三能善
大綱廣說如彼耳觀所引論文疏伽略
易了今更略釋一隨所住處等者即善
他宗言次第顯說兼善自宗然經云隨
任處亦兼論處所而文正在執著之處
次便云次第顯說等言以宗因喻現比
教

量顯已正義隨病治之上皆論所據者顯
已正義即所據中所成二義自性差別此
二即是已宗能成八中文但有六關同類
異類以此二但約所言隨病治之者以所執
是喻及宗中攝之言隨病治之者以所執
非一故言辨才即論體者於聽表曰辨
巧應物心曰才即是言論宣說教道順正
理故言亦論莊嚴者標下出莊嚴莊嚴有
五無畏一種前句已有善自他宗滿二順言
法中兼明此但有三一語具圓滿二順言
者即是應供謂不惱於他言辭乘軟故曰
順言三教肅可知言又上皆多所作法者
此標謂總收上三門二句以成所作法一
善自下列言配文可知者下二可知善自
他宗即隨所著處即善他宗次第顯說即
善自宗言謂善觀察得失等者等取餘二
謂時眾及善巧不善巧從由具上諸義下
即仍前五例釋不墮負謂有體有據有嚴
有作既出離有能何得墮負言由破此障
得入八地者謂七地中獨有此障不入八
地破故得入二能善答難始終上明能破
下四句例然
此顯能立第九善慧是辯才地住即證也
言上明能破此顯能立者總釋也因明論
云能立與能破及似唯悟他現量與比量
及似唯自悟此之一偈總有八義一真能
立二似能立三真能破四似能破五真現
量六似現量七真比量八似比量今此辨
於利他故但明能立能破而菩薩難過但

有真能立破三樂著小乘對治始終不忘
無似能立破三樂著小乘對治始終不忘
菩提上求下化故四化衆生懈怠對治始
終成就不疲故五無方便對治始終善達
五明爲一切處開悟故能巧化又上五障
一不能破邪二雖能破而不能立三雖能
破立情樂小乘四雖不樂小乘而不勤化
他五雖化不疲而無化方便治於此五行
化略周又上五障下二重收總釋不要對
提第六正顯加相論云已說何故加復云
何加加相有三謂口意身約別相說口加
以益辯意加以與智身加以增威如實說
者能加則局所加皆通乘前語便故先口
加得智堪說事須起定使身觸令覺故爲
此次此就十方佛辯若約舍那先意令得
定當有所說次身光照觸增威後雲臺說

偈令演亦義次第非有優劣

第六正顯加相者疏文有

三一引論生起何故加結前云何如生後

加相言約別說者謂以何加相有三下二辨

等如實說者謂能加隨舉一業即加所加

三業故若約舍那下二辨本師次第意加

即承神力入菩薩大智慧光明三昧次身

光照十方竟云又照十方一切世界中放眉間

諸佛所加說法菩薩金剛藏之身是後雲

而說頌言佛無等如虛空十方無量勝

功德人間最勝世中上釋師子法加於彼

是也言令演者彼次偈云佛子當承諸佛

力開此法王最勝藏諸地廣智勝妙行以

佛威神分別說即其文也謂即先須冥加

次放光成臺後方得臺中勸說云亦義次

善男子汝當辯說此法門差別善巧法所謂
承佛神力如來智明所加故淨自善根故普
淨法界故普攝衆生故深入法身智身故受
一切佛灌頂故得一切世間最高大身故超
一切世間道故清淨出世善根故滿足一切

智智故

初口加中有十一句初總餘別總中令以

樂說辯說十地法門名相差別不違事理

善巧成故故云汝當辯說等

總中等者謂以樂說爲能

說說十地之法義故經云辯說必有詞

其所說中名相差別即是法義論以名相

釋於差別亦可下釋善巧字

四辯也不違已下釋善巧字

句別中依根本辯才有二種辯才一他力

辯即是初句謂承佛力承何力耶如來智

明故二自力辯即後九句自他因緣方有

說故攝此九力爲四種淨以因中有四義

故一有力能作二無力不作三具二能引

生四泯攝前三稱理成德故爲四淨

由自

緣者自力爲因他力爲緣故攝此九力此

句總標以因中有四下二總出四淨所以

言因中有四義者揀非約緣但就自力因

中耳亦如泛舉因緣生法中有其四義如

穀子爲因水土爲緣能生於芽但就穀子

即有四義一緣不生自因生故即穀子是

有力義二因不生自緣生故即教子上有
無義攝上三即教子之德是第四義一有
義總攝上三即教子之德是第四義一有
力能作法故有三具二能引生故有教化衆
有無作法故有三具二能引生故有教化衆
生淨四混攝前三具二能引生故有教化衆
淨混謂混絕以三不離舉一全收具混奪義
混奪攝者三不離舉一全收具混奪義
故稱理成德又上四義前三行圓後一行
滿前三之中前二自利後一利他自利二
中依體相分故有有作無作然其別義正
在前二此二並以真心為體以真心中有
於三大順體相大有有作無作法淨順用大
故有有作善法淨言有作者即法淨順用大
行本無順性德用而修起故名有作有
作順理故名為善善之自體故名有作有
出垢染目之為淨言無作者即法淨順用大
出自古不由緣造故名無作此即證行性
更順他不立善言若約性善亦可名善體不
依前義故無善字法淨二義不異前釋然
有純真不生單妄不成真妄和合方有所
作無明內熏惡友外引造諸惡行背真流
轉真如內熏善友外引造諸善行反本還
源順真名善無妄可治不成就善故由順性
無慳貪故隨順修可例知然此二淨若在
成於檀度之善餘作無作不得名淨然無
凡時但可有性名作無作不得名淨然無
作體古今常湛體無增減約就於緣有隱
有顯但始有終說因說果有作如樹有芽等乳
其體但可依生方名有作如樹有芽等乳

有醜等非是事有然雖修生若無有性修
不可生故作無作皆名有性此二入住有
作名為習種性攝無作名為性種性攝若
就解行有作名方便淨無作名證行若至果
就聖位有作名方便淨無作名證行若至果
位有作名方便淨無作名證行若至果
作名為習種性攝無作名為性種性攝若
淨心冥性德思慮斯寂一淨自善根者有
有無作淨大意如是
作善法淨即是教行亦約相故名有作
次正釋一淨自善下釋此一淨文有四節
初句牒經二有作善法淨依論立名三即
是教行出其行體四亦約相故名有作
依體釋名謂由約相約教故有修作修作
教行二普淨法界者無作法淨此約證行
亦約體故名為無作依此性相而有說故
上二皆自利二普淨法界者釋此一淨
淨依論立名三此約證行出其行體四亦
約體故名為無作依體釋名由約體故無
有修作但出妄染故稱為淨如拂雲霧顯
出晴空故此但約顯體名淨不同前門對
治名淨五依此性相下雙結上二皆自利者
淨性即體證相即相教後上二皆自利者
結上自利生下三普攝衆生者教化衆生
第三利他故也

淨即是利他餘六句經皆名身淨攝爲三

種盡皆顯二利滿故成德成德有二義一

當位顯益有菩薩盡二寄對辯勝有後二

盡餘六句下釋第四淨顯文有三第一標

名約體無垢故名身淨攝爲三種盡下

依論開義於中亦三初句標望論是開爲

三望經六句六攝爲三二皆顯二利滿故

成德者總顯三盡但滿上三句二利故下

三盡中皆有二利三成德有二下出三所

以言後二盡者一對下彰出有二乘不同

盡二對上彰入故有佛盡故此三盡約人

爲三一自約菩薩二初菩薩盡者因位窮

出二乘三上同佛終故攝經三句初句位滿謂十地勝進破

和合識顯現法身非心意識之所能得唯

如智所依成於智身菩薩照寂故云深入

法力熏習如實修行滿足方便故破和合

識相滅相續心相顯現法身智純淨故今

正用此智淨相言智淨相者即本覺隨染

還淨之相不不思議業相者明還淨本覺業

用之相此之二門若離染緣則不能得成

故云隨染此智淨中論文先明因法力熏

習此是地前非今所用如實修行此當地

上十地行終故云滿足方便此在金剛因

和合識下辨果也謂本以不生不滅與生

滅和合名阿賴耶識今破和合識由生滅

之相顯其不生不滅之性此根本無明盡

時能染心中滅業相淨圓智以相續心體

體故令本覺還源淨淨圓智以相續心體

故合本覺故今說不引智淨淨者智淨淨

言意在菩薩者法身離心意識唯智依止如

云菩薩盡者法身離心意識唯智依止如

得即取論意反成法身了心意識之所能

得故說名法身故處知集起思量分別安

能得耶如智所依下釋智身依此一句向

上順成法身法身唯爲智依故非心等能

得二向法身法身即依法身之智即是智

身始覺義也然此始覺無別始覺即是本

覺隨染而作今染緣既息始覺還同本故云

淨淨則法報一體故經云唯如如及如如

智獨存名爲法身故次下論云若無明滅

相續則滅智性不離金從能所證義分二身耳

菩薩照寂者此以瓔珞經釋深入義彼經云等覺照寂妙覺寂照今是菩薩故云照還寂則等覺已未爲深入後二句成益一成現報益得

佛灌頂受佛位故

離垢三昧末後有一三昧名受一切智勝
職此三昧現前時有大寶蓮華忽然出現
身坐其上十方諸佛現身灌頂名爲受位
故是現報廣如第十地說然泛明受位略

有三種一唯就相如彌勒等示居長子已
窮聖位授記當來次補佛處二就相顯實
如迴向所引名爲得位三唯就實十地行
滿衆累永寂法身之相顯自心源雖有三

義今取第二
故云現報
二成後報益十地攝報生大

自在云高大身高大二義一色形中極量

最大故居有頂故二約三乘此成報身位

極普周故云高大論云摩醯首羅智處生

故者智處亦二義一摩鹽首羅智自在故

二攝報智滿成種智故
二歲後報益驗有三節初句標名二

十地攝報下取論意釋經三正引論釋二
中然十地各有攝報之果初地多作閻浮
提王二地輪王乃至第十爲大自在天王
今是第十一色形中極者俱舍頌云欲天

三

十七

八二六
龍藏

俱虛舍四分一一增色天瑜繕那初四增
半半此上增倍信唯無雲滅三謂色界十
七天初之四天各半瑜繕那至於第四方
二由旬此上增倍信謂第五有六第四有
八七有十六八有三十二九有六十四第
十合有一百二十八即無雲欲成上都
數故減於三有一百二十五則第十一有
二百五十十二五百十三一千十四二十
十五四千十六八千十七一萬六千故至
十七即色究竟身高一萬六千由旬故云
高大言居有頂者唯是色界之頂無色無
處故此便為三有之頂二約三乘下上就
攝報王身為大今約成佛報身為大然云
約三乘者以一乘中唯說攝報多作此王
亦不必作而其實成妙覺不局於處不定
於天於閻浮提成亦成真佛故指三乘而
三乘意亦就攝報身為彼王於彼成即
周法界學人便謂報身之佛在色究竟則
令報土皆成局劣故指三乘便為不周法
界論云下三引論釋從智處二義即疏釋
論二義亦順上高大二義一即就攝報之
身智便自在故賢首品云摩醯首羅智目
在大海龍王降雨時悉能分別數其滴於
一念中皆轉了即其文也然此天何以爲
智處耶以下天定少四空定多以四禪中
定慧均等色界中極故文約二乘之人多
無漏之智熏習禪定故二攝報智者此有
二意一約未成佛但是十地攝報居彼智
度已圓故云攝報智滿二就彼天上得成
菩提具足種智名為智處然論成佛通說

大方廣佛華嚴經疏鈔會本第三十四之四 何四

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時十方諸佛與金剛藏菩薩無能映奪身
與無礙樂說辯與善分別清淨智與善憶念

何四

不忘力與善決定明了慧與至一切處開悟

智與成道自在力與如來無所畏與一切智

入觀察分別諸法門辯才智與一切如來上

妙身語意具足莊嚴

第二意加中二初正顯後後釋偏加所以

前中十句初總餘別總中身有二種一與

無上勝威德身如王處眾無能映奪二與

辯才無能映奪身前身勝後名身勝_{第二}

意加者當時如來但意地冥被與其智力
都無言說皆集經者言總中者論經總句
云與金剛藏菩薩真寶無畏身無畏即無
能勝義上力被下故名爲與雖已之智即

不可他用約爲緣助故得言與如鬼入身
高增智辯況於如來同此與爲雙鳥未答
有三義一就實相金剛藏上契佛心佛力
下被相應爲與此與則常二就化體既金
剛藏化周法界無時不說隨說即與無有
雙廢亦得名未三就化相有說不說說時
即與此則非未然此總句亦總亦別總謂
總攝十句爲無能勝身故別謂此句即當
色身後九句別唯屬名故二後與無礙下
名已去即得名身身者衆義

別別開名身成九種身所加通三故增其

色身在心名智在口稱辯經云與智論判

爲名二文影略顯義方備_{後與無礙下釋}

一總顯別句不偏色身所加通三下二解
妨謂有難云上云口加增辯意加益智身
加增威今何意加而增身成此即難前身
勝故爲此答亦足此釋云如實者能加則

局所加則通故隨一業皆加三業今此意
加故益身勝由意傳智便說無礙即益口
也在心名智下三會論同 一與不著辯才

說法不斷無滯礙故謂無偏住著故不滯

事理云無礙樂說_{一與不著下隨文別釋}

智後一與其殊勝化業前中相從攝爲三
對初二句一對前句說能後句能說智今

知世法次三句爲一對初句說能後二句能說智前句方便智後句了理智後三句爲一對前二句說能後一句說智令知教法然案文影略故爲此判實則智能皆通諸句故總名與智已總科判今當別釋今初一不著辯才疏文有四一此上卽論釋名峻若懸流無滯滯故二說法不斷無滯礙故卽是論釋三謂無偏住著故不滯事理卽疏釋論四云無礙樂二與堪辯分別說疏舉經帖下八大同

何四

二

法相能正說故名爲清淨論云善淨堪智有四種一者緣二者法三者作四者成善知此義成不成相故此言緣者卽因緣生法亦名觀待二法者卽法爾之法三作者此二作用四成者引正理例證成上三若順此四名爲成相不順此四名不成相菩薩善知故堪能有說名爲堪辯然其此四經論多明相續解脫經名爲四成相續解脫卽解深密經前後異譯深密第五名爲四種道理然上二經文博義隱今依雜集

十一釋之名次全同深密彼論云觀待道理者謂諸行生時要待衆緣如牙生時要待種子時節水土等二作用者謂異相諸法各別作用如眼等根爲眼等識所依作用色等境界爲眼識等所緣作用等三證

成者謂爲證成所應成義宣說諸量不相違語所應成義者謂自體差別所攝所應成義諸量不相違語者謂現量等不違立宗等言故四法爾者謂無始時來於自相共相所住法中所有成就法性法爾如火

何四

三

能燒等有爲法無常等而彼經論次第爾者謂緣生之法有此作用以理成證後結諸法性相常爾今論義次已如前說二與此論標名分別法相下疏以論意會經由解法相故能正說解故名堪正故名淨論云下二別示堪相解此四事名解法相故堪說法所應成義者聲爲自體常無常等

而為差別又色是自體形色顯色表無表等而為差別謂現量等者等取比量聖言量不違立宗等言者等取於因因唯一字何故不言不違宗因今等取言云何等言如云聲是有法定無常故宗法因云從緣生故此言既多今立宗等言四字攝之故云等言如火能燒者三即任放辯才說不此釋自相下釋共相

待次言辭不斷處處隨意不忘名義故云善憶念不忘力謂隨門異說不忘本宗故

三任放辯才於中有三此標名言說忘心故名任放二說不待下論釋三謂隨門下疏釋論然論經云與善憶念不忘加論釋加字云是不忘加意力故所以偏就此釋者意加正四能說辯隨所應度種種譬喻為不忘故

能斷疑故謂應機斷疑故名決定能隨所

應是謂明了

四能說辯者初舉論二五不謂字下疏會論就經

雜辯三種同智常現前故三同智者即自相同相及不二相自相者色心等殊故同相者同無常苦無我故不二相者即一實理又自相即俗諦同相即真諦不二即中

道第一義諦金剛仙等諸論皆明此三無

法不爾故云徧至一切菩薩所了故云開

悟五不雜下初舉論三義無亂故云不雜次三種同智下疏釋論無法不爾下會

經六教出辯以十力智自在化物斷惑得

果故云自在成道六教出辯然論但云得佛十力不壞於可度故

者斷煩惱故釋曰謂令衆生斷惑出離故名教出而論經云與佛不壞力故故有不壞之言今疏云化物即是教義斷惑是出義論無得果之言今會經文成道二字

七不畏辯於他言說不怯弱故

八無量辯於一切智隨順宣說修多羅等

法六種正見故六正見者即是法門金剛

仙論云一真實智正見能知理法二行正

見能知行法此二教旨三教正見能知教

法四離二邊正見知前理法不同情取五

不思議正見知前行法成德出情六根欲

性正見知前教法說隨物心瑜伽六十四

名六種理門大旨無異

八無量辯先舉論言修多羅等其餘

二藏次言六正見者下疏釋論此正見即深密中六種理趣已如普賢三昧品說此中名亦小異爾其能知教法合云教道前三為本後三次第釋於前三就其所知名為理趣就其能知名為正見全與前同若約今文前三即理行教略無果耳

同化辯一切如來同以三輪化故三業殊

勝故曰莊嚴上十已辯他力

上十已辯他力者然論文中無自力他力之文以前口加中有自力

他力二辯才故以義例之故此上已有佛力正與智故為他力具德堪加故為自力

何以故得此三昧法如是故本願所起故善

淨深心故善淨智輪故善積集助道故善修

治所作故念其無量法器故知其清淨信解

故得無錯謬總持故法界智印善印故

第二何以故下釋偏加所以以顯自力堪

加偏就意業釋者意為本故初微意云諸

佛慈力若隨闕者可許偏加既有力能與

何四

五

有慈能普何以上十偏加剛藏而不加餘

下釋十句初總餘別總明得此三昧法合

偏加剛藏得此餘不得故何以得此三昧

下別顯中有二因故一本願所致故即初

句顯示二善淨下三昧身攝功德故何以

者疏微得三昧之由上總句中由得三昧故得偏加今微意云三昧殊勝何以能得

下別顯下答有二因一宿願深重謂因中發願欲證十地智光二昧故今得之二是

現緣即三昧身攝功德也現身無德雖有宿願亦不能入然諸菩薩皆具此德隨門

顯法在金剛藏故偏言有又標佛力能加草木何要有德欲令菩薩進修具德上契

佛心方得加故表此復八種淨依自利利此地法證方說故

他故謂前四自利後四利他此復八種下就總開別於

中有三初總科先出論文前四已下疏釋一善淨深心是因淨

信樂至極能趣善達地盡皆清淨故故云

善淨此一為衆行本故名為因次三明白

利行德謂二即智淨趣菩薩地盡修道真

如觀如日輪圓滿普照法界故此即智德
三身轉淨謂生生轉勝集助道福德故四
心調伏淨善斷煩惱習故云修治此即斷
德上三亦證助不住一善淨下別釋此一句中又有五節上句
釋經二是因淨者是論立名三信樂下是論釋義論中具云一因淨深心趣著薩地
盡清淨故如經善淨深心者信樂等復是
樂字是論釋經深心即初地契理淨心論
主但云信樂其至極兩字即是疏釋深心
之言以信樂殷重故日深心由此深心故
能得第二第三乃至十地為菩薩地盡即
論等字既至地盡障無不除云盡清淨故
云下疏以論會經此一為衆行本下疏釋
則顯下德為其行體二即智淨下舉論則
顯初句是見道故次如日輪下義取論釋
具足論云此真如觀內智圓滿普照法界
猶如日輪光遍世界故然今疏文言舍法
喻二身轉淨者助道能得出世報身名身
初地已上受身非一後勝於前前名生
生轉勝總由助道福行淨故四心調伏者
空有自在名心調伏言善斷等者不著有
故斷煩惱惱不住無故斷微細習無住而
斷故稱善斷言故云修治者以論會經無
住是菩薩本業即是修治故論經云善修

本業本業即是今經所作亦是以無住心
修前證助以為本業言此即斷德者初是
智德則顯助道是其思德已後四利他中
配三德下配三道故有亦言後四利他中
五聞攝淨能聞持佛法故為法器此利他
方便餘三利他行體即身語意業六者通
淨以勝神通生物信解故七辯才淨由總
持力於一字中攝一切字句前後無違故
無錯謬八離慢淨謂雖化衆生以實智印
印之不違法界故無化慢五聞攝淨謂聞持智而為能念
其無量法即是所念持即是念具能所持
故為法器論云一切如來所說秘密法者
一切明廣秘密顯深若不持法不能利他
故以聞持而為方便其無量言便舍二義
何四
一多無分量上八句中前四自利因一精
二深無分量上八句中前四自利因一精
進因二不忘因三勢力因四彼不染因如
次配前四句謂由深心能起行等後四利
他因謂五是斷疑因由知法故六是敬重
因以神通力令信入故七是轉法理因法

若壞時假餘尊法誦持故八教授出離因
論云如是化者得自利不忘故此意明若
化時取相以法界印即自利不忘便能出

離上八句下第三總顯上八行能為因義
謂由深心者前明深心是起行方便起
行即是精進故深心為精進因二由得如
智故常不忘三由助道成勝勢力四由不

住道不住空有生有死涅槃故無染著五由
自念法能斷他疑六由神通故今他敬重
敬重即是信入七是轉法理因者即無錯
謬總持法是故法是教理是義理化流
名轉謂正法滅時假餘外法流通誦持彼
正法義故以總持持餘專法為教理流轉
之因八教授出離因者具足論云教授出
離因即經法界智印善印故謂教授於他
由契法界自出取相即化而無化也亦
今他出次引論釋此意明下疏釋論

爾時十方諸佛各申右手摩金剛藏菩薩頂

第三身加增威令起故言各申者不離本

處而申即延促無礙諸佛皆摩故云各申

即一多無礙即四通中如意通也餘義如

前三會中說不離本者今經但云各申右
手論經云爾時十方諸佛不

離本處以神通力皆各申右手故疏為此
釋即四通者智論云一如意通轉變自身
以大音聲聞一切等二者幻通轉變外事
三法智通智法無礙四聖自在通能於苦
中生於樂想於彼樂中能生苦想於苦
中生於捨想如是一切今於自身但延促
一多故是如
意非餘三也

摩頂已金剛藏菩薩從三昧起

第四摩頂已下起分所以起者三昧事訖

故云何訖已得勝力故雖已得力何不且

定說時至故何不定中說定無言說故以

起等者徵其起因乃有四義論主但云即
三昧起者以三昧事訖故又得勝力說時
復至定無言說故釋此論文乃通二勢一
當句釋二相承釋即今疏意後後顯於前
何四

前若當句釋者言事訖者上入三昧為顯
已證故能宣說今已顯竟故名事訖二前
入三昧為受佛加今佛已加云得勝力三
前入三昧為觀物機隨順受法悟在今
故云時至四前入三昧顯證離言今說起
定反顯所入寂滅離言故云定無言說當
句則顯入定有其四義句不同相顯則
得勝力言含於多意謂顯證得加觀機已
竟皆名得力
應存二釋
第五普告下本分略示綱要

為廣本故亦與下請為其本故不請而說者不自說本眾則不知為說不說又復不知欲說何法故文分為三初明六決定以為地體次佛子何等下標列十名以顯地相三佛子我不見下舉十方同說彰地要

第五普告下本分者若約教道分三分勝者此下當其正宗正說地故如品初所明例如法華方便品去以為正宗此中本分如雙數二深下請分如身子三請說分如後廣明開權顯實故前四分為序即起說之由令物生信今此本分舉法歎勝令起樂欲是所成行文中有四一釋名何名為本生下二分故於此中略示綱要有體有相說分之中說於地相以顯體故請分聞於名體而申請故若別說者十名地相

即說分本說分廣顯十地相故云為廣本此中地體即請分本廣顯地體寂滅出言道故云亦與請分為其體故不請而說下二辨妨妨云下待三請此何不請答有二意前意疑說後意疑法謂說知欲說不知說何此即無問自說經也問上言佛加為今說法何言不知為說不說答諸佛難加不知剛藏承力說不問上言說不思議諸佛法明云何言復不知欲說何法答不思議法中門別非一故獨不知若爾上以

能加同名金剛藏則知所為是金剛法云何不知答藉相表知而非決定猶名不知為說何法文分為三下三科判也科為三段若別對者對下請中互相成起此初地體起下請中地體寂滅後顯寂滅成此標體此彰要勝起下大眾令生樂欲下自陳有根有欲即成於此其第二段

普告一切菩薩眾言諸佛子諸菩薩願善決

定無雜不可見廣大如法界究竟如虛空盡未來際徧一切佛刹救護一切眾生為一切諸佛所護入過去未來現在諸佛智地

今初地體已如前辯文中初句標告諸佛子下正顯於中初句總明後無雜下別顯

何四

九

總中言菩薩願善決定者標人求故名為列法故云菩薩於大菩提立誓趣願即下初地中發菩提心也此願所以名善決定者以真實智攝故謂攝導此願皆令順理決擇指定故真智即善善即決定持業受

名故論云善決定者即是善決定此揀依
他受名也此已入初地是證決定非是地
前信地所攝之願受決定名若通論決定
有其六義一約行體決定堅固二望所證
決定須證三定能斷惑四決信不疑五決

能度生六決成佛果

今初地體下四釋文也即是品初有十種

體一離言體二所證體三能證體四能所
合體五隨相體六三昧體七就德體八隨
要體九總攝體十唯因體今此即當第八
隨要以六決定而為體也言菩薩下釋此
總句文有六段一解菩薩於大菩提下二
解願義於中有二初正釋願願以希求為
義故即下初地者即指初地住分之中菩
提心生即是此願故下文還指此願故
彼文云生是心者是本分中願善決定良
以心願體一故二處相指兩處之文俱顯
地體謂出世真證善根以能增長順趣菩
提故說名願亦名發心體雖是同隨義有
異心願不同言義異者謂大菩提起意趣
向是發心我要彼屬已是其願義問願善
是諸地體說分已下但是地相何故偏指
初地發心答曰就始言故又問願善是體
說分已下但是地相云何指相而得願體
答總相指彼在地相中分別指彼即相所

願果分發心是此願矣此願所以以下二釋
善決定今是證智相應之願真能隨理故名
決定今是證智相應之願真能隨理故名
為善此善即是決定之義真智即善下四
會六釋於中有二先正釋後故論下引證
過文未盡合言善決定者善即是決定此
已入下第五揀善決定地前亦有相心之
善非真智攝不名決定地前亦有相心之
非至順於理不得稱善故地持說決定有
三一一種性地名為決定定為佛種二解行
地名為決定定能發心三初地已上名為
決定今是第三揀非前二若通論下六通
別句願決定得名唯取第三決定耳後別
下中有六決定一一皆具今之六義
中此善決定有六種即經六句瑜伽地持
皆說此六名次小異大旨不殊此六行相
前五自分後一勝進五中前四自利後一
利他四中前三明行體德後一顯行功能
三中前二行體周圓後一行德具備二中
初一明行自體後一顯行離過是故自體
離過攝德為因二利行圓成就佛果此行
相也

後別句者釋此別句經前有三初就總開別瑜伽下二指文引證既諸論

皆說故要為六此六行相下三通相一無
料揀先後漸收後是故下順釋結示

雜者即觀相善決定真如觀一味相故謂

正體緣如境智一味為觀之相則無帶相

之雜一無雜有文總有四一釋經二即觀

三真如下即論釋也真如觀釋觀一味相

釋相理絕妄情說之為真諸法體同目之

為如照理名觀觀之體狀故名觀相四謂

正體下疏釋上論正體緣如轉釋真如觀

言正體者揀非後得是根本智名為正體

此是能觀如是所觀緣即觀義故唯識云

若時於所緣智都無所得爾時住唯識離

二取相故境智即是二取離二取相故為

一味即以一味為觀之體相一味是喻如

海雖廣同一鹹味亦如象藥煮之一羅其

味無別能觀所觀皆無所得即為一味則

無帶相者以論會經云無雜論以一味

何四

實下二論立名也非一

實故非世智所見

此真智超出世間可壞之法故名真實真

實善決定非一切世間境界出世間故謂

實故非世智所見

切下三是論釋義謂此真智下疏釋於論
由此句明行體離過行成離妄故曰真實
緣觀不觀名非世間境言出世間者釋釋
非境既是出世世智安知經云不可見斯
乃契實反望情想虛妄由來不有故名為
出非有世間對之出也謂此真下四疏釋
可知三廣大如法界者勝善決定論總釋云
大法界故一切諸佛根本故此中上句出
所如法界亦釋大義下句顯能如地智亦
釋廣義法界所以名界者一是因義迷悟
根故二是性義法本性故今能如地智為
佛根本故得如之況體合如無所如矣下
開義釋經標廣大釋以勝善此云何同論
總釋云大勝高廣一體異名法相義故言
一體者唯一味故異名者隨法相義故體
無不在曰大而相非情取曰勝理超數表
為高用無不該為廣上釋廣大二字次釋
法界名云一切法法爾故一切法者釋法

字法爾者即是界義性自爾故下法爾字
皆倣此知此上釋所如法界下辯能如地
智亦受四名一雙釋大勝義云復法界大
真如觀勝諸凡夫二乘智等淨法法爾故
此云淨者異前所如體該染淨故此即根
本智地當體稱如周徧名大形對凡小超
劣名勝二釋廣義云復法界大方便集地
謂說大乘法法爾故者以證真了俗廣集
大行既通二智故曰大乘三釋高義云大
白法界善法法爾故謂無漏善法出世表
故即二智所成之善故隨義立四不出境
智一如三廣大如法界者勝經勝善決定
義廣大故名勝此中上句出所下二疏
釋論上句即論云大法界故下句即一切
諸佛根本以地智是諸佛根本故如法界
之廣大也法界所以下次別釋二句先釋
所如法界後今能下合上二義法界為悟
之根今地智為菩提智根法界為諸法性

今地智為佛本性況體合下三釋成上表
地智所以得如法界者由契合故合則一
味離於二取故無所如智即是如況復相
契如是方是真如法界矣言一體下隨
釋論既是一體真如名故不妨將勝釋於廣
大更將高釋廣理亦無違四義同體故
法爾等者梵云達摩釋者此云法界亦云
法爾故一雙釋下論釋能如文有三段義
包四字於二段中皆初句標舉論意次舉
論文後疏釋論故隨義下三總結上三節
又大字為總故上四節皆有大言餘之三
義在三別中雖無其名義無遺矣然其三
段皆應有說大白第二顯廣云四究竟如
說大乘第三顯高特云白也
虛空盡未來際是因善決定此有二種一
成無常愛果因是因如虛空依是生諸色
色不盡故二常果因得涅槃道故故經云
何四
盡未來際有釋云一為生因生善提有為
果故二為了因了涅槃無為果故此順法
相不順經宗以經宗常與無常非一異故
今更直釋論文明此地智有其二能一寂
而常用故為無常因用雖虧盈而智無起

滅如所依空非無常故經明此智究竟如
空二用而常寂故爲常果因雖涅槃永寂
而智體不無不爾將何窮未來際若會三
身者用爲化身寂爲法身智爲報身非無
常矣設智爲了因亦雙了菩提涅槃故論

何四

十三

云涅槃道道亦菩提故若相融攝固不在

言言無常愛者用適機故

用雖虧盈者三

義智體如空非無常所生之色有起有
滅如用應機說爲無常言究竟如空者謂
畢竟無有不如空義若會下二會三身明
報身不在無常因中設智爲了因下三遮
救恐彼救云智爲了因了於涅槃若爲生
因生於菩提故今答云性淨菩提亦了因

所了本具智慧光明義故故論云下四釋
成上義古譯菩提名之爲道是故疏云道
亦菩提明論亦說菩提涅槃以爲常矣用
是無常若別對菩提涅槃因者卽寂之照
是菩提因卽照之寂是涅槃因寂照既
融二果亦融故云若相融攝故不在言五
徧一切佛刹救護一切衆生者大善決定
隨順作利益他行故卽普覆名大論又云

次前善決定此願世間涅槃中非一向住
故者謂由前因善則大智不住生死由此
大善則大悲不住涅槃前雖有應用亦智
所成故有云取前常果因故不住生死取
前無常果因及此大善爲不住涅槃亦不

遠理然約雙遮則俱不住若約雙照卽二

俱住謂大悲故常處生死等是故論云非

一向住

前雖有應用者遮難恐有難云常
果因是智無常果因爲用既爲應

用豈不是悲答因善中已成不住故爲此
答有云下二叙異解許不違理卽遠公意
謂常果因能得涅槃故於世間不一向住
無常愛果因及此大善能隨世間故於涅

樂不一向住然約雙遮下三廣釋不住之
義復有二義謂住不住論意卽是雙住之
義云非一向住不言無住然卽由非一向
住故成無住猶如船師非一向在此岸住
亦非一向在彼岸住故成無住運載衆生
而言謂大悲故常處生死等者字多義
一者等取大智故常處涅槃是俱住義二
大悲故不住涅槃大智故不住生死卽二
俱不住又一明俱不住者有二義故不住
生死一見生死過患故不可住二由見生

死本空無可住上二皆約智故不住有二
義故不住涅槃一見涅槃本自有故不住
二由不異生死故不可住又智與理實無
別異故能所絕跡故無能所住也則雙不
住生元涅槃上皆約智二明俱住者有二
義故住於生死一由見過患起大悲故住
為練除二見空故住不怖也上句約悲下
句約智又有二義一見過生歎故住二見
空即涅槃住此即常在生死恒在涅槃也
此二皆約智前了相後了性有二義故常
住涅槃一常證理故住二常化眾生故住
以所化眾生即涅槃故上句約智下句雙
具悲智又合生死涅槃二境體無二故無
偏住處故云無住又即住此無二之處故
亦云住又合住不住之二行以無礙良
以不住為住住為不住唯一無分別行故
無二也又合境行二門以法界法門絕能
所故平等法性唯一味故無境行之異也
上開則多門合則無二開合無二六為一
總為一大無障礙門言思斯絕故

切下是不怯弱善上入智地不怯弱故論

經關於一切諸佛所護一句但云入智地

不怯若準此經由佛護故入智無怯言佛

護者智造佛境佛智照故故佛所護與入

智地反覆相成一切下是不怯弱善決定
文中有三初論立名於深

何四
能入故不怯弱與入智地者智造佛境即
入智地故得佛護此以入智地成佛護由
得佛護得入智地
論下六相圓融類前可
見餘者是別相同相者善決定謂六種同
名善決定故異相者別相故一觀相二真
實三勝四因五大六不怯弱相別不同故
不同前別分一總句為六決定以爲別相
成相者略說故壞相者一一廣說故如世
界成壞前文已有
故云類前可見

佛子何等爲菩薩摩訶薩智地

第二地相中四一寄問徵起二佛子下舉

數顯同三何等下徵數列名四佛子此菩

薩下結名顯勝初一可知

何四

十五

佛子菩薩摩訶薩智地有十種過去未來現

在諸佛已說當說今說我亦如是說

二中以生成住持故三世同說同說之言

文在地相義兼地體二中以生成住持故

之與成望於佛果始起爲生終滿爲成亦
可生爲因成爲緣因有二種一證二報果

亦有二一是性淨二方便淨望性淨果證
道為因教道為緣望方便淨果教道為因
證道為緣因果功德皆因地智而住地智
能持有新勝能故三世同說同說之言者
地體最為要勝故又依論經初無寄問微
起釋不怯弱善竟便云諸佛已說今說當說
地是過去未來現在諸佛已說今說當說
故論先云復此十地生成佛智住持故如
引經佛子此等十地等方勝向所
引經文明是三世同說地體六決定也

何等為十一者歡喜地二者離垢地三者發
光地四者燄慧地五者難勝地六者現前地
七者遠行地八者不動地九者善慧地十者
法雲地

三列名中為對治十障證十真如成十勝

行說於十地及引諸論並如下廣釋中辯

三列名下疏文有三初總明即唯識論指
在說分然本論此中又有三段初列十障
二釋十地名三總以喻顯今就唯識廣第二
喻顯略標初段即今總明今當具顯故論
問云何故定說菩薩十地對治十障故何
者十障一凡夫我相障二邪行障三暗鈍
障四解法慢障五身淨慢障六微細煩惱
習障七細相習障八於無相有加行障九

不能善利益眾生障十於諸
法中不得自在障義如下說今依本論略
釋地名論云成就無上自利利他行初證
聖處多生歡喜故名歡喜地此有一義一
二利創成故二聖位新得故遂本期心故
生歡喜今依本論者即論第二段也論先
徵云何故十地初名歡喜乃至十

名法雲此有二義上則論文此下疏釋一
二利創成是其教行由前修習今得初成
非前能加故云無上二聖位新得即是證
行理即聖家故名為處此地證始故名為
初無上揀前初證揀後上二二離能起誤
喜事故生歡喜即是喜心
心犯戒煩惱垢等清淨戒具足故名離垢
地此有三義一即因離謂離能起誤犯煩

惱二果行離謂離犯戒惡業故云等也三
對治離謂清淨戒具足此有三義下釋論
義本地具之今當略釋因惑起業諸惑為
因攬因成行諸業為果行體清淨故能對
治然惑有二一麤二細犯由麤煩惱起於故
細即煩惱起於於微細煩惱起於於故
犯由細煩惱起於於微細煩惱起於於故
候何況故耶此之三義即同十住毗婆沙

論

三隨聞思修等照法顯現故名明地此
唯一義謂三慧照當地所聞之法若準下
論更有一義謂得四地慧光明相故如明
得定等故下論云彼無行無生行慧此名
光明依是光明故名明地然唯識此經皆

何四

十六

名發光謂成就勝定大法總持能發無邊
妙慧光故此則三義一定為能發二持為
能持三後地慧光為所發所持然三慧就
初發光約後故受名不同此唯一義下疏釋中三初順今釋開思修等是所知法順法正解故名為照照法分明稱為顯現言當地所聞者以此地中亡軀求法故若準下二引論重釋彼無行慧者義如下釋然唯識下三引他經論釋以此一地與經名別故引他論於中有四一雙標經論二謂成就下唯識論釋三此則三義下疏釋論文四然三慧下會今地論謂唯識以得三慧方發證智故慧光為後
四不忘煩惱薪智火能燒故名燄地
燄即慧燄故此名燄慧地此亦兼下二義

何四

十七

今即根本智火能燒前地聞持不忘恃以
成慢之煩惱故二就後得智起用故下論
云彼證智法明摩尼寶光中放阿含光明
入無量法門義光明智處普照示現以是
義故此地釋名為燄問約初義者前後諸
地豈不燒惑有二義故此偏受名一就寄
位言此地寄當出世間無漏故二以三學
此地當慧初得慧故此亦兼下疏釋二義前約內證後約外用據能燒惑應名火地但火能燒未必有燄今取有燄故能普照
五得出世
間智方便善巧能度難度故名難勝此唯
一義謂真俗無違極難勝故以三地同世
未能得出四地雖出而不能隨多滯二邊
難以越度今得出世又能隨俗巧達五明
真俗無違能度偏滯實為難勝此初得故
偏受其名五得出世間智下先舉論又遠公意云上二句解難度難度即

釋勝義今疏但通釋此唯下疏釋於中有
二先總明後以三地下別顯初三地是一
難度四地是二難度多滯已下結前難
度謂三滯世諸四滯出世云滯二邊上明
所度之境今得出世下是能度之法此句
由得四地已度世間故論云十平等心資
難得故又能隨下即是論文巧方便智已
入五地能度出世前三滯俗達真第四滯
真達俗今已度前故化衆生而無著故俗
不達真證出世智而起用故真不達俗則

前四地不能勝也若爾六地已上 六般若
豈不然耶故疏通云此初得故

波羅蜜行有間大智現前故名現前地謂

妙達緣生引無分別名般若行親如目覩

名曰現前對後彰劣名為有間以第七地

常在觀故六般若下先舉論後謂妙達下
疏釋於中有二初解大智準龍

樹云智有二種一小二大謂因分緣照
之解即妙達緣生大謂果分滅觀智心即

疏引無分別今取所引故云大智二親如

目下釋現前義三對後下釋有間字若遠

公意二智皆有 七善修無相行功用究竟

能過世間二乘出世間道故名遠行此或

三義一善修無相到無相邊故名遠行二

功用至極故名遠行三望前超過故名遠
行合唯一義善修無相行釋行字功用下
皆釋遠字然善修有二義一前地有間不
名善修今常在觀故云善修二捨有之無
非善修無今有無雙離故名善修云何雙

離謂空中方便慧故離有有中殊勝行故

離無下釋遠中功用究竟正明遠義如極

一界之邊故遠何所過望前三地相同世

間過之已遠望四五六相同二乘今亦超

過五地真俗無違何異此中有無雙離略

何四

大

有三異一彼猶未能過二乘故二雖以真

入俗猶於雙行未自在故三彼尚未得甚

深般若故於雙行非微妙故此或三義下
疏釋論文於

中有二初為三義釋次第對論三節可知
二合唯一下為一義釋先標然善下別釋

二字文八報行純熟無相無間故名不動

並可知

地此亦三義一捨三界行生受變易果故

云報行依此起行任運而成故功用不動

二得無生忍無相妙慧則有相不動三此

二無間煩惱不動合唯一義謂前地無相

已得無間相及煩惱亦不能動而為功用

所動無不動名今由無功用故令無相觀

任運無間故三不能動下輪王梵王之喻

可以證此此亦三義下疏釋第一義釋報

為報二依此下約行德釋所有行德由前

修起故名報行成就在今故云純熟即下

經釋名中名為無功用地先以成就故二

釋無相三釋無間即下經名為力持地他

不能動故意明功用不動下輪王喻者七

地菩薩煩惱及相已不動故而非報行不

動梵王捨欲生於梵天即功用不動故證

合唯一義遠公意云離功用相名為無相

空有雙現故曰無間則無相九得無礙力

說法成就利他行故名善慧地得無礙慧

尚未稱善徧說徧益方名為善九得無礙

其論文義通一地梵字取義即說成就於
中有三初得無礙力即口業成就謂內具
無礙之智外以美妙言說名無礙力二說
法成就者即智成就三利他行者即法師
自在成就故疏云通 十得大法身具足自

在故名法雲此有二義一得大法身語法

雲體具足自在釋法雲義謂能雲雨說法

自在用故此約能說為名二得大法身此

明法義是大法器故具足自在在此釋雲義

能受如來雲雨說故下釋名分自當廣釋

十得大法身先舉論後此有下疏釋有二

一以法身為雲此地菩薩法身普周一切

法界云大法身二以佛說為雲能受為法

即法界故論釋第十既云得大法身具足

自在恐滯於佛故寄對顯異失對下歎勝

論云如是受法王位猶如太子而得自在

後對上彰劣論云是處有微細智障故不

自在對治此障故說佛地釋曰謂金剛心

後微細障盡現前故第三次下論云

總喻十地疏略不出今當具之於中二喻
一喻十地在障未出一喻十名所顯之德
前中亦二先喻菩薩云又如懷孕在藏菩
薩十地亦復如是以前諸地有障故二喻如
來於中又二先喻體圓後喻用極前中論

云如子出時佛亦如是事究竟故二喻用
極論云又如生時諸根覺了佛亦如是於
一切境界智明了故在十地可知但喻於障
與前小異前之十障在十地前如第十地
於諸法中不自在障在於九地若斷此障
則得十地今明十障障在當處乃障於後
如十地有障未得成佛故猶喻在胎出胎
生時方喻於佛無有障故第二喻前十名
之德論但有喻而無合法而於胎中分為
十時以喻十地論云藏有十時一陀羅姿
身時遠公云前三梵語難解彼疏不釋今
以類取即俱舍涅槃之梵語也陀羅姿者
即最初羯刺藍淫樂云歌羅邏則大同也
俱舍譯為凝滑亦云合歌羅邏則大同也
初地如智契合離於生濕初託聖胎故論
云二者得擇羅娑身時釋曰即當俱舍次
生類部云此云胞也喻如二地初成身
之體論云三者尸羅陀身時即俱舍開尸
此云更肉如第三地忍辱柔軟亦禪定柔
軟也論云四者堅身時下皆唐言即俱舍
云閉尸生鍵南鍵南此云堅也正與此同
以四地出世法身堅固又精選堅牢故論
云五者形相相似色身時即俱舍次鉢羅奢
佉此云支節與形相似義同謂五地涉俗
不住道行則於一身有支節分段也上之
五位屬胎中名色文其第五位兼六處支
俱舍更有兩句云後髮毛爪等及色根諸
相論云六者性相似身時即猶屬上支節
之位已具六處如頭等六分成就身性論
云七者業動身時於其胎中已能動轉即

七地中得方便智起殊勝行故論云八者
滿足身時釋曰此下喻後三地行德滿足
論云於中有三種根滿足時男女相別滿
足時廣長諸相滿足時釋曰根滿足者即
六根也即俱舍云及色根也如八地報行
純熟二男女相別滿足時即俱舍云諸相
滿足者亦俱舍諸字攝謂第十地得大法
身充滿一切功德皆已滿故下論結
云如是十時諸地相似故釋曰上來論文
總喻十地大義易了故疏不存 此十得名
略有四對一約法喻發慧法雲法喻合目
餘皆就法二約體用歡喜善慧約體為名
餘皆就用三約自他離垢不動就他受稱
餘皆自義立名四約當位相形難勝遠行
形他受稱餘皆當位受名此十圓融地地
皆具若約行布則前前之名應該後後
後之稱不該前前如歡喜之名義該十地
法雲之稱不預前九今為顯別相各從初
得受名下文重顯

四結名顯勝可知

佛子我不見有諸佛國土其中如來不說此十地者

第三彰地要勝者爲欲令物生渴仰故文中二初明不見不說反顯十方報化皆說何以故此是菩薩摩訶薩向菩提最上道亦是清淨法光明門所謂分別演說菩薩諸地佛子此處不可思議所謂諸菩薩隨證智

二徵釋所由徵云佛國不同化儀亦異如

何十地要皆說耶釋意云此最勝故謂萬
法皆如體如成聖離斯證智皆是隨宜故
爲要勝文有四句初二句總標顯勝初句
證行謂諸佛證此爲因成菩提故餘皆助
道故此最上最勝

謂諸佛證此者釋經道
字十地證智爲佛因故

今經但云最上論經則云
增上勝妙法故最上最勝
次阿含法門者

名爲法體光明者顯照一切餘法門故次句

所有二義一卽上地法由此證真故能了

俗名爲光明二卽後得智爲體能
了
一切
餘法
餘法
門者
差別
法也
後二句

別顯其相初句釋前阿舍云分別說即明

前法光明是教體用此句是教所照法門

故論云分別十地事者顯示世間智所知

法故後二句者初句卽經所分別演說菩薩諸地後句顯上證

道非地前世智所知名不可思議故論云

顯示出世間智故說證將默故呼佛子已

後句顯上誣道者卽經佛子此處

不可思議所謂菩薩隨證智此有二句疏云一者是義句故若分二

者上句歎勝超劣下示其體相

二、原係尋常然踰金匱本第三十四之四

創 楚亮切
 詔 彌王切
 錫 居謁

類疊 類阿葛切 押 壯貢 災而亮切

世
上
學
徒
南
女
二
切
男
也

大方廣佛華嚴經疏鈔會本第三十四之五 何五

唐于闐國三藏沙門實叉難陀 譯

唐清涼山大華嚴寺沙門澄觀撰述

第六爾時金剛藏菩薩說此下請分中三

初說已默住二是時下三家五請三爾時

金剛藏觀察下許說分齊

所以默者將欲演之必固默之欲令大衆

渴仰請說故所以默下二顯意也然通論

顯之法二依法生成之行三以請對說互

相起成今三段中具此三意文中有一二

顯照所以今生愛樂請法行故文中又二

先立理借老子意彼道經云將欲歛之必

固張之將欲弱之必固強之將欲廢之必

固與之將欲奪之必固與之是謂微明釋

曰意明君子行權反經合義將欲歛之必

生情欲則先開張極其侈心今自固於愛

微而動則當歛歛安強弱等例然此道甚

意將欲為說必先默然令其敬請是欲說

也欲令大衆等者二正顯意也總云請說

細辨多意一令菩薩敬請二如來加請以

顯重法三希佛加被聽者四冀佛散其說

儀義在下科而論但云何故默然生後今

大衆渴仰請故後增菩薩導敬法故今疏

將論初意以釋默之所以俟請者略有二

意一增諸菩薩尊敬法故二前本分中舉

地歎勝為增樂欲令此請中生正解故云

何生解謂由請故得說默之由顯地體甚

深離於言念令衆先解後聞說分不隨聲

取離謬解故即復由此故有第三示說分

齊所以俟請下二釋請所以疏有二意前

重法行故由上首大衆及於如來加被請

說知法可重故增恭敬二為起說之由今

恭敬故則默便說二前本分下是疏第二

意曲有二意一為生行謂生正解解亦行

故若以請對說請為生解說為生行者但

就請解亦名行對所顯法說人名行故二

者顯法即次疏言云何生解等謂微釋上

解便明顯法請分為欲顯於地體離言念

故得說默之由者由解脫月意第一怪默

騰疑請第二金剛藏法深難受止即默所

以故經云菩薩行地事最上諸佛本顯示

分別說第一希有難微細難可見離念超

心地出全佛境界問者悉迷惑即默所以

中顯地體也令衆先解下釋上顯法之意

便成第三請說相成之義此中正明以請
起說然下說中意義有二一者明行二者
明起行今請對彼亦有二義一對彼後行
其起行若不正解後行顛倒隨聲取著行
亦謬故正今文意二望後教亦為起教衆
有謬解則藏不說故上辨起說意云何以
說成此請耶以後說因分行相言教詮表
顯斯地體真寶離相今明請意故畧不論
說能成請即復由此下釋第三段所以言
即復由此者上說默之由顯於地體甚深

爾時金剛藏菩薩說此菩薩十地名已默然
而住不復分別

初默可知

第二請中三家請殊即分三段謂初解脫
月請二大衆請三如來請

所以要三家者顯法深妙令聞解故衆首
顯揚當機渴仰化主加勸事方周故道大

兼亡法應請故為順請主此衆堪聞言不
虛故為成請者如來護念而生信受言有
徵故此約因請生請亦是次第又佛請者
即名為加謂衆雖已請要假主佛威光方
堪說故亦名為教如來教說顯剛藏說傳

佛教故又前二家請顯此地法因人修故

後一家請顯此地法佛所證故前之二請

餘經容有後之一請餘經所無法華三請

但是一家良以地法甚深寄位難說故

以下初正助分別衆首為正餘二為助道

大兼亡下二相因分別相顯起故道微則

自濟通大則兼亡亡字無心此訓無也若

加於心兼忘兩字出於莊子意於自他兩

忘若人相忘於道術魚相忘於江湖雖有

深意非此所用為順請主者此第二家因

第一家起也謂初剛藏云法深難受故止

不說次解脫月歎衆堪聞請云此衆無諸

垢志解悉明潔等衆若不請則非堪聞今
成請者即第三請亦請云佛子願承佛神力
月未後雙歎人法請云佛子願承佛神力

分別說此不思議法此人當得如來護念
而信受何以故說十地時法應如是得
佛護念得護念故於此智地能生勇猛即
其文也為成此言故有第三如來加請文
云若為善逝力所加當得法寶入其心即
護念生信有微也此約因請生請者總結
上意亦是次第者此中正顯三家所以致
文方說三家次第今此所以兼於次第助
亦是言又佛請如來為主故有言前之二
伴但可名請如來為主故有言前之二
請下第三結數此言因於天台而生謂法
華疏歎身千三請云餘經無此殷勤之請
唯華嚴解脫月請金剛藏可為連類而彼
因人請於因法此請佛慈故亦不同今此
翻明法華劣此畧言但是一家細分乃有
多異且列四門彼是一家此有三家一不
同也彼之一家但是聲聞此有五請三不
苦薩二不同也彼唯三請此有四不同也
同也彼唯唯因人請此有佛請四不同也
彼云法華請果華嚴請因者然此請因乃
是佛因說分等中因果乘是故經云此
是菩薩向菩提最上道亦是清淨法光明
門又云如來大仙道起佛境界第十地
後校量佛德地像分十山依地十德依
海皆明因果相順又智地亦通果故法華
門徹見果海所入智地亦通果故法華
然請說佛智及下廣說但示因果門故說
生皆有知見諸佛智惡即此證道其智慧
門即此教通教證二門該聖教耳又三請
非此獨因各隨所弘自揚聖教耳又三請

次第者初解脫月者彼眾上首故餘問則
亂何緣大眾不亂問耶眾調伏故由前二
止三請抑揚時眾故次眾請以表虔誠然
非爭起依前請儀同聲齊請故亦不亂後
聽說理窮故如來勸說又三請下第三明
由前下大眾同請二今初眾首請中總有
三請所以三者順世儀式少不殷重多則
繁亂正得中故以止有三抑揚當時調伏
機故二家助成各唯一請今初眾首下四
有四初辨三請意自有二意一順世得中
故二以止有三下對止須三故上意通諸
經下意正是今意抑揚當時者三止皆抑
三請皆揚謂初止通抑不堪次止正明法
深難受後止劣者不堪故皆抑也諸皆揚
者初請雙數人法皆是疑欲問次請眾堪
聞後請雙數人法皆是疑欲問次請眾堪
歎人法數法有教有證數人法說數聽
故請儀具矣二家助成者第一通妨謂然
有問言若三有表餘何不三通意可知然
依三請應分三段若兼三止應分為六以

前默住之止通爲五請之本不可唯屬於初故止請相乘且爲五段一怪默騰疑請二法深難受止三歎眾堪聞請四不堪有損止謂雖有堪者亦有不堪故五雙歎人法請謂不堪聞者以法深故亦得佛護固

何五

應爲說於是剛藏理窮更無違請

是時一切菩薩眾聞菩薩十地名不聞解釋咸生渴仰作如是念何因何緣金剛藏菩薩唯說菩薩十地名而不解釋

就初請中分二初明大眾觀默生疑二解脫月下騰疑爲請今初言何因何緣者疑怪之辭爲因說者不能說耶爲緣聽者不堪聞耶金剛藏下出所疑事

解脫月菩薩知諸大眾心之所念以頌問金剛藏菩薩曰

何五

五

二騰疑爲請中二初叙請因謂領眾疑故何故淨覺人念智功德具說諸上妙地有力不解釋一切咸決定勇猛無怯弱何故說地名而不爲開演諸地妙義趣此眾皆欲聞其心無怯弱願爲分別說眾會悉清淨離懈怠

嚴潔能堅固不動具功德智慧相視咸恭敬一切悉專仰如蜂念好蜜如渴思甘露

二以頌正請文有五偈顯說聽無過是以應說即分爲二初偈說者無過亦遣大眾何因之疑後四聽者無過亦遣大眾何緣之疑雖似初二徵默所由爲拂眾疑後三請說爲遂眾欲文影略耳非不互通故依前判今初歎說者淨覺無過偈初二字偈末三字合爲徵問之詞謂有中間淨覺無過何故不解釋耶聖德雖多偏歎淨覺者

是說因故覺即覺觀由此得爲口加行故
具能所治無思發言故云淨覺淨覺之人
名淨覺人三字爲總餘皆是別雖似初二
意前意約所歎分別歎說歎聽故分爲二
後釋約徵請分別徵請互有故依前判言
互有者如初二中何故不說即正顯微點
所由既云何故不關演亦是請說爲順衆

欲如後三中此衆皆欲聞願爲分別說正
是請順後說若爲宣說衆歎即除和視恭
敬義兼徵歎故論云述共相瞻住一切
咸恭敬即上句正是怪點意也故云互過
歎說歎聽則不互有故依前判歎合爲微
問之辭總言何故不解釋細論何故是微
問之辭不解釋是微問之相中間淨覺是
微問所以故疏合云謂有中間淨覺無過
何故不解釋耶具能別歎淨覺有二勝能
所治下別釋淨義

一攝對治謂念智具念謂四念智謂如智
二離諸過謂餘十字具字兩用初中由有
能治所治不生所治有二一者雜覺謂凡
夫尋伺與四倒相應即迷事倒以四念爲
治二雜覺因憶想分別謂隨名相轉即迷

理倒以真如智爲治前唯凡夫後通凡小
一者雜覺者常等四倒思求名覺穢濁之
心目之爲難雜以四念爲治者觀身不淨等
能治淨倒等二雜覺因者想心見倒能生
四倒名雜覺因憶想分別即三倒也憶是
心倒想是名倒因分別見倒今心亦倒不
能見如妄取染淨因果相故隨名相轉即
就釋論由不了如故隨名言離過者離三
相若得如智斯倒自亡

種過一由無瞋等功德具故離怪嫉過謂
無瞋治嫉等取無貪無貪治怪不等無癡
無癡即前念智攝故二由前已說上妙地
故無說法懈怠過三由有樂說辯力無不
樂說過是離怪嫉者格法爲怪忌勝爲嫉正
瞋爲菩薩大障故論舉瞋等貪無說法懈
怠者有人雖勤而無巧慧凡所言說今他
不樂故此不樂之言乃屬於他亦可屬自
若爾何異不樂怠耶謂復有人然念智正
爲治雜覺等故受治名而無瞋等本意不
爲治於嫉等有此任運自無彼故但名離

過然念智者三通妨難也謂有問言雜覺
是過有念智等即得名離性嫉是過功
德異等豈非能治何以前覺偏名攝治此
離性等為離過耶故為此通前由先有離
覺故修念智治之此中先無貪等自無怪
嫉故別立名前猶以藥治病後猶內有妙
藥眾病不生故有二別又遠公云念智內
德對治義願不貪無失離過義彰故有隱
顯理實 第二歎聽者無過中四偈分三初
具通

何五

七

二歎同生眾論云同法決定故有樂聞故
次一偈歎異生眾論云復示餘者心淨故
後一偈雙歎論云又顯此眾皆堪聞法故
第二歎聽者無過疏文有二先總科此中
引論即釋前偈前論雙明說聽無過上疏
已明總意及說者無過故今但引聽者無
過彼論云復願聽者同法決定故有樂聞
故復示餘者心淨故又顯此眾皆堪聞法
故偈言述共相瞻住故釋曰上即聽者論
又今疏以偈配之於文可見同法二字該
於二偈是同生眾故決定二字唯屬初偈
有樂聞者是第二偈異上同法而云餘者
故是異生此眾皆樂則知雙歎皆者俱故
今初二偈前偈歎根故云決定後偈歎欲
故云欲聞若有欲無根雖聞不解有根無

欲設聞不受故須雙歎 若有欲下雙結上
則猶牛跡不能受海欲約 今初同法即是
愛樂無之若許由洗耳 同生揀後異生決定即是根器揀後樂欲
初句為總論云決定者點慧明了故點慧
即根慧能知教慧能入證故 點慧即根者
即訓慧今分二別點即當智智能了事慧
照理故分於教證此二無暗通曰明了根
體是慧故以 次二句別論云決定有三一
點慧釋根 上決定願大菩提故云勇猛二名聞決定
他善敬重故云無怯弱由內無怯弱外著
大名三攝受決定謂彼說者善知故即經
說地名由堪攝受方為說耳下句微默可
知願大菩提者然經云勇猛無怯弱論經
云菩薩大名稱今順經帖願大菩提即
是論釋既云菩提則諸德皆上大願為主
故偏說之以梵云薩埵有勇猛義勇猛求
菩提故故二經語異願求菩提義同由內
無怯弱者即以此經會論經也以論經云
大名稱故上三決定若別相說前二後偈
是證決定後一阿舍決定通皆具二後偈

歎欲中初句所欲之法次二句正明有欲後句結請

論云是中若但有阿含決定無證決定但有非現前決定無現前決定如是決定法器不滿足故不能聽受者現前是欲現見

何五

八

起故非現前是根但冥具故此中意明但有根而無欲不堪聞法今前偈於教決解於理決證具二決定為非現前之根復有今偈現前之欲教證決定則具足決定故堪受也論云下初舉論文論初標云決定者是中有阿含決定等所以先標決定者以前偈云同法決定決定是根根能受法故云決定今此意云決定之言根欲具足方稱決定唯根無欲法器不具非真決定故此標云言決定者必須根欲言是中者聽者中有阿含決定非證決定者謂若前偈但有教根而非證根亦不具足則反顯前具有教證次云但有非現前決定無現前決定者明若前偈有教證之根為非現前決定而無今欲現前決定法器亦不具足故結云如是法器不滿足故不

能聽受則反顯前偈有根今此有欲為具足也若但兩字是說義加便義明了不運論意現前是欲下二釋現非現義言根但冥具者有人雖有堪聞之智為冥具而未欲聞故云冥具冥具宿成故如五頂子具足七德堪傳六句而著妻奴未欲其教此中意明下三總出論意即論云其心無示現此眾具足決定故能聽受其心無怯弱者論經云佛子智無畏無畏即無怯弱契理之心即名為智然智有二種一證法故此屬前根二現受故此屬今欲欲亦須智故於樂聞心無怯弱總前二偈根欲雙具諸地妙義願為說之其心無怯下第三隨要重釋於中有二先正釋此句後總前下第二一偈雙結數意釋於初句及第四句九歎異生眾但云眾會故雙歎根欲初句為總心無濁故名為清淨三句為別別離六濁一不欲濁謂無心餐採故離懈怠治之二威儀濁不恭肅故嚴整治之三蓋濁貪名等故潔淨治之四異想濁謂貢高雜

染輕慢雜染等皆名異想今說行堅固不動治之五不足功德濁善根微少故於彼說中心不樂住具功德治之六愚癡濁謂愚闇不了故智慧治之四異想濁者論云故破壞心故釋曰妬勝就人破壞約法又亦通二今不依論云貢高者義廣異想即喻伽論三十八云聽法由離六種相遠離貢高離由四種相遠離輕慢離由一種相遠離怯弱離由六種相遠離輕慢離由二般重聽三恭敬聽四不為損惱聽五聽二般重聽六不恭敬聽四不為損惱聽五不為隨順聽六不恭敬聽四不為損惱聽五恭敬正法二恭敬就人三不輕復由五相輕說人言一相者謂不自輕復由五相故無散亂心聽法一求悟解心二專一極心三聆音囑耳四掃滌其心五攝一切心故總有二謂不離染心無散亂一心聽法今疏舉前二名等取怯弱及無散亂上皆異想妬勝破壞此二偏重故本論舉之五不足功德濁此段全是論文善根微少語因中心不樂住明無現果謂由善少多緣多病懈怠散動故於就中心不樂住六第愚癡濁愚謂迷教暗謂惑理即拜上癡第三一偈雙歎二眾云一切故相視為總論云迭相共瞻者示無雜染故餘皆是別咸

恭敬等無輕慢雜染下半喻顯敬法轉深何有雜染第三一偈雙歎中三初總釋偈相視為總者正是此偈之總既雙歎二眾則相視之總通前四偈而論正說是此偈總下例餘偈皆有總別則歎異生中不濁是總上歎欲中欲聞是總初歎根中決定是總歎能說中淨覺是總別等可知論經云如蜂欲熟蜜古釋云齊心趣證如蜂熟蜜專意求教如渴思甘露今但云念蜜則二句皆通教證論經云云初二會經經二引古釋三會今經念通教證者熟蜜如教審成如證今念有二若明記為念即是念教若無念念者即是念證故起信云若知無有能念念所念是名隨順此念教也得入此念證也然蜂之念蜜渴之思漿喻希法喜解脫之味更言好蜜復思甘露顯法之妙思渴情深然蜂之下三別釋喻法華云法喜禪悅食更無餘食想解脫合上甘露甘露如漿故故淨名云甘露法之食甘露味甘為漿即甘露為食今以蜜當於食解脫味甘為配於解脫故涅槃中亦以甘露況於涅槃涅槃故樂即解脫故

爾時大智無所畏金剛藏菩薩聞說是已欲令眾會心歡喜故為諸佛子而說頌言

第二爾時大智下法深難受止文中二先叙意後偈酬前中令眾歡喜是總酬答相謂說偈本為除前疑惱得心喜故酬答有

二一堪酬答自有大智故二不怯弱酬答

不畏大眾之不堪故論云此二示現自他

無過故故後偈意明法難說非已無智而

不能說但言難聞非斥大眾全不堪聞

疑惱者由前觀照生疑疑則心惱又諸家說心尚疑惱故為除之今心得喜然大智

無凡乃是經家取當時意讚述說者是故論主用此成於總令意悅二不怯弱酬答論釋云離不正說者若畏大眾不堪隨情而說是不正說

菩薩行地事最上諸佛本顯示分別說第一

希有難微細難可見離念超心地出生佛境

界聞者悉迷惑

偈中五偈分四初二頌明法難說遣上何

因之疑成上有智次頌顯法難聞遣上何

緣之疑成前無畏三一偈喻難說聞後一

偈舉難結默

遣上何因之疑者上云何因何緣不說論釋云為因說者不能說耶為緣聽者不堪聞耶今云難說非不能說成上有智者亦由難說顯法難

聞下遣上何初中分二前偈顯難說之法

後偈彰難說所以今初偈末難字即是總

相謂難得故難得所以後偈明之此難有

二種一最難體出名相故經云第一二未

曾有難在相所無故經云希有上二明難

相何者是難法體即偈初二句菩薩行者

是出世間智謂即是證道證心涉境故名

為行地事者謂十地事行即是教道相差

別故最上者通說上二勝故諸佛本者釋

上證智得菩薩行名所以行是因義覺於

佛智所以名佛今此證智亦覺佛智故爲
彼本本即因也此之教證於何處成難謂
顯示分別說證道亡心故難顯示教道依
證亦難分別今初文也偈末難字下疏文
有四初釋難字此難有二者
二別釋第四句上四字明義難相何者是
下釋初二句明難法體覺於佛智者然論

但云諸佛之根本者覺佛智故此語迷人以佛是梵音覺是此語若順西方應云佛佛智故若順此國應云覺覺智故安得以唐釋梵為釋義耶此有深意謂佛智即是菩提此但云覺佛陀是人此云覺者以人得法故名覺者故今疏云覺佛智故故名為佛今十地菩薩為能覺人亦將因智以覺佛智故為佛本為分人法唐梵三影譯者之妙今加於字以釋論故此之教下釋第三句顯其難處難示難說即同淨名其說法者無說無示後約難聞即其聽法者無聞無得然無則一向約遮難則遮表雙辨若準楞伽宗通自修行說通示未悟宗說即是教證則二全別今明教證皆有說者有示有說但云難耳則示即說即證證之相如何可知廢詮論實其體一味說之為證亦如義大及說大三漸次中辨若真俗詮異說為十地目之為教以證攝教故俱

第二釋難所以者彼前菩薩行事所難說

以難者由住微妙深義故故論云彼菩薩
行事義住不可如是說第二釋難所以中疏大有二先總明
所以即是論意論云行者即勝前菩薩行
事者即勝前地事義住者語倒應言住義
致疏云由住微妙深義
源義即義大妙理也
彰深次句就勝顯妙末句舉聞迷惑顯成
難說於中難者是總相云何難難得難證
故難得難證者論經云難得論釋云難得
者難證故即以證釋得今疏經論雙牒
耳以論經有難字及難得字今經但有一
難字故雙牒彼經論論經偈云微難見離
念非心地難得境界難得有四一微細難
智無漏若聞則迷悶
得顯非聞慧境故難得有四下釋別於中
有三初釋對方彰深初
之二句一非聞慧境者乃有二義一非所
知境二非分齊境聞慧之中無此相故論
釋聞慧云羣事不須思惟二難見難得亦
謂教法羣事聞慧能得故
非思慧心眼見故二思慧則可了見於心
三世間之修未忘念慮
故並三離念難得亦非世間修慧境故以
非之
地智是於真修故非地前心數分別緣修

之境

三慧皆是世間何以就修偏云世間答有二義一修有真偽真修似於正

證故不揀之二報生識智亦四超心地難

得非唯非地前之境亦非登地已上報生

善得修道智境謂變易所起異熟心識名

爲報生生便能知無常等故名善得修道

何五

十三

智以非照實之智故亦不測地智知無常

等未忘心境名爲心地以七地已還皆容

出觀故又此善得修道智即加行後得智

非根本故所以揀之故瑜伽五十五修道

位中有出世斷道世出世斷道既通於世

故非其境

故名善得者生而即得不假修習故名善得其由生而知之者

上也言無常等取苦空無我及常樂我

淨以昔久修無漏因故變易酬彼名爲報

生言以非照實者釋不能知夫照實者忘

心體極今報生識雖知無常等不契合故

不能知此未忘心境界者心之通有二

義一就體性如梵網經說盧舍那佛心地

法門謂心體包含生成住持亦如法華一

切智地斯爲妙也今言心地是所揀者即

足心量法門故楞伽說覺自心現量非
心之心量我說爲心量心量即心地故既
非四心之境是誰境耶即佛智境何者是
智見實義故出生有二義一生彼佛智故
二出離於生是無漏故二出離於生者如見道名離生是無漏故離生之義前已類釋以論經云境界智無漏故爲此會無漏出生皆是離過當體得名生於佛智就於功能望他立末句
云所以難說者恐聞者隨聞取著悉迷惑
故

持心如金剛深信佛勝智知心地無我能聞
此勝法

第二一偈顯難聞者論云已辯難說復顯
難聞然偈中舉具德能聞反顯難聞兼欲
使人學能聞故於中三句舉德末句結成
能聞初中初句爲總謂持聽法心堅如金
剛則能得聞下二句別堅有二種一決定

信堅即第二句若無此堅於他分法不能入故二證得堅即第三句若無證堅於自分法不能入故

深信之相云何謂於佛智設心智不及仰推佛智非我境界是深信相即勝鬘三種

何五

十四

正智中仰推智也所信是何謂佛智慧以此地智上同佛智故佛智有二一菩提智是自行證法稱性無邊二化生權智是智他教法隨機隱顯種種差別即是法華諸佛智慧及智慧門於此二深皆能信故勝

言云何三種正智中仰推智者彼經勝鬘白佛離自毀謗生大功德入大乘道何等為三若善男子善女人成就隨順法智若善男子善女人於諸深法不自了知仰推世尊非我境界唯佛所知是名善男子善女人仰推如來智除此諸善男子善女人已餘諸衆生於諸深法堅著長說違背正法習諸外道腐敗種子當以王力及天龍鬼神

力而調伏之所信是何下釋佛勝智字於中而初明地智得佛智所以佛智有二下開義別釋此中有四對義共成一義謂一前是菩提實智後是化生權智二前是自行後是利他三前是證道後是教道四前實智稱性無分後權智則差別有隱顯說權為實則隱實施權說權為權則實皆顯其無邊種即是論文由佛菩提無有邊故故佛化生所說法門種種差別即是法華下三證成勝義即方便品初云

爾時世尊從三昧安詳而起告舍利弗諸佛智慧甚深無量其智慧門難解難入論釋云甚深故此二句即證甚深其智慧門則合甚深先唱警察羣座之心是也彼經自云二深見廣深遠即實智也如來方便釋知見波羅蜜皆已具足即權智也所以難解者一當體深故二權實隱顯故云唯法意趣難解即智之下廣文云諸佛隨說有諸佛一當體深故二權實隱顯故云難解者一當體深故二權實隱顯故云說有諸佛一當體深故二權實隱顯故云

衆導師無不由是生故地智二道微果海
之二深是所信也於此二深皆能信故結
成信云何證堅此亦有二一知是能證二

心地是所證言無我者通能所證心地即
二空眞理所依之事謂唯識相論云隨心
所受三界中報此即異熟識又隨心所行

一切境界亦名心地此即前七轉識及通

八識相分內外諸境於此二類如實了知

我法二空成無我智也所依之事者義出體性

能依理即無我故言唯識相者則顯非

唯識性唯識性即二無我理二無我理即

勝義諦故唯識云此諸法勝義亦即是眞

如常如其性故即唯識實性此分性相二

門不同即此心便是無我事理非異非

一此是所信論云下論釋心地通於二類

初即第八識又隨心下論釋心地通於二類

八識所緣之境言內外境者六識緣六塵

即是外境第七識第八識爲內境第八識

三境根身種子即是內境緣器世間即是

外境又意識亦通緣內外五識亦有通內

外義故云諸境而皆名心地者生成就住持

義故依八生於七七復熏成八以心變於

境託境而生心皆得心地名於此二類下

總相收束下句結成既知難聞之義如是
一句之意具上二堅方聞上來微細勝智

如空中彩畫如空中風相牟尼智如是分別
甚難見

第三一偈喻顯說聞中上半喻下半合此

中喻意不單取虛空以無畫處空不爲喻

故亦不單取畫以壁上畫不將喻故正取

空中之畫風喻亦然於中能依風畫以喻

阿含所依之空以喻證智然空中風畫不

可言無謂若依樹壁則可見故亦不可言

有依空不住故非有非無故不可說文意

正爾

論有三段初釋喻相次釋合相後揀喻不

同初中有三初離釋二喻以明非有次合

釋二喻以明非無三雙結二喻成不可說

釋二喻以明非無三雙結二喻成不可說

釋二喻以明非無三雙結二喻成不可說

釋二喻以明非無三雙結二喻成不可說

釋二喻以明非無三雙結二喻成不可說

前中畫喻有二一正顯喻相云此偈示現如空中畫色如壁者謂此空中畫色不異壁上畫色故云如壁若爾何以不見二顯其非有論云是中不住故不可見謂壁上之畫有壁可住故可得見空中之畫無可依住故不可見下風喻亦有二段一云如空中風如樹葉此正顯喻相二云是中不住故不可得見此顯非有謂樹葉上風有葉可依故可得見空中之風無可依住故不可見二合釋二喻以辯非無云此動作者非不空中有是二事此論意明但無可依故不得見非風動畫作其體全無三結成不可說義云是虛空處事不可得說處者虛空處是風畫所依之空虛空事是空中風畫之相由前義故不可說有由後義

何五

十七

故不可說無故此空處及畫事風事皆不可說其處所論有三段下三舉論廣釋具引論文釋釋畢備細尋可見第二釋合喻中次第合上三段而但雙合初論云是畫風如說者此合上喻相次論云以非自性不可得是不住故以其客故者合上非有即以非自性合上不住以其客故者出名無性不住所以謂名是實之實故無所住無自性也二合前非無云非不於中有此言說三合前結成不可說云如是佛智言說顯示地校量勝分別難見者佛智即所分別合上空處言說顯示下是能分別合上空中事以詮從旨故亦難見合上不可說處然論佛智即今經牟尼智牟尼此云寂默以智相即智性故此即地智而名佛智者無二體故亦是譯人見

何五

十八

牟尼之言謂是釋迦故耳

但文中云合上非有即以非自

性者由上論云以非自性不可得是不住故即知非自性不可得是聲名等從緣無性故不可得如彼風畫依空無住故云以緣生故無自性不住也出無自性者謂聲從名無得物之功物無當名之實名無得物之功非名也物無當名之實非物也若實即名見面則應知名若名即實召火則應

燒口故知名是假設安有自性即如風等與虛空合然論云佛智者即會論經今同異

第三揀喻不同者舉二喻者喻旨

別故論云畫者喻名字句依相說故謂畫

有相狀如名句之屈曲能顯地相風者以

喻音聲聲無屈曲如風一相假實既殊故

雙舉之又假實相依關一不可故云又說

者以此二事說聽者以此二事聞故舉二

喻雙喻說聞若將二喻喻所詮者仍有兩

重一風畫喻地相所以不可見者以同地

智故如風畫合空二將風畫復喻地智地

智所以不可說者以即同果分離說相故

如風畫合空若以果從因則亦可說以智

從相地有差殊以旨從詮可聞可說是則

無聞說之聞說也

假實既殊者出用四所

假故即總取四法為教體義耳入假實相

依者重釋用四之由名等依聲得有曲屈

故名等為能依若無名等空有一聲不能

詮表故非教體則聲依名等故云假實相

依若將二喻下四例釋說點謂上論文但

以風畫喻於能詮但有以空喻所詮佛智今

例論意唯就所詮自有兩重能所之異兼

上論意則有三重於中有二先以能依就

所依則三重皆不可說一以詮就旨二以

相就智三以因就果若以果從因下例以

所依就從相三以旨就詮是則風畫喻於

二以智從相三以旨就詮是則風畫喻於

三法一喻教二喻地相三喻地智當知虛

空亦喻三法一喻所詮二喻地智三喻果

海總有四法成三重能所逆

順互望則有六重可自思之

我念佛智慧最勝難思議世間無能受默然而不說

第四一偈舉難結默者若準上義以二事

音釋

送茂莫結切
輕易也切
杜結切
更也 聆盧經切
聽也 歛許及切
合歛也 黠胡八切
音轄

說以二事聞則可說可聞但是難見如何
不說故有此偈意云說聞本在證見難見
說之何益況復加以難信故我默然初句
所證見法次句難證難中之難故云最勝
次句難信非地前證信故曰世間上三句
舉難後一句結默

何五

十九

爾時解脫月菩薩聞是說已白金剛藏菩薩
言

第三解脫月歎眾堪聞請前已歎竟此復
歎者由聞上言證信難得顯示此眾有信

有證有堪能故

此復歎下生起歎意先問
言此復歎者以前怪默騰

疑請中已有四偈歎眾請竟今何重歎從
由聞上言下釋重歎意謂前歎眾不因止
生今歎因前法主
止生故得復歎 先長行後偈頌前中分
二先叙請

大方廣佛華嚴經疏鈔會本第三十四之五

